

# সাহিত্য-পরিষৎ-পত্রিকা ।

( ত্রৈমাসিক )

পঞ্চম ভাগ ।

শ্রীনগেন্দ্রনাথ বসু কর্তৃক সম্পাদিত ।

১০৮১ নং গণ পল্লী

বঙ্গীয় সাহিত্য পরিষৎ-কার্যালয় হইতে  
প্রকাশিত ।

কলিকাতা,

৬ নং ভীম ঘোষের রোন, গ্রেট ইডেন প্রেসে  
চিট, সি, বস এও কোম্পানি দ্বারা মুদ্রিত ।

বঙ্গাব্দ ১৩০৫ ।

বার্ষিক মূল্য ৩ তিন টাকা ।



## পঞ্চম ভাগের সূচী ।

বিষয় ।	লেখকের নাম ।	পৃষ্ঠা ।
১ । ইতিহাস—রচনার প্রণালী	শ্রীরজনীকান্ত গুপ্ত	১৯
২ । উপসর্গের অর্থ বিচার ( ২ )	শ্রীদ্বিজেন্দ্রনাথ ঠাকুর	১১২
৩ । উপসর্গের অর্থবিচার নামক প্রবন্ধের সমালোচনা	শ্রীরাজেন্দ্র চন্দ্র শাস্ত্রী এম এ	২৩২
৪ । গোড়াধিপ মদনপালের তাম্রশাসন	শ্রীনগেন্দ্রনাথ বসু	১৪৪
৫ । গোড়াধিপ মহীপাল দেবের তাম্রশাসন	শ্রীনগেন্দ্রনাথ বসু	১৬৪
৬ । চণ্ডীদাসের অপ্রকাশিত পদাবলী	...	৮১
৭ । চণ্ডীদাসের চতুর্দশ পদাবলী ( ২ দফা )	...	১৭৩
৮ । চণ্ডীদাসের পুথি সম্বন্ধে মন্তব্য	শ্রীনগেন্দ্রনাথ বসু	১৮৪
৯ । জয়ানন্দের আর একটু পরিচয়	শ্রীনগেন্দ্রনাথ বসু	২৯৪
১০ । দ্বিজ রামচন্দ্রের দুর্গামঙ্গলকাব্য	শ্রীশরচ্চন্দ্র শাস্ত্রী	১
১১ । দ্বিজ রামচন্দ্রের প্রকৃত কালনির্ণয়	শ্রীরমেশ চন্দ্র বসু	২৯২
১২ । ধোয়ী কবির পবনদূত	মহামহোপাধ্যায় শ্রী হরপ্রসাদ শাস্ত্রী	১৮৭
১৩ । পাঁচালিকার ঠাকুরদাস	...	২০৫
১৪ । রঘুনাথের অশ্বমেধ পঞ্চালিকা	...	১৩৮
১৫ । বঙ্গীয় সমাচার-পত্রিকা (কালানুসারী ইতিবৃত্ত)	শ্রীমহেন্দ্রনাথ বিজ্ঞানিধি	২৪৬
১৬ । বাঙ্গালার আদি রসায়ন গ্রন্থ	...	২২৩
১৭ । বাঙ্গালা পুথির বিবরণ	শ্রীরামেন্দ্র সুন্দর ত্রিবেদী	২৮১
১৮ । বাঙ্গালা পুথির সংক্ষিপ্ত বিবরণ	...	৭১, ১২৭
১৯ । বৈষ্ণব কবি জগদানন্দ	...	২৭০
২০ । শীতলা-মঙ্গল	শ্রীব্যামকেশ মুস্তফী	২২৭
২১ । স্ত্রীকবি মাধবী	...	১৫৯
২২ । হরি ও সোম	শ্রীসিকলাল ঘোষ	১৫
সাহিত্য পরিষদের কার্য-বিবরণ	...	১০ হইতে ২১/০





# সাহিত্য-পরিষৎ-পত্রিকা।

## দ্বিজ রামচন্দ্রের দুর্গামঙ্গল কাব্য।

দ্বিজ রামচন্দ্র একজন সংকবি, তাঁহার দুর্গামঙ্গল কাব্যের কতিপয় কবিতা আগার নিকটে বড়ই মধুর বোধ হইয়াছিল, তজ্জন্ত আমি এই কাব্যের বিষয়টী বঙ্গীয় সাহিত্য-পরিষদের মাননীয় সভাপতি ও সভ্য মহোদয়গণের গোচরে আনয়নের নিমিত্ত উপস্থিত হইয়াছি।

এই কাব্যখানি প্রাচীন, কিন্তু 'বাঙ্গালা ভাষা ও বাঙ্গালা সাহিত্য-বিষয়ক প্রস্তাব'-লেখক স্বর্গীয় পণ্ডিত রামগতি ন্যাযরত্ন মহাশয় এবং 'বঙ্গভাষা ও বঙ্গসাহিত্য' নামক গ্রন্থের প্রণেতা শ্রীযুক্ত দীনেশচন্দ্র সেন মহাশয় তাঁহার বিষয় কিছু উল্লেখ করেন নাই, সম্ভবতঃ এই পুস্তকখানি উক্ত দুই গ্রন্থকারের হস্তগত হয় নাই। এই কাব্যখানি গোয়ালন্দ উপবিভাগের অন্তর্গত হম্‌দম্পুর পোষ্ট আফিসের অধীন মূলঘর-নিবাসী শ্রীযুক্ত কাশীচন্দ্র আচার্য্য মহাশয়ের গৃহে হস্তলিখিত বহুসংখ্যক সংস্কৃত গ্রন্থের মধ্যে চাপা পড়িয়া ছিল, বিগত অগ্রহায়ণ মাসে আমি তাঁহার নিকট হইতে আনয়ন করিয়াছি। এই পুস্তকখানি তাঁহার পিতা স্বর্গীয় গোলাকচন্দ্র বাচস্পতি মহাশয় পাঠ্যাবস্থায় নবদ্বীপ কিংবা ত্রিবেণী হইতে নকল করিয়া লইয়া গিয়াছিলেন, স্মরণ্য কিঞ্চিৎ পূর্বগামী হইয়াও ইহার ভাষা বিষয়ে কোন পরিবর্তন ঘটে নাই। ১৭৪২ শকাদে বাচস্পতি মহাশয় ৭১ বর্ষ বয়সে পরলোক গমন করিয়াছেন, যদি তিনি পাঠ্যাবস্থায় ২৫ বৎসর বয়সে এই গ্রন্থখানি নকল করিয়া থাকেন, তাহা হইলেও বর্তমান সময় হইতে ১২৩ বৎসর পূর্বে ইহার প্রতিলিপি প্রস্তুত করা হইয়াছিল।

এই কাব্যের রচয়িতা কবিবর রামচন্দ্র আপন জন্ম সময় অথবা গ্রন্থ-রচনার কাল নির্দেশ করেন নাই। এই গ্রন্থের লেখা হইতে যাহা অনুমান করা গিয়াছে, নিম্নে তাহাই বিবৃত হইল।

কবিবর রামচন্দ্র তাঁহার কাব্যের মধ্যে এক স্থানে ফিরঙ্গী ও ফরাসী শব্দের উল্লেখ করিয়াছেন, যথা ;—

“কামান পাতিয়া আছে ফিরিঙ্গী ফরাস ।

দেখে কাঁপে কায়, যায় জীবনের আশ ॥”

এখানে ফিরিঙ্গী শব্দে পোর্্তুগীজ, আর ফরাস অর্থে ফরাসী অথবা ফিরিঙ্গি-ফরাস্ বলিতে শুধু ফরাসী জাতিকে লক্ষ্য করা হইয়াছে, উহা ঠিক বুঝা যায় না। এই কাব্যের কোথাও ইংরেজ কিংবা ইংরেজ রাজত্বের বিষয় উল্লিখিত হয় নাই, প্রত্যুত যে ভাবে যবন শব্দের ব্যবহার করা হইয়াছে, উহাতে এই কাব্যখানি যে মুসলমান রাজত্বের সময়ে ফরাসীদিগের বঙ্গদেশে আগমনের পর বিরচিত হইয়াছিল, এইরূপ অনুমান হয়। মুসলমান সম্রাট অরঙ্গজেবের অধিকার-কালে সায়েস্তা খাঁ বঙ্গদেশ শাসন করেন, তখন অর্থাৎ \* ১৬৭৩ খৃষ্টাব্দে ফরাসীরা চন্দন-নগরে কুঠী স্থাপন করেন, তাহা হইলে বর্তমান, সময় হইতে ২২৫ বৎসর অথবা উহার ২।১ বৎসর পরে এই কাব্যখানি প্রণয়ন করা হইয়াছিল। উক্ত দুই পংক্তি পৃষ্ঠ ও ভাষা দৃষ্টে বোধ হয় দুর্গামঙ্গল কাব্যের রচয়িতা কবিবর রামচন্দ্র অন্নদামঙ্গল-প্রণেতা কবিবর ভারতচন্দ্রের অনেক পূর্বে আবির্ভূত হইয়াছিলেন। কারণ উভয়েই যদিও সংস্কৃত কাব্য অলঙ্কার-শাস্ত্রে নিপুণ ছিলেন, তথাপি পরস্পরের ভাষার অনেক তারতম্য আছে। কবিবর রামচন্দ্রের রচনা ভারতচন্দ্রের রচনার ন্যায় সুমার্জিত নহে। আর ভারতচন্দ্র রায়গুণাকর ১১১৯ সালে অর্থাৎ বর্তমান সময় হইতে ১৮৫ বৎসর পূর্বে জন্ম গ্রহণ করিয়া ছিলেন †। তিনি যদি অনুমান ৩০ বৎসর বয়সে অন্নদামঙ্গল রচনা করিয়া থাকেন, তাহা হইলেও বর্তমান সময় হইতে ১৫৫ বৎসর পূর্বে অন্নদামঙ্গল প্রণীত হইয়াছিল। অতএব এই কাব্য যে অন্নদামঙ্গল অপেক্ষা অনেক প্রাচীন, এ বিষয়ে বোধ হয় সন্দেহ হইতে পারে না। কবিবর রামচন্দ্র দুর্গামঙ্গল কাব্যের মধ্যে যেরূপে আত্মপরিচয় জ্ঞাপন করিয়াছেন, নিম্নে উহা উদ্ধৃত হইল ;—

“গরিটি সমাজ ধাম, গোপাল মুখটী নাম, তার স্মৃত দ্বিজ রামধন ।

তাহার তনয় তিন, জ্যেষ্ঠ রামচন্দ্র দীন, গৌরী-গুণ করিল রচন ॥”

অন্য একস্থলে লিখিয়াছেন ;—

“জাহ্নবীর পূর্বভাগ, মেদন-মল্লাহুরাগ, তার মধ্যে হরিনাভি গ্রাম ।

তাতে কবি নিজ বাসে, শ্রীদুর্গামঙ্গল ভাষে, দ্বিজ কুলে রামচন্দ্র নাম †

অপর একস্থলে লিখিত আছে ;—

“হরিনাভি ধাম, দ্বিজ বিনোদরাম, তাহার তনয়স্মৃত ।

পাঁচলী প্রবন্ধে, কহে রামচন্দ্রে, সদাই বিনয়যুত ।”

\* “সায়েস্তা খাঁ তিন বৎসর ব্যতীত ১৬৬৪ খৃঃ হইতে ১৬৮৯ খৃঃ পর্যন্ত বাঙ্গালা শাসন করেন। তাহার সময়ে ফরাসীরা চন্দন নগরে ( ১৬৭৩ খৃঃ ) এবং ওলন্দাজেরা চুচুড়ায় কুঠী স্থাপন করেন ।”

( রাজকৃষ্ণ মুখোপাধ্যায় কৃত বাঙ্গালার ইতিহাস ৪১ পৃঃ )

† “ভারতচন্দ্র রায়গুণাকর । ইনি ১১১৯ সালে ( ১৭১২ খৃঃ ) বর্তমান জেলার অন্তর্গত ‘ভুরহট’ পরগণার ‘মধ্যে’ পাণ্ডুয়া গ্রামে ব্রাহ্মণকুলে জন্মগ্রহণ করেন ।” ( শ্রীযুক্ত বাবু কালীময় ঘটক প্রণীত চরিতাষ্টক )

এই সকল লেখা হইতে বুঝা যাইতেছে, কবি রামচন্দ্র অনুমান ২২৩ কি ২২৪ খৃস্টাব্দ পূর্বে ২৪ পরগণা জেলার অন্তর্গত ভাগীরথীর পূর্বতীরস্থ হরিনাভি গ্রামে রাঢ়ীয় শ্রেণী ব্রাহ্মণের মুখ্যে কি মুখোপাধ্যায় বংশে জন্মগ্রহণ করিয়াছিলেন। ইহার পিতামহের নাম গোপাল মুখুটী, পিতার নাম রামধন মুখুটী। ইহারা তিন ভ্রাতা ছিলেন, তন্মধ্যে কবির রামচন্দ্রই জ্যেষ্ঠ। তাঁহার মাতামহ দ্বিজ বিনোদরামও হরিনাভিতেই বাস করিতেন। শ্রীযুক্ত পণ্ডিত তারাকুমার কবিরত্ন মহাশয় বলেন, “পূর্বে জাহ্নবী হরিনাভির পশ্চিমভাগ দিয়া প্রবাহিত ছিলেন, এখন মজিয়া গিয়াছেন, উহার সামান্য চিহ্নমাত্র আছে।” কবির পরিচয় এই পর্য্যন্ত জানা গিয়াছে।

এখন দেখা যাউক, এই কাব্যের ‘দুর্গামঙ্গল’ নাম কেন হইয়াছে? শাস্ত্রবাক্যে ও হিন্দুধর্মের একান্ত আস্থাবান কবির রামচন্দ্র বঙ্গসমাজে পুরাণোক্ত দুর্গাপূজা ও দুর্গানবমীত্রতের উপদেশ প্রদানের নিমিত্ত এই কাব্যের নায়ক-নায়িকা-সংক্রান্ত ঘটনাবলীর মধ্যে দুর্গাপূজা ও দুর্গানবমীত্রতের বর্ণনা করিয়াছেন, এই জন্য কাব্যের দুর্গামঙ্গল নাম হইয়াছে।

এই কাব্যখানি হস্তলিখিত পুঁথির পাতার ১১৬ পৃষ্ঠায় সমাপ্ত হইয়াছে। মহাভারতের বনপর্কাস্তর্গত প্রসিদ্ধ নলোপাখ্যান অবলম্বনে মহাকবি শ্রীহর্ষ প্রথমে সংস্কৃত ভাষায় ‘নৈষধ-চরিত’ নামে প্রসিদ্ধ মহাকাব্য রচনা করেন। কবির রামচন্দ্র ঐ বিবরণ অবলম্বন করিয়াই বাঙ্গালা ভাষায় ‘দুর্গামঙ্গল’ কাব্য রচনা করিয়াছেন। এই কাব্যের উপাখ্যান মহাভারতে খেঁরুপ আছে, শ্রীহর্ষ মনোহর কল্পনার সাহায্যে উহাকে তদপেক্ষা কিঞ্চিৎ বিস্তৃত ও নানাবর্ণে চিত্রিত করিয়াছেন। কবির রামচন্দ্র উহার উপর আর একটু কল্পনা ও তদানীন্তন বাঙ্গালী সমাজের একটী নিখুঁত চিত্র সম্বলিত করিয়া ‘দুর্গামঙ্গল’ কাব্যের অবয়ব গঠন করিয়াছেন। শ্রীহর্ষ নলদময়ন্তীর বিবাহ-বর্ণন করিয়াই ‘নৈষধ-চরিত’ শেষ করিয়াছেন, কিন্তু শেষোক্ত কবি ‘দুর্গামঙ্গল’ কাব্যে নলোপাখ্যানের সমুদয় অংশই গ্রহণ করিয়াছেন।

বেদাচার এবং হিন্দুরীতিনীতিপরিভ্রষ্ট ব্যক্তিগণকে স্বধর্মের আকর্ষণ করাই ‘দুর্গামঙ্গল’ কাব্য রচনার উদ্দেশ্য। ‘নৈষধ-চরিত’-প্রণেতা যে সময় তাঁহার কাব্য রচনা করেন, বোধ হয় তখন বৌদ্ধ সম্প্রদায়ের সহিত হিন্দু সম্প্রদায়ের ধর্মমত লইয়া বাগ্বিতণ্ডা চলিতেছিল, শ্রীহর্ষ উহার একটু চিত্র ‘নৈষধ-চরিতের’ ১৭শ সর্গে লিপিবদ্ধ করিয়াছেন। তিনি কলি মুখে নাস্তিক ও বৌদ্ধগণের যুক্তি এবং দেবগণের মুখে আস্তিক ও হিন্দুগণের যুক্তি পরিত্যাগ করিয়াছেন।

কলি বলিতেছে\*,—কোনও বোধিসত্ত্ব জন্মগ্রহণ করিয়াছেন, যিনি বেদের প্রামাণ্য অস্বীকারের নিমিত্ত যাহা সংবস্তু তাহাই ক্ষণিক, এই অনুমান দ্বারা জগৎকে অনিত্য বলিয়াছেন। আর বৃহস্পতি বলেন, অগ্নিহোত্র কর্ম, তিন বেদ, মীমাংসা শাস্ত্র, ভস্ম দ্বারা তিলক,

\*কেনাপি বোধিসত্ত্বেন জাতং সত্ত্বেন হেতুনা। যদ্বৈদমর্ম্মভেদায় জগদে জগদস্থিরম্ ॥

অগ্নিহোত্রং ময়ী তন্ত্রং ত্রিদণ্ডং ভস্মপুণ্ড কমু। প্রজ্ঞাপৌরুষহীনানাং জীবো জন্মতি জীবিকাঃ ॥

শ্রুতিস্মৃত্যর্থবোধেয়ু নৈকমত্যং মহাধিয়াং। ব্যাখ্যা বুদ্ধিবলাপেক্ষা সা নোপেক্ষ্যা স্থখোন্মুখী ॥

এ সমুদয় বিবেকপৌরুষহীন ব্যক্তিদিগের জীবিকার উপায় মাত্র । মহাবুদ্ধি ব্যক্তিদিগের শ্রুতি স্মৃতির অর্থ গ্রহণ বিষয়ে ঐকমত্য হইতেই পারে না, কেননা ব্যাখ্যা-বুদ্ধিবলের অপেক্ষা করে, যাহা স্মৃথকর ব্যাখ্যা, উহা কোন প্রকারেই উপেক্ষা করা উচিত নহে । মৃত ব্যক্তি পরলোকে গিয়া ধর্মীয় কৃতকর্ম স্মরণ করে, তাহার শুভাশুভ কর্ম পরলোকেও তাহার অনুসরণ করে, শ্রাদ্ধাদিতে ব্রাহ্মণভোজন করাইলে মৃতব্যক্তির তৃপ্তি হয়, এ সকল ধূর্ততামূলক কথায় কাজ নাই । সেই পাণ্ডিত্যভিমानी চাটুবাদকুশল পাণ্ডবদিগের কবি যে বাস তাঁহার কথায়ও শ্রদ্ধা করা উচিত নহে ; যেহেতু পাণ্ডবেরা যাহাদিগকে নিন্দা করিয়াছেন, তিনিও তাহাদিগকে নিন্দা করিয়াছেন, পাণ্ডবেরা যাহাদিগকে প্রশংসা করিয়াছেন, তিনি তাহাদিগকেই প্রশংসা করিয়াছেন । কলি এইরূপ বহু তর্কের দ্বারা আস্তিক মত-খণ্ডন করিতে চেষ্টা করিয়াছিল । উহার উত্তরে ইন্দ্রাদি দেবগণও অনেকগুলি যুক্তির অবতারণা করিয়াছিলেন, কিন্তু মহাকবি শ্রীহর্ষ ইচ্ছা করিয়াই যেন ঐ সকল যুক্তিকে তত দৃঢ় করিতে চেষ্টা করেন নাই । দেবগণ বলিতেছেন,—হে নাস্তিকগণ ! পুত্রোষ্টিবাগ করিলে যে পুত্র জন্মে, ইহা ত সাক্ষাৎ দেখিতে পাওয়া যায়, অতএব ইহাদ্বারাও কি তোমাদের সন্দেহ নিরাস হইতেছে না ? বেদোক্ত জল ও অগ্নি পরীক্ষা দিতে যে প্রত্যয় উহাই ত তোমাদের নাস্তিকী বুদ্ধিকে গলহস্ত প্রদান করিয়া নিষ্কাশিত করিতেছে, অতএব তোমাদিগকে ধিক্ । কোন ব্যক্তিতে ব্রহ্মদৈত্যাদি ভূতযোনি আশ্রয় করিয়া যে গয়া-শ্রাদ্ধ ষাঙ্কা করে, সকল দেশেই ত এ প্রমাণ পাওয়া যায়, ইহাতে বিশ্বাস কর না কেন ? নাম ভ্রমে কোন ব্যক্তিকে যমদূতেরা যমসদনে উপস্থিত করিলে, যম তাহাকে প্রতিনিবৃত্ত হইতে বলেন, সেই ব্যক্তি পুনরায় স্বদেহে উপস্থিত হইয়া জীবনলাভ করতঃ প্রতিবেশিদিগের নিকটে যে যমলোকের কথা বলে, তাহাতেও কি তোমাদের পরলোকে বিশ্বাস হয় না \* ? দেবগণ এইরূপ অনেক যুক্তি নাস্তিক ও বৌদ্ধ মতাবলম্বী কলির নিকটে বর্ণনা করিয়াছিলেন । কবির রামচন্দ্র ওরূপ বিভিন্ন ধর্মাবলম্বীদিগের পরস্পর বিতর্ক বর্ণনা না করিয়া বৌদ্ধধর্ম, বৈষ্ণবধর্ম, কি মুসলমান ধর্ম-প্রচারে বঙ্গীয় হিন্দু সমাজের কিরূপ অবস্থা হইয়াছিল, তাহাই বর্ণন করিয়াছেন । প্রকারান্তরে হিন্দু সাধারণের স্বধর্মে প্রবর্তিত করিতে চেষ্টা করিয়াছেন । আমরা পরে উহার বিয়দংশ উদ্ধৃত করিলাম,—

মৃতঃ স্মরতি কৰ্ম্মাণি মৃতে কৰ্ম্মকলোৰ্ম্ময়ঃ ।

পণ্ডিতঃ পাণ্ডবানাং স ব্যাসশ্চাটুপটুঃ কবিঃ ।

“পুত্রোষ্টিশ্চেনকারীরী মুখ্য দৃষ্টকলা মুখা ।

জ্ঞানলপরীক্ষাদৌ সন্বাদৌ বেদবেদিতে ।

যাচতঃ স্বং গয়া শ্রাদ্ধং ভূতস্মাবিষ্ণু কঞ্চন ।

নীতানাং যমদূতেন নাম ব্রাহ্মণরূপাগতৌ ।

অশ্রুভুক্তৈ মৃতে তৃপ্তিরিত্যলং ধূর্তবার্তয়া ॥

নিবিন্দ তেষু নিবিন্দৎ স্তবৎস্ব স্তবতাং সকিং ॥”

নবঃ কিং ধর্ম সন্দেহ সন্দেহ জয় ভানবঃ ॥

গলহস্থিত নাস্তিক্যাং ধিক্ ধিয়ং কুবতে নতে ॥

নানাদেশে জলো পজ্জাঃ প্রত্যেযিন কথাঃ কথং ॥

শ্রদ্ধৎসে সংবদন্তীং ন পরলোককথাং কথং ॥”

( নৈমধচবিত ১৭শ সূর্গ )





দ্বিজ রামচন্দ্র কয়, গৌরী গুণ সুধাময়,  
রই মন চরণ-কমলে ॥

উক্ত কবিতায় যে মস্তক-মুগুন, দেবকর্মে ঘেষ, পিতৃশ্রাদ্ধাদিতে অবিশ্বাস প্রভৃতি যাহা বর্ণিত হইয়াছে, উহা কোন্ কোন্ সম্প্রদায়কে লক্ষ্য করিয়া ঠিক বুঝিতে পারা যায় না। পূর্বোক্ত ধর্মাবলম্বীগণের মধ্যে এক মুসলমান ধর্মাবলম্বী ব্যতীত বৌদ্ধভিক্ষু ও ভেকধারী বৈরাগীগণ মস্তক মুগুন করেন, পিতৃশ্রাদ্ধাদি করেন না। কিন্তু এক বৌদ্ধ ভিন্ন বৈষ্ণব সম্প্রদায়কে দেবকর্মে ঘেষ করিতে দেখা যায় না। আবার ২০০ বৎসর পূর্বে যে বঙ্গদেশে বৌদ্ধধর্মাবলম্বী ছিল, এমতও অনেকে বিশ্বাস করেন না। কবি বৈষ্ণবসম্প্রদায় সম্বন্ধে কি মত পোষণ করিতেন, তাহাও অনুমান করা হুঁহু। তিনি এক স্থানে লিখিয়াছেন ;—

‘সত্যবাদী জিতেন্দ্রিয়, ব্রাহ্মণ বৈষ্ণবপ্রিয়,  
মহেন্দ্র সমান ক্রিতিপতি।’

এখানে বৈষ্ণব অর্থে যদি বিষ্ণুর উপাসক বা বিষ্ণুভক্ত এই সাধারণ অর্থ গ্রহণ করা যায়, তাহা হইলে বোধ হয় শাক্ত কবি মহাত্মা চৈতন্যের প্রবর্তিত বৈষ্ণবধর্মাবলম্বী ভেকধারী বৈরাগীদিগকে লক্ষ্য করিয়া কটাক্ষ করিয়াছেন। শুনিতে পাওয়া যায়, বর্তমান সময়ে বৈষ্ণবধর্মের প্রতি লোকের যেরূপ শ্রদ্ধা, যখন এই ধর্মসম্প্রদায়ের প্রথম অভ্যুদয় হয়, তখন সাধারণের এতদূর শ্রদ্ধা ছিল না।

কাব্যের সাধারণ জ্ঞাতব্য বিষয় একরূপ বর্ণিত হইল, এখন এই কাব্যের উপাখ্যানাতিরিক্ত ঘটনা, নায়ক, নায়িকা, রস, গুণ, দোষ, রীতি ও অলঙ্কার প্রভৃতি সংক্ষেপে বিবৃত হইতেছে।

নিষধনগরের অধিপতি রাজা বীরসেন সন্তান না হওয়ায় দুঃখিত। প্রতিদিন মহাদেবের আরাধনা করেন। শিব তাঁহার প্রতি সন্তুষ্ট হইয়া পুত্র বর প্রদান করিলেন, কিন্তু বর দিয়াই তাঁহার মনে-চিন্তা হইল, সর্বগুণাম্বিত কোন্ ব্যক্তি ভূতলে জন্মগ্রহণ করিবে। একদা কুবেরপুত্র জয়ৎসেন স্বীয় প্রিয়তমা চন্দ্রমালার সহিত কৈলাসশিখরে মহাদেবের কাননে বিহার করিতেছিলেন, সেই সময় মহাদেব পার্বতী সহিত সেখানে উপস্থিত, তিনি কুবেরপুত্রের চপলতা দেখিয়া ক্রুদ্ধ হইলেন এবং ডাকিয়া বলিলেন, “তুমি কৈলাসে অবস্থানের যোগ্য নহ, যেহেতু তুমি পাপে আসক্ত, অতএব ভূতলে গিয়া জন্ম পরিগ্রহ কর।” অভিশাপ শ্রবণে কুবেরপুত্র কাঁদিয়া মিনতি করিতে লাগিলেন, তাহাতে পার্বতীর দয়া হইল, তিনি জয়ৎসেনকে বলিলেন, ‘বাছা ভয় নাই, তুমি ভূমণ্ডলে গিয়া জন্মগ্রহণ কর, তোমার কীর্তি ভুবন-বিখ্যাত হইবে।’ চন্দ্রমালাকেও বলিলেন, ‘সতি? তুমি পৃথিবীতে জন্মিয়াও নিজ পতি প্রাপ্ত হইবে, তোমাকে অনুমতি করিতেছি, তুমি আমার ব্রত প্রকাশ করিও।’ তাহার পর জয়ৎসেন ও চন্দ্রমালা যথাক্রমে নিষধদেশে ও বিদর্ভে জন্মগ্রহণ করিলেন। নলোপাখ্যান সকলেই অবগত আছেন, সুতরাং বাহ্যল্যভয়ে এখানে উহার সমুদয় অংশ উক্ত করিলাম না। মহাভারতে আছে, দময়ন্তীর গর্ভে নলের ইন্দ্রসেন নামক

সন ১৩০৫।

## দ্বিজ রামচন্দ্রের দুর্গামঙ্গল ।

পুত্র ও ইন্দ্রসেনা নামী কণ্ঠা জন্মগ্রহণ করিয়াছিল। ‘দুর্গামঙ্গলে’ আছে, নলের জয়ন্ত নামে পুত্র ও চন্দ্রমুখী নামে কণ্ঠা জন্মিয়াছিল ; জয়ন্তকে রাজপদে অভিষিক্ত করিয়া নল ও দময়ন্তী কৈলাসে গমন করিয়াছিলেন ।

এখন মহাভারতে ও নৈষধচরিতের সহিত এই কাব্যের কল্পনাগত যে সকল সাদৃশ্য ও বৈসাদৃশ্য লক্ষিত হয়, উহার কিঞ্চিৎ বিবৃত হইতেছে । নলোপাখ্যানে আছে, বিরহাতুর নল বনমধ্যে সুরবর্ণের শ্রায় সুন্দর কতকগুলি হংসকে দেখিয়া উহার একটা ধরিয়া ছিলেন\* । নৈষধকার শ্রীহর্ষ স্বীয় কল্পনার সাহায্যে হংসগণের মধ্যস্থ একটা মাত্র সুরবর্ণময় হংস তাহাদের স্বাভাবিক বিচরণস্থল কেলি-সরোবরে ক্রীড়া করিতেছিল, এইরূপ বর্ণন করিয়াছেন † । এই হংসই নলরাজার বিবাহের ঘটক । কেন যে হংসের সুরবর্ণময় দেহ হইয়াছে, তাহাও কবি হংসের মুখেই ব্যক্ত করিয়াছেন ‡ । কবির রামচন্দ্র এ স্থলে কল্পনা সঙ্গিনীর প্রিয়বন্ধু শ্রীহর্ষেরই অনুসরণ করিয়াছেন, তিনি লিখিয়াছেন ;—

“ভ্রমিতে ভ্রমিতে গেলা সরোবর-তীরে । অপূর্ব হংসের মালা খেলা করে নীরে ॥

লোহিত চরণ চক্ষু সুরবর্ণের পাখা । সরোবরে খেলা করে নিরমল রাকা ॥

হংস দেখি আনন্দিত নৃপসুত সুখে । অগ্নে অগ্নে এক হংস ধরিল কৌতুকে ॥”

আবার হংসের সহিত প্রথম কথোপকথনে কবি রামচন্দ্র শ্রীহর্ষের কথাগুলির প্রায় অবিকল অনুবাদ করিয়াছেন । নল হংসকে ধরিলে হংস বলিতেছে,—

“আমার দুঃখের কথা নাহি দিতে ওর । পক্ষিজাতি বাট কিন্তু বহুপোষ্য মোর ॥

জনক জননী জুরাগতিশক্তিহীন । নবীনপ্রসূতা বধু অতি অল্পদিন ॥

খুঁটে না খাইতে পারে যমক শাবকে । আমার বিহনে সবে বাঁচিবে কি শোকে ॥ ৪

কাতরে কহিছে হংস শুন মহারাজ । আমাকে বধিলে তোমার কিবা হবে কাজ ॥

দেখিয়া সুরবর্ণপক্ষ যদি বধ পাছে । এ হেন সুরবর্ণ তোমার কত পড়ে আছে ॥

সশৈল কানন পৃথ্বী তব অধিকার । লইতে আমার সোণা কিবা উপকার ॥

‘স দদর্শ ততো হংসান্ জাতরূপ পরিকৃতান্ । বনে বিচরতাং তেষামেকং জগ্রাহ পাণিনা ॥’

( মহাভারত বনপর্ব )

† “পয়োধি লক্ষ্মীমুখি কেলিপঞ্চলে বিরংসুহংসীকলনাদসাদরম্ ।

স তত্র চিত্রং বিচরন্ত মস্তিকে হিরণ্ময়ং হংস মবোধি নৈষধঃ ॥” ( নৈষধচরিত ১।১১৭ শ্লোক )

‡ “স্বর্গাপগাহেমমুর্গালিনীনাং নালামৃগালাগ্রভূজো ভজামঃ ।

অন্নানুরূপাং তনুরূপঞ্চক্ষিঃ কার্ধ্যাং নিদানাঙ্চি গুণানধীতে ॥” ( নৈষধচরিত ৩।১৩ শ্লোক )

§ “মদেকপুত্রো জননী জরাতুরা নবপ্রসূতির্বরটা তপস্বিনী ।

গতিস্তয়োরেষ জনস্তমর্দয়ন্ অহোবিধে ভাং করুণা রুগন্ধি ন ॥” ( নৈষধচরিত ১।১৩৫ শ্লোক )

¶ “ধিগন্ত তৃষ্ণাতরলং ভবন্ননঃ সমীক্ষ্য পক্ষ্মসম হেমজন্মনঃ ।

ভবার্ণবস্ত্রৈব তুষারশীকটৈঃ ভবেদনীভিঃ কমলোদয়ঃ কিয়ান্ ॥” ( নৈষধচরিত ১।১৩০ শ্লোক )

হংস দময়ন্তীর নিকটে গিয়া নলের রূপ গুণের বর্ণনা করিলে, দময়ন্তী মনে মনে নলকে আত্মসমর্পণ করিলেন এবং যাহাৰ্তে নল নরপতি তাঁহার পাণিগ্রহণ করেন, তজ্জন্ত হংসকে পুনঃ পুনঃ অনুরোধ করিতে লাগিলেন ; কিন্তু এখানে কবি রামচন্দ্র যে যে স্থলে নৈষধকারের কথার অনুকরণ করিয়াছেন, সেই সেই স্থলেই মনোহর বোধ হয়, অত্যাগ্র স্থলে শ্রীহর্ষের গায় নায়িকার মনের গভীর আবেগ প্রকাশ করিতে পারেন নাই । দময়ন্তী বলিতেছেন ;—

“তোমাৰে করিয়া সাক্ষী করিলাম পণ । সঁপিলাম তাঁর কাছে যৌবন জীবন ॥  
সেই নরপতি যদি নাহি পাই স্থির । নাহি যদি মিলে মোরে ত্যজিব শরীর ॥  
আপনি দেবেন্দ্ররাজ মোর কাছে আইসে । করিলাম সত্য নাহি যাব তার পাশে ॥  
সময় বিশেষে কবে মনোযোগ রয় । অসময়ে কহিলে বিফল পাছে হয় ॥  
যদি মুখ তিক্ত থাকে নাহি থাকে ক্ষুধা । সকল বিরস লাগে যদি খায় স্নুধা ॥  
ক্রোধের সময় কিংবা অগ্ন মনে থাকে । হেনকালে মোর কথা না কহিবে তাঁকে ॥  
স্বকার্য্য হইলে হংস কহে অতঃপর । পূর্ণ হবে অভিলাষ পাবে তাঁর বর ॥”

এই স্থলে নৈষধকার যেরূপ বর্ণন করিয়াছেন নিম্নে টীকায় ঐ কয়টি কবিতা উদ্ধৃত করা হইল \* ।

মহাভারতে আছে, স্বয়ম্বর-সভায় ইন্দ্র, যম, অগ্নি, বরুণ এই চারি দেবতা নলের রূপধারণ করিয়া উপবেশন করিলে একাকৃতি পঞ্চপুরুষ বিলোকনে দময়ন্তী সন্দেহে আকুল হইয়া দেবগণের শরণাগত হইয়াছিলেন । পরে দেবগণ দময়ন্তীর কাতর-প্রার্থনায় প্রসন্ন হইয়া স্ব স্ব রূপ ধারণ করিলে দময়ন্তী নলের কণ্ঠে বরমাল্য অর্পণ করেন + । এ স্থলে নৈষধকার

\* “অনৈষধায়ৈব জুহোতি তাতঃ কিং মাং কুশানৌ ন শরীরশেষাম্ ।

ইষ্টে তনুজন্মতনোঃ স নুনং মৎপ্রাণনাথস্ত নলস্তথাপি ॥

তদেকদাসীত্ব পদাচ্ছদগ্রে মদীপ্সিতে সাধু বিধিৎসুতা তে ।

অহেলিনা কিং নলিনী বিধত্তে স্নুধাকরেণাপি স্নুধাকরেণ ॥

শুদ্ধাস্তসম্ভোষনিতাস্ততুষ্টি ন নৈষধে কার্য্যমিদং নিগাদ্যাম্ ।

অপাংহি তৃপ্তায় ন বারিধারা স্বাদুঃ স্নুগন্ধিঃ স্বদতে তুষারা ॥

ত্বয়া নিধেয়া ন গিরো মদর্থাঃ ক্রুধা কদ্বক্ষে হৃদি নৈষধস্ত ।

পিভেন দুনে রসনে সিতাপি তিক্তায়তে হংসকুলাবতংস ॥

ধরাতুরামাহি মদর্থঘাচ্ঞা কার্য্য্য ন কার্য্যাস্তরচুষ্টিচিতে ।

তদার্থিতস্থানববোধনিদ্রা বিভর্ত্যবজ্জাচরণস্ত মুদ্রাম্ ॥

বিজ্ঞেন বিজ্ঞাপ্যমিদং নরেন্দ্রে তস্মাস্তয়ান্মিন্ সময়ং সমীক্ষ্য ।

আত্যস্তিকাসিদ্ধিবিলম্বসিদ্ধোঃ কার্য্যস্ত কার্য্যস্ত শুভা বিভাতি ॥”

( নৈষধচরিত ৩৭২-৮০, ৯৩-৯৬ শ্লোক )

“তান্ সমীক্ষ্য ততঃ সৰ্বান্ নির্বিশেষাকৃতীন্ স্থিতান্ । সন্দেহাদধ বৈদর্ভী নাভ্যজানন্নলং নৃপম্ ॥

শ্রুতানি দেবলিঙ্গানি তর্কয়ামাস ভারত ।

দেবানাং যানি লিঙ্গানি স্থবিরেভ্যঃ শ্রুতানি মে ॥

‘তানীহ তিষ্ঠতাং ভূমাবেকশ্চাপি ন লক্ষয়ে ।

স্য বিনিশ্চিত্য বহধা বিচার্য্য চ পুনঃ পুনঃ ॥”



শ্রীহর্ষ দময়ন্তীর সখীরূপে সরস্বতীকে স্বয়ম্বরস্থলে আনয়ন করিয়া সুন্দর কল্পনাশক্তির পরিচয় দিয়াছেন\* । বাঙ্গালা মহাভারত-রচয়িতা কাশীরাম দাস লিখিয়াছেন, দময়ন্তীর প্রার্থনায় দেবগণ স্ব স্ব চিহ্ন প্রদর্শন করিয়াছিলেন । তাঁহাদের অনিমিষ নয়ন, স্পন্দহীন দেহ এবং অঙ্গের ছায়া না দেখিয়া দময়ন্তী তাঁহাদিগকে দেবতা বলিয়া বুঝিতে পারিয়াছিলেন† ও তত্তৎ চিহ্ন-বিহীন নলকে বরমালা দান করিয়াছিলেন‡ । কবির রামচন্দ্র নৈষধকারের অনুকরণ করিতে গিয়া সরস্বতীর পরিবর্তে ভগবতী কাত্যায়নীকেই দময়ন্তীর সখীরূপে স্বয়ম্বর-ক্ষেত্রে উপস্থিত করিয়াছেন, যথাক্রমে পূর্বোক্ত বর্ণনাগুলি উদ্ধৃত করা গেল—

“বাসব বরুণ বহি যম চারিজনে ।	ভীমের তনয়া প্রতি কোপ আছে মনে ॥
যথায় বসিয়া আছে নল নরপতি ।	বসিল দেবতা তথা নলের আকৃতি ॥
একাকৃতি পঞ্চ নল বসিয়া সভায় ।	দেখিয়া ভীমের কণ্ঠা হইল বিশ্বয় ॥
একাকৃতি পঞ্চ নল সভা মধ্যে বসি ।	ভাবিত হইল বড় হেরিয়া রূপসী ॥
কারে দিব বরমালা কেবা হবে নল ।	বুঝিতে না পারি আমি কে কছিল ছল ॥
শ্রবণে কহেন তার হরের গৃহিণী ।	কি লাগিয়া অশ্রমনা হইলা স্বজনি ॥
পৃথিবীমণ্ডল মাঝে নাহি যার ছায়া ।	কখন সে নল নহে দেবতার মায়া ॥
সভা মাঝে বিরাজে নরেন্দ্র দক্ষ মুখে ।	মালাদান কর সখি পরম কোতুকে ॥”

এতক্ষণ এই কাব্যের কল্পনাগত বিষয় সকল বিবৃত হইল । সংপ্রতি এই কবির বর্ণনা-শক্তি ও ভাষার সৌন্দর্য্য সম্বন্ধে কিঞ্চিৎ উল্লেখ করা বাইতেছে । কবি রামচন্দ্রের রচনায় মাধুর্য্য, ওজঃ ও প্রসাদ এই ত্রিবিধ গুণই দৃষ্ট হয় । ছঃখের বিষয়, তাঁহার রচনার উৎকৃষ্ট অংশগুলি আদিরসে পরিপূর্ণ—স্মৃতির ইচ্ছানুসারে উদ্ধৃত করিতে পারিলাম না । মাধুর্য্য-গুণ-বিশিষ্ট বর্ণনা যথা,—

“এক দিন সখী সঙ্গে,                      দময়ন্তী মনরঙ্গে,  
পুষ্প-বনে করিল প্রবেশ ।  
স্তবকে স্তবকে ফুল,                      ভ্রমে গন্ধে অলিকুল,  
গন্ধবহ গমন-বিশেষ ॥

শরণং প্রতি দেবানাং প্রাপ্তকালমমমৃত ।

নিশম্য দময়ন্ত্যাস্তৎ করুণং পরিদেবিতম্ ।

যথোক্তকক্রিরে দেবা সামর্থ্যং লিঙ্গধারণে ॥” ( মহাভারত বনপর্ক । )

‡ “সাক্ষাৎ কুতাখিল জগজ্জনতা চরিত্রা তত্রাধিনাথমধিগত্য দিবস্তথা সা ।

উচে যথা স চ শচীপতিরভ্যধায়ি প্রাকাশি তস্ম ন চ নৈষধকায়মায়া ॥” ( নৈষধচরিত ১৩শ সর্গ । )

† “বৈদর্ভীর নির্ণয় জানিয়া দেবগণ ।                      আপন আপন চিহ্ন করান দর্শন ॥

অনিমিষ নয়ন যে স্পন্দহীন কারা ।                      অগ্নান কুসুম অঙ্গে নাহি অঙ্গছায়া ॥

বৈদর্ভী জানিলা তবে এ চারি অমর ।                      নল নরপতি দেখে ভূমির উপর ॥”

( কাশীরামদাসের মহাভারত—বনপর্ক । )

পাতিয়া অঞ্চল পাঁতি, তুলে পুষ্প নানা জাতি,  
 / কেহ দিল খোপায় চম্পক ।  
 বকুল কুসুমে মালা, গাঁথে হার কোন বালা,  
 কোন সখী তুলিল অশোক ॥  
 কোন সখী গিয়া তুলে, মল্লিকা মালতী ফুলে,  
 হার গাঁথি পরিল গলায় ।  
 কোন সখী হার নিল, দময়ন্তী গলে দিল,  
 কোন সখী সখীরে সাজায় ॥  
 বন্ধ ছিল হংস সত্যে, হেনকালে গেল মর্ত্যে,  
 উপনীত দময়ন্তী কাছে ।  
 হংস হেরি রাজকণ্ঠা, সঙ্গে কেহ নাহি অন্য,  
 ধরিতে ধাইল পাছে পাছে ॥”

ওজোগুণের সামান্ত উদাহরণ যথা,—

“উপনীত হইল গিয়া গড়ের ছয়ার । মাতঙ্গ তুরঙ্গ বাঁধা হাজার হাজার ॥  
 শেফাই সঙ্গীন চড়া পাহারা ফটকে । কাওয়াজ্ আওয়াজ্ ঘন ধড়কে ধড়কে ॥  
 কামান পাতিয়া আছে ফিরিঙ্গী ফরাস্ । দেখে কাঁপে কায় যায় জীবনের আশ ॥  
 ঘন ঘন গোলা ছোটে চোটে ফাটে মাটী । স্রুণেকে স্রুণেকে জয়ঢাকে মারে কাটী ॥  
 দ্বিতীয় গড়েতে গিয়া দেখে নরপতি । ছয়ারেতে দ্বারপাল বসিয়া সংহতি ॥  
 রাহত মাহত কত শত রজপুত । বিষম ভীষণ কায় শমনের দূত ॥  
 মাথায় পাগড়ী টেড়ি লাল কালা পীত । সঘনে মোচড়ে গৌফ জুলপী-শোভিত ॥  
 জবা জিনি দুই আঁধি আসবে আকুলি । গভীর বচন সদা অঙ্গে রাঙ্গা ধূলি ॥  
 কটি-ধটি-ধরা ঘোড়া করে তলোয়ার । ঢালি পাকি খেলে কেহ ঘুরাইয়া ঢাল ॥  
 ঘন ঘন ফেলে লড় ঘুরায় মুদগর । মালশাটে ফাটে মাটী ভেঙ্গে হয় চুর ॥  
 গগনে উড়ায় বাঁশ ঘন ঘন লোফে । কিলাকিলি ছড়াছড়ী পরম্পর কোপে ॥  
 ক্রমে ক্রমে সাত ধানা করিল পশ্চাৎ । পুরী মাঝে উপনীত হইল নরনাথ ॥”

প্রসাদগুণের উদাহরণ যথা,—

“নিদ্রাচ্যুত রূপবতী, নিকটে না দেখি পতি,  
 দময়ন্তী হইল বিস্ময় ।  
 রাজীর কাম্পিত তনু, রাহগ্রস্ত যেন ভানু,  
 শুঁকাইল সরস হৃদয় ॥  
 আছিলাম একসাধ, কোথা গেলে প্রাণনাথ,  
 ভয়ে প্রাণ স্থির নহে ধড়ে ।

শরীর হইল ক্ষুধ, চারি দিকে দেখি শূন্য,  
মোহ হয়ে ভূমিতলে পড়ে ॥  
ডাকে রামা অবিশ্রান্ত, কোথা গেলে প্রাণকান্ত,  
শান্ত কর দেখা দিয়ে মোরে ॥  
ক্ষমা কর পরিহাস, যায় হে জীবন আশ,  
মরি আমি কানন ভিতরে ॥”

কাব্যের গুণের কথা বলা হইল। এখন ইহার দোষের কথা কিছু উল্লেখ করা যাইতেছে।  
এই কাব্যে মধ্যে মধ্যে ২।৪টী ব্যাকরণ দোষ দৃষ্ট হয় যথা,—

- ১—প্রসব হইল কণ্ঠা শরদের কান্তি।
- ২—দময়ন্তী হইল বিস্ময়।
- ৩—মোহ হয়ে ভূমিতলে পড়ে।
- ৪—পাপেতে পূর্ণিত রাষ্ট্র।

উক্ত স্থলসমূহে “প্রসব, বিস্ময়, মোহ” প্রভৃতি বিশেষ্য পদগুলি বিশেষণরূপে প্রযুক্ত হইতে পারে না। “পূর্ণিত” এই পদটী ব্যাকরণদৃষ্ট। কারণ পূর্ ধাতুর উত্তর ক্ত প্রত্যয় করিলে, পূর্ণিত আর পূর্ণ এই দুই পদ হইবে। এতদ্ভিন্ন এই কাব্যে অশ্লীলতাদোষও যথেষ্ট, তবে এই কবি ভারতচন্দ্রের বিদ্যাসুন্দরের স্থলবিশেষের বর্ণনার শ্রায় কুত্রাপি অনবগুণন আদিরসের অবতারণা করেন নাই। অনেক স্থলে অতি সুন্দর কবিত্বপূর্ণ কবিতাগুলি অনাবগুণকীয় আদিরসে কলুষিত করা হইয়াছে। আর এই কাব্যের নায়িকা দময়ন্তীকে অত্যন্ত তরলমস্তির শ্রায় বর্ণনা করা হইয়াছে। তিনি বিরহে অধীর হইয়া কোকিল ভ্রমর প্রভৃতির উপর বড়ই মর্মান্তিক তিরস্কার করিয়াছেন, সে তিরস্কারের বর্ণনা অতি দীর্ঘ এবং উহার ভাষাও অত্যন্ত বিরক্তিকর এবং লজ্জাজনক, এ সমুদয়ই নৈষধকাব্যের অনুকরণের ফল।

বলা বাহুল্য এই কাব্য আদিরস-প্রধান। ইহাতে গৌণভাবে করুণরস প্রভৃতির বর্ণনা আছে। এই কাব্যের নায়ক নল। অলঙ্কারশাস্ত্রে ধীরোদাত্ত, ধীরোদ্ধত, ধীরপ্রশান্ত এবং ধীরুললিত নামে যে চারি শ্রেণীর নায়কের বিষয় বর্ণিত আছে, তন্মধ্যে নল ধীরপ্রশান্ত নায়কের লক্ষণাক্রান্ত। কবি নায়কের চরিত্র বেশ কোমল ও উদারতা পূর্ণ করিয়া বর্ণন করিয়াছেন। ইনি কোন অবস্থায়ই আপন মহত্ত্ব পরিত্যাগ করেন নাই। নল দেবগণের দৌত্যভার গ্রহণপূর্বক বিদর্ভরাজের অন্তঃপুরে গিয়া দময়ন্তীর নিকট দেবগণের প্রার্থনা জানাইলে তিনি কোন প্রকারেই উক্ত প্রার্থনায় সম্মত হইলেন না। তখন নল বলিতেছেন,—

“ঈষৎ হাসিয়া নল কহিছে বচন। অতি অনুচিত কথা কহ কি কারণ ॥  
ইহলোকে যাগযজ্ঞ ব্রত লোক করে। কামনা সবার অন্তে স্বর্গভোগ পরে ॥  
শত অশ্বমেধ ফলে হয় বজ্রধারী। তাহার রমণী হবে মান ভাগ্য করি ॥”

নল যাহার লাভের আশায় ব্যাকুলভাবে ক্রতগামী রথে আরোহণপূর্বক বিদর্ভ নগরে

গমন করিতেছিলেন, দেবগণের দৌত্যকার্যে প্রতিশ্রুত হইয়া তাঁহার সেই একমাত্র প্রিয়তমা দময়ন্তীর নিকটে দেবতাদের অসমক্ষে ঐরূপ অকপটভাবে প্রার্থনা করা অতি মহত্বের পরিচায়ক । এই কাব্যের নায়িকা দময়ন্তী,—তিনি স্বীয়া নায়িকার সর্বোৎকৃষ্ট দৃষ্টান্ত । দোষের মধ্যে বড় প্রগল্ভা, ঐ সকল কথা সখীদের নিকটে বলিতে গিয়াও লজ্জায় মস্তক নত করা উচিত, তিনি অনায়াসে হংসের নিকটে ও দৌত্যকার্যে ত্রতী নলের নিকটে সেই সকল কথা বলিতে কুণ্ঠিত হন নাই । তাঁহার সখীগণি আবার ততোহধিক নির্লজ্জ । নলের বিরহে দময়ন্তীর ভাবান্তর দর্শনে তাহারা উদ্যান হইতে ফিরিয়া আসিয়া রানীকে এমন ভাবে তিরস্কাত করিয়াছিল যে, তাহাদের বয়সের অযোগ্য ঐ সকল কথা পাঠ করিতে লজ্জা বোধ হয় ।

পূর্বেই বলা হইয়াছে, দুর্গামঙ্গল-কাব্য-রচয়িতা একজন কাব্যশাস্ত্রে নিপুণ পণ্ডিত ছিলেন । তিনি এই কাব্যে অল্পপ্রাস, উপমা, দৃষ্টান্ত, নিদর্শনা, অর্থান্তরঙ্গ্যস প্রভৃতি অনেক অলঙ্কারযুক্ত পঞ্চ লিপিবদ্ধ করিয়াছেন । এখানে উৎপ্রেক্ষা অলঙ্কারের দৃষ্টান্ত কতিপয় পংক্তি উদ্ধৃত হইল । এই প্রকার উৎপ্রেক্ষাকে মালারূপিণী উৎপ্রেক্ষা বলা যাইতে পারে । যথা,—

“সভা মধ্যে আসিয়া বসিল গুণাকর ।	তারকার মাঝে যেন শোভে শশধর ॥
পতঙ্গ উদয়ে যেন পতঙ্গ লুকায় ।	গরুড়ান্-মাঝে গরুড়ান্ শোভা পায় ॥
গর্দভ নিকটে যেন তুরঙ্গের শোভা ।	মক্ষিকা নিকটে যেন গুঞ্জে মধুলোভা ॥
ছাতারিয়া মাঝে যেন খঞ্জনের নৃত্য ।	প্রভুর অগ্রেতে যেন শোভা পায় ভৃত্য ॥
শ্বছোতের তেজ-লুপ্ত হয় দিবাভাগে ।	কুরঙ্গের রঙ্গ ভঙ্গ কুকুরের আগে ॥
নলের তেজেতে সবে হইল বিবর্ণ ।	রাঙ্গ মাঝে রূপা যেন পিতলে স্তবর্ণ ॥
কাচ মাঝে হীরা যেন ফটিকে মুকুতা ।	শেকুল কণ্টক মাঝে মালতীর লতা ॥
সারসের শোভা ক্রৌঞ্চ কুমুদের মাঝে ।	রাজহংস শোভা পায় কাদম্বসমাজে ॥
হেস্তাল কানন মাঝে শোভে নারিকেল ।	গাবের নিকটে যেন শোভা পায় বেল ॥
গ্রহরূপ সভামাঝে শোভা পায় নল ।	রামচন্দ্র কহে দুর্গা পদে দেহ স্থল ॥

এই কাব্যের বর্ণনায় ছন্দের চাতুর্য্যও নিতান্ত অল্প নহে । পয়ার, ত্রিপদী, দীর্ঘত্রিপদী, লঘুত্রিপদী, ভঙ্গপয়ার, চৌপদী, চন্দ্রাবলী প্রভৃতি অনেকগুলি ছন্দ এই কাব্যে ব্যবহৃত হইয়াছে । বাহ্যপ্রযুক্ত ছন্দের উদাহরণ উদ্ধৃত হইল না ।

পূর্বেই লিখিত হইয়াছে, এই কাব্যে দুইশত বৎসর পূর্কের বাঙ্গালীসমাজের একটী স্নন্দর চিত্র আছে । এখানে দময়ন্তীর বিবাহের বর্ণনার কিয়দংশ উদ্ধৃত করিয়া এই প্রবন্ধের উপসংহার করিব । বর্তমান সময়ের দুইশত বৎসর পূর্কেও বর্তমান সময়ের তুলনায় আচার ব্যবহারে বিশেষ কিছু পার্থক্য ছিল না । আলিপুরা দেওয়া, জলসাধা, গায়ে হলুদ, আইবড়-ভাত, চেদিরাজ বস্তুর পূজা, বুদ্ধিশুদ্ধ, সাতপাক প্রদক্ষিণ প্রভৃতি সমুদয়ই বর্তমান সময়ের প্রায় ছিল । যথা,—

“প্রভাতে উঠিয়া, হুলাহুলী দিয়া,  
 চলিল সংহিতে রাণী ॥  
 হুলাহুলী মুখে, রমণী কোতুকে,  
 হেমঘট কার করে । ১  
 তৈল গুয়া পান, করিতে সম্মান,  
 চলে প্রতিবেশী ঘরে ॥  
 আলিপনা দিয়ে, হেমঘট লয়ে,  
 জোড়-করে রাণী কম্ব ।  
 রূপা করি সবে, মোর বাড়ী যাবে,  
 দময়ন্তী-পরিণয় ॥  
 গৃহস্থের নারী, ঘটে দিল বারি,  
 লৈল তৈল গুয়া পান ।  
 হর্ষে রাজরাণী, লয়ে সয়া পানী,  
 নিজালয়ে পরে যান ॥”

জলসাধার কথা শেষ হইল, বিবাহের বর্ণনার কিয়দংশ উদ্ধৃত হইতেছে,—

“কদলীর তরু আরোপিল আগে আগে । বসাইল দময়ন্তী তার মধ্যভাগে ॥  
 সাতপাক প্রদক্ষিণ করি রামাগণে । স্নান করাইল পরে মহাহর্ষ মনে ॥  
 মঙ্গল আচার রমণীর কোলাকুলি । বাজিছে শঙ্খের ধ্বনি জয় হুলাহুলি ॥  
 দিবা অবসানকালে লগ্ন উপস্থিত । নলের বরণ করে নৃপতি ভরিত ॥  
 বরণ করিয়া নলে লৈল নিজালয় । প্রাঙ্গনের মাঝে নল পীঠোপরি রয় ॥  
 কুলবধু কুলকন্যা লইয়া নৃপরানী । বরণ করিতে যায় করে হেম ঝারি ॥  
 ধুতুরার ফলখণ্ডে প্রদীপ জালিয়া । কোন সহচরী লইল মাথায় তুলিয়া ॥  
 গুড় চাল দিল অঙ্গে ঝালি ঝাড়া পাত । বাঁধিল নলের মন দময়ন্তী সাথ ॥  
 বরণ করিয়া নিছাইয়া ফেলে পান । কোন কোন সহচরী পাক দিল কাণ ॥  
 রাজার রমণী তবে খান মনকলা । নলের নিকটে দময়ন্তী লয়ে গেলা ॥  
 সাতপাক ভ্রমি পরে নাড়িল ছায়নী । বদল করিয়া মালা করিল ছাড়নি ॥  
 বর কন্যা দৌহাকে আনিল সভামাঝে । রতির সহিত যেন অনঙ্গ বিরাজে ॥  
 সতিল গঙ্গার জল কুল দূর্বা ফল । আসন স্বাগত পাণ্ড অর্ঘ্য আর জল ॥  
 দধি ছন্ধ গধুর সহিত মধুপর্ক । বসন ভূষণ দিল যেন তুল্য অর্ক ॥  
 অভয়ার প্রীতে রাজা কন্যা দান করে । শেষে নল দময়ন্তী চাহে পরস্পরে ॥”

বিবাহ শেষ হইল, এখন বাসর ঘরের রঙ্গরসের কথার দুই চারি পংক্তি প্রদর্শিত হইতেছে । ইহাতে বিশেষ কোন অশ্লীলতা নাই, স্ত্রীশিক্ষা-বিস্তারের সঙ্গে সঙ্গে বাসরঘর একপ্রকার



নিস্তক হইয়া আসিতেছে । শিক্ষিতা বঙ্গমহিলারা এখন বড় আর বাসর ঘরে প্রবেশ করিতে চান না । অর্ধ-শিক্ষিতারাও অনেক পরিমাণে গাভীর্ষ্য অবলম্বন করিয়া থাকেন । এখন অনেক প্রসিদ্ধ স্থান হইতেও নব-পরিণেতা অক্ষত কর্ণে গৃহে প্রত্যাগমন করিতে পারেন । আজকাল যাহা কিছু আছে, ইহার পরবর্তী কবিগণের এ বিষয়ে লেখনী পরিচালনের বোধ হয় কিছুমাত্র সুযোগ ঘটিবে না । ষাহাহউক “মধুরেণ সমাপয়েৎ” এই বাক্যের অনুরোধে পূর্বতন বাসরঘরের যৎকিঞ্চিৎ বর্ণনামাত্র উদ্ধৃত হইল ।

“অস্তঃপুরে নারীগণ করয়ে কোতুক ।	রাজার রমণী আসি দিলেন যৌতুক ॥
ক্ষীরখণ্ডা ভোজন করয়ে দৌহে মিলি ।	বাসরে বসিয়া বর কণ্ঠা করে কেলি ॥
কুসুম-শয্যা নল জাগে বিভাবরী ।	কৌতুক করিছে আসি যত সহচরী ॥
আপনি রসিক নল তাহে রসকূপ ।	রসিকা সহিত রসে ভাষে নলভূপ ॥
রসিকা রমণী মেলি কেহ ধরে ঝুঁটি ।	কোন কোন সহচরী দিল কাণলুটি ॥
কপূর লবঙ্গ সহ তাশূল পুরিয়া ।	কোন সখী নল করে দিলেক তুলিয়া ॥
রমণী যুবতী যত রসিকা সাগর ।	নল রাজা রসে ভাষে বিবাহ বাসর ॥
এইরূপ নল রাজা জাগিল রজনী ।	বিরচিল রামচন্দ্র ভাবিয়া ভবানী ॥”

এইখানেই আমরা প্রবন্ধের উপসংহার করিলাম ।\*

শ্রীশরচ্চন্দ্র শাস্ত্রী ।

\* এই প্রবন্ধ প্রায় মুদ্রিত হইয়াছে, এমন অবস্থায় মেট্রপলিটান কলেজের সংস্কৃতাদ্যাপক শ্রীযুক্ত পণ্ডিত কালীকৃষ্ণ ভট্টাচার্য্য মহাশয় এই কবির সম্বন্ধে যাহা লিখিয়া পাঠাইয়াছেন উহার কিয়দংশ নিম্নে উদ্ধৃত হইল ;—“প্রায় শতাধিক বৎসর পূর্বে রামচন্দ্র মুখোপাধ্যায় হরিণাভি গ্রামে জন্মগ্রহণ করেন । তাঁহার ৪ ভাই ছিলেন । তাঁহাদের মধ্যে এক ভাইয়ের পুত্র শ্রীযুক্ত ভোলানাথ মুখোপাধ্যায় মহাশয় এখনও জীবিত আছেন । ইহার বয়ঃক্রম ৮৩ বৎসর হইবে । জয়ঘোষ নামে ইহাদের এক ধনাঢ্য শিষ্য ছিলেন, তাঁহার উৎসাহে রামচন্দ্র অনেক বাঙ্গালা কবিতাপুস্তক রচনা করেন । এই জয়ঘোষের পৌত্র এখন জমিদার । বাথর-গঞ্জে তাঁহার জমিদারী আছে । জয়ঘোষের উৎসাহে যে সকল কবিতাগ্রন্থ রচিত হয়, তন্মধ্যে গৌরীবিলাস, দুর্গামঙ্গল ( নলদময়ন্তী ), মাধবমালতী ( মালতীমাধব ) প্রভৃতি কাব্য প্রধান । এই সকল কাব্য যন্ত্রারূপে গীত হইত এবং শিষ্য জয়ঘোষ সমুদয় ব্যয় নির্বাহ করিতেন । যদি কেহ তাঁহার গুরু রামচন্দ্রের কোন যাত্রা শুনিতে চাহিত, তাহা হইলে জয়ঘোষ তাহার বাটীতে আলোক প্রভৃতির সমস্ত ব্যয় নির্বাহ করিতেন । রামচন্দ্রও যাত্রা উপলক্ষে কাহারও নিকট হইতে কিছু লইতেন না । প্রায় ৫৫ বৎসর হইল, রামচন্দ্রের কাল হইয়াছে ।” লোকের কথা ও অনুমানের উপর নির্ভর করিয়া স্বিজ রামচন্দ্র নামক প্রবন্ধে দুর্গামঙ্গল গ্রন্থের কাল নির্ণয় সম্বন্ধে যাহা লিখিয়াছিলাম, শ্রীযুক্ত কালীকৃষ্ণ ভট্টাচার্য্য মহাশয়ের পত্র-পাঠে উহা ঠিক বলিয়া বোধ হইতেছে না, তবে পত্রের ১৩ নম্বরে সন্দেহ আছে, ষাহাহউক, যদি এই পুস্তক মুদ্রিত হয়, তাহা হইলে উহার ভূমিকায় অনুসন্ধান করিয়া গ্রন্থকারের যথার্থ আবির্ভাব-কাল লিপিবদ্ধ করিতে চেষ্টা করিব ।

## হরি ও সোম ।

সংস্কৃত শাস্ত্রিকেরা একই শব্দের অনেকাংশ প্রকাশ-স্থলে 'শব্দশক্তি' স্বীকার করিয়াছেন । এই শব্দদ্বারা একরূপ অর্থ প্রতীতি হউক, এ প্রকার ইচ্ছার নাম শব্দশক্তি । তাঁহারা এই শক্তিকে ঈশ্বরেচ্ছা বলিয়া বর্ণনা করেন । সংযোগাদিহারা 'নানার্থ শব্দের অশ্রুত অর্থের বোধ হইয়া থাকে । অনেকাংশধ্বনীমঞ্জরীতে—

“হরিরিল্পো হরির্ভানুর্হরির্বিষ্কৃর্হরির্মকং ।

হরি সিংহো হরির্ভেকো হরির্বাজী হরিঃ কপিঃ ।

হরিরংগুর্হরির্ভীর্হরিঃ সোমো হরির্মমঃ ।

হরিঃ শুক্রে হরিঃ সর্পঃ স্বর্ণবর্ণো হরিস্মৃতঃ ॥”

হরি শব্দের যে পঞ্চদশটি অর্থ লিখিত আছে, সেই সকলের একটির সহিত অপরের যথাক্রমে কোন ধারাবাহিক সম্বন্ধ আছে কি না, অথবা কোন একটি মূলীভূত তাৎপর্যের ক্রমিক ভাববিকাশদ্বারা যথাক্রমে সকলগুলি অর্থেরই উৎপত্তি হইয়াছে, এরূপ নির্ধারণ সম্ভবপর কি না, তাহা আমাদের শাস্ত্রিকেরা অনুসন্ধান না করিয়াছেন, এমন নয় । প্রকৃতিপ্রত্যয়-বিভাগে শব্দ-ব্যুৎপাদিত করিবার জন্ত তাঁহারা যে বিশেষ চেষ্টা করিয়া গিয়াছেন, পাণিনি, কাতন্ত্র প্রভৃতি ব্যাকরণই তাহার সাক্ষী ; কিন্তু তাঁহাদের এতদ্বিষয়িণী চেষ্টা সম্পূর্ণ ফলবতী হয় নাই ; তাঁহারা তদবধারণে অসমর্থ হইয়াই ঈশ্বরেচ্ছার উপর ভার্যপণ করিয়াছেন । কৃতী সর্ববর্ণা-চ্যুর্ষ্য শব্দসমূহ বৃক্ষাদির গায় রূঢ় জ্ঞান করিয়া কলাপস্থত্রে কৃদন্ত শব্দের ব্যুৎপাদন করেন নাই । হরণার্থ “হ” ধাতু হইতে “হরি” শব্দ ব্যুৎপাদিত হইলেও, পাপনাশন শব্দচক্রধর হরির ধাত্বর্থের সহিত ভেদবোধক হরির যে কি সম্বন্ধ আছে, তাহার তত্ত্ব তাঁহারা নিশ্চয় করিতে পারেন নাই । কোন একটি শব্দের এক অর্থের সহিত অন্য অর্থের সাদৃশ্য দেখিয়া, সেই সাদৃশ্যের সিদ্ধান্তের চেষ্টা না করিয়া, তাহা যে ভাবের ক্রমবিকাশের ফল, ইহা শাস্ত্রিকেরা কোনরূপে স্বীকার করেন না । আমরা জনৈক মৈথিল কবির রচনায় দেখিতে পাই,—

“হরি গরজল, হরি গুনল,

হরিক সবদ গুনি হরি চললাহ,

হরি বাটে ভেঁটল, হরি হরি পিরল,

হরিক প্রতাপে হরি বচলাহ ।”

অর্থাৎ,—আকাশে মেঘগর্জন গুনিয়া ভেক ডাকিতে লাগিল, ভেকের শব্দে সর্প (ভোজনার্থ) পথে যাইতে যাইতে ময়ূরের দেখা পাইল, ময়ূর সর্পকে গ্রাস করিল, এইরূপে ময়ূরের প্রতাপে (সর্পের আক্রমণ হইতে) ভেক রক্ষা পাইল ।

উপরি উক্ত কবিতায় হরি শব্দের আকাশ, ভেক, সর্প ও ময়ূর এই চারিটি অর্থ একটি মূলীভূত কারণ হইতে উৎপন্ন হইয়াছে, ইহা কিরূপে প্রতিপন্ন হইবে ? আকাশের মেঘ-

গর্জনই সেই মূলীভূত কারণ। মেঘ-গর্জন হইতেই ভেকের ডাক, সর্পের আহারাশ্বেষণ-চেষ্ঠা, ময়ূর কর্তৃক সর্পনাশ ও ভেবের রক্ষা কল্পিত হইতে পারে'। ইহাই কি এ স্থলে ভাব-বিকাশের প্রণালী? এইরূপ রচনা পরিহাসপর হইলে, সকলে ইহার রসান্বাদন করিয়া আমোদিত হইয়া থাকেন; কিন্তু ইহা শব্দার্থের উৎপাদক ও বিকাশক হইলে পণ্ডিতেরা ইহাকে আবর্জনা বলিয়া পরিত্যাগ করেন।

শ্রীযুক্ত উমেশচন্দ্র বটব্যাল মহাশয় সাহিত্য-পরিষৎ-পত্রিকার চতুর্থভাগের তৃতীয় সংখ্যায় যে হরিনামের শব্দতত্ত্ব বিবৃত করিয়াছেন, সে প্রবন্ধে তিনি হরি শব্দের সর্কবিধ অর্থের পরস্পর সম্বন্ধ স্থাপনে চেষ্ঠা করেন নাই। তিনি ইহার হরিদ্বর্গ, সোম, অশ্ব ও বিষ্ণু এই চারিটি অর্থের ক্রমিক সম্বন্ধ এবং হরিদ্বর্গের তাৎপর্যার্থের ক্রমবিকাশ লক্ষ্য করিয়া হরিদ্বর্গকেই হরি শব্দের ঐ চতুর্বিধ অর্থের মূলীভূত কারণরূপে স্থির করিবার প্রয়াস পাইয়াছেন। অনেকাংশে অননিমজ্জরীতে এক স্বর্ণবর্ণের উল্লেখ থাকিলেও হরি শব্দে হরিদ্বর্গও বুঝায়। যথা মেদিনী,—  
“বাচ্যবৎপিঙ্গহরিতোঃ”।

বটব্যাল মহাশয় সিদ্ধান্ত করিয়াছেন, সোমলতা হরিদ্বর্গ। ইহার তিনি কোন প্রমাণ দেন নাই। গ্রন্থে সোমলতার যে বিবরণ দৃষ্ট হয়, তাহাতে অংশুমান, রজতপ্রভ, কনকাভ ও বিচিত্রবর্ণমণ্ডলচিত্রিত এই কয়েকটি বিশেষণে বর্ণের আভাস পাওয়া যায়। ইহাদের একটিও হরিদ্বর্গ জ্ঞাপক নহে; সুতরাং প্রমাণ ভিন্ন সোমের হরিদ্বর্গ স্বীকার করা যাইতে পারে না।

বৈষ্ণব শাস্ত্রে সোম ওষধিরাজ বলিয়া বর্ণিত হইয়াছে। ওষধি শব্দে জ্যোতির্লতা ও ফল-পাকাস্ত বৃক্ষাদি বুঝায়। রাত্ৰিকালে যে সকল লতা উজ্জ্বল দৃষ্ট হয়, সে সকলকে জ্যোতির্লতা কহে। সবুজবর্ণের অন্ধকার রাত্ৰিতে দীপ্তি কবির কল্পনায়ই শোভা পায়। সোম শব্দের নানার্থ। যথা হেমচন্দ্র,—

“সোমস্বোষধীতদ্রসেন্দুঃ,  
দিব্যোষধ্যাং ধনসারে সমীরে পিতৃদৈবতে,  
বহুপ্রভেদে সলিলে বানরে কিম্বরেখরে।”

যে সোমের রস পানীয়, সেই সোম “এক প্রকার ধর্মীকার বৃক্ষ” নহে, উহা লতা; এই বিষয়ে পূর্বাচার্য্যগণের মতভেদ দৃষ্ট হয় না। ভট্টিকাব্যের টীকায় “সোমরসং সোমলতানিষ্কৃষ্টং যজ্ঞীয়ং পানীয়-বিশেষং” সোমরসের এরূপ বর্ণনা দৃষ্ট হয়। সোমলতার পঞ্চদশটি পত্র। চন্দ্রের ক্ষয়-বৃদ্ধির ঞ্চায় সোমলতারও ক্ষয়-পক্ষে প্রতিদিন এক একটি পত্রের ক্ষয় হইতে থাকে, এবং বৃদ্ধি পক্ষে প্রতিদিন এক একটি পত্রের উৎপত্তি হইতে থাকে। চন্দ্রকসংহিতায় ইহার প্রমাণ দৃষ্ট হয়। যথা,—

“সোমনামোষধিরাজঃ পঞ্চদশপর্ণঃ,  
স সোম ইব হীয়তে বর্দ্ধতে চ।”

সোমের ( চন্দ্রের ) ঞ্চায় পঞ্চভেদে হ্রাস বৃদ্ধি আছে বলিয়াই এই লতার নাম সোম হইয়াছে।



ধাকিবে। সোমলতা চতুর্বিংশতি প্রকার। ইহাদের মধ্যে অশুংগান্, যুতগন্ধ, বজ্রতপ্রভ, ফদলীকন্দবৎকন্দ, মুঞ্জবান্, লশুনপত্র, চন্দ্রমা ও কনকাত্ত, এই অষ্টবিধ সোম জলে জন্মে। কতিপয় জাতীয় সোম বৃক্ষে জন্মে; ইহারা বৃক্ষাগ্রে অহিনির্মোকবৎ লক্ষ্যমান দৃষ্ট হয়। অপরাপর জাতীয় সোম বিচিত্র বর্ণসমূহে চিত্রিত। সর্কজাতীয় সোমেরই পঞ্চদশটি পত্র; সকলই ক্ষীরকন্দ ও লতাবৎ। মহেন্দ্র, মলয়, শ্রীপর্বত, দেবগিরি, হিমালয়, পারিষাত্র, সহ্য, বিন্দা প্রভৃতি পর্বতে এই সকল সোমের জন্ম। চন্দ্রমা-সোম সিদ্ধনদে শৈবালবৎ ভাসমান দৃষ্ট হয়। মুঞ্জবান্ ও অশুংগান্ সোম সিদ্ধনদেও পাওয়া যায়। জৈষ্ঠ-পাংক, জাগত ও শাকর প্রভৃতি সোম কাশ্মীরে ও ক্ষুদ্রমানস-সরোবরে পাওয়া যায়। গ্রন্থে একপই যজ্ঞীয় বা ওষধিরাঞ্জ সোমের বিবরণ দৃষ্ট হয়। সোমলতা ভারতবর্ষের কোথাও জন্মে কিনা, তাহা আমি অবগত নহি। শুনিয়াছি, কাশ্মীরে অত্য়পি সোমলতা পাওয়া যায়; কিন্তু এই কথাটি কতদূর সত্য, তাহা বলিতে পারি না।

বটব্যাল মহাশয় প্রবন্ধের এক স্থলে লিখিয়াছেন, “এখন আমাদের ব্রাহ্মণেরা সোমের পরিবর্তে পুতিকা (পুঁইশাক) ব্যবহার করেন, তাহাই এখন ‘সোমলতা’ হইয়া দাঁড়াইয়াছে।” পরলোকগত রমানাথ সরস্বতীও তদীয় ঋগ্বেদ-সংহিতার এক স্থলে “সোমাভাবে পুতিকাম-ভিষুয়ুয়াৎ” এই বাক্য উদ্ধৃত করিয়া লিখিয়াছেন যে,—“ষড়বিংশব্রাহ্মণেও মীমাংসাশাস্ত্রে সোমলতার অর্থে পুতিকা (পুঁইশাক) বিধান আছে।” পুতিকা (পুতিকা) শব্দের অর্থ ক্ষুদ্র গন্ধিকা। “পুতিকা” না হইয়া ইহা “পুঁতিকা” হইলে, ইহার (১) পুঁইশাক, (২) পুতিকা-করঞ্জলতা এবং বিড়ালী, এই ত্রিবিধ অর্থ অভিধানে দৃষ্ট হয়। অভিধানে “সোমপুতিকা” নামেও একটি শব্দ আছে; ইহার অর্থ,—“পুতিকরঞ্জলতা যজ্ঞে সোমলতার প্রতিনিধি হইয়া থাকে—একপ লেখা আছে। পুঁইশাক কোন ক্রমেই সোমলতার অল্পকল্প হইতে পারে না। “পুতিকা ব্রহ্মঘাতিকা”, ইহা জানিয়াও কোন ব্রাহ্মণ পুঁইশাক ব্যবহার করিবেন কি? কুম্ভমফুল, শ্বেতকলমী, শ্বেতবেগুণ ও পুঁইশাক ভোজন করিলে বেদপারগ দ্বিজও পতিত হন, ইহাই স্মৃতির শাসন। স্মার্ত রঘুনন্দন-ভট্টাচার্য্য লিখিয়াছেন,—

“কুম্ভমফলং নালিকাশাকং বৃন্তাকং পুতিকাং তথা।

ভক্ষয়ন্ পতিতস্ত্ব শ্রাদপি বেদান্তগো দ্বিজ ॥”

সোম দেবতার পানীয় সন্দেহ নাই; কিন্তু সেই সোম সোমলতার রস না অমৃত তাহাই বিচার্য্য। যজ্ঞীয় সোমরস দেবভোগ্য অমৃতের অল্পকল্প কিনা তাহাও বিচার্য্য। বটব্যাল মহাশয় নিজেই বলিয়াছেন যে, “ইন্দ্র একজন উৎকৃষ্ট নিরাকার দেবতা”। হরিহর ইন্দ্র নিরাকার হইয়াও সোমলতার রসপানের লোভে প্রাকৃত ব্যক্তির স্থায় ঘোড়ায় বা রথে চড়িয়া অনির্বার্য্যবেগে কিল্পে যজ্ঞস্থানে আগমন করেন, তাহা আমি বুঝিতে পারি নাই। তিনি নিজেই লিখিয়াছেন,—“ইন্দ্র কি বাস্তবিকই তীব্র সোমরস চুষুক দিয়া পান করিতেন বলিয়া সে কালের ঋষিরা বিশ্বাস করিতেন? কদাচ নহে।” আমি বুঝি যে,—আবাহনই ইন্দ্রের আগমন;

বিসর্জনই ইন্দ্রের গমন ; সংস্কার-সিদ্ধতার অর্থ এইরূপ আবাহন-বিসর্জনাতির প্রয়োজন আছে ; ইহার দৃষ্টান্ত স্থল, গঙ্গাজলে গঙ্গার আবাহন । আমি বুঝি যে,—দেবতা মন্ত্রাঙ্ক, তাঁহার বাহনও মন্ত্রাঙ্ক, আবাহন-বিসর্জনাতি উপাসকের সংস্কারসিদ্ধি, দেবতার সোমরসাদি-পান উপাসকের চিত্তশুদ্ধি বা প্রয়োজন-সিদ্ধি । দীক্ষিত হিন্দু মাত্রেই এইরূপ ধারণা ।

যদি হরি শব্দে বাস্তবিকই যথাক্রমে হরিদ্বর্ণ, সোম, ইন্দ্রের বাহন অশ্ব এবং যজ্ঞপুরুষ বিষ্ণুকে বুঝাইত, তাহা হইলে বেদেই হউক, কি কোন সংস্কৃত প্রাচীন গ্রন্থেই হউক, হরি শব্দের এইরূপ ক্রমিক অর্থজ্ঞাপক প্রয়োগ অবশ্যই থাকিত । বটব্যাল মহাশয় এতদ্বিষয়ের এরূপ প্রয়োগ উদ্ধৃত করেন নাই । বটব্যাল মহাশয় এক স্থানে লিখিয়াছেন,—

“মাদক’ হরি চিরকালই গানের উদ্দীপক, কিন্তু আমাদের মধ্যে কেহ কেহ যে মনে করেন, যে বস্ত্রহরণ বা পাপহরণ করাই হরির ‘হরিদ্ব’, তাহা নহে । বস্ত্রহরণ ও পাপহরণ দুইটিই আমার মতে কল্পনামাত্র । হরির ‘হরিদ্ব’ বাস্তবিক কৃষ্ণের কৃষ্ণত্বের মূল ।”

গানের উদ্দীপনেই যদি হরির “হরিদ্ব” প্রকাশ হইত, তাহা হইলে অষ্টাঙ্গযোগের কোন সার্থকতা থাকিত না । পূর্বে বলা হইয়াছে, হরণার্থ “হ্” ধাতু হইতে হরি পদ ব্যুৎপাদিত হইয়াছে । স্মরণ্য—

“রুদ্ররূপেণ সংহর্তা বিখ্যানামপি নিত্যশঃ ।

ভক্তানাং পালকো যো হি হরিশ্চেন প্রকীৰ্ত্তিতঃ ।”

হরি রুদ্ররূপেই যে কেবল সংহার করেন, তাহা নহে, পালনেও দণ্ডনীতির আবশ্যকতা আছে । অমূলোমক্রমে প্রকৃতির বিকৃতিই সৃষ্টি, আর বিলোমক্রমে লয়-নাশনই ক্রমিক মুক্তি । এই মুক্তি উপাশ্র দেবতার কৃপাসাপেক্ষ । এইরূপ কৃপাই ভক্তের সম্পত্তি । সোমরসের মত্ততায় উদ্দীপন হয়, বলিয়া যদি হরির “হরিদ্ব” হইত, তাহা হইলে কেহই বোধ হয় ধর্ম্মে স্থির থাকিতে পারিতেন না । হরির পাপহরণ-রূপ কার্য উপাসকের একমাত্র ভরসা, ইহাতেই উপাশ্র ও উপাসকে সম্বন্ধ এবং এই নিমিত্তই উপাসক শোকহঃখ উপেক্ষা করিয়াও একমাত্র হরিপাদপদ্ম ভরসা করিয়া থাকেন ।

শ্রীরসিকলাল ঘোষ ।

## ইতিহাস-রচনার প্রণালী ।

ইতঃপূর্বে মাইকেল মধুসূদন দত্ত সম্বন্ধে সে প্রবন্ধ পত্রিকায় প্রকাশিত হয়, তাহার এক স্থলে উল্লেখ ছিল—“সমাজের আদিম অবস্থায় মানুষ প্রায়ই কল্পনাপ্রিয় হইয়া থাকে । বেগবন্তী তরঙ্গিনী, সমুদ্রত পর্বত, সুচ্ছায় বৃক্ষ, অনন্ত নীল আকাশ প্রভৃতি প্রাকৃতিক দৃশ্য যেমন একদিকে তাঁহার কল্পনার লীলাস্থল হয়, মহত্তর বা নিকৃষ্টতর মানব-চরিত্রও সেইরূপ তাঁহার রসময়ী কবিতার বিষয়ীভূত হইয়া থাকে । এই অবস্থায় কবিতা প্রায়ই উদ্ভাবনা উদ্দীপনা প্রভৃতি গুণে উৎকর্ষ লাভ করে । উহা বিমল স্রোতস্বতীর স্তায় যেরূপ প্রসাদগুণবিশিষ্ট হয়, সেইরূপ আবেগময় হইয়া থাকে । \* \* \* বাণ্মীকি বা হোমর যাহা দেখেন নাই, কল্পনাবলে যাহা ভাবিতে পারেন নাই, বৈজ্ঞানিক ও গণিতজ্ঞের ক্ষমতায় তাহা লোকের হৃদয়ঙ্গম হইতেছে ; কিন্তু বাণ্মীকি বা হোমর কাব্যজগতে যেরূপ ক্ষমতার পরিচয় দিয়া গিয়াছেন, আজ পর্য্যন্ত কেহই সেরূপ ক্ষমতা দেখাইতে পারেন নাই । সভ্যতার আদিম অবস্থা মানুষকে অধিকতর সরল এবং তাহার ভাষাকে অধিকতর কবিত্বময় করে ।” এইরূপ সারল্যময় ভাব, এইরূপ প্রতিভা, এইরূপ কল্পনার জগৎ আমরা সমাজের আদিম অবস্থায় সরল ও স্বাভাবিক কাব্য দেখিতে পাই । সমাজ যত উন্নত হয়, বিজ্ঞান, জ্যোতিষ ও ইতিহাসাদির তত উন্নতি হইতে থাকে ।

কিন্তু প্রাচীন সমাজে কবিতার প্রাধান্য থাকিলেও যে, ইতিহাসের উৎপত্তি হয় নাই, এমন নহে । প্রাচীন সময়েও হিরদোতস্, থুসিদাইদিস্, জেনোফন্ এবং লিবি প্রভৃতির আবির্ভাব হইয়াছিল । ইহারা যে সকল ইতিহাস লিখিয়াছেন, তৎসমুদয়ের গৌরব বর্তমান সময়েও অন্তর্হিত হয় নাই । যাহাহউক, সাধারণতঃ প্রাচীন সময়ে লোকের হৃদয় কবিদের দিকে অধিকতর আকৃষ্ট হইয়া থাকে । কবি কল্পনারাজ্যে বিচরণ করিয়া, যে সকল বিষয় সজ্জিত করেন, উত্তরকালে ঐতিহাসিক তৎসমুদয় হইতে ইতিহাসের উপকরণ সংগ্রহ করিয়া থাকেন । বাণ্মীকি ও বেদব্যাসের প্রতিভাবলে যে দুই মহাগ্রন্থের উৎপত্তি হইয়াছে, বর্তমান সময়ে ঐতিহাসিক তাহা হইতে চন্দ্র ও সূর্য্যবংশের ইতিহাস সঙ্কলন করিতেছেন । বঙ্গীয় সাহিত্যের প্রাচীন স্তর উদ্ঘাটন করিলে, আমরা কাব্যের মধ্যে ইতিহাসের অনেক উপকরণ প্রাপ্ত হই । দরিদ্র মুকুন্দরামের সংগীতের সহিত তদানীন্তন বঙ্গীয় সমাজের ইতিবৃত্ত জড়িত রহিয়াছে । আদি কবি কৃত্তিবাসের গ্রন্থের বিশ্লেষণ করিলেও, সেই সময়ের বাদামী-চরিত্রের আভাস পাওয়া যাইতে পারে ।

প্রাচীনকালে যাহারা ইতিহাস লিখিয়া প্রসিদ্ধি লাভ করিয়াছেন, তাঁহাদের সহিত আধুনিক ঐতিহাসিকদিগের অনেক বিষয়ে পার্থক্য দেখা যায় । যুক্তিপ্রণালীর সন্নিবেশে আধুনিক ঐতিহাসিকগণ প্রাচীন ঐতিহাসিকদিগের উপর প্রাধান্যলাভ করিয়াছেন । জ্ঞানসংগ্রহে

ইউরোপের আধুনিক ঐতিহাসিকদিগের যেরূপ সুযোগ আছে, গ্রীস বা রোমের ঐতিহাসিকদিগের যেরূপ সুযোগ ছিল না। হিরদোতস্ যে সময়ে আবির্ভূত হইলেন, থুসিদাইদিস্ যে সময়ে পিলোপনিসসের যুদ্ধের বর্ণনায় ব্যাপৃত থাকেন, জেনোকন্ যে সময়ে দশসহস্রের প্রত্যাভর্তনের বিবরণে স্বকীয় লিপিনৈপুণ্যের পরিচয় দেন, সে সময়ে সমাজ অধিকতর সভ্যতাসম্পন্ন হয় নাই; রাজনৈতিক ঘটনা সম্বন্ধে লোকে অধিকতর জ্ঞান লাভ করে নাই; রাজ্যের বিবিধ শৃঙ্খলা বা বিপ্লব লোকের দৃষ্টিপথবর্তী হয় নাই; বিভিন্ন স্থানে গমনাগমনের পথ তাদৃশ সুগম হইয়া উঠে নাই; বিবিধ স্থানের জ্ঞানী ব্যক্তিদিগের সহিত আলাপপরিচয়েরও তাদৃশ সুবিধা ঘটে নাই। ক্রমে সময়ের পরিবর্তনের সহিত সমাজের অবস্থা পরিবর্তিত হইয়াছে। প্রাচীন সময় অপেক্ষা আধুনিক সময়ে সংসারের সমস্ত বিষয় জানিবার অধিকতর সুযোগ ঘটিয়াছে। বাণিজ্যের বিস্তার হইয়াছে। অধিকাংশ দেশ অধিকতর সভ্যতাসম্পন্ন হইয়া উঠিয়াছে। গন্তব্য পথ নিরাপদ ও সুগম হইয়াছে। বিভিন্ন জনপদের জ্ঞানী ব্যক্তিদিগের সহিত আলাপপরিচয়ের সুবিধা হইয়াছে। ভিন্ন ভিন্ন স্থানের বিবরণ সংগ্রহ করাও অপেক্ষাকৃত অনায়াসসাধ্য হইয়া উঠিয়াছে। ঐতিহাসিকদিগের পক্ষে এই সকল সুযোগ অল্পলাভজনক নহে। প্রাচীন কালের ঐতিহাসিকগণের পক্ষে এ সকল সুযোগ ঘটে নাই। সুতরাং প্রাচীন ঐতিহাসিকগণ জ্ঞানসংগ্রহে ও বহুদর্শিতালাভে আধুনিক ঐতিহাসিকদিগের ত্রায় সুযোগ প্রাপ্ত হইলেন নাই। তাঁহারা এক দিকে যেমন অধিকতর প্রতিভাসম্পন্ন ছিলেন, অপর দিকে সেইরূপ মার্জিত ভাব ও দূরদর্শিতায় আধুনিক ঐতিহাসিকদিগের নিম্নগণ্য হইয়াছিলেন। প্রাচীন ইতিহাসের সহিত আধুনিক ইতিহাসের লিপিপ্ৰণালীর তুলনা করিয়া দেখিলে সাধারণতঃ এই বুঝা যায় যে, আধুনিক ঐতিহাসিকগণ যেমন বৈজ্ঞানিকভাব, দার্শনিক তত্ত্ব ও মার্জিতলিপিকৌশলে প্রাধাণ্য লাভ করিয়াছেন, প্রাচীন ঐতিহাসিকগণ সেইরূপ প্রতিভায়, উদ্দীপনায় ও সারল্যে শ্রেষ্ঠ হইয়াছেন।

পূর্বে উক্ত হইয়াছে যে, আধুনিক সময়ে জ্ঞানলাভের যেরূপ সুযোগ হইয়াছে, প্রাচীন সময়ে সেরূপ ছিল না। প্রাচীনকালে সর্বত্র বিদ্যালয় প্রতিষ্ঠিত হয় নাই। বিশ্ববিদ্যালয়সমূহ সর্বত্র জ্ঞানবিস্তারে তৎপর থাকে নাই। বিজ্ঞানের প্রভাবে বিচ্ছিন্ন জনপদ সকল একসূত্রে সম্বদ্ধ হইয়া উঠে নাই। জ্ঞানরাজ্যের অধিনায়কগণ পরস্পরের মনোগত ভাবের আদানপ্রদানের তাদৃশ সুযোগ প্রাপ্ত হইলেন নাই। প্রাচীনকালে যাহারা জ্ঞানপিপাসু ছিলেন, উদ্ভাবনা ও গবেষণায় যাহারা প্রসিক্তি লাভ করিতে আগ্রহান্বিত হইয়া উঠিয়াছিলেন, তাঁহাদিগকে বহু কষ্টে মিশর প্রভৃতি দেশে যাইতে হইত। তাঁহারা সেই সকল জ্ঞানচর্চার স্থানে অতীষ্ট বিষয়সংগ্রহে ব্যাপৃত থাকিতেন। তাঁহারা দার্শনিক, ধর্মযাজক, কবি প্রভৃতির সহিত আলাপ করিয়া নানাবিধে জ্ঞানলাভপূর্বক স্বদেশে প্রত্যাভূত হইতেন এবং স্বদেশীয়দিগকে আপনাদের বহুকষ্টলব্ধ বহুমূল্য বিষয়ের পরিচয় দিতেন। স্বদেশীয়গণ তাঁহাদের গুণের সম্মান করিতে কখনও বিমুখ হইত না। যাহাদের উচ্চম ও অধ্যবসায়ের



প্রভাবে, ষাঁহাদের অপরিণীম স্বার্থত্যাগে, ষাঁহাদের সংগৃহীত জ্ঞানে স্বদেশ গৌরবান্বিত হইয়াছে এবং স্বদেশীয়গণ নানাবিষয়ে অভিজ্ঞ হইয়া উঠিয়াছে; তাঁহারা স্বদেশে আধুনিক কৃতবিদ্যা লেখকগণ অপেক্ষা অধিকতর সম্মানিত ও পুরস্কৃত হইতেন। হিরদোতস্ আপনার ইতিহাস পাঠ করিয়া সমগ্র গ্রীশে জয়পত্রে শোভিত হইয়াছিলেন। পিলোপনিসাসের যুদ্ধে এথেন্সের সৈনিকগণ সিসিলিতে পরাজিত হইলে বন্দীদিগের প্রতি মিত্রতাদৃশ্য হইয়াছিল। যে সকল বন্দী এথেন্সের প্রসিদ্ধ কবি ইউরিপাইদিসের কবিতার আরতি করিতে পারিয়াছিল, তাহারা মৃত্যুমুখে পাতিত হইয়াছিল। বিজিতারা এথেন্সের প্রসিদ্ধ কবিকে সম্মানিত করিবার জন্ত এইরূপ দয়া প্রদর্শন করিয়াছিল।

প্রাচীন কালের ঐতিহাসিক কবি প্রভৃতি এইরূপে সম্মানিত হইতেন। কল্পনার প্রাধান্য-সময়েও ইতিহাসের সম্মান এইরূপ অক্ষুণ্ণ ছিল। এখন সভ্যতারূদ্ধির সঙ্গে সঙ্গে বিজ্ঞানের উন্নতি হইতেছে। বৈজ্ঞানিক গ্রন্থাবলীর সহিত যেরূপ দর্শন, রাজনীতি, সমাজনীতি প্রভৃতি বিষয়ে নানাগ্রন্থ প্রণীত ও প্রচারিত হইতেছে, সেইরূপ ইতিহাসও সাহিত্যক্ষেত্রে স্থানপরিগ্রহ করিতেছে। পাশ্চাত্যশিক্ষায় এখন আমাদের সাহিত্যক্ষেত্রেরও অবস্থান্তর ঘটয়াছে। আমাদের মধ্যে ইতিহাস প্রভৃতির অনুশীলন হইতেছে। সাহিত্য-সংসারের কর্মবীরগণ কেবল কল্পনারাজ্যে বিচরণ না করিয়া প্রকৃত ঘটনার আলোচনাতে মনোনিবেশ করিতেছেন। এখন বঙ্গীয় সাহিত্যের যেরূপ অবস্থান্তর দেখা যাইতেছে, তাহাতে ইতিহাস-সম্বন্ধীয় লিপিপ্রণালীর আলোচনা বোধ হয় অসাময়িক বলিয়া বোধ হইবে না।

• শ্রোতার মন আপনার দিকে আকর্ষণ করা যেমন বাগ্মীর প্রধান কর্তব্য, সেইরূপ মানবজাতির শিক্ষার জন্ত সর্বক্ষণ সত্যের সম্মান রক্ষা করা ঐতিহাসিকের প্রধান কার্য। ইতিহাসলেখক যে বিষয়ের বর্ণনায় প্রবৃত্ত হইবেন, তাঁহাকে সেই বিষয়টি পাঠকের হৃদয়ে অঙ্কিত করিয়া দিতে হইবে। তিনি পক্ষপাতের বশীভূত হইবেন না, অতিরঞ্জনদোষ প্রকাশ করিবেন না, কোন বিষয় অস্পষ্টভাবে রাখিবেন না, বা কোন বিষয়ে সত্যের সীমা অতিক্রম করিয়া, চাপল্যের পরিচয় দিবেন না। ঐতিহাসিক সর্বক্ষণ ধীরতা ও গাভীর্য রক্ষা করিয়া, কর্তব্যপথে অগ্রসর হইবেন। তিনি আপনার বর্ণনীয় চিত্রে কল্পনার প্রশ্রয় দিবেন না। তাঁহার গন্তব্যপথ যেরূপ সরল, সেইরূপ আবর্জনাশূন্য হইবে। তিনি একরূপ ধীরভাবে এবং একরূপ অপক্ষপাতে অতীত ঘটনাবলী ও লোকচরিত্রের বর্ণনা করিবেন যে, পাঠকের হৃদয়ে যেন মানবপ্রকৃতির প্রকৃত ও সুস্পষ্ট চিত্র অঙ্কিত হয়।

কেবল কতকগুলি ঘটনার সন্নিবেশ ইতিহাস বলিয়া পরিগণিত হয় না। ষাঁহারা কেবল সময় নির্দেশপূর্বক ঘটনাবলীর তালিকা প্রস্তুত করেন, তাঁহারা ইতিহাসের তত্ত্ব নহেন। প্রকৃত ইতিহাস লোকসমাজের দৃর্পণস্বরূপ। মানবপ্রকৃতি সম্বন্ধে পাঠকের দৃষ্টি-দর্শিতার বিস্তার করা, এবং মানবের কার্যপরম্পরা সম্বন্ধে পাঠকের বিচারশক্তির উদ্বোধন করা ইহার উদ্দেশ্য। ইহা যেমন জাতীয় জীবনের পরিজ্ঞান সম্বন্ধে আমাদের সম্ভাব্য

করে, সেইরূপ সমাজনীতি ও রাজনীতি সবক্ষেত্রে আমাদেরকে নানা উপদেশ দিয়া থাকে । সুতরাং ইতিহাস কথা-গ্রন্থ নহে । ইহাতে কল্পনাচাতুরী বা অতিধ্বনির উচ্ছ্বাস দেখাইতে হয় না এবং অলঙ্কারচ্ছটার সত্যকে আচ্ছাদিত করিবারও প্রয়োজন ঘটে না । ধীরতা ও গাভীর্য্যই ইহার প্রধান অলঙ্কার । °

ঐতিহাসিককে সর্বাগ্রে বর্ণনীয় বিষয়গুলির মধ্যে শৃঙ্খলা রাখিতে হয়, অর্থাৎ ঐতিহাসিক যে বিষয়ে ইতিহাস লিখিবেন, তাহা যেন অসম্বন্ধঘটনায় পরস্পর পৃথক হইয়া না পড়ে । ইতিহাসে কোন বিশেষ প্রণালী অনুসারে সমস্ত ঘটনাগুলি একসূত্রে গ্রথিত হইবে । ইতিহাসবর্ণিত বিষয় যেন সমগ্রভাবে পাঠকের গানসপটে অঙ্কিত হয় । একখানি সুচিত্রিত আলেক্য সমগ্রভাবে দর্শকের দৃষ্টিপথবর্তী হইলে তাঁহার যেমন তৃপ্তিলাভ হয়, একসূত্রে গ্রথিত, পরস্পর সুশৃঙ্খলভাবে সম্বন্ধ বিষয়েও পাঠকের সম্মুখে সমগ্রভাবে উপস্থিত হইলে তাঁহার জ্ঞানপিপাসার সেইরূপ পরিতৃপ্তি হইয়া থাকে । উপদেশসংগ্রহ বা আনন্দলাভ, পাঠকের ইতিহাসপাঠের যাহাই উদ্দেশ্য হউক না কেন, ঘটনাবলীর একটা সুশৃঙ্খলা ও সম্পূর্ণ ভাব মনোমধ্যে উদ্ভিত না হইলে কোন উদ্দেশ্যই সিদ্ধ হয় না ।

যে সকল ইতিহাসে সমগ্র জাতি বা সমগ্র সাম্রাজ্যের বিবরণ বর্ণনীয় হয়, সেই সকল ইতিহাসে, বিভিন্ন সময়ের ঘটনাপরস্পরার মধ্যে এইরূপ শৃঙ্খলা বা একতা রাখা দুঃসাধ্য হইয়া থাকে । কিন্তু সুনিপুণ ঐতিহাসিক এই দুঃসাধ্য বিষয়েও কৃতকার্য হইতে পারেন । বিভিন্ন প্রকৃতির ঘটনাগুলি একত্র করিতে যদিও গোলযোগ উপস্থিত হয়, তথাপি ঐ সকল ক্ষুদ্র ক্ষুদ্র ঘটনা যে সকল প্রধান ঘটনার মধ্যে বিস্তৃত হইয়াছে, তৎসমুদয়ের মধ্যে একতা রাখা যাইতে পারে । রাজবংশের ইতিহাসে প্রত্যেক রাজার রাজত্বই পরস্পরসম্বন্ধ ঘটনা থাকে । বিশেষ লক্ষ্যানুসারে উহার আদিতে, মধ্যে ও অন্তে একটা শৃঙ্খলা দেখা যায় । পূর্ববর্তী ঘটনাসূত্র হইতে কিরূপে ঐ ঘটনার উদ্ভব হইয়াছে, এবং পরবর্তী ঘটনার সহিত কিরূপে উহার সন্নিবেশ হইবে, তৎসমুদয়ের বিচার করিলে আমরা সমগ্র বিষয়ের মধ্যে একটা ধারাবাহিক শৃঙ্খলা রাখিতে পারি । ভারতবর্ষের পরস্পরবিচ্ছিন্ন ষণ্ড রাজ্যগুলি অধিকারপূর্বক একটা বিশাল সাম্রাজ্যের প্রতিষ্ঠা করা এবং স্বপ্রধান হইয়া, সেই সাম্রাজ্যের উপর কর্তৃত্ব করা সম্রাট্ অকবরের লক্ষ্য ছিল । বিভিন্ন জনপদজয়েই হউক, রাজপুতদিগের সহিত বৈবাহিক সম্বন্ধস্থাপনেই হউক, ধর্মমত প্রচারেই হউক, বা ভিন্ন ভিন্ন জাতির প্রতি সম-দর্শিতা প্রকাশেই হউক, সমগ্র ঘটনার মধ্যেই তাঁহার এই অসীম আত্মপ্রাধান্তের ভাব নিহিত রহিয়াছে । পূর্ববর্তী ঘটনাসূত্র হইতে কি রূপে এই আত্মপ্রাধান্ত ভাবমূলক ঘটনার উৎপত্তি হইয়াছে, পরবর্তী ঘটনাসূত্রে এই বিষয়ের কিরূপ অবস্থা ঘটিয়াছে, তাহার আশোচনা করিলে আমরা মোগলরাজত্বের ইতিহাসে ধারাবাহিক শৃঙ্খলা দেখিতে পাই । ক্রমে ক্রমে স্বাধিকার সম্প্রসারিত করা এবং একটা বিশাল সাম্রাজ্য অক্ষুণ্ণ রাখা রোমক-দিগের উদ্দেশ্য ছিল । এই উদ্দেশ্যসিদ্ধির জন্ত রোমকে অবিচ্ছিন্ন ভাবে যে শক্তির পরিচয়

দিয়াছিল, এবং যে কার্যপ্রণালীর অনুবর্তী হইয়াছিল, তাহাই লিখিকে বহুবিধ বিভিন্ন প্রকৃতির ঘটনাবলীর মধ্যেও, রোমের ইতিহাসে একতা রাখিতে সমর্থ করিয়া তুলিয়া ছিল। রাজশক্তির সমক্ষে প্রজাশক্তির প্রাধান্ত রক্ষা করা ইংলণ্ডের জনসাধারণের প্রধান লক্ষ্য। ইংলণ্ডের লোকে ঐ লক্ষ্যানুসারেই আপনাদের শক্তির বিনিয়োগ করিয়াছে। জনসাধারণ আপনাদের লক্ষ্যের দিকে দৃষ্টি রাখিয়া যে কার্যপ্রণালীর অনুসরণ করিয়াছে, তাহার গ্রীণ প্রভৃতি ঐতিহাসিকগণ ইতিহাসের শৃঙ্খলা রক্ষা করিতেছেন।

মানবপ্রকৃতি সম্বন্ধে অভিজ্ঞতা লাভ করা ঐতিহাসিকের পক্ষে যেমন আবশ্যিক, রাজনৈতিক বিষয়ে সুশিক্ষিত হওয়াও সেইরূপ প্রয়োজনীয়। ইতিহাসলেখককে ব্যক্তি বিশেষের চরিত্র ও কার্যপ্রণালীর সমালোচনা করিতে হয়। প্রথম গুণটী না থাকিলে এই সমালোচনা সর্বাংশে সুসঙ্গত ও সমীচীন হয় না। রাষ্ট্রবিপ্লব বা রাজ্যশাসন সংক্রান্ত বিবিধ বিষয়ের প্রকৃতি বুঝাইবার সময়ে দ্বিতীয়টির আবশ্যিকতা দেখা যায়। রাজনৈতিক বিষয়ে আধুনিক ঐতিহাসিকগণ প্রাচীন ঐতিহাসিকগণ অপেক্ষা অধিকতর অভিজ্ঞতার পরিচয় দিতেছেন। পূর্বে উক্ত হইয়াছে যে, বিভিন্ন দেশের সহিত ঘনিষ্ঠতা এবং রাজ্যশাসন সংক্রান্ত বিবিধ বিষয় জানিবার সুযোগ না থাকাতে প্রাচীনকালের ইতিহাসলেখকগণ রাজনীতি-ক্ষেত্রে আপনাদের অভিজ্ঞতা দেখাইতে পারিতেন না। তাঁহাদের ভ্রমোদর্শিতা বেরূপ সীমাবদ্ধ, উপকরণও সেইরূপ অল্প ছিল। তাঁহারা স্বদেশবাসীদিগকে সন্তোষিত করিবার জন্ত ইতিহাস রচনা করিতেন। ভিন্নদেশবাসীদিগের সহিত তাহাদের কোনও সংস্রব ছিল না। অধিকন্তু এখন যেমন সুস্পষ্টরূপে রাজ্যশাসনসংক্রান্ত সমস্ত বিষয়ের আলোচনা হইয়া থাকে, পূর্বে তেমন ছিলনা। এই সকল কারণে আমরা গ্রীক ঐতিহাসিকদিগের নিকটে উক্ত বিষয়ের বিশদ বিবরণ জানিতে পারি না। গ্রীসের ভিন্ন ভিন্ন রাজ্যের সম্পত্তি, রাজস্ব ও মৈনিক বল কি রূপ ছিল, কি কি স্বত্রে রাষ্ট্রবিপ্লব সংঘটিত আর কি ভাবে একরাজ্যের সহিত অপর রাজ্যের সম্বন্ধ স্থাপিত হইয়াছিল, তদ্বিষয়ের অসম্পূর্ণ বিবরণ গ্রীসের প্রাচীনকালের ইতিহাসে দেখা যায়।

বর্ণনা-কৌশলের পরিচয় দেওয়া ঐতিহাসিকের অগ্রতম প্রধান গুণ। ইতিহাসের বর্ণনা বেরূপ সরল ও সুন্দর, সেইরূপ শৃঙ্খলাবদ্ধ ও স্বাভাবিক হইবে। ঐতিহাসিক লিপিকুশল হইলে এ বিষয়ের উদ্দীপনা প্রকৃতি গুণের যথোচিত পরিচয় দিতে পারেন। এই গুণ দেখাইতে হইলে ঐতিহাসিক যে বিষয়ের ইতিহাস লিখিবেন, সেই বিষয় প্রকৃষ্টরূপে আয়ত্ত করিবেন। সমগ্র বিষয়টী যেন তাঁহার নখদর্পণে প্রতিফলিত হয়। কোন্ স্থানে কোন্ ঘটনার সন্নিবেশ করিতে হইবে, ঘটনা-পরম্পরার মধ্যে কি রূপ শৃঙ্খলা রাখিতে হইবে, এক ঘটনা হইতে আর এক ঘটনার উৎপত্তি স্থলে কি রূপে পরম্পরের মধ্যে সামঞ্জস্য দেখাইতে হইবে, তাহা যেন ইতিহাসলেখকের মনে দৃঢ়রূপে নিবদ্ধ থাকে। এইরূপে সমগ্র বিষয় আয়ত্ত করিয়া, ইতিহাসলেখক বর্ণনাবৈচিত্র্য প্রকাশ করিবেন। পাঠমাত্র যেন

বিষয়টী একখানি সুস্পষ্ট আলোচ্যের দ্বারা পাঠকের চক্ষুর সম্মুখে পতিত হয়। এই গুণ না থাকিলে ইতিহাস কোনও অংশে পাঠকের সন্তোষজনক বা শিক্ষাপ্রদ হইতে পারে না। বর্ণনা কোন স্থলে সংক্ষিপ্ত, কোন স্থলেই বা বিস্তৃত করিতে হইবে, ঐতিহাসিক সাবধানে তদ্বিষয়ের মীমাংসা করিবেন। পাঠকও অযথা স্থলে বর্ণনার অতি বিস্তৃতিতে বিরক্ত এবং প্রয়োজনের স্থলে বর্ণনার সংক্ষিপ্তভাবে অপরিভূষ্ট না হইবেন।

প্রাচীন ঐতিহাসিকগণ বর্ণনাবৈচিত্র্যে সমধিক প্রসিদ্ধিলাভ করিয়াছেন। প্রাচীন গ্রীক ও রোমক ইতিহাসলেখকদিগের ঐতিহাসিক বিষয়টিতে বর্ণনা পাঠ করিলে স্তম্ভিত হইতে হয়। এই হৃদয়গ্রাহিনী বর্ণনার অনুরকণ করিয়া মেকিয়াবেল, দেবিকা, ফাদার পল প্রভৃতি ইতালীয় ঐতিহাসিকগণ চিরপ্রসিদ্ধ হইয়াছেন। আধুনিক কালে ফ্রান্সের ইতিহাসলেখকগণ এইরূপ ঐতিহাসিক বর্ণনার স্বদেশের সাহিত্য সমলকৃত করিয়াছেন। ইংলণ্ডে গিবন প্রভৃতি প্রধান ঐতিহাসিকগণ এই পথের পথিক হইয়া জগতে অক্ষয়কীর্তি রাখিয়া গিয়াছেন।

বর্ণনার সময়ে ঐতিহাসিক আপনার অভ্যন্ত গাভীর্ষ্য হইতে কখনও বিচ্যুত হইবেন না। তাঁহার রচনা যেরূপ গভীর ভাবপূর্ণ, সেইরূপ পরিমার্জিত এবং কোমলত্ব, উদ্দীপনা প্রভৃতি গুণে অলঙ্কৃত হইবে। উহা নিম্নশ্রেণীর লোকের ব্যবহৃত প্রাদেশিক শব্দে ভারাক্রান্ত বা গ্রাম্যতাদোষে কলুষিত হইবে না। উহার কোন স্থলে রহস্যঘটিত তরলরসময়ী কথার প্রয়োগ থাকিবে না। ফলতঃ ইতিহাসের ভাষা যেরূপ সরল সেইরূপ গভীর হইবে। উহা কখনও লালিত্য বা মাধুর্য্যে বিসর্জন দিবে না। উহা অগ্রে বা পশ্চাতে, দক্ষিণে বা বামে কখনও হেলিয়া পড়িবে না। রাজসিংহাসনে উপবিষ্টা রাজ্যীর দ্বারা উহা সর্বদা আপনার গাভীর্ষ্য ও গৌরব রক্ষা করিবে।

ঐতিহাসিক যখন আপনার ইতিহাসে শৃঙ্খলাবদ্ধ বিষয়গুলি পাঠকের সম্মুখে উপস্থিত করিবেন, তখন তিনি তৎসমুদয় সম্বন্ধে উপযুক্তস্থলে আপনার অভিমত প্রকাশ করিতে নিরস্ত থাকিবেন না। অভিমত প্রকাশের সময় তাঁহাকে অপক্ষপাত বিচারকের দ্বারা কার্য্য করিতে হইবে। তাঁহার ধীরতা ও গাভীর্ষ্য এবং তাঁহার বিচারশক্তি ও পক্ষপাত-শূন্যতা এই সময়ে যেন পূর্ণমাত্রায় পরিষ্কৃত হয়। তিনি পাঠককে রাজ্যশাসনপ্রণালী ও দেশের আভ্যন্তরীণ অবস্থার সহিত পরিচিত করিবেন। পাঠক তাঁহার নিকটে রাজ্যের সৈনিকবল, রাজস্ব প্রভৃতির বিষয় এবং পার্শ্ববর্তী রাজ্যসমূহের সহিত সম্বন্ধ অবগত হইয়াছেন। এই সকল বিষয়ের সহিত লোকচরিত্র সম্বন্ধেও পাঠকের জ্ঞানলাভ হইয়াছে। পাঠক সমুদয় বিষয় আপনাদের সম্মুখে দেখিয়া তৎসম্বন্ধে আপনি মতামত নির্ধারণ করিতে পারেন। এরূপ স্থলে ঐতিহাসিককে সর্বিশেষ সাবধানে কার্য্য করিতে হয়, তাঁহার অসঙ্গত বাক্যে পাঠকের ঐর্ষ্যাচ্যুতি না ঘটে, তাঁহার পক্ষপাতে পাঠক তৎপ্রতি হতভ্রম না হইবেন, বা তাঁহার চাপল্যে পাঠকের বিরক্তি না জন্মে, ঐতিহাসিক তদ্বিষয়ে দৃষ্টি রাখিবেন।

ঐতিহাসিককে অনেক সময়ে বিভিন্ন মতের বিশ্লেষণ করিতে হয়, এবং কোন প্রধান



ঘটনার মূল-নির্ণয় এবং প্রকৃতিনির্দেশের সময়ে ইতিহাসলেখক ভিন্ন ভিন্ন মত সংগ্রহ করিয়া তাঁহার সঙ্গতি অসঙ্গতি দেখাইতে পারেন। ঐতিহাসিক লিপ্যন্তরে সর্বশেষ বীরতা প্রকাশ করিবেন। অপরের মত সমর্থন বা মতখণ্ডন সময়ে আত্মসন্ত্রস্ততা বা আত্মাভিমান প্রকাশ করিলে ঐতিহাসিকের চিরন্তন সম্মান ও মর্যাদা নষ্ট হয়। ঐতিহাসিক উত্তম পুরুষকে প্রাধান্য না দিয়া, সংযতভাবে অধম পুরুষের অমুসরণ করিবেন। স্বদেশের, ইতিহাস-প্রণয়ন কালে ঐতিহাসিক যেন অমুচিত স্বদেশ ভক্তিতে আত্মহারা হইয়া না পড়েন, স্বদেশীয় লোকের চরিত্র-বর্ণনায় বা স্বদেশের সহিত অপর দেশের তুলনায় তিনি প্রশান্তচিত্ত বিচারকের মর্যাদা রক্ষা করিবেন। ঐতিহাসিক দার্শনিক ভাবে বিষয়-বিশেষের আলোচনা করিতে পারেন। দার্শনিক ভাবের সহিত নীতির সংযোগ থাকা উচিত। ঐতিহাসিক নীতির দিকে সর্বশেষ দৃষ্টি রাখিবেন। তিনি যখন যে বিষয়ের বর্ণনা করুন না কেন, ধর্মমূলক সুনীতি যেন তাঁহার নিত্য সহচরী হয়। নীতিজ্ঞানে পাঠকের হৃদয় উন্নত করা এবং তাঁহাকে সংসারের উৎকৃষ্টতর বিষয়ের দিকে প্রবর্তিত করা ইতিহাসের একটি প্রধান উদ্দেশ্য। ঐতিহাসিক এই উদ্দেশ্য সাধনে মনোযোগী হইবেন।

চরিত্রাঙ্কন ইতিহাসের একটি প্রধান অঙ্গ। ইহা যেমন কষ্টসাধ্য, সেইরূপ ইহা ইতিহাসের গৌরবজনক। চরিত্রাঙ্কনে ঐতিহাসিকের লিপিচাতুর্য্য ও বিচারশক্তির পরিচয় পাওয়া যায়। ব্যক্তিবিশেষের চরিত্রাঙ্কনকালে পরস্পর বিরোধী অনেক বিষয় উপস্থিত হইতে পারে। এই সকল বিরোধী বিষয়ের মধ্যে চরিত্রের উজ্জলতা সম্পাদন করিতে হয়। ইহা যদি কোন স্থলে অতিবঞ্জিত হয়, তাহা হইলে লেখকের লিপিকৌশল ব্যর্থ হইয়া পড়ে। ফলতঃ যাহাতে মানব-চরিত্র উজ্জলরূপে পাঠকের মানসপটে অঙ্কিত হয়, স্ননিপুণ ঐতিহাসিক তদ্বিষয়ে সর্বশেষ কৌশল প্রকাশ করিবেন। তাঁহার বচনা যেকোন প্রাঞ্জল, সেইরূপ মাধুর্য্য ও লালিত্যগুণবিশিষ্ট হইবে। তিনি সর্বপ্রকার অস্বাভাবিক ভাব পবিত্যাগ করিবেন এবং অমুচিত ও অযথা স্থানে সন্নিবেশিত অলঙ্কারে রচনার সৌন্দর্য্যহানি না হয়, তদ্বিষয়ে সূক্ষ্ম দৃষ্টি রাখিবেন। প্রাচীন কালের ছইজন প্রসিদ্ধ ঐতিহাসিক এ বিষয়ে সর্বশেষ নৈপুণ্যের পরিচয় দিয়া গিয়াছেন। সালার্টা এবং তাসিতাস্ উভয়েই ইতিহাসের এইরূপ রচনায় পারদর্শিতা প্রকাশ করিয়াছেন। উত্তরকালে গিবন প্রভৃতিও ইহাতে অসামান্য ক্ষমতা দেখাইয়া গিয়াছেন।

ঐতিহাসিক ঘটনাবলীর সময় নির্দেশে ঐদান্ত প্রকাশ করিবেন না। তিনি আপনার বর্ণনীয় ঘটনা সম্পূর্ণ এবং পূর্ববর্তী বা পরবর্তী ঘটনার সহিত সূসংযুক্ত করিবার জন্ত, অব্দ, নাম বা তারিখের উল্লেখ করিবেন; কিন্তু ঐতিহাসিক যদি কেবল সময় নিরূপণে ব্যাপৃত থাকিয়া পরস্পর বিচ্ছিন্ন ঘটনাবলীর উল্লেখ করেন, তাহা হইলে তাঁহার গুণপনা প্রকাশ হইবে না। পূর্বে উক্ত হইয়াছে যে, ইতিহাসে নির্দিষ্ট ঘটনাবলীর মধ্যে পরস্পর শৃঙ্খলা থাকিবে। এক সময়ে ভিন্ন ভিন্ন বিষয় ঘটনা হইবে বলিয়াই যদি ঐতিহাসিক কেবল সময়নিরূপণপূর্বক

উহার তালিকা প্রস্তুত করেন, তাহা হইলে পাঠককে যেরূপ ক্লান্ত, সেইরূপ বিরক্ত হইতে হয়। ফলতঃ ইতিহাসলেখক ঘটনামালা পরস্পর সুসংযুক্ত করিয়া সময়নির্দেশপূর্বক উহা পাঠকের সম্মুখে প্রকাশ করিবেন।

প্রাচীন ঐতিহাসিকগণ ইতিহাসকে যে সকল অলঙ্কারে সজ্জিত করিতে যত্নশীল হইতেন, তৎসমুদয়ের মধ্যে একটা বিষয় আধুনিক ঐতিহাসিকদিগের নিকট উপেক্ষিত হইয়াছে। প্রাচীন ইতিহাসে দেখা যায়, ইতিহাস-বর্ণিত কোন প্রধান ব্যক্তি প্রকাশ্য স্থলে দণ্ডায়মান হইয়া বক্তৃতা করিতেছেন। এইরূপ বক্তৃতায় ঐতিহাসিক ইতিহাসের বিভিন্ন স্তরের উদ্ঘাটন করেন। সাধারণকে ধর্মনীতি ও রাজনীতি সম্বন্ধে উপদেশ দেন এবং বিভিন্ন দলের মতামত নির্দেশ করিয়া থাকেন। খুসিদাইদিম্ এইরূপ বক্তৃতাপ্রণালীর সমর্থক। তিনি স্বকীয় ইতিহাসে এইরূপ বক্তৃতায় যথোচিত উদ্দীপনার পরিচয় দিয়াছেন। অত্যাচারী গ্রীক ও রোমক ঐতিহাসিকও আপনাদের ইতিহাসে এইরূপ বক্তৃতার সন্নিবেশ করিয়া গিয়াছেন। এই সকল বক্তৃতা প্রাচীন ঐতিহাসিকদিগের বাক্যবিজ্ঞানকৌশল এবং ওজস্বিতা ও লালিত্যের প্রকৃষ্ট পরিচয় স্থল। কিন্তু বাক্যবিভূতিতে হৃদয়গ্রাহী হইলেও, উহা ইতিহাসে সন্নিবেশিত করা তাদৃশ সঙ্গত বোধ হয় না। লেখক এইরূপ স্থলে সত্য হইতে বিচ্যুত হইয়া পড়েন। তিনি ঐ সকল বক্তৃতা পল্লবিত ও অলঙ্কার-ছটায় সুশোভিত করিবার জগু কল্পনার আশ্রয় গ্রহণ করিতে সঙ্কুচিত হইতেন না। ঐদৃশ বিষয় কল্পনার লীলাক্ষেত্র কাব্য প্রভৃতিতে স্থান পাইতে পারে। ইতিহাসের গ্রাম প্রকৃত ঘটনামূলক বিষয়ে ইহা সন্নিবেশিত না করাই ভাল।

ইতিহাস লিখিতে হইলে কি কি বিষয় দৃষ্টি রাখা উচিত, তাহা সংক্ষেপে উল্লিখিত হইল। আমাদের দেশে এখন ইতিহাস লেখা আরম্ভ হইয়াছে। কাব্য-নাটক-প্লাবিত সাহিত্য-ক্ষেত্রে কেহ কেহ ইতিহাসের সম্মান-রক্ষায় উদ্বৃত হইয়াছেন, কিন্তু ইহারা যেরূপ গবেষণা-কৌশলের পরিচয় দিতেছেন, ইতিহাসের প্রকৃতির দিকে সেরূপ দৃষ্টি রাখিতেছেন না। সর্বপ্রথম কোন বিষয়ে হস্তক্ষেপ করিলে যে ক্রটি ঘটয়া থাকে, আমাদের সাহিত্য-সমাজে ঐতিহাসিকদিগেরও তাহাই ঘটনাছে। ভাষা, শৃঙ্খলা এবং বর্ণনা প্রভৃতিতে ইহাদের তাদৃশ নৈপুণ্য পরিদৃষ্ট হইতেছে না। ইহাদের গ্রন্থে অতিরিক্ত স্বদেশপ্রেম এবং অত্যধিক অহং-জ্ঞানের পরিচয় পাওয়া যাইতেছে। ইহারা ঘটনাগুলি স্তরে স্তরে সজ্জিত করিতেছেন, কিন্তু বর্ণনাবৈচিত্র্য বা শৃঙ্খলার অভাবে ঐ সকল ঘটনার বিবরণ নিরতিশয় নীরস হইয়া পড়িতেছে। ইহারা বৈদেশিক ইতিহাস লেখকদিগের মতামত এত উদ্ধৃত করিতেছেন যে, তৎসমুদয় দ্বারা কেবল গ্রন্থগুলি ভারাক্রান্ত হইয়া পড়িতেছে মাত্র। ইহাতে এই ফল হইতেছে যে, পাঠক এক স্থানে পরস্পর বিরোধী মতসমূহ সুপাকারে সজ্জিত দেখিতেছেন। উহা তাঁহাদের মানসপটে স্মৃতিভিত্তি আলেখ্যের গ্রাম অঙ্কিত হইতেছে না। বস্তুতঃ ঐতিহাসিক ক্ষেত্রে তাঁহাদের গ্রাম পাঠকও উদ্ভ্রান্ত হইয়া পড়িতেছেন। এই সকল ক্রটি দূরীভূত হইলে, আমাদের মধ্যে ইতিহাসের গৌরব রক্ষিত হইতে পারে। আমরা পাশ্চাত্য পণ্ডিত-

দিগের নিকটে ইতিহাস শিখিতেছি। আমাদেরকে ইতিহাস-রচনার প্রণালীও তাঁহাদের নিকটে শিক্ষা করিতে হইবে। প্রাচীন গ্রীক ও রোমক ঐতিহাসিকদিগের সহিত গিবন্ বা গ্রীণ্ প্রভৃতি যদি আমাদের অভিনব ইতিহাস-লেখকগণের পথপ্রদর্শক হনেন, তাহা হইলে অনেক সফলের আশা করা যাইতে পারে।

শ্রীরজনীকান্ত গুপ্ত।

## শীতলা-মঙ্গল।

ঋতু-বসন্তের আবির্ভাবে আমাদের দেশে বসন্তের আবির্ভাব হয়। এই রোগের উপদ্রব উপশান্ত করিবার জন্ত এখনও অনেকানেক হিন্দুগৃহে শীতলার পূজা ও শীতলার শুভ কবচাদি পাঠ হইয়া থাকে। চণ্ডী মনসা প্রভৃতির মহিমাপ্রকাশক যেমন বাঙ্গালা কাব্য-গান প্রচলিত আছে, শীতলাদেবীরও সেইরূপ কাব্য-গান আছে, অনেকের গৃহে সেই গানও হয়। চণ্ডী রামায়ণাদির ছায় শীতলার গানও খোল, মন্দিরা ও নুপুরের তালে গীত হইয়া থাকে। সাধারণতঃ “শীতলা-পণ্ডিত” নামক এক সম্প্রদায়ের লোক এই শীতলার গান গাহিয়া থাকে। বসন্তে মড়ক হইলে কি সহরে, কি পল্লীগ্রামে বার-ইয়ারীতে শীতলাপ্রতিমা গড়াইয়া পূজা করা হয় এবং সেই স্থানে পক্ষ বা অষ্টাহকাল “শীতলার গান” দেওয়া হয়। সাধুভাষায় এই গানের নাম “শীতলা-মঙ্গল”। চণ্ডীমঙ্গল, অন্নদা-মঙ্গল, মনসা-মঙ্গল প্রভৃতির যেমন কাব্যজগতে প্রতিষ্ঠা আছে, প্রচারাভাবে এবং একমাত্র শীতলা-পণ্ডিতগণের আয়ত্ত্বাধীন থাকায় শীতলা-মঙ্গলগুলির তাদৃশ প্রতিষ্ঠা নাই। আমরা অল্প এই অপ্রতিষ্ঠিত শীতলা-মঙ্গলগুলির কাব্যাংশ এবং তদানুসঙ্গিক অগ্ৰাণ্ড বিষয়ের আলোচনায় প্রবৃত্ত হইতেছি।

শীতলা-দেবীর উল্লেখ পুরাণ ও তন্ত্র উভয়বিধ শাস্ত্রেই আছে। অগ্ৰাণ্ড দেবদেবী অপেক্ষা শীতলার আরও একটু বিশেষত্ব আছে; তিনি রোগাধিষ্ঠাত্রী ও রোগোপশমনকর্ত্রী বলিয়া আয়ুর্বেদশাস্ত্রেও স্থান পাইয়াছেন। মনসা বিষহরি বটে এবং সর্পবিষপ্রভাব ও সর্পভয়-নিবারিণী হইলেও আয়ুর্বেদে বিষচিকিৎসাপ্রকরণে মনসার উল্লেখ নাই; কিন্তু বসন্তরোগে চিকিৎসাপ্রকরণে আয়ুর্বেদে শীতলার উল্লেখ বিশেষরূপে দেখিতে পাওয়া যায়। শীতলা পৌরাণিকী দেবতা বলিয়া কেবল আমাদের দেশে নহে, ভারতের অগ্ৰত্রেও পূজা পাইয়া থাকেন, কানীর ছায় প্রাচীন সহরেও দশাশ্বমেধ ঘাটের উপর শীতলার এক প্রাচীন মন্দির আছে দেখিতে পাওয়া যায়; কিন্তু আর কোথাও “শীতলার গান”বৎ কিছু আছে কি না, জানিনা। আমাদের দেশে এই সর্বত্র পূজিত দেবতাটির মহিমাপ্রকাশক এই কাব্যায়ক

গানগুলির উপাখ্যানগুলি সংস্কৃতমূলক নহে । সংস্কৃতে ব্রতকথার স্থায় কোন “কথা” বর্তমান আছে কি না তাহা এ পর্য্যন্ত জানা যায় নাই । এস্থলে শীতলা সম্বন্ধে একটু শাস্ত্রীয় বিবরণ দিলে, বোধ হয় অপ্রাসঙ্গিক হইবে না ।

স্কন্দপুরাণ ও পিচ্ছিলাতন্ত্রে শীতলার বিবরণ আছে । স্কন্দপুরাণের কোন্ খণ্ডে আছে, তাহা জানা যায় ন ; তবে ভাবপ্রকাশে মসুরিকা-চিকিৎসায় যে স্থলে ( ২য় খণ্ড ৪র্থ ভাগে ) শীতলা-স্তবাদি পাঠের ব্যবস্থা আছে, সেই স্থলে শীতলাষ্টকের নিম্নে লিখিত আছে,—

“ইতি শ্রীস্কন্দপুরাণে কাশীখণ্ডে শীতলাষ্টকসমাপ্তম্ ।”

ইহা হইতে কাশীখণ্ডের নাম পাওয়া যাইতেছে বটে, কিন্তু বিশ্বকোষ-কার্যালয়ে সংগৃহীত ৯৩০ শকের হস্তলিখিত পুঁথি ও কাশীতে মুদ্রিত কাশীখণ্ডের যে বাঙ্গালা অনুবাদ আছে এবং বটতলার মুদ্রিত বাঙ্গালা কাশীখণ্ডে শীতলার নাম গন্ধও দেখিলাম না । কাশীতে দশাঙ্ঘমেধঘাটে যে শীতলা-মন্দিরের উল্লেখ করা গিয়াছে, কাশীখণ্ডে দশাঙ্ঘমধ বর্ণনায় তাহারও কোন উল্লেখ পাওয়া গেল না । শীতলা-পূজার যে পদ্ধতি প্রচলিত আছে, তাহা পিচ্ছিলাতন্ত্রোক্ত এবং পুরোহিত মহাশয়ের সাধারণতঃ যে শীতলাষ্টক বা শীতলাস্তব পড়িয়া থাকেন, তাহা স্কন্দ-পুরাণোক্ত বলিয়া কথিত হইয়া থাকে ।

এই পৌরাণ-তান্ত্রিকী দেবতার ধ্যান পিচ্ছিলাতন্ত্রে এইরূপ উল্লিখিত হইয়াছে ;—

“শ্বেতাস্ত্রীং রাসভৃগুং করযুগলবিলসম্মার্জনীপূর্ণকুম্ভম্ ।

মার্জনীপূর্ণকুম্ভাদমৃতময়জলং তাপশাস্ত্রৈঃ ক্রিপস্তুম্ ॥

দিগন্ত্রাং মুর্ধ্নি সূর্পাং কণকমণিগণৈর্ভূষিতাস্ত্রীং ত্রিনেত্রাম্ ।

বিক্ষেপাট্যগ্রতাপপ্রশমনকরী শীতলা ত্বাং ভজামি ॥”

তন্ত্রের ধ্যান এই । পুরাণে ধ্যান বলিয়া কিছু নাই, তবে শীতলাষ্টক নামে স্কন্দপুরাণোক্ত যে স্তবের কথা বলিলাম, তাহা হইতে জানা যায় যে কার্তিক শিবকে প্রশ্ন করিতেছেন ;—

“ভগবন্ দেবদেবেশ শীতলায়াঃ স্তবঃ শুভম্ ।

বক্তুমর্হস্ত্রশেষেণ বিক্ষোটকভয়াপহম্ ॥”

শিব উত্তর দিলেন,—

“নমামি শীতলাং দেবীং রাসভৃগুং দিগম্বরীং ।

মার্জনীকলসোপেতাং সূর্পালঙ্কৃতমস্তকাম্ ॥

\* \* \*

বিক্ষোটকবিশীর্ণানাম্ ত্বমেকামৃতবর্ধিণী ॥

গলগণ্ডগ্রহরোগা যে চাশ্বে দারুণা নৃগাং ।

তদমুখ্যানমাত্রেণ শীতলে বাস্তি তে ক্ষয়ম্ ॥”

আর অধিক উদ্ধারের প্রয়োজন নাই । ইহা হইতেই বুঝা গেল, পিচ্ছিলাতন্ত্রোক্ত শীতলারও যে রূপ, যে বসন, যে ভূষণ, যে বাহন, স্কন্দপুরাণোক্ত শীতলারও সমস্তই



অরিকল তাই। কেবল পিচ্ছিলার শীতলা কেবল বিষ্ণোটকনাশিনী আর স্বান শীতলা বিষ্ণোটক ব্যতীত গলগণ্ড ও অগ্নাণ্ড দারুণ গ্রহরোগও নাশ করিয়া থাকেন। অধিকন্তু স্বান শীতলা-দেবীর এক স্তম্ভমূর্তির কথা বলা হইয়াছে। সেই মূর্তি ধাতার, নাভিহৃদয়স্থে অবস্থিত ও মৃগালতন্তুসদৃশী।

\* \* \*  
মৃগালতন্তুসদৃশীং নাভিহৃদয়স্থিতাম্।

যবাং বিচিস্তয়েদেবীং তন্তু স্তূর্ণ জায়তে ॥

\* \* \*  
যস্মামুদকমধ্যে তু কৃত্য সংপূজয়েন্নরঃ।

বিষ্ণোটকভয়ং ঘোরং গৃহে তন্তু ন জায়তে ॥”

অনেকানেক পৌরাণিক দেবতার মূলরূপ বৈদিক শাস্ত্র খুঁজিলে পাওয়া যায়। শীতলার সেরূপ কিছু পাওয়া যায় কি না, জামি না। আমি নিজে বৈদিক শাস্ত্রের সহিত পরিচিত নহি, তবে বিশ্বকোষকার নগেন্দ্র বাবু অথর্ক বেদোক্ত “তক্সন্” শব্দের অর্থ “শীতলা” লিখিয়াছেন। অথর্কবেদে ১২৫১, ৫২১১, ৪১১২, ৬০১৬৬, ১২৩৪১০, ১১২২৬, ২০১, ৩২১ প্রভৃতি স্থলে “তক্সন্” শব্দ আছে। Sacred books of the East নামক ইংরাজী গ্রন্থমালার মধ্যে ১৮৯৬ খৃষ্টাব্দে ডাঃ ব্লুমফিল্ড (Dr. Morice Bloomfield) অথর্কবেদের যে আলোচনা গ্রন্থ প্রকাশ করিয়াছেন, তাহাতে অথর্কবেদের অধিকাংশের অনুবাদ আছে। তাহাতে তিনি “তক্সন্” শব্দের অর্থ “জ্বর” করিয়াছেন। তাঁহার গ্রন্থের ১৫২২৩ পৃষ্ঠার অনুবাদ হইতে জানা যায়—“The takman that is spotted covered with spots, like reddish sediment, then thou! (oh plant) of unremitting potency drive away down below” ইহার spots like reddish sediment যদি হাম বসন্ত বৃদ্ধিতে হয়, তাহা হইলে হামবসন্তাপ্রিত জ্বর এরূপ বলিলেও বলা যায়, কিন্তু তুদধিষ্ঠাত্রী শীতলা বুঝায় না।\* যাহা হউক, বেদে আমি পণ্ডিত নহি, সুতরাং ও অনধিকার-চূর্চা ছাড়িয়া দিলাম, কিন্তু এস্থলে আর একটা বলিতে বাধ্য হইতেছি। সুহৃদয় শ্রীযুক্ত ক্ষিতীন্দ্রনাথ ঠাকুর ১৩০২ সালের দুই খণ্ড সমীরণের ৭০৫ পৃষ্ঠায় “শীতলাপূজা প্রকৃত কি?” ইতি শীর্ষক এক প্রবন্ধ লেখেন। বহু গবেষণায় ক্ষিতীন্দ্র বাবু শীতলার মার্জ্জনী কলসোপেতা, সূর্য্যালঙ্কতমস্তকা মূর্তির রূপক ভেদ করিয়া দেখাইয়াছেন যে, শীতলা দেবী পরিচ্ছন্নতার আধার। তিনি শীতলাকে মৃগালতন্তুসদৃশী স্তম্ভমূর্তি ও জলমধ্যে পূজার বিশেষত্ব হইতে ক্রমশঃ আলোচনা করিয়া এবং তৎসঙ্গে আপোমার্জ্জনের মন্ত্রগুলি ব্যাখ্যাপূর্বক দেখাইয়াছেন যে বৈদিক শাস্ত্রে যিনি “অপ্ দেবী নামে ক্তা হইতেন, তিনিই পুরাণকারের হস্তে শীতলা

\* শীতলার অর্থই বসন্ত; সুতরাং তক্সন্ শব্দের শীতলা অর্থ করিলে ভ্রম হয় না। দাক্ষিণাত্য প্রভৃতি মানাহানে বসন্তের পরিবর্তে শীতলা শব্দেরই ব্যবহার দেখা যায়।—প\* সম্পাদক।

হইয়া দাঁড়াইয়াছেন। বিশ্বকোষের “তত্ত্ব” ক্ষিতীন্দ্র বাবুর “অপ্‌দেবী” এই উভয় বৈদিক আরাধ্যের মধ্যে কে যে শীতলা হইয়াছেন, তাহার মীমাংসা যাহারা বেদ পুরাণের বিশেষজ্ঞ তাঁহাদের জানাই রহিল।

এই স্থলে আরও একটা কথা বলিতেছি। সাহিত্য-পরিষৎ পত্রিকায় ইতিপূর্বে আমাদের সহকারী সভাপতি মহাগোপাধ্যায় শ্রীযুক্ত হরপ্রসাদ শাস্ত্রী মহাশয় “রমাই পণ্ডিতের ধর্মমঙ্গল” শীর্ষক এক প্রবন্ধ প্রকাশ করিয়াছেন, তাহার এক স্থানে আছে যে, যেখানে যেখানে ধর্ম-মন্দির দেখা যায়, সেই সেই স্থানেই শীতলার অবস্থান যেন স্বতঃসিদ্ধ এবং যেখানে যেখানে বৌদ্ধ তান্ত্রিক দেবালয় আছে, সেই সেই স্থলে হারিতী দেবীর অবস্থানও যেন স্বতঃসিদ্ধ। হিন্দুদেবী শীতলা ও বৌদ্ধদেবী হারিতী উভয়েই ব্রহ্মাধিনাশিনী। স্মৃতির শাস্ত্রী মহাশয়ের মতে শীতলা ও হারিতীর অভেদ কল্পিত হইয়াছে। বৌদ্ধযুগে নিয়ন্ত্রণের হিন্দু ডোমগণ বৌদ্ধধর্ম গ্রহণ করিয়া বিশেষ প্রসিদ্ধি লাভ করিয়াছিল। বৌদ্ধগ্রন্থ পাঠ করিতে করিতে অনেক ডোমাচার্যের কথা পাওয়া যায়। আমাদের মধ্যে এক্ষণে যাহারা “শীতলা পণ্ডিত” নামে খ্যাত তাহারাও ডোম জাতীয়। ডোম শীতলা-পণ্ডিতেরা কেবল যে শীতলার গানই গাহে, তাহা নহে, শীতলার পূজাদিও করে এবং বসস্তচিকিৎসা করিয়া থাকে।\* আমরা প্রায় দেখিতে পাই, ক্ষুদ্র শীতলা প্রতিমা হস্তে মন্দির বাজাইয়া গান করিতে করিতে একদল ভিক্ষুক গৃহস্থবাড়ীতে এই কলিকাতা সহরেও ভিক্ষা করিয়া বেড়ায়। ইহারাও শীতলা-পণ্ডিত। শীতলা ব্রাহ্মণপূজ্য পৌরাণতান্ত্রিকী দেবতা, তন্ত্রপুরাণোক্ত বীজমন্ত্রাদি সহকারে ইহার পূজা হয়। এমন দেবী কিরূপে ডোমের ঞায় নীচসেব্যা হইলেন, তাহাও বড় কৌতূহলজনক বটে। এ কৌতূহল মিটাইবার কোন ঐতিহাসিক প্রকৃষ্ট প্রমাণ সম্ভবতঃ দিতে পারিব না, তবে ডোমাচার্য বৌদ্ধগণের ও শীতলা-পণ্ডিতের ডোমজাতীয়ত্ব, হারিতী ও শীতলার ব্রহ্মাধিনীত্ব, ধর্ম ও লোকেশ্বরাদির মন্দিরে শীতলা ও হারিতীর নিত্যাবস্থান ইত্যাদি হইতে আমরা যদি একরূপ অনুমান করি যে বৌদ্ধধর্মের অতিমাত্র ভগ্নদশায় যখন হারিতী প্রভৃতি দেবতার পূজা বিশেষরূপে প্রচারিত ও বহুমূল হইয়া গিয়াছে, সেই সময়ে যে ডোমাচার্যগণ হারিতী দেবতার পূজাদি করিতেন, তাঁহারা দ্বিতীয়বার হিন্দুধর্মের প্রাচুর্ভাবের সঙ্গে হারিতীকে হিন্দুপরিচ্ছদে আবৃত করিয়া শীতলারূপে এবং আপনারা শীতলা-পণ্ডিতরূপে অবস্থান্তর গ্রহণ করিয়াছিলেন, তাহা হইলে বোধ হয়, একবারে অসম্ভব হয় না। ইহার পোষকতায় একটা ক্ষীণযুক্তি আমরা দিতে পারি। শীতলাপণ্ডিতের পূজিতা শীতলা প্রতিমা, হিন্দুশাস্ত্রোক্ত মার্জ্জনীকলসোপেতা স্বর্ণালঙ্কৃতমস্তকা, রাসভঙ্গা, দিখাসা, শ্বেতাস্ত্রী দেবী মূর্তি নহে, শীতলাপণ্ডিতগণের শীতলা করণচরণহীন সিন্দূরলিপ্তাস্ত্রী, শঙ্খ বা ধাতুখচিত ব্রহ্মচিহ্নাঙ্কিতা মুখমণ্ডলমাত্রাবশিষ্টা প্রতিমা মাত্র। ইহাকে বরং বৌদ্ধভাবে

\* কলিকাতা রামবাগানের ডোমপাড়ায় শীতলাপণ্ডিত ৮ বাণেশ্বর পণ্ডিত বসস্তচিকিৎসার দ্বন্দ্ব গবর্নেন্ট হইতে ডিমোনা পাইয়াছিল।

প্রতিমা বলিলে বলা যায়। এই শীতলার মুখে যে ধাতু বা শব্দ নিশ্চিত রুইতনের ফোটার ছাড়া পেরেকের মাথার ছায় টোপতোলা যে বসন্ত-চিহ্ন ঝাগান থাকে, তাহার সহিত শাস্ত্রী মহাশয়ের উল্লিখিত ধর্মঠাকুরের গাত্রে প্রোথিত পিতলের টোপ-তোলা পেরেক চিহ্নের যেন সাদৃশ্য আছে বলিয়া বোধ হয়। এতদ্বিন্ন শীতলাপণ্ডিতেরা, সর্বত্র এইরূপ প্রতিমার শাস্ত্রোক্ত মন্ত্রাদিবৃত্ত পদ্ধতিতে পূজা করে না। অবশ্য ইহাও স্বীকার্য যে এরূপ প্রতিমারও এক্ষণে ব্রাহ্মণ-পূজকের ও সমস্তক পূজার অভাব নাই।\* তবে সেই সঙ্গে ইহাও স্বীকার্য যে এরূপ শীতলা প্রতিমার সেবক ব্রাহ্মণেরা স্বশ্রেণীতে অতি হীনমর্যাদ হইয়া থাকেন। আমার অনুমান এইরূপ যে, ডোম প্রতিমার শীতলা বৌদ্ধ হারিতীর হিন্দু সংস্করণ ও ডোমাচার্য বৌদ্ধহারিতীসেবকগণ কালে শীতলাপণ্ডিত হইয়া আবার পূর্বকালের ডোমত্ব প্রাপ্ত হইয়াছেন। পৌরাণিক শীতলার সহিত ডোমের শীতলার এককালে সম্ভবতঃ কোন সম্পর্ক ছিল না, পরে হিন্দুপ্রভাবে একে অল্প বিলীন হইয়া গিয়াছে, কেবল প্রতিমার আকার স্বতন্ত্র, রহিয়া গিয়াছে। ধর্ম-বিপ্লবে সামাজিক পরিবর্তের সঙ্গে সঙ্গে দেবদেবীর উপাসনা মধ্যেও যে কোন প্রকার পরিবর্তন ঘটে নাই, ইহা অসম্ভব। শীতলাপূজা ব্রাহ্মণের সহিত ডোমের সমানাধিকার কেন হইল, তদ্বত্তরে ইহা অপেক্ষা আমার বুদ্ধিতে আর কোন যুক্তি উঠে না।

শীতলার দেবীত্ব সম্বন্ধে আমার আর বলিবার কিছু নাই। এক্ষণে শীতলামঙ্গলের আলোচনায় প্রবৃত্ত হইতেছি। শীতলা-মঙ্গলের এ পর্য্যন্ত চারিটা পালার সংবাদ পাওয়া গিয়াছে। এই চারিটা পলাই একখানি বৃহৎ গ্রন্থের অংশ, এক কবির রচিত নহে। এই চারিটা পলা চারিখানি স্বতন্ত্র কাব্য। ইহার মধ্যে গোকুল পলা বা কৃষ্ণবলরামের শরীরে বসন্তবির্ভাবের উপাখ্যান ও বিরাট পলা বা মৎস্যদেশে বিরাট রাজ্যে বসন্তবির্ভাবের উপাখ্যান নিত্যানন্দ চক্রবর্তী নামক একজন কবির রচিত, আর রাজা চন্দ্রকেতুর পালার ও রঘুনাথ দত্তের পালার উপাখ্যান দৈবকীনন্দন-কবিরচিত কর্তৃক রচিত। নিত্যানন্দের বিরাটপলা আবার প্রধানতঃ দুই ভাগে বিভক্ত—জাগরণ পলা (ইহারই মধ্যে নিমাই গ্লাতির পলা নামে আর এক ক্ষুদ্র পলা আছে) এবং হেমঘট-তোলা পলা। নিত্যানন্দের বিরাট-পালার “জাগরণ পলা” বটতলায় ছাপা হইয়া গিয়াছে। অল্পগুলি এখনও ছাপা হয় নাই।

নিত্যানন্দের গোকুল-পালার একখানি পুঁথি বিশ্বকোষ-কার্যালয়ে সংগৃহীত হইয়াছে। গত সংখ্যার সাহিত্যপরিষদ পত্রিকার যে বাঙ্গালা পুঁথির তালিকা প্রকাশিত হইয়াছে, তাহাতে ১৮৩ সংখ্যায় এই পুঁথি খানিরই উল্লেখ আছে। দৈবকীনন্দনের দুইখানি কাব্যের মধ্যে আমি কেবল চন্দ্রকেতু রাজার পালার একখানি পুঁথি সংগ্রহ করিয়াছি। রঘুনাথ দত্তের পালার অস্তিত্ব এখনও প্রকাশিত হয় নাই।

\* এই কলিকাতার আদারীটোলা, জোড়াসাঁকো, বাগ্‌বাজার প্রভৃতি স্থানে ব্রাহ্মণসেবিত ডোম-প্রতিমানুরূপ শীতলা-মন্দির আছে।

## ১। দৈবকীনন্দনের শীতলা-মঙ্গল।

রাজা চন্দ্রকেতুর পালা।

এই পালার যে পুঁথিখানি আমি পাইয়াছি, তাহার বয়ঃক্রম অধিক নহে। থানা গড়বেতার অন্তর্গত রাধানগরনিবাসী ঈশ্বরচন্দ্র চক্রবর্তী নামে এক ব্রাহ্মণ ১২৫৭ সালের ২০এ কার্তিক সোমবার বেলা আড়াই প্রহরের সময় এই পুঁথির লেখা শেষ করিয়া চিত্তামণি নামক এক শীতলা-পণ্ডিতের বাবহারার্থ তাহাকেই বিক্রয় করেন।\* পুঁথিখানির বয়ঃক্রম ৫০ বৎসরেরও পুরাতন না হইলেও এই কাব্যের রচনাকাল নিতান্ত আধুনিক নহে। কাব্যের ভাষা ও অঙ্কন প্রমাণ হইতে বুঝা যায়, ইহা ভারতচন্দ্রের পূর্ববর্তীকালে রচিত। যথাস্থানে তাহার আলোচনা করা গিয়াছে।

এই পুঁথিখানির আকার ১৪ পাতা। ইহার কবিতার সংখ্যা প্রায় ৪০০ শত। ইহার রচয়িতার পরিচয় এই কাব্যের মধ্য হইতে এইরূপ পাওয়া গিয়াছে,—

“পূর্ণ হাট বসাইল,                      বসাইতে না পাইল,  
বিধি তাতে হইল বৈমুখ।  
শনি গৃহ হৈল পীড়া,                      সেই হতে লক্ষ্মীছাড়া,  
বিবস্ত্রা রাণীর যেন দুখ ॥  
পিতামহ পুরোত্তম,                      জগতে ঈশ্বর নাগ,  
শ্রীচৈতন্য তাহার কুমারে।  
তস্য স্মৃত শ্রীশ্রাম,                      সকল গুণের ধাম,  
কতকাল হস্তিনানগরে ॥  
তস্য স্মৃত শ্রীগোপাল,                      মান্দারণে কতকাল,  
নিবাস করিল বৈদ্যপুরে।  
শ্রীবল্লভ তাহার স্মৃত,                      গোবিন্দ পদেতে রত,  
হরি বল পাপ গেল দূরে ॥”

এই কবিতা কয়টীতে কবির উর্দ্ধতন চারি পুরুষের এবং বাসস্থানাদির পরিচয় পাওয়া গেল, কিন্তু কবির নাম ও উপাধির পূর্ণাঙ্গ পাওয়া গেলনা। কবির বংশতালিকা এইরূপ,—

বৃদ্ধ প্রপিতামহ	...	...	ঈশ্বর (পুরোত্তম বা পুরুষোত্তম?)
প্রপিতামহ	...	...	শ্রীচৈতন্য
পিতামহ	...	...	শ্রাম
পিতা	...	...	শ্রীগোপাল
কবি	...	...	শ্রীবল্লভ (বা) দৈবকীনন্দন কবিবল্লভ।

আমি এই চিত্তামণির এক বংশধরের নিকট হইতেই এই পুঁথিখানি পাইয়াছি।



কবির পিতামহের বাস হস্তিনানগরে ছিল। এই হস্তিনানগর বলিতে কোন গ্রাম বুঝিতে হইবে, তাহা জানি না। কবির পিতা কিছুদিন মান্দারুণে থাকিয়া শেষে বৈদ্যপুরে বাস করেন। সম্ভবতঃ কবিও এই স্থানে ছিলেন। আর একস্থলে আছে,—

“শীতলার পদরজঃ সদা করি ধ্যান।

দৈবকীনন্দন কবিবল্লভে গান ॥”

এই ভগিতাটী হইতে আমরা কবির সোপাধিক পূর্ণ নামটী পাইতেছি। এতদ্বিধি তিনি তাঁহার কাব্যের নানা স্থানে

(১) “গোবিন্দ ভকতি মাগে শ্রীকবিবল্লভ।”

(২) “শীতলা চরণতলে, শ্রীকবিবল্লভে বলে,  
সংসার সাগরে কর পার।”

(৩) “শ্রীকবিবল্লভ গান মধুর সঙ্গীত।”

(৪) “শ্রীকবিবল্লভ রস গায়।”

ইত্যাকার কেবল উপাধিমাত্র ব্যবহারে ভগিতা-যোগ করিয়া গিয়াছেন।

কবি দৈবকীনন্দন বিষ্ণুভক্ত ছিলেন; তাহার প্রমাণ আছে,

(১) “শ্রীবল্লভ তার স্মৃত, গোবিন্দ পদেতে রত”

(২) “গোবিন্দ ভকতি মাগে শ্রীকবিবল্লভ।”

(৩) “শ্রীকবিবল্লভে গান গোবিন্দে ভকতি।”

ইত্যাদি কিন্তু তিনি চৈতন্যসম্প্রদায়ী ছিলেন কি না সন্দেহ, কারণ একস্থলে দেখিতে পাই,—

“শ্রীকবিবল্লভে গান সেবিয়া ঈশ্বর।

পাষণ্ড বৈষ্ণবের মুণ্ডে পড়ুক বজ্র ॥”

চৈতন্যসম্প্রদায়ী হইলে “বৈষ্ণব” শব্দটীকে তিনি এ ভাবে ব্যবহার করিতে পারিতেন না বা পাষণ্ড বৈষ্ণবেরও (কেবল বৈষ্ণবনামধারী হইলেই যাহারা মহিমাম্বিত মনে করে তাহাদেরও) প্রতি ওরূপ শাপ প্রদান করিতে পারিতেন না।

কিন্তু আর এক স্থলে আছে,—

“শ্রীকবিবল্লভে গায়। রাখিবে রসিক রায় ॥”

এই রসিকরায় শ্রীকৃষ্ণ না নবরসিকদলের রসিক রায়? যাহা হউক, এ সকলই আছে, কিন্তু কোথাও কবির জাতিপ্রকাশক কোন কথাই পাওয়া গেল না। কবির জাতির ঠিক হইল না।

কবি সম্বন্ধে এই পর্য্যন্ত, এক্ষণে কাব্যানুসরণ করা যাউক। কাব্যখানির আরম্ভ এইরূপ,—

অথ শীতলা-মঙ্গল লিখ্যতে।

“ভগ্নিয়া কৈলাস গিরি, উর মাতা মহেশ্বরী,

নায়েকেরে কপিতে কল্যাণ।

তোমার চরণতলে,                      কাতর সেবকে বলে,  
 তব পায় লক্ষ পরগাম ॥  
 দেবতা না পায় মর্শ্ব,                      কল্পপের ষোগে জন্ম,  
 ধর দেবী মহীতুল্য নাম ।  
 বিবম বসন্ত বল,                      বধিলে রাবণদল,  
 প্রথমে পূজে রঘুরাম ॥  
 রূপের তুলনা দিতে,                      না দেখি ত্রিজগতে,  
 ব্রহ্মা আদি কহিতে নারিল ।  
 নারদ পূজিল পায়,                      রতন নুপুর পায়,  
 পদতলে নিবেদি সকল ॥  
 কি কব রূপের ছন্দ,                      একত্র করিয়া বন্ধ,  
 অমাবস্তা তাহাতে জড়িত ।  
 মধ্যদেশ হরি জিনি-                      হরিনাবসনামর্কনি, (?)  
 দশন ভুবন যে খণ্ডিত ॥  
 চৌষটি বসন্ত সঙ্গে,                      উরিলে পরম রঙ্গে,  
 নানাদেশ বলেন ভ্রমিয়া ।  
 বিবম প্রবন্ধ বল,                      ধুকুড়িয়া চামদল,  
 লোকে দেহ বসন্ত যাইয়া ॥  
 মা, তুমি যারে কর বিড়ম্বনা ।  
 কাষ্ঠ জিনি কলেবর,                      কর তারে জর জর,  
 অঙ্গে কর উএর নাদনা ॥  
 দেবতা অহুর নর,                      মৃগ পক্ষ জলচর,  
 সর্বঘণ্টে তব অধিকার ।  
 শীতলা চরণতলে,                      শ্রীকবিরলভে বলে,  
 সংসার-সাগরে কর পায় ॥”

মঙ্গলাঙ্কক বাঙ্গালা কাব্যগুলির উৎপত্তি প্রায়ই গ্রন্থপ্রতিপাত্ত দেবতার স্বপ্নাদেশে হইয়া থাকে, চণ্ডীমঙ্গল, রায়মঙ্গল, কালিকামঙ্গল, অন্নদামঙ্গল প্রভৃতি সবগুলিই স্বপ্নাদেশে লিখিত, কিন্তু এই শীতলামঙ্গল খানির উৎপত্তি সেরূপ নহে। কবির কাব্যরঞ্জনের মুখ-  
 রন্ধের প্রথম কবিতাটাই নায়কের অর্থাৎ যাহার যত্নে গান দেওয়া তাঁহারই কল্যাণ কামনা করিয়া লিখিত হইয়াছে। ইহা হইতে বোধ হয় যে, কবি কোতও শীতলা-ভক্তের বা শীতলা পণ্ডিতের অহুরোধে এই কাব্য রচনা করেন। নায়ক-গায়ন-বায়নের (নায়ক—  
 যিনি গান দেন বা যাহার অহুগ্রহে কবি রচনা করেন; গায়ন—গায়ক, যিনি কবির কাব্য গান করেন; বায়ন—বাদক, যিনি গানের সময় গায়কের সহিত বাজাইয়া থাকেন) প্রতি দেবদেবীর কৃপাপ্রার্থনা সে কালের কবিকুলের পক্ষে নূতন ব্যাপার নহে, কিন্তু

এস্থলে কাব্যরসের প্রথম কবিতাতেই সেই বিষয়ের ব্যবস্থা করার যেন বিশেষ ভাবপ্রকাশক হইয়া পড়িয়াছে বলিয়া বোধ হয় ।

পূর্বোক্ত অংশে শীতলা-দেবীর উৎপত্তি সম্বন্ধে কবি কেবল “কশ্যপের যোগে জন্ম” এই অর্কচরণ মাত্র বলিয়াই ক্ষান্ত হইয়াছেন । স্বন্দপুরাণে শীতলা স্বব থাকা প্রসিদ্ধ হইলেও আমরা তাহাতে কিছুই পাই নাই । ব্রহ্মবৈবর্তপুরাণে ষষ্ঠী মনসার উৎপত্তির কথা আছে, কিন্তু শীতলার নামগন্ধও নাই । যতদূর জানি, তাহাতে মৎস্ত, বায়ু, অগ্নি ও বিষ্ণু প্রভৃতি পুরাণাদিতেও কিছু নাই, সুতরাং কবির কথামত আমরা শীতলাকে এখন কশ্যপাত্মজা বলিয়াই গ্রহণ করিলাম । কবি দেবীর রূপবর্ণনাস্বক যে কয়টি কবিতা লিখিয়াছেন, তাহার ভাষা তিনিই একা বুঝিয়া গিয়াছেন, শ্রোতৃবর্গ বা পাঠকবর্গের বুঝিবার জন্ত তন্মধ্যে একটা কবিতাও পরিষ্কার ভাবব্যঞ্জক হয় নাই ।

এতদ্বির কবি একটা মহা অদ্ভুত কথার উত্থাপন করিয়াছেন । তিনি তাঁহার লেখনীর একটা খোঁচায় বাল্মীকির কাব্যের, এমন কি ভগবানের রামাবতারের সমস্ত মহিমাই হরণ করিয়াছেন—“বিষম বসন্ত বল, বধিল রাবণদল, প্রথমে পূজে রঘুরাম ।” বাল্মীকি রাবণ মারিবার জন্ত ভগবানকে রামচন্দ্র করিয়াছেন, কৃত্তিবাস হনুমানকে দিয়া মৃত্যুবাণ হরণ করাইয়াছেন, আর দৈবকীনন্দন রামচন্দ্রকে দিয়া শীতলাপূজা করাইয়া বসন্ত পীড়ায় সদলে রাবণকে মারিয়াছেন । কবি-কল্পনা এমন না হইলে বিচিত্রা বলিয়া খ্যাতিলাভ করিবে কেন ?

তাহার পর কবিবল্লভ শীতলাকে মর্ত্যালোকে স্বপূজা-প্রচারার্থ চিন্তিতা করিয়া তুলিয়াছেন ;—

“ঈশ্বরী বলেন শুন পাত্র জরাসুর ।  
তব তুল্য পৃথিবীতে কে আছে অসুর ॥  
সকল দেবেতে আছে মোর অধিকার ।  
মনুষ্য গৃহেতে পূজা না হয় আমার ॥

মা শীতলা বসন্ত রোগাধিষ্ঠাত্রী, তাঁহার পরামর্শদাতা কাজেই জরাসুর । জ্বর ও আবার অসুর ! আয়ুর্কোদমতেও পৃথিবীতে বাস্তবিকই আর কোন প্রবল রোগাসুর নাই । জরাসুরও বলিল,—

“আগে শীত আরম্ভ পশ্চাতে মাথা ব্যথা ।  
চৌদ্দপ্রহর জরভোগ আমি করি তথা ॥”

চৌদ্দপ্রহর অর্থাৎ দেড়দিন জরভোগের পর প্রায়ই বসন্ত দেখা দেয় এবং মাথাব্যথা সহ শীতযুক্ত জরই বসন্তাবির্ভাবের লক্ষণ বটে । তাহার পর জরাসুর মার আক্ষেপ শুনিয়া বলিল,—

“চৌষটি বসন্তে মাতা ডেক্যা আন তুমি ।  
পূজার বিধান কথা বল্যা দিব আমি ॥”

মা মনুষ্যাগৃহে পূজা লইবার আশয়ে চৌষটি বসন্তকে ডাকাইলেন । তাহারাও আনি নিজ নিজ প্রভাব জানাইয়া স্ব স্ব উপস্থিতি জ্ঞাপন করিল । এই স্থলে কবি চৌষটি বসন্তের লক্ষণ ও জীবদেহে তাহাদের প্রভাব বর্ণনা করিয়াছেন, তাহা আর উদ্ধৃত করিবার আবশ্যক নাই, কবিরাজ ডাক্তার মহাশয়গণ সে কয়টা কবিতা পড়িলে বরং উপকার পাইবেন । তাহার পর,—

“বসন্ত আনিয়া দেবী কহেন জরাসুরে ।  
কার দেশে পূজা লবে বলহ আমারে ॥  
জরাসুর বলেন পূজার সব হেতু ।  
চন্দ্রবংশ নরপতি নাম চন্দ্রকেতু ॥

\* \* \* \*

অবসন্ত অনেক মনুষ্য সেই পুরে ।  
চল সেই দেশে পূজা লইবারে ॥”

তাহার পর অনেক পরামর্শ হইল । জরা অগ্রে গিয়া জর ঘটাইবে, তাহার পর ম শীতলা অনুগ্রহ করিবেন । এইরূপ স্থির হইল ;—

“জর বলে বসন্তে মা দিবে পাঠাইয়া ।  
দিগম্বরী বেশ ধর ই-বেশ ছাড়িয়া ॥”

পাত্রের পরামর্শে মা শীতলা দিগম্বরী বেশ ধারণ করিলেন । সে বেশে, এলোচুল আভরণত্যাগ, দ্বীপিচর্ম্ম পরিধান, বিভূতিভূষণ, কক্ষে চৌষটি বসন্তের ঝুড়ি, হাতে নতি প্রভৃতি ছিল, বয়সও অশীতিপরা হইয়াছিল, তবে বিশেষত্ব ছিল একটা,—

“বামহাতে ছেল্যা মুণ্ড উল্লুকবাহন ।” এবং  
“গাদা হইল বলদ বসন্ত ছালা তায় ॥”

কবির এ কল্পনা কোথা হইতে আসিল, তাহা জানিনা । উল্লুক-বাহনের কথা কোথা নাই । দ্বিতীয় চরণের “গাদা” অর্থে “একত্র” বা “গর্দভ” ছই করা যায় ।

মা শীতলা এইরূপে এই বেশে চন্দ্রকেতু রাজার রাজ্যে প্রবেশ করিলেন । তৎপরে জরাসুরের তত্ত্বাবধানে বাহন ভূষণাদি সমস্ত রাখিয়া শীতলাদেবী বৃদ্ধার বেশে বসন্তের চূপড়ি মাত্র কক্ষে লইয়া নগর দর্শনে গমন করিলেন । নগরের নাম কবি দেন নাই । তাহার বিশেষ বর্ণনাও কিছু করেন নাই । শীতলা প্রথমেই নগরান্তিকে পুষ্করিগীতীনে কুলবতী রমণীগণকে দেখিলেন । তাহারা,—

“জরতী হৃষ্মিনী দেখি মুখ করে বাঁকা ।”

কাজেই শীতলা চটিলেন,—

“শীতলা বলেন ঘুচাইব সোনা শেঁকা ॥”

তাহার পর শীতলা নাগরিক বালকগণকে সোনার ভাঁটা লইয়া খেলা করিতে দেখিলেন, কিন্তু,—

“নাহি দেখি কার মুখে বসন্তের চিন ।”

শীতলা ভাবিলেন,—

“তিল মুগ মসুর ছাওয়ালে যদি দিব ।

নৃপতি সভায় পূজা কেমনে পাইব ॥”

কিন্তু ইহা ভাবিয়াই যে মা শীতলা একবারে ছাড়িয়া দিলেন, তাহা নয়, কবি বলিতেছেন,—

“ছাওয়ালে দেখিয়া দয়া জন্মিল অন্তরে ।”

এই দয়াই যে মা “শীতলার অমুগ্রহ” তাহা আর না বলিয়া দিলেও বুঝা উচিত ।

তাহার পর শীতলা রাজার সভায় গিয়া উপস্থিত । রাজা জিজ্ঞাসা করিলেন, মা তুমি কে ? কেন আসিয়াছ ? শীতলা বলিলেন,—আমার বাড়ী শান্তিপুর, আমার সাতটা গুণবান পুত্র ছিল । দেশে অকালে বড় আকাল হইল, তাহার উপর বসন্তের বড় প্রাচুর্য হইল । সকলে আগীর স্বামীকে শীতলা পূজা করিতে বলিল । স্বামী শিবপূজা বিনা অণু দেবতার পূজায় কোনমতে সম্মত হইলেন না । তিন দিনের মধ্যে শীতলার কোপে সাতটা পুত্র মরিল । তোমার রাজত্বেও অনেক অবসন্ত লোক দেখিতেছি । এই বলিয়া শীতলা, বসন্তে দেশের কত ভয়ানক অবস্থা হয়, তাহা বর্ণনা করিলেন এবং ইহাও বলিলেন,—

“পশ্চিমেতে যার গায় নাহি হয় গুটি ।

অপাক শরীর বন্যা নাহি দেই বেটী ॥”

শীতলার এই অতিশয়োক্তি টুকু সত্য না হইলেও সরস বটে । অবশেষে বলিলেন, তোমারও শত পুত্র আছে, তাহাদের কল্যাণার্থ শীতলার পূজা কর । তাহার নিজ অমুগ্রহ অমুচর জরাসুরেরও একটা ব্যবস্থা করিবার উদ্দেশ্যে বলিলেন,—

“তার পর জরাসুর বড় মহাতেজা ।

পুত্রের কল্যাণে রাজা কর তার পূজা ॥”

রাজা উত্তর করিলেন,—

“নৃপতি বলেন বুড়ী হয়্যাছ অজ্ঞান ।

কেমনে ছাড়িব আমি প্রভু ত্রিনয়ান ॥”

তখন শীতলা শিবনিন্দা করিতে লাগিলেন । রাজা শিব শিব বলিয়া কর্ণে হাত দিলেন । এই স্থলে রাজ্যোক্তির মধ্যে এক নূতন ব্যাপার বর্ণিত হইয়াছে, তাহা বড় কৌতুককর ও কিছু ইতিহাস-মিশ্রিত ;—

“শিবনিন্দা শ্রবণে গুনিয়া নৃপবর ।

শিব শিব বলিয়া জুই কর্ণে দিল কর ॥

জীব জন্তু অনেক বাড়য় অবনীতে ।

অবনীতে না সহে ভার লাগিল কাম্বিতে ॥



আপনি ত্যজিলেন প্রাণ দেবনিরঞ্জন । ব্রহ্মা বিষ্ণু মহেশ দেবতা তিনজন ॥  
 মড়া কাঁধে করিয়া বুলএ অবনীতে । কহেন উলুক মুনি ত্রিদেব সাক্ষাতে ॥  
 তিলমাত্র আপোড়া পৃথিবী ঠাঞি নাই । ইহার বৃত্তান্ত কিছু না জানি গোসাঞি ॥  
 উলুকের কথা শুনি দেব ত্রিলোচন । বাম উরুভাগে কৈল ধর্ম্মের শাসন ॥  
 বিষ্ণু হৈল কাহ্ন তাতে ব্রহ্মা হতাশন । বাম উরুভাগে পোড়া গেল নিরঞ্জন ॥  
 জন্ম জরা মৃত্যু যার নাই ত্রিভুবনে । হেন শিবের নিন্দা তুমি কর কি কারণে ॥”

কবির উল্লিখিত এই নিরঞ্জন ঠাকুরটী কে ? ইনি কি হুঃখে মরিলেন ? ব্রহ্মা বিষ্ণু মহেশেরই বা সে জন্ম পিতৃ মাতৃদায় কেন ? তাঁহার মড়া কাঁধে করিয়া ঘুরিতে গেলেন কেন ? পৃথিবীতে অদৃশ স্থানেই বা তাঁহার দাহ ব্যবস্থা কে দিল ? উলুক মুনিটীই বা কে ? আর শেষে মৃত নিরঞ্জনকে দাহ করিবার জন্ম বিষ্ণুকে কাষ্ঠ ও ব্রহ্মাকে হতাশন হইতে হইল । ত্রিলোচন বামউরুতে দাহ স্থান দিলেন,—ইহারই বা ব্যাপার কি ?—কিছুই সহজে বুঝা গেল না ! নিরঞ্জন শব্দটী হইতে ইহার মধ্যে কোন বৌদ্ধসংশ্রব নিরূপণ করা যাইতে পারে কি না তাহা বৌদ্ধতত্ত্বাভিজ্ঞগণ মীমাংসা করিবেন ।

যাহা হউক, তাহার পর রাজা বলিলেন,—

“কেবা কার পুত্রবধু কেবা কার পিতা ।  
 মরিলে সম্বন্ধ নাই শুন এই কথা ॥”

সুতরাং পুত্রের কল্যাণার্থে বা তোমার অমুরোধে—

“জন্মেও না ছাড়িব মহেশ ঠাকুর ।  
 শুনরে অজ্ঞান বুড়ী এথা হৈথে দূর ॥”

কাজেই শীতলা বুড়ী চটিয়া গেলেন, রাগে নয়ন দুটা লাল হইয়া উঠিল ; এমত সময় জরাসুর আসিয়া দেখা দিল ।

শীতলা ক্রোধে জরকে চন্দ্রকেতুর সর্বনাশ করিতে আদেশ দিলেন । জর বিক্রম করিয়া চলিয়া গেল । জর হাটে, বাজারে, গৃহে, কুটীরে ছড়াইয়া পড়িল, সঙ্গে সঙ্গে বসন্ত ফুটিল । জাতি বিশেষে, কর্ম্মচারী বিশেষে মা শীতলা বিভিন্ন প্রকার বসন্ত নিযুক্ত করিলেন ।

তাহার পর রাজার রাজস্বে লোকজন, হাতী ঘোড়া, পশু পক্ষী মরিয়া উজাড় হইল । শেষে রাজার উনসত্তরটা পুত্রও মরিল । রাণী কাঁদিয়া আকুল হইলেন, তবু রাজা পূজা করিলেন না, বরং—

“রাজা বলে শীতলা করেছে যদি বাদ ।  
 কদাচিত আমি তার না লব প্রসাদ ॥”

ঠিক কথা ! রাজা প্রকৃত মামলাবান্ধ বটে, প্রবলের সঙ্গে লড়িতে হইলে হারিয়া হারানই পরামর্শসঙ্গত বটে । তাহার পর শিবগুণানুকীর্তন করিয়া রাণীকে প্রবোধ দিলেন, শিবেরই শরণ লইতে বলিলেন—এবং নিজেও দিবারাত্রি কুশাসনে বসিয়া শিবারাধনা

করিতে লাগিলেন। শিবশিবে শত কলসী স্তম্ভ চালায়া শিবচরণে সহস্রপদ্য উৎসর্গ করিয়া রাজা পূজা করিলেন। ভক্তের আকুল আহ্বানে ভোলানাথের প্রাণ উৎকণ্ঠিত হইয়া উঠিল, তিনি জনৈক পার্শ্বদকে ডাকিয়া, কোথায় কোন ভক্ত কি বিপদে পড়িয়াছে তাহার তথ্য জিজ্ঞাসা করিলেন। কবিবল্লভ শিবের এই পার্শ্বচরটার এক নূতন নাম দিয়াছেন,—নন্দী, ভৃঙ্গী গণেশাদি পুরাণ প্রচলিত শিবামুচরগণকে উপস্থিত করিতে তাঁহার প্রবৃত্তি হয় নাই।

কবি কল্পিত এই শিবামুচরের নাম “ভীমক্ষেত্র,”—

(১) “ভীমক্ষেত্রে ডাকিয়া বলেন পশুপতি।”

(২) “শুন ভীমক্ষেত্র তুমি আমার বচন।”

তাঁহার পর ভীমক্ষেত্র মহাশয় খড়্গপাতিয়া চন্দ্রকেতুর সহিত শীতলার বিবাদে চন্দ্রকেতুর বর্তমান অবস্থা যুঁহা ঘটয়াছে, তাহা জানিতে পারিয়া শিবকে জানাইলেন। শিব মহাক্রুদ্ধ হইয়া স্বদলবল সংগ্রহ করিলেন,—চৌদ্দ-লোকপতি, পঞ্চাশহাজার দানা ও একলক্ষ ভূত জড় হইল। কবি এই দলের সেনাপতি-গোছের একজনের পরিচয় দিয়াছেন,—

“নেকা টেঁকা মেঘনাদ বিষম মুরতি।”

তৎপরে সকলে চন্দ্রকেতুর রাজ্যে উপস্থিত হইলেন। বসন্ত দূর করিবার জন্ত,—

“মেঘনাদ আসি করে বিষম গর্জন।”

এই মেঘনাদের কাব্যোচিত রূপকাবরণ ছাড়াইয়া যদি “মেঘের নাদ” এইরূপ একটা কিছু ধুরা যায়, তাহা হইলে বোধ হয় বসন্তকালে মেঘ গর্জনা দি দ্বারা পৃথিবীতে তাড়িত সঞ্চারণ ও পরোক্ষে বৃষ্টিপাত ইত্যাদিতে বসন্তোপদ্রব শাস্ত হওয়ার পক্ষে অনেক সুবিধা হয়, ইহা অনুমান করিলে অশ্রয় হয় না। যাহাহউক শীতলা সে গর্জন শুনিয়া একটু শিহরিলেন, জ্বরকে ডাকিয়া বলিলেন,—

“প্রেত ভূত দানা সঙ্গে আইল শূলপাণি।

আর কি পূজিবে চন্দ্রকেতু নৃপমণি ॥”

পাত্র পরামর্শ দিয়া ভূতের গাত্রে “ভূতমুখা” বসন্ত ফুটাইতে বলিলেন এবং নিজে শিবামুচর বলিয়া শিবজ্বর হইয়া দেখা দিলেন। “ভূতমুখার” প্রভাবে ভূতেরা “মড়াকাঠ” হইয়া উঠিল, কাঁদিয়া শিবের কাছে গিয়া জানাইল,—

“বসন্তে কাটিয়া মরি না দেখ নয়নে।”

শিবের মস্তিষ্কে তখন বড়ই গোল বাধিয়াছে। তিনি ভক্তের বিপদ দূর করিতে আসিয়া স্বদলে বিপদে পড়িয়াছেন, কাজেই কোন কথা তাঁহার কাণে প্রবেশ করিতেছে না। কবি বলিতেছেন,—

“ভূতগণের কথা শিব না করে শ্রবণ।”

এদিকে শিব আসিয়া বড় কিছু করিতে বা পারার, রাজা ভাবিলেন “বান হৈল্য ত্রিলোচন”, কাজেই

“রাণীর সহিত যুক্তি করে নরপতি ।”

রাণী কাঁদিয়া গিলিলেন, উনসত্তরটা পুত্রকে শীতলা অমুগ্রহ করিয়াছেন, অতএব কনিষ্ঠ পুত্রকে কোথাও লুকাইয়া রাখ। রাজা সম্মত হইলেন এবং বলিলেন,—

“রাজা বলে শুন কথা । সূর্যাসনে মোর মিতা ॥”

অতএব উভয়ে সূর্য্যারাদনা করিলেন। সূর্য্য আসিলেন, রাজারাণী তাঁহার হস্তে পুত্রকে অর্পণ করিলেন, সূর্য্যও মিত্রপুত্রকে লইয়া গেলেন। রাজার অবশ্য স্বাস্থ্যরক্ষায় কিছু জ্ঞান ছিল বলিতে হয়। সংক্রামিত ব্যাধিপ্লাবিত স্থান ত্যাগ ও বসস্থাদিরোগে সূর্য্যরশ্মি যে উপকারী তাহা বোধ হয় তিনি বুঝিতেন, তাই এই ব্যবস্থা করিলেন। কবি এই রূপকার্ণ জানিতেন কিনা জানি না, কিন্তু আমাদের তীক্ষ্ণবুদ্ধিতে ইহা হইতে এইরূপ সূক্ষ্ম কারণতত্ত্ব নিষ্কাশিত করিলে ব্যাখ্যা বোধ হয় অসঙ্গত হয় না।

ওদিকে রাজপুত্র সূর্য্যসারথির তত্ত্বাবধানে রহিলেন। শীতলার টনক নড়িল। জরাসুর পলায়িত শীকার খুঁজিতে লাগিল। দেবীর আজ্ঞায় পদ্মা বা কমলা গণিয়া স্থান বলিয়া দিলেন। জরাসুর সেখানেও বসস্থ পাঠাইতে বলিল। বড় বড় বসস্থেরা মাথা হেঁট করিল, ক্ষুদ্র সূর্য্যমণি উঠিয়া শীতলার গুয়া পাণ লইল। সূর্য্য সারথিই রাজপুত্রকে রাখিয়াছেন, সূতরাং বসস্থ গিয়া আগে তাঁহাকেই ধরিল। জর শিবজর পাইয়া বসিল। সারথি শয্যাগত হইল। সূর্য্যের রথ আর চলে না। সৃষ্টি যায়। সূর্য্যদেবের চাকুরীর ভয় হইল, তাহার উপর তাঁহার গৃহিনী ছায়া আর এক গোল বাধাইলেন, তিনি বলিলেন,—

“হুহিতা যমুনা যম তনয় তোমার ।

তেজময়ী পাছে ছুঁহে করেন প্রতিকার ॥”

কার্যেই সূর্য্যদেব ভীত হইলেন এবং আশ্রিত মিত্রপুত্রকে এক পদ্মের ভিতর লুকাইয়া রাখিলেন। সূর্য্যমণি বসস্থ তখন সূর্যালোকে রাজপুত্রকে না পাইয়া ফিরিয়া আসিল। দেবী আবার চিন্তিত হইলেন। কমলা আবার গণিলেন। এবার শিশিরা বসস্থকে পদ্মবনে পাঠান হইল। শীতলা তাহার আফালন গুনিয়া নিজ গলা হইতে শতেশ্বরী হার দিলেন। বসস্থ লাগিতেই সমস্ত পদ্ম বৃন্তচ্যুত হইয়া পড়িল। রাজপুত্র কাঁদিতে লাগিলেন, কিন্তু পদ্ম বলিল,—

“পদ্ম বলে শরণাপনে যদি ছেড়্যা দিব ।

তবে কি আমারে হর মস্তকে ধরিব ॥”

আমরা দেখিতেছি, শরণাগত রক্ষার্থ কবি পদ্মে যে সাহস ও কর্তব্যবুদ্ধি প্রতিকলিত করিয়াছেন, দেবতা সূর্য্য ও দেবী ছায়াতেও তাহা রাখিতে পারেন নাই, বোধ হয় শিবেও নাই।

যাহা হউক রাজপুত্র কিন্তু আশ্রয়স্বতন্ত্র বিপদ আর অধিক ভয়ী করিয়া তুলিতে মনন

করিলেন না । তিনি ধীরে ধীরে পদ্মের স্থান ধরিয়া পাতালে প্রস্থান করিলেন এবং বাসুকীর কোলে গিয়া আশ্রয় লইলেন ।

আবার গণনা, আবার সন্ধান । এবারে উঞানিয়া যুঞানিয়া ছই বসন্তভ্রাতা অগ্রসর হইল । ইহাদের প্রভাবে সর্পের অতি ছরবস্থা হইল,—

“মহুঘ্য শরীরে হৈলে ত্যাগ করে বোল ।

সর্পের শরীরে হৈলে সেহ ছাড়ে খোল ॥”

বাসুকীপুত্র বসন্তপীড়ায় কাতর হইয়া পিতাকে অমুযোগ করিল এবং সর্পকুলের দুঃখ জানাইল । তখন—

“সর্পের করুণা শুনি চিন্তিত বাসুকী ।

প্রাণ দিয়া শরণাপন শিশু যদি রাখি ॥”

তৎপরে শিবি রাজার কথা অর্থাৎ শ্বেন-কপোতসংবাদ শ্রবণ করিয়া বাসুকী স্বগণ রক্ষার্থে রাজকুমারকে পরিত্যাগ না করিয়া স্বর্ণরেখা পর্বতের গহ্বরে লুকাইয়া রাখিলেন ; বসন্ত ভ্রাতৃদ্বয় কাজেই ফিরিয়া আসিল । শীতলা ভাবিলেন,—

“নীলকণ্ঠপ্রিয়াতাত তখি কেবা যায় ।”

নীলকণ্ঠের প্রিয়র পিতার গহ্বরে অর্থাৎ পর্বতগহ্বরে কে যাইবে ? কিন্তু বসন্তের বাজারে অভাব কি ? এবার শিখরিয়া বসন্ত গুণ্যাপন লইল । এই বসন্তের প্রভাবে স্বর্ণরেখা পর্বত গলিয়া সুর্বর্ণরেখা নদী হইয়া গেল । রাজপুত্র আর বাঁচিতে পারিলেন না । তিনিও বসন্তে ফাটিয়া মারা গেলেন ।

এই রাজকুমারের পত্নী চন্দ্রকলা পিতৃগৃহে ছিলেন । তিনি স্বপ্নে দেখিলেন, পতির মৃত্যু হইয়াছে । ভূমিকম্প, উদ্ধাপাত, রক্তবৃষ্টি প্রভৃতিতে শীতলা কতকটা তৃপ্তিলাভ করিলেন, কিন্তু—

“ত্রৈলোক্যতারিণী মাতা মনেতে ভাবিল ।

ভালমন্দ চন্দ্রকলা কিছু না জানিল ॥”

অতএব—

“বামকরে পাতি দক্ষিণ করে নড়ি ।

রাজকণ্ঠার স্থানে চলিল দেবী বুড়ী ॥

যেখানে বসিয়া আছে রাজার কুমারী ।

বিহর বাড়ীকে যেন গোবিন্দ ভিখারী ॥”

তাহার পর বলিলেন,—

“হেদে গো রাজার কণ্ঠা আসি আশীর্বাদে ।

একাদশী কর্যাছি পারণ সজ্জা দে ॥”

তখন—

“সুবর্ণ থালার চাল রুড়ি বড়ি নঞা ।

ঈশ্বরী সাক্ষাতে কণ্ঠা দাওয়াইল গিয়া ॥

ঈশ্বরী কহেন কণ্ঠা এই তব কাছে ।

উনমত্ত ভাগুর তোমার বসন্তে মরেছে ॥

পশ্চিম পর্বতে তোমার মরিয়াছে পতি ।

কেমনে পারণা লব শুন গুণবতী ॥

পূর্বেই তপন যদি পশ্চিমে উদয় ।                      তথ্যুচ আমার বাক্য মিথ্যা নাঞি হয় ॥”

তাহার পর শীতলা বোধ হয় তৃপ্তিলাভ করিলেন এবং  
“এত বলি তেজময়ী হৈল অন্তর্ধান ।                      জানিল রাজার কণ্ঠা স্বপ্ন যে বিধান ॥”

তাহার পর,—  
অনুমতা হতে সেএ চন্দ্রকলা যায় ।                      আশ্রমশাখা ভাঙ্গি সতী হরিগুণ গায় ॥

\* \* \* \* \*  
রাজকণ্ঠা সতী হৈল ঈশ্বরীর বোলে ।                      রাম রাম গোবিন্দ গোবিন্দ ঘন বলে ॥  
কৌষিকী রাজার রাণী সমাচার পেয়া ।                      ধরিল কণ্ঠার গলে কান্দিয়া কান্দিয়া ॥  
রাজরাণী বলে বাছা কি বুদ্ধি তোমার ।                      ভাঙারে সকল ধন কর অধিকার ॥  
গৃহিণী হইয়া বাছা থাক মোর ঘরে ।                      কেনবা অনাথ করে যাইবে আমারে ॥”

এইস্থলে আমরা একটু ঐতিহাসিক কথা পাড়িব। কবির সময়ে অনুমতা হওৎ প্রবল ছিল, কিন্তু পিতামাতা অনুমরণকামা কণ্ঠাকে ধনলোভ প্রভুত্বলোভ দেখাইয়া নিরস্ত করিতে চেষ্টা করিতেন। যদিও বেণ্টিকের পূর্ববর্তীকালে সর্বত্রই অনুমরণ-প্রথা বর্তমান ছিল, কিন্তু তাৎকালিক কোন কাব্যে তাহার এরূপ বর্ণনা দেখা যায় না, বিশেষতঃ কোন কবি নিজ কাব্যের নায়িকাকে অনুমতা করিয়াছেন, এরূপ পড়িয়াছি বলিয়া মনে হইতেছে না। কবিরাজ অনুমরণকামা চন্দ্রকলার মস্তকে আশ্রমপল্লবাদি দিয়া শাস্ত্রোক্ত বিধি বজায় রাখিয়াছেন। তাঁহার সমকালে এই প্রথা প্রচলিত না থাকিলে তাঁহার গায় শাস্ত্রজ্ঞানহীন, পুরাণজ্ঞানহীনের নিকট এরূপ বর্ণনা আশা করা যায় না। এ তাঁহার চাম্বুৎ প্রত্যক্ষের বর্ণনা। তাঁহাকে শাস্ত্রজ্ঞানহীন ও পুরাণজ্ঞানহীন বলায় তাঁহার প্রতি অবিচার করা হইতেছে না। এ পর্য্যন্ত তাহার কাব্যে যে সকল পৌরাণিকী কথা পাওয়া গিয়াছে, তাহা কোন পুরাণের বর্ণনার সহিত সঙ্গত নহে, তবে শুনিয়া শুনিয়া লোকের ধারণাবশতঃ যেরূপ জ্ঞান জন্মে, সেইরূপ জ্ঞান হইতেই কবি পৌরাণিক প্রসঙ্গ করিয়াছেন।

তাহার পর চন্দ্রকলা মাতাকে বলিলেন,—

“রাজকণ্ঠা নিবেদিল জননীর পাশে ।                      পাটে মোর রাজা নাই রাজা হব কিসে ॥

অল্প বয়সে যার প্রাণনাথ মরে ।                      সে বড় অজ্ঞান থাকে মা বাপের ঘরে ॥

দিনে দিনে হয় তার নহলী যৌবন ।                      মা বাপের হয় ঐরি বিধির লিখন ॥

সে ছুঃখ পাবার তরে রাখিবে আমারে ।                      নীলকণ্ঠহার কেবা রাখিতে চায় বরে ॥”

কবির “পাটে মোর রাজা নাই রাজা হব কিসে” এই চরণটির সরল মাধুর্যের তুলনা হয় না। তাহার পর চন্দ্রকলা যেরূপে মাতাকে প্রবোধ দিয়াছেন, তাহা নারীকুলের শিক্ষণীয়।

নীলকণ্ঠহার সম্বন্ধে কবি যে কথা বলিয়াছেন, সেরূপ একটা প্রবাদ এখনও বাঙ্গালীর মধ্যে প্রচলিত আছে। অনেকে শুনিয়া থাকিবেন বোধ হয় যে “নীলম্” নামক রত্ন (অর্থাৎ নীল মণি) সকলের অদৃষ্টে শুভদায়ক হয় না, এজন্য সকলে সাহস করিয়া “নীলম্” গৃহে



রাখিতে চায় না। এই নীলকর্ণহার অর্থে তদ্বৎ কোন রত্নালঙ্কার বা নীলমণির হারও হইতে পারে।

তাহার পর চন্দ্রকলা পতির মৃতদেহ পার্শ্বে উপস্থিত হইয়া—

“দীঘল কুম্বলে সতী ছুটি পদ ছাঁদে। বদনে বসন্ত দিয়া বিধুমুখী কঁাদে ॥  
প্রেমের পশরা কান্ত ছিলে মোর সনে। সুখের হাটে দাগা বিধি দিল এত দিনে ॥”

ইহার পর সতী আরা কঁাদিল না, অল্পমুতা হইবার আয়োজন করিতে লাগিল। শীতলা আবার বৃদ্ধা ব্রাহ্মণীবেশে দেখা দিলেন। তখন—

“ব্রাহ্মণী দেখিয়া দণ্ডবত কৈল সতী। ঈশ্বরী বলেন হও জনম এয়তি ॥  
এত শুনি চন্দ্রকলা শীতলারে বলে। তব বাক্য মিথ্যা হলা মৃতপতি কোলে ॥  
শীতলা বলেন কহা কহি তব ঠাঞি। আমার বচন মিথ্যা কভু হবে নাঞি ॥

\* \* \* \* \*  
অলঙ্ঘ্য আমার বাক্য শুন রূপসিনী। আমা আশীর্ষাদে তুমি হবে রাজুরাগী ॥

তাহার পর শীতলা চন্দ্রকলার পতির প্রাণদানার্থ একটা ছল পাতিয়া বলিলেন,—

“ঘরে আছে নাতিটী নাহিক মোর সাথ। পাতি বৈতে কাঁকালেতে ধরিলেক বাত ॥  
তব প্রাণনাথে যদি বাঁচাইতে পারি। পাতি বৈতে দিবে মোরে বলগো সুন্দরী ॥  
সতী বলে পতি যদি প্রাণ দান পাব। সত্য সত্য পাতিটি বহিতে আমি দিব ॥”

মহিমাপ্রচারের জন্ত শীতলা অনর্গল মিথ্যা কহিতে প্রস্তুত, রাজার সম্মুখে একবার সাত পুত্রের মরণের পরিচয় দিয়াছেন, এখানে আবার নাতির কথা বলিলেন। ভারতচন্দ্রের অঙ্গদার শ্রায় কবিবল্লাভের শীতলা ছদ্মকথা বাঁচাইয়া পরিচয় দিতে পারেন না। তাহার পর চন্দ্র সূর্য্য সাক্ষী করিয়া শীতলা কাপড়ের কাণ্ডার দিয়া মৃতসঞ্চারিণী মন্ত্রে প্রাণদান দিলেন, এবং কোলে করিয়া চুম্বন করিলেন। তাহার পর—

“রাজকন্ঠার সত্য মাতা বৃষ্ণিবার তরে। দিলেন বসন্ত পাতি বহিবার তরে ॥  
আগে আগে চলে শিশু পাতি করি মাথে। নড়ি ধরি চলে বুড়ী শিশুর পশ্চাতে ॥  
চন্দ্রকলা সতী তার পশ্চাতে গড়ায়। কত দূরে গিয়া মাতা পাছুপানে চায় ॥  
ঈশ্বরী বলেন কহা মোর কথা শুন। সত্য করে স্বামী দিলে পাছু আইস কেন ॥  
চন্দ্রকলা বলে মাগো তব দাস পতি। আমি তব দাসী হয়ে থাকিব সংহতি ॥  
প্রাণনাথ কাননেতে কুম্বম তুলিব। চন্দন ঘসিয়া তব পাদপদ্মে দিব ॥  
এ কথা শুনিয়া দেবী তাবয়ে অন্তরে। শুনগো রাজার কহা বর মাগো মোরে ॥  
চন্দ্রকলা বলে মাগো যদি বর দিবে। প্রথমে শ্বশুরে মোর কুবুদ্ধি ঘুচাবে ॥  
ঈশ্বরী বলেন কথা শুন মন দিয়া। মৃতসঞ্চারিণী মন্ত্র তুমি যাও নঞা ॥  
তবে চন্দ্রকলা হৈল আনন্দিত মনে। মৃতসঞ্চারিণী মন্ত্র শুনিল শ্রবণে ॥  
মন্ত্র পেয়ে শশীমুখী আনন্দিত মনে। প্রাণনাথে সঙ্গে করি চলিল ভবনে ॥

হেথা পুত্রবধূশাকে কান্দে রাজরাণী ।  
 পুত্রবধূরাজরাণী করিলেন কোলে ।  
 ধন্য তব জনক জননী রত্নাবতী ।  
 কথা বলেন ঈশ্বরী পূজহ মহারাজা ।  
 এত শুনি নিবেদিল নৃপতির ঠাঁঞি ।  
 পূজহ ঈশ্বরীপদ পূজ মৃত্যুঞ্জয় ।

শীতগতি চলে ধেয়া লোকমুখে শুনি ॥  
 লক্ষ লক্ষ চুষ খায় বদনমণ্ডলে ॥  
 হেন কথা গর্ভে ধরে রত্নাবতী সতী ॥  
 জীয়াইব ভাগুর আর পাত্র মন্ত্রী প্রজা ॥  
 যাহার প্রসাদে রাজা হারা মরা পাই ॥  
 নৃপতি বলেন মোর কথা হেন নয় ॥”

এই উক্ত্যাংশ হইতে বুঝা যাইতেছে, কবি কিছু তাড়াতাড়ি কাব্য শেষ করিয়াছেন ।  
 এত তাড়াতাড়ি যে চন্দ্রকলাকে শীতলা নিজ পরিচয় দিবার অবকাশ পান নাই, এমন কি  
 যে জন্ম কাব্যের জন্ম, শীতলা সেই চন্দ্রকেতুদ্বারা নিজ পূজার ব্যবস্থা করাইবারও অবসর  
 পান নাই, এমন কি বরদাসীর প্রার্থিত “শুশুরের দুর্কুন্ধিনাশ” বর প্রদান করিতেও ভুলিয়া  
 গিয়াছেন ।

রাজা চন্দ্রকেতু শীতলার অনুরোধ পাইলেন বটে, কিন্তু দুর্কুন্ধি ছাড়িতে পারেন নাই,  
 অথবা রাজোপযুক্ত দৃঢ়প্রতিজ্ঞাবশতঃ রাণী ও পুত্রবধুর অনুরোধ শুনিয়া বলিলেন—

“পুনর্বার পুত্র বধু মরুক হুজন ।  
 জন্মে নাহি ছাড়িব প্রভু ত্রিলোচন ॥”

রাজা প্রতিজ্ঞা রাখিলেন, কিন্তু শিব ভয় পাইলেন । একে চন্দ্রকেতুর সাহায্যে আসিবা-  
 মাত্রই শীতলা তাঁহার ভূতসেনাকে বসন্তে পাড়িয়া ফেলিয়াছেন, তাহাতে আবার তাঁহারই  
 জন্ম শীতলার পূজাও রাজা বন্ধ করিতেছেন, কাজেই তিনি তাড়াতাড়ি আসিয়া—

“ডাকিয়া বলেন কিছু প্রভু কৃতিবাসে ॥

পূজহ ঈশ্বরীপদ শুনরে রাজন । একান্ত ভজিবে তুমি দেব ত্রিলোচন ॥  
 শুনিয়া শিবের বাণী অঙ্গীকার করে । মর্যাছে যতক লোক জীউক সত্তরে ॥  
 মম্বলে শশিমুখী দিল জিয়াইয়া । নৃপতি দিলেন পূজা জয় জয় দিয়া ॥  
 জয় জয় শব্দ হইল নৃপতি-ভবনে । পালা সায় রহে গান নৃপতি-কল্যাণে ॥

ইতি চন্দ্রকেতুর পালা সমাপ্ত ।

রাজা শেষকালে যে শীতলাপূজা করিলেন, তাহাও শিবানুরোধে, স্মতরাং তাঁহার দৃঢ়তা  
 একনিষ্ঠতা অক্ষুণ্ণ রহিল ।

কাব্যংশ ।—এই কাব্যানুসরণ করিয়া আমরা যতটা দেখিলাম, তাহাতে কবির উপাখ্যান  
 রচনার যে বিশেষ কৌশল কিছু আছে, তাহা দেখিলাম না । কাব্যংশে ইহার সৌন্দর্য্যও যে  
 অধিক আছে, তাহাও বোধ হইল না ;—তবে একবারে যে কিছুই নাই এমন নহে, হু’ একটা  
 নূতন ছন্দও আছে ।

( ১ ) নিম্নলিখিত ছন্দটির নাম কবি “একাকলী” বলিয়া উল্লেখ করিয়াছেন,—

“রাণী বলে নরপতি । কি হবে আমার গতি ॥

উনসত্ত তনয় মৈল ।                      বধুয়া বিধবা হৈল ॥  
এ মুখ দেখাব কারে ।                      প্রবেশি প্লাতালপুরে ॥  
পুত্র বিনে নাহি ধন ।                      পিণ্ড দিব কোন জন ॥”

এটি অষ্টাকরী মিত্রাকরা বৃত্তি। তৃতীয় চরণে “তনয়” শব্দ “পুত্র” শব্দে পরিবর্তিত করিলে অক্ষরাধিক্য দোষ থাকিত না। “উনসত্ত” শব্দটি “উনসত্তর”<sup>১</sup> বাধক; উহা হয়ত কবির দেশপ্রচলিত কথোপকথনের ভাষায় ব্যবহৃত হইয়া থাকে।

(২)                      মা, তুমি যারে কর বিড়ম্বনা ।  
কাষ্ঠ জিনি কলেবর                      কর তারে জর জর  
অঙ্গে কর উএর নাদনা ॥

এরূপ ধুয়াবিশিষ্ট ত্রিপদী ছন্দ সমগ্র কাব্যে এই একটী মাত্রই আছে।

কল্পনা।—কবির কল্পনাশক্তি বেশ তীক্ষ্ণ ও মার্জিত ছিল না। তাঁহার বিচারে চূড়ান্ত স্থথের ছবি যে কি, তাহার একটা উদাহরণ তিনি চন্দ্রকেতুর প্রজার অবস্থা-বর্ণনার মধ্যে অসতর্ক ভাবে দিয়া গিয়াছেন,—

“সুবর্ণের কলসীতে প্রজা জল খায় ।                      কেবা রাজা কেবা প্রজা চেনা নাহি যায় ॥  
রোগ শোক নাহি জানে সদাই মদন ।                      লিখিতে না পারে যেন ইন্দের ভুবন ॥  
রাজার রাজ্যেতে কেহ নাহি করে ভাণা ।                      কুলা ভরি ধাতু লেই তিল ভোর বিঘা ॥”

কবির মতে, প্রজা সুবর্ণের কলসীতেই জল খাউক, আর রাজায় প্রজায় সমান ভাবেই চলুক, যদি তাহাকে ভাগে চাষ করিতে না হয়, যদি সে কুলা ভরিয়া ধান লইতে পায় এবং যদি তার বিঘা ভোর জমীতে তিল জন্মে, তাহা হইলে আর তাহার দুঃখ কি? ইহা হইতে আমরা কবির নিজের অবস্থাও অনুমান করিতে পারি।

ভাষা।—ভাষাগত বিশেষত্ব এই কাব্যে বড় বেশী নাই, যাহা আছে, তাহা দেখাইতেছি—

(১) কাঁটাল্যা বসন্ত বলে দেবী বিষ্ণুমান ।

(২) শিখর্যা বসন্ত বলে দেবী বিদ্যমান ।

এইরূপ “বেঁউচ্যা”, “গগর্যা”। এরূপ শব্দ আরও আছে। এখনকার ভাষায় এইগুলির যফুলা ও আকারটীকে বিস্মৃত করিয়া “কাঁটালিয়া” হইয়া দাঁড়াইয়াছে। “শিখরিয়া”, “বেঁউচিয়া” ইত্যাদিরূপে লেখাই প্রথা ও শুদ্ধ বলিয়া গণ্য হইয়াছে। “মগর্যা”টি মগরিয়া না হইয়া বোধ হয় মগরাই হয় (যেমন খাগড়াই)।

(৩) আভরণ ত্যজিলেন রূপা আদি হীরা ।

কবি যদিও চন্দ্রকেতু রাজার প্রজাবর্গকে সোণার কলসীতে জল খাওয়াইয়াছেন, সোণার তাঁটা লইয়া শিশুদিগকে খেলা করাইয়াছেন, তবু এই চরণটীতে রূপার আভরণ ভিন্ন সুবর্ণের অলঙ্কারের উল্লেখ করেন নাই। যদিও এখানে “আদি” শব্দের প্রয়োগ আছে ও হীরকের উল্লেখও আছে, কিন্তু কবির সামাজিক অবস্থা যাহা ছিল, সে অবস্থায় লোকে রূপার গহনা

পরিভে পারিলেই কৃতার্থজ্ঞান করিত এবং কবিও সেই অবস্থার লোক ছিলেন বলিয়া, মা শীতলার গাত্রে রৌপ্যালঙ্কারের প্রোধাণ রাখিয়া গিয়াছেন। হীরকের উল্লেখ এস্থলে যেন কবি একান্ত ধনের মান রাখিবার জন্তই করিয়াছেন। কবির সামাজিক অবস্থা সম্বন্ধে আমরা যদি একরূপ অনুমান করি, তাহা হইলে বোধ হয় কোন অগ্রায় করা হয় না।

“বাম হাতে ছেল্যা মুণ্ড ভল্লুক-বাহন ।”

এই “ছেল্যা” শব্দ অবশ্য পূর্বোল্লিখিত “শিখরীয়া”, কাঁঠালিয়া”র স্থায় এখনকার ভাষায় “ছেলিয়া” রূপধারণ করে না বটে, কিন্তু হিন্দী ভাষায় ছেলিয়া হয়। একরূপ স্থলে এই যফলা ও আকারের প্রয়োগ রাঢ়ীয় বিকার কি না তাহা জানি না, তবে পূর্ববঙ্গের ভাষায় “ছাল্যো” প্রয়োগ শুনিয়াছি।

“শীতলা বলেন বুচাইব সোণা শেঁকা ।”

“শেঁকা” অবশ্য এতদঞ্চলে “শাঁখা” রূপে লিখিত হয়। আসলে ইহা “শঙ্খ” শব্দের অপভ্রংশ। “শেঁকা” বা “শেঁখা” রাঢ়ীয় বিকার বটে। এইরূপ “ভাটা” স্থলে “ভেঁটা”—“সুবর্ণের ভেটা লঞা শিশুগণ খেলে ।”

“আগমন” অর্থে “গমন” শব্দের প্রয়োগ—

“ব্রাহ্মণী দেখিয়া রাজা করে নিবেদন ।

কি কারণে মোর স্থানে করেছ গমন ॥”

“দেয়” অর্থে “দেই” এবং “নাপাক” অর্থে ‘অপাক’—

অপাক শরীর বলা নাহি দেই বেটা ।”

‘ উর্দু ভাষায় “নাপাক” অর্থে অপবিত্র, বাঙ্গালী কবি সেশ্বলে “অপাক” শব্দ ব্যবহার করিয়া নিজে যে ভাষাটী ভাল হজম করিতে পারেন নাই, তাহার পরিচয় দিয়াছেন। “দেয়” অর্থে “দেই” শব্দের প্রয়োগ ঠিক প্রাদেশিক প্রয়োগ নহে, ইহা উক্ত শব্দের প্রাচীনরূপ-মাত্র, কারণ উহা প্রায় সকল প্রদেশের কবির লেখাতেই দেখা যায়। “বল্যা” ও “বলিয়া” উভয়বিধ প্রয়োগই দেখা যায় যথা—“শিব শিব বলিয়া ছুই কর্ণে দিল কর ।” এইরূপ দ্বিবিধ রূপের প্রয়োগ দেখিয়া বোধ হয় যে ( কহনার্থ ) “বলে” পদের সহিত “বলিয়া” অর্থের অর্থাৎ হেতুবোধক “বলে” ( যাহার উচ্চারণ বোলে ) পদের পার্থক্য রাখিবার জন্তই “বল্যা” এই রূপের উদ্ভাবন করা হইয়াছে ; কিন্তু এ উদ্ভাবন এই কবির নিজস্ব নহে, ইহার বহু পূর্ব-কালের কবির রচনাতেও একরূপ প্রয়োগ দেখা যায়। অকারান্ত উচ্চারণবিশিষ্ট লান্ত ক্রিয়া-পদ গুলিতেও কবি একটা করিয়া যফলার ব্যবহার করিয়াছেন, আবার কোথাও তাহাও করেন নাই।

( ১ ) তার বাড়ী চলিল বসন্ত গজগুঁড়া ।

( ২ ) রাজার মহলে শীঘ্র প্রবেশিল গিয়া ।

( ৩ ) পূর্ণ হাট বসাইল, বসাইতে না পাইল ।

অন্যত্র—

- ( ১ ) আলকুশা বসন্ত বেরাইল্য তার গায়।
- ( ২ ) তার বাড়ী বসন্ত পাঠাইল্য চামদল।
- ( ৩ ) মৈল্য যত প্রজালোক, মোরে হৈল্য পুত্রশ্যোক।

একপ করিবার অর্থ কিছুই দেখা যায় না।

প্রথম পুরুষের কর্তায় উত্তম পুরুষের ক্রিয়াপদ ব্যবহারও এ কাব্যে বিরল নহে;—“আর কি পূজিব চন্দ্রকেতু নৃপমণি।” এস্থলে “পূজিবে” অর্থে “পূজিব” প্রযুক্ত হইয়াছে।

- ( ২ ) পুত্র বিনে নাহি ধন। পিণ্ড দিব কোন জন ॥

এস্থলে ‘দিবে’ অর্থে “দিব” প্রয়োগ।

- ( ৩ ) তোমা বিনে কেবা রাজা। অনাথ হইব প্রজা ॥

এস্থলে ‘হইবে’ অর্থে “হইব” প্রয়োগ।

বস্তুবাচক শব্দের স্থলে ব্যক্তিবাচক শব্দের প্রয়োগ প্রাচীন কবিদের কাব্যে যথেষ্ট দেখা যায়, কবিবল্লভের রচনাতেও তাহা আছে,—

“সূর্য্য সনে মোর মিতা।”—

এস্থলে “মিতালী” অর্থাৎ মিত্রতা অর্থে ‘মিতা’ শব্দের প্রয়োগ।

ভিন্নার্থে বিভিন্ন শব্দের প্রয়োগ—

“দুহিতা যমুনা যম তনয় আমার।

তেজময়ী পাছে ছুঁহে করেন প্রতিকার ॥”

এস্থলে ‘অধিকার’ অর্থে ‘প্রতিকার’ শব্দের প্রয়োগ হইয়াছে; কিন্তু প্রতি উপসর্গের অর্থের প্রতি কবির উদ্দেশ্যের একটা বিশেষ টান আছে। সূর্যালোকে রাজপুত্রকে বসন্ত ভয়ে লুকাইয়া রাখা হইলে, শীতলা সূর্যালোকেও বসন্ত ছড়াইয়া দেন। পুত্রকণ্ঠার প্রতি পাছে শীতলা অনুগ্রহ করেন, এই ভয়ে সূর্য্যপত্নী ছায়া সূর্য্যকে ঐ কথা বলিতেছেন। অতএব অনুভব হয় যে, ছায়া ভাবিতেছেন, শীতলার শীকার রাজপুত্রকে আনিয়া রাখা অপরাধে শীতলা প্রতিশোধ দিবার জন্ত যদি তাঁহার পুত্রকণ্ঠাকেই আক্রমণ করেন। প্রতিকার শব্দের ‘প্রতি’ উপসর্গ হইতে আমরা কবির অন্তরস্থ প্রতিশোধের ভাবটুকু বোধ হয় টানিয়া বাহির করিতে পারি।

একটা কবিকল্পনার সমাস অতি সুললিত বটে—

“নীলকণ্ঠ-প্রিয়া-তাত তথি কেবা যায়।”

নীলকণ্ঠের ( শিবের ), প্রিয়া ( পত্নীর ), তাত ( পিতা ) অর্থাৎ হিমালয় হইলেও ব্যাখ্যার্থে পর্ব্বতমাত্র অর্থ গৃহীত হইয়াছে। “তথি” তথায়।

“বিহুর বাড়ীকে যেন গোবিন্দ তিথারী।”



‘বাড়ীতে’ স্থলে “বাড়ীকে” বর্ধমান অঞ্চলে কথোপকথনের ভাষায় সপ্তমী বিভক্তির “এ”ও “তে” চিহ্নের স্থলে “কে” চিহ্ন ব্যবহৃত হয়, যেমন ঘরকে ঘাবি ?

দিগম্বরী বেশ ধর ইবেশ ছাড়িয়া ।

এস্থলে “ই” শব্দটি “এই” শব্দের সংক্ষিপ্ত রূপ । এই “এই” শব্দ ২৪ পরগণা, হুগলী, নবদ্বীপ প্রভৃতি জেলার ভাষায় সংক্ষিপ্তাকারে ‘এ’ হয় । আর বর্ধমান অঞ্চলে ‘ই’ হয় । সুতরাং এই “ই” হইতে আমরা কবিকে রাঢ়ীয় লোক বলিয়া ধরিতে পারি ।

বিশেষার্থক শব্দাবলী ।—

“রাজকন্যা সতী হৈল ঈশ্বরীর বোলে ।”

ইংরাজেরা “She became a Sutee on her husband’s funeral pile” এতদ্বাক্যে সতী শব্দের যে অর্থে প্রয়োগ করে, এস্থলে কবি সেই অর্থে সতী শব্দের প্রয়োগ করিয়াছেন । সতীশব্দের একরূপ অর্থ এখনকার ভাষায় চলিত নাই ।

“অলঙ্ঘ্য আমার বাক্য শুন রূপসিনী ।”

এস্থলে “রূপসিনী” একরূপ পদ ভুল হয়, “রূপসী” শব্দকে পর পংক্তির “রাজরানীঃ” শব্দের সহিত মিত্রাক্ষর করিবার জন্ত ঐরূপ করা হইয়াছে । একরূপ ভুলগুলি সংস্কৃতে “আর্ষ-প্রয়োগ” বলিয়া উপেক্ষিত হয়, আমরা বাঙ্গালায় “কবিপ্রয়োগ” বলিয়া ছাড়িয়া দিতে পারি । আজকালকার লেখকেরও যে এ দোষ নাই, এমন নহে,—“সুকেশিনী শিরশোভা কেশের ছেদনে”,—সুকেশী বা সুকেশা পদই শুদ্ধ, সুকেশিনী হয় না ।

“পাতি বৈতে কাঁকালেতে ধরিলেক বাত ।”

“বৈতে” অর্থ ‘বহিতে’ এবং “কাঁকালেতে” কটিদেশে ।

“সতী বলে পতি যদি প্রাণদান পাব ।”

“পায়” বা “পাইবেন” অর্থে “পাব” শব্দের প্রয়োগ হইয়াছে ।

“কাপড় কাণ্ডার দেবী বেড়ি দিল তথা ”

‘কাণ্ডার’ অর্থে পর্দা, আবরণ ইত্যাদি ।

“মৃতসঞ্চারিণী মস্ত্রে প্রাণ সঞ্চারিল ।”

“মৃতসঞ্চারিণী” স্থলে “মৃতসঞ্জীবনী” হওয়াই কবির উদ্দেশ্য ; ঠিক বলা যায় না ইহা লিপিকর-প্রমাদ কি না ।

“চন্দ্রকলা সতী তার পশ্চাতে গড়ায় ।”

“গড়ায়” অর্থে অনুসরণ করে ।

“কত দূরে গিয়া মাতা পাছু পানে চায় ।”

“পাছু” অর্থে পশ্চাতে ।

আমি গিয়া যার ঘরে করি বিড়ম্বনা ।

সোণার শরীর করি উএর নাদনা ॥

এস্থলে “নাদনা” শব্দের অর্থ যতটা বুঝা যায়, তাহাতে টিপি বা স্তূপ বলিয়াই অনুমান হয়। উইয়ের টিপি যেমন অস্তঃশূন্য, বসন্তের প্রকোপে সোণার ত্রায় শরীরও সেইরূপ অস্তঃশূন্য হইয়া যায় বা উইয়ের টিপির উপরিভাগ যেমন অমসৃণ, বসন্তের চিহ্নে সোণার শরীরও সেইরূপ বিকৃত হইয়া যায়; এইরূপ অর্থই এস্থলে অনুমিত হয়।

“নেকা চেকা মেঘনাদ বিষম মূর্তি।”

এস্থলে “নেকা চেকা” এক কথা কি স্বতন্ত্র অর্থবিশিষ্ট দুই কথা তাহা বুঝিলাম না। অনুমানে অঙ্কন অর্থে লিখন এবং তদর্থে লিখন শব্দের অপভ্রংশ “নেকা” হইতে পারে। “চেকা” অনুকারক শব্দ। মেঘনাদের মুখখানা নানারূপ চিত্রিত (অবশ্যই ভয়োৎপাদক) এরূপ অর্থও করা যাইতে পারে।

“তেজময়ী বলেন তবে না হইল পূজা।

নিদান রাখিল পুনঃ চন্দ্রকেতু রাজা ॥”

এস্থলে “নিদান” শব্দের কি অর্থ বুঝা গেল না। আমাদের এতদঞ্চলে কথোপকথনের ভাষায় নিদান শব্দ বিকৃত হইয়া “নিদেন” হয় এবং ‘একান্তপক্ষে’ এইরূপ অর্থপ্রকাশ করে। এস্থলে চন্দ্রকেতু কনিষ্ঠ পুত্রকে সূর্যালোকে লুকাইয়া রাখায় শীতলা ঐ কথা বলিতেছেন, স্মতরাং এস্থলে যদি এরূপ অর্থ করা যায় যে, ‘একান্তপক্ষে রাজা চন্দ্রকেতু এ পুত্রটিকে রক্ষা করিতে পারিল’—তাহা হইলে এই নিদান শব্দের অর্থ যেন কতকটা হয়।

“পদ্ম বলে শরণাপনে যদি ছেড়া দিব।

তবে কি আমারে হর মস্তকে ধরিব ॥”

‘শরণাপন্ন’ অর্থে “শরণাপন” শব্দ ব্যবহার হইয়াছে। ইহা বোধ হয় লিপিকর-প্রমাদ।

“প্রাণ দিয়া শরণাপন শিশু যদি রাখি।”

“শরণাপন্ন” শব্দের অন্তর্গত নানাবর্ণের বিকার ঘটিয়া শরণাপন হইয়াছে। এরূপ স্পষ্ট ভ্রমাজ্ঞক শব্দকে কোন দিন স্বতন্ত্র শব্দ বলিয়া গণ্য করা উচিত নহে। উপরিলিখিত “শরণাপন” শব্দকেও স্বতন্ত্র শব্দ ধরা উচিত নহে।

“ডান হাতে আশাবাড়ি বামহাতে পাতি।

চৌষটি বসন্ত মাতা রাখিলেন তথি ॥”

“আশাবাড়ি” কি তাহা জানি না, তবে “বাড়ি” অর্থে “নড়ি” “লাঠি,” “ছড়ি” ইত্যাদি বটে। “পাতি” অর্থে পেঁতে, চুবড়ি। “তথি” অর্থে তথায় কিন্তু এখানে “তাহাতে”।

উপরে যে সকল ভাষাতত্ত্ব আলোচিত হইল, তদ্বারা আমরা এই কাব্যখানি ভারত-চন্দ্রের পূর্বের গ্রন্থ বলিয়া গণনা করিতে পারি, কারণ ভারতচন্দ্রের সময়ে ভাষা যে পরিমাণে মার্জিত হইয়াছিল, ইহার ভাষা সে পরিমাণে মার্জিত নহে। আবার কবিকঙ্কণাদির

ভাষার জায় তত প্রাচীনাবস্থাসূচকও নহে। অমুমান হয়, ইহা কেতকাদাসাদির সম-  
কালের রচনা।

ইতিহাস।—এই কাব্য হইতে সামাজিক ইতিহাস-সম্বন্ধে কিছু কিছু জানা যায়। যে  
স্থলে শীতলা-দেবীকর্তৃক চন্দ্রকেতুর রাজ্যে প্রজার জাতিনির্কিশেষে বসন্ত-ব্যবস্থা বর্ণিত  
হইয়াছে, সেই স্থলে কয়েকটি জাতির ও রাজকর্মচারীর ব্যবহার বর্ণিত আছে। কবির  
সময়ে সেই সকল জাতির ব্যবহার কিরূপ ছিল, তাহা এখানকার লোকের অবগতির জু  
উদ্ধৃত হইতেছে,—

“আমীন মাপএ জমী কোণে কোণে দড়া। তার বাড়ী চলিল বসন্ত গজগুঁড়া ॥

\* \* \* \* \*

শ্রদ্ধ সময় ভাট বোধ নাহি যায়। আমবোয়া আলকুশা বসন্ত বেরাইল্য তার পায় ॥

\* \* \* \* \*

গোয়াল বিচিত্র খোল তাতে দিয়া জল। তার বাড়ী বসন্ত পাঠাইল চামদল ॥

আসি বলি নাপিত ভাঁড়ায় মনুষ্যে। উঞানিয়া বসন্ত ধরিল গিয়া তারে ॥

বাসিবস্ত দিলে রজক স্থখে পরে। পোড়া মসুরিয়া পাঠাইল্য তার ঘরে ॥

অনেক ছলনা ধরে কোটাল নিশাচর। মগর্যা বসন্ত পাঠাইল্য তার ঘর ॥”

গোয়াল, ধোপা, নাপিত এখনও যে এ স্বভাব ত্যাগ করিতে পারিয়াছে, তাহার সাক্ষ্য  
কেহ দিবেন কি না জানি না।

এতদ্ভিন্ন আরও একটা কথা বলিতেছি। কেতকাদাসাদির মনসামঙ্গলের নায়ক  
চাঁদবেণে শিবভক্ত ছিলেন, আর এই কাব্যের নায়কও শিবভক্ত। উভয়েই প্রাণান্তে  
শিবোপাসনা ত্যাগ করিতে প্রস্তুত নহেন অথচ দেবীরাও তাঁহাদিগকে ভিন্ন আর কাহার-  
দ্বারা আপন আপন মহিমা প্রচার করাইতে সম্মত নহেন। শিবভক্তগণকে দেবীভক্ত  
করিবার এই চেষ্টা দেখিয়া বোধ হয় যে, যে সময় বাঙ্গালায় শৈবধর্মের সহিত শক্তিধর্মের  
সংঘর্ষ হয়, সেই সময়ে এই সকল দেবীমহিমা প্রচারিত হইয়া থাকিবে। তন্ত্র-প্রাধান্য  
প্রতিষ্ঠার সময়েই এই সকল ক্ষুদ্র ক্ষুদ্র দেবী আপন আপন পূজাস্থাপনে ব্যস্ত হইয়া থাকিবেন  
বোধ হয়; নতুবা শিবভক্ত নায়কগণকে এতটা দেবীদেবী করিয়া অঙ্কিত করিবার অর্থ কি?  
আর দেবীগণের ব্রতদাস-নিরূপণার্থ শিবভক্তকেই নির্কাচিত করিবার কারণ কি? যাহারা  
এই সকল উপাখ্যানকে প্রকৃত বলিয়া বিশ্বাস করেন, তাঁহাদিগকে এরূপ ভাবের কোনও কথা  
বলা বিড়ম্বনামাত্র।

কবিতার প্রসিদ্ধি।—ভারতের অসংখ্য কবিতার জায় দৈবকীনন্দনের দুই চারিটি  
কবিতাও বাঙ্গালীর মধ্যে প্রবাদ বাক্যের জায় চলিয়া গিয়াছে,—

(১) “স্বথের হাতে দাগা বিধি দিলা এতদিনে।”

(২) “পাটে মোর রাজা নাই রাজা হব কিসে ॥”

(৩) “কেবা কার পুত্র, বধু কেবা কার পিতা ।

মরিলে সম্বন্ধ নাই শুন এই কথা ” •

খুঁজিলে একরূপ সদ্ভাবব্যঞ্জক কবিতা আবও ছন্দশটী পাওয়া যায় ।\*

## ২ । নিত্যানন্দের শীতলা-মঙ্গল ।

গোকুল-পালা ।

এই পালার যে পুঁথিখানি বিশ্বকোষ-কার্যালয়ে সংগৃহীত হইয়াছে, তাহাঁও অধিক দিনের প্রতিলিপি নহে, তবে মৎসংগৃহীত পূর্বোক্ত পুঁথিখানি-অপেক্ষা অধিক দিনের । ইহা ১২১৬ সালের ২২ জ্যৈষ্ঠ তারিখে রামধন চোঙ্গদার নামক ব্যক্তির লিখিত । কাহার জন্ম কোথায় লিখিত হয়, তাহার কোন উল্লেখ নাই । পুঁথিখানির বয়স ৮৮ বৎসর হইলেও ইহার অবস্থা ভাল । ইহার রচনা পূর্বোক্ত কাব্যের রচনা হইতেও প্রাজ্ঞল ও সরস । এই কবিও ভারতচন্দ্রাদির পূর্ববর্তী হইবেন বলিয়া অনুমান করা যায়, যথাস্থানে তাহার আলোচনাও করা হইয়াছে । পুঁথিখানি ৯ পাতা মাত্র, কবিতার সংখ্যা প্রায় ৩৫০ হইবে ।

কবি নিত্যানন্দের বিশেষ পরিচয় কাব্যের দুই স্থলে পাওয়া গিয়াছে ; এক স্থলে,—

“সৌতিসম সর্কশাস্ত্র, শ্রীযুত ভবানী মিশ্র, তশ্র স্মৃত মিশ্র মনোহর ।  
তার পুত্র চিরঞ্জীব, কি গুণে তুলনা দিব, যার সখা প্রভু দামোদর ॥  
মহামিশ্র তশ্রাস্ত্রজ, শ্রীরাধাচরণাম্বুজ, চৈতন্য তাহার নন্দন ।  
তাহার মধ্যম ভ্রাত, নিত্যানন্দ নামযুত, গাহে ভেবে শীতলাচরণ ॥”

আর এক স্থলে—

“কাঁটারে ডিগ্গিসাঞি গোত্র ভরদ্বাজ । মহামিশ্র রাধাকান্ত খ্যাত ক্ষিতিমাঝ ॥  
দ্বিতীয় আশ্রয় তার দৈব অনুবলে । দ্বিজ নিত্যানন্দ রচে সাধনের ফলে ॥”

এতদ্বিন্ন কয়েক স্থলের ভণিতা হইতে আমরা পাইয়াছি :—

“চিন্তিয়া শ্রীশীতলার পদ্যপাদবন্দ । বিরচিল চক্রবর্তী কবি নিত্যানন্দ ॥”

এই সকল হইতে আমরা দেখিতেছি, কবি নিত্যানন্দ ভরদ্বাজগোত্রোদ্ভূত ডিগ্গিসাহী ( ডিংশাই ) গ্রামী কাঁটারিয়াবাসী ছিলেন । ইহার বংশে প্রথমে ডিংশাই, পরে মিশ্র, পরে

\* ইতিপূর্বে সাহিত্য-পরিষদের “রমাই পণ্ডিতের ধর্মমঙ্গল” প্রবন্ধে বৌদ্ধ হারীতী দেবীর প্রসঙ্গ আছে বলিয়া যে উল্লেখ করা গিয়াছে, তাহা ভুল । উহা শ্রীহরপ্রসাদ শাস্ত্রী মহাশয়ের ইংরাজী ( বাঙ্গালার বৌদ্ধধর্ম-বিশেষ ) প্রবন্ধে আছে ।

চক্রবর্তী উপাধি' প্রচলিত হয়। ইহার উদ্ধতন তিন পুরুষের নাম পাওয়া গিয়াছে এবং ইহারা যে অন্ততঃ তিন সহোদর ছিলেন, তাহাও জানা যাইতেছে ; কেননা তিনি আপনাকে চৈতন্তের মধ্যম ভ্রাতা বলিয়া পরিচয় দিয়াছেন ; সুতরাং তাঁহার অন্ততঃ একজন কনিষ্ঠ ভ্রাতা ছিল। কবির বংশাবলী এইরূপ,—

ভবানী মিশ্র	...	...	( কবির প্রপিতামহ )
চিরঞ্জীব	...	...	( পিতামহ )
মহামিশ্র রাধাকান্ত	...	...	( পিতা )

চৈতন্ত                      নিত্যানন্দ                      ( নাম অপ্রাপ্ত )  
( শীতলা-মঙ্গল প্রণেতা )

কবির বংশ ডিগ্ৰীসাহীগ্রামী। এই গ্রামীণেরা বল্লালসেনের সময় হইতে কোলীণ-হীন ছিলেন, প্রভুত বল্লালসেনের প্রদত্ত স্বর্ণময়ী ধেনুদান লইয়া যে সকল ব্রাহ্মণ পতিত হন, তাঁহাদের মধ্যে ডিগ্ৰীসাহীগ্রামী শঙ্কর নামে এক ব্যক্তি ছিলেন। কবির বংশ এই পতিত শঙ্কর ডিগ্ৰীসাহী হইতে উদ্ভূত কি না কে জানে? লক্ষ্মণসেন যখন কুলীনের মুখা, গৌণ ও বংশভেদ স্থাপন কবেন, তখন ডিগ্ৰীসাহীগ্রামী জনাৰ্দন গৌণ কুলীনশ্রেণীতে গৃহীত হন, কবি নিত্যানন্দ এই ব্যক্তির বংশ-জাত কি না, কে বলিবে? দনোজামাধব যখন কুলীন ও শ্রোত্রিয় সংজ্ঞকভেদ প্রবর্তিত করেন, তখন তাঁহার আদেশে ডিগ্ৰীসাহী গ্রামীণেরা সিন্ধু-শ্রোত্রিয় সংজ্ঞায় অভিহিত হন। দেবীবরের সময়ও ডিগ্ৰীসাহীরা ঐ মর্যাদাতেই অবস্থিত ছিলেন। যাহা হউক কবির কুল-পরিচয়ের ইতিহাস অনুসন্ধান আর অধিক সুবিধা নাই। কবির বংশের বাসগ্রাম কাঁটাদিয়া, কবির জন্মস্থান বলিয়া যত প্রসিদ্ধ না হউক, এক শাখার কুলীনাবাস বলিয়া বিশেষ বিখ্যাত। বল্লালী কুলীন মকরন্দ বন্দ্যের জ্যেষ্ঠপুত্র দাশরথী এই গ্রামে বাস করেন, তদবধি একাল পর্যন্ত তাঁহার উত্তর পুরুষগণ আপনাদিগকে “কাঁটাদিয়ার বাড়ুঘ্যে” বলিয়া পরিচিত করিয়া আসিতেছেন।

কবি নিত্যানন্দ কোন্ সাম্প্রদায়িক ছিলেন, তাহা বলা যায় না। তাঁহার কাব্যে কোথাও তাহার স্পষ্ট আভাস নাই! তবে তাঁহার এবং তাঁহার জ্যেষ্ঠ ভ্রাতার নাম দুটি ( নিত্যানন্দ ও চৈতন্ত ) দেখিয়া বোধ হয়, তাঁহার পিতা চৈতন্ত-সম্প্রদায়ী ছিলেন, কিন্তু তাহাও এই সামান্য প্রমাণের বলে নিঃসন্দেহে বলা যায় না। একটি ভণিতায় আমরা পাইয়াছি ;—

“চক্রবর্তী নিত্যানন্দ রচে গধুক্ষর ।

শীতল্যা পিরীতে হরি বল নর ॥”

এই “হরি বল” হইতে কবিকে যদি কেহ বৈষ্ণব বলিতে চাহেন, তাহাতে আমাদের কোনই আপত্তি নাই। যাহাদের একরূপ ধারণা, তাঁহাদের জ্ঞান আরও একটা সপক্ষীয় ভণিতা আমরা উদ্ধৃত করিয়া দিতেছি,—



“ব্রাহ্মণে করিতে রূপা ব্রাহ্মণীর গুণে । নারায়ণ চিন্তি মনে নিত্যানন্দ ভণে ॥”

নিত্যানন্দের শীতলা-মঙ্গলের বিবরণ এইরূপ,—

“গোকুল-পালা ।—

রঙ্গরসে করা স্থিতি রোগপুরপাটনে । বসন্তকুমারী বস্যা বস্যা ভাবে মনে ॥  
 ব্রণব্যাদি-যানে বেড়াই চৌদ্দভুবন । সত্য ত্রেতা নিলাম পূজা শাস্যা ত্রিভুবন ॥  
 . ছাপরেতে দাসী সঙ্গে বস্যা যায় দিন । মহীতলে হল নাঞি মহিমার চিন ॥” •

কবি নিত্যানন্দের কল্পনা বড় তেজস্বিনী । শীতলার অবস্থানের জন্ত তিনি স্বর্গে মর্ত্যে কোথাও স্থান না করিয়া “রোগপুরপাটনের” সৃষ্টি করিয়াছেন, শীতলার চৌদ্দভুবন ভ্রমণ করিবার জন্ত “ব্রণব্যাদিরূপ যানের” সৃষ্টি করিয়াছেন, আর শীতলার নাম দিয়াছেন “বসন্তকুমারী” । যে পুরাণকার কবি যেন ব্রণভয়ে ভীত হইয়া এই দেবীর নাম শীতলা রাখিয়াছিলেন, তাঁহা অপেক্ষা বাঙ্গালী নিত্যানন্দকে অধিক সাহসী বলিতে হয়, তিনি নির্ভয়ে দেবীর নাম “বসন্তকুমারী” রাখিয়াছেন । যে বাঙ্গালী ভয়ে বসন্তের নাম করে না, বলে “মার অনুগ্রহ”, সেই বাঙ্গালীরই জনৈক কবি নিত্যানন্দ চক্রবর্তী মার বাস্তবিক অনুগ্রহলাভাশয়ে, মার উপযুক্ত নাম-ধাম-যানাদির কল্পনা করিয়া একটু নূতনত্ব দেখাইয়াছেন বলিতে হইবে ।

তাহার পর কবি শীতলাকে সর্বকালজয়িনী করিবার জন্ত ছাপরে কিরূপে মহীতলে মহিমার চিহ্ন থাকিবে, তাহা ভাবিতে বসাইয়া গ্রন্থারম্ভ করিয়াছেন । যাহা হউক, মহিমা প্রচার করিতে হইলে, দেবদেবীদিগের একার যুক্তিতে কিছু হয় না, কাহারও সহিত পরামর্শ করা আবশ্যিক হয়, সুতরাং প্রথামুসারে শীতলারই বা না হইবে কেন? দৈবকী-নন্দনের শীতলাও জরাসুরকে ডাকিয়া ছিলেন, নিত্যানন্দের বসন্তকুমারীও তাঁহাকেই ডাকিলেন ;—

“যুক্তিহেতু জগৎমাতা জরাকে জিজ্ঞাসে । পৃথিবীতে পূজার প্রচার হয় কিসে ॥  
 বুঝ্যা বুঝ্যা বিচক্ষণ বুদ্ধি দিল জ্বর । গুণ খাত হবে যাহ গোকুলনগর ॥  
 নাশিতে ক্ষিতির ভার দৈত্যের নিধনে । পূর্ণব্রহ্ম নারায়ণ নন্দের ভবনে ॥  
 বাল্যবেশে ব্রজপুরে বিহরে গোপাল । শ্রীদামের অংশকলা দ্বাদশ রাখাল ॥  
 ষোড়শ সহস্র গোপী স্বয়ং আদ্যা রাধা । কলাবতী কেবল কৃষ্ণ অঙ্গ আধা ॥  
 ব্রহ্মাদি বাসনা করে যার পদধূলি । সে হরি আপনি গোপগোপী সঙ্গে কেলি ॥  
 দেবতা তেত্রিশ কোটি ত্যজি স্বর্গশালা । ত্রিসন্ধ্যা গোকুলে আসি দেখে কৃষ্ণলীলা ॥  
 ত্রিসর্গপ্রিয়া গঙ্গা কানী বারাণস । এসব এখন নয় গোকুল সদৃশ ॥  
 এমন গোকুলে মাতা পূজা নেয় যদি । ত্রিভুবনে যশ হয় জক হয় ক্ষিতি ॥”

মা শীতলা সত্য-ত্রেতাঈ ত্রিভুবন শাসিত করিয়া পূজা লইয়া গরবিনী হইয়া বসিয়া ছিলেন ; ছাপরে কিরূপে পৃথিবীতে মহিমার চিহ্ন প্রতিষ্ঠিত করিবেন, তাহাই ভাবিতে

ভাবিতে জরকে পরামর্শ জিজ্ঞাসা করিলেন । জর, পৃথিবীর মধ্যে আপাততঃ কৃষ্ণাবতার হওয়াতে কাশী গঙ্গা প্রভৃতি অপেক্ষাও গোকুলনগরের শ্রেষ্ঠতা জানাইয়া, সেখানে গুজা লইতে পরামর্শ দিল । সঙ্গে সঙ্গে পৃথিবী যে বিধিমত জন্ম হইবে, তাহাও বলিয়া দিল ; কিন্তু শীতলার একটু ভয় হইল, একবারে নারায়ণের বিহারভূমিতে গিয়া অনুগ্রহ-বৃষ্টি করিতে তাঁহার প্রাণ একটু কাঁপিয়া উঠিল ;—

“যে কথা জরার সে যুক্তি অসম্ভব ।

শুনে শীতলার মুখে সরে নাঞি রব ॥”

কিন্তু তাই বলিয়া চুপ করিয়া থাকিলে চলে কৈ, কাজেই মার মুখে রব ফুটিল, তিনি জরাকে ডাকিয়া ধীরে ধীরে বলিলেন ;—

“বাপু জরা বুদ্ধির বালাই লয়া মরি ।

যেই দিলেন চুরী বিদ্যা তার ঘরে চুরী ॥

নন্দের কানাঞে মোকে লাগে বড় ভয় ।

শুনপানে পুতনা পাঠালে যমালয় ॥

চরণ নাচেড়ে ভঙ্গ দুর্জয় শকট ।

বলা নয় ব্রজে যাওয়া বিষম সঙ্কট ॥

\* \* \* \* \*

ইন্দ্র যথা হারে তথা যেত্যা বল মোকে । মাতঙ্গ মন্দিরে সিংহ লজ্জা নাঞি চোকে ॥”

শীতলার এই ভীতি-কল্পিত কথাগুলি জরার বড় ভাল লাগিল না । শীতলা তাহাকে এতটা মূর্খ, অপরিণামদর্শী ঠাহরাইয়া রাখিয়াছেন, ইহা ভাবিয়া বোধ হয় জরা একটু চটিল ও জোড়হাতে বলিল,—

“বিষ্ণু দিল বসন্ত ব্রহ্মার হয়ে ঝি ।

নবঅবতার কৃষ্ণ ভয় কর কি ॥

ব্রহ্ম-জালে ব্রজপুরি চলগ্যা বেড়িব ।

মরি যদি মারে কৃষ্ণ মোক্ষপদ পাব ॥”

পূজা নিতে পারি যদি পৃথ্বীতে রবে খ্যাত ।

যাত্রা কর ত্বরিত যা করে জগন্নাথ ॥

জরতী ব্রাহ্মণীবেশে যশোদা সাক্ষাতে ।

যে কিছু পূজার কথা যায় জানাইতে ॥

চল চল চক্রিণী চরণে পড়া কই ।

পাবে না পাবে না বিড়ম্বনা এই ॥

নিত্যানন্দ বলে চল দোষ কি তোমার ।

পশ্চাতে বুঝিব যত যোগ্যতা জরার ॥”

এই স্থলে নিত্যানন্দ জরার মুখে শীতলাকে ব্রহ্মার নন্দিনী বলিয়া পরিচয় দিলেন । দৈবকীনন্দন তাঁহার “কণ্ঠপের যোগে জন্ম” বলিয়া গিয়াছেন । এস্থলে ছুইটী সাক্ষীর কথাই পরম্পর বিরুদ্ধ, সুতরাং শীতলার জন্মের ঠিক হইল না ; তবে শীতলা পৌরাণিক দেবতা, পুরাণের কথা না পাইলে কিছুই স্থির করিতে পারা যায় না ।

যাহা হউক জরার কথায় শীতলা একটু সাহস পাইলেন ; জরার কথামত বৃদ্ধা ব্রাহ্মণীর বেশে, বামকক্ষে কলসী, দক্ষিণ হস্তে মুড়া বাঁটা লইয়া গোকুলে যাত্রা করিলেন । মা ছদ্মবেশ ধরিলেন, কিন্তু তাঁহার শীতলাগিরির চিহ্ন “মার্জ্জনীকলসোপেতাম্” মূর্তি ত্যাগ করিতে পারিলেন না । একটী রঙ্গীন চুপড়িতে ভরিয়া বসন্তগুলিও লইলেন । যাত্রা করিবার সময়—

“গোবিন্দ স্বরণে গতি গোকুলের পথে ॥”

•এই টুকুই বড় সুন্দর ! জরা যতই সাহস দিক, মা শীতলা কৃষ্ণকে ভালরূপ চিনিতেন, কাজেই গোবিন্দ-মোহনার্থ যাত্রাকালে সেই গোবিন্দেরই নাম স্বরণ করিয়াই যাত্রা করিলেন । যখন শীতলা গোকুলের পথে প্রবেশ করিলেন, তখন কৃষ্ণ গোষ্ঠে আসিয়াছেন ;—

“জাবটে প্রবেশ হঅ জানাতে রাধারে । হাসি হাসি রমানাথ বাঁশী নিল হাথে ॥”

এই ছুইটি চরণে কবি গোষ্ঠ-প্রবেশকালে বংশীবাদনের যে কারণ দিয়াছেন, তাহা অপূর্ণ । অনেক বৈষ্ণব কবির ও অনেক প্রাচীন কবির কাব্য এ পর্য্যন্ত যাহা দেখিয়াছি, তাহার কোথাও এমন সুন্দর মধুর কারণোল্লেখ দেখি নাই ; কিন্তু এই বাঁশী বাজাইবার কারণ বুঝিয়া আমরা যতই আফ্লাদিত হই না, আর বাঁশীর স্বরে শ্রীমতী রাধিকার যতই আনন্দোৎকর্ষার উদ্ভব হউক না কেন, মা শীতলার কিন্তু গীহা চম্কাইয়া গেল ; কবি বলিতেছেন,—

“রাধা রাধা বলিয়া বংশীতে দিতে শাণ । শীতলার শুন্যা পথে উড়ে গেল প্রাণ ॥”

তার পর শীতলা পাছে কৃষ্ণের সম্মুখে পড়েন, এই ভয়ে পথ ছাড়িয়া এক নিম্ববৃক্ষমূলে লুকাইলেন । সেই বৃক্ষের নিম্ন দিয়া কৃষ্ণ ধেমুপাল ও দ্বাদশ গোপাল লইয়া চলিয়া গেলেন । শীতলা সেই “নটন গতিভঙ্গ” দেখিলেন, তখন—

“এ সব কৃষ্ণের কীর্তি করি নিরীক্ষণ ।

ছনয়নে বহে ধারা ব্রণময়ী কন ॥

পৃথ্বী হলি পবিত্র পবিত্র হল মাটী ।

প্রত্যহ পড়িয়া কৃষ্ণের পাদপদ্ম ছুটী ॥

• তোর পৃষ্ঠে লীলা খেলা কৃষ্ণের বিহার ।

এমন পরমভাগ্য আর হবে কার ॥”

এইরূপে শীতলা একে একে পৃথিবীর, নন্দের, গোপগোপী, গোকুলের তরুলতা পশু পক্ষীর, শ্রীদামাদির এবং যশোদার কৃষ্ণ-প্রাপ্তিতে তাহাদের ভাগ্য-প্রশংসা করিতে করিতে অগ্রসর হইলেন । কৃষ্ণ গোষ্ঠে গিয়াছেন, তাঁহার যেন একটু সাহস হইল,—

• “শূন্য হল গোকুল বিপিনে গেল হরি ।

শীতলা বলেন আমি অকারণে ডরি ॥

এইবার যেতে হল যশোদা নিকটে ।

বিপ্র নিত্যানন্দ বলে এই যুক্তি বটে ॥”

তাহার পর শীতলা নন্দালয়ের পথ ধরিলেন ।

“যত গোপশিশু সঙ্গে যত গোপের মেয়া । জরাবস্থা বুড়ী দেখে সঙ্গে আইল ধেয়া ॥

বলে,

বাঁটা হাতে কুলামাখে কক্ষতে কলসী ।

কে তুই কাহার মেয়া কোথারে যায়সি ॥”

তৎপরে কেহ ডাকিনী বলিল, কেহ পিশাচী বলিল, কেহ গাত্রগন্ধে শুকার তুলিয়া পলাইল । শীতলা দোষ খুঁজিতেই আসিয়াছিলেন, এই অপমান দেখিয়া, অতি ক্রোধে অর্ধ হইয়া, তাহাদের পতিপুত্রের মুণ্ড-ভোজনের ব্যবস্থা করিতে করিতে, তাহাদের যৌবনোত্তাসিত দেহ বসন্তে পচাইয়া দিতে দিতে চলিতে লাগিলেন, শেষে—

“গোসায় গর্গর বুড়ী উঠিতে পড়িতে । বসিল ব্রাহ্মণী যেয়া নন্দের বাড়ীতে ॥”

তাহার পর উচ্চৈঃস্বরে আশীর্বাদ করিয়া বুড়ী নন্দালয়ে ভিক্ষা চাহিল । যশোদা-রোহিণী স্বর্ণথালে ভিক্ষা লইয়া আসিয়া প্রণাম করিল । শীতলা ভিক্ষা লইয়া নানা আশীর্বাদে পর বসন্তভয়নিবারক নিজ প্রসাদী ফুল দিয়া বলিলেন ;—

“সুখে স্বাস্থ্যে ঘর কর, শীতলার ফুলটি ধর, রোগ শোক বিস্ব যাবে দূর ॥  
পুণ্যবতী যশোমতী, তোমা চেয়া ভাগ্যবতী, ত্রিভুবনে আছে কোনজন ।”

তাহার পর কৌশলে স্বার্থ-সাধনে প্রবৃত্ত হইলেন,—

“কহিব কহিব করি, বুড়া লোক বড় ডরি, পাছে কিছু কর্যা থাক মনে ।  
পূজা কর শীতলাই, বাড়ি দিবে গরু গাঁই, ছেলে দুটি থাকিবে কল্যাণে ॥  
শীতলাই স্বর্ণ হইতে, পৃথিবীতে পূজা লইতে, বসন্ত আন্যাছে ষাটী ভার ।  
যে দেশে প্রবেশ হয়, \* \* সদা রয়, মানেনা ঔষধ প্রতিকার ॥

\* \* \* \* \*

নন্দকে সংবাদ দিয়া, ব্রজ গোপ গোপী লয়া, পূজ পূজ শীতলা-চরণ ।  
আশীর্বাদ লেহ মোর, পুত্রের কল্যাণ তোর, ব্রাহ্মণীকে করাও পারণ ॥”

তাহার পর শীতলা কিসের জন্ম পারণ করিবেন, তাহাই বলিলেন,—

“কপট করিয়া মাতা, সংযম ব্রতের কথা, কন বস্যা যশোদার পাশে ॥  
ভৃগুরাম মহামতি, নিষ্কত্রা করিলা ক্ষিতি, যে কালেতে তিন সাত বার ।  
সেই রক্ত মাংস গ্রাসি, পুণ্যব্রত একাদশী, সত্যযুগে সংযম আমার ॥  
ত্রেতাযুগে উপবাস, শ্রীরাম করিলেন নাশ, সীতার্থে রাক্ষস সমুদয় ।  
তা সভার মাংস মেদে, ত্রেতাশ্তে মনের সাধে, ফলমূল করিলাম লক্ষ্য ॥  
ষাণ্ময়ে পারণার বিধি, গোকুল জাবটাবিধি, গোপ গোপী আছে যত জনা ।  
খেপালে ঠেকিবে দণ্ডে, আজি সভাকার মুণ্ডে, কর্যা যাব তুলসী-পারণা ॥”

তুলসী-পারণা অর্থে সামান্ত পারণা । ব্রতাদির পর পারণ করা একান্ত কর্তব্য, পারণ না করিলে ব্রতফল নষ্ট হয়, অথচ ব্রাহ্মণভোজনের পূর্বে গৃহীর আহার নিষেধ, এমত স্থলে হরিচরণ-প্রসাদী তুলসীপত্রমাত্র চর্কণ করিয়া গৃহী পারণ করিতে পারে,—প্রকৃত প্রস্তাবে ইহাই তুলসী-পারণা । মা শীতলা ত্রিযুগব্যাপিনী সংযম ব্রতের তুলসী-পারণা করিবার জন্ম নন্দরানীকে যে ফর্দ দিয়াছিলেন, তাহাতে তাহার ব্রহ্মাণ্ডভাণ্ডোদরী নাম সার্থক হয় বটে । শীতলা বলিলেন,—

“লহে সুখে থাক শুন, লক্ষ ভার ফল আন, মৎস্য মাংস তোমাকে না চাই ।  
যদি হইত অন্ম বাড়ী, তবে কি ছাড়িত বুড়ী, চাব কি তোর পুত্রকে ডরাই ॥  
ভুঞ্জয়ে ব্রহ্মের যত, ছুঙ্ক ঘোল দধি ঘৃত, ক্ষীর-সর চিনি মধু ছেনা ।  
বিরোধ কি করো আর, প্রতি প্রতি লক্ষ ভার, আন যাই করিয়া পারণা ॥

দিলাম ঋগা পাছে ভুল, নন্দকে গিয়া শীঘ্র বল, পূজিতে শীতলা পদধর ।

• না পূজ না রবে চাড়, • পচায়্যা গলার হাড়, চক্রবর্তী নিত্যানন্দ কয় ॥”

ব্যাপার শুনিয়া নন্দরাণীর আত্মাপুরুষ উড়িয়া গেল । বুড়ী খাইতে চায় খাউক, তাহাতে তাঁহার রাজার সংসারে আর আপত্তি কি ? তবে গোপালের কথা কি বলিল, তাহাতেই তাঁহার মাথায় আকাশ ভাঙ্গিয়া পড়িল । মনে মনে বলিলেন,—

• “এ বুড়ী মনুষ্য নয়, ডাকিনী হাকিনী হয়, গোক্ষিনী যোগিনী রাক্ষসিনী ॥”

বাজালী মাতৃ-হৃদয়ের একখানি পূর্ণছবি কবি এই স্থলে প্রকাশ করিয়াছেন । তাহার পর যশোদা নন্দকে গিয়া সমস্ত বলিলেন । নন্দ চাঁদবেগের মত চাটয়া লাল,—

“এত শুনি নন্দ ঘোষ জলন্ত আগুনি । কিসের শীতলা সেটা কিসের রমণী ॥”

পারণাতে মৎস্ত মাংস করেন ভোজন । পিশাচের ধারা এত প্রেতের লক্ষণ ॥

এমন দেবীর পূজা আরাধিব কে । তারে দেখিলে পাপ ঘটে দূর করে দে ॥”

দূর হইতে গালাগালি দিয়া নন্দের তৃপ্তি হইল না, উঠিয়া সম্মুখে গিয়া খুঁলি দিল, আর বলিল—

“কোথাকার রাক্ষসী বকসী বেশ হয়্যা । মেয়্যা ঘর পেতে চাহিস্ দাবাইয়া ॥”

তার পর ‘দোহাতিয়া বাড়ি’ তুলিয়া মারিতেও গেল । শীতলা দূরে সরিয়া গিয়া মাথা বাঁচাইলেন এবং শাসাইয়া বলিলেন,—

“ইহার শাস্তি ঘোষ আজি কালি পাবি ॥”

তাহার পর জরকে আসিয়া সমস্ত বলিলেন । নন্দকর্তৃক অপমানাদি সমস্ত বলিয়া মা শীতলা শেষে আক্ষেপ করিয়া বলিলেন,—

“কৃষ্ণ যার পুত্র তার এত গর্ষ বাড়ে । জরা বলে আহীরীয়া অঙ্গ নাহি ছাড়ে ॥

কৃষ্ণ তার কেনা কি কর্যাছে এই মনে । তেঁই পাকে বেঞ্চে মারে যমলঅর্জুনে ॥

তপস্যার বশ কৃষ্ণ জানে নাঞি তা । বৎসর বারর জন্তে পোষা বাপ মা ॥

এই গর্ষে আহীরীয়া এতেক দিছে গালি । ইহার উচিত ফল দিব আজি কালি ॥

ব্যাধি অধিকার দিল ব্রহ্মা হর হরি । আহীর কি গর্ষ করে ঈশ্বরে না ডরি ॥

ইন্দ্র আদি দেবতা অর্চিয়া কৈল পূজা । ব্রজে হব বঞ্চিত বৃণাই ব্যাধি রাজা ॥”

এইরূপ আক্ষালন করিয়া জর জলিয়া উঠিল, বলিল, কৃষ্ণকে এতটা অপমান কি সহ করা যায় ? ও গোয়ালাদের সঙ্গে ইহার মীমাংসা কি করিব, জিনি এই রোগাধিকার দিয়াছেন, একবার তাঁহার সহিত ইহার বোঝা পাড়া করিতে হইবে,—

“এত অপমানে প্রাণ রাখি অকারণে । জানাইতে যাই আগে জনার্দন স্থানে ॥

দাসে যদি দয়া নাঞি করে দেবরাজ । আজি হতে অধিকারে আর নাহি কাজ ॥

নহে যদি হরিষে হকুম করে হরি । বঁস্যা দেখ ব্রজেতে বিরাট পর্ষ করি ॥”

এই বলিয়া জরাসুর মা শীতলাকে কতকটা প্রবোধ দিয়া “জয় জগন্নাথ” বলিয়া



কৃষ্ণাঘোষণে যাত্রা করিল। কৃষ্ণ তখন গহনে গাভী রক্ষা করিতেছেন। যেদিন জরী এইভাবে কৃষ্ণের নিকট গেল, সেইদিন কৃষ্ণ “ব্রাহ্মণদিগের যজ্ঞ নষ্ট ও ব্রাহ্মণীগণের নিকট অন্নভিক্ষা” লীলা আরম্ভ করিয়াছেন। জরাসুর যখন গোষ্ঠে প্রবেশ করিল, তখন কৃষ্ণের লীলা শেষ হইয়া গিয়াছে, দ্বাদশ রাখাল সঙ্গে এক নির্জন তরুতলে রঙ্গহাস্তরহস্তে বিরাজ করিতেছেন। জরী আসিয়া কিন্তু দেখিতে পাইল না। তখন সে এক বৃদ্ধ বিপ্রের বেশ ধরিয়া গোষ্ঠের মধ্যে ঘটস্থাপনা করিয়া শীতলার পূজা আরম্ভ করিল; ঘণ্টার বিকটনিম্নাদে বনপূর্ণ করিয়া তুলিল। সে শব্দে গাভীগুলি চমকাইয়া উঠিয়া ইতস্ততঃ ছুটিতে লাগিল,—

“ঝাঁপ দে গহনে গরু বলে ঝালি খায়া। খেলা ভাঙ্গে সুবল তখন আল ধায়া ॥

গুটায়্যা গহনে গাভী লয়া আল গোষ্ঠে। এথা পদ্ধতি করিয়া জরী পুষ্প দেই ঘটে ॥”

সুবল আসিতে আসিতে ইহা দেখিতে পাইল, দেখিয়া চটিল, বলিল, দেখিতেছি তুমি ঠাকুরাণী পূজা করিতেছ, কিন্তু তোমার পূজার চোটে আমার গো-পাল “ঝাল খেয়ে” বেড়াইতেছে, এ কি রকম বিকট পূজা। জরাসুর গিষ্ঠ কথায় সত্য কথাই বলিল,—

“ব্রাহ্মণ বলেন বাপু বসন্তের রাজা। গোরু গাই বাড়ি দিবে গোষ্ঠে হল পূজা ॥”

সুবল বলিল,—তাতো ঠিক কথাই, কিন্তু কৃষ্ণকে আনিয়া তোমার এ ঠাকুরাণী ভাঙ্গিয়া দিব আর চড় মারিয়া তোমার গালও ভাঙ্গিব। জরও বলিল—সেই কথাই ভাল, কৃষ্ণকে ডাকিয়া আন। তিনি জগন্নাথ, আমি যে কে তাহা তিনি জানেন। আমার একটু পরিচয় তোমাকেও দি,—

“জরী নাম ধর্যাছি যাবত বীরকে জারী। গরু ছাড় গোয়াল গর্জনে যাবে মর্যা ॥”

সুবল কৃষ্ণ বলে বলীয়ান—একথা শুনিয়া হটিয়া যাইবার পাত্র নহেন, বলিলেন,—

“সুবল বলেন বিপ্র বাড়ি যে দেখি বড়। লুটাব লোটার যেন লোটন কপোত ॥”

তাহার পর সুবলের বালকত্ব প্রকাশ হইয়া পড়িল, জরাকে চড় মারিতে গেল। জরী তখন স্বরূপ ত্রিশির, ষড়বাহু, নয়চক্ষু, ত্রিপদ মূর্তি প্রকাশ করিয়া দাঁড়াইল। “জরকে আর কিছু করিতে হইল না, এই বিকট জুজুমূর্তি দেখিয়াই সুবল পলাইল এবং কাঁদিয়া কৃষ্ণকে গিয়া সমস্ত বলিল। অন্তঃকরণ রাখালেরা শুনিয়া কংসচর বলিয়া অনুমান করিল। বলরামও বাহুস্ফোট করিয়া উঠিলেন, কিন্তু কৃষ্ণ জরার বিবরণ জানিতে পারিলেন। তারপর কৃষ্ণ মহমন্দ হাসিতে হাসিতে জরাকে জানান দিবার জন্ত বাঁশী বাজাইয়া অগ্রসর হইলেন। জরাসুর বাঁশী শুনিয়া আবার বৃদ্ধ ব্রাহ্মণবেশ পরিগ্রহ করিয়া বসিল। কৃষ্ণ সদলে আসিয়া উপস্থিত হইলেন এবং দক্ষিণ চরণের আঘাতে শীতলার ঘট ফেলিয়া দিলেন। কৃষ্ণের এই অপকার্য্য কবি অতি সুন্দর ভাবে সমর্থন করিয়াছেন,—

“পূর্বে পাদপরণে দেবীর ছিল মনে। ভাবগ্রাহী ভগবান্ ভাব তাহা জানে ॥

দক্ষিণ চরণে কৃষ্ণ দিল ঘট ঠেল্যা। আকাশে হুন্সুভি বাজে উরিলা শীতলা ॥

বৈষ্ণব নিত্যানন্দ এইরূপে ইষ্টদেবতার মানরক্ষা ও গ্রন্থপ্রতিপাদ্য দেবতার মহিমা কীর্তন করিয়া বড় সুন্দর ভাবের পরিচয় দিয়াছেন। শীতলার বাঙ্খাপূর্ণ হওয়ায় শীতলা কৃষ্ণের স্তব করিলেন, তাঁহার ব্রহ্মাদি বন্দিত অভয়পদের মহিমা কীর্তন করিয়া বলিলেন,—

“যুদ্ধে জরা জিনি নিল যে পদ চিন্তে হর। এমনি পদাঘাত আমার ঘিটের উপর ॥  
জন্মকালে কৰ্মস্থানে শুভগ্রহ ছিল। অসাধনে অভয়চরণ তেঁই মিলে গেল ॥”

শীতলার এতটা অনুনয় বিনয় শুনিয়া কৃষ্ণও পাল্টা জবাব দিলেন,—

“কৃষ্ণ কহেন মাপ কর ক্ষম ব্রহ্মার ঝি। তব বাঙ্খা ভঙ্গে ডরি মোর দোষ কি ॥”

তাঁহার পর শীতলা একটা নাতিদীর্ঘ স্তবপাঠ করিলেন,—কৃষ্ণ সন্তুষ্ট হইয়া স্বর্গস্থ দেবতাগণের কুশল জিজ্ঞাসা করিলেন। শীতলা ভগবতিনা স্বর্গ অন্ধকার জানাইলেন, দেবগণের চিন্তার কথা বলিলেন। কৃষ্ণ বলিলেন,—

“গোবিন্দ কহেন শুন, তা সভার চিন্তা কেন, দৈত্য নাশা খণ্ডা ক্ষিতিভার।  
দ্বারকাতে কর্যা লীলা, যেতেছি অমরশালা, কহ কেন গমন তোমারী ॥”

শীতলা এই প্রশ্ন শুনিয়া বলিলেন,—

“ব্রহ্মা বিষ্ণু ত্রিলোচন, এক সঙ্গে তিনজন, শীতলাকে দিলে অধিকার।  
বিশেষয় ব্যাধি দিয়া, পাঠালা বসন্ত লয়া, ব্রজপুরে পূজা নাঞি তার ॥”

তার পর কৃষ্ণ শীতলাকে গোকুলে অধিকার দিলেন এবং বলিলেন, দেবতারাও ছুঃখভাগী, আর গোকুলের গোয়ালারা মানুষ হইয়া ছুঃখ সহিবে না, এও কি হয়। এই স্থলে প্রসঙ্গতঃ কৃষ্ণ রাগাবতার ও কৃষ্ণাবতারে তাঁহার নিজের যে সকল ছুঃখ কষ্ট ভোগ হইয়াছে, তাঁহার একটা তালিকা শুনাইয়া দিলেন, শেষে বলিলেন,—

“দারুব্রহ্ম হব পূর্ণ করি এই লীলা। কৃষ্ণের করুণা শুনি কান্দে মা শীতলা ॥”

তাঁহার পর কৃষ্ণ বলিলেন,—

“ফিরে প্রভু কন দেবী ব্রজপুরে যায়। তুমি পূজা লইতে কি আমারে ডরায় ॥  
আপনি বসন্ত আমি করিলা সৃজন। আমি নাহি সহিলে সহিবে কোন জন ॥  
বসন্তে উত্তরি বাপু হয় বজ্রবৎ। মৃত্তিকার পাত্র পোক্ত দহনে যেমত ॥  
কাঁচা থাকে কলেবর বসন্তবিহীন। দামোদরে দয়াময়ী দিও গুটি তিন ॥

মন যেন মোর গো না কোরো উদাসীন। যেন ব্রজ গোপদের মুখে না রাখিহ চিন ॥”

শীতলা সন্তুষ্ট হইয়া রৌগপুরশিখরে ফিরিয়া আসিলেন এবং রক্তবতী-সখী সঙ্গে রোগ-গণকে লইয়া ব্যবস্থা করিতে বসিলেন। পরামর্শ হইল শিলাবৃষ্টি করিয়া সেই শিলার সঙ্গে বসন্তবীজ প্রেরণ করিতে হইবে। তাহাই হইল, জরা বসন্তের শিল করিয়া চাপ বাঁধিয়া ছড়াইতে আরম্ভ করিল। গোকুলের ছেলে-বুড়া সকলে সেই শিল অতিরিক্ত খাইয়া জ্বরগ্রস্ত এবং বসন্তাক্রান্ত হইল। কৃষ্ণ বলরামেরও বসন্ত হইল। ক্রমে “কর্দম

হইল ব্রজ নরনের জলে ।” তখন নন্দাদি সকলেই বুকিলেন, “শীতলাকে না পূজিলে আর রক্ষা নাঞি ।” তখন গোপপতি নন্দ সকলকে লইয়া শীতলার উদ্দেশে স্তবপাঠ ও আরোগ্য প্রার্থনা করিলেন । শীতলাও সন্তুষ্ট হইয়া শান্তিবিধান করিলেন । পরদিন গৃহে ও গোষ্ঠে মহাপূজার আয়োজন হইল । প্রত্যেক গৃহস্থ উপহার আনিল । মহা আয়োজনে মহাপূজা শেষ হইল ।

এই স্থলে নিত্যানন্দের গোকুল-পালার শেষ । রচনা-পারিপাট্যে নিত্যানন্দ কবিবল্লভ অপেক্ষা শ্রেষ্ঠ এবং ইহার রচনা সুপ্রণালীবদ্ধ, সরস এবং প্রাজ্ঞল । উপরে যে সকল অংশ উদ্ধৃত হইতেছে, তাহা হইতে তাহার প্রমাণ পাওয়া যায় ।

ভাষার ও শব্দের বিশেষত্ব ।—নিত্যানন্দের কাব্যের সর্বত্র “নাহি” শব্দের স্থলে “নাঞি” শব্দের প্রয়োগ দেখা যায় ;—

( ১ ) “সহীতলে নাঞি মহিমার চিন ।

( ২ ) ব্রজশিশু বলে আজ বুকি নাঞি বাঁচে ॥”

এতদ্বিন্ন ইতিপূর্বে যে সকল অংশ উদ্ধৃত হইয়াছে, তাহার মধ্যে ইহার উদাহরণ যথেষ্ট আছে ।

“চরণ নাচেড়ে ভঙ্গ দুর্জয় শকট ।”

এস্থলে “নাচেড়ে” শব্দের অর্থ “উর্দ্ধক্ষেপ” বোধ হয় । শব্দটী স্থানীয় গ্রাম্যপ্রয়োগ হওয়াই সম্ভব ।

“বলা নয় ব্রজে জাণা বিষম সঙ্কট ।”

এই “জাণা” শব্দের অর্থ “যাওয়া ।” বাঙ্গালা-ভাষার আধুনিক অবস্থায় এই “ণা”— ‘ওয়া’ হইয়া দাঁড়াইয়াছে । ইহার উদাহরণও যথেষ্ট আছে । আমার বিশ্বাস ইহা তখনকার শব্দের প্রকৃত রূপ নহে, তখন সাধারণতঃ শুদ্ধরূপে বানান লিখিবার প্রণালী না থাকায় ঐরূপ হইয়া গিয়াছে । “অ” তে “য” দিয়া “আ” হয় ; হয়ত ইহা দেখিয়া “ও” তে “য” দিয়া “ওা” বা ‘ওয়া’ হইয়া দাঁড়াইয়াছে ; এরূপ অনুমান করাও অসঙ্গত নহে ।

( ১ ) “জাবটে প্রবেশ হয় জানাতে রাধারে ।

( ২ ) জাবটে পশ্চাৎ কর্যা যমুনার পার ।

( ৩ ) জাবট্যা প্রবেশ হয়্যা কর্যা হরিধ্বনি ॥”

( ৪ ) “গোকুল জাবটাবধি”

এই “জাবট” শব্দের প্রকৃত অর্থ যে কি, তাহা বুঝা গেল না । কোন স্থানের নাম বলিয়াই অনুমিত হয় ।

( ১ ) এমন গোকুলে মাতা পূজা নেয় যদি ।

( ২ ) যে কিছু পূজার কথা যায় জানাইতে ॥

এই দুই স্থলে “নেয়” ও “যায়” এই দুই পদের অর্থ ‘গ্রহণ করে’ ও “গমন করে” এইরূপ

তৃতীয় পুরুষান্তক নহে। উহার অর্থ “গ্রহণ কর” এবং “গমন কর” এইরূপ অনুজ্ঞাবোধক দ্বিতীয় পুরুষান্তক। যে যে স্থলে ইহা প্রযুক্ত হইয়াছে, সেই সেই স্থলে ইতিপূর্বে উক্ত হইয়াছে। লহ বা নেও এবং যাহ বা যাও এইরূপ আকারে প্রযুক্ত হইলেই ঠিক হইত, কিন্তু কবি নিত্যানন্দের কাব্যে সেরূপ প্রয়োগ বড়ই বিরল, বরং এইরূপ তৃতীয় পুরুষান্তক ক্রিয়ার অনুজ্ঞাবোধ আরও আছে।

“কে তুই কাহার কন্ঠা কোথারে যায়সি।”

এস্থলে কোথারে শব্দে “কোথায়” এবং যায়সি অর্থে “যাইতেছে।” কোথারে শব্দে সপ্তমী বিভক্তির স্থলে দ্বিতীয়া বিভক্তির প্রয়োগ হইয়াছে। “যায়সি” সংস্কৃত তিঙ্‌বিভক্ত্য বাঙ্গালা ক্রিয়া, কিন্তু এরূপ পদ এই দুইটী মাত্র আছে, আর নাই।

“এ মাগী মনুষ্য বেনে নয়।”

এস্থলে “বেনে” শব্দের অর্থ অধিক নিশ্চয়তাসূচক, কিন্তু, ভারতচন্দ্র এই অর্থে স্থানে স্থানে “মেনে” শব্দ প্রয়োগ করিয়া গিয়াছেন, যেমন “আর মেনে পারিনে।” ইহাও প্রাদেশিক গ্রাম্যভাষা।

“কিঞ্চিৎ প্রসাদ দিব যজ্ঞ হকু সায়।”

“হকু” হউক বা হোক শব্দের প্রাচীন প্রয়োগ, এরূপ আরও আছে।

“তোমা হতে হল আমার ই জন্ম সফল।”

এই বা ইহ শব্দ স্থানে “ই” শব্দের প্রয়োগ বহু স্থলে আছে। ইহাও প্রাদেশিক গ্রাম্যভাষার শব্দ। পশ্চিম রাঢ়ে এই শব্দের প্রয়োগ শুনা যায়।

“ঝাঁপদে গহনে গরু বুল্যা ঝাল খায়্যা।”

এস্থলে এই সমস্ত ভাবটীই প্রাদেশিক ভাব। গৃহাদিতে অগ্নি লাগিলে গৃহস্থেরা পালিত গাভীর গলার দড়ি কাটিয়া দেয়, তাহারা কিংকর্তব্য বিমূঢ় হইয়া সেই সময়ে যে ইতস্ততঃ ছুটিয়া বেড়ায়, সেই চকিত ভ্রমণকে “গরু ঝাল খাইয়া বেড়াইতেছে” এইরূপ বলে। বনে ঝাঁপাইয়া পড়াও এরূপ ভাবমূলক।

“ব্রহ্মা বিষ্ণু ত্রিলোচন একু সঙ্গে তিনজন”

এই “একু” শব্দের প্রয়োগ গীত সুরের গড়েন ধরিয়া হইয়াছে; পূর্বার্কে চরণে বিষ্ণু শব্দের উকারের উচ্চারণের গীত সুরের যে গড়েন টুকু আছে, গায়নদিগের গাহিবার সময় পরার্কে চরণে সেই টুকু প্রয়োজন হওয়া “এক” স্থানে “একু” প্রযুক্ত হইয়াছে। ইহা শব্দের প্রাচীন রূপ নহে।” অন্ততঃ আমার বিশ্বাস এইরূপ।

“স্বর্ণঘটে সিন্দূর গর্ভেতে গঙ্গাজল।

আম্রশাখা উপরে আখণ্ডলার ফল ॥”

“আখণ্ডলার ফল” অর্থে “কদলী”—নারিকেল নহে। আমার এইরূপ জানা আছে, তবে সত্য কি না জানিনা।

এতদ্ভিন্ন বিশেষ্যের স্থানে বিশেষণ, কর্তার স্থানে কর্ম, ক্রিয়ার স্থানে বিশেষ্য, অল্পজ্ঞা স্থানে বর্তমান ইত্যাদির ব্যবহার যথেষ্ট আছে, সে সকল প্রাচীন রচনাগাত্রেই দেখা যায়, তাহা উদ্ধৃত করিবার আবশ্যক নাই। অক্ষর বৃদ্ধি ও হ্রাসও আছে।

উর্দ্ধু বা পারশ্ব শব্দের মধ্যে—“আশা”, “জন্ম” ও “হুগুম” এই তিনটি মাত্র পাইয়াছি।

পুঁথিখানির প্রতিলিপি করিবার সময় একস্থলে লেখক কতকাংশ লিপি করিতে ভুলিয়া গিয়াছেন। ৩১ পৃষ্ঠায়—

“পদ্মহাত পেত্যা হরি অন্তথাল নিল ।  
যজ্ঞশালে জয়ঘণ্টা বাজিতে লাগিল ॥  
ব্রহ্মাদি দেবতা যত ভাবে মনে মনে ।  
যজ্ঞ পূর্ণ নহে ঘণ্টা \* ( আর নাই ) \* ॥”

ইহার পর কতকাংশ নাই—তাহার পর আছে,—

“ব্রাহ্মণী আসিয়া তখন বলে হেনকালে ।  
এত থালা অন্ন দিলাম নন্দের গোপালে ॥”

এতদ্ভিন্ন শীতলার মস্তকসজ্জা সূর্ণ অর্থাৎ কুলার কথা যেখানে আছে, সেইখানে “সূপ” শব্দের প্রয়োগ আছে, সমস্ত কাব্যের মধ্যে কোথাও “কুলা” শব্দ নাই অথচ রাঢ়ীয় গ্রাম্য কথা অনেক আছে।

এই সকল ভাষাগত প্রয়োগাদি দৃষ্টে কবি নিত্যানন্দ ভারতের পূর্ববর্তী বলিয়া বোধ হয়। তবে কত পূর্বের তাহা মীমাংসা করিতে যাওয়া বোধ হয় বিড়ম্বনা। ইনি পূর্বোক্ত কবি কবিবল্লভের পূর্ববর্তী। উভয়ের কাব্যের একটি চরণের বহুলপ্রয়োগ দেখা যায়।

“সোণার শরীর করে উয়ের নাদনা।”

অতঃপর বটতলার ছাপা নিত্যানন্দের বিরাটপালা হইতে কবির পরিচয়সূচক আরও দুই চারি কথা বলিব।

ঐ পালার প্রকাশক ত্রৈলোক্যানাথ দত্ত একটা আশ্চর্য্য কথা বলিয়াছেন। তিনি “প্রকাশকের উক্তি” নাম দিয়া পয়ারছন্দে বলিয়া গিয়াছেন,—

“শীতলার জাগরণ পালা বঙ্গভাষায় ।  
অনেকের ইচ্ছা দেখে মনেতে ভাবিয়া ।  
উড়িয়ায় লিখেছিল দ্বিজ নিত্যানন্দ ।  
দেখিয়া সন্তুষ্ট চিত্তে বায় করি অর্থ ।  
শিবনারায়ণ সিংহ উড়িয়ায় নিপুণ ।  
নাহি ছিল কোন দেশে সূশ্ৰুলায় ॥  
উড়িয়ায় হইতে পুঁথি আনি মান্ধাইয়া ॥  
নানাবিধ কবিতায় করিয়া সূছন্দ ॥  
বাক্সালা ভাষায় দিলাম করিবারে অর্থ ॥  
গীতছন্দে এই পুঁথি করিল রচন ॥”

একথা কতদূর প্রামাণিক তাহাতে আমার ঘোরতর সন্দেহ আছে। দ্বিজ নিত্যানন্দের গোকুল-পালার যে পরিচয় পাওয়া গিয়াছে, তাহাতে তিনি যে উড়িয়া নহেন, তাহার সুস্পষ্ট প্রমাণ হইয়াছে। তদ্ব্যতীত এই ছাপা পুস্তকের মধ্য হইতেও যে সকল পরিচয়



পাওয়া গিয়াছে, তাহাতেও তিনি যে বাঙ্গালী তাহা স্পষ্টই জানা যায়, এতদ্ভিন্ন সে পরিচয় আর গোকুল-পালায় উল্লিখিত পরিচয়ে কোন ভিন্নতা নাই। এতদ্ভিন্ন গোকুল-পালায় অনেকগুলি কবিতা এই জাগরণ-পালার মধ্যে দেখিতে পাওয়া যায়। তাহারও ছ একটা প্রমাণ দেওয়া যাইবে। ইহাতে কবির পরিচয় সহজে যাহা কিছু জানা যায়, তাহাই প্রসঙ্গতঃ আর ছ এক কথার উল্লেখ করিব।

• “দ্বিজ নিত্যানন্দ কয়, শ্রীযুক্ত রাজার জয়, বিনাশ করহ রিপুগণ ॥”— ৭ পৃ।

এই “রাজা”টী কে? তাহার পরিচয় পরে আছে—

“কাশীজোড়া সৃষ্টিপাড়া অতি বিচক্ষণ।

রামতুল্য রাজা তথা রাজনারায়ণ ॥

নিত্যানন্দ ব্রাহ্মণ তাহার সভাসদ।

শীতলা-মঙ্গল রচে পান সুধামত ॥”— ২১ পৃ।

বাঙ্গালার প্রায় সকল কবিরই পৃষ্ঠপোষক প্রতিপালক রাজা একজন, কবি নিত্যানন্দেরও ছিলেন, তাহার পরিচয় এই পাওয়া গেল। মেদিনীপুরের অন্তর্গত কাশীজোড়ার জমীদার রাজা রাজনারায়ণ নিত্যানন্দের প্রতিপালক ছিলেন। এই রাজনারায়ণের সময় নিরুপিত হওয়া দুঃসাধ্য হইলেও বোধ হয় অসাধ্য নহে। ৬৪ পৃষ্ঠার এই ভণিতায় সৃষ্টিপাড়ার স্থানে সৃষ্টিপাড়া পাঠ আছে।

“কাজীর পদবী যেই গোত্রের ভরদ্বাজ। মহামিশ্র রাধাকান্ত খ্যাত ক্ষিতিমাক ॥

দ্বিতীয় অন্তর্জ তার দেব অনুবলে। দ্বিজ নিত্যানন্দ বলে সাধনের ফলে ॥”— ২৪ পৃ।

এই টুকু হইতে আমরা বুঝি নিত্যানন্দ চক্রবর্তীর বংশে কাজী উপাধি ছিল, সূত্রাং বুঝা যাইতেছে, এক সময় কবিবংশ নবাব সরকারে সুপ্রতিষ্ঠিত ছিলেন। এস্থলে গোকুল-পালার লিখিত কবির পিতৃনামের সহিত এস্থলে উল্লিখিত কবির পিতৃনামের একত্র আছে।

এই জাগরণ-পালার আর একস্থলে কবির বংশাবলী দেওয়া আছে,—

“পিতামহ পীতাম্বর, তশ্চ সূত মনোহর, তাহার তনয় চিরঞ্জীব।

তশ্চ সূত হরিহর, সখা যার দামোদর, চরাচর খ্যাত সেই সব ॥

রাধাকান্ত তশ্চ সূত, অশেষ গুণের মত, শ্রীচৈতন্য তাহার নন্দন।

তাহার মধ্যম ভাই, শীতলা আদেশ পাই, দ্বিজ নিত্যানন্দের ভাষণ ॥”— ২৯ পৃ।

গোকুল-পালায় মনোহরের পিতার নাম ভবানী মিশ্র আর চিরঞ্জীব মিশ্রের পুত্রের নাম মহামিশ্র রাধাকান্ত লিখিত আছে, কিন্তু এখানে মনোহরের পিতার নাম পীতাম্বর ও চিরঞ্জীবের পুত্রের নাম হরিহর এবং হরিহরের পুত্র রাধাকান্ত বলিয়া উল্লিখিত হইয়াছে।

আর একস্থলে আছে,—

“নিত্যানন্দ ব্রাহ্মণ রচিল মধুকর।

প্রতিষ্ঠিত গঙ্গাতীরে সিংহ হৃদয় ॥”

এই হলধর সিংহ সম্ভবতঃ কবিকে গঙ্গাতীরে বাস করাইয়া ছিলেন। প্রকাশকের লিখিত অনুবাদক শিবনারায়ণ সিংহের সহিত এই হলধরের কোন সংশ্রব আছে কিনা, কে জানে? কাশীজোড়ার রাজা রাজনারায়ণ নিত্যানন্দের প্রতিপালক ছিলেন, তাঁহার আশ্রয় কবি কেন যে ত্যাগ করিয়া হলধর সিংহকে আশ্রয় করিয়াছিলেন, তাহা জানা যায় না।

আত্মপূজার প্রচার হেতু শীতলা বিরাটের ঘরে ঘরে ঘুরিয়াছিলেন, কিন্তু বিরাট বলেন,—

“শিব ছেড়ে সেবিত্তে নারিব শীতলাই।”

মৎশদেশী ব্রাহ্মণেরা বলেন,

“শিব বিনে অণু দেব নাহি পূজে রাজা।

শীতলা পূজিলে সবংশে বধিবেক রাজা ॥”

এতদ্ভিন্ন চন্দ্রকেতুর পালা ও গোকুল-পালাতেও এই শিবভক্তির কথা কথিত হইয়াছে। ইহা দেখিয়া আমার অনুমান হয় যে যখন শৈবধর্মের সংঘর্ষে ধীরে ধীরে শাক্তধর্মের বা তান্ত্রিক পূজার প্রচার হইতেছিল, সেই সময়েই চণ্ডী শীতলা মনসা প্রভৃতি ক্ষুদ্র ক্ষুদ্র দেবীপূজার প্রচার আরম্ভ হয়। চাঁদবেণে, কালকেতু, রাজা চন্দ্রকেতু, নিমাই জগাতি, দেবদত্ত, বিরাটরাজ সকলেই শিবভক্ত আর সকলেই শিবপূজা ছাড়িয়া দেবীপূজা করিতে প্রথমে অস্বীকৃত শেষে দেবীর প্রকোপে লাক্ষিত হইয়া অনিচ্ছায় দেবীভক্ত হইয়া পড়েন। এই সকল দেবী যে যে রোগ বা জন্তুভীতিনিবারিণী বা সুখদাত্রী বলিয়া পরিকীর্তিতা হইতেন, সেই সকল গুণ পূর্বে শিবেই গুণ্ড ছিল। লোকে সেই সকলের জন্ম পূর্বে শিবেরই সেবা করিত। এক্ষণে প্রত্যেক বিষয়ের জন্মই এক এক উপাশ্র দেবী পাইয়া শিবকে ক্রমশঃ ত্যাগ করিতে লাগিল। এ সম্বন্ধে আমার ধারণা এইরূপ, সত্য মিথ্যা ভগবান্ জানেন।

নিম্নলিখিত চরণগুলি গোকুল-পালায় ও এই বিরাট-পালায় অবিকল এক দেখা যায় ;

- ( ১ ) যুক্তি হেতু জগৎমাতা জরাকে জিজ্ঞাসে ।
- ( ২ ) দাণ্ডাল যতেক ব্যাধি জোড়হাত হৈয়া ॥
- ( ৩ ) সোণার শরীর করে উয়ের নাদনা ।
- ( ৪ ) যাত্রা কৈল শীতলা জরাকে সঙ্গে করে ।

ইত্যাদি আরও অনেক কথা আছে।

জাগরণ-পালায় শীতলার উৎপত্তি সম্বন্ধে সর্বত্র তাঁহাকে ব্রহ্মার কণ্ঠা বলিয়া উল্লিখিত হইয়াছে, কেবল—

“ভারি ভুরি বিমুখ ভিখারী তোর খুড়া ।

ঘাঁড় ছেড়ে এক পা হাঁটিতে নারে বুড়া ॥”

এ স্থলে শিবের ভ্রাতৃকৃত্য । আবার—

“মা স্বাহা পিতা অগ্নি জানে ত্রিভুবনে ।

ব্যাধি সঙ্গে বুলি আমি সাক্ষাৎ ত্রিভুবনে ॥”

এস্থলে অগ্নিও স্বাহার কৃত্য বলিয়া উক্ত হইয়াছেন । সুবাক্য-বিরোধী বাক্যের মধ্যে সত্য-নির্ণয় করা এক প্রকার অসাধ্য ।

নিত্যানন্দ যে বৈষ্ণব ছিলেন, তাহা তাঁহার বৃন্দাবন-বর্ণনায় ভক্তিপূর্ণ ভাব দেখিলেই বুঝা যায়, কিন্তু সাম্প্রদায়িক বৈষ্ণবের যে বিরোধী ছিলেন, তাহার প্রমাণ বিরাটরাজের বৈষ্ণব-পূজার বর্ণনায় পাওয়া যায়,—

“এই মত ক্রমে ক্রমে করয়ে ভ্রমণ ।

আশাদাস অধিকারী অষ্ট বেটা বেটা ।

পূজার প্রকাশ বুড়ী কহে নিত্যধামে ।

বলে মৌরা বিষ্ণু পূজি বুড়ী মাগী কে ।

বিরাজিল বৃন্দাবনে বৈষ্ণবের মন ॥

চৌদিকে বৈষ্ণবের পাড়া নিত্য মালা ফোঁটা ॥

সীতারাম স্বরে তারা শীতলার নামে ॥

ছহাতিয়া সোটা মেরে দূর করে দে ॥

\* \* \* \* \*

• অযোনিসম্ভবা আমি ধাতা মোর পিতা ।

ব্রহ্ম অংশে জন্ম মম সর্বজনখ্যাতা ॥

মৎস্য কুর্শ আদি কৃষ্ণ দশ অবতার ।

সকলে সংঘট কৈল বসন্ত আমার ॥

তোরা কাটু তিলক তুলসী কর্ণমালা

তেল পারা বপুতে বের্যাবে লুহা গড়া ॥

গা পচাইয়ে হাড় গলাইব পোঁটা ।

পূজা নিব ঘরে বসে বৈয়া দিবি জোড়া পাঁটা ॥”

শেষোক্ত চরণে শীতলার মুখে বৈষ্ণবের প্রতি যে শ্লেষোক্তি কবি গাহিয়াছেন, তাহা হইতে ঐ সম্প্রদায়ের প্রতি তাঁহার মনোভাব বুঝা যায় ।

ছঃখের বিষয় যে বিরাটপালা ছাপা হইয়াছে, তাহা সম্পূর্ণ ও সুপ্রণালীশুদ্ধ নহে, সুতরাং তাহা হইতে আমরা আর অধিক আলোচনা করিব না । বিরাট-রাজ্যের পূজার ব্যবস্থা, সুখ ছঃখ-বর্ণনায় তখনকার বাঙ্গালার সামাজিক ইতিহাস কিছু কিছু জানা যায় ।

শীতলা বৃদ্ধা জ্বরতীব্রবেশে বলদবেশী গর্দভের পৃষ্ঠে বসন্তের ছালা চাপাইয়া জরাসুরকে রাখাল সাজাইয়া মৎস্যদেশের পথে উপস্থিত হইলেন । নিমাই সেই পথের বাণিজ্য-দ্রব্যের শুদ্ধ-সংগ্রাহক অর্থাৎ “জগতি” ছিলেন । বলদের ঘণ্টারব শুনিয়া সদলে আসিয়া শীতলার পথরোধ করিয়া বলিলেন,—

“জোর করে তোর বেটা ভাঁড়িয়ে জগতি ।

রাস লৈয়া রক্ত বৈয়া ঘাইস সারা রাত্তি ॥

গোস্বায় গর্জিয়া খাড়া দেই গোপ মোড়া ।

এইরূপে আমার অনেক খাইল ভাড়া ॥

পাইয়াছি প্রথমে আজি পলাইবি কোথা ।

নাহি জান রাজকর দিতে হবে হেথা ॥”

ইহা হইতে বুঝা যাইতেছে যে কবির সময়ে কাশীজোড়া অঞ্চলে পথে বাণিজ্য দ্রব্যের উপর গুরু আদায় করা হইত । যে আদায় করিত, তাহাকে ঘাটওয়াল বা জগাতি বলিত । তাহার পর কত দিতে হইবে তাহাও উল্লিখিত হইয়াছে—

“আগে মোর মামুলী আঠারো বুড়ি গণ । পরে ফেল আষাঢ়ীর পঞ্চাশ কাহন ॥

একুনেতে অষ্ট শত চারি পণ সাড়ে । নহিলে ভৎসনা করে নিব নাথি চড়ে ॥”

অর্থাৎ তখন মামুলী অর্থাৎ নির্দিষ্ট রাজকর ছিল আঠার বুড়ি কড়ি, তাহার উপর জগাতিরা বলপূর্বক নানা বাবে অনেক আদায় করিত । এখানে শীতলার নিকট আটশত সাড়ে চারি পণ দাবী করা হইয়াছে । এই সকল আদায়ের জন্য মারপিট অত্যাচার বড়ই হইত । তবে আর একটা নিয়ম ছিল । যাহারা রাজাদেশে গুরুদান হইতে পরিত্রাণ পাইত, তাহারা ভারবাহী বলদের গলায় ঘণ্টা বান্ধিয়া দিত এবং রাজার ছাড় পাট্টা পাইত । ঘণ্টাবান্ধা বলদ ও ছাড় পাট্টা দেখিলে জগাতিরা আর তাহার গুরু আদায় করিত না ; যথা,—

জরামুর জগাতির কথা শুনিয়া বলিল,—

“এত জোর কেন তোর মোকে তুল বাড়ি । ঘণ্টা বান্ধা বলদের ঘাটে নাই কড়ি ॥

নিমা বলে নিষ্ঠুর বেটা নিয়ে আয়তো দেখি পাট্টা । কার পাট্টা পাইয়া বলদে দিলি ঘণ্টা ॥

ঘাটের রাজস্ব দিয়া আমি যাই মারা । চোরা গরু লয়ে চোর কর্যাছ চতুরা ॥”

ইহা হইতে আরও বুঝা যাইতেছে যে, ঘাটওয়ালদিগকে রাজসরকার হইতে এক একটা ঘাট জমা করিয়া লইতে লইত এবং তাহার নির্দিষ্ট রাজস্ব সে রাজসরকারে জমা দিয়া আপনি দৈনিক আদায়ের উপর নির্ভর করিত । ইহাতে জগাতির বিস্তর লাভ হইত, কিন্তু গুরুদাতৃগণের প্রতি বিস্তর অত্যাচার হইত ।

তাহার শীতলা গরীব বলিয়া ছই কাঠা কলাই মাত্র দানস্বরূপ দিয়া অনেক কষ্টে জগাতির হস্তে উদ্ধার হইলেন । বলা বাহুল্য এই কলাইগুলিই গুপ্ত বসন্ত । এই কলাই অতি সূক্ষ্ম । নিমাই রাক্ষিয়া সপরিবারে খাইল । ক্রমশঃ সেই কথা রাজ্যমধ্যে ছড়াইয়া পড়িল । সকলে কিছু কিছু চাহিয়া লইয়া গেল । ওদিকে শীতলা গিয়া বাজারে সেই গুপ্ত বসন্তের কলাই বেচিতে বসিলেন । এইরূপে ক্রমশঃ রাজ্যমধ্যে প্রতি গৃহে বসন্ত ছড়াইয়া পড়িল । নিমাইয়ের মাত পুত্র গরিল । রাজ্যে ছলছল পড়িল । শীতলা রাজার গুরু পুরোহিত বিদ্যানিধি ও বাচস্পতিকের বৃদ্ধা বেশে গিয়া জানাইলেন যে, রাজা যদি দেবদাসদত্ত বণিককে পাঠাইয়া রত্নজসফর হইতে সমুদ্রগর্ভস্থ হেমঘট উঠাইয়া আনাইয়া মেঘ মহিষাদি বলি দিয়া পূজা করেন, তবেই রাজ্যরক্ষা হইবে । প্রত্যাষে পত্নীর সহিত

বাচস্পতি পাশা খেলিতেছিলেন। বুড়ীর কথা বড়ই বিরক্তিকর হইয়া উঠিল, তিনি অক্ষপাটী ফেলিয়া মারিলেন। শীতলা গালি দিতে দিতে ক্রোধভরে চলিয়া গেলেন। তার পর সর্বজাতিতে বসন্ত ছড়াইবার সময় কবি কয়েকটা জাতির বৃত্তির ও স্বভাবের উল্লেখ করিয়াছেন, তন্মধ্যে কতকগুলির উল্লেখ করিতেছি,—

- (১) “আসি বলে নাপিত ভাঁড়ায় য়ায় নরে।”
- (২) “আগুরি বেচয়ে পলা প্রবাল মুকুতা।”
- (৩) “গয়লা বেচয়ে দধি জল মিশাইয়া।”
- (৪) “করে চাষ কৈবর্ত কোদালে তাড়ে পড়া।”
- (৫) “বাইতি বুনয়ে শয্যা বাজায় মৃদঙ্গ।”
- (৬) “নগরে যতেক জুগী লাল করে সূতা।”
- (৭) “কাট কাটে কোড়ি খায় যতেক শবর।
- (৮) ধর্যা ধনুক কোল বাজী করয়ে শীকার ॥”

এই সকল জাতির অনেকের এখন আর বৃত্তি স্থির নাই।

- “রাজা বলে শ্রীদেবী শ্রীহরিপদ ছাড়ি।  
প্রাণ গেলে পূজিতে নারিব পচামুড়ী ॥”

আমরা দেখিতেছি, চাঁদ সওদাগর কবি ক্ষেমানন্দ ও কেতকার সাহায্যে মনসাকে— “চেংমুড়ী কাণী” বলিত, আর বিরাটরাজ কবি নিত্যানন্দের প্রসাদে শীতলাকে “পচামুড়ী” বলিতে পারিয়াছেন।

বিরাটরাজের পুত্র উত্তরের বসন্তরোগে মৃত্যু হইল। তাঁহার পত্নী রত্নাবতী তখন পিতৃগৃহে ছিলেন। শীতলা বৃদ্ধা শ্রাক্ষণীবেশে গিয়া এই সুসংবাদ দিলেন। তার পর রত্নাবতী সহমৃত্যুর সজ্জা করিয়া অর্থাৎ “ভাঙ্গিয়ে আমার ডাল হস্তেতে লইল” পিতামাতার নিকট বিদায় লইয়া স্বামীর শ্মশানে যাইতে ইচ্ছা করিবামাত্র শীতলার ইচ্ছায় পৃথিবী দেহ স্ফুটিত করিলেন, ছমাসের পথ রত্নাবতী বামপদ বাড়াইতেই পার হইয়া আসিল। রত্না একবারে স্বামীর শ্মশানে। তাহার পর সতীর রোদনে দেবীর দয়া হইল। শ্মশানে পূজা হইল, বিরাটপুত্র উত্তর দেবীর রূপায় জীবন পাইলেন। এই স্থলে কবি শীতলার মুখে বিরাটমহিষীর পূর্ব বৃত্তান্ত বলাইয়াছেন, তাহা নিতান্ত অসংস্কৃতজ্ঞের গায় কথা,— শীতলা বলিলেন স্মদেষ্ণা পূর্বজন্মে মেনকার কন্যা শকুন্তলা ছিলেন। হস্তিনার রাজা অনরণ্য তাঁহাকে গুপ্তবিবাহ করেন। পঞ্চম বৎসর বয়সে শকুন্তলা মঙ্গলা পূজা করিয়া রাজাকে স্বামী লাভ করেন। কস্তিল মুনির আশ্রমে গুপ্তবিবাহ হয়। শকুন্তলার গর্ভে ভরত জন্মগ্রহণ করেন। শীতলা এই স্মদেষ্ণার ভবিষ্যজ্ঞানের কথাও বলেন—স্মদেষ্ণা পরজন্মে ইন্দ্রদ্যুম্নমহিষী সুরূচি হইবেন এবং দারুব্রহ্ম স্থাপন করিবেন।—নিত্যানন্দের উড়িষ্যার সহিত যে কিছু সংশ্রব ছিল, তাহা এই বর্ণনা হইতে অনুমিত হইতে পারে।



শ্মশানের পূজায় রাজা বিরাট যোগ দেন নাই । রাণী ও রাজবধু গোপনে পূজা করেন । রাণীর নিকট শীতলার অল্পগ্রহ শুনিয়া বিরাট গলায় কুঠার বাধিয়া শীতলার নিকট ক্রমা চাহিলেন । শীতলা তখন দেবদাস সাধু দ্বারা হেমঘট আনাহিয়া পূজা করিতে বলিলেন । রাজা বণিককে রত্নপাটনে পাঠাইয়া দিলেন । দেবদাসকে প্রলোভিত করিবার জন্ত বিরাট স্বীয় মন্ত্রিকতার সহিত বিবাহ দিলেন ।

তাহার পর দেবদাসের নৌফাযাত্রা । শ্রীমন্তের পথের বর্ণনার স্থায় কবি দেবদাসের পথের বর্ণনা করিয়াছেন । এই স্থলে বণিকের নৌকার নাম “মধুকর” পাওয়া যায় ;—

“পবন গমনে চলে সপ্ত মধুকর ।”

শ্রীমন্তের নৌকার নামও মধুকর, রায়মঙ্গলের পুষ্পদত্তের নৌকার নামও মধুকর আর এই দেবদাসের নৌকার নামও মধুকর । অতএব মধুকর সমুদ্রগামী প্রাচীন নৌকাশ্রেণীর নাম মাত্র বলিয়া বোধ হয় । তাহার পর দেবদাসের পথ—

“ওথা সাধু বাহে হর শঙ্করের ঘাট ।  
বেখানে শঙ্করবাত্রা করেন বিরাট ॥  
চক্ষুর নিমেষে সাধু গেল পালুডাঙ্গা ।  
সাতর্গা ছাপাইল সাধু পাইয়া শিঙ্গাভাঙ্গা ।  
বেণেপাড়া বাহিয়া যে এড়াল বিরাট ।  
সম্মুখে এড়ান নিগা জগাতির ঘাট ॥”

বিরাট রাজ্য বা মৎশ্রদেশ কোথায় তাহা জানি না, কিন্তু এস্থলে যে সকল স্থানের নাম পাওয়া যাইতেছে, এগুলি বাঙ্গালা দেশের একাংশে বটে । তার পর একবারে নৌকা যমুনা বাহিয়া অযোধ্যার নন্দীগ্রামে পৌঁছিবার কথা আছে । তার পর লৌহবন, ভাণ্ডীর বন, কদম্ববন, জাবট, গোবর্দ্ধন, কালীদহ ইত্যাদির কথা । তাহার পর বৃন্দাবন হইয়া সারঙ্গচাখলা নামক স্থানে সাধুর নৌকা উপস্থিত হইল তাহার, পর পূর্বহটে প্রবেশ করিল । তাহার পর বেহুলা, কুমুদবন, বংশীবট, চক্রশাল, ভোজনটিলা, তৎপরে মধুবন, তালবন, তাহার পর কংস রাজপাট (মথুরা) হইয়া প্রয়াগে আসিল, সেখান হইতে একবারে—

“পবন গমনে ছোটে সপ্ত মধুকর ।  
এড়াইল কংস রাজার বাড়ী ঘর ॥  
এক বৈদ্যপুর বাহে পরম কৌতুকে ।  
দেখিতে দেখিতে ডিঙ্গা আইল কটকে ॥  
কটক বাহিয়া ডিঙ্গা আইল উজানি ।

\* \* \* \*

বালীঘাটা বনপুর বাহে সাধুবালা ।

পর্বত রৈকম দ্বীপ দক্ষিণে রাখিয়া।  
হিড়িম্বার ঘাটে ডিঙ্গা রহে চাপাইয়া ॥

\* \* \* \*

কাশী বারাণসী সাধু দিল দরশন।”

এ পথ কিরূপ তাহা পাঠকবর্গ বুঝিতে পারিতেছেন—ইহাতে সত্যের বিন্দুমাত্র অংশ নাই, কেবল স্থানের নামগুলি যথার্থ। যাহা হউক তাহার পর কাশী হইয়া গয়া, গয়া হইয়া ধবলাপর্বত, তথা হইতে বিশ্বেশ্বরগিরি, তৎপরে অনেক স্থান (নাম নাই) হইয়া চন্দ্রভাগা দিয়া সমুদ্রে পড়িলেন। এই স্থলে দেবদাস গঙ্গাপূজা করিয়া ড্রাবিড়ে উপস্থিত হইলেন, তৎপরে দ্বারকা হইয়া ত্রিকুট পর্বত, তৎপরে রঙ্গজসফর নামক গন্তব্য স্থানে উপস্থিত হইলেন। পদ্মমালার ঘাটে (কমলে কামিনীর স্থায়) শীতলার মায়ায় সমুদ্র জলে হেমঘট ভাসিয়া উঠিল। তাহার পর শ্রীমন্তের দেবদাস কর্তৃক রাজা চন্দ্রসেনের নিকট পদ্মমালার ঘাটের বিবরণ বর্ণন, রাজা কর্তৃক নিগ্রহ, শেষে শীতলার কৃপায় রাজকন্যা কর্তৃক হেমঘট উদ্ধার ও তাহার সাধুর সহিত বিবাহ, দেশাগমন ইত্যাদি। তাহার পর অষ্টমঙ্গলাও আছে। তাহাতে ৮টির স্থানে নিম্নলিখিত ৯টি মঙ্গলের বর্ণনা আছে,—

১ম—শচী মুখে নিন্দা উপলক্ষে স্বর্গে পূজাপ্রচার।

২য়—বরুণ কর্তৃক পাতালে পূজাপ্রচার।

৩য়—রাবণ কর্তৃক লঙ্কায় পূজাপ্রচার।

৪র্থ—বালীরাজ কর্তৃক কিষ্কিন্দায় পূজাপ্রচার।

৫ম—অযোধ্যায় দশরথ কর্তৃক পূজাপ্রচার।

৬ষ্ঠ—কংস কর্তৃক মথুরায় ও জরাসন্ধ কর্তৃক মগধে পূজাপ্রচার।

৭ম—গোকুলে নন্দ কর্তৃক পূজা প্রচার বা গোকুল-পালা এবং দেবদাস কর্তৃক টীকার প্রকাশ।

৮ম—বিরাতের ব্যাপার রক্তাবতী কর্তৃক উত্তরের প্রাণদান, রঙ্গজসফরে দত্ত কর্তৃক হেমঘট উদ্ধার।

৯ম—হেমঘট পূজা।

তাহার পর দেবদত্ত ও তাঁহার দুই স্ত্রীর স্বর্গারোহণ। তখন—

“কুবেরের ঘরে দেবী পুত্রবধু দিয়া।

নিজ কীর্তি শীতলাই মর্ত্যতে রাখিয়া ॥

রোগসহ রোগপুরে বন্ধিল কোতুকে।

রক্তসিংহাসনে দেবী ত্রিশিরা সম্মুখে ॥

রক্তাবতী দেই অঙ্গে চামরের বা।

বিচিত্র পালঙ্কে দেবী ঢালিলেন গা ॥

গন্ধর্বেতে গীত গায় নাচিছে অঙ্গরী।

শীতলা-মঙ্গল সাজ সবে বল হরি ॥”

প্রথম চরণে দেবদাসদত্তের পূর্বাবস্থায় কুবের পুত্রত্বের কথা জানা যাইতেছে। ইহার কবিকঙ্কণের অনুকরণ। যাহাহউক, শীতলার এই অষ্টমঙ্গলাসুয়ারী নিত্যানন্দের পূর্ণ বৃহৎ

এস্থ কোথাও আছে কিনা বা আদৌ ছিল কিনা তদ্বিষয়ে সন্দেহ রহিল। দেবদাস দত্ত কর্তৃক টীকা দিবার ব্যবস্থা-প্রকাশের কথা অষ্টমঙ্গলায় দেখা যাইতেছে, কিন্তু আসল কাব্যের মধ্যে তাহার কোন উল্লেখ দেখা গেল না। কি দৈবকীনন্দন কি নিত্যানন্দ উভয়েরই কাব্যালোচনা করিয়া আমরা যতটা বুঝিলাম, তাহাতে উভয়কেই মনসার ভাসান ও চণ্ডী-মঙ্গলের অনুরোধে কাব্যরচনার প্রবৃত্তি বলিয়া স্পষ্টই বুঝা গেল। যাহা হউক এ সম্বন্ধে আমরা অনেক কথাই বলিয়াছি। আর অধিক কিছু বক্তব্য নাই, তবে সাধারণকে অনুরোধ যে যাহাতে এই শীতলা-মঙ্গলের সম্পূর্ণ পুঁথি পাওয়া যায়, তাহার চেষ্টা করা উচিত।

একটা কথা,—এই কাব্যের নাম আমরা বরাবর শীতলা-মঙ্গল বলিয়াই আসিতেছিলাম, অথচ তাহার কোন আভ্যন্তরিক প্রমাণ দিই নাই। বিরাট-পালার শেষচরণে কবির কথায় সে কথার সুন্দর প্রমাণ হইয়া গিয়াছে—“শীতলা-মঙ্গল সঙ্গ সবে বল হরি।” প্রথমে আমরা শীতলা-মঙ্গলের পাঁচটা পালার উল্লেখ স্থলে “রঘুরাম দত্তের পালা” নামে এক পালার উল্লেখ করিয়াছি, বিরাট-পালা-কথিত দেবদত্তের পালার কথা আলোচনা করিয়া বোধ হয় যে যাহার নিকট আমি রঘুরাম দত্তের পালার নাম শ্রবণ করি, তাহার সম্ভবতঃ ভুল হইয়াছে, উহার নাম দেবদত্তের পালাই হইবে। যাহা হউক অনুসন্ধান আবশ্যিক। \*

### শ্রীব্যোমকেশ মুস্তফী ।

\* কলিকাতা আহীরাটোলা ষ্ট্রীট-প্রতিষ্ঠিত শীতলা-মন্দির কলিকাতার সকল শীতলা-মন্দির অপেক্ষা প্রাচীন, এখানকার প্রতিমা ডোমের ব্যবহৃত প্রতিমা নহে। বর্তমান সেবাইতগণের উর্দ্ধতন সপ্তম পুরুষ ইহার প্রতিষ্ঠাতা। সেবাইতগণ দাক্ষিণাত্য বৈদিক শ্রেণীর ব্রাহ্মণ। বর্তমান সেবাইতগণ বিশেষ শাস্ত্রদর্শী নহে। শীতলার শুকবচপূজাদির মন্ত্র অভ্যাস করিয়া রাখিয়াছেন মাত্র। তাহাদের নিকট শীতলার ৩৪ প্রকার ধ্যান শুনিয়াছি। তাহাদের বিশ্বাস দক্ষিণ কালিকায় ও শীতলায় বস্তুতঃ কোন ভেদ নাই। ডোম পণ্ডিতের আবিষ্কৃত শীতলা মূর্তিকে ইঁহার কুম্ভখণ্ডমূর্তি বলেন। ইঁহার বলেন,— “কলিভুঃখবিমোচনতন্ত্র” নামক একখানি গুপ্ততন্ত্র আছে, তাহাতেই শীতলা-রহস্ত বিস্তৃতরূপে বিবৃত হইয়াছে। সে তন্ত্র অতি দুর্লভ। সালিখানিবাসী শীতলা-মন্দিরের সেবাইত মাধবদাসের নিকট সম্ভবতঃ উক্ত তন্ত্র পাওয়া যাইতে পারে, কিন্তু সে সহজে কাহাকেও দেখিতে দেয় না। ইঁহার স্কন্দপুরাণীয় কবচ-ধ্যান বা পিচ্ছিল তন্ত্রোক্ত ধ্যানাদির উপর ততটা শ্রদ্ধাশ্রিত নহেন।

# বাঙ্গালা পুঁথির সংক্ষিপ্ত-বিবরণ ।

( ২ )

## ১। অমৃতরত্নাবলী । মুকুন্দদাস ।

মঙ্গলাচরণ শ্লোক,—

প্রণম্য-সচ্চিদানন্দং গোকুলানন্দবর্ধনং ।

অমৃতরত্নাবলীঃ গ্রন্থ মুকুন্দ ক্রিয়তেহধুনা ॥

জয় জয় শ্রীকৃষ্ণচৈতন্য রসসিন্ধু ॥

জয় জয় নিত্যানন্দ জয় দীনবন্ধু ॥ ইত্যাদি ।

মন্তব্য—পৃষ্ঠা সংখ্যা ১০, প্রতি পৃষ্ঠার শ্লোক সংখ্যা ৪০, এই গ্রন্থ একটা অপূর্ণ রূপক ;—

বিশুদ্ধ বিরুদ্ধ ধর্ম অখণ্ড অকাম ।

অনিমিত্ত নিমিত্ত বিরজা পারে ধাম ॥

বিরজা নদীর পারে সেই দেশ ধাম ।

সহজপুর সদানন্দ নামে সেই গ্রাম ॥

তাহার পশ্চিম দিকে কলিকলিকা ।

চম্পককলিকা নামে তাহার নায়িকা ॥

মূলবৃক্ষ মাতদল সহস্রকমল ।

দেশবেড়া সেই বৃক্ষ সরোবর জল ॥

তাহার উত্তর দিকে আনন্দপুর গ্রাম ।

রসিক-শেখর কৃষ্ণ মন্থখের ধাম ॥

সদানন্দ সদা মগ্ন সদা অভিলাষ ।

সহজ মানুষ তাতে সদা করে বাস ॥

তাহার দক্ষিণ দিকে চিদানন্দপুর ।

চন্দ্রকান্তি দেশ হয় কিঞ্চিৎ তার দূর ॥

এইরূপে দেহ, মন, ইন্দ্রিয়, জ্ঞান, অজ্ঞান, আত্মা

সমস্তই এই রূপকের বর্ণনীয় বিষয় ।

অন্ত শ্লোক,—

পীযুষ মন্দাকিনী হয় অমৃত বিলাস ।

অমৃতরত্নাবলী গ্রন্থ কহে শ্রীমুকুন্দদাস ॥ ইতি

অমৃতরত্নাবলী গ্রন্থ সম্পূর্ণ ।

## ২। কণ্ঠমুনির পারণ। শঙ্কর কবিচন্দ্র ।

আরম্ভ শ্লোক—

স্মৃত কহে সনকাদি শুন এক চিন্তে ।

শুকদেব কহে পুন রাজা পরীক্ষিতে ॥

শুন শুন মহারাজা পরম সানন্দে ।

বিহার করেন কৃষ্ণ নন্দের মন্দিরে ॥

নন্দ যশোদা ভাগ্যের কথা কি বলিব আমি ।

পুত্রভাবে বিহার করয়ে চক্রপাণি ॥

ভগিতি,—

শঙ্কর কহেন সবে কর অবধান ।

শুনহ গোবিন্দলীলা অমৃত সমান ॥

শেষ শ্লোক,—

দ্বিজ ককিরচন্দ্রে গায় পালা হৈল সায় ।

ভক্ত সহিত প্রভু হবে বরদায় ॥

শ্লোকসংখ্যা প্রায় ২০০ শত । লিখিতঃ শ্রীগদাধর দাস । সাং কুমরুল । সন ১১৯৭ সাল তাং ১৩ ফাল্গুন । দিবা ৪ দণ্ড থাকিতে সমাপ্ত ।

## ৩। কুস্তকর্ণরায়বার । দ্বিজ কবিচন্দ্র ।

আরম্ভ শ্লোক,—

নিজ হৈতে উঠিয়া বসিল কুস্তকর্ণ ।

সুবাসিত জল কেহ যোগায় সংপূর্ণ ॥

কুমকুম কস্তুরি লেপ কেহ দেয় গায় ।

কতশত সেনাপতি চামর ঢুলায় ॥

কুস্তকর্ণ বীর যদি লঙ্কায় জাগিল ।

ইহা শুনি ত্রিভুবন কাঁপিতে লাগিল ॥

অন্তশ্লোক,—

তোর কুড়ি চক্ষু থাকিতে তবু পঢ়া গেলি হুদে ।

কহে দ্বিজ কবিচন্দ্র বিষয় আমোদে ॥

কুস্তকর্ণের রায়বার সম্পূর্ণ । পৃষ্ঠা সংখ্যা ৪, প্রতি পৃষ্ঠার শ্লোক সংখ্যা ২২ ।

## ৪। কৃষ্ণার্জুনসংবাদ । ( খণ্ডিত )

মঙ্গলাচরণ—

অজ্ঞানতিমিরাক্রান্ত জ্ঞানাজন-শলাকয়া ।

চক্ষুর্মীলিতং যেন তন্মৈ শ্রীগুরবে নমঃ ॥

আরম্ভ শ্লোক,—অর্জুন সংবাদ পুস্তক লিখ্যতে ।

কৃষ্ণার্জুন দুই জনে আছিল নির্জনে ।

অনেক রহস্য কথা বিচার কখনে ॥

এ বড় রহস্য কথা শুন সাবধানে ।  
শুনিলে অধর্ম খণ্ডে পাপ বিমোচনে ॥

মধ্য শ্লোক,—

হরে কৃষ্ণ হরে কৃষ্ণ কৃষ্ণ কৃষ্ণ হরে হরে ।  
হরে রাম হরে রাম রাম রাম হরে হরে ॥

এই মন্ত্র মহাতীর্থ ভব তরিবারে ।  
কলির প্রথম হবেন চৈতন্য অবতারে ॥

কলিতে প্রকাশ প্রভু হইবেন আপনি ।

এ সব অপূর্ব কথা ভক্তিভাবে শুনি । ইত্যাদি ।

অন্তশ্লোক,—নাই । পৃষ্ঠা সংখ্যা ৯, প্রতি পৃষ্ঠায়  
শ্লোক সংখ্যা ২৮, যত টুকু আছে তাহার শেষ শ্লোক,—

রাধাকৃষ্ণ পায় যেনা দরিদ্র হৃদয় ।

রাধার চরণাশ্রিত যেনা জন হয় ॥

৫। গঙ্গারী বন্দনা । অযোধ্যারাম কবিচন্দ্র ।

আরম্ভ,—

বন্দ মাতা সুরধনী, পুরাণে মহিমা শুনি,  
পতিতপাবনী পুরাতনী ।

বিষ্ণুপদে উৎপাদন, দ্রবময়ী তব নাম,  
সুরাসুর নরের জননী ॥

শেষ,—

নীচ পশু কীট পক্ষ, নৃপআদি জীবলক্ষ,  
সকলি তোমার সমতুল ।

হৃদয়মিশ্রের হৃত, কবিচন্দ্র গুণ যুত,  
মহিমার নাহি পায় কুল ॥

ভগ্নে অযোধ্যারাম, পুরাণ মনের কাম,  
এই নিবেদন তুয়া পায় ।

যেন মরণ সময় আসি, তোমার পদেতে ভাসি,  
শ্রীকৃষ্ণ বলিয়া প্রাণ যায় ॥

ইতি গঙ্গারী বন্দনা সমাপ্ত তাং ১৯ ফাল্গুন ১১৪৭  
সাল । পঠনার্থে শ্রীরামদেব দে সাঃ মদনমোহনপুর ।  
লেখক শ্রীকানাইরাম সরকার । শ্লোক-সংখ্যা ২০টি ।

৬। চৈতন্যভক্তিতত্ত্ববিলাস । অক্ষয় দাস ।

আরম্ভ,—

শ্রীকৃষ্ণচৈতন্যচন্দ্রায় নমঃ ।

আজ্ঞামূলধিতভুজৌ কনকাবদাতৌ ।

সংকীৰ্ত্তনৈকপিতরৌ কমলায়তাকৌ ॥

০ বিশ্বস্তরৌ ষিভবরৌ যুগধর্মপালৌ ।  
বন্দে জগৎপ্রিয়করৌ করুণাবতারৌ ॥

জয় জয় শ্রীকৃষ্ণচৈতন্য নিত্যানন্দ ।

জয়শৈতন্য জয় গৌরভক্তবন্দ ॥

জয় জয় শ্রীকৃষ্ণচৈতন্য দয়াময় ।

পতিতপাবন জয় জয় মহাশয় ॥

শেষ,—

পুনর্বার জন্ম মোর নরকুলে হয় ।

বৈষ্ণবকোষে স্মৃঢ় মন যেন রয় ॥

শ্রীচৈতন্য নিত্যানন্দ ভক্তির প্রকাশ ।

ভক্তিরসাম্বিকা কহে অক্ষয় দাস ॥

ইতি শ্রীচৈতন্যভক্তিতত্ত্ববিলাস সম্পূর্ণ । লিখিতং  
শ্রীপদ্মলোচন নন্দী সাং খাটুল গ্রাম । পরগণে জাহানা-  
বাদ ইতি ১২০০ সাল তারিখ রবিবারে সমাপ্ত ৭ রোজ ।  
৭। চৈতন্যরসকারিকা । যুগলকিশোর দাস ।

আরম্ভ শ্লোক,—

আলুলিতখেদয়া বিষদয়া শ্রৌশ্রীন্দামোদয়া ।

সর্বশাস্ত্রবিবদয়া রসদয়া চিত্তার্পিতোন্মাদয়া ॥

শব্দভক্তিবিনোদয়া সমসয়া মাধুর্যমর্ষাদয়া ।

শ্রীচৈতন্যদয়ানিধে তব দয়া ভূয়াদমন্দোদয়া ॥

জয় নবদ্বীপচন্দ্র গৌর গুণধাম ।

দয়ার ঠাকুর মোর নিত্যানন্দ রাম ॥

মধ্য শ্লোক,—

ঈশ্বরের কার্য হয় যুগধর্ম স্থাপন ।

অসুর সংহার আর সাধুর পালন ॥

অনিবন্ধরূপে জীব মুক্ত নামাভাসে ।

নিজ প্রয়োজন গুহ্য নহে সর্বদেশে ॥

এই হেতু হয় ঈশ্বরের অবতার ।

অবতারি কৃষ্ণ যৈছে মনুষ্য আচার ॥

নিজ প্রয়োজন তাঁর প্রেম আশ্বাদন ।

ভক্ত আশ্বাদন হেতু ভক্তিসংস্থাপন ॥

অন্তশ্লোক,—

যুগলকিশোর দাসের আর কেহ নাঞি ।

এই বার মোর হও চৈতন্য নিতাই ॥

ইতি চৈতন্যরসকারিকা সমাপ্ত । পৃষ্ঠা সংখ্যা  
৯, প্রতি পৃষ্ঠায় শ্লোক সংখ্যা ৩০ ।



## ৮। তরনীসেন বধ। শ্রীশঙ্কর।

আরম্ভ শ্লোক,—

পুত্র শোকে মূর্ছিত হইয়া দশানন।  
সিংহাসন হইতে ভূমে পড়িল রাবণ ॥  
রাজা লঙ্কেশ্বর করাঘাত হানে ভালে।  
গড়াগড়ি যায় রাজা পড়ি ভূমিতলে ॥

অন্ত শ্লোক,—

বন্দিয়া জানকীনাথ শ্রীশঙ্করে গায়।  
এত দূরে তবণীর পালা হৈল সখি ॥

মন্তব্য,—এই গ্রন্থের সর্বত্রই শ্রীশঙ্কর এইরূপ  
ভণিতি দৃষ্ট হয়। ইতি সন ১২৫০ সালে তাং ১৯  
আষাঢ়। পুস্তক শ্রীরামসদয় পাল সাং মায়াপুর। হাল  
সাং গালিয়া। শ্লোকসংখ্যা প্রায় ৩০৪।

## ৯। দধিখণ্ড। বৃন্দাবন।

আরম্ভ শ্লোক,—

গোকুলে গোলোকনাথ পাতিল জঞ্জাল।  
গোয়ালার গোক ফেবে মদনগোপাল ॥  
দিনে দিনে যার যত দধি দুগ্ধ হয়।  
কৃষ্ণের প্রসাদে এক রতি নাহি রয় ॥

অন্ত শ্লোক,—

বৃন্দাবন বলে ভাল করিলা আদ্যশ।  
মনে মনে মন্দ মন্দ হাসেন শ্রীনিবাস ॥

ইতি দধিখণ্ড সমাপ্ত। পাঠক শ্রীস্বরূপচরণ পাল  
সাং নদীপুর পরগণে বালিগড়, সন ১২১৩ সাল তাং  
১৩ ফাল্গুন। শ্লোকসংখ্যা ৮০।

## ১০। ৭২ সালের দামোদরে বশ্য। (রচ-

. যিতার নাম নাই।)

শুনা যায় ভাঙ্গামোড়া নিবাসী অনিরুদ্ধ গুপ্ত  
ইহার প্রণেতা। শ্লোক সংখ্যা ৭০ মাত্র।

আরম্ভ শ্লোক,—

অবধান কর ভাই শুন সর্বজন।  
মন দিয়া শুন সবে এই বিবরণ ॥  
সন হাজার বাস্তর সালে প্রথম আধিনে।  
দামোদরে আইল বাধ অতি কুলক্ষেপে ॥

শেষ শ্লোক,—

রচিলান্ত এই কাব্য ধর্মের চরণে।  
শ্লোক মুখে শুনি ভাই না দেখি নরনে ॥

## ১১। দ্রৌপদীর বস্ত্রহরণ। কবিচন্দ্র।

এ সম্বন্ধে দুইখানি পুস্তক আমার হস্তগত হই-  
য়াছে। দুইখানিরই রচয়িতা কবিচন্দ্র, কিন্তু রচনা  
বিভিন্ন প্রকাব। প্রথমখানির নাম দ্রৌপদীর বস্ত্রহরণ,  
দ্বিতীয়খানির নাম দ্রৌপদীর লজ্জানিবারণ। প্রথমটির  
আরম্ভ শ্লোক,—

বৈশম্পায়ন মুনি সভাপর্বে কর।  
মহাভারতের কথা শুন জন্মেজয় ॥  
রাজস্বয়ম্বর রাজা করিলেন সায়।  
মহারাজা যুধিষ্ঠির বসিলা সভায় ॥  
সহদেব নকুল আর ভীম ধনঞ্জয়।  
সভা করি বসিলেন পাণ্ডুর তনয় ॥  
ভীষ্মদেব কৃপাচার্য্য জ্ঞান ধনুর্ধর।  
কর্ণ অশ্বখামা আদি যত যোদ্ধাবর ॥

মধ্য শ্লোক,—

দুর্যোধন বলে ভাই শুন দুঃশাসন।  
দ্রৌপদীকে আন হেথা দেখিব কেমন ॥  
যুধিষ্ঠির দুই চক্ষু করে ছল ছল।  
দ্বিজ কবিচন্দ্রে গায় গোবিন্দমঙ্গল ॥

\* \* \*

অন্ত শ্লোক,—

বৈশম্পায়ন বলে শুন জন্মেজয়।  
পরের করিলে মন্দ আপনার হয় ॥  
পরের অখ্যাতি পরে করে যেই জন।  
মরিলে না হয় মুক্ত নরকে গমন ॥  
এত শুনি জন্মেজয় কান্দিয়া বিকল।  
দ্বিজ কবিচন্দ্রে গান গোবিন্দ-মঙ্গল ॥

ইতি দ্রৌপদীর বস্ত্রহরণ সমাপ্ত। স্বাক্ষর  
শ্রীগোবিন্দরাম সরকার। পাঠক শ্রীরামিনারায়ণ শেঠ  
সাং ভাঙ্গামোড়া পরগণে বালিগড় সন ১২৪৪ সাল  
বারশত চুয়াল্লিশ সাল তাং ১৯ ফাল্গুন। পাঠশালে  
ঘসিয়া ইতি। শ্লোকসংখ্যা প্রায় ২৪০।

## ১২। দ্রৌপদীর লজ্জানিবারণ। কবিচন্দ্র ।

আরম্ভ শ্লোক,—

রাজা কহে শুন শুন ব্যাসের নন্দন ।  
কহ গোসাঞি দ্রৌপদীর লজ্জানিবারণ ॥  
যুধিষ্ঠির ভীমার্জুন নকুল সহদেব ।  
বসিয়া আছিল তথা সকল পাণ্ডব ॥  
প্রতিজ্ঞা করিয়া রাজা দুর্ব্যোধন সনে ।  
পণ করি পাশা তবে খেলে তন্তক্ষেণে ॥

শেষ শ্লোক,—

দ্রৌপদী লইয়া সবে করিয়া গমন ।  
এতদূরে সমাধান লজ্জা নিবারণ ॥  
বিরাটপর্ব্বের কথা ব্যাসের বর্ণন ।  
ভাগবতামৃত কথা কবিচন্দ্র গান ॥

ইতি দ্রৌপদীর লজ্জানিবারণ সমাপ্ত । ইতি সন  
১১৯৪ সাল শনিবার । এই পুস্তক শ্রীরামচন্দ্র পাল  
সাং মদনমোহনপুর ( ভান্সামোড়ার অন্য নাম ) পর-  
গণে বালিগড় । সরকার মান্দারণ । ২৪ পৌষ । যথা  
দৃষ্টং তথা লিখিতং লেখকস্ত দোষ নাস্তি । শ্লোক  
সংখ্যা ২২০ ।

## ১৩। দুর্বাসার পারণ। কবিচন্দ্র ।

আরম্ভ শ্লোক,—

বনবাসে রমণী করিলেন রক্ষা ।  
দুর্বাসার দর্পচূর্ণ করিলেন যক্ষা ॥  
এক দিন দুর্বাসা হাজার শিষ্য সাথে ।  
গেলা দুর্ব্যোধন বাসে ভোজন জনিতে ॥

শেষ,—

দ্রৌপদীরে রমানাথ করিয়া সাধনা ।  
হারকায় গেলা হরি যুচিল যজ্ঞণা ॥  
এই পালা যেই জন করেন শ্রবণ ।  
ক্লেশশোক যায় তার বিপদ খণ্ডন ॥  
বিজ্ঞ কবিচন্দ্রে বলে পালা হৈল সায় ।  
ধনপুত্র হয় তার যে জন গাওরায় ॥

ইতি দুর্বাসার পালা সমাপ্ত । ভীমশাপি রণে ভঙ্গঃ  
মুনীনাথ মতিভ্রমঃ । সন ১১৯৩ সাল, সাং পোল পুঁধি  
পাঁচু দাস বসাকের তাং ১৫ আশ্বিন । লিখিতঃ  
শ্রীনিত্যানন্দ বাটল ।

## ১৪। ধর্ম্মপারায়ণ। সহদেব চক্রবর্তী ।

ধর্ম্মপুরাণ, সহদেব চক্রবর্তী প্রণীত । ইতিপূর্বে  
পরিষৎপত্রিকায় আসুল বিবরণ প্রকাশিত হইয়াছে ।

## ১৫। ধর্ম্মমঙ্গল। দ্বিজ রামচন্দ্র ।

কেবলমাত্র আদি চেকুর পালাটি আছে । উহার  
আরম্ভ,—

বেণু রাজার ঘরে কস্তা বাড়ে রঞ্জাবতী ।  
রূপের প্রুতিমা জিনি রম্ভা অরুন্ধতী ॥  
রাজা গোড়েখর জয়া কর অবধান ।  
দালানে বসিলা দিয়া করিয়া দেয়ান ॥

ভণিতা,—

নিজ দুঃখ সেন কহে রাজার নিকটে ।  
দ্বিজ রামচন্দ্রে গান নিবাস চামটে ॥

শেষ,—

দ্বিজ রামচন্দ্র গায় অনাদ্যের পায় ।  
হরিধ্বনি কর সবে পালা হৈল সায় ॥

ইতি সন ১২৫২ সাল তারিখ ৩২ পৌষ । শ্লোক  
সংখ্যা প্রায় ২৮০ ।

## ১৬। নন্দবিদায়। কবিচন্দ্র ।

আরম্ভ,—নন্দবিদায় লিখাতে,—

যুবতী সকলে কান্দে কংস করি কোলে ।  
করাঘাত করে শিরে ভাসে অশ্রুজলে ॥  
অতিশয় করুণা করয়ে কংসজায়া ।  
কোথাকারে গেলে নাথ কে করিবে দয়া ॥

শেষ,—

ইতি নন্দবিদায় সমাপ্তঃ । স্বাক্ষরমিদং শ্রীগোলোক  
ধাম কুণ্ড সাং হেলান । পুস্তকমিদং শ্রীকৃষ্ণমোহন দত্ত  
সাং নছিপুর পরগণে বালিগড়ি সন ১২০৩ সাল তাং  
২রা কার্ত্তিক শনিবার । শ্লোক সংখ্যা ২২০ ।

## ১৭। নিগূঢ়ার্থপ্রকাশাবলী। গৌরীদাস ।

আরম্ভ,—

প্রথম সচ্চিদানন্দং পৌকুজানন্দনন্দনং ।  
অমৃত-রত্নাবলী গ্রন্থ মুকুন্দঃ ক্রিয়তেহধুনা ॥  
অন্ন জয় সচ্চিদানন্দ রসের বিগ্রহ ।  
তোমার পদারবিন্দ ভজি হে নিশ্চয় ॥

জয় জয় গোকুলানন্দ শ্রীমন্মদন ।

• অধমের অভিশাপ করিবে পুরণ ॥

ইহাও একটা রূপক, অন্ততঃরাবলীর বিস্তার ভিন্ন  
আর কিছুই নহে ।

শেষ,—

রত্নসার রত্নেশ্বর সদা ভাবি মনে ।

অধম জনার এই রত্নসার ধনে ॥

নিগূঢ়ার্থপ্রকাশাবলী হইল পূরণে ।

দীন গৌরীদাস কহে নিজ প্রভুগুণে ॥

ইতি নিগূঢ়ার্থপ্রকাশাবলী সম্পূর্ণ । যত্নে লিখিতং  
ইত্যাদি । শ্লোক সংখ্যা ১৫৫৫ ।

১৮। নিকুঞ্জরহস্ত স্তবগীতালি । শ্রীশ্রীরূপ-  
সনাতন কৃত মূল বংশীদাস কৃত অনুরাদ ।

শ্রীশ্রীবাধাকৃষ্ণভ্যোনমঃ । শ্রীশ্রীরূপসনাতন গোস্বামী  
চরণেভ্যোনমঃ । সকল রামকেভ্যোনমঃ । শ্রীশ্রীরাধা-  
কৃষ্ণজয়তঃ । অথ শ্রীনিকুঞ্জরহস্তস্তব অস্ত গীতালি ।  
আদৌ শ্রীমতো গোস্বামিনোবর্ণনং । ধানসী জয়শ্রীঃ ।

শ্রীশচীনন্দন হৃদয় সনাতন রূপ রসিক ছুই ভাই ।

নিত্যশুদ্ধ যুগশরীর মনোরম জীব লাগী দবশন পাই ॥

বৃন্দাবনে সতত নিবাস ।

নিশি দিশি রমণী শিরোমণি

মঞ্জুল পাত্র করুণা পরকাশ ॥ ৫ ॥

ইহা অতি উচ্চ অঙ্গের ভক্তিগ্রন্থ । ইহার সংস্কৃত  
কবিতাগুলি শ্রীমৎরূপ গোস্বামী প্রভু কর্তৃক বিরচিত ।  
সর্ব সমেত ৩২টী শ্লোকের ৩২টী গীতালি এই গ্রন্থ  
মধ্যে সন্নিবেশিত ।

প্রথম স্তব,—

নবললিতবেশী নব্যালাবণ্যপূর্ণী

নবরসচলচিত্তৌ নূতনপ্রেমবিদ্যৌ ।

নবনিধুবনলীলা কোতুকে নাতিলোলৌ

• স্নরনিভূতনিকুঞ্জে রাধিকাকৃষ্ণচন্দ্রৌ ॥

অস্ত গীতালি । কেদার ।

দেখ হৃদিভূত নিকুঞ্জ মন্দিরে কেলি

সতলপ মাঝে রে ।

নবীন রসে ভরি নবীন নাগরী

নবীন নাগররাজ রে ॥

নবীন যৌবন বেশী ছুনবীন

নবীন পহিরণ বাস রে । •

নবীন লাবনি পুঞ্জ রঞ্জিত

চেতন বর ভাস রে ॥

নবীন রুচিবর • প্রেমসরোবর

ভান্নি ভোগত রজ রে ।

নবীন নিধুবন কেলাই কোতুকে

চপল রসময় অঙ্গ রে ॥

নবীন মুখ পেখি কেকি বোলত

আলি আনন্দ বাঢ়ে রে । •

শরদ রঙ্গিণী রজনী শোহত

বংশী হেরত ঠাঢ়ে রে ॥

শেষ,—

স্তবমিমমতি রম্যং রাধিকাকৃষ্ণে ॥

প্রেমোদভববিলাসৈরুতং ভাবরূপকঃ ।

পঠতি য ইহ রাত্নৌ নিত্যমব্যগ্রচিত্তৌ

বিমলমতি সদালীষু সখ্যং লভেতঃ ॥

অস্ত গীতালি । করুণাশ্রী ।

অতি মনোরম নব, নিকুঞ্জে বহস্ত স্তব,

ছুঁহার বিলাস স্থখরাশি ।

প্রেমোদ মদন ভর, অদ্ভুত স্তব,

সদাই নবীন পরকাশী ॥

নিতি নিতি নিশাযোগে, ছুই ভাব অনুরাগে,

গায় য়েবা গুমে য়েবা স্থখী ।

প্রেমরস ঝলমলে, রাই সখী মণ্ডলে,

গিয়া হয় এক প্রিয়া সখী ॥

ইহা জামি ভজ ভজ, বৃন্দাবনচন্দ্ররাজ,

যমুনাবেষ্টিত বন কুঞ্জে ।

বাহাতে মন্দির চারু, আর রত্ন কল্পতরু,

বিবিধ বিভব পুঞ্জে ॥

তার অতি রম্য রামে, মনোজ্ঞ মন্দির মাঝে,

সাজে নব কিশোরী কিশোর ।

সেই অতি নিরুপম, বিহরে বিলক্ষণ,

হেরি হেরি বংশীদাস ভোর ॥

ইতি শ্রীনিকুঞ্জরহস্তস্তবগীতালি সম্পূর্ণানি

১২০০ বারশত সাল ৮ অগ্রহারণ ।

## ১৯। নিগমগ্রন্থ। গোবিন্দ দাস।

এ সম্বন্ধে পৃথক কিছু লিখিবার প্রয়োজন ছিল না, যেহেতু পত্রিকাসম্পাদক মহাশয় তাঁহার সংগৃহীত তালিকায় ইহার উল্লেখ করিয়াছেন, কিন্তু তিনি আদ্য ও অন্ত বে দুইটা শ্লোক উদ্ধৃত করিয়াছেন, তাহাদের সহিত আমার সংগৃহীত পুথির মিল নাই।

আরম্ভ,—শ্রীশ্রীরাধাকৃষ্ণ।

শ্রীকৃষ্ণচৈতন্য নিত্যানন্দ অবতার।

আপনার গুণে সব জীবে কৈলা পার ॥

বন্দিয়ে শ্রীকৃষ্ণচৈতন্য চূড়ামণি।

বন্দে পদ্মাবতীসুতনিত্যানন্দ মণি ॥ ইত্যাদি।

শেষ,—

সংসার ১৯ তার ধূলি কবে পাব।

পবিত্র হইতো সে নর বৈষ্ণব ভজিব ॥

কহেন গোবিন্দদাস ভজ ওরে ভাই।

কেবল দয়ার নিধি বৈষ্ণব গোসাঞি ॥

দৃঢ় করি ভজ ভাই বৈষ্ণব গোসাঞি।

সকল ভুবনে তাহা হৈতে আর নাঞি ॥

বড়র আশ্রয় করি থাকে যেইজন।

যুগযুগান্তরে দুঃখ না পায় কখন ॥

ইহা ভাবি ভজ ভাই যার যাহা ইচ্ছা।

কেবল কৃষ্ণের নাম আর সব মিছা ॥

শ্রীকৃষ্ণচৈতন্য নিত্যানন্দ অবতারে।

কলিয়ুগে প্রেম দান দেন সবাঁকারে ॥

ইতি শ্রীনিগম গ্রন্থ সমাপ্তঃ। শ্লোক সংখ্যা প্রায় ১০২টি।

## ২০। নৌকাখণ্ড। জীবন চক্রবর্তী।

আরম্ভ,—

গোপীকে করিতে পার, ছলে কৃষ্ণ কর্ণধার,

হয়্যা যদি রহিলা আপনি।

জানিয়া প্রভুর ছল, যমুনায় অগাধ জল,

বায়ুবেগে বহে তরঙ্গিনী ॥

সধুরায় গোপনারী, স্তম্বে বিকি কিনি করি,

সবে বলে চল যাই ঘর।

যাইতে অনেক দূর, আছে বৃকভানুপুর,

বেলা হৈল তৃতীয় প্রহর ॥

ভণিতি,—

এক চিন্তে এক ধ্যান, চিন্তে বেবা একমনে,

ভজে যেই কৃষ্ণের চরণে।

চক্রবর্তী নারায়ণ,

তন্ত্র সূত শ্রীজীবন,

বিরচিত তাঁহার স্মরণে ॥

শেষ,—

শ্রীকৃষ্ণমঙ্গল গীত রচিত জীবন।

শ্রবণে কলুষ নাশ বৈকুণ্ঠে গমন ॥

ইতি নৌকা খণ্ড সমাপ্ত। সন ১২০২ সাল মাহ ১১

আখিন। পঠনার্থে শ্রীরামজয় পাল। শুক্রবার বেলা

এক প্রহর থাকিতে হইল। শ্লোকসংখ্যা ১২০।

## ২১। প্রসাদ-চরিত্র। শঙ্কর কবীন্দ্র চক্রবর্তী।

আরম্ভ,—প্রসাদ চরিত্র লিখিতঃ।

প্রসাদ চরিত্র কথা শুন ভাই সর্কে।

ত্রক্ষার বরে দেবতা গন্ধর্ব্ব জিনি পূর্কে ॥

ভণিতি,—

শ্রীকবি শঙ্কর গায় ব্যাসের আদেশে।

মদনমোহন কৃপা কৈলা ব্রাহ্মণের বেশে ॥

অনুভব,—

পরানুব পায়া দৈত্য গেল রাজা পাশে।

কবিচন্দ্র চক্রবর্তী পুরাণেতে ভাষে ॥

শেষ,—

সপ্তম স্কন্ধের কথা কবিচন্দ্র গায়।

হরি হরি বল সবে হইয়া সন্ধ্যায় ॥

প্রসাদ চরিত্র অধ্যায় সমাপ্ত হইল। এই পুস্তক লিখিতঃ শ্রীগোপীচরণ ঘড়া সাং রামপুর পরগণে ভূর-ষিট। সরকার সেলিমাবাদ। এই পুস্তক পঠনার্থে শ্রীনিধিরাম মাঞিতি নিবাস রামপুর পরগণে ভূরষিট। বেলা একপ্রহর হইতে পুস্তক হইল ইতি ১১৫৪ চোয়ান সাল তারিখ ২৬ কার্তিক রোজ বৃহস্পতিবার তিথৌ কৃষ্ণপক্ষ সপ্তমী। শ্লোকসংখ্যা ৪২০।

## ২২। প্রেমবিষয়-বিলাস। যুগলকিশোর দাস।

আরম্ভ,—শ্রীচৈতন্যচন্দ্রায় নমঃ।

বন্দেহং শ্রীচৈতন্যনিত্যানন্দসহগণৈঃ।

শ্রীঅষ্টোত্তরশতকং গৌরভক্ত প্রণাম্যহং ॥

বাম্বব আক্লপ রসিকের শিরোমণি ।  
অম্ববাদ কহি ইহার বিধেয় কি জানি ॥

শেষ,—

আমারে করহ সবে কৃপাবলোকন ।  
যুগল কিশোরদাসের এই নিবেদন ॥  
শ্রীম্লেহমঞ্জরীর পাদপদ্ম করি আশ ।  
এই যে কহিল প্রেমবিষয়বিলাস ॥

ইতি প্রেমবিষয়বিলাস গ্রন্থ সমাপ্ত । শ্লোকসংখ্যা

৪৪২ ।

২৩। ভক্তিরসাত্মিকা । অকিঞ্চনদাস ।

আরম্ভ,—আজানুলম্বিত ভূজৌ ইত্যাদি ।

জয় জয় শ্রীকৃষ্ণচৈতন্য নিত্যানন্দ ।  
জয়দ্বৈতচন্দ্র জয় গৌরভক্তবৃন্দ ॥  
জয় জয় শ্রীকৃষ্ণচৈতন্য দয়াময় ।  
পতিতপাবন জয় জয় মহাশয় ॥

মধ্য,—

নিত্যানন্দ বলেন প্রভু শুন দয়াময় ।  
বৈষ্ণব অবৈষ্ণব প্রভু কেমনে জানয় ॥  
বল প্রভু কোন বৈষ্ণব করিব পূজন ।  
কোন বৈষ্ণব দ্বারে করি মন্ত্র উপাসন ॥  
প্রভু কহেন নিত্যানন্দ কর অবধান ।  
বৈষ্ণব চিনিতে হয় কৃষ্ণের সমান ॥  
নৈষ্ঠিক ভজনে যার বিশ্বাস দৃঢ় হয় ।  
সর্বজীবে সমভাব করণাহৃদয় ॥  
এইত বৈষ্ণব স্থানে আশ্রয় করিয়া ।  
বৈষ্ণব মঙ্গ করিব সদা বেদবিধি ত্যজিয়া ॥

শেষ,—

শ্রীচৈতন্য নিত্যানন্দ ভক্তির প্রকাশ ।  
ভক্তিরসাত্মিকা কহে অকিঞ্চন দাস ॥

ইতি শ্রীচৈতন্যভক্তিরসাত্মিকা সমাপ্ত । লিখিতং  
শ্রীবাণেশ্বর দাস চন্দ্র সাং খাতসি । শ্লোকসংখ্যা ১৭৫ ।

মন্তব্য—গ্রন্থ খানি শ্রীচৈতন্য-নিত্যানন্দ সংবাদ ।  
ইহাতে শ্রীনিত্যানন্দ তত্ত্বজিজ্ঞাসু এবং শ্রীচৈতন্য-  
উত্তর দাতা ।

২৪। যোগাষ্টাবন্দনা । কৃষ্ণিবাস পণ্ডিত ।

আরম্ভ,—অথ যোগাদ্যার বন্দনা লিখ্যন্তে ।

নীলকমলদলখঞ্জরনয়নী ।

আরম্ভকত দিনে দয়া করিবে ভবানী ॥  
জয় জয় যোগাদ্যা বন্দনীকীরগ্রামবাসী ।  
অবনীতে মহা স্থান গুপ্ত হারাগসী ॥  
বাম হস্তে খর্পর মায়ের দক্ষিণ হস্তে খাণ্ডা ।  
লঙ্কার রাবণ ঘরে ছিলে উগ্রচণ্ডা ॥

শেষ,—

দ্বিজের স্তবেতে দেবী হরবিত হৈল ।  
জল হৈতে দুটি বাহ শব্দ দেখাইল ॥  
কৃষ্ণিবাস পণ্ডিতের জন্ম শুভক্ষণ ॥  
যোগাদ্যার পালা সাক্ষ শুন সর্বজন ॥

ইতি যোগাদ্যাবন্দনা সমাপ্ত । তাং ১০ ফাল্গুন সন  
১২৩৬ সাল লিখিতং শ্রীকালিদাস বন্দ্যোপাধ্যায়, সাং  
মদনমোহনপুর (ভান্সামোড়া) পঠনার্থে শ্রীপীতাম্বর দাস  
শেঠ, সাং ভান্সামোড়া ।

মন্তব্য,—পত্রিকাসম্পাদক মহাশয় কর্তৃক সংগৃ  
হীত যোগাদ্যা বন্দনা কবিচন্দ্র প্রণীত বলিয়া উল্লিখিত,  
কিন্তু আমার সংগৃহীত পুথি খানিতে কৃষ্ণিবাস পণ্ডি-  
তের ভণিতায়ুক্ত । রচনারও কিছু কিছু পরিবর্তন  
দেখা যায় ।

২৫। রত্নমালা । এখানি সংগ্রহ গ্রন্থ ।

ইহাতে কতকগুলি শ্লোক এবং সেই সকল  
শ্লোকের ভাবানুগামী চন্দ্রশেখর, শশিশেখর এবং  
গোবিন্দদাস এই তিন মহাজনের কতকগুলি সুমধুর  
পদ সংগৃহীত হইয়াছে ।

আরম্ভ,—শ্রীশ্রীগৌরাক্ষৌ জয়তাম্ ।

নমামি সততং ভক্ত্যা গুরুদেব দয়ানিধিং ।  
অগতের্মম সর্বত্রং কৃষ্ণকিরসংজ্ঞক ॥  
শ্রীকৃষ্ণচৈতন্যনিত্যানন্দৌ নমো যথামতিঃ ।  
অভিসারাদিকানাঞ্চ বিভবামি প্রভেদকম্ ॥

প্রথম শ্লোক,—

কুচকল্পভরার্ভাৎ কেশরী ক্ষীণমধ্যা ।  
বিপুলভরনিতম্বা পকুবিম্বাধরৌষ্ঠী ॥



ধবল-বসন-বেশ্য মালতা-বন্ধ-কেশ্য ।  
নিধুবন-রসপুঞ্জং বাতি রাধা নিকুঞ্জং ॥

ধামসী,—

সুচারু চন্দ্রিকা কুটিল পানি ।  
শ্রাম অভিসারে চলল ধনী ॥  
লোটান লবিত-মালতী-মাল ।  
সৌরভে মাতল জমরা জাল ॥  
কুচগিরি-কল-চন্দন মাখা ।  
সুপূর ধবল বসন চাকা ॥  
সোণাতে জড়িত মুকুতা কপা ।  
ওঠ মাঝে খেলে লবিত নাসা ॥  
গজদশনের সুচারু শাখা ।  
করমূলে কিবা দিয়াছে দেখা ॥  
নিশিসঙ্গে অঙ্গ মিশাল করি ।  
শশী কহে কুলে মিলিল নাগরী ॥

শেষ,—

শ্রীরাধায়াঃকুমুমবিপিনে রাজবেশং বিনোদীঃ ।  
কৃষ্ণা ছত্রং কনকরচিতং চাপি দণ্ডং দদাতি ॥  
শ্রীকালিন্দ্যাঃ সলিলশিশিরৈস্তাঞ্চ সিক্তাং করোতি ।  
শ্রেয়াকৃষ্টো ব্রজপতিমুতঃ কোতুকী বেণুপাণিঃ ॥

মঙ্গল,—

রাইক নরপতি বেশ বনাওত কুম বিপিনে হরিরায় ।  
কাঞ্চনছত্র দণ্ডতানে দেয়ল নিজ করে চামর ঢুলায় ॥  
সখী হে দেখ দেখ রাইক ভাগই ।

অভিবেক করি যমুনা জল  
সুশীতল কলতাই অনুমতি মাগই ॥ ৩  
নব নব যৌবনী রসিকিনী রসিনী  
সারি সারি করিয়া বসায় ।  
কুঞ্জ সহরে হরি করে এক শাঠ করি  
রাইক দোহাই কিরায় ॥

যৌবন রতন পসার পসারল নবনব নাগরী ঠাট ।  
চন্দ্রশেখর কনে তুহি গ্রাহক যৌই পাতারল হাট ॥

ইতি শ্রীনারিকারত্নমালায়ামষ্টপ্রকারস্বাধীনভর্তৃকা  
সমাপ্তা । শ্রীচৈতন্যপদাঙ্কোক্ত ভূতানামমুকম্পয়া সমা-  
প্তেয়ং বভূবশ্রীময়িকী রত্নমালিকাঃ ॥ ইতি শ্রীরত্নমালা-  
গ্রন্থঃ সমাপ্তচারম্ ।

২৬। লক্ষ্মণভোজন । ক্রান্তবাস পাণ্ডত ।

শ্রীশ্রীসীতারামচন্দ্রায় নমঃ । অথ লক্ষ্মণভোজনং  
লিখ্যতে ।

আরম্ভ,—

আনন্দে বসিলা রাম লয়া পরিজন ।  
হেনকালে আইলা তথা কশ্যপ তপোধন ॥  
শ্রীরাম বসিলেন রত্ন সিংহাসনে ।  
শিরে ছত্র ধরেছেন আপনি লক্ষ্মণে ॥

শেষ,—

লক্ষ্মণভোজন চৌদ্দভুবন উল্লাস ।  
মোহ পায়্যা বিরচিল কৃষ্ণিবাস ॥

ইতি লক্ষ্মণভোজন সমাপ্তঃ । লিখিতং শ্রীগোরাচাঁদ  
দাস, সাং কালিকাপুর, পরগণে বালিগড়ি । ইতি তাং  
১৩ ভাদ্র, সন ১২৫০ সাল । শ্লোকসংখ্যা প্রায় ২৮০ ।

২৭। লক্ষ্মণের শক্তিশেল । কবিচন্দ্র ।

আরম্ভ,—অথ লক্ষ্মণের শক্তিশেল লিখ্যতে ।

মরিল সকল সেনা শূন্য হইল পুরী ।  
অবিরত মোহে কান্দে সবাকার নারী ॥  
দিবানিশি মন্দোদরীর শুনিয়া ক্রন্দন ।  
কোপ করি রণমাঝে সাজে দশানন ॥

মধ্য,—

নব দুর্বাদলশ্রাম, ধুলায় ধুসর রাম,  
শোকানলে হইয়া অস্থির ।  
এলাইলা জটাভার, ভাই ডাকে বার বার,  
ধরিলে না ধরে ধনুতীর ॥  
ক্ষণে উঠে ক্ষণে বৈসে, ক্ষণে লক্ষ্মণের পাশে,  
ক্ষণে ক্ষণে করে হায় হায় ।

শেষ,—

লক্ষ্মণ পাইল প্রাণ ডাকে রাম জয় ।  
রাবণ সাজিল বলি কবিচন্দ্র কয় ॥

লক্ষ্মণের শক্তিশেল সাক্ষ । ইতি সন ১২৫১ সাল ।  
পাঠক শ্রীরামভক্ত বিশ্বাস । পরগণে বালিগড়ি লাট  
ঘনশ্রামপুর সাং দরার্পুর । দিবসের শেষে চারি প্রহর  
বেলার সময় সাক্ষ । শ্লোকসংখ্যা ৪২০ ।

২৮। শিবরামের যুদ্ধ। কৃত্তিবাস পণ্ডিত।

আরম্ভ,—

শ্রীরাম বলেন শুন প্রাণের লক্ষণ।  
 ক্ষুধার আকুল মোর না রহে জীবন ॥  
 লক্ষণ বলেন শুন কমললোচন।  
 ফল মূল আনি কিছু করহ ভোজন ॥  
 এত বলি চলিলেন ঠাকুর লক্ষণ।  
 শিবের বাগানে গিয়া দিলা দরশন ॥

শেষ,—

এত শুনি রামচন্দ্র বলেন বচন।  
 চিরজীবী হও তুমি পবননন্দন ॥  
 শিবরামের যুদ্ধ কথা শোনে যেই জন।  
 যমের ভাড়া যার বৈকুণ্ঠ গমন ॥  
 কৃত্তিবাস পণ্ডিতের অপূর্ব ভারতী।  
 যার কণ্ঠে বিরাজেন দেবী সরস্বতী ॥

ইতি সন ১২২৭ সাল তাং ১৩ কার্তিক। পঠনার্থে  
 শ্রীরামসদয় পাল সাং ভাঙ্গামোড়া লেখক শ্রীচতুর্ভূজ  
 সরকার। শ্লোকসংখ্যা ৪১৫।

২৯। শতস্কন্ধ বধ। কৃত্তিবাস।

আরম্ভ,—অথ শতস্কন্ধ রাবণবধ লিখ্যতে।

রজনী প্রভাতে রাম করিল দেয়ান।  
 সপ্তস্বীপের মুনি বৈসে তার বিদ্যমান ॥  
 পাত্রমিত্র বসিল আর সভাজন।  
 অগস্ত্যমুনি জিজ্ঞাসিল যুদ্ধ বিবরণ ॥

মধ্য,—

শতস্কন্ধের সনে রামের বাজিয়াছে রণ।  
 এই ক্ষণে শীঘ্র চল ধার্মিক বিভীষণ ॥

শেষ,—

হনুমানের কোল দিলা অগস্ত্য মহামুনি।  
 রাম জয় রাম জয় এই মাত্র শুনি ॥  
 কৃত্তিবাস রচিল অদ্ভুত রীমাঙ্গণ।  
 শ্রবণেতে পাপ খণ্ডে দুঃখ বিমোচন ॥

ইতি শতস্কন্ধরাবণবধ সমাপ্ত। ইতি সন ১২৫০  
 সাল তাং ৯ ভাদ্র শ্রীগোরাচাঁদ দাস সাং কালিকাপুরী।  
 শ্লোকসংখ্যা ২২০।

৩০। সীতাহরণ। কবিচন্দ্র।

আরম্ভ,—

রাম রাম শ্রুত রাম কমললোচন।  
 সীতার প্রাণ রঘুনাথ লোকের জীবন ॥  
 এইরূপে রহে রাম অঘোর কাননে।  
 বানার্যা বিচিত্র কুঁড়্যা ভাই দুই জনে ॥

শেষ,—

হনুমান বলে শ্রুত নিমোদ চরণে।  
 কেমনে চিনিব সীতা কহ বিবরণে ॥  
 হের আসি হনুমান পাত দুই কর।  
 মাণিক অঙ্গুরী দিবে সীতার গোচর ॥  
 দেখিলে অঙ্গুরী সীতা আনন্দ হইব।  
 তবে সে প্রাণের সীতা প্রত্যক্ষ বাইব ॥  
 অঙ্গুরী লইয়া হনু করিল পমান।  
 এতদূরে পালা সাজ কবিচন্দ্র গান ॥

লিখিতঃ শ্রীগঙ্গারাম দানা সাং মদনমোহনপুর  
 পরগণে বাঙ্গিগড়ি সন ১১২৭ সাল তারিখ ৭ পৌষ  
 মঙ্গলবার বেলা একপ্রহর থাকিতে হইল। শ্লোক-  
 সংখ্যা ১৮০।

৩১। শ্রীকৃষ্ণমঞ্জরী পাদপ্রার্থনা। কৃষ্ণদাস  
কবিরাজ। অনুবাদক বৈষ্ণবদাস।

আরম্ভ,—

শ্রীকৃষ্ণমঞ্জরিনিজ স্বয়োগদাজে।  
 সেবামুঠে রবিরতং পরিপূরিতাসী ॥  
 তৎপাদপঙ্কজগতো ময়ি দীনজন্তো।  
 দৃষ্টিং কদাঃ বিকীরসি স্বকৃপাতরেণ ॥

অন্তার্থ,—

হে কৃষ্ণমঞ্জরি তোমার ঈশ্বরী ঈশ্বর।  
 বৃকভানুসুতা আর প্রিয় গদাধর ॥  
 এ দুইর পাদপঙ্ক সেবামুঠরসে।  
 পরিপূর্ণ হও তুমি রজনী দিবসে ॥  
 কেবল তোমার পাদপঙ্কে মোর গতি।  
 মোর সম দীনজন্ত নাই আর কিত্তি ॥  
 নিজ কৃপা ভার আর সুপ্রসন্ন মনে।  
 কবে দৃষ্টি ঈক্ষেপণ করিবে আমা পানে ॥

নীলৈকসাধ্যা বহু সাধনানি

কুর্ক্বেতি বিজ্ঞঃ পরমাদরেণ ।

শ্রীকৃষ্ণপাদাঙ্কঃ রজোভিবেকঃ

বৃত্তঞ্চ মে তদ্ব্যমসাধনানি ॥

কৃষ্ণপ্রিয়জনশিরোমণি শ্রীরাধিকা ।

কৃপাদৃষ্টি কর মোকে করুণা অধিকা ॥

শ্রীকৃষ্ণমঞ্জরীপদ হৃদয়ে ধরিয়া ।

বৈষ্ণবচরণ দাস কহে আর্জ হঞা ॥

ইতি শ্রীকৃষ্ণমঞ্জরী সংপ্রার্থ সংস্কৃতং শ্রীকৃষ্ণদাস  
কবিরাজবিরচিতং শ্লোকদ্বাদশকং তদর্থং ভাষাবলীঃ  
শ্রীবৈষ্ণবচরণদাসবর্ণনং সমাপ্তাশ্চায়ং ।

৩২ । স্বরূপবর্ণন । কৃষ্ণদাস ।

আরম্ভ,—শ্রীচৈতন্যচন্দ্রায় নমঃ ।

জয় জয় গৌরচন্দ্র জয় নিত্যানন্দ ।

জয়দ্বৈতচন্দ্র জয় গৌরভক্তবৃন্দ ॥

জয় শ্রোতাগণ শুন হৈয়া একমন ।

গৌরচন্দ্র অবতার হৈলা যে কারণ ॥

শেষ,—

শ্রীকৃষ্ণের আঙ্কা তাহে রাধাকৃষ্ণলীলা ।

হৃথে গোড়বাসীগণ তাহা আচরিল ॥

শ্রীকৃষ্ণ রঘুনাথ পদে যার আশ ।

স্বরূপ বর্ণন কিছু কহে কৃষ্ণদাস ॥

ইতি স্বরূপ বর্ণন গ্রন্থ সমাপ্ত । সন ১২৮১ সাল মাহ  
আষাঢ় । ১৯ তারিখ বেলা দুই প্রহর দুই দণ্ডের সময়  
সমাপ্ত ।

৩৩ ।\* সারাবলী । বলরাম দাস ।

আরম্ভ,—শ্রীরাধাকৃষ্ণাভ্যাং নমঃ ।

জয় জয় শ্রীচৈতন্য আদি বস্তু প্রভু ।

তোমার ভজন বিনা ত্রাণ নাঞি কভু ॥

জয় জয় চৈতন্যের যত ভক্তগণ ।

শ্রীচৈতন্য বস্তু হৈতে সবার জনম ॥

শেষ,—

ঠারভাজি ব্যক্ত অর্থ করিহু বর্ণনে ।

সারাবলী গ্রন্থ হবে হইল লিখনে ॥

সারাবলী গ্রন্থ কহে বলরাম দাস ।

সার সার সার এই জানিবে নির্ঘাস ॥

যথা দৃষ্টমিতি । শ্লোকসংখ্যা ৪৮০ ।

শ্রীঅম্বিকাচরণ গুপ্ত ।

\* এই ৩৩ খানি পুথি বর্ধমানের ভান্সামোড়া নিবাসী শ্রীযুক্ত অম্বিকাচরণ গুপ্ত মহাশয়ের  
নিকট আছে ।

# সাহিত্য-পরিষৎ-পত্রিকা ।

## চণ্ডীদাসের অপ্রকাশিত পদাবলী ।

চণ্ডীদাসের বাসস্থান নাম্নুর গ্রামে এক ব্রাহ্মণের বাটীতে চণ্ডীদাসের রাসলীলায়ক এই কয়েকটি পদ পাইয়াছি। ষতদূর জানি, এই পদগুলি পূর্বে কখন প্রকাশিত হয় নাই। চণ্ডীদাসের আরও অনেক অপ্রকাশিত পদ আছে। অল্পসন্ধান করিতেছি, পাইলেই প্রচারিত করিব।

### অথ রাসলীলা ।

রমণীগোহন	রমণী মোহিতে	ময়ূর শিখণ্ড	• ঝলমল করে
সে দিনে করল বেশ ।		তাহা সে উড়িছে বায় ॥	
চূড়ার টাননি	কিবা সে বান্ধনি	নাগর বরণ	যেন নবঘন
বিচিত্র সূচারু কেশ ॥		অঞ্জন গনিয়ে কিসে ।	
ঋগি°হেম মালে	বেড়িয়া হুধারে	ভাঙ ধনুবাণে	কামের কামানে
তাহাতে মুকুতার মাল ।		রমণী হানিয়ে জিসে ॥	
প্রবাল গাঁথিয়া	তাহে থরি দুিয়া	মন্দ মন্দ হাসি	করে লয়ে বাঁশী
দেখনা শোভিছে ভাল ॥		মৃগমদ মাধা পায় ।	
নব নব ফুলে	মল্লিকার মালে	সোণার বরণ	নানা আভরণ
ভ্রমরা ধাওল কোটী ।		রতন নুপুর পায় ॥	
পরিমল আশে	উড়ি বৈশে তাহে	রমণী-রমণ	• করিতে ষতন
কিবা তাহে পরিপাটী ॥		নাগর-শেখর রায় ।	
হুকানে শোভিত	• কদম্বের ফুল	এমন মুরতি	স্বধের আরাতি
কি শোভা কহিব তায় ।		দ্বিজ চণ্ডীদাস গায় ॥ ১ ॥	

## রাগ—কানড়া ।

মোহন মুরতি কান ।  
 অবলা কি রহে প্রাণ ॥  
 চুড়ায় ময়ূরের পাখা ।  
 তাহে ইন্দ্রধনু দেখা ॥  
 তা দেখি রমণী জিয়ে ।  
 নব মধু যেন পিয়ে ॥  
 হাসির হিল্লোলে তারা ।  
 অগিয়া বরিধে ধারা ॥  
 নবীন চাতক যেন ।  
 ঘনরস পিয়ে ঘন ॥  
 চাঁহনি চঞ্চল শরে ।  
 তারা কি রহিব ঘরে ॥  
 নব নব বেশ খানি ।  
 রহিব কোন বাধনি ॥  
 মুরলী অপার গান ।  
 পাষণ গলিয়া যান ॥  
 সে নব চলন গতি ।  
 মদন মোহিত তথি ॥  
 চণ্ডীদাস রূপ হেরি ।  
 মুর্চ্ছিত ধরণী পড়ি ॥ ২ ॥

## রাগ—সুই ।

বেশ সে সুবেশ অতি মনোহর  
 মোহিতে অবলাগণে ।  
 নানা আভরণ করিল শোভন  
 জননী নাহিক জানে ॥  
 নিভূতে উঠিয়া নাগরশেখর  
 তেজিয়া আনহি কাজ ।  
 চলিলা সত্বরে বাঁশী লয়ে করে  
 নানাবেশ ফুল-সাজ ॥

চুলিতে গমন ময়মত্ত হাতী  
 অক্ষুশ নাহিক মানে ।  
 মদন বেদন উপজে তখন  
 আপন পর কি জানে ॥  
 মনসিজ শরে বিক্লিল বিক্লিল  
 ধানুকী আর কি চেতন রহে । ১  
 নিবারণ নহে মরম বেদন  
 মর্নহি মাঝারে বহে ॥  
 বরজ-রমণী রমণ-কারণ  
 চলিলা গভীর বনে ।  
 এই রস তত্ত্ব সঙ্কেত বেকত  
 কেহত নাহিক জানে ॥  
 প্রবেশ করল বৃন্দাবন মাঝে  
 দেখিয়া নিভূত স্থান ।  
 রতন-বেদিকা অতি সুশোভিত  
 বৈঠল নাগর কান ॥  
 চণ্ডীদাস কহে অপরূপ রাস  
 বিহার করল কাহ্ন ।  
 রস-সুখ-রতি করিতে পীরিত  
 সুধুই রসের তনু ॥ ৩ ॥

## রাগ—জয়শ্রী ।

যমুনার তট অতি রম্য স্থল  
 রতন-বেদিকা তায় ।  
 নানা তরুবর পুষ্প বিকশিত  
 নানাপক্ষী গুণ গায় ॥  
 তরুগণ ষত ফুল ভরে তারা  
 লম্বিত ধরণী-তলে ।  
 মধু ঝরে কত দেখহ বেকত  
 মধুকর ভ্রমে ডালে ॥

(১) “ময়মত্ত হাতী” নয় কি ?

(২) বোধ হয় পাঠ এরূপ হইবে,—  
 “মনসিজ শরে বিক্লিল ধানুকী  
 আর কি চেতন রহে।”







আনহি বাঞ্ছনে                      আনহি দেওল  
আনহি হাঁড়িতে ঝাল ॥

রজন উপেখি                      চলে সেই সখী  
শ্রবণে শুনিয়া বানী ।

চণ্ডীদাস কহে                      আবেশে গমন  
হইবে উথল হাসি ॥ ৮ ॥

রাগ তথা ।

কেহ বা আছিল                      শিশু কোলে করি  
পিয়াইতে আছিল স্তন ।

ছুকুপোষা বালা                      ভূমে ফেলি গেলা  
ঐছন তাহার মন ॥

চলিলা গমন                      সেই বৃন্দাবন  
কান্দিতে লীগিল শিশু ।

তেমতি চলিল                      সব পরিহরি  
চেতনা নাহিক কিছু ॥

কোন জন ছিল                      পতির শয়নে  
ঘুমে অচেতন হৈয়া ।

হেন বেলে শুনি                      মুকুণ্ডির ধ্বনি  
উঠিল চেতনা পা(ই)য়া ॥

বিচিত্র বসনে                      মুখানি মুছিয়া  
চলন পতির ত্যজি ।

পতি কোল সেই                      ত্যজিলা তখনি  
চলন বনেতে সাজি ॥

কোন গোপী ছিল,                      কোন আরম্ভণে  
ত্যজিয়া তখনি চলে ।

রসের আবেশে                      কিছু নাহি জানে  
কারে কিছু নাহি বলে ॥

কোন জন ছিল                      বেদনে ছুঃখিত  
অদ্ভেতে আছিল দোষ ।

শুনি বংশী গীত                      অঙ্গ পুলকিত  
সব দূরে গেল শোষ ॥

চণ্ডীদাস বলে                      কিবা সে দেখল  
অপার অথল রামা ।

তেই সে প্রেমেকে                      বন্ধন সবাই  
গোপের রমণী জনা ॥ ৯ ॥

রাগ—কানড়া ।

ঐছন রমণী                      মুরলী শুনিয়া  
আকুল হইয়া চিতে ।

নিজ বেশ করে                      মনের সহিত  
শুনিয়া মুরলী গীতে ॥

রসের আবেশে                      পদ আভরণ  
কেহ বা পরল গলে ৮

গল আভরণ                      কোন ব্রজরামা  
পরিছে চরণে ভালে ॥

বাহর ভূষণ                      কনক কঙ্কণ  
পরিল হৃদয় মাঝে ।

হিয়ার ভূষণ                      পরিছে যতন  
কটিতে ভূষণ সাজে ॥

কেহবা পরল                      একই কুণ্ডল  
শোভাই একই কানে ।

ঐছন চলিল                      বরজ রমণী  
ধৈরজ নাহিঅ মানে ।

এক করে পরে                      কনক-কঙ্কণ  
সিন্দুর পরল ভালে ।

কোন জন পরে                      নরনে অঙ্গন  
একই নরন চালে ॥

নানা আভরণ                      পরে কোন খানে  
তাহা সে নাহিক জানে ।

আবেশে রমণী                      গমন করল  
সেই বৃন্দাবন পানে ॥

কেহ নব রামা                      বসন ছুঃখ  
উলট করিয়া পরে ।

চণ্ডীদাস কহে                      আহীর-রমণী  
চলিয়া যাইতে নারে ॥ ১০ ॥

শ্রীরাগ ।

এই মত সব                      গোপেরি রমণী  
চলিল নগরী রামা ।

রাই পাশে গিয়া                      চলিয়া ধাইয়া  
সঙ্কেত বলিই ধাইয়া ॥

চল চল ধনি                      রাই প্রেমমণি  
চল চল যাব বনে ।

রসের আবেশে                      কহে নব রামা  
কহিছে ধনির স্থানে ॥

ইথে ধনি আসি                      রাধার শ্রবণে  
পশিল যতনে তাই ।

তরল কথন (?)                      রমণী অন্তর  
কহেন সুন্দরী রাই ॥

পুনঃ শুন শুন                      ডাকে ঘন ঘন  
মধুর মরলী তান ।

শুনিতে চমকে                      মুরলী ধমকে  
চিত্তে নাহি কিছু আন ॥

রাধার আরাতি                      সে নহে পীরিতি  
তথায় আছয়ে মন ।

বৃন্দাবন যেতে                      বেশের আবেশে  
কহিছে সকল জন ॥

সুধময়ী রাধা                      বেশ বনাইল  
বন্ধন করিল জাল ।

নানা ফুলদাম                      বেড়ি অমুপাম  
দিয়া মুকুতার মাল ॥

হুসারি মাগিক                      তার পাশে পাশে  
প্রবাল গাঁথিয়া মাল ।

কনক চম্পক                      কবরী বেঢ়ল  
ভ্রমরা গুঞ্জে ভাল ॥

সিঁথায় সিঁদুর                      তার মাঝে মাঝে  
দিয়েছে চন্দন ফোঁটা ।

যেন শশধর                      চৌদিকে বেঢ়ল  
কি তার কহিব ঘট ॥

নাসায় বেসর                      অতি মনোহর  
হাসিতে মুকুতা খসে ।

কনক কাঁচুলি                      তার পরিপাটী  
মুকুতা গাঁথনি পাশে ॥

বাঘর কিঙ্কিনী                      বাজে রিণি রিণি  
পিঠেতে হুলিছে ঝাঁপা ।

তাহার মাঝারে                      গাঁথি থরে থরে  
সুবাস কনক চাঁপা ॥

নীল উরনী                      ভুবনমোহিনী  
সোণার নুপুর পায় ।

চলিতে চরণে                      পঞ্চম বাজই  
হংস গমনে যায় ॥

চণ্ডীদাস বলে                      বিনোদিনী রাধা  
রূপে করিয়াছে আলো ।

দেখিতে নয়ন                      পিছলিয়া পড়ে  
দেখিতে যাইবে চল ॥ ১১ ॥

রাগ—কামদ ।

দেখ সখি অপরূপ মনোহর ।

এ ভব সংসার মাঝে হেন কভু নাহি দেখি  
বেশে যেন করে চল চল ॥

মাঝে রসবতী রাধা ব্রজজন হ'য়ে রাধা  
পাছে দেখি ধরিয়া রহায় ।

ভয়েতে আকুল হৈয়া স্বরিতে রাধারে লৈয়া  
বৃন্দাবন মুঁখে সব ধায় ॥

মন্দ মন্দ গতি চলে রাই কহে কুতূহলে  
আজ বড় আনন্দ অপার ।

সেরূপ আনন্দ মিথি দেখিব চরণ ছুটি তার ॥

কিছু বাদ গিয়াছে ।

ভাসিব আনন্দ রসে পূরিব যতেক আশে  
তবে হয় কামনা পূরিত ।

চণ্ডীদাস কহে তাথে একা হোথা যহনাথে  
রাধা নামে বাঁশী গায় গীত ॥

অভিসারামুরাগ—রাগ সুই ।

শ্রাম-মন্ত্র-মালা বিনোদিনী রাধা  
জপিতে জপিতে যায় ॥

রসের আবেশে আনন্দ হিল্লোলে  
তরল নয়নে চায় ॥

অপার অপার বহুবিধগদ(?)  
সুন্দরী সে ধনি রাই ।

শ্রাম দরশনে চলিলা ধয়ানে  
শুধু শ্রাম গুণ গাই ॥

মন্দ মন্দ গতি চলন মাধুরী  
যেমন সোণার লতা ।

কিবা সে তড়িত চলিল ত্বরিত  
কি কব তাহার কথা ॥

চৌদিকে গোপিনী মাঝে বিনোদিনী  
চলে সে আনন্দ রসে ।

কেহ কোন যেন সম্পদ পাইয়া  
সুখের সায়রে ভাসে ॥

পথে যেতে কহে রাধা শিরোমণি  
কত দূরে বৃন্দাবন ।

কহ কহ দেখি কোন খানে আছে  
রমণী জনার ধন ॥

আগে হেরি দেখে ছু আঁখি চাহিয়া  
এই উপবন মাঝে ।

এখানে বসিয়া নাগর আছেন  
দেখহ কোন বা কাজে ॥

চণ্ডীদাস কহে গোপিনীর বোলে  
চাহিয়া দেখিলা রাই ।

ঘন ঘন বুঝে মুরলীর শব্দ  
তাহাই শুনিতে পাই ॥১৩ ॥

রাগ—কানড়া ।

রাধার আরতি পীরিতি দেখিরা  
কহেন কোন বা সখি ?

আজি সে তোমার মিলিব সুদিন  
কমল-নয়ন আঁখি ॥

প্রেম অশ্রুজলে আঁখি ঢল ঢল  
হৃদয় পুলক মানি ।

প্রেমের হতাশে কহিছে নিকষে  
কহেন রমণী ধনি ॥

কেমনে এ বনে যাইব সঘনে  
পাছে কোন দশা হয় ।

এই দুঃখ উঠে মরম বেদন  
মোর মনে হেন লয় ॥

শ্রাম হেন ধন অমূল্য রতন  
হৃদয়ে পড়িয়া আছি ।

এ দেহ তাহারে মনের মানসে  
যতনে লইয়া আছি ॥

শ্রাম পরসঙ্গ কহিতে কহিতে  
চলে রসময়ী রাধা ।

প্রেমের তরঙ্গে আছে আন বোল  
নিগড় আছয়ে বাঁকা ॥

গোপীগণ বলে হাসি রস রসে  
চলই ত্বরিত করি ।

কাননে কালিয়া নিভূতে বসিয়া  
করেতে মুরলী ধরি ॥

ঐছন ঐছন মধুর মুরলী  
এস এস বলি ডাকে ।

চণ্ডীদাস কহে ত্বরিত গমনে  
এস বৃন্দাবন মুখে ॥ ১৪ ॥



রাগশ্রী ।

চলল গমন, হংস যেমন,  
বিজরীতে মন উন্নত ভুবন,  
লাখ টাঁদ লাঞ্জে মলিন হইল,  
ও টাঁদ বদন হেরিয়া । ।

সরল ভালে সিন্দূর বিন্দু,  
তাহে বেড়ল কতক ইন্দু,  
কুমুম সুষম মুকুতা মাল  
নোটন ঘোটন বাকিয়া ॥

বিশ্ব অধর, উপমা জোর,  
হিঙ্গুল মণ্ডিত অতি সে ঘোর,  
দশন কুল, যেমন কলিকা,  
কিবা সে তাহার পাঁতিয়া ।

হাসিতে অমিয়া বরিখে ভাল,  
নাসা করপর বেসর আর,  
মুকুতা নিখাসে ছলিছে ভাল,  
দেখহ রে কত ভালিয়া ॥

চণ্ডীদাস দেখি অধির চিত,  
অঙ্গে অঙ্গে অঙ্গে অনঙ্গ রীত,  
রস ভরে ধনি সুন্দরী রাই,  
চলল মরমে মাতিয়া ॥ ১৫ ॥

রাগ—কানড়া ।

রাধার আবেশ গমন মধুর  
চলল আবেশ হৈয়া ।  
শ্রাম-মন্ত্র-মালা জপিতে জপিতে  
প্রবেশ করল গিয়া ॥  
উপবন মাঝে প্রবেশ করিল  
সুধমরী ধনি রাই ।  
শ্রেম-রস-ভরে আধ আধ বলে  
কহিছে সঘনে তার ॥

এক সখী গিয়া, সেখানে ঘাইয়া,  
কহিছে রাধার পাশে ।  
কি আর বিলম্ব, করিছ তোমরা,  
চলহ স্বরিত বেশে ॥  
নাগর-শেখর একলা আছরে  
চলহ স্বরিত করি ।  
গিয়া বৃন্দাবনে দিল দরশন  
চণ্ডীদাস কহে ভালি ॥ ১৬ ॥

কামদ—রাগ ।

এক গোপী ছিল পতির শয়নে  
তাজিয়া যাইতে তারে ।  
তার পতি ইহা জানিল শয়নে  
তাহারে ধরিয়া বলে ॥  
এত নিশি বল, কোথারে গমন  
সরম নাহিক তোর ।  
লোকে অপযশ, কুযশ কাহিনী  
কুলেতে নাহিক ডর ॥  
বড় বিপরীত, দেখি তোর রীত,  
এ নিশি কোথাএ যাবে ।  
কুলটা হইলি কলঙ্ক রাখিলি  
মারি ছুখ যার তবে ॥  
তাজিয়া আমারে, ঘাই কোথাকারে,  
এ বড় বিষম দেখি ।  
বহুত গঞ্জনা, শুনি মি-শব্দে  
রহিল কমলমুখী ॥  
যখন তাহার, খুমাইল পতি,  
তখন তাজিয়া গেল ।  
রসের আবেশে চলিল সুন্দরী  
কিছুই মাছি শুনিলা ॥  
ভয় পরিহারি, চলিল সুন্দরী,  
যেখানে নাগর কাছ ।

চণ্ডীদাস ভনে, কিছুই না মানে,  
এমনি বাঁশীর তান ॥ ১৭ ॥

শুন হে কমল আঁখি ।

এ বড় সেখানে, পরাণ এখানে

শুধু দেহ আছে সাথী ॥

সকল তেজিয়া, শরণ লয়েছি,

ও ছুটী কমল পায় ।

ঠেলিয়া না ফেল, ওহে বাঁশীধর,

যে তোর উচিত হয় ॥

তিলেক না দেখি, ও মুখমণ্ডল

• মরমে না শুনে আন । •

দেখিলে জুড়ায়, এ পাপ পরাণ,

ধড়ে আসি রহে প্রাণ ॥

যেমন ঘরের, দীপ নিভাইলে,

অন্ধকার হেন বাসি ।

তেন মত তুমি, লোচন সভার,

হেনক আমরা বাসি ॥

সকল ছাড়িয়া, যে জন শরণ

তাহারে এমতি কর ।

তুমি সে পুরুষ-ভূষণ শক্তি

বাঞ্ছা সিদ্ধি নাম ধর ॥

চণ্ডীদাস বলে শুন গোপনারী

কি শুনি দারুণ বাণী ।

লরস বচনে সিঁচহ যতনে

যতেক কুলের নারী ॥ ১৮ ॥

শ্রীমতীর করুণা-দৈন্ত উক্তি ।

তথা রাগ ।

শুনহে নাগর রায় ।

কি বলিব রাজা পায় ॥

আমরা কুলের কি ।

তোমাতে বলিব কি ॥

যে ভজে তোমার পায় ।

সে জন তোমাতে ধায় ॥

আন কি জানি এ মোরা ।

তুমি নয়নের তারা ॥

যে বল সে বল মোরে ।

ছাড়িতে নাহিব তোরে ॥

তোমার মুরলী শুনি ।

ধাইয়া আইলু আমি ॥

শুন হে পুরুষ-ভূষণ ।

তুয়া মুখে এমন বচন ॥

কি বলিব আমরা অবলা ।

আমি হই দাসী পনসায়ী(?) ॥

চণ্ডীদাস কহু গুণ গায় ।

অদ্ভুত শুনি হে হেথায় ॥ ১৯ ॥

তথা রাগ ।

শুন হে নাগর রায় ।

তোমার উচিত, এ নয় উচিত

এ কথা কহিব কায় ॥

তোমার কারণে, সুব তেয়াগিলু

কুলেতে দিবেছি ডোর ।

অবলা অথলে, হেন করিবারে

এ নহে উচিত তোর ॥

আমরা স্বপনে, আন নাহি জানি

কেবল ছুখানি পায় ।

এতেক বেদন, তোমার কারণ

শুন হে নাগর রায় ॥

সকল তেজিলু, ততু না পাইলু

হৃদয় কঠিন বড়ি ।

হাসিয়া হাসিয়া, বঙ্কিম হাহিয়া

এবে কেনে কর দেড়ি ॥

তুমি প্রেম মণি, পরম বাখানি

ছুইলে রতন হয় ।

রাঙ্গের সমান, ইথে নাহি আন  
 এমন গতিক নয় ॥  
 বহর অধন, অমূল্য রতন  
 যাহীর নাহিক মূল্য  
 এ ধন লাগিয়া, পাইয়া আমরা  
 যা পাইয়া কোন কুল ॥  
 চণ্ডীদাস বলে, আমি জানি ভাল  
 কালার পীরিত্তি নেঠা ।  
 যেন জানিবে, সরোকহকুল  
 তাহার অঙ্গের কাঁটা ॥ ২০ ॥

রাগ—কানড়া ।

তুমি বিদগধ, স্নেহের সম্পদ  
 আমার স্নেহের ঘর ।  
 যে জন শরণ, লইল চরণে  
 তাহারে বাসহ পর ॥  
 দেখি বল নাথ, এ ভব সংসারে  
 আর কি আছে মোরা ।  
 এ গোপী জনার, হৃদয় মানস  
 কেবল আঁখির তারা ॥  
 গৃহপতি ত্যজে, হা হা মবি লাজে  
 গুন হে নাগর রায় ।  
 এ সব না জানি, মনে নাহি গনি  
 সকলি গোচর পায় ॥  
 শীতল চরণ, যে লয় শরণ  
 তাহাতে এমনি রোষ ।  
 অবলা বচনে, কত খেণে খেণে  
 কত শত হয় দোষ ॥  
 প্রাণপতি তুমি, কি বলিব আমি  
 জানের অনেক আছে ।  
 আমার কেবল তুমি সে নয়ন  
 দাঁড়াব কাহার কাছে ॥

চণ্ডীদাস বলে গুন সুনাগর  
 ইহাতে নাহিক আন ।  
 সব ভেয়াগিয়া তোমার লাগিয়া  
 তুমি সে সত্তার প্রাণ ॥ ২১ ॥

শ্রীরাগ ।

তুমি বিদগধ রায় ।  
 বলিতে কি জানি, কি আর বলিব  
 সকলি গোচর পায় ॥  
 যে বল সে বল মোরে নাগরশেখর ।  
 পর কৈল আপন আপন কৈল পর ॥  
 মনের আশুণ কত উঠে অনিবার ।  
 কাহাবে কহিব ইহা আচার বিচার ॥  
 এমন ব্যথিত পাই আপনা বলিতে ।  
 আন কথা কহিলে করএ অচু চিতে ॥  
 আকাশে পাতিয়া ফাঁদ পাপ ননদিনী ।  
 মিছামিছি বলে সদা শ্রাম-কলঙ্কিনী ॥  
 তোমার কলঙ্ক-হেম-মালা করি গলে ।  
 মিছাই ঘোষণা পাপ ননদিনী বলে ॥  
 যবে হৈল পবিবাদ লোকের গঞ্জনা ।  
 তাহাতে নিষ্ঠুর তুমি এবে গেল জানা ॥  
 পরের পরাণ হরি হাসিতে হাসিতে ।  
 বিলোকনে প্রেম দিয়া করিলে পীরিতে ॥  
 তোমার পীরিত্তি গোপী তেজিয়া সকল ।  
 দাগাইতে নারী মোরা হইল বিকল ॥  
 চণ্ডীদাস গোপীর দেখিয়া প্রিয় বাণী ।  
 হরষে পরসমগি পরিবে এখনি ॥ ২২ ॥

রাগ—কাফি ।

নয়ন তরল বহে প্রেমবারি  
 অধির কুলের বালা ।  
 খেণে খেণে উঠে বিরহ আশুণ  
 ছুগুণ হইল জালা ॥

মলয় চন্দন সুগমদজাত  
 অদ্বৈতে আছিল রাখা ।  
 হৃদয় কাঁচুলি তিতিল সকল  
 তাহা নাহি গেল রাখা ॥  
 প্রেম চল চল যেমন বাউল  
 বনের হরিণী তারা ।  
 ব্যাধ বাণ খায়্যা ঘাইল হইয়া  
 চারিদিকে চাহি সারা ॥  
 স্কীণ গোপীগণে, চাহে চারু পানে  
 বিরহ বেদনা পায়্যা ।  
 কাষ্ঠ সম যেন চিত্রের পুতলি  
 সারি সারি দাগাইয়া ॥  
 কি শুনি কি শুনি বিষম সঙ্কট  
 হৃদয়ে হইয়া বেথা ।  
 আর কি জীবন সঙ্কট হইল  
 কি আর দেখহ সেথা ॥  
 বাহার লাগিয়া এত পরমাদ  
 এমত তাহার রীত ।  
 চল গিয়া জলে প্রেম কুতূহলে  
 মরিব এ নহে চিত্ত ॥  
 কি আর পবাণ রাখিব আমরা  
 কি শুনি দারুণ বোল ।  
 যার লাগি এত বিষম বিবাদ  
 নয়নে বহিএ লোর ॥  
 এই অহুমান করে গোপীগণ  
 কহত ইহার বাণী ।  
 নাগর বচন কিসের সমান  
 এবে সে ইঁহাই জানি ॥  
 চণ্ডীদাস কহে গুনহ গোপিনী  
 এই মোর মনে লয় ।  
 ভক্তি আমারে সঙ্গ করনে  
 বিনতি করহ পার ॥ ২৩ ॥

রাগ—অমরী ।  
 কুমি বঁধু ব্রজের জীবন ।  
 জাতি কুল করিয়া রোপণ ॥  
 তুমি নহ নিরুর্ভাই পনা ।  
 কেনে দেহ বিরহ বেদনা ॥  
 যে ভজে তোমার হুঁটী পার ।  
 তারে নাথ হেন না জুয়ার ॥  
 গৃহপরিবার পরিহরি ।  
 তোমারে ভজিল ব্রজনারী ॥  
 দেখ নাথ মনে বিচারিয়া ।  
 যত দুখ তোমার লাগিয়া ॥  
 শাশুড়ী-ধুরের অতি ধাঁর ।  
 খরতর তাহার বিচার ॥  
 কান্দিতে না পারি তব লাগি ।  
 তব বলে শ্রামের সোহাগী ॥  
 ঘরে পরে তোমার বিবাদ ।  
 বাহির হইএ সাধে বাদ ॥  
 চণ্ডীদাস দেখিএ দুখিত ।  
 শ্রামে কহিছে অল্পচিত ॥ ২৪ ॥  
 রাগ—ধান্সী ।  
 তোমা হেন ধন পরম কারণ  
 পাইল অনেক সাধে ।  
 বিহি দিয়া পুনঃ করিল এমন  
 কি আর বলিবে রাধে ॥  
 যে দেখি তোমার আচার বিচার  
 কুটিল অন্তর বড়ি ।  
 সরল যেজন নাহি তার কোন  
 কুটিল কটক ছাড়ি ॥  
 ভুজ্জলে আনিয়া কলসে পুরিয়া  
 বতনে তাহাকে পুষে ।  
 কোন কোন দিনে সেই বাধার  
 দংশনে আপন সোষে ॥

ছুজক কামান তেল কুয়া মন  
 তৌহার চলন বাঁকা ।  
 তোমার অন্তর সেই সে সোসব  
 এ হুঁই তুলনা একা ॥  
 বেন মুখে আছে অমিয়া কলসী  
 হৃদয়ে বিবের রাশি ।  
 অন্তর কুটিল মুখে মধুপর  
 আমরা এমন বাসি ॥  
 যে ছিল তা হল তাহাই করিল  
 নিরমল যেবা ছিল ।  
 তাহে দিয়া কালি ঠাকুরালী ভালি  
 কলক উঠিল ভাল ॥  
 চণ্ডীদাস কহে শুন বলি রাখা  
 ঐছন কামুর লেহা ।  
 অমিয়া সেচনে সরল বচনে  
 মঁপহ আপন দেহা ॥ ২৫ ॥

রাগ—সুই ।

কামুর কহে শুন আমার বচন  
 যতেক গোপের নারী ।  
 নিশি নিদারুণ কিসের কারণ  
 জগতে এ সব বৈরী ॥  
 অবলার কুল অতি নিরমল  
 ছুঁইতে কুলের নাশ ।  
 তাহার কারণে কহিল সখনে  
 যাইতে আপন বাস ॥  
 রাখা কহে তাহে শুন যছনাথে  
 আর কি কুলের ভয়ে ।  
 একদিন জাতি কুল শীল পাঁতি  
 দিবেছি ওহুটা পায় ॥  
 আর কি কুলের গৌরব সূচনা  
 আর কি জেতের ডর ।

তোমার পীরিতে এ কোহে সঁপেছি  
 এখন কি কর চল ॥  
 কেবল গোপীন্দ্র নয়ন অঙ্গন  
 হিয়ার পুতলি তুমি ।  
 তাহে কর হেন কেন কুয়া মন  
 এবে সে জানিহু আমি ॥  
 ভাল তুমি বট ব্রজের জীবন  
 এমতি তোমার কাজ ।  
 চণ্ডীদাস বলে এ নহে উচিত  
 শুন হে নাগর-রাজ ॥ ২৬ ॥

রাগ—পুরবী ।

বঁধুর আদর দেখি অনাদর  
 কহেন কাহিনী যতি ।  
 তুমি স্ননাগর গুণের সাগর  
 কি জানি তোমার রীতি ॥  
 হাসি রসাইয়া কুল ভাসাইয়া  
 নিদানে এমনি কর ।  
 এ নহে উচিত তোর অশুচিত  
 কালিয়া-বরণ-ধর ॥  
 কালিয়া বরণ ধরয়ে যে জন  
 বড়ই কঠিন সেহ ।  
 তা সনে পীরিতি না জানি এ গতি  
 এবে হে জানিল এহ ॥  
 তখন প্রথম পীরিতি করিলে  
 দেখি আকাশের চাঁদ ।  
 কত মুখে হাসি বচন সেচন  
 ইথে সে পাতিলে ফাঁদ ॥  
 হৃদয়ে যা কর কালিয়া-বরণ  
 সে মেনে কঠিন বড়ি ।  
 হাসিতে হাসিতে পীরিতি করিতে  
 এবে সে হইল গাঢ়ি ॥



আমরা হই এ কুমের বোহারি  
 কি বলিতে মোরা পারি ।  
 তাহার উচিত করিলা বেক্ত  
 গুন হে প্রাণের হরি ॥  
 চণ্ডীদাস কহে গুন বিনোদিনী  
 সকল স্বপ্ন সম ।  
 কামুর ঐছন পীরিত্তি কেবল  
 কেন বা করিছ ভ্রম ॥ ২৭ ॥  
 তথা রাগ ।

বধু তুমি বড় কঠিন পরাণ ।  
 ইবে মোরা জানি অসুমান ॥  
 কেনে তুমি বিরস বদন ।  
 কহে যত গোপ-সখীগণ ॥  
 ওহে তুমি বিদগধ রায় ।  
 মো সভারে হেন না জুয়ায় ॥  
 শ্রীধর পাতকী ভয় পাবে ।  
 মরিব তোমার নিজ ভাবে ॥  
 দাগাইয়া দেখহ আপনে ।  
 হয় লয় বুঝ নিজ মনে ॥  
 একে একে ভ্রজের রমণী ।  
 হেট মাথে খুটএ ধরনী ॥  
 পাসরিলে সে সব পীরিত্তি ।  
 পরিণামে হেন কর গতি ॥  
 তুমি বিনে আর কেবা আছে ।  
 আমরা দাঁড়াব কার কাছে ॥  
 চণ্ডীদাস কহে হেন ভালি ।  
 হুখে রসে কর রাসকেলি ॥ ২৮ ॥

শ্রীরাগ ।

কামুর বচন শুনি গোপীগণ  
 কহিতে লাগিলা তাথে ।  
 আমরা পরের রমণী হইয়া  
 রজন পঙ্কিল মাথে ॥

শুরের পীরিত্তি আঁশে না গণিয়া  
 যে জন পীরিত্তি করে ।  
 আপনার হাতে বিধ ধরি ধার্যা  
 পরিণামে হেন করে ॥  
 ছায়ার আকার ছায়াতে মিলাএ  
 জলের বিধুর্কি প্রায় ।  
 যেন নিশিকালে নিশার স্বপন  
 তেমত পীরিত্তি ভায় ॥  
 যেমন বাদিয়া কাঠের পুঁতলি  
 নাচায় যতনু করি ।  
 দেখিতে মিছাই সকল ছায়াটি  
 বাজীকরে করে কুলি ॥  
 তেমতি তোমার পীরিত্তি জানিল  
 গুনহে নাগর রায় ।  
 পরের পরাণ হরিয়া যতনে  
 ভাসাইলে দরিয়ায় ॥  
 মুখে কতজন সরল বচন  
 হিয়াতে কুটিল সারা ।  
 তখনি এমন না জানি কখন  
 এমন তোমার ধারা ॥  
 চণ্ডীদাস বলে গুন বিনোদিনী  
 কে বলে পীরিত্তি ভাল ।  
 পীরিত্তি-গরলে এ দেহ জারল  
 অস্তর হইল কাল ॥ ২৯ ॥

সুরুই সিন্ধুড়া ।

সে নারী মরুক জলে কাঁপ দিয়া  
 যে করে পরের প্রেম ।  
 পরিণামে পায় অতি পয়াভব  
 যেমত পঙ্কজ হেম ॥  
 হৈছে কি বলিব সকল জানহ  
 যার লাগি বেবা জিয়ে ।

সে কেনে মিসরা নিহুর হইয়া  
 এতেক ধাতনা দিবে ॥  
 তোমার ধরনী ডাকিল সুন্দরে  
 আইল ধাইয়া বর্নে ।  
 তাহে হেন কর ওহে বাশীধর  
 কিরিয়া না চাহ কেনে ॥  
 তোমা হেন বিধি মিলাইল রাখা  
 পুন তা হইল বাধা ।  
 এ সব বচন কহিতে কহিতে  
 শোকেতে মরিবে বাধা ॥  
 তোমার কারণ এ ঘর ছয়ার  
 বেঁধেছি অনেক ছখে ।  
 তাহা ভাসাইতে এ নহে মহিমা  
 আর সে বলিব কাকে ॥  
 চণ্ডীদাস দেখি বড়ই ব্যথিত  
 মুখে নাহি সরে বাণী ।  
 চিত বেয়াকুল হইল আকুল  
 যতেক ব্রজের ধনী ॥ ৩০ ॥  
 রাগ—সুরুই-সিন্ধুড়া ।  
 বঁধু আর কি ঘরেব সাধ ।  
 হ্যাদে -গো সজনি কহ মোবে বাণী  
 এ সুখে হইল বাদ ।  
 যে জন ব্যথিত সে জন নৈবাস  
 মনে না পুরল সাধ ॥  
 কাঠেব পুতলি রহে সারি সারি  
 চাহিয়া নাগর পানে ।  
 যেন যে চান্দ্রের রসের লাগিয়া  
 চকোর থাকয়ে ধ্যানে ॥  
 স্তম্ভত নাগরী রসের গাগরী  
 সুগধ তাহাতে করি ।  
 যেন বা কো আশে ধনের লালসে  
 তৈছন গোপের নারী ॥

য়েন যেধবর চাতক অবল  
 করিতে রসের পান ।  
 সফরী জীবন যেন বল বিন  
 সে জন কুলেতে জান ॥  
 সুধা মাখে যেন করি আনচান  
 চণ্ডীদাস কহে তবে ॥ ৩১ ॥

রাগ—কানড়া ।

এ কথা শুনিয়া বাধা বিনোদিনী  
 বড়ই আকুল হৈল ।  
 যা লাগি এতেক হল পরমাদ  
 রহল বিয়োগ পেয়া ॥  
 উপজল মান যেন বিষতুল  
 সে নব কিশোরী রাখা ।  
 বিমুখ বিয়োগী হইল কিশোরী  
 কল্পিত এ তনু আধা ॥  
 নয়ন কমল যেন রাতাপল  
 তেজিয়া আনেব কাছ ।  
 বৈঠল কিশোরী আপনা পাসরি  
 মাধবীলতার গাছ ॥  
 মাধবীলতাতে বসি এক ভিতে  
 অতি সে বিরস ভাবে ।  
 শ্রীমুখ বিছটি(?) ধরনী ধূসর  
 কহু না বচন লবে ॥  
 বাম সে চরণে অঙ্গুলী সঘনে  
 ধরনী স্বভাবে খুটে ।  
 নিখাস হতাসে তাহার বাতাসে  
 মীনা আভরণ ছুটে ॥  
 ঐছন মনের উঠিল আশুনি  
 সে ধনি কিশোরী রাই ।  
 কাহে ঐকজন ছিল গোপীগণ  
 তাহারে উঠান তাই ॥

তুমি হেথা কেন কোন অভিমান  
তুমি যাহ শ্রাম পাশে ।  
অতি সে বিমুখী রাধা চন্দ্রমুখী  
কহেন এ চণ্ডীদাসে ॥ ৩২ ॥  
মান ।

রাগ সুরই ।

রাধার চরিত দেখি সেই সখী  
চলিলা রূধার কাছে ।  
সুধামুখী ধনি হয়েছে মানিনী  
অতি কোপ মনে আছে ॥  
কহে এক সখী শুনহে বচন  
• যদি বা মানেতে রাধা । •  
তবে কিবা সুখ উঠে কিবা দুখ  
সে ধনি তেজিয়া কিবা ॥  
চল মোরা যাব রাধা মানাইব  
করিয়া তাহার সেবা ॥  
হুই চারি সখী রাই পাশে গিয়া  
কহিতে লাগিল তার ।  
কেন অভিমান কিসের কারণ  
এ দুখী হয়্যাছ কার ॥  
শ্রাম সূনাগরে এ দেহ সঁপেছি  
তার কিছু নাহি ভয় ।  
সে জন বচনে অভিমান কেন  
এ তোর উচিত নয় ॥  
শ্রাম পরসঙ্গ না কহ আরতি  
তোমরা সুরীতে গিয়া ।  
শ্রামসোহাগিনী যতেক গোপিনী  
তোমরা সেরহ সিয়া ॥  
আমি না যাইব শ্রাম সাধ গেল  
কি বাসে রহল তোরা ।  
চণ্ডীদাস দেখি মনের বিপথ  
ধাইয়া চলিল স্বরা ॥ ৩৩ ॥

রাগ—সুরই ।

গেলা যত সখী বচন না শুনি  
বুকতি করিছে কতি ।  
রাই মানাইতে না পারিল মোরা  
কি কব ইহার গতি ॥  
চলে ব্রজনারী বেধানে গোপিনী  
কহিতে লাগিল তার ।  
রাই মানাইতে না পারিবে কত  
এ কথা কহিবে কার ॥  
হেথা শ্রামরায় রাধা না দেখিয়া  
পুছে রসময় কান ।  
কহে এক সখী শুন সূনাগর  
রাধার হয়েছে মান ॥  
অনেক যতনে বুঝাইল রাধা  
কহেন বিষয় আন ॥  
কেন বা মানিনি হয়েছে সে ধনি  
কিসের কারণে বল ।  
কহে সূনাগরী শুন প্রাণ হরি  
মানেতে হয়েছে চল ॥  
তোমার বচন কহিলে যখন  
কেন বা আইলে বনে ।  
সেই সে কারণে অতি অভিমানে  
দ্বিজ চণ্ডীদাসে ভণে ॥ ৩৪ ॥  
ধান্সী রাগ ।  
নিকুঞ্জে রসিয়া নাগর বসিয়া  
বড়ই হইলা দুখী ।  
রাধার পীরিতি মনে হয়ে তখি  
হিয়াতে না হয় সুখী ॥  
বাণী মুখে দিয়া ব্যথিত হইয়া  
পুরত সূন্দর বাণী ।  
রাধা রাধা বই আন নাহি কই  
তুরিতে গমন ধনি ॥

এই বাঁশী কয় মধুরস প্রায়  
 ঘনে ঘনে কহে রাই ।  
 বাঁশীতে সকলি নিশান ব্যাকত  
 ভাবিয়া অমৃত তাই ॥  
 শুনি পশু পাখী পুলকিত মনে  
 মনের হরিণী যত ।  
 বাউল হৈয়া মিলাইছে শিলা  
 শুনি সে মুরলী গীত ॥  
 মাম ভান্ধাইতে পুরিল মুরলী  
 রাখার না ঘুচে মান ।  
 অতি সে কোপিত না হয় সরল-  
 দ্বিজ চণ্ডীদাস গান ॥ ৩৫ ॥

রাগ—সুই ।

রাই রাই নাম আর সব আন  
 চিবুকে মুরলী দিয়া ।  
 রাখা নাম ছুটি আখর জপিছে  
 কোথা হে রসের পিয়া ॥  
 খেণে রাখা রূপ ধ্যান করয়ে  
 অন্তরে ওরূপ দেখি ।  
 খেণেক নিখাসে অতি সে হতাশে  
 রাখা নাম তাহে লিখি ॥  
 মুদিত নয়ন সদা রাখা নাম  
 গাইয়া আপন মনে ।  
 তেজল সকল বেশ পরিপাটী  
 রহই একটী ধ্যানে ॥  
 কয়ের অঙ্গুলী ধরি কত বেরী  
 জপয়ে রাখার নাম ।  
 এই তন্ত্র অঙ্গ এই সুধারস  
 সঘনে কহই শ্রাম ॥  
 মুগ্ধ মুরারি রসের চাকুরী  
 আকুল হৈয়া চিতে ।

রাধা রাধা বিনে আন নাহি মনে  
 বসিল কুঞ্জের ভিতে ॥  
 কোথা রসময়ী দেহ দরশন  
 তো বিনে সকলি আন ।  
 তুমি কুঞ্জেশ্বরী তুমি সে মাধুরী  
 তোর সদা করি গান ॥  
 তোমার কারণে বাঁশীটি বদনে  
 শুনি বা কেমন রতি ১০০ (?)  
 এই সে বাঁশীতে সঙ্কেত নিশান  
 বাজই রসিক রায় ॥  
 তবু না ভাবল মান অভিমান  
 চণ্ডীদাস পুনঃ গায় ॥ ৩৬ ॥

রাগ—করুণা ।

বাঁশী ঝাটপনা কতক প্রকারে  
 বাজল রসের তান ।  
 তবু না আইল বৃষভানুসুতা  
 রহল নিভৃত মান ॥  
 বিনোদ নাগর হইল কাঁপর  
 তেজিল সকল সুখ ।  
 রাখা পথপানে চাহি ঘনে ঘনে  
 বাড়ল বিরহ দুখ ॥  
 খেণে কত বেরী উঠল মুরারি  
 সঘনে নিখাস নাসা ।  
 আলসে কাতর রসিক নাগর  
 না করে একহি ভাষা ॥  
 না জানি কোথায় পড়ল মাথার  
 পিঞ্চাঙ্গুসুট চূড়া ।  
 কোথা না পড়ল কটির বাগর  
 সে গীতবসন ধড়া ॥  
 কোথা না পড়ল মণিঅর হার  
 বলয়া বাহর বালা ।

কোথা না পড়ল চূড়ার বন্ধন  
সে নব গুঞ্জার মালা ॥  
কোথা না পড়ল মধুর মুরলী  
নূপুর পড়ল কতি ।  
নয়নে বহত বহুতর ঝারি  
চণ্ডীদাস হৃদমতি ॥ ৩৭ ॥

রাগ—সুই ।

খেণে রাধা পথ পানে চাই ।  
মুগধ সে লুবধ মাধাই ॥  
কুঞ্জে লুঠত মণি ঠাম ।  
রাধা রাধা নাম করি গান ॥  
কোথা রাধা সুকুমারী গৌরী ।  
হেরত নয়ন পস্মরি ॥  
পুন মুদত হুই আঁখি ।  
ধনি মণি কতি নাহি দেখি ॥  
এখনি কুঞ্জ নিকুঞ্জে ।  
গান করত কত পুঞ্জে ॥  
হা রাধা রাধা তম্ব আধ ।  
হেরইতে পুন ভেল সাধ ॥  
তো বিম্ব সব ভেল রাধে ।  
হৃদি পরজা তাত রাধে ॥  
ঐছন কাতর মুরারি ।  
গদগদ নয়নক বারি ॥  
খেণে উঠে খেণে করে গান ।  
রাইক পথ পানে চান ॥  
চণ্ডীদাস কহে পুন বেরি ।  
আমি মিলব পুন হরি ॥ ৩৮ ॥

হৃদয় মান ।

রাগ—স্রী ।

এই পরমাদ ব্যখিত হইলা  
নাগর রসিক রায় ।

রাই ডাবে তহু পরিত হইয়া  
তারুল নাহিক ধরি ॥  
বিসর সকল পূর্ব পীরিতি  
• এবে ভেলু অভিমান ।  
কহে সুনাগর চতুর শেখর  
• দূতী যাহ রাধা ঠাম ॥  
রাই মানাইয়া আনিবে যতনে  
তবে সে জীয়েই কান ।  
ফরিত গগন করহ এখন  
ইহাতে না হয় আন ॥  
বড় অভিমানী রাই বিনোদিনী  
বসিয়া মাধবী মাঝি ।  
মহেতে মুরলী ডাকিল স্তম্বরে  
অনেক মানের কাজ ॥  
তাহে যে গোপিনী গেছিল সেখানে  
না ভাঙ্গে রাধার মান ।  
সেই গোপরামা পরাভব গানি  
আয়ল আমার ঠান ॥  
চণ্ডীদাস কহে শুন রসমই  
রাধার বড়ই মান ।  
আন আনিবারে কেহ সে নারিব  
শয়ান করহ কান ॥ ৩৯ ॥

শ্রীমতীর নিকট দূতীর গমন ।

রাগ—কামদ ।

এ কথা শুনিয়া শ্রাম-মুখ চেয়া  
দূতী কহে এক বাণী ।  
রাই মানাইয়া এখনি আসিব  
শুন হে নাগর-মণি ॥  
কহিছে নাগর চতুরশেখর  
এখনি চলিয়া যাও ।...  
চলি এক মন দূতীর গমন  
যেখানে আছরে রাই ।



সেইখানে গিয়া দিল দৃশন  
 কহিতে লাগল তাই ॥  
 দূরে হতে দেখি দূতীর গমন  
 করিল শ্রীমুখ বন্ধ ।  
 হেন কালে দূতী দাঁড়াই সম্মুখে  
 'কহেন রসের রঙ্গ ॥  
 দূতী বলে ভাল তোমার চরিত  
 বুঝিতে নারিল এ ।  
 সে হেন নাগরে পরিহরি ধনি  
 তাহারে সঁপিল দে ॥  
 যার লাগি তুমি পথের মাঝারে  
 সঘনে সঘনে চাও ।  
 সে হেন বঁধুরে ভেজি বহু দূব  
 কত মেনে সুখ পাও ॥  
 যাহার কারণে বেণীর বন্ধনে  
 দিনে কত বার কর ।  
 কালিয়ার সাধে কাল জাদ(?)খানি  
 ভাবে বেণী পর ধর ॥  
 চণ্ডীদাস কহে শুন স্খামুখি  
 কুঞ্জতে আকুল কান ।  
 ঘরিত গমন বিলম্ব না কর  
 তেজল দারুণ মান ॥ ৪০ ॥  
 রাগ—গরা ।  
 সে হেন বেশের কেনে রবি তথা  
 মলিন শ্রীমুখ চাঁদ ।  
 যেন সেই বিধু তাহে নাহি মধু  
 কেবল বিষের ফাঁদ ॥  
 বিষের কাছেতে অমিয়া টলকে  
 কেবল গরল সারা ।  
 যে দেখি আমি তোমার চরিত  
 বিষম বিপাক ধারা ॥

হেন লয় মন শুনহ বচন  
 এই সে বাসিএ ভাল ।  
 সে হেন নাগরে তোমার হাবাশে  
 বিরহে হর্যাছে চল ॥  
 শীতল পঙ্কজদল বিছাইয়া  
 শয়ন করিতে চায় ।  
 বিরহ ছতশে সেই দল জল  
 খেণে শুকাইছে গায় ॥  
 সে চুয়া চন্দন মৃগমদ আদি  
 লেপন করিতে অঙ্গে ।  
 তাহা খেণে খেণে গরল সমান  
 শুকাইল দেখ রঙ্গে ॥  
 কমল নয়ন মলিন বয়ান  
 সঘনে তৌহারি ধ্যান ।  
 রাধা রাধা বই আন নাহি কই  
 কিছুই নাহিক জ্ঞান ॥  
 তেজল নামার নানা আভরণ  
 ও নব মুকুটচূড়া ।  
 অতিপ্রিয় বাঁশী তাহা পড়ে কতি  
 আর সে পীতের ধড়া ॥  
 শুনহ স্নন্দবী করহ গমন  
 বিলম্ব না কর রাধা ।  
 চণ্ডীদাস বলে তুমি নাহি গেলে  
 সকলি হইল বাধা ॥ ৪১ ॥

রাগ—মালব ।

কি আর দেখহ রাই ।  
 কান্না ঝুঁয়া গুণ গাই ॥  
 পরিয়া নিকুঞ্জ ঠাম ।  
 কেবল তোমার নাম ॥  
 ভুল্ল পথ কত বেড়ি ।  
 হেয়রতন হার তোরি ॥

ডায়ল অভরণ ভার ।  
 তাহুল দূরে করি ডার ॥  
 হেম নুপুব করি দূর ।  
 না কহি বরণ পুর ॥  
 যে হেন নাগররাজে ।  
 অতি মান কন সাজে ॥  
 চণ্ডীদাস কহে ভালি ।  
 তাঁহার ধ্যান বনমালী ॥ ৪২ ॥

রাগ—কামদ ।

কি আব বিলম্ব কাজ ।  
 তুরিতে গমন, করহ যতন,  
 ভেটহ নাগররাজ ॥  
 কিসের কারণে, মানিনি হয়্যাছ  
 গুনহ কিশোরী গোরী ।  
 সে শ্রাম নাগর, তারে পরিহরি  
 এ তোর মহিমা বোড়ী ॥  
 দেখিল যেমন, গুনহ কারণ  
 নিদান দেখিল শ্রামে ।  
 তোমার বেণীর পদ পড়েছিল  
 তাহাই ধরিয়া বামে ॥  
 সেই পদ ধরি নিজ করে করি  
 তাহাত লইএ কান্দে ।  
 এমনি দেখিল, দেখাই বচন  
 বড়ই নিদান ছান্দে ॥  
 তোমার ধ্যানে যেন যোগীজনে  
 যেনমত দেখিয়াছি ।  
 তাহার কারণে, আমি সে আসিয়ে  
 তোমা নিতে আসিয়াছি ॥  
 বাম করে ধরি করের অঙ্গুলী  
 জপই তোমার নাম ।

মান তেয়াগিয়া তুরিতে যাইয়া  
 ভেটহ নাগর শ্রাম ॥  
 চণ্ডীদাস বলে গুন গুন রাধে  
 বিলম্ব কেন বা কর ।  
 শ্রাম সম্ভাষণে কাহুর মালাটী  
 যতন করিয়া পর ॥ ১৪৩ ॥  
 রাগ—কানাড়া ।  
 এই দেখ ধনি, চান্দ মুখ তুলি  
 কাহুর সন্দেহ লহ ।  
 তোমার লাগিয়া, রজনী জাগিয়া  
 নিদান হইল সেহ ॥  
 এই লহ রাধা, শ্যামের কুসুম  
 অতুল তামূল হার ।  
 গলায় পরিলে মান দূরে যাবে  
 মুখ তোল একবার ॥  
 যে হরি তিলেক, দেখিতে না পায়্যা  
 হৃদয় ফাটিয়া মর ।  
 সে জন কুঞ্জতে, একাকী বসিয়া  
 এখন এমত কর ॥ •  
 তুমি সুনাগরী, প্রেমের আগরী  
 সে রস ছাড়িয়ে কেনে ।  
 এত অভিমান, কিসের কারণ  
 তিলেক না কর মনে ॥  
 মুখ তুলি চাহ, নিদারুণ নহ  
 গুন বিনোদিনী রাধা ।  
 সে হেন নাগরে, পরিহর কেনে  
 সে রসে করহ বাধা ॥  
 অতি নিদারুণ, দেখিনি করুণ  
 না দেখি না গুনি কভু ।  
 সে হেন নাগর, গুণের সাগর  
 তোমাব বিবাহে প্রভু ॥

পুষ্কর ভূষণ, কমল নয়ন  
তুরিতে ভেটহ কানে ।  
রাধারে বিনয় বচন কহিল  
দ্বিজ চণ্ডীদাস ভণে ॥ ৪৪ ॥

রাগ—কানড়া ।

রাই তুরিতে শ্যামেরে দেখ গিয়া ।  
যেন মরকত মণি ধুলায় লোটায়া ॥  
কোথা না পড়িল চূড়া মালতী মালা ।  
কোথা না পড়িল সেই বরিহার জালা ॥  
কোথা না পড়িল প্রিয় ধড়ার অঞ্চল ।  
কোথা না পড়িল নব মুঞ্জরীর দল ॥  
নিকুঞ্জে পড়িয়া অঙ্গ ধুলায় ধূসর ।  
রাধা রাধা বলি কান্দে করি উচ্চ স্বর ॥  
মধুর মুরলী যার অতি প্রিয় সূধা ।  
সে কোথা বাড়িল তার নাহিক সন্সোধা ॥  
অচেতন মুদিত নয়ন কলেবর ।  
রাধা বিম্ব বিকল হইলা বংশীধর ॥  
তোমার কারণে ধনি তেজি স্নেহোন্মাদ ।  
খেণে খেণে উঠে যেন বিরহ হতাশ ॥  
মুখ তুলি কহ কথা শুন প্রেমমই ।  
চণ্ডীদাস ব্যথিত শুনিয়া ইহা হই ॥ ৪৫ ॥

শ্রীরাগ ।

দুতীর বচনে সূধামুখী ধনি  
বয়ানে নাহিক বাণী ।  
হেঁট মাখে রহে, ও চাঁদবয়ান  
তাহাতে অধিক মানী ॥  
একে ছিল মান, তাহাতে বাঢ়ল  
শতগুণ করি উঠে ।  
বিরহ আশুণ নহে নিবারণ  
সে যেন সঘনে ছুটে ॥

বিরহ আশুণ নহে নিবারণ  
নাহিক বচন ভাষা ।  
মনে অভিমানী রাই বিনোদিনী  
সঘনে নিখাস নাসা ॥  
বিরস বদন আন ছলা করি  
উত্তর না দেই কিছু ।  
মাধবী তলাতে বসি ধনি রাধে  
নখেতে ধরনী নিছ ॥  
বন্ধিম কটাক্ষে, চাহে দুতী পানে  
খেপেকে মুদিত আঁখি ।  
তা দেখি ব্যথিত মানে গুণি আর  
চণ্ডীদাস তাহে সাথী ॥ ৪৬ ॥

রাগ—মালব ।

তবে কহে রাই দুতীর গোচরে  
কেন বা আইলে ইথে ।  
কিসের কারণে তোমার গমন  
কহ কহ গুণি তাথে ॥  
কহে সেই সখী শুন চন্দমুখী  
তোমারে আইল নিতে ।  
নিকুঞ্জে একলা বসিয়া নাগর  
চাহিয়া তোমার পথে ॥  
কেন বা তা সনে মান অভিমান  
যারে না দেখিলে মর ।  
সে হেন পীরিতি, তেজিয়া আরতি  
তাহারে গুমান কর ॥  
সে নব নাগর, তেজিয়া বৈভব  
তোমার ধ্যান রাধা ।  
তুয়া গুণগান জপিতে জপিতে  
সে শ্যাম হইল আধা ॥  
তুমি বিদগধ তুমি বৈদগধি  
গুণের নাহিক সীমা ।

চতুর নাগরী, গুণের আগরী  
মান পথে দেহ কেমা ॥  
অগজনে কর রাধা ধীরময়  
সকল গোচর আছে ।  
সে বুঝে যে বুঝে কহি তার মাঝে  
কহি এ তৌহার কাছে ॥  
তুমি শ্রেয় সমা তুমি কুলরামা  
তুমি সে রসের নদী ।  
যার সব গুণ, নিগুড় মরম  
পঞ্চ তত্ত্ব যার সিদ্ধি ॥  
আট গুণ গুণ, তার পছ গুণ  
এ নব বাহাব গতি ।  
চণ্ডীদাস কহে রস তত্ত্ব লাগি  
কুঞ্জতে যাহার স্থিতি ॥ ৪৭ ॥  
রাগ—গরা ।  
শুনহ সুন্দরী রাধা ।  
যে জন পরসে লাখ সুধানিধি  
সেজনে কেনবা বাধা ॥  
তোমারো লাগিয়া যেমন যোগিনী  
ভজয়ে পরম পদ ।  
তেমত যে শ্রাম তোমাতে ধেয়ান  
তারে কেন কর রদ ॥  
রস রস পর, আর রস পর  
পাঁচ রস আট মিট ।  
বেদ গুণ গুণ, গুণ রস পর  
সায়র আসিয়া বিঠ ॥  
যে জন রসের সমুদ্র থাকিতে  
পিয়াসে মরয়ে কেনে ।  
তুমি চাঁদ হরা চকোর পাখীর  
রসটী না দেহ পানে ॥  
তুমি সে প্রেমের গাগরী থাকিতে  
আন জন-ময়ে শোষে ।

এ কোন চরিত আচার বিচার  
সেই সে আছয়ে আশে ॥  
চল চল রাধা বৃন্দাবনেশ্বরী  
নিকুঞ্জ মন্দিরে চল ।  
চণ্ডীদাস বলে তুরিতে ভেটহ  
সে শ্রাম ভাবেতে চল ॥ ৪৮ ॥

রাগ শ্রী ।

তুমি বড় নিদয় নিদান ।  
উহারি কেবল ধেয়ান ॥  
সেজন ছাড়িয়া এথনে ।  
একলা বসিয়া কুঞ্জবনে ॥  
শুনহ সুন্দরি ধনি রাই ।  
খেণে খেণে বিরহে লোটাই ॥  
এত কিবা সহই পরাণ ।  
ঝাট করি দেখ গিয়া কান ॥  
তাহারে করহ ধনি রোষ ।  
সকল সে জন দোষ ॥  
তুমি সে নাগরী রামা ।  
চিত্তে দেহ ধনি কেমা ॥  
চলহ নিকুঞ্জ মাঝ ।  
তেজহি আনহি কাজ ॥  
চণ্ডীদাসে ভাল জান ।  
কহে দূতী কত অনুমান ॥ ৪৯ ॥

রাগ—সুহা ।

কালার জালাটি, বড় উপজল  
বেশ কথা কিছু কয়া ।  
তাহে কেন রাধা, সেই সুখ বাধা  
চলহ বিমুখ চায় ॥  
পরশ রতনে তেজহ সঘনে  
রস কথা কিছু কয় ।

দেব দেখা দিয়া লহ না আসিয়া  
 এজন তাহুল লয় ॥  
 মুখ রস মধু কত শত বিধু  
 উলটা কহত বোল ।  
 উত্তর না দেহ পরমাদ এহ  
 শ্রামে করে গিয়া কোল ॥  
 মুখ তুলি বল মানে আছে চল  
 এ কোন বিচারি পণা ।  
 একে নাম ধরি, তকর ছায়াতে  
 আছে হরি মন মনা ॥  
 আমি আহ্বানিতে কিবা তোর রীতে  
 কহ ফহ চক্ষু মুখি ।  
 কিবা কহ শুনি শুন বিনোদিনি  
 কহত বচন লখি ॥  
 এত পরমাদ গান পরিহরি  
 সুন্দবী শ্রামের প্রিবা ।  
 চণ্ডীদাস দেখি বেধিত হইয়া  
 বিরস পাওল হিয়া ॥ ৫০ ॥

রাগ শ্রী ।

কহে ধনি রাধা কেন তুমি হেথা  
 কি হেতু ইহার বল ।  
 কেনবা আইলে, কিসের কারণে  
 কে তোমা পাঠায়া দিল ॥  
 তবে কহে দূতী শুনহ আরতি  
 মোরে পাঠাইল শ্রাম ।  
 সে হেন নাগর আমি সে আইল  
 ভাঙ্গিতে দারুণ মান ॥  
 সে হেন নাগরে, পরিহর ধনি  
 আছহ মাধবীতলে ।  
 শ্রামের রিধতা শুনি তার কথা  
 কহিতে পরাণ বুঝে ॥

কহে ধনি রাধা শুন মোর কথা  
 জানিল তাহার চিত ।  
 তা সনে কিসের, মান অভিমান  
 জানিল তাহার রীত ॥  
 পরের বেদনা পর কি জানয়ে  
 পর কি আনের বশ ।  
 পরের পীরিতি, আকারে বসতি  
 কিবা সে জানিলে রস ॥  
 রসিক হইলে রস কি ছাড়য়ে  
 স্নদৃঢ় চতুর জনা ।  
 যত বড় তেঁহেঁ রসের রসিক  
 সে সব গেলই জানা ॥  
 কহে চণ্ডীদাস শুন হে সুন্দরী  
 তুরিতে গমন কর ।  
 শ্রামের সন্দেশ হৃদয়ের মালা  
 যতন করিয়া পর ॥ ৫১ ॥  
 রাগ—কামদ ।  
 দূতি না কহ শ্রামের কথা ।  
 কালা নাম হুটা, আখর শুনিতে  
 হৃদয়ে বাড়য়ে বাথা ॥  
 আমি না যাইব, সে শ্রাম দেখিতে  
 পরশ কিসের লাগি ।  
 শ্রবণে শুনিতে শ্রাম পরসঙ্গ  
 অন্তরে উঠএ আগি ॥  
 কিসের কারণে, তা সনে মিলন  
 চলিয়া তুরিতে যাও ।  
 তাহার মরম জাগিল এখন  
 রহিল মাধবী ছাও ॥  
 তাহার কারণে সব তেয়াগিহু  
 কুলে জলাঞ্জলি দিয়া ।  
 তভু না পাইল সে নব নাগর  
 কেমন রসের পিয়া ॥



কুল শীল ছিল, সকলি মঞ্জিল  
 নিদানে কলঙ্ক সারা ।  
 স্নেহের লাগিয়া, পীরিত্তি করল  
 তাহার এমতি ধারা ॥  
 স্নেহের আরতি, করিল পীরিত্তি  
 স্নেহ গেল অতি দূরে ।  
 স্নেহের সাগরে, করহ পরান  
 মনোরথ পরিপূরে ॥  
 পাড়ার পরসী, কবে লোক হাসি  
 শুনিএ এসব কথা ।  
 অন্তর বেদন বুঝে কোন জন  
 কে জন বুঝিব হেথা ॥  
 কানুর পীরিত্তি, দিল সমাধান  
 না কহ আমার কাছে ।  
 কেবল বিষের, রাশির সমান  
 হেন কেবা আর আছে ॥  
 তুমি যাহ সখি, কানুর সমাজে  
 আমি সে নাহিক যাব ।  
 চণ্ডীদাস বলে বড় অভিমান  
 আগি শ্রামে যেয়ে কব ॥ ৫২ ॥

রাগ—কানড়া ।

বেরি বেরি দুতি, বচন সরস  
 কত সে আর শুনব ।  
 যথা না শুনব, শ্রাম নাম স্নেহা  
 সেখানে চলিয়া যাব ॥  
 তবে ত দারুণ, ব্যথা উপজল  
 তবে সে ভালই হব ।  
 বেরি বেরি দুতি, বচন সরস  
 একথা না শুনি তব ॥  
 শ্রবণে না শুনি কহে জ্ঞান বানী  
 কথা সে মনে না বাসি ।

শুনগো সজনি যে জন গরল  
 খায় সে বিষের লাগি ॥  
 জানিয়া শুনিয়া বিষ হাতে লয়া  
 খাইল করম ভাগি ॥  
 যে খায় গরল, বিষে চল চল  
 তখনি মরিয়া যার ।  
 আমি সে ভুখিল, কাল কালবিষ  
 ঝাড়িলে রয়ে সে গায় ॥  
 কারে কি বলিব, বলিতে না পারি  
 গুপথে গুমরি গেহা ।  
 কালিয়া বরণ দেখিতে স্নেহন  
 করিতে রসের লেহা ॥  
 ভাবিতে শুনিতে মরিএ বুঝিয়ে  
 শুনগো স্বজনি সখি ।  
 হেন মনে লয়, পরাণ সংশয়  
 নিদানে মরণ দেখি ॥  
 যেন যে জলের বিষুক উপজে  
 তেমতি কানুর প্রীত ।  
 এবে সে জানল সে জন লালস  
 চণ্ডীদাস কহে হিত ॥ ৫৩ ॥

রাগ—কানড়া ।

কাল হৈল ঘর, আন কৈল পর  
 কাল সে করিল সারা ।  
 কালার ধ্যান, আন নাহি মন  
 কালিয়া আঁখির তারা ॥  
 পরাণ অধিক হিয়ার মানস  
 কালিয়া স্বপনে দেখি ।  
 গমনে কালিয়া জপ্তেতে কালিয়া  
 নয়নে কালিয়া দেখি ॥  
 গগনে চাহিতে, সেখানে কালিয়া  
 ভোজনে কালিয়া কাছ ।

জন্ম মুদিলে, সেখানে কালিয়া  
 কালিয়া হইল তম্বু ॥  
 শুন হে স্বজন, কহিতে আশুনি  
 উঠয়ে কালার জালা ।  
 সেজন বিমুখ, বিরাগ বচনে  
 পরাগ হইল সারা ॥  
 তা সনে কিসের, আরতি পীরিতি  
 সূচাক রসের লেহা ।  
 যাহার কারণে, সব তেয়াগিনী  
 পরিহরি নিজ গেহা ॥  
 কুজন সূজন, তার কিবা হয়  
 গরল অমিয়া নয় ।  
 কুটিল না হয়, সরল না হয়  
 কাজেতে বুঝিলে হয় ॥  
 কহে চণ্ডীদাসে এই অভিলাষে  
 আশ পাশ তুয়া কাছে ।  
 তুমি-সে তাহার, সেজন তোমার  
 কোথা বা খুঁজিলে আছে ॥ ৫৪ ॥

রাগ—মালব ।

দূতী কহে শুন আমার বচন  
 করিয়ে আদরপণা ।  
 সে হেন নাগর, গুণের সাগর  
 অতি সে সূজন জনা ॥  
 তোমার লাগিয়া, রজনী জাগিয়া  
 সে হরি কাতর হয় ।  
 দিয়া দরশন, কর পরশন  
 আমার মনেতে লয় ॥  
 এখণে ছাড়িয়া যাহত চলিয়া  
 হৃগুণ উঠয়ে হৃথ ।  
 তাহার মনেতে, কিবা পরিচয়  
 এ লেহা রসের সূখ ॥

জানিল তাহার, যত বড় তেঁহো  
 কালিয়া বিষের রাশি ।  
 কুলের ধরম, সরম ভরম  
 সকল হইল হাসি ॥  
 সে দেশে যাইব, যথা না শুনিব  
 কালিয়া বরণ নাম ।  
 সেই দেশে যাব, শুনহ সজন  
 রহিব সেই সে ঠাম ॥  
 অনেক যতন, করিল সঘন  
 রাখার না ঘুচে মান ।  
 কাঠের পুতুলি রহে দাগাইয়া  
 মনেতে ভাবয়ে আন ॥  
 মান না ভাঙ্গিতে পারল স্বজন  
 চলিল শ্যামের পাশে ।  
 দূতী গেল যথা, নাগর শেখর  
 কহেন এ চণ্ডীদাসে ॥ ৫৫ ॥  
 কৃষ্ণের নিকট দূতীর পুনরাগমন ।

রাগ—সোয়ারি ।

তলাতে রহে এক ভিতে  
 সে হেন সূন্দরী রাই ।  
 মানে মনরিত, এ তার চরিত  
 অনেক বুঝাল তাই ॥  
 তোমার কুসুম, হার মনোহর  
 দূরেতে ডারিয়া দিল ।  
 এ তিন তাষুল কিছু না ছোয়ল  
 ক্রোধেতে কুপিত ভেল ॥  
 অনেক প্রবন্ধ, প্রকার করিয়া  
 বুঝাইল রাই পাশ ।  
 হেট মাখে রহে, বচন না কহে  
 মুখেতে নাহিক ভাষ ॥

যে দেখি দারুণ মান উপজল  
এ মান ভাঙ্গিতে গাঢ়া ।  
আপনে যাইতে, মান ভাঙ্গাইতে  
বুঝল এ সব ধারা ।  
আপনি গমন করহ এখন  
তবে সে আসিবে রাধা ।  
নহে বা ঐ মান আন কোন জন  
তাহারে করিব বাধা ॥  
দূতীর বচন, শুনি স্নানাগর  
বড়ই হইলা স্মখী ।  
একথা উচিত, জানিল বেকত  
চণ্ডীদাস আছে সাখী ॥ ৫৬ ॥

অথ সখ্য-দূতী ।

মাধবী তলাতে দূতী পাঠাইয়া  
বসিয়া চিবুকে হাত ।  
আকুল সঘনে, নিখাস হতাশ  
কাঁহা না বোলই বাত ॥  
এক নব রামা, আছে রাধা কাছে  
তা সনে না কহে বোল ।  
মাধবী ডালেতে, এক পিক বসি  
কহত পঞ্চম বোল ॥  
চাহিয়া দেখিল, মাধবী উপরে  
রসময়ী ধনি রাই ।  
কালার বরণ দেখি স্নানাগর  
হেরিয়া দেখিল তাই ॥  
করতালি দিয়া, দিল উড়াইয়া  
পিকেরে কহিছে কিছু ।  
কি কারণে বসি, ডাকহ স্মস্বরে  
তেই সে দিলাউ নিছ ॥  
যাহ শ্রাম পাশ, নিকুঞ্জ-বিলাস  
এখানে কিসের বাণী ।

এই অমুরাগ রাগের ঐর্ষিক (?)  
কহেন কিশোরী ধনি ॥  
উড়ি বাহ ঝাট, ছাড়িয়া নিকট  
এড়ান ছাড়িয়া জা ।  
চণ্ডীদাসে কহে, পিক চলি গেল  
কহিতে বলিতে রা ॥ ৫৭ ॥

রাগ—জয়ন্তী ।

ময়ূর ময়ূরী, নাচে ফিরি ফিরি  
আসিয়া মাধবী তলে ।  
দেখিয়া কুপিত, হইল বেকত  
তারে ধনি কিছু বলে ॥  
হেথা কেন তোরা, নাচ হয় ভোরা  
“ দিতে সে সোচনা সারা ।  
ঝাট করি যাও, যেখানে রসিক  
নাগর-শেখর তারা ॥  
নিকুঞ্জ ভবনে, যাহ সেই খানে  
এখানে নাচহ কেনে ।  
হেথা কিবা স্মখ, স্মখের বিচার  
ভাবিয়া দেখহ মনে ॥  
তুমি না ধরিতে, শ্রামল বরণ  
তবে সে হইত ভাল ।  
কালিয়া বরণ, দেখি মোর মন  
অনল উঠিয়া গেল ॥  
কালী আছে যথা তোরা বাহ তথা  
এখানে কিসের কাজ ।  
কালিয়া বরণ, বরণ মিশাহ  
যেখানে রসিক রাজ ॥  
কোপে স্মখামুখী, করতালি দিয়া  
ময়ূর উড়ায়ে দিল ।  
চণ্ডীদাস বলে অপর মানেতে  
সে ধনি হইল চল ॥ ৫৮ ॥

## রাগ—কাফী ।

মাধবী লতায় ফুলের সৌরভে  
যতেক ভ্রমরা তারা ।  
মকরন্দ পানে মুগধ হইয়া  
মাতিল সে রসে ভোরা ॥  
তা দেখি কিশোরী বিধুমুখী গৌরী  
কহিতে লাগিল তায় ।  
তুমি সে কালার বরণ ধরিয়া  
কেন বা ধরিলে কায় ॥  
এখানেহ তুমি ফুলে ভ্রমি ভ্রমি  
ভ্রমহ কিসের লাগি ।  
মোরে দিতে চাহ বিরহবেদনা  
উঠাইতে দারুণ আগি ॥  
তোমার চরিত্র আছে বেয়াপিত  
সে শ্রাম অঙ্গের মালে ।  
মধু খেয়া খেয়া রসেতে পুরিয়া  
আইলে মাধবী ডালে ॥  
একে মরি জালা, আছি এ একলা  
তাহে দেখা দিলে ভালে ।  
অতি সে বিষাদ বাঢ়য়ে দ্বিগুণ  
চণ্ডীদাস কিছু বলে ॥৫৯॥

## রাগ—তুড়ী ।

শুন হে ভ্রমর কেন বা ঝঙ্কার  
তোমার কালিয়া তনু ।  
তোমারে দেখিএ বাঢ়ল বিষাদ  
বিয়োগ উঠল দুহু ॥  
ঝাট চলি যাও কেন দুখ, দাও  
চমকে আমার হিয়া ।  
যাহ বৃন্দাবনে, নিকুঞ্জ ভবনে  
যথায় রসের পিয়া ॥

সেই ধানে গিয়া ফুলে মধু খেয়া  
থাকহ যেখানে কানু ।  
হেথা কেনে তুমি মধুর লালসে  
তোমার কালিয়া তনু ॥  
কালিয়া বরণ দেখি মোর মন  
দ্বিগুণ জলিয়া যায় ।  
মনের বেদনা বুঝে কোন জনা  
এ কথা কহিব কায় ॥  
এ কথা শ্রবণে শুনি মধুকর  
তখনি চলিয়া গেল ।  
কোথাও না দেখি মেলি ছুটি আঁখি  
তবে সে ধৈরজ তেল ॥  
নীল কাল যদি, ফেলিল ছিনিয়া  
কিছু না রাখিল ভালে ।  
অঙ্গের কাঁচলি ফেলি দূর করি  
নীলের উড়নী দুরে ॥  
কাল আভরণ, ফেলিয়া তখন  
পরল ধবল বাস ।  
হিয়ার কাঁচলী পরল ধবল  
কহেন এ চণ্ডীদাস ॥৬০॥

## তথা রাগ ।

নয়ন কাজল, মুছিয়া ডারল  
কাল আভরণ যত ।  
সখী এক সঙ্গে, কহে কিছু রসে  
কহিছে রাধার মত ॥  
শুন সুধামুখি, আমার বচন  
তেজহ দারুণ মান ।  
যে দেখি তোমার, অভিমান অতি  
পাছেতে তেজহ মান ॥  
ধৈরজ ধরহ, শুনহ স্মদরি  
এতেক কেনু বা মান ।

সরম ভরম দূরে তেয়াগিয়া  
কোপিত কহত আন ॥  
যদি আছ তুমি, বিরস বদনে  
শুনহ সুন্দরী রাই ।  
কেন বা অঙ্গের, ভূষণ সকল  
তেজিয়ে তেজিলে ভাই ॥  
তুমি সুনঙ্গরী, রসের আগরী  
তেজহ দারুণ মান ।  
সখীর বচনে, কমল নয়নী  
ঈষৎ কটাক্ষে চান ॥  
শুন গো স্বজনি, কালিয়া বরণ  
দেখিএ উঠএ তাপ ।  
চণ্ডীদাস কহে, হেন মনে হয়  
মানসে দারুণ পাপ ॥ ৬১ ॥

### শ্রীরাগ ।

কহে যত্নমণি, শুনহ স্বজনি  
রাধা আনিবারে গেলে ।  
কি শুনি বচন, কহ কহ দেখি  
সঘনে সঘনে বলে ॥  
সখী কহে তায়, শুন শ্রামরায়  
রাধার বড়ই রোষ ।  
• তুমি গেলে যদি তার মান ঘুচে  
আমার কি আছে দোষ ॥  
সখীর বচনে, কমলনয়ন  
আপনি সাজত যান ।  
বেশ সে সুবেশ, অতি মনোহর  
ভাঙ্গিতে রাধার মান ॥  
বাঁধল কুণ্ডল, লোটন সুন্দর  
বেড়িয়া মালতী দাম ।  
তাহার পাশেতে, মুকুতার মালা  
শোভে অতি অল্পপাম ॥

নানা আভরণ, কঙ্কণ ভূষণ  
মিবিড় কিঙ্কণী জাল ।  
নীল বসনের, ওড়নী সুন্দর  
রুপে বীণাযন্ত্র ভাঁল ॥  
এক সখী সঙ্গে, চলে বেশ ধরি  
কেবল একছি রামা ।  
চলত নাগর, বেশ মনোহর  
সেই সে মাধুরী ধামা ॥  
নারী বেশ ধরি, চতুর মুরারি  
মাধবীতলাতে যার ।  
কিবা অদভুত, দেখিয়া বেকত  
দ্বিজ চণ্ডীদাস গায় ॥ ৬২ ॥

### রাগ—তুরী ।

মন্দ মন্দ গতি, চলন চাতুরী  
কুঞ্জর গমনে চলি ।  
যেমন কুঞ্জর, চলন সুন্দর  
এ ছই চলন ভালি ॥  
মদনমোহন, নবঘন শ্রাম  
কিবা এ আপন বেশ ॥  
কাক্ষে লই বীণা, নবঘন শ্রাম  
পরিমলে ভুলে দেশ ॥  
চলিতে চরণে, বাজএ সূতানে  
বাজন নুপুর পায় ।  
ফুলের সৌরভে, অলিকুল যত  
যুখে যুখে সব ধায় ॥  
দূরে হতে রাই, দেখি নব রামা  
বিস্মিত হইলা চিতে ।  
কোন নব রামা, কাঁধে যন্ত্র করি  
আমারে আইল নিতে ॥  
এই অল্পমান, করে ছইজন  
রাধা বলে হের দেখ ।



রাধার বচনে, দেখে মুখ তুদ্বি  
চন্দ্রবদনী মুখ ॥  
হেনই সময়, আসিবে মিলন  
সেই সে মাধবীতলে ।  
নব পরিচয়, চণ্ডীদাস তথা  
হাসিয়া হাসিয়া বলে ॥ ৬৩ ॥

রাগ—সুই ।

দেখি নব রামা, তুমি কোন জনা  
কহ কহ দেখি মোরে ।  
কেনে বা এখানে, তোমার গমন  
কহ কহ বলে তারে ॥  
সখী কহে তাথে, শুনহ সুন্দরী  
গেছিল কাননকুঞ্জে ।  
যথা রসময়, ব্রজরামাগণ  
আছয়ে কতক পুঞ্জে ॥  
মোরে বোলাইয়া, গেছিল লইয়া  
আমি সে বটিয়ে যতি ।  
কিছু তাল মান, করিয়াছি গান  
যে ছিল আপন শক্তি ॥  
গৌরী নট আর, কেদার সুন্দর  
পূববী সিন্ধুড়া আড়া-কো ।  
শ্রামনট আর, মাধবী মঙ্গল  
হিল্লোল মঙ্গলা দো ॥  
পাহিড়া দীপক, আর বেলাবলি  
সুরট মঙ্গার রাগ ।  
গাইতে প্রবন্ধে, প্রকার করণে  
তাহার মরমে লাগ ॥  
এ রাগ শুনিত্তে, বিনোদ নাগর  
মোহিত হইলা গীতে ।  
পুনঃ পুনঃ কহ, ইহার উপর  
আর কিছু শুনি চিতে ॥

তবে কৈলা গান, যে ছিল স্ততান  
তাহাই করিলা গান ।  
রাধাকৃষ্ণ নাম, অতি অনুপাম  
বীণাতে উঠিল তান ॥  
এ তান শুনিয়া, নাগর রসিয়া  
হরষ হইল বড়ি ।  
এই সে গানের মধুর শুনিয়া  
আমারে না দিল ছাড়ি ॥  
রহ রহ ধনি, আর গান শনি  
কহত প্রথম নাম ।  
শুনিত্তে মধুর, ও ছুটী আখর  
রাধানাম অনুপাম ॥  
কানুর পীরিত্তি, যে দেখিল রীতি  
এ কথা কহিব কত ।  
রাধা নামে কত, অমিয়া আওল  
রস উপজিল যত ।  
গাও গাও ধনি, কহে গুণমণি  
রাধানাম কর গান ।  
ঐ রস বই, আন না শনিব  
এ বড় মধুর তান ॥  
আলাপে রাগিনী, রাগের উরলি  
রাধা বলি যেন বাজ ।  
তোমার ও গানে, মোর মনে হান্কে  
যেমতি হৃদয়ে বাজ ॥  
চণ্ডীদাসে বলে, এই গীতে মোহ  
রসে ভেল অতি ভোর ।  
মুগধ মাধব, বহু বিদগধ  
সুখের নাহিক ওর ॥ ৬৪ ॥

রাগ—সুই ।

শুন ধনি ক্রাই, তান কিছু গাই  
রাগেতে রাগিনী মেলা ।

গাইতে গাইতে, মুগধ হইলা  
 নন্দের নন্দন কালা ॥  
 পুনঃ কহে শ্রাম, অতি অমুপাম  
 শুনিতে মধুর ধনি ।  
 রাধা রাধা বলি, ডাকিছে বীণাটী  
 মুগধ হইল শূনি ॥  
 এই রস তান, অনেক সঙ্কান  
 শুনিল রসিক শ্রাম ।  
 অতি বড় সুখী সুখেতে মোহিত  
 গাইতে রাধার নাম ॥  
 ভাবে গদগদ, অতি সে আমোদ  
 সে হেন রসিক কান ।  
 রাধা নাম বিনে, আন নাহি জানে  
 শ্রবণে শুনল গান ॥  
 নয়ন কমল, যেন ঢল ঢল  
 লোরেতে কমল আঁখি ।  
 যেমন ঘনের, বরিখে শ্রাবণে  
 তেমতি ধরণ দেখি ॥  
 রাধা রাধা রাধা, আন সব বাধা  
 কেবল রাধার ধ্যান ।  
 রাধা নাম গানে, কমল নয়নে  
 কিছুই নাহিক আন ॥  
 এই সব রস, শুনিয়া অবশ  
 রসিক নাগর কান ।  
 সে নব নাগর, রসের সাগর  
 শ্রবণে শুনয়ে গান ॥  
 যখন বাজায় রাই নাম সুধা  
 কান্দিয়া আকুল শ্রাম ।  
 হইয়া মুগধ, অতি সে আমোদ  
 দিল মুকুতার দাম ॥  
 দেখ দেখ ধনি, আমার উরতে  
 এই মুকুতার মালা ।

সে নব নাগর, গুণের সাগর  
 রাধানামে বড় ভোলা ॥ \*  
 এই সব রসে, তার মন তোষে  
 বীণাতে করিল গান ।  
 বিকল কিসে বা, না জানি কেন বা  
 কিসের কারণে ধ্যান ॥ \*  
 কুঞ্জে একাকিনী, করিতে বাশীটী  
 ধরিয়া নাগর রায় ।  
 তোমারে কিছুই, তান শোনাইতে  
 আইল মাধবী ছায় ॥  
 চণ্ডীদাস দেখি, অতি অপরূপ  
 অপার দৌহার লীলা ।  
 কে ইহা জানিবে, নিগূঢ় মরম  
 দৌহে ছুঁ ছুঁ রসমেলা ॥৬৫॥

রাগ—কেদারা ।

শুন শুন রাধা, কহে সেই ধনি  
 শুনহ রসের গান ।  
 তোমারে এ গান, শ্রবণ করাতে  
 আইল মাধবী স্থান ॥  
 মুখ তুলি চাহ, রসের প্রেমসী  
 গাই এ একটা রাগ ।  
 শ্রবণ পরসি এ গান শুনিতে  
 কতি যাব অমুরাগ ॥  
 এ কথা শুনিয়া, কহে সুধামুখী,  
 শুনহ সুন্দরী রামা ।  
 কর কিছু গান, শূনি কিছু তান  
 নবীন নাগরী শ্রামা ॥  
 বীণাতে কেদার, রাগ আলাপন  
 গাওই মুগধ রসে ।  
 রাধাকৃষ্ণ নাম, উঠে অমুপাম  
 শুনিতে শ্রবণ পাশে ॥

এ চারি আধর, বাজন মধুর  
 বীণাতে কহত রাই ।  
 কেন বা মানিনী, হয়ছ সে শ্রামে  
 মধুর মধুর গাই ॥  
 সে হেন নাগরে, পরিহরি রাধে  
 কি স্থখে আছএ বসি ।  
 মলিন হইল, সে মুখমণ্ডল  
 ঝলকে সে মুখশশী ॥  
 মানে মন ছুই, দেখি ক্ষীণ তনু  
 যেতি অভরণ ভার ।  
 বচন কহিছ, তাথে নাহি রস  
 এত বা কিসের তার ॥  
 সে হেন নাগরে, বিরস বদনে  
 আছএ মাধবীতলে ।  
 বীণা গীত তালে, বুঝায়ে সঘনে  
 দীন চণ্ডীদাস বলে ॥ ৬৬ ॥

রাগ তথা ।

মোরে বোলাইয়া গেছিল লইয়া,  
 নন্দের নন্দন কান ।  
 সেখানে এ গুণ কিছু সে গাইল,  
 কিছুই রসের তান ॥  
 সেখানে হইতে আইল হেথায়  
 দেখিয়া ছঃখিত কান ।  
 সে-হেন নাগরে ভেটহ সুনন্দরী,  
 ভেজিয়া বিষম মান ॥  
 চণ্ডীদাস কহে ওতি বড় মোহে  
 সুনন্দরী কিশোরী রাই ।  
 ইহার কোণের বিপাক বিষম,  
 ভাঙ্গিতে নারিল সেই ॥ ৬৭ ॥

রাগ—কাফি ।

গুণী না কহ কাহুর কথা ।

শুনিত মরমে, সেইখানে হানে,  
 উঠত দারুণ ব্যথা ॥  
 মনের আশুণ বাঢ়ল দ্বিগুণ,  
 নিভাইতে যদি সাধ ।  
 যে জানে বেদনা মরমে পশিলু,  
 তনুখানি হল আধ ॥  
 এ বড়ি বিষম বাঁশিটা বেঁধল,  
 বুকে বাজী মিঠে নার ।  
 টানিলে যতনে বাহির না হয়,  
 এ ছখে জীব কি আর ॥  
 দারুণ শেল যে নহে নিবারণ,  
 আর সে বিরহ আসি ।  
 এ ছই যাহার অন্তরে পেশল,  
 কি ছার দিবার লাগি ॥  
 কাননে অনল কেহনা নিভায়,  
 আপনি নিভায় সেই ।  
 হৃদয় অনল কেবা নিভাইব,  
 বিষম আশুণ এই ॥  
 কাহারে কহিব এ সব বিচার,  
 মরম জানএ কে ।  
 চণ্ডীদাস কহে যে জানে মরম,  
 সে জন বেথিত দে ॥ ৬৯ ॥

রাগ শ্রী ।

গুন নব রামা ওই পরসঙ্গ,  
 না কহ আগার কাছে ।  
 আন কথা কহ এ যন্ত্র রাজাহ,  
 ও বোর্গি কি বোল আছে ॥  
 যে জন কুজন সে নহে সরল,  
 গাও গাও কিছু গুনি ।  
 এ কথা শুনিয়া হাঁসিয়া হাঁসিয়া,  
 বীণা কাঁধে নিল গুণী ॥

গাইতে লাগিল হিলোল নায়ক,  
 রাগিনী ভুঞ্জায় ভায় ।  
 মধুর মধুর তান মান রাগ,  
 সে স্বর মধুর প্রায় ॥  
 প্রথম রাগেতে রাগিনী ডুবায়,  
 গাওল প্রিয়ার নাম ।  
 দ্বিতীয় আধরে রাধা নাম ওটে,  
 শুনিতে মধুর তান ॥  
 এই দ্বিতীয় নাম বাজে অল্পপাম,  
 মুগধ হইলা রাধা ।  
 \* \* \* সুধা ॥  
 শুন গ্রামা সখি \* \*  
 বচন শুনহ \* \*  
 \* \* \*  
 কে জানে এমন তোমার ধরণ,  
 কপট আগুণ ইথে ।  
 বহুবিধ মান কপট অন্তরে,  
 ভাঙ্গল কপট চিতে ॥  
 আর কিবা আছে মান অভিমান,  
 চলহ নিকুঞ্জ বনে ।  
 করহ বেশের পরিপাটী ধত,  
 চলহ সখীর সনে ॥

শ্রীমুনাগর চতুর শেখর,  
 চলিল নিকুঞ্জ ধামে ।  
 হেথা সুধামুখি বেশ পরিপাটী,  
 কত সে মনের সনে ॥  
 চলল কিশোরী, শ্রীম দরশনে,  
 বদনে মধুর হাসি ।  
 সঙ্গে সহচরী মধুর গমন,  
 চাতুরী বদনশশী ॥  
 যেমন চিত্রের পুতলি চলিছে,  
 ও চাঁদবদনী রাধা ।  
 নীল লোচনী আধেক ওড়নী,  
 বচন কহত আধা ॥  
 শ্রীঅঙ্গ চলিতে গদ গদ ভেল,  
 বচন চপল আধা ।  
 চলিতে মধুব বাজএ পঞ্চম  
 মধুর মধুব নাদা ॥  
 সুগন্ধ মলয় চন্দন কস্তুরী,  
 অগুরু সৌরভ প্রায় ।  
 মত্ত অলিগণ কুমুম কোঁকিল,  
 এ সব সঘনে ধায় ॥\*

শ্রীনীলরতন মুখোপাধ্যায় ।

\* ইহার পর আর একটা পদ আছে, তাহার অধিকাংশ চরণই খণ্ডিত বলিয়া উদ্ধৃত হইল না। মূল পুথিতে বেরূপ দৃষ্ট হইল তাহাই প্রকাশ করা গেল। কোনরূপ সংশোধন করিবার চেষ্টা করা হয় নাই। চণ্ডীদাসের রাসলীলা ব্যতীত আরও অনেক অপ্রকাশিত পদাবলী সংগৃহীত হইয়াছে। সুবিধামত প্রকাশ করা যাইবে।—সং পং সং । \* .০

## উপসর্গের অর্থ বিচার ।

কিয়ৎমাস পূর্বে আমি “উপসর্গের অর্থ-বিচার” নামক একটি প্রবন্ধ এইখানে পাঠ করি । প্রবন্ধটি দীর্ঘ হওয়াতে সে দিবস আমি তাহার সমস্ত অংশের পাঠ সমাপন করিতে না পারিয়া অবশিষ্ট অংশ বারাস্তরে আপনাদিগকে পাঠ করিয়া শুনাইবার ইচ্ছা প্রকাশ করিয়াছিলাম । তখন আমি মনে করিয়াছিলাম যে, অতি সত্বরে আমি আমার সে ইচ্ছা কার্যে পরিণত করিতে পারিব ; কিন্তু কিয়ৎপরেই আমার হস্তে বিশেষ একটি প্রয়োজনীয় কার্যের ভার আসিয়া পড়াতে আমি তাহাতেই ব্যাপৃত হইয়া পড়িলাম—আর কোন কার্যে যে হস্তার্পণ করিব তাহার তিলমাত্রও অবকাশ রহিল না । ছই মাস এইরূপে কাটিয়া গেল । ঈশ্বরেচ্ছায় এক্ষণে সেই অভীষ্ট কার্যটি নির্বিঘ্নে সমাপ্ত হইয়া যাওয়াতে আমি আজ দ্বিগুণ আনন্দের সহিত সেদিনকার সেই পঠিত প্রবন্ধের শেষাংশ লইয়া আপনাদের সমক্ষে বিনীতভাবে দণ্ডায়মান হইতেছি ।

প্র নি সং বি অপ পরি এই ছয়টি উপসর্গের অর্থ আমি যেরূপ অন্বেষণ করিয়া পাইয়াছি গতবারে তাহা সাধ্যানুসারে বিবৃত করিয়া বলিয়াছি । বিগত সংখ্যার পূর্ব-সংখ্যক সাহিত্য-পরিষৎ-পত্রিকায় তাহা প্রকাশিত হইয়াছে, ইচ্ছা করিলে আপনারা তাহা দেখিতে পারেন । শুদ্ধিপত্রে ছাপার ভুল সবই সংশোধন করিয়া দেওয়া হইয়াছে কেবল এক স্থানের একটি ভুল অসংশোধিত রহিয়াছে । আমি বলিয়াছিলাম

“শিষ্য = যাহাকে শেষ করিয়া তুলিতে হইবে ; অর্থাৎ বিদ্যার সঞ্চার দ্বারা যাহাকে গড়িয়া তুলিতে হইবে ।”

কিন্তু ছাপায় দেখিলাম যে, শিষ্যের পরিবর্তে শিষ্টের ঐরূপ অর্থ করা হইয়াছে । ঐ স্থানটিতে দুইটি কথা আমার বক্তব্য ছিল ; একটি কথা এই যে,

শিষ্য = যাহাকে গড়িয়া তুলিতে হইবে । আর একটি কথা এই যে,

শিষ্ট = যাহাকে গড়িয়া তোলা হইয়াছে । ছাপার ব্যতিক্রম-গতিকে দুই কথার প্রভেদ বিলুপ্ত হইয়া যাওয়াতে ঐ স্থানটিতে পাঠকের একটু ধাঁদা লাগিতে পারে—তা ভিন্ন কথিত ছয়টি উপসর্গ সম্বন্ধে আমি আর আর যাহা বলিয়াছিলাম সমস্তই পত্রিকাতে যথাবৎ প্রকাশিত হইয়াছে । এক্ষণে অবশিষ্ট উপসর্গগুলির কাহার ভিতর কিরূপ অর্থ লুক্কায়িত আছে তাহার অন্বেষণে প্রবৃত্ত হওয়া যাক । অনেক সময়ে কেঁচো খুঁড়িতে খুঁড়িতে জাপ বাহির হয়, কিন্তু সৌভাগ্যক্রমে এখানে সেরূপ কোনো বিপদের আশঙ্কা নাই ; এখানে বরং ভগ্নাবশিষ্ট রাজধানীতে পুঙ্করিণী খনন করিতে করিতে সোণা-রূপার তৈজসপাত্র বাহির হইবারই সম্ভাবনা ।

কতকগুলি উপসর্গকে বিচারের দায় হইতে অব্যাহতি দেওয়া যাইতে পারে ;—স্ব = ভাল, ছঃ = নিন্দনীয় এবং পক্ষান্তরে কষ্টজনক, অমু = পশ্চাৎ পশ্চাৎ, উৎ = উপর দিকে, অতি = ‘বাড়াবাড়ি’, এই গুলিকে ( আদালতি ভাষায় ) বেকসুর খালাস দেওয়া যাইতে পারে ; কেননা



ইহাদের মধ্যে জটিলতা কিছুই নাই—সবই দিবালোকের স্থায় স্পষ্ট । এই সঙ্গে ‘অপি’ উপ-  
সর্গকে আর এক কারণে নিষ্কৃতি দেওয়া যাইতে পারে ; সে কারণ এই যে, অপি-উপসর্গের  
প্রয়োগ কেবল একটি মাত্র স্থানে দৃষ্ট হয় ; পিধান-শব্দে ; তন্নিম্ন আর কোনো স্থানেই  
তাহার দর্শন মিলে না । পিধান-শব্দে অপি’র অর্থসিদ্ধি পিধান তাহার পি মাত্র অবশিষ্ট রহি-  
য়াছে । খোটাই ভাষায় বস্ত্র-পরিধান = কাপড়া পিমান । পিমান শব্দ ঠিক পিধান শব্দের না  
হউক তাহারই সহোদর পিধান শব্দের অপভ্রংশ । অপি = Epi তাহাতে আর ভুল নাই,  
কেননা হইই বহিরাবরণ-জ্ঞাপক ; তার সাক্ষী

Epidermis = শরীরের বহিঃচর্ম ; পিধান = অপিধান = গাত্রাবরণ ।

গতবারে ছয়টি উপসর্গের একপ্রকার বিচার নিষ্পত্তি হইয়া চুকিয়াছে ; এখন আর  
ছয়টি উপসর্গ অব্যাহতি প্রাপ্ত হইল । অবশিষ্ট রহিল পরা অব নিঃ অধি প্রতি অভি উপ  
আ এই আটটি উপসর্গ ।

প্রথমে, ঐ আটটি উপসর্গের মধ্যে যে তিনটি অক্ শব্দের শিরোভাগে বাসতে আসন পায়,  
সেই তিনটির প্রতি মনোনিবেশ করা যাক । সে তিনটি হচ্ছে—অব প্রতি এবং পরা ;  
তার সাক্ষী

অব + অক্ = অবাক্

প্রতি + অক্ = প্রত্যক্

পরা + অক্ = পরাক্ ।

অক্ আসিয়াছে অক্ ধাতু হইতে । অক্ ধাতুর আর আর অর্থের মধ্যে একটি প্রধান  
অর্থ—গতি । অব + অক্ = নিম্ন দিকে যাহার গতি অথবা নিম্নদিকে যাহার ঝোঁক ।

অবায়ুথ = অবাক্ + মুথ = হেঁট মুখ ।

“অবাক্ হইলাম” এ অবাক্ স্বতন্ত্র, আর, অবায়ুথ-শব্দের অবাক্ স্বতন্ত্র ।

পূর্বোক্ত অবাক্ = অ + বাক্ = বাক্যরহিত ;

শেষোক্ত অবাক্ = অব + অক্ = নিম্নে অবনত ।

অব = Sub ।

অব উপসর্গের লক্ষ্য নিচের দিকে । প্রথমতঃ নিচু হই প্রকার—(১) দেশে নিচু এবং  
(২) ভাবে নিচু । দ্বিতীয়তঃ ভাবে নিচু তিন প্রকার—(১) লৌকিক ভাবে-নিচু, (২) দার্শনিক  
ভাবে-নিচু, এবং (৩) জ্যামিতিক ভাবে-নিচু । সবশুদ্ধ ধরিয়া চারিপ্রকার নিচু পাওয়া যাই-  
তেছে—(১) দেশে নিচু, (২) লৌকিক ভাবে-নিচু, (৩) দার্শনিক ভাবে-নিচু, (৪) জ্যামিতিক  
ভাবে-নিচু । অব উপসর্গের এই চারিপ্রকার নিচু অর্থেরই উদাহরণ যথেষ্ট রহিয়াছে ; তাহার  
গোটা কত নমুনা দেখাইতেছি প্রণিধান করা হোক :—

দেশে নিচু ... { অবরোহন  
অবতরণ  
অবলুপ্তন

লৌকিক ভাবে-নিচু...	{	অবজ্ঞা °
		অবহেলা
		অবমাননা
দার্শনিক ভাবে-নিচু...	{	অবাস্তর°
		অবধাবণ
		অবগতি
জ্যামিতিক ভাবে-নিচু.	{	অবশেষ
		অবচ্ছেদ
		অবকাশ

অবতরণ, অবরোহন, অবলুণ্ঠন, এই তিন শব্দের আদিস্থিত অব-উপসর্গের দেশে-নিচু অর্থ, আর, অবজ্ঞা অবহেলা এবং অবমাননা এই তিন শব্দের আদিস্থিত অব-উপসর্গের লৌকিক ভাবে-নিচু অর্থ ঐ ঐ শব্দের গায়ে লেখা রহিয়াছে বলিলে অতুক্তি হয় না ।

প্রণিধান করা হো'ক :-

অবরোহন = নিচে নাবা ।

অবতরণ = নিচে উত্তীর্ণ হওয়া ।

অবলুণ্ঠন = নিচে গড়াগড়ি দেওয়া ।

অবজ্ঞা = হয় জ্ঞান করা = নিচু করিয়া দেখা ।

অবহেলা = নিচে হেলন করা = নিচে ঠেলিয়া ফেলিবার মতন ভাব-ভঙ্গী প্রকাশ করা ।

অবমাননা = নিচু করিয়া মানা = তুচ্ছ তাচ্ছিল্য করা ।

অবধান শব্দের মৌলিক অর্থ—নিচের দিকে প্রণিধান ; কিন্তু কালক্রমে “নিচের দিকে” এই মূল অংশটি ব্যাঙাটির ল্যাজের জায় খসিয়া গিয়া উহার মূল অংশটি মাত্র অবশিষ্ট রহিয়াছে— শুধু প্রণিধান এই অর্থটি মাত্র অবশিষ্ট রহিয়াছে । অবলোকন-শব্দের আদিস্থিত অব-উপসর্গেরও ঐরূপ দশা । উভয়স্থলেই অব-উপসর্গের নিম্নশীলতা অর্থ সাপের পা'য়ের মতো লুপ্তাবশিষ্ট আকার ধারণ করিয়াছে । তোমার আগার চক্ষে সাপের পা আকাশ-কুসুমের জায় অলীক ; কিন্তু বৈজ্ঞানিক পণ্ডিতেরা—চক্ষ-চক্ষে এক আনা এবং জ্ঞান-চক্ষে পোনেরো আনা সবশুদ্ধ ধরিয়া ষোলোআনা—সাপের পা তাহার পাঁজরের ভিতরে লুক্কায়িত দেখেন । অবধান এবং অবলোকন শব্দের আদিস্থিত অব-উপসর্গের নিম্নশীলতা-অর্থ সাপের পা'য়ের মতো লুপ্তাবশিষ্ট আকার ধারণ করিলেও ঐ দুই শব্দের গোটা দুই মূখ্য প্রয়োগ-স্থলে উহা চক্ষুমান ব্যক্তির নিকটে স্পষ্ট ধরা পড়ে । প্রণিধান করা হউক :-

সাবধান = স + অবধান ।

এ শব্দটি প্রধানতঃ পথের কাঁটা খোঁচা এবং জঞ্জাল উপলক্ষেই ব্যবহৃত হয় । “দেখো যেন কাদায় পা পড়ে না—দেখো যেন পা'য়ে কাঁকর বেঁধে না—দেখো যেন ভিজে মাটিতে পা

পিছুলোয় না—সাবধান !” এ সকল স্থলে সাবধান শব্দের অর্থ পঠাই নিচের দিকে মনোযোগী হওয়া। তা ছাড়া, চামা রাইয়ত “অবধান” এই বাক্য উচ্চারণ করিয়া জমিদারের দৃষ্টি নিচের দিকে, অর্থাৎ আপনার দিকে, আকর্ষণ করে। রূপাবলোকন = রূপাপাত্রেয় প্রতি অবলোকন = নিচু ব্যক্তির প্রতি উচ্চ ব্যক্তির অবলোকন। নিম্নগামী স্নেহ-দৃষ্টি উপলক্ষেই আমরা বেশীর ভাগ মুখাবলোকন শব্দ ব্যবহার করি; যেমন পুত্রের মুখাবলোকন, বধুর মুখাবলোকন ইত্যাদি। তবে কিনা স্নেহ-দৃষ্টি বা রসপূর্ণ দৃষ্টি মাত্রই নিম্নগামী—বাস্তবিক নিম্নগামী যদি নাও হয় তথাপি ভাবে নিম্নগামী তাহাতে আর ভুল নাই। এইজন্য উচ্চ স্থানীয় বস্তুর প্রতি যখন আমরা স্নেহ অথবা রসপূর্ণ দৃষ্টি প্রেরণ করি, তখন সেই রসাত্মক উর্দ্ধগামী দৃষ্টিকেও এক হিসাবে অবলোকন বলা যাইতে পারে।

এইরূপ আমরা দেখিতেছি যে, অব-উপসর্গের দেশে-নিচু এবং লৌকিক ভাবে-নিচু এই দুই প্রকার অর্থ তাহার মধ্য হইতে খুব সহজে বাহির হয়; কিন্তু তাহার দার্শনিক এবং জ্যাগিতিক ভাবে-নিচু অর্থ উন্মোচন করা অতটা সুখসাধ্য নহে—উহারই মধ্যে একটু কষ্ট করিয়া তাহা টানিয়া বাহির করিতে হয়।

ইংরাজি গ্রাম দর্শনের ভাষায় “To class under” কাহাকে বলে তাহা কাহারো অবিদিত নাই। যাহা classed under তাহাকেই আমরা বলি—নিম্নশ্রেণী। অবাস্তুর শ্রেণীর অর্থ তা ভিন্ন আর কিছুই নহে। এখানে অব-উপসর্গের অর্থ—বিশেষ একপ্রকার সম্বন্ধে নিচু; কি সম্বন্ধে? না ব্যাপ্যব্যাপক সম্বন্ধে। ব্রাহ্মণজাতি একটা ব্যাপক শ্রেণী; আর, রাঢ়ীশ্রেণী, বারেন্দ্র-শ্রেণী, বৈদিক শ্রেণী এগুলি হ’চ্ছে তার অবাস্তুর শ্রেণী অর্থাৎ নিম্নস্থ শ্রেণী। রাঢ়ী; বারেন্দ্র প্রভৃতি শ্রেণী ব্যাপক ব্রাহ্মণ-জাতির নিম্নস্থ শ্রেণী বলিয়া অবাস্তুর শ্রেণী, আর ক্ষত্রিয় কৈশ্ব প্রভৃতি শ্রেণী ব্রাহ্মণজাতির পার্শ্বস্থ শ্রেণী বলিয়া জাত্যস্তুর শ্রেণী। এস্থলে

জাত্যস্তুর = পার্শ্বস্থ শ্রেণী ;

অবাস্তুর = নিম্নস্থ শ্রেণী ;

এই দুয়ের প্রভেদ সবিশেষ দ্রষ্টব্য।

অবধারণ কাহাকে বলে ?

অবধারণ করা = জিজ্ঞাস্য বিষয় কোন্ নৈয়ায়িক শ্রেণীর নিম্নে অবস্থিতি করে, তাহা স্থির করা। তার সাক্ষী—সম্মুখস্থিত জীবকে গোরু বলিয়া অবধারণ করা আর তাহাকে গোরু-শ্রেণীর বা গোজাতির নিম্নে নিক্ষেপ করা একই কথা। অবগত হওয়া কাহাকে বলে? সংস্কৃত ভাষায় অনেক স্থলে গত শব্দের অর্থ প্রাপ্ত; যেমন

নিদ্রাগত = নিদ্রাপ্রাপ্ত ;

শরণংগত = শরণ-প্রাপ্ত ;

অবগত হওয়া = অব + গত হওয়া = নিম্নে প্রাপ্ত হওয়া।

কাহার নিম্নে কাহাকে প্রাপ্ত হওয়া? জিজ্ঞাস্য বিষয়কে কোনো একটা নৈয়ায়িক শ্রেণীর

নিম্নে প্রাপ্ত হইয়া; তার সাক্ষী—“চীন জাতিকে :নির্বীৰ্য্য বলিয়া অবগত হইলাম” এই কথাটি নৈয়ায়িক ভাষায় অনুবাদ করিতে হইলে বলা উচিত যে, “চীনজাতিকে নির্বীৰ্য্য-শ্রেণীর নিম্নে প্রাপ্ত হইলাম।” ব্যাপ্যব্যাপক সম্বন্ধ একপ্রকার দার্শনিক আধার-আধেয় সম্বন্ধ বা আশ্রয়-আশ্রিত সম্বন্ধ। এই কারণ গতিকে পাশ্চাত্য জ্ঞান-দর্শনের অবয়ব-বৃহৎ হেতু-স্থানীয় এবং উদাহরণ-স্থানীয় ব্যাপক-তত্ত্বের নাম দেওয়া হইয়াছে Premise। এ দেশীয় জ্ঞান-দর্শনের অবয়ব-বৃহৎ অভ্যন্তরে যদিচ Premiseএর তুল্যার্থবোধক কোনো-একটা পুঙ্ক অবয়বের উল্লেখ নাই, কিন্তু দেশীয় জ্ঞান-দর্শনের মূল গ্রন্থে যে-স্থানটিতে বিভিন্ন প্রকার সিদ্ধান্তের বিভিন্ন সংজ্ঞা নির্ধারিত হইয়াছে, সেই স্থানটিতে Hypothesisএর নাম দেওয়া হইয়াছে অভ্যুপগম-সিদ্ধান্ত, আর, Premiseএর নাম দেওয়া হইয়াছে অধিকরণ-সিদ্ধান্ত। Premise এবং Hypothesisএর এই দুই খাঁটি স্বদেশীয় তাত্ত্বিক সংজ্ঞা ( Technical term ) আধুনিক বঙ্গীয় লেখকদিগের হয় তো বা কোন না কোন সময়ে কাজে লাগিয়া যাইতে পারে; অতএব প্রণিধান করা হোক,—

গৌতম-সূত্রের ভাষ্যকার বলিতেছেন “অনবধারিতার্থ পরিগ্রহঃ” যে বিষয় এখনো অবধারিত হয় নাই তাহা গ্রহণ করা;—কি অভিপ্রায়ে? না “বিশেষ পরীক্ষণায়” বিশেষের পরীক্ষা অভিপ্রায়ে অর্থাৎ Verificationএর অভিপ্রায়ে:—

“অনবধারিতার্থ পরিগ্রহঃ তদ্বিশেষ পরীক্ষণায় অভ্যুপগম সিদ্ধান্তঃ” বিশেষের পরীক্ষা অভিপ্রায়ে ( Verificationএর অভিপ্রায়ে ) অনবধারিত বিষয় গ্রহণ করা’র নাম অভ্যুপগত সিদ্ধান্ত। আপেল-পাত দেখিয়া নিউটন যখন মাধ্যাকর্ষণের সিদ্ধান্তে উপনীত হইলেন তখন সেটা তাহার অনবধারিত বিষয় ছিল—অনবধারিত হইলেও তিনি তাহা গ্রহণ করিলেন; কি অভিপ্রায়ে গ্রহণ করিলেন? না তৎসংক্রান্ত বিশেষ বিবরণের পরীক্ষা অভিপ্রায়ে; অর্থাৎ সে সিদ্ধান্তটিকে বিশেষ বিশেষ দৃষ্ট ঘটনার সহিত মিলাইয়া দেখিয়া তাহার সত্যাসত্য পরীক্ষা করিবার অভিপ্রায়ে। তবেই হইতেছে যে, অভ্যুপগম-সিদ্ধান্ত = Hypothesis। কিন্তু অভ্যুপগম শব্দটা বেজায় খটমোটে—তাহা বাঙ্গালার চালানো ছকর; যদিচ তাহার অর্থ খুব সোজা। অভ্যুপগত কি? না যাহা সম্মুখে উপগত বা উপস্থিত। আপেল-পাত দেখিয়া মাধ্যাকর্ষণের সিদ্ধান্ত নিউটনের মনোনেত্রে উপস্থিত হইল—অভ্যুপগত হইল, তাই তাহার নাম অভ্যুপগম সিদ্ধান্ত; সে সিদ্ধান্তটি তখন মনোনেত্রের সম্মুখে উপস্থিত হইল মাত্র—তাহা কতদূর সত্য তাহা পরীক্ষা করিয়া দেখা ভবিষ্যতের কার্য;—তখনকার কার্য তাহা নহে—তখনকার কার্য, সেই অভ্যুপগত অতিথিকে hypothesis বলিয়া গ্রহণ-পূর্বক তাহাকে পরীক্ষিতবোর কোটার স্থান দান করা। এখানে অভ্যুপগত এবং অভ্যুপগত এই দুই শব্দের অর্থ-সাদৃশ্য সর্বিশেষ দ্রষ্টব্য। অতএব, অভ্যুপগম-সিদ্ধান্ত যে, hypothesis ছাড়া আর কিছু হইতে পারে না ইহা দিবালোকের জ্ঞান স্পষ্ট। তবে কি? না যাহা বলিলাম—শব্দটা বেজায় খটমোটে! কিন্তু আর একদিকে ভেদান:

এটাও দেখা উচিত যে, খটমোটে ভাষা দর্শন-শাস্ত্রের স্রব্দের ভূষণ। যদি খটমোটে ভাষাকে দর্শন-রাজ্য হইতে বহিষ্কৃত করিয়া দিবার নিয়ম করা যায়, তাহা হইলে অগদ্ বিখ্যাত জর্জাণ-দেশীয় দর্শন-শাস্ত্রের সর্বশরীর ক্ষত বিক্ষত হইয়া তাহার একপ শোচনীয় দশা উপস্থিত হয় যে, তাহাকে চিনিতে পারা কঠিন হইয়া উঠে। অতঃপর প্রয়োজন নাই—মহর্ষি গৌতম যখন Hypothesisকে অভ্যুপগম-সিদ্ধান্ত নামে সংজ্ঞিত করিয়াছেন তখন তাহা উন্টানো তোমার-আমার সাধ্য নহে। এই গেল অভ্যুপগম সিদ্ধান্ত। • অধিকরণ-সিদ্ধান্ত কি? মহর্ষি গৌতম স্বয়ং বলিতেছেন “যৎসিদ্ধৌ অল্প প্রকরণ সিদ্ধিঃ সৌহৃদিকরণ সিদ্ধান্তঃ।” যাহা সিদ্ধ হইলে • অল্প প্রকরণ সিদ্ধ হয় তাহারই নাম অধিকরণ সিদ্ধান্ত। ভাষ্যকার বলিতেছেন “যস্যার্থস্ত সিদ্ধৌ অল্পে অর্থা অনুষজ্যন্তে” যে বিষয় সিদ্ধ হইলে অল্পাল্প বিষয় তাহার পশ্চাৎ পশ্চাৎ সিদ্ধ হয়, “ন তৈর্বিনা সৌহৃদঃ সিদ্ধ্যতি” সেই সকল অশ্রুত বিষয় ব্যতিরেকে যাহা আপনাআপনি সিদ্ধ হয় না, আর, “তেহর্থা যদধিষ্ঠানা” সেই সকল অশ্রুত বিষয় যাহাতে গুর করিয়া অবস্থিতি করে “সৌহৃদিকরণ সিদ্ধান্তঃ” তাহারই নাম অধিকরণ সিদ্ধান্ত। ইহার নব্য টীকা এইরূপঃ—“মনুষ্য জ্ঞানবান্ জীব” এই বিষয়টি সিদ্ধ হইলে “দেবদন্ত জ্ঞানবান্ জীব” এ বিষয়টি তাহার পশ্চাৎ পশ্চাৎ সিদ্ধ হয়; আবার দেব-দন্ত, ধনঞ্জয় এবং আর আর ব্যক্তি (individual) যদি জ্ঞানবান্ জীব না হয়, তবে “মনুষ্য জ্ঞানবান্ জীব” এ কথাটা কাঁচিয়া যায়; কিন্তু মনুষ্য জ্ঞানবান্ জীব এ কথাটা যদি পাকাপোক্ত রকমে সিদ্ধ হয়, তবে “দেবদন্ত জ্ঞানবান্ জীব” এ কথাটা তাহারই লেজুড় ধরিয়া পার পাইয়া যায়। একরূপ স্থলে “মনুষ্য জ্ঞানবান্ জীব” এই সিদ্ধান্তটি অধিকরণ শব্দের বাচ্য। এইরূপ দেখা যাইতেছে যে, পাশ্চাত্য ঞ্চায়শাস্ত্রে যাহার নাম Premise, দেশীয় ঞ্চায়শাস্ত্রে তাহারই নাম অধিকরণ। Premise এবং অধিকরণ উভয়েরই অর্থ আশ্রয়-স্থান। ফলে, ব্যাপ্যব্যাপক সম্বন্ধকে একপ্রকার আশ্রয়-আশ্রিত সম্বন্ধরূপে কল্পনা করিবার প্রথা প্রাচ্য এবং প্রতীচ্য উভয়-দেশীয় দর্শন-শাস্ত্রেই আবহমানকাল চলিয়া আসিতেছে। আশ্রয়শ্রিত সম্বন্ধ যদিচ ঠিক গণিত শাস্ত্রানুযায়ী উচ্চ নীচ সম্বন্ধ নহে, তথাপি তাহা ভাবে একপ্রকার উচ্চ নীচ সম্বন্ধ; তার সাক্ষী—

আশ্রিত কর্মচারি = under officer = নিচের কর্মচারী।

দার্শনিক হিসাবে যেমন ব্যাপ্য-শ্রেণী ব্যাপক-শ্রেণীর আশ্রিত, জ্যামিতিক হিসাবে তেমনি অংশ অংশীর আশ্রিত। এইজন্ত, এক হিসাবে যেমন ব্যাপ্য-শ্রেণীকে অবান্তর-শ্রেণী (কিনা নিয়ন্ত শ্রেণী) বলা হইয়া থাকে, তেমনি ঠিক সেই হিসাবে না হউক তাহারই অনুরূপ আর এক হিসাবে বিচ্ছিন্ন অংশকে অবশিষ্ট অংশ অর্থাৎ নিচের শেষাংশ বলা হইয়া থাকে। অবশেষ, অবচ্ছেদ, এবং অবকাশ, এই তিন শব্দে অব-উপসর্গের জ্যামিতিক ভাবে-নিচু-অর্থ অর্থাৎ স্পষ্টাকুর ধারণ করিয়াছে; তার সাক্ষী—

অবশেষ = নিচের শেষভাগ = প্রথম অংশ বা প্রধান অংশ অপনীত হইলে দ্বিতীয় অংশ বা



লৈজুড় অংশ যাহা পড়িয়া থাকে ।

অবচ্ছেদ = নিম্নস্থ বিষয়ের ছেদ = মূল বস্তু হইতে খণ্ডাংশের ছেদ ।

অবকাশ = আশ্রিত শূন্য এই অর্থে নিচের শূন্য = অংশ-স্থানীয় শূন্য । যেমন, মোচাবে মধ্য হইতে মোমটিরা উড়িয়া পলাইলে পরিত্যক্ত শূন্য ঘর-গুলি মোচাকে মধ্যস্থিত অবকাশ ;—ইংরাজিতে যাহাকে বলে vacuum । vacationকে ঠাাবে গতিকে অবকাশ বলা যাইতে পারে—বলা হইয়াও থাকে ।

আমরা যখন কপায় বলি “আমার অবকাশ নাই” তখন সেটা অবকাশ-শব্দের একটা আলঙ্কারিক প্রয়োগ মাত্র । যদিচ, বস্তুরই ফাঁক সম্বন্ধে, কার্যের ফাঁক সম্বন্ধে না তথাপি আমরা কার্য-প্রবাহের মধ্যস্থিত শূন্য কালাংশকে ফাঁকরূপে কল্পনা করিয়া—সেই কালাশ্রিত ফাঁককে অবকাশ-নামে সংজ্ঞিত করিয়া থাকি । এই সকল স্থলে অব-উপসর্গে অর্থ জ্যামিতিক ভাবে-নিচু অর্থাৎ ‘আশ্রিত-খণ্ডাংশ’ এই ভাবে নিচু । অবকাশ এব অবসর এ দুই শব্দের অর্থ প্রায় একই রূপ । সর কিনা নড়িবার চড়িবার পরিসর তাহারই নাম ফাঁকা স্থান । সর = ফাঁকা স্থান, আর, কাশ = শূন্য আকাশ, দুয়ের মধ্যে কেবল নামেরই প্রভেদ । এতক্ষণ ধরিয়া অব-উপসর্গ সম্বন্ধে যাহা বলিলাম সমস্ত কুড়াইয় আমরা এইরূপ পাইতেছি :—

(১) অবতরণ, অবরোহণ, অবলুপ্তন এ শব্দগুলিতে অব-উপসর্গের অর্থ পৃষ্ঠাপৃষ্ঠি দেশে-নিচু ।

(২) অবজ্ঞা, অবহেলা, অবমাননা, এ গুলিতে অব-উপসর্গের অর্থ লৌকিক ভাবে-নিচু ।

(৩) অবাস্তর, অবধারণ, অবগতি, এ গুলিতে অব-উপসর্গের অর্থ দার্শনিক ভাবে-নিচু ।

(৪) অবশেষ, অবচ্ছেদ, অবকাশ, এ গুলিতে অব-উপসর্গের অর্থ জ্যামিতিক ভাবে-নিচু ।

তাহার পরে আসিতেছে প্রতি-উপসর্গ । প্রতি-উপসর্গের মুখ্য অর্থ দিক্ বৈপরীত্য । মনে কর তুমি আমাকে একখানি পত্র পাঠ করিতে দিলে, আমি তাহা পাঠ করিয়া তোমাকে প্রত্যর্পণ করিলাম । একরূপ স্থলে পত্রখানি গ্রহণ করিবার সময় আমি যদি তাহা পূর্বদিক্ হইতে পশ্চিমদিকে আনয়ন করি, তবে তাহা প্রত্যর্পণ করিবার সময় পশ্চিমদিক্ হইতে পূর্বদিকে চালনা করি । এই প্রকার দিক্ বৈপরীত্যই প্রতি-উপসর্গের মৌলিক অর্থ ; তা বই উহার আর আর যত প্রকার অর্থ আছে সমস্তই ঐ মৌলিক অর্থ হইতে উৎপত্তি-লাভের স্পষ্ট নিদর্শন স্ব স্ব ললাটে ধারণ করে । “অমুক ব্যক্তি প্রতি অমুক ব্যক্তি সদ্যবহার করিল বা অসদ্যবহার করিল, সম্ভষ্ট হইল বা বিরক্ত হইল” একরূপ বলিলে প্রতি-উপসর্গের মন্ত্রগুণে হঠাৎ মনে হয় যেন সে দুই ব্যক্তির এক ব্যক্তি

পশ্চিমমুখা এবং আর এক ব্যক্তি পূর্বমুখা অথবা এক ব্যক্তি উত্তরমুখা এবং আর এক ব্যক্তি দক্ষিণমুখা হইয়া দণ্ডায়মান থাকা কালীন উভয়ের মধ্যে ঐরূপ ব্যাপার সংঘটিত হইল। এরূপ যে মনে হয় তাহার অবশ্য কারণ আছে; সে কারণ এই :—

(১) মনশ্চক্ষে বা চন্দ্রচক্ষে পরস্পরের সাক্ষাৎকার ব্যতিরেকে ছইজ্বনের মধ্যে কোনো প্রকার ব্যবহার চলিতে পারে না।

(২) মানসিক প্রতিমুখিতা ব্যতিরেকে মানসিক সাক্ষাৎকার ঘটিতে পারে না; বাস্তবিক প্রতিমুখিতা ব্যতিরেকে বাস্তবিক সাক্ষাৎকার ঘটিতে পারে না।

(৩) লক্ষ্য সমর্পণের দিক্‌বৈপরীত্য ব্যতিরেকে প্রতিমুখিতা সম্ভবে না।

(৪) দিক্‌বৈপরীত্যের প্রজ্ঞাপনই প্রতি-উপসর্গের একমাত্র কার্য।

দিক্‌বৈপরীত্য ছই প্রকার —

(১) অভিমুখী বস্তুদ্বয়ের দিক্‌বৈপরীত্য, আর—

(২) পরাশুখী বস্তুদ্বয়ের দিক্‌বৈপরীত্য। যদি একটা অপ্টেন এবং একটা ডাউন্টেন উভয়েই হুগলি অভিমুখে প্রধাবিত হয়, তবে একদিকে যেমন ছই টেন ছই বিপরীত দিকে প্রধাবিত হয়, আব একদিকে তেমনি উভয়ে পরস্পরের অভিমুখে প্রধাবিত হয়; ইহাই অভি-মুখী বস্তুদ্বয়ের দিক্‌বৈপরীত্য, অথবা যাহা একই কথা—প্রতিমুখী ভাবের দিক্‌বৈপরীত্য। ক্ষণপরে যখন হুগলি হইতে ঐ ছই টেন ছই বিপরীত দিকে প্রধাবিত হয়; তখন তাহারি নাম পরাশুখী বস্তুদ্বয়ের দিক্‌বৈপরীত্য অথবা পরাশুখী ভাবের দিক্‌বৈপরীত্য। প্রতি-উপসর্গ বৈশীর্ভাগ প্রতিমুখী ভাবের দিক্‌বৈপরীত্য-অর্থেই ব্যবহৃত হয়; কিন্তু স্থলবিশেষে পরাশুখী-ভাবের দিক্‌বৈপরীত্য অর্থেও তাহাকে ব্যবহৃত হইতে দেখা যায়। “সকল ব্যক্তি” বলিলে বুঝায় যে, ব্যক্তি সমষ্টির অন্তর্ভুক্ত; প্রতি-ব্যক্তি বলিলে বুঝায় যে, ব্যক্তি যেন সমষ্টি হইতে মুখ ফিরাইয়া দাঁড়াইয়া তাহার বিরুদ্ধে আপনার স্বাতন্ত্র্য সমর্থন করিতেছে। প্রতিজন প্রত্যেক প্রত্যহ প্রভৃতি শব্দে এইরূপ পরাশুখী-ভাবের দিক্‌বৈপরীত্য অতীব নিগূঢ়রূপে অবস্থিতি করে। মনে কর দশ ব্যক্তি গাড়ীতে উঠিল—সকলেই বাঙ্গালি, কিন্তু প্রতি জন বিভিন্ন পরিচ্ছদে পরিহিত। এস্থলে দ্রষ্টব্য এই যে, দশ ব্যক্তির মধ্যে যেখানে একা সেই খানেই “সকল” শব্দ বসিয়াছে, আর দশ ব্যক্তির মধ্যে যেখানে বৈপরীত্য বা প্রতিপক্ষতা সেইখানেই “প্রতি” শব্দ বসিয়াছে। লিব্‌নিট্‌জ্ নামক সুবিখ্যাত জর্মান পণ্ডিত একদা ফরাসীস দেশীয় রাজ-সভার মহিলাবর্গের সহিত রাজবাটীর উদ্যানে বেড়াইতে বেড়াইতে পার্শ্বচরী মহিলাগণকে লীলাচ্ছলে বলিলেন যে, সমস্ত উদ্যান ঘুঁটিয়া যদি আপনারা এমন কোনো ছইটি বৃক্ষপত্র বাহির করিতে পারেন যেহুটি সর্বাংশে সমান, তবে যে দণ্ড বলেন আমি তাহাই স্বীকার করিব। বলা বাহুল্য যে, মহিলাবর্গ সহজ চেষ্টা করিয়াও সেরূপ ছইটি পত্র খুঁজিয়া পাইলেন না। এই প্রকার ব্যক্তিগত বৈচিত্র্যকে একটু বেশী মাত্রা হুঁটা হইয়া তুলিবার জন্ত আমি ইতিপূর্বেও দৃষ্টান্তে দশজন বাঙ্গালিকে দশ প্রকার ভিন্ন পরিচ্ছদ

পরিধান করাইয়াছিলাম; কিন্তু উক্ত স্থলে ভিন্ন পরিচ্ছদের কথা উল্লেখ না করিলেও দৃষ্টান্তের বিশেষ কোনো অঙ্গহানি হয় না। দর্শজনের প্রতিব্যক্তি বলিলেই বুঝায় যে, প্রতি ব্যক্তি এক পক্ষ, এবং অবশিষ্ট নয় ব্যক্তি আর এক পক্ষ, আর, সেই প্রকার দুই দুই পক্ষ অল্প পরিমাণেই হউক আর অধিক পরিমাণেই হউক কোনো না কোনো পরিমাণে—কাজে না হউক ভাবে—পরস্পরের বিপরীত দিকে মুখ ফিরাইয়া রহিয়াছে—শারীরিক মুখ না হউক মানসিক মুখ ফিরাইয়া রহিয়াছে। ‘প্রতি’ শব্দের এইরূপ প্রচ্ছন্ন ভাবের পরাশ্রুতি অর্থে যদি শ্রোতা বা পাঠকের মন প্রবোধ না মানে, তবে তিনি প্রতীচী শব্দের আদিস্থিত ‘প্রতি’ উপসর্গের অর্থের প্রতি প্রণিধান করিলেই আশানুরূপ সম্ভাষণ লাভ করিতে পারিবেন তাহাতে আর সন্দেহ মাত্র নাই। অতএব প্রণিধান করা হোক,—

প্র + অক্ = প্রাক্ = প্রাচী ।

প্রতি + অক্ = প্রত্যক্ = প্রতীচী ।

পূর্বে বলিয়াছি যে, প্র-উপসর্গের লক্ষ্য সম্মুখের দিকে; কাজেই ‘প্রাচী’ শব্দের মৌলিক অর্থ সম্মুখের দিক্ ভিন্ন আর কিছুই হইতে পারে না। প্রাচী যখন সম্মুখ দিক্, তখন প্রাচী’র বিপরীত দিক্ অবশ্য পশ্চাৎ দিক্। এখন জিজ্ঞাস্য এই যে, সেই যে প্রাচীর বিপরীত দিক্—পশ্চাৎ দিক্—তাহা কোন্ দিক্? পশ্চিম এবং পশ্চাৎ এ দুই শব্দের মধ্যে কেবল ইম এবং আৎ এই দুই লেজুড় মাত্রের প্রভেদ; কিন্তু সে প্রভেদ যে কোনো কার্যেরই নহে—পাশ্চাত্য শব্দ তাহার জাজল্যমান প্রমাণ।

পাশ্চাত্য জাতি = পশ্চিম প্রদেশীয় জাতি ;

অথবা, যাহা একই কথা—

পশ্চাৎ প্রদেশীয় জাতি = পশ্চিম প্রদেশীয় জাতি ।

তবেই হইতেছে যে,

পশ্চাৎ দিক্ = পশ্চিম দিক্। কিন্তু পশ্চিম দিকের আর এক নাম প্রতীচী। অতএব এটা স্থির যে,

প্রতীচী দিক্ = পশ্চাৎ দিক্। পূর্বে দেখিয়াছি যে, প্রাচী শব্দের মৌলিক অর্থ সম্মুখের দিক্; এখন দেখিতেছি যে, প্রতীচী শব্দের মৌলিক অর্থ পশ্চাৎ দিক্। প্রাচী এবং প্রতীচীর মধ্যে এই যে পরাশ্রুতি ভাবের দিক্বেপরীত্য সম্বন্ধ—ইহার জন্ম প্রাচী-শব্দের আদিস্থিত প্র-উপসর্গ কোনো অংশেই দায়ী নহে—প্রতীচী শব্দাশ্রিত আদিস্থিত ‘প্রতি’ উপসর্গই একাকী তাহার জন্ম দায়ী; কেননা ‘প্রতি’ উপসর্গের দিক্বেপরীত্য-স্বত্রেই প্রতীচী বলিতে ‘প্রাচী’র উল্টা দিক্ বুঝায়, পশ্চিম দিক্ বুঝায়। প্রতীচী-শব্দাশ্রিত ‘প্রতি’ উপসর্গের পরাশ্রুতি অর্থ এত করিয়া বুঝাইতে হইল তাহার কারণ এই যে প্রতীচী-শব্দ বঙ্গভাষায় তেমন প্রচলিত নাই;—যদিচ পাশ্চাত্য শব্দের পরিবর্তে প্রতীচী-শব্দ গুণিতে মন্দ হয় না। কিন্তু ‘প্রতি’ উপসর্গের পরাশ্রুতি অর্থের জন্ম অত দূরে হাতড়াইবার

প্রয়োজন নাই;—তাহাব ঐ প্রকার অর্থ প্রতিনিবৃত্ত এবং প্রত্যাহার এই দুই শব্দের গারে লেখা বহিয়াছে; কেননা, প্রতিনিবৃত্ত হওয়ার নামই পরাশ্রুত হওয়া; আর, প্রত্যাহরণের নামই উল্টা দিকে টানিয়া লওয়া।

এখন দ্রষ্টব্য এই যে, প্রতিমুখিতা এবং পরাশ্রুততা• দুয়েতেই দিক্বেপবীত্য সমান মাত্রায় সূচিত হয়। যখন একটা অপট্রেন এবং একটা ডাউনট্রেন উভয়েই হুগলি অভিমুখে প্রধাবিত হইতেছে, তখনও একটা উত্তবাভিমুখী—একটা দক্ষিণাভিমুখী; আবার ক্ষণপবে যখন উভয়েই হুগলি ছাড়াইয়া চলিল, তখনও একটা উত্তবাভিমুখী—একটা দক্ষিণাভিমুখী। অতএব প্রতিমুখী এবং পরাশ্রুতী উভয়-ভাবেব গতিতেই দিক্বেপবীত্য অবিকল সমান। দিক্বেপবীত্য বিষয়ে প্রতিমুখিতা এবং পরাশ্রুততার মধ্যে এইরূপ যখন মিল বহিয়াছে, তখন দিক্বেপবীত্যের লেজুড ধবিয়া ‘প্রতি’ উপসর্গের অর্থাভাস্তবে কোনো স্থলে বা প্রতিমুখিতাব ভাব, কোনো স্থলে বা পরাশ্রুতাব ভাব প্রবেশ কবিলে—ইহা কিছুই আশ্চর্যের বিষয় নহে।

এক্ষণে পবা উপসর্গের অর্থ কিরূপ তাহা দেখা যাক। পবা-উপসর্গে আকাব আছে—পব শব্দে আকাব নাই, দুয়ের মধ্যে এইরূপ সাকার নিবাকাবেব প্রভেদ। পব-শব্দে প্রথমতঃ দ্বন্দ্ব বুঝায়—যেমন পর-পাব অথবা যেমন ঘব আব পব। দ্বিতীয়তঃ শক্রপক্ষ বুঝায়—যেমন পবস্তপ অর্থাৎ শক্র-সস্তাপক। তৃতীয়তঃ আপনাব মত আর একজন বুঝায়। পব শব্দের প্রথম দুই অর্থের ছায়া পরা-উপসর্গে এবং তৃতীয় অর্থের ছায়া para উপসর্গে সংক্রমিত হইয়াছে।

পব শব্দের দ্বন্দ্ব-অর্থ পবাক্ শব্দের পরা উপসর্গে অতীব স্পষ্টাকার ধারণ কবিয়াছে। প্রাচী এবং প্রতীচী, অথবা যাহা একই কথা প্রাক্ এবং প্রত্যক্, এ-দুয়ের মধ্যে কিরূপ সম্মুখ পশ্চাৎ সম্বন্ধ তাহা ইতিপূর্বে যথেষ্ট দেখা হইয়াছে, এক্ষণে পবাক্ এবং প্রত্যক্ এ-দুয়ের মধ্যে কিরূপ দ্বন্দ্ব-নিকট সম্বন্ধ তাহাব প্রতি একবাব প্রণিধান কবা হোক। পঞ্চদশী হইতে পবাক্ এবং প্রত্যক্ শব্দের পরস্পর প্রতিযোগিতাব একটি দৃষ্টান্ত উদ্ধৃত করিতেছি। তাহা এই :—

তে পবাক্ দর্শিনঃ প্রত্যক্ আশ্রুবোধবিবজ্জিতাঃ ।

কুর্কস্তে কৰ্ম ভোগায় কৰ্মকৰ্ত্ত্বুঃ ভুঞ্জতে ॥

ইহার অর্থ এই যে, সেই সকল প্রত্যগাশ্রু-বোধ-বিবর্জিত পরাঙ্গর্শী ব্যক্তির ভোগ করিবার জন্ত কৰ্ম কবে এবং কৰ্ম কবিবার জন্ত ভোগ করে। “প্রত্যক্ আশ্রু” কিনা নিকটস্থ আশ্রু; “পরাক্ বিষয়” কিনা দূরস্থ বিষয় অর্থাৎ বহির্বিষয়। এইটি এখান সর্বিশেষ দ্রষ্টব্য যে, প্রত্যক্ শব্দ যখন প্রাক্ শব্দের সহিত প্রতিযোজিত হয়, তখন প্রত্যক্ বলিতে প্রাক্দিকের অথবা প্রাচীদিকের উল্টাদিক বুঝায়—সম্মুখদিকের উল্টাদিক বুঝায়—পশ্চাৎ দিক বুঝায়—পশ্চিমদিক বুঝায়; আবার, ঐ একই প্রত্যক্ শব্দ যখন পরাক্ শব্দের



সহিত প্রতিযোজিত হয়, উৎকর্ষ প্রত্যক বলিতে পরাক্ বিষয়ের উন্টাদিক বুঝায়—দুঃস্থ বিষয়ের উন্টাদিক বুঝায়—নিকটস্থ বুঝায়। উভয়স্থলেই দিক্বেপরীত্য ঘটাইবার কর্তা 'প্রতি' উপসর্গ বই আর কেহ নহে।

পর্য উপসর্গ, যে দুরতা প্রতিপাদক—পর্যস্থ শব্দ তাহার অন্ততম প্রমাণ। বিমুখ হওনের অর্থ মুখ পাশ্বে ফিরানো—পর্যস্থ হওনের অর্থ মুখ দূরে সরানো; তবে, লৌকিক ব্যবহার-কালে ও-হই শব্দের অর্থ-বৈষম্য ধর্তব্যের মধোই নহে; কেবল মুখ পাশ্বে ফিরানো এবং দূরে সরানো একই ভাবের অভিব্যঞ্জক—হইই বিরাগ ভাবে অভিব্যঞ্জক।

পর-শব্দের দুরতা-অর্থ এবং শক্রতা-অর্থ এই দুয়ের সন্নিহিত্য অনেক সময়ে পরা-উপসর্গের অর্থের অভ্যন্তরে প্রবেশ করিতে দেখা যায়। পরাজয়, পরাভব, পরাহত পরাক্রম, এই সকল শব্দের প্রতি দৃষ্টিপাত করিলে শক্রদিগকে দূরে হটাইয়া দিবার ভাব সর্বাগ্রে নেত্র পথে উপস্থিত হয়। দুরতা এবং শক্রতা এ-হই অর্থ ব্যতীত পর-শব্দের তৃতীয়-অর্থ আপনার মত আর একজন। পর-শব্দের এইরূপ সমতুল্যতা বা সমকক্ষতা অর্থ para উপসর্গে দিবালোকের ছায় সুপরিষ্কৃত হইয়াছে; এমন কি, সে অর্থের কর্তকটা ছায়া দেশীয়ভাষায় পার-শব্দের গাত্রে সংক্রমিত হইয়াছে। তার সাক্ষী—নদীর এপার ওপার মোটামুটি হিসাবে parallel কিনা সমান্তরপাতী। ফলে, সোজাসুজি ভাবের দুরতার সঙ্গে parallel ভাবের যেকোন ঘনিষ্ঠ জ্যামিতিক সম্বন্ধ, তাহাতে পরা-উপসর্গের দুরবর্তিতা অর্থ এবং parallel শব্দের সমান্তরপাতিতা অর্থ দুয়ের মধ্যে মূলগত ঐক্য না থাকিবার কোনও কারণ দেখা যায় না। পরাক্ এবং তির্ষাক্ এই দুই শব্দকে পরস্পরের সহিত মিলাইয়া এইরূপ দেখিতে পাওয়া যায় যে, উভয়েরই অন্তে অক্ রহিয়াছে, আর, উভয়েই জ্যামিতিক ভাবের দুরতা-ব্যঞ্জক; প্রভেদ কেবল এই যে, তির্ষাক্ শব্দে ত্যাড়্‌চা-ভাবের বা কোণাকুনি-ভাবের দুরবর্তিতা বুঝায়, পরাক্ শব্দে সোজাসুজি ভাবের দুরবর্তিতা বুঝায়। পব, পার, পরা এবং পরাক্—এই শব্দগুলির মধ্যে যেমন নিকট সম্বন্ধ; তর, তীব, ত্বরা এবং তির্ষাক্—এ. গুলির মধ্যেও সেইরূপ। তা ছাড়া, নদীর তীর এবং নদীর পার—একই। নদী তরিয়া যেখানে পৌছানো যায় তাহাই নদীর তীর; নদী পেরিয়ে যেখানে পৌছানো যায়, তাহাই নদীর পার। কিন্তু উহারই মধ্যে পার এবং তীরের ভিতরে অল্প একটু অর্থের ইতর-বিশেষ আছে; তাহা এই যে, তীর বলিতে যেমন-তেমন নদীর কিনারা বুঝায়; পার বলিতে এপার ওপারের মধ্যে মোটামুটি রকমের Parallel ভাব বুঝায়। এখন বক্তব্য এই যে, (১) Para উপসর্গের সমকক্ষতা অর্থ; (২) পার-শব্দের Parallelধাঁচার দুরত্ব অর্থ; (৩) পরা-উপসর্গের সোজাসুজি রকমের দুরত্ব অর্থ; (৪) পর-শব্দের "আপনার সদৃশ অথচ আপনা হইতে দুরবর্তী" এইরূপ সন্নিহিত্যভাবের অর্থ; এই সকল সমশ্রাব্য শব্দের নিকট সম্পর্কীয় অর্থ-গুলির মধ্যে ভাব-সাদৃশ্য ঘাটা দেখিতে পাওয়া যায়, তাহা আকস্মিক বলিয়া উড়াইয়া দেওয়া



ধুব সহজ—কিন্তু তাহার মূল অন্বেষণ করিয়া বাহির করিতে পারিলে ভাষাতত্ত্ব-বিজ্ঞানের বিশেষ একটা অতীষ্ট কার্য নিষ্পাদন করা হয়, তাহাতে আর ভুল নাই ।

পরামর্শ-শব্দের ‘পর’ উপসর্গও যে, দূরতা ব্যঞ্জক, তাহা একটু ভাবিয়া দেখিলেই বুঝিতে পারা যাইবে। নৈমগ্নিক ভাষায় পরামর্শ-শব্দের অর্থ “ব্যাপ্যস্ত পক্ষত্ব ধর্মধীঃ” অর্থাৎ ব্যাপ্য-বিষয়ের পক্ষত্ব-ধর্ম অবধারণ। “পক্ষত্ব” কিনা partyত্ব। এখানে পৌরুষের ভাব (personality) বাদ দিয়া party শব্দের অর্থ গ্রহণ করা হোক :—যদি বলা যায় যে, জীবজন্তু বহিরিঙ্গিরের সজ্বাত, তবে অন্তরিস্ত্রিয়কে party করা হয় নাই বলিয়া কথাটার দোষ পড়ে ;—এখানে অন্তরিস্ত্রিয়কে আলঙ্কারিক হিসাবে party বলা হইতেছে। পক্ষত্ব-অবধারণ বলিতে এইরূপ আলঙ্কারিক ভাবের partyত্ব-অবধারণ বুঝায় ; সে partyত্ব-অবধারণ এইরূপ :—

“ব্রাহ্মণোচ্চিত আচার” বলিতে আমরা বন্দ্যোপাধ্যায় চট্টোপাধ্যায় প্রভৃতি বঙ্গদেশীয় ব্রাহ্মণ-মণ্ডলীর আচার ব্যবহার বুঝিয়াই কাস্ত থাকি—সারস্বত ব্রাহ্মণ বা স্মৃতি কোনো দূর-দেশীয় ব্রাহ্মণের আচার ব্যবহার গণনার মধ্যে আনি না। সারস্বত-শ্রেণীর ব্রাহ্মণ-সম্প্রদায় আমাদের চক্ষের সম্মুখ হইতে বহুদূরে অবস্থিতি করিলেও—তাহা যখন ব্রাহ্মণত্বের ব্যাপ্য অর্থাৎ ব্রাহ্মণের কোটায় স্থান পাইবার যোগ্য, তখন—ব্রাহ্মণ-জাতিবিষয়ক কথার আন্দোলন-কালে সারস্বত ব্রাহ্মণকেও একটা পক্ষ বলিয়া ( party বলিয়া ) গণনা করা কর্তব্য। এইরূপ, ব্যাপ্য-বিষয় দূরবর্তী হইলেও তাহার পক্ষত্ব ( partyত্ব ) অবধারণ করা’র নাম পরামর্শ—“ব্যাপ্যস্য পক্ষত্ব ধর্মধীঃ”। অতএব এটা স্থির—যে, পরামর্শ একপ্রকার দূরায়-গর্ত্ত যুক্তি ।

তাহার পরে আসিতেছে অভি উপসর্গ। অভি উপসর্গের লক্ষ্য প্রার্থনীয় বস্তুর প্রতি । পূর্বে প্রমাণ করা হইয়াছে যে, প্র-উপসর্গের লক্ষ্য সম্মুখের দিকে। ‘প্রার্থনীয় বস্তু’ কিনা প্র + অর্থনীয় বস্তু। প্রার্থনীয় বস্তু বলাও যা, আর, মনোনেত্রের সম্মুখবর্তী অতীষ্ট বিষয় বা উদ্দেশ্য বলাও তা, একই কথা। প্র-উপসর্গের সম্মুখবর্তিতা-অর্থের সহিত বিষয়ের ভাব, অর্থের ভাব, বা উদ্দেশ্যের ভাব, সংযোজিত হইলেই তাহা অভি-উপসর্গে পরিণত হয়। প্র এবং অভি দুয়েরই লক্ষ্য সম্মুখদিকে ; তাহার মধ্যে প্রভেদ এই যে, অভি-উপসর্গের বিশেষ কোনো একটা বিষয় বা উদ্দেশ্য বিদ্যমান থাকি চাই—প্র-উপসর্গের তাহা চাই না।

তার সাক্ষী—

• প্রধাবন = সম্মুখে দৌড়িয়া চলা মাত্র ।

অভিধাবন = সম্মুখস্থিত ব্যক্তির প্রতি তাড়াইয়া যাওয়া ।

প্র-উপসর্গের লক্ষ্য সামুদ্রিক দীপস্তম্ভের আলোকের স্থায় (Light-houseএর আলোকের স্থায়) প্রমুগ্ধভাবে সম্মুখে প্রসারিত হয় ; অভি উপসর্গের লক্ষ্য ঐন্দ্রজালিক প্রদীপের আলোকের স্থায় (magic lanternএর আলোকের স্থায়) সম্মুখবর্তী দৃশ্যে মুগ্ধিত হয় ।

তার সাক্ষী—অভিধানের ঐন্দ্রজালিক আলোকে ধ্যেয় বস্তু চিত্তপটে প্রত্যক্ষবৎ উদ্ভাসিত হয় । ফলে, অভি = ob ।

অভি + প্রায় = ob + ject

আমার যা অভিপ্রায় তা এই = The object I have in view is this.

Object এবং অভিপ্রেত বিষয় দুয়ের অর্থ-সাদৃশ্য সর্বাপেক্ষ সুন্দর । নিম্নে প্রণিধান করা হউক :—

প্রেত = প্র + ইত = প্র + গত । প্র-গত বলিতে দুইরূপ বুঝায়—সম্মুখ-গতও বুঝায়, আর, যাহা সম্মুখ হইতে গত হইয়াছে, এক কথায়—যাহা প্রস্থান করিয়াছে, তাহাও বুঝায় । ভূত-প্রেতের প্রেতের সহিত শেযোক্ত অর্থ, আর, অভিপ্রেতের প্রেতের সহিত পূর্বোক্ত অর্থ, বিশিষ্টরূপে সংলগ্ন হয় ।

অভিপ্রেত = সম্মুখে গত ; আর,

Object = অভিject = সম্মুখে প্রক্ষিপ্ত ; দুয়ের মধ্যে এই যা প্রভেদ । ভাবার্থ দুয়েরই অবিকল সমান ; তাহা আর কিছু না—যাহা মনোনেত্রের সম্মুখে প্রভাসিত হয় । তার সাক্ষী—অভিপ্রেত বিষয়, অভীষ্ট বিষয়, অভিলষিত বিষয়, অভিধ্যেয় বিষয়, এ সমস্তই বিশিষ্টরূপে object-স্থানীয় বিষয় । অভি-উপসর্গ কর্ণধারের ঞায়-ঐ সকল শব্দের মূল স্থানে বসিয়া সমস্তেরই গতি সম্মুখবর্তী কূলের দিকে নিয়মিত করিতেছে ।

“অভিমুখ” বলিলেই সম্মুখস্থিত একটা কোন লক্ষ্য বস্তুর প্রতি অভিমুখ বুঝায় । “অভিধান” বলিলেই ধ্যেয় বস্তুকে মনোনেত্রের সম্মুখে আনয়ন করা বুঝায় । “অভিজ্ঞান” বলিলেই জ্ঞেয় বস্তু মনশ্চক্ষে প্রত্যক্ষবৎ প্রতীয়মান হইতেছে বুঝায় । শকুন্তলার আঙুটি দেখিয়া ছয়স্তু রাজা যেমন অত্যন্ত বৃত্তান্ত মনশ্চক্ষের সম্মুখে প্রত্যক্ষবৎ দেখিতে লাগিলেন, সেইরূপ অল্প কোনো সূত্রে জ্ঞেয় বিষয়কে মনোনেত্রে প্রাপ্ত হওয়ার নাম, অথবা যাহা একই কথা—চিহ্ন বা লক্ষণ দেখিয়া জ্ঞেয় বস্তুর পরিচয় প্রাপ্ত হওয়ার নাম—অভিজ্ঞান ।

অভিনয় = সম্মুখে আনয়ন = রঙ্গভূমিতে দর্শকের সমক্ষে নানা প্রকার দৃশ্যের আনয়ন ।

অভিধান = সম্মুখে স্থাপন করা = নামোচ্চারণের সম্ভবে নাগীকৃত বস্তুকে মনশ্চক্ষের সম্মুখে দাঁড় করানো ।

সংস্কৃত কাব্যাদিতে অভিসার নামক একটা উচ্ছৃঙ্খল প্রণয়ের ব্যাপার মধ্যে মধ্যে বর্ণিত হইয়া থাকে ; বিজ্ঞান-চর্চার অনুরোধে সে বিষয়টার সম্বন্ধে একটা কথা স্বল্প উল্লেখ করা আবশ্যিক মনে করিতেছি । অভিসারণ = অভি + সরণ । সরণ শব্দে শুধু কেবল চলা বুঝায় ; কিন্তু তাহার সহিত অভি-উপসর্গ সংযোজিত হওয়াতে চলার অর্থ দাঁড়াইয়াছে—মনোনেত্রের সম্মুখবর্তী গুস্তব্য প্রিয়-নিকেতনের অভিমুখে চলা । অভিবাদন, অভ্যর্থনা, প্রভৃতি শিষ্টাচার-ব্যঞ্জক অভিপূর্বক শব্দগুলিতে অভি-উপসর্গের লক্ষ্য একরূপ স্পষ্টভাবে সম্মুখস্থিত ব্যক্তির প্রতি নিবন্ধ দেখিতে পাওয়া যায় যে, তাহার সবিশেষ ব্যাখ্যা নিম্প্রয়োজন । উদাহরণ এই পর্য্যন্তই যথেষ্ট—এখন একটা পৌরাণিক রহস্যের প্রতি প্রণিধান করা হউক :—

মূল আর্যজাতি যে, এক আদিম নিবাস হইতে দুই বিপরীত দিকে দুইশাখা প্রসারণ করিয়াছিলেন, সেই রহস্য-কাহিনীর একটী দুইমুখা চাবি এতকালের পর খুঁজিয়া পাওয়া গিয়াছে ;—সে চাবির একটী মুখ প্রতি-উপসর্গ এবং আর একটী মুখ অভি-উপসর্গ।

Occident = ob + cident = অভি + পতিত = যাহা সম্মুখে পড়ে । এখানে পড়া এবং উপস্থিত হওয়া এ দুয়ের অর্থ-সাদৃশ্য সর্বিশেষ দ্রষ্টব্য ; এইটি দ্রষ্টব্য যে,—

বিপৎপাত = বিপদ পড়া = বিপদ উপস্থিত হওয়া ।

Accident = যাহা ad + cident = যাহা আ + পতিত = আপদ = যাহা গায়ের উপর আসিয়া পড়ে ।

Occident = ob + cident = অভি + পতিত = সম্মুখে উপস্থিত । শুধু যে কেবল সম্মুখে উপস্থিত তা নয়—তা অপেক্ষা আর একটু বেশী । কি ? না সম্মুখে উপস্থিত প্রার্থনীয় বিষয়, অভিপ্রেত বিষয়, অভীষ্ট বিষয়, objectরূপী বিষয় ; কেননা সর্ব প্রথমেই বলিয়াছি যে, অভি-উপসর্গের লক্ষ্য সম্মুখবর্তী প্রার্থনীয় বস্তুর প্রতি ।

এইরূপ যখন আমরা পাইতেছি যে, occident দিক = সম্মুখবর্তী অভিপ্রেত দিক, এক কথায়—গম্য দিক, তখন তাহা অপেক্ষা এবিষয়ের আর অধিক প্রমাণ কি হইতে পারে যে, আদিম নিবাস হইতে বহিঃপ্রয়াণকালে, পশ্চিমদিক, যাহা ভারতবর্ষীয় আর্যদিগের পশ্চাৎদিক ছিল, তাহাই পাশ্চাত্য আর্যদিগের সম্মুখদিক ছিল । তখন দিকদর্শনী অর্থাৎ সামুদ্রিক কম্পাস ছিল না—কাজেই বিদেশ-যাত্রাকালে পূর্বতন আর্যেরা একপ্রকার শাব্দিক দিকদর্শনী গড়িয়া লইতে বাধ্য হইয়াছিলেন । ভারতবর্ষীয় পুরাতন দিকদর্শনীর চারিটা কঁটা এইরূপ :—

উদীচী = উচ্চস্থান

↑

প্রতীচী = পশ্চাৎ

প্রাচী = সম্মুখ

দক্ষিণ = ডাহিন দিক

পূর্বদিক = প্রাচীদিক = সম্মুখের দিক = গম্য দিক ।

পশ্চিমদিক = প্রতীচী-দিক = সম্মুখের বিপরীত দিক = পশ্চাৎ দিক = পরিহার্য দিক ।

দক্ষিণদিক = পূর্বাভিমুখে যাত্রাকালে দক্ষিণ-হস্ত যে দিকে পড়ে সেই দিক ।

উত্তরদিক = উদীচী = উৎপ্রদেশ = উচ্চপ্রদেশ = Highlandপ্রদেশ = হিমালয়-সংশ্রিত পার্বত্য-প্রদেশ ।

ভারতবর্ষীয় • আৰ্য্যদিগের দিক্‌দর্শনীতেই পশ্চিমদিক = পশ্চাৎ দিক ; কিন্তু পাশ্চাত্য আৰ্য্যদিগের দিক্‌দর্শনীতে—

পশ্চিমদিক = Occident দিক = ob + cident দিক = অভি-পতিতদিক = সম্মুখবর্তী অভিপ্রেত-  
দিক = গন্তব্য দিক ।

ইহাকে এক যাত্রায় পৃথক ফল বলে না—ইহাকে বলে দুই যাত্রায় পৃথক ফল ।

Latin অভিধান আমার নিকটে নাই সুতরাং ল্যাটিন অভিধানকারেরা Occident শব্দ ভাঙিয়া তাহার মধ্য হইতে ‘পশ্চিম’ অর্থ কিরূপে টানিয়া বাহির করিয়াছেন তাহা আমি বলিতে পারি না । কিন্তু তাহা বলিয়া, আপনারা এরূপ মনে করিবেন না যে, Occident শব্দের ঐ যেরূপ অর্থ আমি প্রদর্শন করিলাম তাহা আমার স্বকপোল-কল্পিত । আমি আমার একজন বন্ধুকে দিয়া ঐ বিষয় সম্বন্ধে সেন্ট্ জেভিয়র কলেজের রেক্টর এন্ হ্যাগেন্-বেক সাহেবের মত জিজ্ঞাসা করিয়া পাঠাইয়াছিলাম ; রেক্টর সাহেব আমার কৃত ঐ অর্থ সম্পূর্ণ সন্মোদন করিলেন, আর, সেই সম্বন্ধে মাক্সমুলার এবং অগ্ৰাণ্ড প্রাচ্যতত্ত্ববিৎ ( অর্থাৎ Orientalist ) পণ্ডিতদিগকে ঐ সম্বন্ধে পত্র লিখিয়া তাঁহারা কি বলেন তাহা জানিতে পরামর্শ দিলেন ।

অতঃপর আসিতেছে নিঃউপসর্গ অর্থাৎ সবিসর্গ নি উপসর্গ ।

নিঃ = ex

তার সাক্ষী

নিঃশেষণ = নিঃ + শেষণ = ex + terminaton = Extermination.

\* এখানে নির্বিসর্গ নি এবং সবিসর্গ নি দুয়ের অর্থ-বৈষম্য—অর্থের বৈষম্য শুধু নয়, অর্থের বৈপরীত্য, সর্বিশেষ দ্রষ্টব্য :—

সবিসর্গ নিঃ = ex = out,

নির্বিসর্গ নি = in ;

তার সাক্ষী

নিবসন = বাসস্থানের অভ্যন্তরে থাকা ।

নির্বাসন = বাসস্থান হইতে বহিষ্করণ ।

নিরীক্ষণ = বাহির করিয়া দেখা অর্থাৎ লক্ষ্য বস্তুকে আশ-পাশের জঞ্জাল হইতে পৃথক করিয়া তাহার প্রতি দৃষ্টি নিবদ্ধ করা ।

নির্ধারণ = জ্ঞাতব্য বিষয়কে পার্শ্ববর্তী সমজাতীয় বস্তুর দল হইতে বাহির করিয়া আনিয়া . তাহার বিশেষত্বের প্রতি মনশ্চক্ষু নিবদ্ধ করা ।

গৌতম-সূত্রে নির্ণয় শব্দের যেরূপ অর্থ করা হইয়াছে, তাহার প্রতি একবার প্রণিধান করা হউক :—

“বিমৃশ্য পক্ষ প্রতিপক্ষাভ্যাং অর্থাবধারণং নির্ণয়ঃ ।”

অর্থাৎ বিচার-পূর্বক পক্ষ এবং প্রতিপক্ষের মধ্য হইতে ( অর্থাৎ thesis এবং antithesisএর মধ্য হইতে ) প্রকৃত সিদ্ধান্ত টানিয়া বাহির করার নাম নির্ণয়। ইহার একটা উদাহরণ দিতেছি—তাহা দেখিলেই নির্ণয়-শব্দের প্রকৃত অর্থ, এবং সেই সঙ্গে তাহার আদিস্থিত নিঃউপসর্গের সার্থকতা, পরিষ্কাররূপে বুঝিতে পারা যাইবে।

(১) চন্দ্র হয় গ্রহ, নয় উপগ্রহ।

(২) গ্রহ মাত্রই সাক্ষাৎ সন্মুখে সূর্য্যকে প্রদক্ষিণ করে।

(৩) চন্দ্র তাহা করে না।

(৪) অতএব চন্দ্র গ্রহ হইতে পারে না।

(৫) তবেই হইতেছে যে, চন্দ্র উপগ্রহ। ইহারই নাম চন্দ্রকে উপগ্রহ বলিয়া নির্ণয় করা। এখানে যাহা করা হইল তাহা এই :—

একটা পক্ষ এই যে, চন্দ্র গ্রহ; আর একটা পক্ষ এই যে, চন্দ্র উপগ্রহ। এই দুই পরস্পর-বিরোধী পক্ষের একটাকে সরাইয়া অপরটাকে যুক্তিদ্ধারা টানিয়া বাহির করা হইল :— ইহারই নাম নির্ণয়। নির্ণয় শব্দের অর্থের মধ্যে, এইরূপ, সিদ্ধান্ত টানিয়া বাহির করিবার ভাব সঞ্চারিত করা সবিসর্গ নিঃউপসর্গেরই কার্য, তাহাতে আর সন্দেহ নাই।

প্রচলিত বঙ্গভাষায় ক্রিয়াবাচক-শব্দের লেজুড় স্বরূপে যেখানে ‘তোলা’ শব্দ ব্যবহৃত হয়, সেখানে তোলা-শব্দের অর্থ—বাহির করা; তার সাক্ষী টানিয়া তোলা=টানিয়া বাহির করা। আমরা একদিকে যেমন বলি যে, “মুখচক্ষু দিয়া সৌন্দর্য্য ফুটিয়া বাহির হইতেছে” আর একদিকে তেমনি বলি যে, “চিত্রকর মুখের সৌন্দর্য্য ফুটাইয়া তুলিয়াছে”; এস্থলে দেখিতেই পাওয়া যাইতেছে যে, ফুটাইয়া তোলাও যা, আর, ফুটাইয়া বাহির করাও তা, একই কথা। এইজন্য, টানিয়া তোলা, ফুটাইয়া তোলা, করিয়া তোলা, গড়িয়া তোলা, এই ভাবের সংস্কৃত-ঘঁাসা শব্দে প্রায়ই নিঃউপসর্গ সংযোজিত হইয়া থাকে। তার সাক্ষী—

নির্কাহ বা নিষ্পাদন = করিয়া তোলা।

নির্ম্মাণ = গড়িয়া তোলা।

নির্কাচন বা নির্কচন = বাক্যের ঠিক অর্থটি বিবৃত করিয়া তোলা—Define করিয়া তোলা।

বস্তু-বাচক বা ভাব-বাচক শব্দে অনেক সময় নিঃউপসর্গের বহিষ্কার-অর্থ বিহীনতা-অর্থে পরিণত হয়; কিন্তু সে বিহীনতা বহিষ্কারেরই ফল-স্বরূপ। তার সাক্ষী—

নিশ্বেজ = তেজোহীন; • তেজোহীন কেন? না যেহেতু তেজ বহিষ্কৃত হইয়া গিয়াছে।  
বস্তুবাচক বা ভাব-বাচক শব্দের আদিস্থিত নিঃউপসর্গেরই ঐরূপ অর্থাস্তর ঘটে; • ক্রিয়াবাচক শব্দের আদিস্থিত নিঃউপসর্গের অর্থ যেমন তেমনি অবিকৃত থাকে। তার সাক্ষী—

সম্বল শব্দ বস্তু-বাচক তাই—নিঃসম্বল = সম্বলবিহীন।

গমন শব্দ ক্রিয়াবাচক তাই—নির্গমন = বহির্গমন।



শ্বাস শব্দ বস্তুবাচক তাই—সবিসর্গ নিঃশ্বাস = শ্বাস-বিহীন । শ্বসন-শব্দ ক্রিয়াবাচক তাই নিঃশ্বাসিত = বহিঃশ্বাসিত ।

এখানে এইটি সবিশেষ দ্রষ্টব্য যে, আমরা যখন বলি যে, কবির হৃদয় হইতে কবিতা নিঃশ্বাসিত হইতেছে, তখন সে নিঃউপসর্গ সবিসর্গ ; পক্ষান্তরে যখন বলি “নিঃশ্বাস টানিতেছি” তখন সে নিঃউপসর্গ নিঃবিসর্গ । সবিসর্গ নিঃশ্বাস এবং নিঃবিসর্গ নিঃশ্বাস দুয়ের মধ্যে এইরূপ স্পষ্ট প্রভেদ সর্বত্রও অনেকে তাহা দেখিয়াও দেখেন না ; এমন কি পণ্ডিত-মণ্ডলীর মধ্যেও অনেকে নিঃশ্বাস-প্রশ্বাসের নিঃউপসর্গে বিসর্গ বসাইতে কিছু মাত্র কুণ্ঠিত হ'ন না । সচরাচর আমরা বলি বটে যে, নিঃশ্বাস ফেলিতেছি কিন্তু সেটা তারি ভুল—বলা উচিত “শ্বাস ফেলিতেছি” । কেননা, নিঃশ্বাস যদি সবিসর্গ হয় তবে তাহার অর্থ শ্বাস-বিহীন ; আর, তাহা যদি নিঃবিসর্গ হয়, তবে তাহার অর্থ ভিতরে টানিয়া লওয়া শ্বাস ; দুয়ের কোনোটিরই সহিত নিঃশ্বাস-ক্রিয়া সংলগ্ন হয় না । ফলেও এইরূপ দেখা যায় যে, কোনো সংস্কৃত গ্রন্থে নিঃশ্বাস-ক্ষেপণ বা নিঃশ্বাস-পাতন একপ্রকার শব্দ-যোজনার দৃষ্টান্ত কুত্রাপি দেখিতে পাওয়া যায় না ।

তার পর আসিতেছে উপ-উপসর্গ । উপসর্গ-শব্দ নিজেই উপ-উপসর্গের একটি প্রধান দৃষ্টান্ত-স্থল । সর্জন শব্দে ত্যাগ বা প্রক্ষেপণ বুঝায় । মূল-শব্দের গাত্রে যাহা উত্তরীয় বস্তুর স্থায় উপনিষ্কিপ্ত হয় তাহাই উপসর্গ । উপ-উপসর্গের যেখানে যে-ভাবে যত প্রকার প্রয়োগ আছে, সকল স্থলেই একটা বড় বিষয়ের বা প্রধান বিষয়ের প্রাস্ত-ঘাঁসা ছোটোখাটো বিষয় বা লঘীমান্ব বিষয় সূচিত হয় । তার সাক্ষী—

উপকূল = কূলঘাঁসা প্রদেশ ।

উপাস্ত = প্রাস্তঘাঁসা প্রদেশ ।

উপবেশন = কোনো একটি প্রদেশ ঘেঁসিয়া তাহার একস্থানে বসা ।

উপাসনা = সেবার্থে প্রাস্ত ঘেঁসিয়া বসা ।

ইট কাট প্রভৃতি বিবিধ উপকরণ সামগ্রী প্রকরণ-বিশেষের বশবর্তী হইয়া গঠিতব্য মন্দিরে পরিণত হয় । এখানে স্পষ্টই দেখা যাইতেছে যে, উপকরণ প্রকরণের আনুষ্ঠানিক ব্যাপার । অভিপ্রায় সাধনার্থেই নানা প্রকার উপায় অবলম্বিত হইয়া থাকে ; অতএব অভিপ্রায়ই মূল, উপায় তাহার আনুষ্ঠানিক ব্যাপার । অতঃপর আসিতেছে আ-উপসর্গ ।

পূর্বে আমরা দেখিয়াছি যে, নি = in ; এক্ষণে দ্রষ্টব্য এই যে, আ = ad । Inhere এবং adhere এই দুই শব্দের অর্থভেদের প্রতি প্রণিধান করিয়া দেখিলে আ এবং নি-উপসর্গের অর্থভেদ স্পষ্ট ধরা পড়িবে । উপরে উপরে সংলগ্ন হওয়ার নাম adhere । হাড়ে হাড়ে অনুপ্রবিষ্ট হওয়ার নাম inhere । তেমনি, আহত = উপরে উপরে হত ; নিহত = মর্মান্তিকরূপে হত । সংস্কৃত ভাষায় বাড়ে ভূত চাপাকে বলে ভূতাবেশ ;—রোষাবেশ বলিতেও বাড়ে-ভূতচাপা-রকমের রিপূর আক্রমণ বুঝায় । কিন্তু যদি বলি যে,

“অমুকের মুখছবি আমার অন্তঃকরণে নিবিষ্ট রহিয়াছে” তবে ভাবে বুঝায় যে, তাহা আমার অন্তঃকরণে এমনি সৈধিয়া রহিয়াছে যে, তথা হইতে তাহাকে নড়ানো সুকঠিন। ওঝা ভূত ঝাড়াইতে পারে, সাস্তনা-বাক্য ক্রোধ ঝাড়াইতে পারে, কিন্তু অন্তর্নিবিষ্ট ছবি সেখান হইতে স্থানান্তরিত করা—কাল যদি পারে তো পারে—নহিলে তাহা দেবতারও অসাধ্য।

সংলগ্ন বস্তু মাত্রই প্রথমতঃ দূর হইতে নিকটে উপনীত হয়; দ্বিতীয়তঃ সংলগ্ন হওয়া কালে তাহা আশ্রয়-স্থানের দূর হইতে নিকট পর্য্যন্ত প্রসারিত হয়। ঙ্গাণ গাত্রে সংলগ্ন হইয়াছে বলিলেই বুঝায় যে, প্রথমতঃ তাহা দূর হইতে আসিয়াছে, দ্বিতীয়তঃ তাহা অপেক্ষাকৃত দূরবর্তী পক্ষযুক্ত সূক্ষ্মাংশ হইতে নিকটবর্তী তীক্ষ্ণ ফলা পর্য্যন্ত প্রসারিত। পূর্বোক্ত ভাবটি, অর্থাৎ দূর হইতে নিকটে আসিবার ভাবটি, আগমন, আনয়ন, আয়োজন প্রভৃতি শব্দের আ-উপসর্গে খুবই স্পষ্টাকার ধারণ করিয়াছে। শেষোক্ত ভাবটির মধ্য দিয়া, অর্থাৎ ‘সংলগ্ন বস্তু অপেক্ষাকৃত দূর হইতে নিকট পর্য্যন্ত প্রসারিত’ এই ভাবটির মধ্য দিয়া আ-উপসর্গের অর্থের মধ্যে অনেক সময় অবধি এবং পর্য্যন্তের ভাব প্রবেশ করে; তার সাক্ষী—আ-সমুদ্র=সমুদ্র পর্য্যন্ত; আ-জন্ম=জন্মাবধি। মূল-ভাগ যে স্থানটিতে সংলগ্ন থাকে, তাহারই নাম অবধি, আর, অন্ত-ভাগ যে স্থানটিতে সংলগ্ন থাকে তাহারই নাম পর্য্যন্ত।

আজন্মকাল = জন্মাবধি কাল = যে কাল-প্রবাহের মূলাংশ জন্ম মুহূর্তের সহিত সংলগ্ন।

আমরণ কাল = মৃত্যু পর্য্যন্ত কাল = যে কাল-প্রবাহের অন্তভাগ মৃত্যুর সহিত সংলগ্ন।

আসমুদ্র পৃথিবী = যে পৃথিবীর অন্তভাগ সমুদ্রের সহিত সংলগ্ন।

আবহমান কাল = আজ পর্য্যন্ত বহমান কাল = যে কাল-প্রবাহের অন্তভাগ বর্তমান মুহূর্তের সহিত সংলগ্ন।

এই সকল দৃষ্টান্তে পষ্টই প্রতীয়মান হইতেছে যে, সংলগ্ন হওনের ভাবই আ-উপসর্গের অর্থের সমগ্র শরীর, অবধি এবং পর্য্যন্তের ভাব তাহারই অঙ্গ প্রত্যঙ্গ। অতঃপর আ-উপসর্গের মুখ্য অর্থের ( অর্থাৎ খাস্ অর্থের ) গোটাকত নমুনা দেখাইতেছি—প্রবিধান করা হউক :—

আলিঙ্গন = গাত্রে গাত্র সংলগ্ন করিয়া কোলাকুলি।

অশ্বারোহণ = ঘোড়ায় চড়া, অশ্বের পৃষ্ঠে সংলগ্ন হওয়া।

দোষারোপ = দোষ স্কন্ধে চাপানো, দোষ সংলগ্ন করিয়া দেওয়া।

চলিত ভাষায় এইরূপ দোষ সংলগ্ন করিয়া দেওয়ার নাম—লাগানো; যেমন, অমুকের কাছে অমুকের নামে লাগানো।

আমরা বলি “আজ্ঞাবহ ভূত্য” আর বলি “আদেশ শিরোধার্য্য করিলাম।”

তবেই হইতেছে যে, আদেশ একপ্রকার বহন করিবার জিনিস—মাথায় ধারণ করিবার জিনিস। আজ্ঞা বহন করা বা আদেশ বহন করা = আদিষ্ট কার্য্যের ভার বহন করা,

আর, সে তাঁর যতক্ষণ পর্যন্ত না নির্কাহিত হয়, ততক্ষণ পর্যন্ত তাহা মনের স্বক্কে সংলগ্ন থাকে ।

তাহার পরে আসিতেছে অধি-উপসর্গ । অধি-উপসর্গের ধি অংশটি মুখ্যরূপে সীমা অর্থে এবং গৌণরূপে—কোথাওবা<sup>১</sup> আধার অর্থে কোথাওবা আধেয় অর্থে ব্যবহৃত হয় ; তার সাক্ষী—

অবধি অব + ধি = নিম্ন সীমা অর্থাৎ ইংরাজি গণিত শাস্ত্রে যাহাকে বলে Lower limit ।  
পরিধি = চতুঃসীমা = periphery । আধি = আ + ধি । আধি শব্দের আ-উপসর্গ বলিতেছে যে আধি ( কিনা মনঃপীড়া ) মনের সহিত সংলগ্ন ; ধি বলিতেছে যে তাহা মনের সীমা-প্রদেশে অর্থাৎ শরীর এবং মনের মধ্যবর্তী প্রদেশে অবস্থান করে । সীমার ভাবের সঙ্গে আধার-আধেয়-ভাবের খুবই ঘনিষ্ঠ সম্বন্ধ ; তার সাক্ষী—

আধার-পাত্রে<sup>২</sup>র অন্তস্তর আধেয়-জলের সীমা-স্থান, এবং আধেয়-জলের বহিস্তর আধার-পাত্রে<sup>২</sup>র সীমা-স্থান । সীমা-স্থানের একদিকে আধার এবং আর একদিকে আধেয়, এই সূত্রে ধি শব্দের সীমা-অর্থ কোনো স্থলে বা আধার-অর্থে, কোনো স্থলে বা আধেয় অর্থে পরিণত হয় । তার সাক্ষী—

জলধি = জলের আধার, সমুদ্র ।

নিধি = খনির আধেয় বস্তু, রত্ন ।

ধি-শব্দের সীমা-অর্থ অধি-উপসর্গে সংক্রামিত হওয়াতে অধি-উপসর্গের অর্থ দাঁড়াইয়াছে—  
বাচ্য বিষয়ের চরম সীমা পর্যন্ত প্রভাবের বিস্তার । তার সাক্ষী—

অধিষ্ঠান = আশ্রয়-প্রদেশের চরম সীমা পর্যন্ত প্রভাব বিস্তার করিয়া অবস্থান ।

অধিকার = অভিলষিত স্থানের চরম সীমা পর্যন্ত প্রভুত্ব বিস্তার ।

বলিলাম “প্রভাব বিস্তার করা”—কিন্তু “প্রভাব বিস্তার” অধি-উপসর্গের অর্থের মুখ্য অবয়ব নহে, তাহার মুখ্য অবয়ব—সীমাবসায়িতা । এই জন্ম সংস্কৃত গ্রন্থে অধিকার শব্দে অনেক সময়ে সীমা আঁকড়িয়া ধরিয়া থাকা বুঝায় । “অমুকং অধিকৃত্য বর্ততে” অর্থাৎ অমুকের সীমা আঁকড়িয়া ধরিয়া রহিয়াছে—অর্থাৎ অমুককে আশ্রয় করিয়া রহিয়াছে । অধ্যায় বিষয় কি ? না যে বিষয় আত্মাকে অধিকার করিয়া অবস্থিতি করে—অর্থাৎ যাহা অত্মার সীমা আঁকড়িয়া ধরিয়া থাকে—আত্মার সীমার বাহিরে যায় না ।

অধি-উপসর্গ এবং অধিক শব্দ উভয়ের মধ্যে উপাধি-গত যৎকিঞ্চিৎ প্রভেদ আছে দেখিয়া দৌহার মূলগত অর্থ-সাদৃশ্যের প্রতি উপেক্ষা করা কোনৌ-ক্রমেই যুক্তিসঙ্গত নহে । বেদাদি প্রাচীনতম শাস্ত্রে অনেকানেক স্থলে উপসর্গ পৃথক্ শব্দাকারে ব্যবহৃত হইতে দেখা যায় । খুব সম্ভব যে, অত্যন্ত পূর্বকালে অর্থাৎ মাক্কাতারও মাক্কাতার আমলে সকল স্থলেই উপসর্গগুলি ইংরাজি prepositionএর স্থায় পৃথক্ শব্দাকারে ব্যবহৃত হইত । যাহাই হউক—অধিক এবং অত্যন্ত এই দুই শব্দের দুই অর্থ পরস্পর মিলাইয়া দেখিলে অধি এবং অতি এ দুই

উপসর্গের দুই অর্থের ভেদাভেদ অতীব উজ্জল-রূপে পরিষ্কৃত হয় । অধিক শব্দে বুঝায়—  
যাহাঁ চরম সীমা পর্য্যন্ত বিস্তৃত ; অত্যন্ত-শব্দে বুঝায়—যাহাঁ অত্যন্তে অতিক্রম করে—  
সীমাকে অতিক্রম করে—সীমা ছাড়াইয়া উঠে । আমরা যখন বলি “অধিক ক্রোধ ভাল নয়”  
তখন তাহার অর্থ এই যে, যতটা ক্রোধ সম্ভবে তাহার চরম সীমা পর্য্যন্ত ক্রোধ ভাল  
নয় । পক্ষান্তরে যখন বলি “আমাব অত্যন্ত ক্রোধ হইল” তখন তাহার অর্থ এই যে, আমার  
ক্রোধের মাত্রা সীমা ছাড়াইয়া উঠিল ।

উপসর্গের অর্থ বোঝাই করিয়া প্রবন্ধের জাহাজ-খানি নানা-প্রকার প্রতিকূল স্রোত,  
ঘূর্ণার পাক, এবং চোরা প্লাহাড়, বাঁচাইয়া কোনো মত প্রকাবে তো বন্দরে আনিয়া  
উপস্থিত করিলাম । এক্ষণে যাহারা আমার পণ্যদ্রব্য বাজারে যাচাই করিবেন, তাঁহা-  
দিগের সহিত একটি বিষয়ে আমি পূর্কালে বোঝা-পড়া করিয়া রাখা শ্রেয় বিবেচনা করি—  
সেইটা হইয়া চুকিলেই আমার আজিকের কার্য্য শেষ হইয়া যায় । কথাটা এই :—

গণিতের প্রমাণ ছাড়া আর যত প্রকার বৈজ্ঞানিক প্রমাণ আছে সমস্তেরই বলবত্তা  
আপেক্ষিক মাত্র । বিজ্ঞান-মহলে প্রমাণের ঐকান্তিক বলবত্তা কেবল গণিতের যুক্তি  
প্রণালীতেই সম্ভবে । গণিতকে গণনার মধ্য হইতে সরাইয়া রাখিয়া অসঙ্কোচে বলা  
যাইতে পারে যে, অভ্রান্ত সত্য সংস্থাপন করা বিজ্ঞানের উদ্দেশ্য নহে ; তবে কি ? না  
যাহাতে উত্তরোত্তর সত্য হইতে সত্যে অগ্রসর হওয়া যাইতে পারে তাহার পথ পরিষ্কার  
করাই বিজ্ঞানের উদ্দেশ্য । এমন কি, নিউটনের আবিষ্কৃত মাধ্যাকর্ষণের সিদ্ধান্তটাও  
একান্ত অভ্রান্ত বলিয়া—নিখুঁত অভ্রান্ত বলিয়া—গৃহীত হইতে পারে না । বলিতেছ  
মাধ্যাকর্ষণ ;—কিন্তু একটা কিছু মধ্য দিয়া—দৃশ্য বা অদৃশ্য কোনো প্রকার রজ্জু দিয়া—  
আকর্ষণ না করিলে আকর্ষণ করা হইতেই পারে না । সেই মধ্যবর্তী বস্তু এবং মূল  
আকর্ষক বস্তুর মধ্যেও আকর্ষণ রহিয়াছে ; সেই দ্বিতীয় আকর্ষণের জন্ত দ্বিতীয় মধ্যবর্তী  
বস্তুর প্রয়োজন । দ্বিতীয় মধ্যবর্তী বস্তু এবং মূল আকর্ষক বস্তুর মধ্যেও আকর্ষণ রহিয়াছে ;  
সেই তৃতীয় আকর্ষণের জন্ত তৃতীয় মধ্যবর্তী বস্তুর প্রয়োজন । এইরূপ প্রথম দ্বিতীয়  
তৃতীয় চতুর্থ প্রভৃতি অসংখ্য মধ্যবর্তী বস্তুর প্রয়োজন । সর্ব প্রথম মধ্যবর্তী বস্তু কে ?  
সেই আদিম মধ্যবর্তী বস্তু বিনা-রজ্জুতে অর্থাৎ অস্ত্র কোনো মধ্যবর্তী বস্তুর সাহায্য ব্যতিরেকে  
কিভাবে মূল বস্তুর আকর্ষণে বাঁধা রহিবে ? মূল আকর্ষক বস্তু তবে কি শূন্যের মধ্য দিয়া  
আকর্ষণ করিতেছে ? তাহাই বা কিরূপে সম্ভবে ? ঐকান্তিক শূন্য দুই বস্তুর মধ্যে অলঙ্ঘ্য  
ব্যবধান হইয়া দাঁড়াইলে উভয়ের মধ্যে ভৌতিক সম্বন্ধ সমূলে রহিত হইয়া যাইবারই কথা ।  
অতএব মাধ্যাকর্ষণ-শব্দ কেবল বিজ্ঞানের গন্তব্য-পথ-নির্দেশক একটা স্নাত্তিক চিহ্ন  
মাত্র ; তা বই তাহা পরাকাষ্ঠা মতের পরিচায়ক নহে । সেই স্নাত্তিক চিহ্নে যৎকিঞ্চিৎ  
সত্যের আভাস যাহা পাওয়া যায়, সেই আভাস-সত্য প্রকৃত সত্যের পদবী অধিকার  
করিয়া বুক ফুলাইয়া দাঁড়াইলে, অনভিজ্ঞ লোকেরা তাহাকে সর্ব-জগতের মূলধার বলিয়া



পূজা করিতে পারেন ; কিন্তু চক্ষুয়ান্ ব্যক্তির তাহা দেখিয়া হাসিবেন কি কাঁদিবেন তাহা ভাবিয়া পা'ন না। তবে, নিউটনের আবিষ্কৃত ঐ মাত্বেতিক চিহ্নটি যে, সত্য-নিকেতনের একটী প্রশস্ত রাজ-পথের ঠিকানা নির্দেশ করে, এ বিষয়ে কাহারো মনে তিলমাত্রও সংশয় স্থান পাইতে পারে না।

ইহা দেখিয়া শুনিয়া কোন্ সাহসে আমি আমার এই ক্ষুদ্র প্রবন্ধে কোনো প্রকার অভ্রান্ত মত সংস্থাপনের প্রয়াস পাইব ? আমার কি হাশ্বের ভয় নাই ! ফলে, বর্তমান প্রবন্ধের আত্মোপাস্ত কোনো-একটী স্থানেও আমি গায়ের জোরে কোনো অভ্রান্ত মত সংস্থাপন করিতে চেষ্টা করি নাই। অপক্ষপাতী এবং অকপট যুক্তি ও বিচার আমাকে যে পথে চালাইয়াছে আমি সেই পথে চলিয়াছি। চাই আমি আর কিছু না—বর্তমান প্রবন্ধের যে স্থানের যে যুক্তির যত-টুকু প্রামাণিকতা বা বলবত্তা সম্ভবে, তাহার অন্বকর্ষিত সিদ্ধান্ত তত-টুকু সত্য বলিয়া গৃহীত হউক—তা বই আমি অভ্রান্ত সত্যের কোনো দাবি রাখি না। আমার চরম মন্তব্য কথা এই যে, সুবিবেচনাপূর্বক উপসর্গের প্রয়োগদ্বারা বঙ্গভাষার শক্তি শ্রী এবং নিষ্কর্ষতা ( অর্থাৎ accuracy ) সাধন করিবার যে, একটী সুন্দর পথ আছে, তাহার প্রতি যদি কোনো সজ্জন সাহিত্য-সেবকের চক্ষু ফুটাইয়া দিতে পারিয়া থাকি, তাহা হইলেই আমি আমার সমস্ত পরিশ্রম সার্থক মনে করিব।

[ সভাস্থলে আমার পাঠ সমাপ্ত হইলে, সভাপতির আসনাক্রম পণ্ডিতবর শ্রীযুক্ত রাজেন্দ্র-চন্দ্র শাস্ত্রী সর্বশেষে উঠিয়া বলিলেন যে, আমার প্রবন্ধের সব স্থান তাঁহার স্মরণ নাই—অতএব তিনি আপাততঃ কোনো কথা বলিতে চাহেন না। কিন্তু তাহার পরেই, তিনি আমার প্রবন্ধ সম্বন্ধে একরূপ গোটা ছুই মন্তব্য প্রকাশ করিলেন, যাহা প্রথম উত্তমেরই তড়ি যড়ি প্রকাশ না করিয়া—আমি কি বলিয়াছি না বলিয়াছি তাহা অগ্রে বিবেচনা করিয়া দেখিয়া—পরে প্রকাশ যোগ্য বোধ হইলে, প্রকাশ করা উচিত ছিল। ]

শাস্ত্রী মহাশয় বলিলেন যে, দুঃ উপসর্গের অর্থ শুধু যে, মন্দ, তাহা নহে—অনেক সময় দুঃ উপসর্গে অভাব-বাচক অর্থে ব্যবহৃত হইয়া থাকে। আমি আমার প্রবন্ধে বলিয়াছি যে, দুঃ = মন্দ বা কষ্টজনক। “বা কষ্টজনক” এটা যে আমি বলিয়াছি—শাস্ত্রী মহাশয়ের তাহা মনে না থাকাতো তিনি আমাকে অনভিজ্ঞ-বোধে বুঝাইলেন যে, দুঃ-উপসর্গ অনেক সময়ে অভাবজ্ঞাপক। তিনি বলিলেন “অভাব-জ্ঞাপক”—আমি না হয় বলিয়াছি কষ্ট-জ্ঞাপক—ভাবার্থ একই। বরং কষ্টে ভিক্ষা লব্ধ হয় এইরূপ অর্থ ছুঁইক্ষের সহিত বেশী সংলগ্ন হয়—যেহেতু দুঃসাধ্য, দুঃস্বপ্ন, দুঃস্বপ্ন প্রভৃতি ভূরি ভূরি শব্দে দুঃ উপসর্গে পরিজ্ঞাপক। শাস্ত্রী মহাশয় একজন অসামান্য ব্যাকরণ-বিশারদ পণ্ডিত—সেইজন্য আমি কি বলিয়াছি না বলিয়াছি তাহা তিনি বিস্মৃত হইয়া—উপসর্গের অর্থ-বিচারের অর্থ কি তাহা বিস্মৃত হইয়া—অর্থ-বিচারের কিরূপ প্রণালী-পদ্ধতি আমা কর্তৃক অবলম্বিত হইয়াছে তাহা বিস্মৃত হইয়া—পাঠিত প্রবন্ধ উপলক্ষে কতকগুলি বৈয়াকরণিক বাজে কথার বক্তৃতা করিলেন।



প্রতিব্যক্তি প্রত্যহ প্রভৃতি শব্দের আদিস্থিত প্রতি'র অর্থ কি-হিসাবে প্রতিপক্ষতা-সূচক বা পরাশ্রুখিতা-সূচক তাহা আমি খুলিয়া-খালিয়া বলিয়াছি, কিন্তু শাস্ত্রী মহাশয় সে সকল কথা গ্রাহ্যে না আনিয়া প্রতিবাদচ্ছলে বলিলেন যে, “প্রতিজন” বলিলে প্রত্যেকের সহিত অপর সকলের কাহারো কোনো সম্বন্ধ বুঝায় না—সুতরাং প্রতিপক্ষতা সম্বন্ধ বুঝায় না। “প্রতি ব্যক্তি” বলিতে প্রত্যেকের সহিত অপর ব্যক্তিদিগের সম্বন্ধ বুঝায় না—এটা তিনি ভারি ভুল বুঝিয়াছেন। একটা বটবৃক্ষ যদি একাকী মাঠের মাঝখানে দণ্ডায়মান থাকে তবে তাহার তলে বসিয়া কোনো পথিক এরূপ কথা বলে না যে, আমি প্রতি বটবৃক্ষের তলে বসিয়াছি। পক্ষান্তরে, একজন আম্র-ব্যবসায়ী স্বচ্ছন্দে এরূপ কথা বলিতে পারে যে, আমি আজ আম্রোত্তানের প্রতিবৃক্ষের সমস্ত আম্র উৎপাটন করিব। তবেই হইতেছে যে, আম্রোত্তানের এক-একটা বৃক্ষ অপরপর বৃক্ষের সহিত, ব্যষ্টি-সমষ্টি-সম্বন্ধে জড়িত রহিয়াছে বলিয়াই, তদুপলক্ষে “প্রতিবৃক্ষ” এই বচনটির সার্থকতা হয়। আগে তিন বৃক্ষ, বা চার বৃক্ষ, বা আট বৃক্ষ, বা দশ বৃক্ষ, একত্রে মিলিয়া মিশিয়া অবস্থান করে—পরে “প্রতিবৃক্ষ” বলিয়া অপর সকলের সহিত প্রত্যেকের সম্বন্ধ রহিত করিয়া—তাহাকে এক-ঘরে' করা হয়। সম্বন্ধ রহিত করা প্রতিপক্ষতারই লক্ষণ। আমি যদি বলি যে, তোমার সহিত আমার আজ অবধি সম্বন্ধ রহিত হইল, তবে সেই মুহূর্ত্তে তোমার আমার মধ্যে মিত্রতা-সম্বন্ধ খণ্ডিত হইয়া গিয়া তাহার পরিবর্ত্তে প্রতিপক্ষতা-সম্বন্ধ সংস্থাপিত হইবে। সম্বন্ধ সাধারণতঃ দুইরূপ, (১) অন্বয়াত্মক (positive), (২) ব্যতিরেকাত্মক (negative)। শাস্ত্রী মহাশয় যদি বলিতেন যে, “প্রতিজন” বলিলে অপর-সকলের সহিত প্রত্যেকের অন্বয়াত্মক সম্বন্ধ রহিত হইয়া যায়, তাহা হইলে তাহার কথা ঠিক হইত; কিন্তু তাহার প্রত্যুত্তরে আমি বলিতাম যে, অন্বয়াত্মক সম্বন্ধ বিলুপ্ত হইবার সঙ্গে সঙ্গে তাহার পরিত্যক্ত স্থানে ব্যতিরেকাত্মক সম্বন্ধ মস্তক উত্তোলন করিয়া দণ্ডায়মান হয়—যেহেতু মিলনের সম্বন্ধ রহিত করা'র নামই পরাশ্রুখিতা-সম্বন্ধ সংস্থাপন করা। আমি তাই বলিয়াছি যে, “সকল” বলিলে বুঝায়—ব্যষ্টি সমষ্টির অন্তর্ভুক্ত অর্থাৎ প্রত্যেকে সমস্তের অন্তর্ভুক্ত; “প্রতি” বলিলে বুঝায়—ব্যষ্টি সমষ্টি হইতে (অর্থাৎ সাকল্য হইতে) মুখ ফিরাইয়া দাঁড়াইয়া আপনার স্বাতন্ত্র্য প্রজ্ঞাপন করিতেছে। ফলে, প্রতি ব্যক্তির আদিস্থিত “প্রতি” এই শব্দটীতে এক রকমের প্রতিপক্ষতা-অর্থ প্রচ্ছন্ন রহিয়াছে, ইহা কেহই অস্বীকার করিতে পারেন না; আর সে প্রতিপক্ষতা যে কি রকমের প্রতিপক্ষতা, তাহা আমি যথাসাধ্য স্পষ্ট করিয়া খুলিয়া বলিতে ক্রটি করি নাই। শাস্ত্রী মহাশয় আরো বলিলেন যে, প্রতি ব্যক্তির আদিতে যে “প্রতি” শব্দ দেখা যায় তাহা উপসর্গই নহে। তাহার এ কথা খুবই সত্য ইহা আমি স্বীকার করি। কিন্তু শাস্ত্রী মহাশয় নিজে কি বলিয়াছেন? তিনি তাহার বক্তৃতার গোড়াতেই স্পষ্টাঙ্করে বলিয়াছেন যে, উপসর্গ যখন মূল শব্দের সহিত সংশ্লিষ্ট থাকে তখনই বিশিষ্টরূপে তাহার নাম দেওয়া হয় উপসর্গ; পক্ষান্তরে, যখন

তাহা মূল-শব্দ হইতে বিযুক্ত থাকে, তখন তাহার আর একটা নাম দেওয়া হয়। তবেই হইতেছে যে, বৈয়াকরণিক নাম-ভেদে উপসর্গের অর্থ-ভেদ হয় না। উপসর্গের অর্থের বিচারই বর্তমান প্রবন্ধের একমাত্র উদ্দেশ্য—তা বই তাহার নাম-ভেদ বর্তমান প্রবন্ধে বাজে কথাই সামিল। অর্জুন ও অর্জুন—বৃহন্নলাও অর্জুন। বিরাট-রাজার শ্যাম একজন অনভিজ্ঞ ব্যক্তি বৃহন্নলার ‘অর্জুন’ নাম শুনিলে চমকিয়া উঠিতে পারেন, কিন্তু যুধিষ্ঠির বৃহন্নলাকে “অর্জুন” বলিয়া সম্বোধন করিলে সেজন্ম তাঁহাকে দোষ দিতে পারা যায় না। প্রকৃত কথা এই যে, “প্রতি” উপসর্গ উপসর্গই থাকুক, আর, তাহা ‘অব্যয়’ মূর্তিতেই বিরাজ করুক—আমার নিকটে ছুইই সমান; কেননা আমি স্পষ্ট দেখিতে পাইতেছি যে, উভয় স্থলেই তাহার মৌলিক অর্থ একই প্রকার। এমন কি, আমি মৌলিক অর্থের ঐক্য দেখিয়া অধি-উপসর্গ, ধি-শব্দ, এবং অধিক-শব্দ, তিনের মধ্যে বিশিষ্টরূপ ভ্রাতৃসম্বন্ধ আছে ইহা প্রথমে hypothisis স্বরূপে মানিয়া লইয়া, পরে যথোচিত প্রমাণ-প্রয়োগ-দ্বারা তাহার যাণার্থ্য প্রতিপাদন করিয়াছি। প্রথমে পরিধি এবং অবধি এই দুই শব্দের দৃষ্টান্ত উল্লেখ করিয়া দেখাইয়াছি যে, ঐ দুই শব্দে ধি-শব্দের অর্থ সীমা ছাড়া আর কিছুই হইতে পারে না। তাহার পরে দেখাইয়াছি যে, অধিকার, অধিষ্ঠান প্রভৃতি শব্দে অধি-উপসর্গের অর্থ স্পষ্টই সীমাবসায়িতা। তাহার পরে, সীমা-ভাবের সহিত আধার-আধেয় ভাবের কিরূপ নিকট-সম্পর্ক তাহা দেখাইয়াছি। তাহার পরে দেখাইয়াছি যে, সেই সম্পর্ক-স্থলে ধি-শব্দ কোথাও বা আধার-অর্থে কোথাও বা আধেয়-অর্থে ব্যবহৃত হয়। আমার প্রদর্শিত এইরূপ পুঙ্খানুপুঙ্খ যুক্তি গ্রাহ্যে না আনিয়া—ঐ-সকল যুক্তি-প্রদর্শন আমি যেন দেয়ালকে করিয়াছি এইরূপ উচ্চভাব ধারণ করিয়া—তদুপলক্ষে শাস্ত্রী মহাশয় একটা কথা ইঙ্গিতমাত্র করিয়াই ক্ষান্ত হইলেন ;

সে কথা এই যে, ধি-শব্দ ধা-ধাতু হইতে হইয়াছে। অথচ, ধি-শব্দ যে, ধা-ধাতু হইতে হয় নাই এরূপ কথা আমি কোনো স্থানেই বলি নাই। ধি-শব্দ যে-ধাতু হইতেই হউক না কেন—তাহার অর্থ কি তাহাই বিচার্য। মূল ধাতুর প্রতি দৃষ্টি না করিয়াও ভাষার শব্দ-গাঁথনি দেখিলেই বুঝিতে পারা যায় যে, ধি এবং ধা একই—বিধি এবং বিধান একই। বিধান কি? না ইংরাজিতে যাহাকে বলে rule। Rule টানা একপ্রকার সীমা নির্দেশ করা—লেখা যাহাতে পংক্তির বাহিরে না যায় সেই উপলক্ষে সীমা নির্দেশ করা। কালিদাস বলিয়াছেন যে,

“রেখামাত্রমপি ক্ষুণ্ণাৎ আমনোর্বর্জুনঃ পরং ন ব্যতীষুঃ প্রজা স্তস্য নিয়ন্তর্নেমিবৃত্তয়ঃ ।

এখানে কালিদাস মহুর বিধানকে প্রজাবর্গের আচার ব্যবহারের সীমা-নির্দেশক পথ রূপে প্রতিপন্ন করিয়াছেন। অতএব অভিধানে ধা-ধাতুর অর্থ যাহাই থাকুক না কেন—ফলে দাঁড়াইতেছে যে, তাহার মৌলিক অর্থ সীমা-নির্দেশ। ধি এবং ধা’র যখন একই রূপ অর্থ তখন আমি ধা’ও বলিতে পারি—ধি’ও বলিতে পারি। বলিয়াছি—ধি।

উপসর্গের অর্থ-বিচারের পরিবর্তে উপসর্গের বৈয়াকরণিক মূলানুসন্ধান যদি আমার প্রবন্ধের ঘূর্ণাকরেও উদ্দেশ্য হইত, তবে ধা-ধাতু হইতে কিরূপে ধি-শব্দ, অধি-শব্দ এবং অধিক শব্দ তিনই উৎপত্তি লাভ করিয়াছে, তাহা আমি পুঙ্খানুপুঙ্খরূপে অনুসন্ধান করিয়া বাহির করিতে চেষ্টা করিতাম। কিন্তু বর্তমান-স্থলে, সে কার্যের ক্রটির জন্ত আমাকে দায়ী না করিয়া শাস্ত্রী মহাশয় নিজে তাহা সুনির্বাহ করিলেই সমস্ত গোলোযোগ মিটিয়া যায়। তাহার নিজের মন্তব্য এবং কর্তব্য কার্য আমি করি নাই বলিয়া সেই অপরাধে—আমার কর্তব্য কার্য আমি যাহা করিয়াছি তাহা যদি সমস্তই ভুল হইয়া যায়—ধি, অধি এবং অধিক তিন শব্দের মৌলিক অর্থ সাদৃশ্য সম্বন্ধে এত যে যুক্তি এবং উদাহরণ প্রদর্শন করিয়াছি সমস্তই যদি এক মুহূর্তে কাঁচিয়া যায়—তবে উপসর্গের অর্থ-বিচারে প্রবৃত্ত না হওয়াই আমার পক্ষে ভাল ছিল।

অধি-শব্দ যে পূর্বে এক সময়ে পৃথক্ শব্দাকারে ব্যবহৃত হইত, তাহা শাস্ত্রী মহাশয় অস্বীকার করেনও না—করিতে পারেনও না;—যেহেতু উপনিষদের এক স্থানে স্পষ্ট লিখিত রহিয়াছে “যদ্বিদিতাদথো অবিদিতাৎ অধি।” অধিক শব্দ আর কিছু না—কেবল অধি + ক। অন্ত এবং অন্তক এ দুই শব্দের মধ্যে যেমন ঘনিষ্ঠ সম্বন্ধ—অধি এবং অধিক এ-দুই শব্দের মধ্যেও অবিকল সেইরূপ হইবারই কথা। আমি যথেষ্ট উদাহরণ প্রদর্শনপূর্বক দেখাইয়াছি যে, অধি উপসর্গের অর্থ সীমাবসায়িতা; আর সেই সঙ্গে দেখাইয়াছি যে, অধিক-শব্দের অর্থ চরম সীমা পর্যন্ত বিস্তৃত; ইহা দেখিয়া কোন্ চক্ষুস্থান ব্যক্তি বলিতে পারেন যে, অধি-উপসর্গ এবং অধিক-শব্দ দুয়ের মধ্যে কোনো প্রকার মৌলিক সম্বন্ধ নাই।

বর্তমান প্রবন্ধের উদ্দেশ্য নিতান্তই ব্যবহারিক practical। তাহা এই যে, বঙ্গভাষার ব্যবহারক্ষেত্রে সুবিবেচনাপূর্বক উপসর্গ-প্রয়োগের পথ যথাসাধ্য পরিষ্কার করা; তা বই, যাহা বঙ্গভাষায় বেশী কাজে লাগে না—অথবা যাহা যথাবৎ প্রয়োগ করিবার পক্ষে কোনো প্রকার প্রতিবন্ধকতা দৃষ্ট হয় না—তাহার অর্থের দৌড় এবং উৎপত্তির বিবরণ লইয়া ব্যাপকতা করা বর্তমান প্রবন্ধের উদ্দেশ্য নহে। আমি যে সূ, ছঃ, অতি প্রভৃতি কতকগুলি উপসর্গকে বিচারের দায় হইতে অব্যাহতি দিয়াছি তাহার কারণ এই যে, সেগুলির অর্থ সবিস্তারে ব্যাখ্যা করা একরূপ তেলা মাথায় তেল দেওয়া, অর্থাৎ তেল দেও উত্তম—না দেও কোনো ক্ষতি নাই। তবে কি? না আর আর গুরুতর কার্যের পথ আটক করিয়া দাঁড়াইয়া তেলা মাথায় তেল দেওয়া সুপরামর্শ-সিদ্ধ নহে।

পরা-উপসর্গ সম্বন্ধে, আমি আর একটু বিস্তার করিয়া বলিতে পারিতাম—বিস্তার করিয়া না বলা'র কারণ শুদ্ধ কেবল এই যে, পরা-উপসর্গের প্রয়োগ দেশীয় ভাষায় অতীব বিরল। পরাভব, পরাজয়, পরাক্রম, পরাহত, পরাঙ্ঘ, পরামর্শ (আর, তা ছাড়া আর গোটা দুই শব্দ যদি থাকে) এই এক মুষ্টি পরাপূর্বক শব্দের জন্ত পুঁথির পাতা বাড়াইবার বিশেষ কোনো প্রয়োজনীয়তা দেখা যায় না। পরা-উপসর্গ সম্বন্ধে আমি যাহা বলিয়াছি তাহার

গোড়াতেই শাস্ত্রী মহাশয় ভুল বুঝিয়াছেন । তিনি বলিলেন যে, পর-শব্দ হইতে কিম্বা পার-শব্দ হইতে কি পরা শব্দ উৎপন্ন হইয়াছে ? অর্থাৎ আমি যেন প্রকারান্তরে বলিয়াছি যে, পর-শব্দ কিম্বা পার-শব্দ হইতে পরা-শব্দ উৎপন্ন হইয়াছে । তাল, নারিকেল এবং খেজুর এই সকল বৃক্ষের একইরূপ শাখাপত্রের ব্যবস্থা প্রণালী দেখিয়া আমি যদি বলি যে, উহাদের একটীর পুষ্টি এবং বর্ধন সংক্রান্ত বৈজ্ঞানিক নিয়ম বুঝিতে পারিলে, সেই সঙ্গে অপর গুলিরও তৎসংক্রান্ত বৈজ্ঞানিক নিয়মের জ্ঞানলাভ হইতে পারে ; তবে তাহার অর্থ এ নহে যে, তালগাছ হইতে নারিকেল গাছ হইয়াছে অথবা নারিকেল গাছ হইতে তালগাছ হইয়াছে । ভ্রাতৃসম্বন্ধ স্বতন্ত্র, আর পিতাপুত্র সম্বন্ধ স্বতন্ত্র । তবে, ডারুইনের সিদ্ধান্ত যদি সত্য হয়, তবে উহারা সকলেই একই অত্যতিবৃদ্ধ প্রপিতামহের সম্মান-সম্মতি সে বিষয়ে আর সন্দেহ মাত্র নাই । আমার মস্তব্য কথা কেবল এই যে, পর, পার এবং পরা তিনের মূলগত ঐক্য থাকিবার পক্ষে বিশেষ কোনো বাধা দৃষ্ট হয় না, যেহেতু তিনের মধ্যে খুবই ঘনিষ্ঠ শব্দ-সাদৃশ্য, আর, তেমনিই ঘনিষ্ঠ অর্থ-সাদৃশ্য । কঠোপনিষদে আছে “ন সম্প্রায়ঃ প্রতিভাতি বালং” ইহার অর্থ এই যে, মনুষ্যবর্গের পরলোকে গতির বিষয় বালকের মনে ( অর্থাৎ চঞ্চলমতি ব্যক্তির মনে ) প্রতিভাত হয় না । সম্প্রায় = সং + পরা + অয় ; তাহার মধ্যে সং উপসর্গের লক্ষ্য সমগ্র মনুষ্যজাতির প্রতি ; পরা-উপসর্গের লক্ষ্য পৃথিবীর ও-পারের প্রতি —দূর দেশের প্রতি ; আর, অয় শব্দের অর্থ স্পষ্টই গতি । “সম্প্রায়” কিনা সমগ্র জন-সাধারণের দূরদেশে গতি অর্থাৎ পরলোকে গতি । পরা-উপসর্গ এইরূপ দূরত্ব প্রতিপাদক । পর-শব্দও যে দূরতা-ব্যঞ্জক তাহা আমি স্পষ্ট করিয়া দেখাইয়াছি । ঘর এবং পর, এপার এবং ওপার, এই দুই কথার উল্লেখ মাত্রই পর-শব্দের দূরতা-অর্থ আপামর সাধারণ সকলেরই মনে তৎক্ষণাৎ মুদ্রাঙ্কিত হইয়া যায় । ইহা ব্যতীত পর-শব্দের আর একটা সূক্ষ্ম-ভাবে দূরতা-অর্থ আছে ; তাহা এইরূপ :—

স্বার্থপর বলিলে বুঝায়—স্বার্থের দিকে যাহার সবিশেষ টান বা গতি । এই যে সটান গতি, ইহা একপ্রকার সাম্না-সাম্নি ভাবে সরল-রেখা-পথ অবলম্বন করে । এইরূপ সরল-রেখা-পথই জ্যামিতিক ভাষায় দূরত্ব বলিয়া সংজ্ঞিত হয় । যাহারা সূক্ষ্ম বিচারে নারাজ তাঁহাদের পক্ষে ঘর এবং পর—এপার এবং পরপার—এই ছুই দৃষ্টান্তই যথেষ্ট । সেতारे গৎ বাজাইবার সময় মিড়ের প্রয়োজন হয় না, রাগ-রাগিণীর আলাপচারি করিবার সময়েই মিড় কাজে লাগে । যাহারা আলাপচারি করিতে ইচ্ছুক তাঁহাদের উপকারার্থেই আমি শেষোক্ত দৃষ্টান্তের উল্লেখ করিলাম । সেতারের মিড় যেমন এক সুর মাড়াইয়া আর এক সুরে অলঙ্কিত পদসঞ্চারে বিলীন হয়, তেমনি পর এবং পার এই দুই শব্দের ‘সটান গতি’ এই অর্থ অলঙ্কিত পদসঞ্চারে দূরতা অর্থে পর্যাবসিত হইয়াছে । কুমার-সম্ভবে মহাদেবের ধ্যান-ভঙ্গের বর্ণনা-স্থলে আছে—“ব্যাপারয়ামাস বিলোচনানি” অর্থাৎ দৃষ্টি-ছটা প্রেরণ করিলেন । ব্যাপার = বি + আ + পার এবং তাহার অর্থ প্রেরণ-ক্রিয়া । এইরূপ প্রেরণ-ভাবের সঙ্গে



দূরত্বের ভাব কেমন লপেটভাবে গ্রহিত রহিয়াছে, তাহা সখিস্তরে ব্যাখ্যা করিয়া বুঝাইবার প্রয়োজন নাই। এইসকল ঠাস্ বুনানির কোন্ অবয়বের পর কোন্ অবয়ব তাহা দেখিবা মাত্রই চক্ষে ধরা পড়ে, কিন্তু তাহার সূত্রগুলি টানাটানি করিয়া খুলিতে গেলে সমস্তই জটা পাকাইয়া যায়। অতএব, পর, পার এবং পরা তিনের মৌলিক অর্থ যে, একই রূপ, তাহা সোজা ভাবে স্থিতিতে প্রণিধান করিয়া দেখিলেই জলের ত্রায় স্পষ্ট প্রতীয়মান হইবে;—বাদ-প্রতিরাদের টানাটানিতে উচ্চাদের ঐ সোজা মৌলিক অর্থ জটিল হইয়া পড়িলে, তখন তাহা কাহাবো কোনো উপকারে আসিবে না।

সর্বশেষে আমার বক্তব্য এই যে, উপসর্গের অর্থ-বিচারের যুক্তি-পদ্ধতি দুইরূপ হইতে পারে :—

(১) Scholastic deduction এবং (২) Baconian induction। এযাবৎকাল প্রথম পদ্ধতিটাই আমাদের দেশের পণ্ডিত-মহলে সমাদৃত হইয়া আসিতেছে;—সুতরাং দ্বিতীয় পদ্ধতিটাই বৈয়াকরণিকদিগের মনঃপূত না হইবারই কথা। আমি ঐ দুই যুক্তি-পদ্ধতির কোন্টাই অবলম্বন করিয়া উপসর্গের বিচার-কার্য্য নিরীহ করিতে প্রয়াস পাইয়াছি, তাহা আমার পূর্ব-পঠিত প্রবন্ধাংশের গোড়াতেই স্পষ্টাক্ষরে বিজ্ঞাপিত হইয়াছে। সেই গোড়ার বিজ্ঞাপনটা পাঠ করিলে শাস্ত্রী মহাশয় বোধ করি আমার উপর ওরূপ চড়াও হইতেন না। Baconian পদ্ধতি এই যে, অগ্রে প্রচলিত facts সংগ্রহ, পবে তাহার উপর theory সংগঠন;—আমি তাহাই করিতে চেষ্টা পাইয়াছি। Scholastic পদ্ধতি এই যে, অগ্রে বারো মুনির বারো theoryর কোনো একটি theoryকে বেদবাক্য বলিয়া গ্রহণ করা, পরে factকে গড়িয়া পিটিয়া তাহার সহিত মিলাইয়া দেওয়া। fact কিনা বৃত্তান্ত, theory কিনা সিদ্ধান্ত। Baconian পদ্ধতির আগে বৃত্তান্ত, পরে সিদ্ধান্ত; scholastic পদ্ধতির আগে সিদ্ধান্ত পরে বৃত্তান্ত। শেষোক্ত পদ্ধতির ফলদায়কতা কঠোর সত্যের অগ্নি-পরীক্ষায় জর্জরিত হইয়া ভস্মরাশিতে পরিণত হইয়াছে—কাজেই পূর্বোক্ত পদ্ধতি ভিন্ন বিজ্ঞানের আর গত্যন্তর নাই। এ যাহা বলিলাম তাহার প্রত্যক্ষ প্রমাণ এই যে, বর্তমান প্রবন্ধে আমি যে-কিছু ফললাভ করিতে সমর্থ হইয়াছি সমস্তই Baconian induction পদ্ধতির প্রসাদাৎ।]

শ্রীদ্বিজেন্দ্রনাথ ঠাকুর।



## রঘুনাথের অশ্বমেধ-পঞ্চালিকা ।

এই গ্রন্থখানি পুরাতন মালদাহর এক বর্ণক ব্রাহ্মণের বাটীতে পাওয়া গিয়াছে । ইহার রচয়িতার নাম রঘুনাথ । রঘুনাথ ব্রাহ্মণ ছিলেন । তাঁহার উপাধি কি ছিল, জানা যায় নাই । গ্রন্থের প্রথম পত্রের দ্বিতীয় পৃষ্ঠা পাওয়া যায় নাই । উহাতে সম্ভবতঃ কবির পরিচয় লিখিত ছিল । যে সময়ে তৈলঙ্গ মুকুন্দদেব উড়িষ্যার সিংহাসনে উপবিষ্ট ছিলেন, সেই সময়ে বা তাঁহার পূর্বে কবি গ্রন্থ রচনা করেন । তিনি মুকুন্দদেবের রাজ্যনাশের পরও গ্রন্থে কোন কোন কথা যোগ করিয়া দিয়াছেন । গ্রন্থের প্রথম ভাগে এইরূপ লিখিত আছে :—

“শ্রীকৃষ্ণায় নমঃ শ্রীগুরুদেবচরণেভ্যো নমঃ ॥ নারায়ণং নমস্কৃত্য নরকৈব নরোত্তমং ॥  
দেবীং সরস্বতীকৈব ততো জয়মুদীরয়েৎ । ১ । ০ ॥ নিগমকল্পতরোগলিতং ফলং শুক-  
মুখাদমৃতং দ্রবসংযুতং । পিবত ভাগবতরসমালয়ং মুহ রহো রসিকা ভুবি ভাবুকাঃ । ২ ॥

প্রণমহঁ নারায়ণ অনাদি নিধন ।	সৃষ্টির পালন মূর্তি পরম কারণ ॥
মায়াৰূপে জগত কলুষ উদ্ধারিল ।	ব্যক্ত হৈঞাঁ মুনিগণ সন্তুর্পণ কৈল ॥
না বুঝে ইঙ্গিত যার দেব প্রজাপতি ।	পুনঃ পুনঃ সে দেবকে করিএ প্রণতি ॥
গণপতি প্রণমহঁ বিঘ্ন বিনাশন ।	ভগবতী দেবীর সে বন্দহঁ চরণ ॥
যার অনুভাবে হএ সরস কবিতা ।	শ্রুতি স্মৃতি অবিদিত বচন দেবতা ॥
আদি কবি বাণীকের বন্দহঁ চরণ ।	জনক জননী বন্দো আদি গুরুজন ॥
সভা সভাপতির করিএ পরিহার ।	ক্ষেমিহ সকল দোষ কবিহে আক্ষার ॥
ক্ষার জল জলধরে বরিষে সূধা করি ।	সুপণ্ডিতে গুণ লএ দোষ পরিহরি ॥
ব্রহ্মার সৃজন দোষ গুণেত জড়িত ।	স্বাবর জঙ্গম আদি নানা দেশ উপনীত ॥
উৎকল পুণ্যদেশে অদ্ভুত কথন ।	জাত জগন্নাথরূপে বৈসে নারায়ণ ॥
নানাদেশ আচ্ছাদিল ইন্দ্রদ্যুম্ন রাজা ।	পরম বৈষ্ণব সূর্য্যবংশে মহাতেজা ॥
কুনো রাজা দানে বলী কর্ণের সমান ।	কুনো রাজা জন যুধিষ্ঠিরের গেয়ান্ ॥
গেই রাজা স্বর্গে গেলা সাধি নিজ কাজ ।	তেন নৃপ মুকুন্দ হইলা মহারাজ ॥
ইন্দ্রদ্যুম্ন বাজা আদি জিনি সব গুণে ।	পৃথিবীর রাজা সব জিনিলেক দানে ॥
নিজ কুল-কমল-মিহির-মহাবংশ ।	দিগন্তর ভ্রমে যার সিতযশোহংস ॥
প্রচণ্ড প্রতাপ বীর পরম সূধীর ।	আপনিই গঙ্গা যারে দিল গঙ্গানীর ॥
উৎকলের যত রাজা না কৈল যেই কর্ম্ম ।	শ্রীযুত মুকুন্দদেব সাধিল সেই ধর্ম্ম ॥
মুকুন্দ রাজার গুণ গুনিঞাঁ শ্রবণে ।	বাটিল বিনোদ বড় শ্রবণ নয়নে ॥
কুন গুণে মহারাজা হইবু গোচর ।	হৃদয়ে চিন্তিএ সার করছ অন্তর ॥”

ইহার পর প্রথম পত্রের দ্বিতীয় পৃষ্ঠা নাই । দুইখানি পত্র যুড়িয়া একখানি ধরা হইয়াছে

এবং তাহার শেষখানিতে অক্ষপাত করা হইয়াছে। এই শেষখানিতে গ্রন্থকারের বিশেষ পরিচয় ছিল বলিয়া বোধ হয়। দ্বিতীয় পংক্তিতে আছে,—

“অশ্বমেধ পুণ্য কথা বিবিধ প্রসঙ্গ।                      যাতে অশ্বরক্ষক কৃষ্ণ অর্জুনের সঙ্গ ॥  
 শ্রীভাগবতে শুনি কৈল প্রবন্ধ পাঞ্চালী।                      শ্রীমহারাজু কিছু অবধান করি ॥  
 —সগুণ রাজ্যে ভোগ চিরকাল।                      এহিতে শুনিলে ভক্তি বাঢ়ে তৎকাল ॥  
 শ্রীরঘুনাথ বিপ্র কুলে উৎপত্তি।                      আইলুঁ তোমার দেশে গুণ শুনি অতি ॥  
 চিরকাল রাজ্য কর উৎকল মাঝে।                      পাঞ্চালী রচিয়া আইলুঁ তোমার সমাজে ॥  
 অশ্বমেধ পাঞ্চালী সে করিঞা কোতুকে।                      আজ্ঞা দেহ আন্ধি পঢ়ি তুমার সভাতে ॥  
 শুনিঞা বিপ্রে'র বোল রাজা হরষিতে।                      আজ্ঞা দিল ব্রাহ্মণকে পাঞ্চালী পঢ়িতে ॥  
 তখন সে নারায়ণীকে করিল স্মরণ।                      পদ ছন্দে পঢ়েস্ত যত বীরের চরণ ॥”

গ্রন্থের সর্বত্র এই ভণিতা,—

“অশ্বমেধ পুণ্যকথা অমৃতলহরী।                      পিবন্ত ভকত জন কর্ণঘট ভরি ॥  
 শ্রীযুত মুকুন্দদেব নৃপ শিরোমণি।                      পরম বৈষ্ণব দানে বলি কর্ণ জিনি ॥  
 উৎকল দেশনাথ যেন কল্পতরু।                      প্রচণ্ড প্রতাপ জ্ঞানে যেন সুরগুরু ॥  
 ইন্দ্রদ্রুম সম যার যশের মহিমা।                      প্রজার পালক যার যশের নাহি সীমা ॥  
 চিরদিন রাজ্য করি হৈল অকল্যাণ।                      অশ্বমেধ পর্বকথা শ্রীরঘুনাথ ভাগ ॥”

প্রাগুক্ত কবিতাগুলি পাঠে অবগত হওয়া যায় ; গ্রন্থকার গ্রন্থ রচনা করিয়া উৎকলেস্থর মুকুন্দদেবের সভায় পাঠ করিয়াছিলেন। মুকুন্দদেবের অকল্যাণ হইয়াছিল। সে অকল্যাণ কি? মুকুন্দদেব ১৫৬৭ খৃষ্টাব্দে গৌড়ের পাঠানরাজগণ কর্তৃক রাজ্যভ্রষ্ট হন। তখন সোলেমান কররাণী গৌড়ের রাজা ছিলেন। তাঁহার প্রেরিত সেনাপতি কালাপাহাড়ের সহিত বুদ্ধে মুকুন্দদেব পরাজিত হন। রঘুনাথ এই ঘটনার পরে আপন গ্রন্থের সম্পূর্ণতা বিধান করেন। গ্রন্থের রচনা মুকুন্দদেবের রাজত্বকালে হইয়াছিল, ইহা অনুমিত হইতে পারে।

আমরা হস্তলিখিত যে গ্রন্থখানি পাইয়াছি, তাহা ১০৩১ সালে লিখিত। অতএব গ্রন্থখানি বাঙ্গালা প্রাচীন গ্রন্থসমূহের একখানি। পুথিখানি ২৭৪ বৎসরের পুরাতন। কাশীরাম দাসের সময় নির্ণয়ে গোল রহিয়াছে। কাশীরামের গ্রন্থে নানা জনের হাত পড়ায় উহার আদি অবস্থা জানা কঠিন হইয়া পড়িয়াছে। রঘুনাথের অশ্বমেধপঞ্চালিকায় কেহ হস্তক্ষেপ করে নাই। লেখকের দোষে, কোন কোন অংশ যে পরিবর্তিত না হইয়াছে এমন নয়। গ্রন্থের শেষ অংশ এইরূপ,—

“—ইতি শ্রীমহাভারতে পঞ্চালিকা প্রবন্ধে শ্রীরঘুনাথ কৃতৌ অশ্বমেধ পর্বঃ সমাপ্তেতি ॥\*॥

শুভমস্তু শকাব্দা ১৫৪৬ শকে ১০৩১ সাল। তারিখ ১৩ মাহ শ্রাবণ। কৃষ্ণাদশম্যাং তিথৌ বেলা প্রহর তিন উপরান্ত ॥ রোজ সোমবার ॥ ফতেয়পুরগ্রামনিবাসী শ্রীগৌরীদাস সাত পুস্তকমিতি ॥ জানুকী গ্রামেন লিখিতং সৌ কুলে জন্ম ফতেপুরনিবাসী শ্রীগৌরী-

দাসস্ব লিখিতমিতি ॥ ভঙ্গপৃষ্ঠ কটিগ্রীব স্তব্দদৃষ্টিরধোমুখঃ দুঃধেন লিখিতং গ্রন্থং শোধয়িষ্যন্তি  
পণ্ডিতাঃ । ভীমস্যাপি রণে ভঙ্গো মুনীনাঞ্চ মতিভ্রমঃ । শ্রীহর্গাদেবো নমঃ । শ্রীমহাদেবো  
নমঃ ॥ শ্রীগুরুদেবচরণেভ্যাং নমঃ ॥ পিতামাতা চরণেভ্যাং নমঃ ॥”

গ্রন্থকার কাশীরাম দাসের পূর্বতন কি অধস্তন, তাহা নিঃসংশয়ে বলা যায় না, বোধ  
হয়, পূর্বতন লোক । কোথায় বাস করিতেন, তাহাও জানিবার উপায় নাই । রাঢ়ের কি  
মালদহের লোক তাহা বলা যায় না । তাঁহার ব্যবহৃত অনেক গ্রাম্য শব্দ মালদহ জেলার  
ভাষায় দৃষ্ট হয় । যে গৌরীদাস সাহর এই পুস্তক তাঁহার নিবাস ফতেপুর । এই গ্রাম  
পুরাতন মালদহের নিকট ছিল, এখানে এখন লোকের বাস নাই । চৈতন্যের নামে পাগল  
মালদহের লোক, চৈতন্যের নামও করে নাই । বোধ হয়, গ্রন্থলেখনের সময় মালদহের  
লোক এখনকার ন্যায় বৈষ্ণব হয় নাই ।

এই গ্রন্থ, জৈমিনির অশ্বমেধপর্ব অবলম্বন করিয়া লিখিত হইয়াছে । যথা :—

“অশ্বমেধ পুণ্য কথা, বিচিত্র প্রবন্ধ গাথা, মন দিয়া শুনে পুণ্যবান্ । °

নাশ যায় পাপচয়, পুণ্য হয় অতিশয়, জৈমিনি সংহিতা বচন ॥”

এই গ্রন্থে কেবল পয়ার ও ত্রিপদীছন্দ ব্যবহৃত হইয়াছে । পয়ার ও ত্রিপদী নামকরণ  
হয় নাই । পয়ারকে হ্রস্ব ছন্দ এবং ত্রিপদীকে দীর্ঘ ছন্দ বলা হইয়াছে । পয়ারের চৌদ্দ  
অক্ষরী নিয়ম সর্বত্র রক্ষিত হয় নাই । চৌদ্দ অক্ষর অপেক্ষা অধিক বা অল্প অক্ষরেও  
পয়ারের চরণ রচিত হইয়াছে । যথা,—

(১) “হেন সে ঘোটক আদি নাহি দেখি কোনো কালে ।”

(২) “ত্রেতাযুগে ছিলা রাম সেনাপতি ।”

অধিকাংশ স্থলে “কে” ও “তে” বিভক্তির স্থানে “ক” ও “ত” ব্যবহৃত হইয়াছে, যথা  
“ঘোড়াকে” ও “বেদেতে” না বলিয়া “ঘোড়াক” ও “বেদেত” বলা হইয়াছে ।

“যথা” শব্দের স্থলে “জাত” শব্দ ব্যবহৃত হইয়াছে । যথা—

“জাত জগন্নাথ রূপে বৈসে নারায়ণ ।”

“বলিলেন,” “দেখেন,” “করিলেন” প্রভৃতি নকারান্ত ক্রিয়াপদের স্থলে “বলিলেন্ত,”  
“দেখেন্ত,” “করিলেন্ত” ব্যবহৃত হইয়াছে । যথা,—

“পদ ছন্দে পড়েন্ত ঘত বীরের চরণ ।”

“ইয়া” প্রত্যয়ের স্থলে ঞ্ঞিয়া ব্যবহৃত হইয়াছে,—যথা—“করিয়া,” “বুলিয়া,” “খাইয়া”  
স্থলে “করিঞা,” “বুলিঞা,” “খাইঞা” প্রভৃতি ।

“উক” প্রত্যয়ের স্থলে “উ” বা “ওক” ব্যবহৃত হইয়াছে । যেমন “ধরুক” ও “সহক”  
না বলিয়া “ধরৌ,” “সহৌক” ব্যবহৃত হইয়াছে ।

প্রথমা বিভক্তির এক বচনে কখন কখন “এ” ব্যবহৃত হইয়াছে । যথা “রাজা” না  
বলিয়া “রাজাএ” বলা হইয়াছে ।

কোন কোন স্থলে “চাও,” “কও” প্রভৃতি ক্রিয়া পদের স্থলে “চাহসি” “কহসি” প্রভৃতি ব্যবহৃত হইয়াছে ।

বৈষ্ণব গ্রন্থের স্থায় এই পুস্তকে “দেবদেবী” না বলিয়া “দেবাদেবী” বলা হইয়াছে ।

পুরাতন বৈষ্ণব গ্রন্থের স্থায় এই গ্রন্থের সর্বত্র “পড়িল,” “বাড়িল,” “চড়িল” প্রভৃতি স্থানে “পঢ়িল,” “বাঢ়িল” ও “চঢ়িল” প্রভৃতি ব্যবহৃত হইয়াছে ।

এমন কতকগুলি শব্দ আছে যাহার অর্থ বুঝিতে পারা যায় না । যথা—“আঠান্তরে,” “সহায়,” “মুকায়” প্রভৃতি ।

কাশীরাম দাসের অশ্বমেধ পর্বের সঙ্গে মিলাইয়া দেখিলাম । কোন কোন স্থানে সুন্দর মিল আছে, কেবল দুটী একত্র মাত্র শব্দ পৃথক্ । বলিতে পারি না, কে কার নিকট গী । গ্রন্থকার যে দেশের লোক, সে দেশে তখন মুসলমান রাজত্বের পূর্ণ প্রতাপ । পুরস্কার পাওয়ার আশায় গ্রন্থকার, উড়িষ্যায় গিয়াছিলেন । পরের রচনা একটু বদলাইয়া নিজের বলিয়া পরিচিতি করিতে কি তাঁহার সাহস হইয়াছিল ? নানা কারণে অনুমিত হয়, রঘুনাথ, কাশীরামের পূর্বতন লোক । কবি সংস্কৃত ভাষায় পণ্ডিত ছিলেন । গ্রন্থে প্রসঙ্গক্রমে রামায়ণে বর্ণিত রামাশ্বমেধের বর্ণনা আছে । উহার কিয়দংশ উদ্ধৃত হইল :—

“ত্রেতাযুগে ছিলা রাম নরপতি ।	বিষ্ণু অবতার দশরথের সন্ততি ॥
তার পত্নী সীতা যদি রাবণে হরিল ।	সপুত্র বান্ধব রাম তাক সংহারিল ॥
অনল পরীক্ষা দিয়া আনিলেন্তি সীতা ।	জনকমন্দিনী সতী অতি সুচরিতা ॥
সীতাক লইয়া শ্রীরাম কমললোচন ।	অযোধ্যাঞে কবিল গমন ॥
বিভীষণ আদি করি রাক্ষস প্রভৃতি ।	আইলা সূগ্রীব নামে বানরের পতি ॥
দেশে আসি রাম আইলা অযোধ্যানগরে ।	বহুকাল রাম রাজা সুখে রাজ্য করে ॥
কিঙ্কর সোদর দ্বারে বহু নৃপগণ ।	পুলসম করে রাজা প্রজার পালন ॥
তিন বজ্রসম বাক্য রাম নিয়োজিল ।	বলাবল করিতে কেহ কাকো না পারিল ॥
রাজ্য পালিতে রামের আছিল হেন মতি ।	চারিযুগে তার স্ম নাহি ছিল নৃপতি ॥
নব সহস্র বৎসর সে নিত্য ব্যবহার ।	রাজ্য করে রাম রাজা বিষ্ণু অবতার ॥
কতো কালে রাম রাজার পুত্র না হৈল ।	হৃদয়েত শ্রীরামের চুঃখ উপজিল ॥
বশিষ্ঠ সে নামে রাজার কুলপুরোহিত ।	শ্রীরামের পুত্র হেতু যন্ত্র জপে মিত ॥
তবে সে জানকী দেবী হৈলা গর্ভবতী ।	শ্রবণার শেষ পাদে গর্ভ উৎপত্তি ॥
গর্ভবতী হৈঞা সীতা আছে চারি মাস ।	কেলি কুতূহলে ছিলা শ্রীরামের পাশ ॥
পঞ্চমাসে শ্রীরাম সে এ স্বপ্ন দেখিল ।	গঙ্গাতীরে সীতা লৈঞা লক্ষণ এড়িল ।
“শোকে সে বিলাপ সীতা করে গঙ্গাতীর ।	হেন স্বপ্ন দেখি যে শ্রীরাম মহাবীর ॥
বশিষ্ঠকে স্বপ্ন রাম কহিল সকল ।	যেন স্বপ্ন দেখিলেন্ত রাম মহাবল ॥
এতেক কহিঞা রাম স্থির কৈলা মতি ।	পুংসবন কর্ম দেখিল হইল সম্প্রীতি ॥

শ্রীরাম বোলেস্ত শুন কুলগুরোহিত ।  
 রাস্তার বচন শুনি কহে ব্যবহার ।  
 এ পুষ্প নক্ষত্রে রাম কর পুংসবন ।  
 মূনির বচন শুনি রাম নরগতি ।  
 পঞ্চ দিবসে আমি করি পুংসবন ।  
 গুরু মোর বিশ্বামিত্র আনহু সহর ।  
 রামের বচন শুনি সুমিত্রা নন্দন ।  
 শিল্পী চিত্রগণ সব আনি শীঘ্রগতি ।  
 বিশ্বামিত্র মুনি আইলা রাম সন্নিধানে ।  
 পাণ্ড অর্ঘ্য দিঞা রাম ছুহাক অর্চিল ।  
 সীতার সহিত রাম যজ্ঞের মণ্ডপে ।  
 বেদেধ বিধানে পুংসবন সে করিল ।  
 জনক রাজার আর নাহিকে তনয় ।  
 ই কারণে নিজ রাজ্য শ্রীরামকে দিল ।  
 তপোবনে প্রবেশিল জনক নৃপতি ।  
 যজ্ঞের মণ্ডপ বিপ্রগণ নমস্করি ।  
 শয়নে আছেস্ত রাম পালঙ্ক উপরে ।  
 শ্রীরামে পুছিল সীতা কহ অভিলাষ ।  
 সীতা বোলে তোমার প্রসাদে প্রভুবর ।  
 আর কুন দ্রব্য নাহি মোর প্রতি আশ ।  
 তপোবনে যাই যথা ভাগীরথী-তীর ।  
 সীতার বচনে রাম হাসিতে বুলিল ।  
 পুন বন যাইতে শ্রদ্ধা হইল তুমার ।  
 ই বলিয়া নিদ্রা গেলা রাম মহাশয় ।  
 রজনীত বেড়ায় নগরে সহচর ।  
 \* \* \* রজনীত প্রসঙ্গ শুনিল ।  
 শ্রীরামকে চরে কহে নিভৃত কাহিনী ।  
 সত্য কর চর মোরে অসত্য পরিহরি ।  
 মোর কুন দোষ গুণ বোলে লোকজন ।  
 সীতার কহেস্ত লোক কুন গুণদোষ ।  
 স্বরূপ বচন কহ প্রজার পালন ।  
 রামের বচনে এক চরে কহে কথা ।

সীতার পুংসবন চাহ দিবস বিহিত ॥  
 পঞ্চ দিবস লগ্ন আছেয়ে এহার ॥  
 তার অহরূপ তুমার হইব নন্দন ॥  
 লক্ষ্মণকে ডাক দিয়া বোলে শীঘ্রগতি ॥  
 জনক রাজাকে আন করিঞা যতন ॥  
 চলহ লক্ষ্মণ ঝাটে বিলম্ব না কর ॥  
 শ্রীরামকে প্রণমিঞা চলে ততিক্ষণ ॥  
 বিচিত্র মণ্ডপ সব তোলে শীঘ্রগতি ॥  
 জনক লইঞা আইল সুমিত্রা নন্দনে ॥  
 বশিষ্ঠ মুনিএ তব যজ্ঞ আরম্ভিল ॥  
 সবাকবে বৈসে রাম উপরে চন্দ্রাতপে ॥  
 বহুধনে রাম সে মুনিক তুষ্ট কৈল ॥  
 ছুহিতা জানকী রাম জামাতা মহাশয় ॥  
 বিশ্বামিত্র সঙ্গে রাজা তপোবনে চলিল ॥  
 পাইল শঙ্কর দেশ রাম মহামতি ॥  
 সীতার সহিত রাম গেলা নিজ পুরী ॥  
 বসিয়াছে সীতাদেবী রামের গোচরে ॥  
 কুন দ্রব্য থাকে নিতে তোর প্রতি আশ ॥  
 ত্রিভুবনের দ্রব্য আছে আমার সে ঘর ॥  
 সবে এক বস্তু প্রতি আছে অভিলাষ ॥  
 মুনিপত্নী দেখে গিঞা আশ্রম সুরুচির ॥  
 এতকালে বনবাসে সন্তোষ না হৈল ॥  
 হউক যাইহু কালি ভাগীরথী পার ॥  
 বাহির হইল রাম প্রভাত সময় ॥  
 প্রভাতে কহেস্ত \* \* \* শ্রী \* \* \* ॥  
 সকল রহস্য আসি রামকে কহিল ॥  
 পুন জিজ্ঞাসিল সে শ্রী \* \* \* ॥  
 দোষ গুণ কিবা বোলে অযোধ্যা নগরী ॥  
 কোন দোষ \* \* \* বোলে ভ্রাতৃগণ ॥  
 মোর কুন গুণতে প্রজার পরিতোষ ॥  
 \* \* \* \* \* ॥  
 তাহার বচনে রামের নাহিকে অগ্রথা ॥



সৰ্ব প্রজানাথ গোসাঞী বলে মহাবল ।      তুমা সম ক্লেহো নহে পৃথিবী ভিতর ॥  
 সৰ্ব গুণে তুমাক প্রশংসে সৰ্বলোক ।      এক বোল শুনি আজি পাইলু বড় শোক ॥  
 এক সে রজক নারী কলহ করিঞা ।      বাপের ঘরতে গেল স্বামীক এড়িয়া ॥  
 চারি দিন ছিল বাপের ঘরে গিঞা ।      সূচরিতে ছিল বাপ মাত্ম আনন্দিঞা ॥  
 আর দিন তার বাপ সংহতি করিঞা ।      বন্ধু সঙ্গে তার ঘরে কত্যাঁ দিল নিঞা ॥  
 তবে তাগ দেখিঞা কৃষিল তার পতি ।      চারি দিন নাহি তুঞি আমার সংহতি ॥  
 নারী হৈঞা পর ঘরে থাকে এক রাত্তি ।      পুরুষে কি করিতে পারে তাহার শক্তি ॥  
 তুমাক বর্জিল আমি যাহ বাপ স্থানে ।      রাম রাজা হেন আমি না চিন্তিহ মনে ॥”

স্থানান্তরে —

“নয়ন অগোচর যদি হইল লক্ষণ ।      মুর্চ্ছিতা হৈঞা সীতা পড়িল তখন ॥  
 বনে পশু পক্ষী সব টাকে অতুলিত ।      সে সব শুনিয়া সীতা পাইলে সন্মিত ॥  
 চেতন পাইয়া সীতা কান্দে উচ্চস্বরে ।      হরিণী কাতর যেন ফুটি বিকশরে ॥  
 সীতার ক্রন্দন শুনি বনে পশুগণ ।      ছাড়িয়া আহার পানী চাহে ঘন ঘন ॥  
 “মহাশোকে কান্দে দেবী ছাড়ি দীর্ঘ নাদে ।      সঙ্গ ভঙ্গ যুগ যেন সঙ্গ নাহি বান্ধে ॥  
 চমকিত নয়ন দেখি চাহে স্থানে স্থান ।      বন পশু পক্ষী দেখি ভয়ে কম্পমান ॥  
 কুশের কণ্টক তার ফুটিল চরণে ।      আকুল হইঞা সব দেখে দেবগণে ॥  
 ক্ষণে হাটে ক্ষণে কান্দে বনে একাকিনী ।      ঘোড় হারাইঞা যেন কাতর হরিণী ॥”

স্থানান্তরে —

“রথে আরোহণ করি সুমিত্রা কুমার ।      রহ রহ করি দিল ধনুর টঙ্কার ॥  
 অকালে জলদ যেন করিল গর্জন ।      ধনুর টঙ্কার ভয় পাইল ত্রিভুবন ॥  
 ক্রুদ্ধ হৈঞা আইল বীর রণ করিবার ।      হাসএ কুমার লব ভয় নাহি তার ॥  
 একবারে ঘোড়ে বীর একাদশ বাণে ।      চারি বাণে চারি ঘোড়া কাটিল তামনে ॥  
 আর বাণে কাটিল হাতের ধনুর্বাণ ।      চারি বাণে রথের চাকা কৈল খান খান ॥”

স্থানান্তরে

“যে জন দুর্বল হয়,      সেহি চাহে পরিচয়,      বলবস্ত করএ সংগ্রাম ।  
 বীর পথ এড় যবে,      পরিচয় করি তবে,      তত্ত্ব কথা শুন কহি রাম ॥  
 আমি ছই কুশ লব,      সীতার উদর সম্ভব,      মুনিগণ জন মেলি বসি ।  
 ধনুর্বিজ্ঞা বেদ মন্ত্র,      জানিল সকল তন্ত্র,      গুরু মোর বাণীক মহাঋষি ॥  
 রামায়ণ বেদ পাঠ,      যে মূনির চিন তাক,      আমি ছই ভাইরে পড়াইল ।  
 সেই মহাপুণ্য অতি,      মহামুনি সন্নিহতি,      আমি ছই সতত পাইল ॥”

উদ্ধৃত অংশের কেবল বর্ণাঙ্কিত সংশোধন করিয়া দিয়াছি । গ্রন্থের কোন কোন পত্রের

স্থানে স্থানে অক্ষর উঠিয়া গিয়াছে, তজ্জন পড়িতে পারা যায় না। গ্রন্থের কোন কোন স্থানের অর্থকোষ হয় না। রচনা স্থানে স্থানে মনোহর।

শ্রীরজনীকান্ত চক্রবর্তী ।

## গৌড়াধিপ মদনপালের তাম্রশাসন ।

পালবংশীয় রাজগণের প্রদত্ত এপর্যন্ত ৫ খানি মাত্র তাম্রশাসন আবিষ্কৃত হইয়াছে। সেই কয়খানির উপর নির্ভর করিয়া রাজা রাজেন্দ্রলাল, প্রত্নতত্ত্ববিদ কনিংহাম ও কিল্‌হোর্ণ প্রভৃতি পণ্ডিতগণ পালবংশীয়গণের সংক্ষিপ্ত ইতিহাস-সংগ্রহের চেষ্টা করিয়াছেন। বলিতে কি অনির্দিষ্ট-কালজ্ঞাপক সেই কয়খানি তাম্রশাসন হইতে তাঁহারা কেহই আশানুরূপ ইতিহাস সংগ্রহে সুবিধা করিতে পারেন নাই। তবে এইমাত্র বলিতে হইবে যে পূর্বে 'পালরাজগণের বংশাবলী' সম্বন্ধে যে সকল অমূলক প্রবাদ প্রচলিত ছিল, তাহা ভঙ্গন করিতে ঐ সকল সাময়িক লিপি অনেকটা সাহায্য করিয়াছে, কিন্তু পালরাজগণের প্রকৃত ইতিহাসের স্মৃষ্টিলা স্থাপনে সমর্থ হয় নাই। আজ আনন্দের সহিত যে তাম্রশাসন খানির পরিচয় দিতেছি, তিমিরাবৃত পালরাজগণের ইতিহাসে এই নবাবিষ্কৃত তাম্রশাসনখানি অনেকটা সত্যালোক প্রকাশ করিতে সমর্থ হইয়াছে। তাই আজ আমরা এই অত্যাশ্চর্যক তাম্রশাসনখানির সমস্ত পাঠোদ্ধার করিয়া-ইতিহাসপ্রিয় স্মৃষ্টিদর্শকের নিকট উপস্থিত করিতেছি। বেশী দিনের কথা নয়, দিনাজপুরের ম্যাজিষ্ট্রেট শ্রীযুক্ত নন্দকৃষ্ণ বসু মহাশয় দিনাজপুর হইতে দুইখানি খোদিত তাম্রফলক সংগ্রহ করিয়া সাহিত্য-পরিষৎ কার্যালয়ে অর্পণ করিয়াছেন। এতন্মধ্যে একখানি মহীপালদেবের প্রদত্ত ও অপর খানি আমাদের আলোচ্য মদনপালদেবের তাম্রশাসন। মহীপালের তাম্রশাসন ছাড়িয়া এখন কেবল আমরা মদনপালদেবের তাম্রশাসন সম্বন্ধেই আলোচনা করিব।

কিরূপে এই তাম্রশাসন খানি সাহিত্যানুরাগী বসু মহাশয়ের হস্তগত হইল, এখনও তাহার সকল সংবাদ পাওয়া যায় নাই। তিনি শীঘ্রই লিখিয়া পাঠাইবেন; এরূপ আশ্বাস দিয়াছেন। তখন সকলে জীনিতে পারিবেন।

যতদূর দেখিলাম, এই তাম্রশাসন খানির বিষয় অধিকাংশই সম্পূর্ণ নূতন ও বিশেষ প্রয়োজনীয়। এখানির পরিচয় এ পর্যন্ত আর কোথাও লিপিবদ্ধ হয় নাই; এই প্রথম প্রকাশিত হইল।











এই তাম্রশাসন একখানি ফলকে উৎকীর্ণ। ইহা দৈর্ঘ্যে ১৫½ ইঞ্চ এবং প্রস্থে ১৫ ইঞ্চ ইহার উভয় পৃষ্ঠায় লিপি আছে।

লাঞ্জন।—তাম্রশাসনের উর্দ্ধভাগে পালরাজগণের রাজচিহ্নরূপক লাঞ্জন মূল-ফলকের সহিত আবদ্ধ রহিয়াছে। মূল ফলক ছাড়াইয়া ইহা ৫ ইঞ্চ পর্য্যন্ত বিস্তৃত। ইহার সম্মুখভাগ চারিদিক্ পাতালতা ও শঙ্খঘণ্টাদি দ্বারা অলঙ্কৃত; এই অংশের মধ্যস্থানে লাঞ্জন বা রাজচিহ্ন। ইহা একটা গোলাকার চক্রমধ্যে উৎকীর্ণ; ইহার মধ্যভাগ ক্ষুদ্র তারাচিহ্নরূপ দুই সারি সমরেখা দ্বারা দুই ভাগ করা হইয়াছে। তাহার উর্দ্ধভাগে মধ্যস্থলে ধর্মচক্র, তাহার দুই পার্শ্বে চক্রাভিমুখী দুইটা যুগমূর্তি। বেথার নিম্নে উচ্চাক্ষরে “শ্রীমদনপালস্য” এই শব্দ লেখা আছে।

অক্ষরবিদ্যাস।—প্রায় আটশত বর্ষ পূর্বে বঙ্গদেশে যেরূপ অক্ষর প্রচলিত ছিল, এই তাম্রশাসনখানি সেই অক্ষরে লিখিত। ইহার কতকগুলি অক্ষর মৈথিল অক্ষরের সদৃশ; কতকগুলি বর্ণ কুটলাক্ষরের অনুরূপ। ডাক্তার বেণ্ডল নেপাল হইতে গোড়াধিপ গোবিন্দ-পালদেবের সময়ে লিখিত যে তালপত্রের পুথি বাহির করিয়া প্রতিলিপি প্রকাশ করিয়াছেন, আলোচ্য তাম্রশাসনের লিপিবিদ্যাস অবিকল তদনুরূপ। ডাক্তার বেণ্ডল এই লিপিকেই প্রাচীনতম বঙ্গাক্ষর বলিয়া প্রকাশ করিয়াছেন।

অক্ষরবিদ্যাস সম্বন্ধে দুই একটা কথা বলিবার আছে—


অন্তস্থ ‘ব’ ও বর্গীয় ‘ব’ সর্বত্রই একরূপ, কেবল অন্তস্থ “ব” ব্যবহৃত হইয়াছে। ইহার বহুপূর্ববর্তী মহীপালদেবের তাম্রশাসনে যেরূপ ‘ধ’ আছে, ইহার একস্থানে কেবল সেইরূপ প্রাচীন আকারের ‘ধ’ দৃষ্ট হইল। রেফের পর অধিকাংশ স্থানেই ব্যঞ্জনবর্ণ দ্বিভঙ্গরূপে উৎকীর্ণ হইয়াছে; কোথাও রেফ উঠে নাই, কিন্তু প্রায় সেই সেই স্থানে ব্যঞ্জনবর্ণ দ্বিভঙ্গ আছে। কোথাও ‘দ’ এবং ‘হ’ এক রকম উঠিয়াছে। অধিকাংশ স্থানেই ‘ন’ অক্ষরের স্বতন্ত্র রূপই গৃহীত, আবার কোথাও ‘ন’ এবং ‘ত’ এক রকমই খোদা হইয়াছে। ‘ঘ’ এবং ‘প’বর্ণের বড় একটা পার্থক্য নাই। ‘শ’র পরিবর্তে কএক স্থানে ‘স’ লিখিত হইয়াছে। ছয় স্থানে অবগ্রহ চিহ্ন দৃষ্ট হইল।

পালরাজগণের নাম।—ইতিপূর্বে কিল্‌হোর্ন প্রভৃতি প্রত্নতত্ত্ববিদগণ পালরাজগণের যে বিবরণ সংগ্রহ করিয়াছেন, তাহাতে ধারাবাহিকরূপে মোট ১১ জন পাল রাজার নাম পাওয়া যায়।<sup>১</sup> কিন্তু আমাদের আলোচ্য তাম্রশাসনে ধারাবাহিকরূপে ১৭ জন রাজার নাম পাওয়া যাইতেছে। পর পৃষ্ঠায় বংশতালিকা উদ্ধৃত হইল—

(১) C. Bendall's Catalogue of Buddhist Sanskrit MSS, p. iii and plate II, no 4.

(২) ৫ম শ্লোক দ্রষ্টব্য।

(৩) Journal of the Asiatic Society of Bengal, for 1891, part I, p. 77-79.



এই ১৭ জন রাজার সংক্ষিপ্ত বিবরণ এই তাম্রশাসনে বর্ণিত হইয়াছে। কিন্তু কে কোন্ সময়ে কতবর্ষ রাজত্ব করিয়াছিলেন, তাহা এই তাম্রফলকে বর্ণিত হয় নাই।\* মদনপালদেবের পট্টমহিষী চিত্রমতিকা বটেশ্বরস্বামী নামক একজন ব্রাহ্মণকে মহাভারত পাঠে নিযুক্ত করেন, ভারতপাঠের দক্ষিণাস্বরূপ গৌড়াধিপ মদনপাল উক্ত ব্রাহ্মণকে বর্তমান তাম্রশাসন দান করেন। বর্তমান শাসনের দূতক মহাসাক্ষিবিগ্রহিক ভীমদেব। মদনপালের রাজত্বের ৮ম বর্ষে তথাগতসর নামক শিল্পিকর্তৃক এই তাম্রফলক উৎকীর্ণ হয়। মূল তাম্রশাসনের যথাদৃষ্ট পাঠ ও অনুবাদ পরে প্রকাশিত হইল।

\* ৪র্থ শ্লোকের অনুবাদিত অংশের টীকা দ্রষ্টব্য।

(১) পালরাজগণের কাল-নির্ণয় ও বিস্তৃত ইতিহাস স্বতন্ত্র প্রবন্ধে প্রকাশ করিবার ইচ্ছা রহিল।

( সম্মুখভাগ । )

## শ্রীমদনপালশ্লোক ।

( ১ম পংক্তি )

ওঁ নমো বুদ্ধায় ॥ স্বস্তি ॥

মৈত্রীং কারুণ্যরত্নপ্রমুদিতহৃদয়ঃ প্রেয়সীং সন্দধানঃ  
সম্যক্‌সম্বোধিবিদ্যাসরিদমলজলঃ<sup>১</sup>-ফালি-

( ২য় পংক্তি )

তাজ্ঞানপক্ষঃ ।

জিত্বা যঃ কামকারিপ্রভবমভিভবং শাস্ত্রতীং প্রাপ শান্তীং<sup>২</sup>  
স শ্রীমান্ লোকনাথো জয়তি দশবলোহন্যশ্চ গোপালদেব<sup>৩</sup>

( ৩য় পংক্তি )

ঃ ॥[১]

লক্ষ্মীজন্মনিকৈতনং সমকরোহোড়<sup>৪</sup> ক্ষমঃ ক্ষমাভরং  
পক্ষচ্ছেদভয়াহুপস্থিতবতামেকাশ্রয়ো ভূভূতাং ।  
মৰ্যাদাপরিপালনৈকনি-

( ৪র্থ পংক্তি )

রতঃ শৌৰ্য্যালয়োহস্মাদভূ<sup>৫</sup>

• দুষ্কান্তোধিবিলাসবাসবসতিঃ শ্রীধৰ্ম্মপালো নৃপঃ ॥[২]

রামশ্ৰেব গৃহীত সত্যতপসস্তৃষ্ণানুরূপো গুণেঃ<sup>৬</sup>

( ৫ম পংক্তি )

সৌমিত্রে রুদপাদি তুল্যমহিমা বাক্পালনামানুজঃ [১]

যঃ শ্রীমান্ নয়বিক্রমৈকবসতিভ্রাতুঃ স্থিতঃ শাসনে

শূন্যাঃ শক্রপতাকিনীভির-

( ৬ষ্ঠ পংক্তি )

করোদেকাৎপত্রা<sup>৭</sup> দিশঃ ॥[৩]

তস্মাদুপেন্দ্রচরিতৈর্জগতীং পুমানঃ<sup>৮</sup>

পুত্রো বভূব বিজয়ী জয়পালনামা ।

ধৰ্ম্মদ্বিষাং শময়িতা যুধি দেবপালে

যঃ পু-

\* বঙ্গবীর মধ্যবর্তী অংশ মূল তাম্রশাসনে নাই ।

১ ( বিসর্গ হইবে না । )

২ প্রকৃত পাঠ—‘শান্তিঃ’ । ৩ বোড়ুং । ৪ হস্মাদভূৎ । ৫ গুণৈঃ । ৬ দেকাতপত্রা । ৭ পুনানঃ ।

( ৭ম পংক্তি ) 'র্কবে ভুবনরাজ্যস্থখান্‌নৈষীৎ ॥ [৪]

শ্রীমদ্বিগ্রহপালস্তৎসুখুরজাতশক্ররিব জাতঃ ।

শক্রবনিতাপ্রসাধনবিলোপিবিমলাসিজলধারঃ\* ॥[৫]

( ৮ম পংক্তি ) দিক্‌পালৈঃ ক্ষিতিপালনায় দধতং দেহে বিভক্তান্‌ গুণান্‌

শ্রীমন্তং জনয়াম্বভুব তনয়ং নারায়ণং স্তুতাভুভং<sup>৮</sup> ।

যঃ ক্ষেণীপতিভিঃ সিরোমণি<sup>৯</sup>-রুচা-

( ৯ম পংক্তি )

শ্লিষ্টাঙ্ঘ্রী পীঠোপলং

ন্যায়োপাত্তমলঙ্কারচরিতৈঃ স্বৈরেব ধর্মাসনং ॥[৬]

তোয়াশয়ের্জ্জলধিমূলগভীরগর্ভৈ-

দেবালয়েশ্চ<sup>১০</sup> কুলভুধর-

( ১০ম পংক্তি )

ভুল্যকক্ষ্যেঃ<sup>১১</sup> ।

বিখ্যাতকীর্তি<sup>১২</sup>রভবভনয়শ্চ তস্মা

শ্রীরাজ্যপাল ইতি মধ্যমলোকপালঃ ।[৭]

তস্মাৎ পূর্বক্ষিতিত্রাশ্রিধিরিব মহসাং রাষ্ট্র<sup>১৩</sup>-

( ১১শ পংক্তি )

কূটান্বয়েন্দো

স্তুঙ্গশ্চোত্তুঙ্গমোলেছু<sup>১৪</sup>হিতরি তনয়ো ভাগ্যদেব্যাং প্রসূতঃ ।

শ্রীমান্‌ গোপালদেবশ্চিরতরমবনৈরেকপত্ন্যা ইতৈ-

( ১২শ পংক্তি )

কো<sup>১৫</sup>

ভর্তাভূনৈকরৎনদ্যুতিখচিতচতুঃসিন্ধুচিত্রাঙ্গকায়াঃ ॥[৮]

তস্মাদ্ভুব সবিতুর্ক্বস্ককোটিবর্ষী

কালেন চন্দ্র ইব বিগ্রহপাল-

( ১৩শ পংক্তি )

দেবঃ ।

পিতুঃ<sup>১৬</sup> প্রিয়েণ বিমলেন কলাময়েন

\* এখানে 'ধ' অক্ষর পূর্বতন পালরাজগণের লিপিতে ঘেরূপ আছে, সেইরূপ গৃহীত হইয়াছে, কিন্তু ইহার সহিত এই তাম্রশাসনলিখিত আর কোন 'ধ'র সহিত মিল নাই ।

৮ স প্রভুঃ । ৯ শিরোমণি । ১০ দেবালয়েশ্চ । ১১ কক্ষ্যেঃ । ১২ কীর্তিঃ । ১৩ রাষ্ট্রকূটাং । ১৪ ইবৈকো । ১৫ পিতুঃ ।



যেনোদিতেন দলিতো ভুবনশ্চ তাপঃ ॥[৯]

হতসকলবিপক্ষঃ সঙ্গরে বাহুদগ্নী-

(দ)নধি-

( ১৪শ পংক্তি ) কৃতবিলুপ্তং রাজ্যমাসাদ্য পিত্র্যং ।

নিহিতচরণপদ্যো ভূভূতাং মূর্ধ্নি তস্মা-

দভবদবনিপালঃ শ্রীমহীপালদেবঃ ॥[১০]

ভ্রজন<sup>১৬</sup>যো-

( ১৫শ পংক্তি ) ষাসঙ্গং শিরসি কৃতপাদঃ ক্ষিতিভূতাং

বিতম্বন্ সর্বাশাঃ প্রসুভ<sup>১৭</sup>মুদয়াদ্ধেবিব রবিঃ ।

গুণগ্রাম্যা স্নিগ্ধ প্রকৃতিরনুরাগৈ-

( ১৬শ পংক্তি )

কবসতিঃ

স্বতো ধন্যপুণৈ<sup>১৮</sup> রজনি নয়পালো নরপতিঃ ॥[১১]

পীতঃ সজ্জনলোচনৈঃ স্মররিপোঃ পূজানুরক্তঃ সদা

সংগ্রামেক<sup>১৯</sup>

( ১৭শ পংক্তি ) বলোধিকগ্রহকৃতাং কালঃ কুলে বিদ্বিষাং ।

চাতুর্বন্য<sup>২০</sup>-সমাত্রয়ঃ সিতযশঃ পূরৈর্জগল্লম্বয়ন্

তস্মাদ্বিগ্রহপালদেবন্-

( ১৮শ পংক্তি )

পতিঃ পুণ্যৈর্জনানামভূৎ ॥[১২]

তম্বন্দনশ্চন্দনবারিহারি ।<sup>২১</sup> কীর্তি<sup>২২</sup>প্রভানন্দিত্বিশ্বগীতঃ ।

শ্রীমান্ মহীপাল ইতি দ্বিতীয়ো

( ১৯শ পংক্তি )

দ্বিজেশমৌলিঃ শিববদ্বভুব ॥[১৩]

তস্মাভূদনুজো মহেন্দ্রমহিমাকন্দঃ প্রতাপশ্রিয়া-

নেকঃ সাহসসারথিগুণনয়ঃ<sup>২৩</sup>

( ২০শ পংক্তি )

শ্রীশূরপালো নৃপঃ ।

১৬ ভ্রজন । ১৭ প্রসুভ । ১৮ পুণ্যৈঃ । ১৯ সংগ্রামেক । ২০ চাতুর্বন্য । ২১ ( ছেদ হইবে না ) ।

২২ কীর্তি । ২৩ গুণনয়ঃ ।

যঃ স্বচ্ছন্দনিসগ্গ<sup>২৪</sup> বিভ্রমভরা<sup>২৫</sup>বিত্ত<sup>২৬</sup> সৰ্ব্বায়ুধ-  
প্রাগল্ভ্যেন মনঃস্থ<sup>২৭</sup> বিস্ময়ভয়ং সদ্যসূতা<sup>২৮</sup>নদ্বিষাং ॥[১৪]

এ

( ২১শ পংক্তি ) তস্মাপি সহোদরো নরপতির্দ্বিব্যপ্রজানির্ভুর-  
ক্ষোভাহতবিব্রতবাসববৃতিঃ শ্রীরামপালোহভবৎ ।  
শাসত্যেব

( ২২শ পংক্তি ) চিরং জগন্তি জনকে যঃ শৈশবে বিস্ফুরৎ  
তেজোভিঃ পরচক্রচেতসি চমৎকারং চকার স্থিরং । [১৫]  
তস্মাদজায়ত নিজা-

( ২৩শ পংক্তি ) - যতবাহুবীর্য-  
নিম্পীতপীবরবিরোধিযশঃপয়োধিঃ ।  
নেদর্শি<sup>২৯</sup> কীর্তি<sup>৩০</sup>শচ নরেন্দ্রবধুকপোল-  
কল্প<sup>৩১</sup>রপত্র<sup>৩২</sup> মকরীষু

( ২৪শ পংক্তি ) কুমারপালঃ ॥[১৬]  
প্রতর্ধি<sup>৩৩</sup>প্রমদাকদম্বকশিরঃ সিন্দূরলোপক্রম-  
ক্রীড়াপাটলপানিরেষ সুষুবে গোপালমূৰ্বীভুজ<sup>৩৪</sup> ।

( ২৫শ পংক্তি ) ধাত্রীপালনজু স্তুমাণমহিমাকপূ<sup>৩৫</sup>রপাংশু<sup>৩৬</sup>করৈ-  
র্দেবঃ কীর্তিময়ৈর্নিজে<sup>৩৭</sup>বিতনুতে যঃ শৈশবে ক্রীড়িতঃ ।[১৭]  
তদনু মদন-

( ২৬শ পংক্তি ) দেবীনন্দনশচন্দ্রগৌরৈ-  
শ্চরিতভুবনগর্ভঃ পাংশুভিঃ কীর্তিপূরৈঃ ।  
ক্ষিতিমববম<sup>৩৮</sup>তাতস্তস্য সপ্তাঙ্কিদ্রাবী<sup>৩৯</sup>  
মভূতমদনপা-

২৪ নিসর্গ । ২৫ ভরান্ । ২৬ ( এখানে একটি অক্ষর কম আছে । 'বিত্তং' পাঠ হইতে পারে । )  
২৭ সূতাঃ । ২৮ নেদর্শি । ২৯ পত্রং । ৩০ প্রতর্ধি । ৩১ ভূর্জঃ । ৩২ নিজে । ৩৩ মনবম ।  
৩৪ কাপীং ।

( ২৭শ পংক্তি )

লো রামপালাজ্জন্ম ॥[১৮]

স খলু ভাগীরথীপথপ্রবর্তমান-নানাবিধ-নৌবাটক-সম্বাদিত<sup>৩৫</sup>-

সেতু<sup>৩৬</sup>বন্ধনিহিতশৈল-

( ২৮শ পংক্তি )

শিখরগী-বিভ্রমাম্মিরতিশয়ঘনায়ন-করিপট্টশ্যামায়মানবা-

সরলক্ষ্মীসমারন্ধ-সন্তত-জলদসমরসন্দেহা-

( ২৯শ পংক্তি )

ছুদিচীনা<sup>৩৭</sup>নেকনরপতিপ্রাভৃতীকৃতাপ্রমেয়হয়বাহিনী-খরখুরোৎ-

খাত-ধূলীধূষরিতদিগন্তুরালাত্ পরমেশ্বরসেবা

( ৩০শ পংক্তি )

সমাগতশেষ-জম্বুদ্বীপভূপালানন্তপাদত্বনমদবনেঃ শ্রীরামা-

বতীনগরপরিসরসমাবাসিত শ্রীমজ্জয়স্কন্ধাবা-

( ৩১শ পংক্তি )

রাৎ । পরমসৌগতো মহারাজাধিরাজঃ শ্রীরামপালদেব-

পাদানুধ্যাতঃ পরমেশ্বরঃ পরমভট্টারকো মহারাজাধিরা-

( ৩২শ পংক্তি )

জঃ শ্রীমন্মদনপালদেবঃ কুশলী ॥ শ্রীপৌণ্ড্রবন্ধনভুক্তো কোটী-

বর্ষবিষয়ে হলাবর্তমণ্ডলে কোষ্ঠগিরিসংবিংশাত্যাদাধিকোপেতস

( ৩৩শ পংক্তি )

কৈবহু্যধ্বসাবন্ধারজ্জাকে<sup>৩৮</sup> বিংশতিকায়ং ভূমৌ । সমুপগতা-

শেষ রাজপুরুষান্ রাজরাজান্যক<sup>৩৯</sup> রাজপুত্র রাজামাত্য মহাসন্ধিবি-

( ৩৪শ পংক্তি )

গ্রহিক মহাক্ষপটলিক মহাসামন্ত মহাসেপাপতি<sup>৪০</sup> মহাপ্রতীহার

দৌঃসাধসাধনিক মহাকুমারামাত্য রাজস্থানী-

( ৩৫শ পংক্তি )

য়োপরিক চৌরোদ্ধরনিক দাণ্ডিক দাণ্ডপাসিক শৌনিক ক্ষেত্রপ

প্রান্তপাল কোটপাল অঙ্গরক্ষ তদায়ুক্তক বিনিযুক্তক

( পশ্চাত্তাগ । )

( ১ম পংক্তি )

হস্ত্যস্বোষ্ট্র<sup>৪১</sup> নৌবলব্যাপ্তক কিশোরবড়বাগোমহিষ্যজারিকা-

ধ্যক্ষ দ্রতপ্রেষনিক গমাগমিক অতিত্বরমাণ বি-

৩৫ সম্পাদিত । ৩৬ সেতু । ৩৭ উদীচীনা । ৩৮ 'সংবিংশা' হইতে এ পর্য্যন্ত অস্পষ্ট, কোন অর্থগ্রহ হইল না ।

৩৯ রাজশুক । ৪০ সেনাপতি ।

৪১ হস্ত্যস্বোষ্ট্র ।

( ২য় পংক্তি ) ষয়পতিগ্রামপতি তরিক শৌঙ্কিকগৌল্মিক গোড় মালব  
চোড় খস হুন কুলিক কর্ণাট লাট চাট ভট্ট-সেবকাদী-

( ৩য় পংক্তি ) ন্ অন্যাশচাকীর্তিতান্ । রাজপাদোজীবিন<sup>২</sup> প্রতিবাসিনো  
ব্রাহ্মণোত্তরান্ মহত্তমোত্তমকুটুম্বীঃ<sup>৩</sup> পুরোগম-চণ্ডালপর্যন্তান্ য-

( ৪র্থ পংক্তি ) খাইমানয়তি বোধয়তি সমাদিশতি চ বিদিতমস্তু ভবতাং ॥

যথোপরি লিখিতোয়ং<sup>৪</sup> গ্রামঃ ॥ স্বসীমাতৃগল্পুতিগোচরপর্যন্তঃ ॥

( ৫ম পংক্তি ) সতলঃ সোদদেশঃ সাত্রমধুকঃ সজলস্থলঃ সগর্ত্তোশরঃ<sup>৫</sup> সম্‌সটি<sup>৬</sup>-  
বিট্টপঃ সদরসাপসারঃ সচৌরোদ্ধরনিকঃ পরিহৃতসর্ব-

( ৬ষ্ঠ পংক্তি ) পীড়ঃ অচাটভট্টপ্রবেশঃ অকিঞ্চিৎপরগ্রাহঃ ভাগ-ভোগকর  
হিরণ্যাদিপ্রত্যায়সমেতঃ রত্নত্রয়রাজসন্তোগবর্জিতঃ

( ৭ম পংক্তি ) ভূমিচ্ছিদ্রন্যায়েন আচন্দ্রাকক্ষিতিসমকালং মাতাপিত্রোরাত্মনশ্চ  
পুণ্যযশোভিবৃদ্ধয়ে<sup>৭</sup> কোৎস সগোত্রায় শান্তি-

( ৮ম পংক্তি ) ল্যাসিতদেবলপ্রবরায় পণ্ডিতশ্রীভূষণ স ব্রহ্মচারিণে  
সামবেদান্তর্গত কোথুমশাখাধ্যায়িনে চম্পাহিট্টীয়ায়

( ৯ম পংক্তি ) চম্পাহিট্টীবাঁস্তব্যায় বৎসস্বামিপ্রপৌত্রায় প্রজাপতিস্বামি-  
পৌত্রায় শৌনকস্বামিপুত্রায় পণ্ডিত ভট্টপুত্র শ্রীবটেশ্বরশ্বা<sup>৮</sup>

( ১০ম পংক্তি ) মিশর্ম্মণে পট্টমহাদেবী-চিক্রমতিকয়া বেদব্যাসপ্রোক্ত প্রপা-  
ঠিত-মহাভারত-সমুৎসর্গিগত-দক্ষিণাত্মেন ভগব-

( ১১শ পংক্তি ) স্তুং বুদ্ধভট্টারকমুদ্दिश्य शसनीकृत्य प्रदत्तोहस्माभिः ।  
অতো ভবন্তিঃ সর্বৈরেবানুমন্তব্যং ভাবিভিরপি পমিপতি<sup>৯</sup>

( ১২শ পংক্তি ) ভিভূ'মেদানফলগৌরবাৎ অপহরণে মহান্ নরকপাতভয়াচ্চ  
দানমিদমনুমোদ্যানুমোদ্য পালনীয়ং প্রতিবাসি-

( ১৩শ পংক্তি ) ভিশ্চ ক্ষেত্রকরে রাজ্ঞাশ্রবণবিধেয়ী ভূয়ঃ যথাকালং  
সমুদিত-ভাগভোগকরহিরণ্যাদি-প্রত্যায়োপনয়ঃ কার্য ইতি ॥

২ জীবিনঃ । ৩ কুটুম্বী । ৪ লিখিতোহয়ং । ৫ সগর্ত্তোশরঃ । ৬ সম্‌সটি । ৭ বৃদ্ধয়ে । ৮ স্বামিঃ ।

৯ অধিপতি ।

( ১৪শ পংক্তি ) সম্বৎ ৮ চন্দ্রগতো<sup>১</sup> চৈত্র কৰ্মদিনে ১৫ ভবন্তি চাত্র ধৰ্ম্মা-  
নুসংসিনঃ<sup>২</sup> শ্লোকাঃ ॥ বহুভিব্বসুধা দত্তা রাজভিঃ

( ১৫শ পংক্তি )

সগরাদিভিঃ

যস্য যস্য যদা ভূমিস্তস্য তস্য তদা ফলং ॥  
ভূমিং যঃ প্রতিগৃহ্নাতি যশ্চ ভূমিং প্রযচ্ছতি ।  
উভৌ তৌ পুণ্য-

( ১৬শ পংক্তি )

কৰ্ম্মাণৌ নিয়তং স্বৰ্গগামিনৌ ॥

গামেকাং স্বৰ্গ<sup>৩</sup>-মেকঞ্চ<sup>৪</sup> ভূমেরপ্যর্কমঙ্গুলং  
হরন্ নরকমায়াতি ।<sup>৫</sup> যাবদাহুতি<sup>৬</sup>-সংপ্লবং ॥

( ১৭শ পংক্তি ) ষষ্টিং<sup>৭</sup>-বর্ষসহস্রাণি স্বর্গে তিষ্ঠতি ভূমিদঃ

আক্ষেপ্তাচানুমস্তা<sup>৮</sup> চ তাত্বেব নরকে বসেৎ ॥  
স্বদত্তাং প-

( ১৮শ পংক্তি )

রদত্তাং বা যো হরেত বহুন্ধরাং

স বিষ্ঠায়াং কুমিভূ<sup>৯</sup>ত্বা পিতৃভিঃ সহ পচ্যতে ॥  
আশ্ফোটয়ন্তি পিতরো বহ্নয়ন্তি<sup>১০</sup> পিতাম-

( ১৯শ পংক্তি )

হাঃ ।

ভূমিদোহস্মদকূলে জাতঃ স নস্তাতা ভবিষ্যতি<sup>১০</sup> ॥  
সর্বানেতান্ ভাবিনঃ পার্থিবেন্দ্রান্  
ভূয়োভূয়<sup>১১</sup> প্রার্থয়েতো-

( ২০শ ভক্তি )

স<sup>১২</sup> রামঃ

সামান্যায়ং ধৰ্ম্মসেতুর্নরাণাং  
কালে কালে পালনীয়ঃ ক্রমেণ ॥  
ইতি কমলদলাম্বুবিন্দুলোলাং  
শ্রিয়মনু-

১ পত্যা । ২ ধৰ্ম্মানুসংসিনঃ । ৩ স্বৰ্গ । ৪ মেকঞ্চ । ৫ ( ছেদ হইবে না । ) ৬ যাবদাহুত- । ৭ ষষ্টি- ।  
৮ নানুমস্তা । ৯ বর্ণয়ন্তি । ১০ ভবিষ্যতি । ১১ ভূয়ঃ । ১২ প্রার্থয়তোষ ।



( ২১শ পংক্তি )

চিন্ত্য মনুষ্য<sup>১</sup>-জীবিতং চ

সকলমিদমুদাহৃতঞ্চ বুদ্ধ্যা

ন হি পুরুষৈঃ পরকীর্তয়ো বিলোপ্যাঃ ॥

কৃতসকল-

( ২২শ পংক্তি )

নীতিজ্ঞো বৈর্য<sup>২</sup>-শৈর্য-মহোদধিঃ ।

সাক্ষিবিগ্রহিকঃ শ্রীমান্ ভীমদেবোহত্র দূতকঃ ॥

রাজ্যে মদনপালস্য অষ্টমে

( ২৩শ পংক্তি )

পরিবচ্ছরে<sup>৩</sup> ।

তাত্রপট্টমিমং শিল্পী তথাগতসরোহখনং ॥

## অনুবাদ ।

বুদ্ধকে নমস্কার ।

শ্রীমান্ লোকনাথ দশবল ( বুদ্ধ ) এবং অপর শ্রীমান্ গোপালদেব জয়যুক্ত হউন । যাহার হৃদয় কারুণ্যরত্নে প্রমুদিত ছিল, যিনি প্রিয়তমা মৈত্রীকে ধারণ করিয়াছিলেন, সম্যক্‌সম্বোধি-যুক্ত-বিচারূপ-সরোবরের নির্মল জলে যাহার অজ্ঞানরূপ\*পক্ষ বিদূরিত হইয়াছিল, যিনি কামকৃত আক্রমণ নিবারণ করিয়া চিরশান্তি লাভ করিয়াছিলেন । ১ ।

সেই গোপালদেব হইতে শ্রীধর্ম্যপাল জন্মগ্রহণ করেন । তিনি লক্ষ্মীর জন্ম-নিকেতন অর্থাৎ সমুদ্র স্বরূপ, কেন না তিনি সমকর,\* পক্ষচ্ছেদভয়ে অর্থাৎ সপক্ষধ্বংসভয়ে উপস্থিত ভূভৃৎগণের† একমাত্র আশ্রয়, মর্যাদা ‡ রক্ষা করিবার জন্য সর্বদা চেষ্টিত । তিনি পৃথিবীকে বহন করিতে সমর্থ, ও শৌর্য্যের আলয়স্বরূপ ছিলেন এবং ছায়াস্তোম্যধিবিলাসবাস অর্থাৎ বৈকুণ্ঠ সদৃশ তাঁহার বসতি ছিল । ২ ।

তাঁহার বাকপাল নামে এক অনুজ ভ্রাতা ছিলেন । এই শ্রীমান্ বাকপাল সত্যব্রতধারী রামচন্দ্রের অনুজ লক্ষ্মণের ঞ্চায় মহিমান্বিত, গুণাবলীতে ভ্রাতার তুল্য, নয়বিক্রমশালী, ভ্রাতার আদেশ-পালনে তৎপর । তিনি শক্রসেনাদিগকে সম্পূর্ণরূপে পরাভূত করিয়া পৃথিবীকে একাতপত্রা করিয়াছিলেন । ৩ ।

১ মনুষ্য । ২ ধৈর্য্য । ৩ পরিবৎসরে ।

\* সমকর অর্থাৎ সমুদ্র পক্ষে মকরের সহিত বর্তমান এবং রাজপক্ষে যিনি অপক্ষপাতে করগ্রহণ করেন ।

† এখানে 'ভূভৃৎ' শব্দের একপক্ষে রাজা ও অপর পক্ষে পরিত অর্থ বুঝাইতেছে ।

‡ এখানে 'মর্যাদা' শব্দে রাজপক্ষে সম্মান এবং সমুদ্র পক্ষে সীমা বুঝাইতেছে ।

তাঁহা হইতে জয়শীল জয়পাল জন্মগ্রহণ করেন । শ্রীকৃষ্ণচরিত্র দ্বারা যেরূপ জগৎ পবিত্র হয়, তদ্রূপ এই জয়পাল-চরিত্রে জগৎ পবিত্রীকৃত হইয়াছিল । ইনি ধর্মদেষ্ঠাদিগকে শাসন করিয়াছিলেন । ইনি যুদ্ধে শত্রুদিগকে পরাজয় করিয়া দেবপাল নামে নিজ জ্যেষ্ঠ ভ্রাতাকে অশেষ ভুবনরাজ্যস্বত্ব ভোগ করাইয়াছিলেন । ৪ ।

তাঁহার অজ্ঞাতশত্রুর ঞ্চায় বিগ্রহপাল নামে একপুত্র জন্মগ্রহণ করেন । তিনি শত্রুবনিতাদিগের প্রসাধন ( অঙ্গরাগ ) নির্মল অসিরূপ জলধারা দ্বারা ধিলোপ করিয়াছিলেন । ৫ ।

( এই বিগ্রহপালের ) শ্রীমান্ ও প্রভুত্বশালী নারায়ণ নামে তনয় জন্মগ্রহণ করেন । তিনি ক্ষিতিপরিপালনের নিমিত্ত দিক্‌পালগণের অংশদ্বারা বিভক্ত গুণ সকল দেহ ধারণ করিয়া অবতীর্ণ হইয়াছিলেন । তিনি স্বীয় চরিত্রদ্বারা ঞ্চায়ানুসারে প্রাপ্ত ধর্মাসন অলঙ্কৃত করিয়াছিলেন । ভূপতিগণের শিরোমণির কান্তি দ্বারা তাঁহার পাদপীঠোপল আলিঙ্গিত হইত । ৬ ।

তাঁহার পুত্র হইয়াছিলেন রাজা শ্রীরাজ্যপাল । যিনি সমুদ্রের মূলদেশের ঞ্চায় অতিশয় গভীর গর্ভযুক্ত জলাশয় ও কুলপর্কতের সংকক্ষ প্রকোষ্ঠবিশিষ্ট দেবালয় সকল প্রতিষ্ঠা করিয়া বিখ্যাত হইয়াছিলেন । ৭ ।

সেই পূর্করাজ হইতে তুঙ্গ ( অতুমত ) অতএব অতুমতমস্তক-রাষ্ট্রকূটবংশের তনয়া ভাগ্যদেবী তেজোনিধি পুত্র প্রসব করিয়াছিলেন, ( এই পুত্রের নাম ) শ্রীমান্ গোপালদেব । ইনি বহুকাল ধরিয়া পৃথিবীর একমাত্র পতি ছিলেন,—পৃথিবীর অঙ্গ যে চারি মহাসমুদ্র উহাও নানা উজ্জ্বল রত্নে খচিত ছিল । ৮ ।

যেমন সূর্য্য হইতে চন্দ্র, সেইরূপ তাঁহা হইতে বিগ্রহপালদেব জন্মগ্রহণ করেন । তিনি পিতার অতিশয় প্রিয়, নির্মল চরিত্র, কলাময় ও কোটি কোটি বসুং-দানকারী । চন্দ্রের ঞ্চায় উদিত হইয়া তিনি জগতের তাপ বিদলিত করিতেন । ৯ ।

তাঁহা হইতে অবনিপাল শ্রীমহীপালদেব জন্মগ্রহণ করেন । যিনি পিতৃরাজ্য প্রাপ্ত হইয়া শত্রুদিগকে বিনাশপূর্কক নিজ বাহুবলে শত্রুদিগের মস্তকদেশে পদার্পণ করিয়া অনধিকৃত ও বিলুপ্ত রাজ্য উদ্ধার করিয়াছিলেন । ১০ ।

উদয়গিরি হইতে সূর্য্যের ঞ্চায় মহীপালদেবের মহনীয় পুণ্যবলে নয়পাল জন্মগ্রহণ করেন, রমণীদিগের আসক্তি পরিত্যাগ করিয়া রাজগণের মস্তকে পদার্পণপূর্কক যিনি আশা<sup>৩</sup> সকল বিস্তার করিয়াছিলেন । যিনি বহুগুণশালী, স্নিগ্ধ প্রকৃতি ও অমুরাগের আধার । ১১ ।

তাঁহা হইতে লোকদিগের পুণ্যহেতু বিগ্রহপালদেব জন্মগ্রহণ করেন । যিনি সজ্জনদিগের একমাত্র লক্ষ্যস্থল ছিলেন । সর্কদা স্মররিপুর পূজায় অমুরক, তাঁহার বাহুবল সংগ্রামস্থলে

(১) যত্নদের নিত্য সম্বন্ধহেতু এখানে ধর্মপাল, কিন্তু সোজাসৃজি অর্থ করিলে বাকপাল ।

(২) বসু শব্দের রাজপক্ষে ধন ও চন্দ্রপক্ষে কিরণ অর্থ হইবে ।

(৩) আশা শব্দের অর্থ একপক্ষে দিক্ ও একপক্ষে কামনা ।

দর্শিত হইত, অধিক যুদ্ধকারী 'শক্রকুলের যিনি কালস্বরূপ, চারিবর্ণের আশ্রয়, যাহার যশোরাশিতে দিব্যগুণ ধবলিত হইয়াছিল । ১২ ।

চন্দ্রশেখর শিবের গায় বিগ্রহপাল হইতে শ্রীমান্ দ্বিতীয় মহীপাল জন্মগ্রহণ করেন । যিনি মলয়জ-শীতল শুভ্র যশোরাশিদ্বারা জগৎকে আনন্দিত করিয়া বিখ্যাত হইয়াছিলেন । ১৩ ।

তাহার অমুজ শ্রীশূরপাল, ইনি ইন্দ্রতুল্য মহিমাশালী, প্রতাপশ্রীর আধার, অদ্বিতীয়, সাহসই যাহার সারথি এবং গুণস্বরূপ । তিনি স্বাভাবিক বিলাসসমূহ ধারণ করিয়া নিজ অস্ত্র-সমূহের প্রাগলভ্য দ্বারা শক্রদিগের মনে বিশ্বয় ও ভয় উৎপাদন করেন নাই কি ? । ১৪ । ( ? )

ইহার সহোদর রাজা শ্রীরামপাল, যিনি দিব্য প্রজাদিগের অতিশয় ক্ষোভে আহৃত অতএব বিব্রতচিত্ত হ্রাসবের বৃতি অর্থাৎ বেষ্ঠনীস্বরূপ । তাহার পিতা জগৎপরিপালনে নিরত থাকিলেও যিনি শৈশবকালেই বিষ্ণুর্জমান তেজঃদ্বারা শক্ররাজগণকে স্থায়িতাবে চমৎকৃত করিয়াছিলেন । ১৫ ।

তাঁহা হইতে কুমারপাল জন্মগ্রহণ করেন । তিনি নিজের আয়তভূজবীর্য্যদ্বারা বলবান্ শক্রদিগের যশঃসাগর পান করিয়াছিলেন এবং তিনি নরেন্দ্রবধুগণের কপোলে কর্পূরের পত্র ও মকরীর চিত্রণ-বিষয়ে বিপুল কীর্ত্তিলাভ করিয়াছিলেন । ১৬ ।

তাঁহা হইতে নরপতি গোপাল জন্মগ্রহণ করেন । প্রত্যাধিগণের রমণীসমূহের শিরস্থিত সিন্দূরলোপক্রমরূপ ক্রীড়া দ্বারা যাহার হস্ত পাটল হইয়াছিল, পৃথিবীপালন দ্বারা যাহার খ্যাত মহিমারূপ কর্পূরধূলি উৎক্ষিপ্ত হইয়াছিল এবং যিনি শৈশবে সেই স্বীয় কীর্ত্তিসমূহরূপ ধূলিদ্বারা ক্রীড়িত হইয়াছিলেন । ( অর্থাৎ শৈশবকালেই রাজ্যপালন করিয়া অতিশয় যশস্বী হইয়াছিলেন ) । ১৭ ।

তাহার পরে মদনদেবীর গর্ভে রামপালের ঔরসে মদনপাল জন্মগ্রহণ করেন, তিনি জ্যোৎস্নাধবল কীর্ত্তিপূরদ্বারা জগৎ পূর্ণ করিয়া সপ্তসাগরমেথলা পৃথিবীকে পালন করিয়াছিলেন । ১৮ ।

যেখানে ভাগীরথীপথে প্রবর্তমান নানাবিধ নৌবাটক দ্বারা সেতুবন্ধ প্রবর্তিত হওয়ায়, শৈলমালা বলিয়া ভ্রম হইতেছিল, নিরতিশয় মেঘবর্ণাশ্রিত হস্তীর আস্তরণে বাসরলক্ষ্মীকে ( দিন-শোভাকে ) তমসাচ্ছন্ন করায় যেন বর্ষাসময় চিরবিরাজমান বলিয়া সন্দেহ হইতেছিল, যেখানে উত্তরাঞ্চলবাসী রাজগণের প্রদত্ত অসংখ্য অশ্বারোহী সেনার অশ্ব সকলের তীব্র খুরাঘাতে উৎখাত ধূলিরাশি দ্বারা গগনমণ্ডল যেন ধূসরিত হইতেছিল, যেখানে পরমেশ্বরপূজার্থ সমুপস্থিত অসংখ্য জম্বুদ্বীপভূপালগণের অনন্ত-পাদভরে পৃথিবী নমিত হইতেছিল, সেই রামাবতীনগরের নিকটবর্তী স্থানে স্থাপিত বিজয়ী শিবির হইতে, কুশলে অবস্থিত, পরমসৌগত মহারাজাধিরাজ শ্রীরামপালদেবের পাদানুধ্যাত পরমেশ্বর পরমভট্টারক শ্রীমদনপালদেব—শ্রীপৌণ্ড্রবর্ধন-ভুক্তির অন্তর্গত কোটীবর্ষ-বিধয়ের অধীন হলাবর্তমণ্ডলের মধ্যবর্তী কোষ্ঠগিরি-স্নানক গ্রাম \* \* \* বিংশতি পরিমিত ভূমি ( এখানে ) সমুপাগত রাজরাজশুক, রাজপুত্র, রাজামাত্য, মহাসাক্ষি-

বিগ্রহিক, মহাক্ষপটলিক, মহাসামন্ত, মহাসেনাপতি, মহাপ্রতীহার, দৌঃসাধসাধনিক, মহাকুমারামাত্য, রাজস্থানীয়, উপরিক, চৌরোদ্ধরণিক, দাণ্ডিক, দাণ্ডপাশিক, শৌনিক, ক্ষেত্রপতি, প্রান্তপাল, কোটপাল, অঙ্গরক্ষক, এবং এই সকল ব্যক্তি কর্তৃক যাহারা নিযুক্ত বা বিনিযুক্ত; হস্তী, অশ্ব, উষ্ট্র ও নৌবলে নিযুক্ত, কিশোর অশ্ব-গো-মহিষী-অংগ-শ্বেষাদির অধ্যক্ষ, দ্রুতপ্রেষণিক, গমাগমিক, অতিশ্বরমাণ, বিষয়পতি, গ্রামপতি, নৌজীবী, শৌঙ্কিক, গৌল্লিক, গৌড়-মালব-চোড়-খশ-হুণ-কুলিক-কর্ণাট-লাট-হইতে আগত চাট, ভট্ট ও অপরাপর সেবকাদি এবং অনুক্ত অপরাপর সকল রাজপুরুষদিগকে, রাজপাদোজীবী প্রজাদিগকে, মহত্তমোত্তম কুটুম্বি-প্রমুখ ব্রাহ্মণাদি চণ্ডাল পর্য্যন্ত (সকলকেই) যথাযোগ্য সম্মান করিতেছেন, জানাইতেছেন ও আদেশ করিতেছেন, আপনারা সকলে বিদিত হউন! যথা উপরিলিখিত গ্রাম, স্বসীমাস্তর্গত তৃণ, প্লুতি ও গোচারণভূমি পর্য্যন্ত; তল, উদ্দেশ, আম্র, মধুক, জলস্থল, গর্ত, উষর, সাট, বিটপ, দরি, অপসার, চৌরোদ্ধরণিক, (প্রত্যেকসহ) সকলপ্রকার উৎপীড়নপরিহৃত, চাট (ঠিকা) ও ভট্ট (নিয়মিত সৈন্য)-প্রবেশের অযোগ্য, অপর কেহ হস্তক্ষেপ করিতে অনধিকারী, ভাগ ভোগ, কর ও হিরণ্যাদি রাজস্ব সমেত, রত্নত্রয়রাজসন্তোগবর্জিত, 'ভূমিছিদ্র'-শ্রায়ানুসারে যত দিন চন্দ্রসূর্য্য পৃথিবীতে বিद्यমান ততদিনের নিমিত্ত এবং মাতা, পিতা ও আপনার পুণ্য ও যশোবিবর্ধনার্থ চম্পাহিট্টীগ্রামবাসী বৎসস্বামী প্রপৌত্র, প্রজাপতিস্বামীর পৌত্র ও শৌনকস্বামীর পুত্র সামবেদাস্তর্গত কোথুমশাখাধ্যায়ী, কোৎসগোত্র শাণ্ডিল্য অসিত ও দেবলপ্রবরযুক্ত পণ্ডিত শ্রীভূষণ (উপাধিধারী) বটেশ্বরস্বামিশর্মা কে পটুমহিষী চিত্রমতিকা কর্তৃক বেদব্যাসপ্রোক্ত মহাভারত-পার্বের উদ্ব্যাপনের দক্ষিণাস্বরূপ ভগবান্ বুদ্ধদেবের নাম স্মরণ করিয়া শাসনদ্বারা (উক্ত গ্রাম) আমা কর্তৃক প্রদত্ত হইল। অতএব আপনারা সকলেই (এই দান) অনুমোদন করিবেন এবং ভূমির দানফলপ্রাপ্তির গৌরবে ও অপহরণ করিলে নরকপাতের ভয়ে ভাবী নৃপতিবর্গও এই দান অনুমোদন করিবেন। প্রতিবাসী কৃষকগণও (এই) রাজাদেশ শ্রবণ করিয়া সর্বদা পালন করিবে এবং যথাকালে উৎপন্ন (শস্তাদির) ভাগ, ভোগ, কর ও হিরণ্যাদি রাজস্ব (এই শাসনগৃহীতার) নিকট উপস্থিত করিবে। সম্বৎ ৮, শুক্লপক্ষে চৈত্র ক্রম্যদিনে ১৫।

এ সম্বন্ধে ধর্মশাস্ত্রের শ্লোকগুলি এইরূপ আছে—

সগরাদি বহু রাজাই ভূমিদান করিয়াছেন। যাহার যাহার যেমন ভূমিদান, তাহার তাহার তেমনি ফল। যে ভূমি গ্রহণ করে ও যে ভূমিদান করে, এই উভয় পুণ্যকর্মাই নিয়ত স্বর্গগামী হয়। একটা গোই হউক, একটা স্বর্গই হউক বা অর্দ্ধাঙ্গুলি পরিমাণ ভূমিই হউক, হরণ করিলে প্রলয়কাল পর্য্যন্ত নরকভোগ হয়। ভূমিদানকারী ষাটহাজার বর্ষ স্বর্গে অবস্থান করে এবং তাহার গ্রহণকারী ও নিবারণকারী ততদিন নরকে বাস করে। স্বদত্তই হউক বা পরদত্তই হউক যে ভূমি হরণ করে, সে বিষ্ঠার কুমি হইয়া পিতৃপুরুষের সহিত পচিয়া থাকে। পিতৃগণ আত্মলাদসহ প্রকাশ করেন ও পিতামহগণ বর্ণনা করেন যে, আমার বংশে ভূমিদানকারী জন্মগ্রহণ করিয়াছে, এই ভূমিদ আমাদের পরিজাতা হইবে।

রাম এইরূপে সকল ভাবী পার্শ্ববেষ্টিগের নিকট ভ্রয়োভ্রমঃ প্রার্থনা করিতেছেন । নর-গণের ইহাই সামান্ত ধর্ম-সেতুস্বরূপ এবং ক্রমান্বয়ে কালে কালে পালনীয় । মানব-জীবন পদ্মপত্রে জলবিন্দুবৎ চঞ্চল এই চিন্তা করিয়া ও এই উদাহরণ বুঝিয়া পুরুষগণ পরকীর্তি বিলোপ করিবেন না ।

যিনি সকল নীতিতে অভিজ্ঞ, ঐর্ষ্যে ও গাভীর্ষ্যে মহাসমুদ্র সদৃশ ( সেই ) সাক্ষিবিগ্রহিক শ্রীমান্ ভীমদেব এই শাসনে দূতক । মৃদনপালের রাজত্বের অষ্টম পরিবৎসরে তথাগতসর নামক শিল্পী কর্তৃক এই তাম্রপট্ট উৎকীর্ণ হইল ।\*

শ্রীনগেন্দ্রনাথ বসু ।

---

\* মূল তাম্রশাসনের কোন কোন স্থান ঠিক বুঝিতে না পারায় অনুবাদের স্থানে স্থানে মূল শব্দের অবিকল রক্ষিত হইল ।



# সাহিত্য-পরিষৎ-পত্রিক ।

## স্ত্রীকবি মাধবী ।

এ পর্য্যন্ত প্রাচীন বঙ্গসাহিত্যে আমরা একজনমাত্র স্ত্রী-কবির কবিতাকুসুমের সৌরভসুধমার্গ-সন্ধান প্রাপ্ত হইয়াছি, তিনিই মাধবীদেবী । কবিতাকুসুমের পরিমল বিস্তার মাত্র ইহার গৌরব নহে, মাধবীর গুণগরিমা পুরুষসমাজেও দুর্লভ ছিল ।

মাধবী নীলাচলনিবাসিনী । শিখি সাহিত্যের ছোট ভাই মুরারি সাহিত্য ; মাধবী মুরারির ছোট ছিলেন । বৈষ্ণবগ্রন্থে ইহাদিগকে “তিনভ্রাতা” বলা হইয়াছে ; মাধবীকেও ভ্রাতা বলার উদ্দেশ্য এই যে, তিনি পুরুষের স্যায় পণ্ডিত ছিলেন ও পুরুষের স্যায় “জপতপ” করিতেন ।

শ্রীচৈতন্য মহাপ্রভু নীলাচলে উপস্থিত হইলে, জগন্নাথমন্দিরে প্রসিদ্ধ বাসুদেব সার্বভৌম তাঁহাকে প্রাপ্ত হন । চিন্তামণির গ্রন্থকার রঘুনাথ শিরোমণি প্রভৃতির গুরু ( শিক্ষাদাতা ) কঠোর নৈয়ামিক সার্বভৌম, যুখে ঈশ্বর মানিলেও প্রকৃত প্রস্তাবে নাস্তিক ছিলেন । জ্ঞান-গৌরবে সার্বভৌমের স্যায় তখন দ্বিতীয় ব্যক্তি কেহ ছিল না ; নীলাচলে এই সার্বভৌম একজন কৃষ্ণভক্ত বৈষ্ণব হইলেন । কেবল তাহাই নহে, নদীয়ার শ্রীচৈতন্যদেবকে তিনি ঈশ্বরবতার বলিয়া স্বীকার করিলেন । ইহাতে নীলাচলের রাজা প্রতাপরুদ্র হইতে সামান্ত স্ত্রীলোক পর্য্যন্ত, শ্রীমহাপ্রভুকে সেখিবার জন্য ব্যস্ত হইল । কিন্তু চৈতন্যদেব সার্বভৌমের মত পরিবর্তন করিয়াই, দক্ষিণদেশ পর্য্যটনে গমন করিয়াছিলেন বলিয়া, নীলাচলবাসির আশা শীঘ্র পূর্ণ হয় নাই । পূর্ণ হই বৎসর কাল, দক্ষিণদেশের নানাস্থানে ভ্রমণান্তর মহাপ্রভু নীলাচলে প্রত্যাগত হইলে, বাসুদেব সার্বভৌম একে একে নীলাচলবাসী প্রধান ব্যক্তিদিগকে তৎসহ মিলাইয়া দেন । মহাপ্রভু স্ত্রীদর্শন করিতেন না, মাধবীকে নীলাচলের সকলেই যদিও জ্ঞানিত, তথাপি স্ত্রী বলিয়া তিনি মহাপ্রভুর সম্মুখে যাইতে পারেন নাই । তবে মাধবী অন্তরালে থাকিয়া শ্রীচৈতন্যদেবকে দর্শক করেন । এই দর্শনমাত্রই শ্রীমহাপ্রভুকে মাধবীর

ভগবদবতার বলিয়া জ্ঞান হইল ; তিনি মহাপ্রভুর একজন “ভক্ত” হইলেন । মাধবী বলেন যে, গৌরাঙ্গ মূর্তি দেখিলেই কৃষ্ণপ্রেমের উদয় হয় । যথা তৎকৃত পণ্ডে,—

“যে দেখয়ে গোরামুখ সেই প্রেমে ভাসে ।”

গৌরাঙ্গকে একবার মাত্র দেখিয়াই মাধবী ও মুরারি তাঁহাকে ঈশ্বরবতার বলিয়া স্বীকার করেন, কিন্তু জ্যেষ্ঠ শিখি সাহিত্যের তদ্রূপ ভাব হয় নাই । শেষে কোন বিশেষ ঘটনায় তিনিও ভাইদের অনুগমন করেন । সে সকল কথা এস্থলে উল্লেখ করা অনাবশ্যক ।

প্রাচীন কালাবধি নীলাচলে একটা প্রথা প্রচলিত আছে । জগন্নাথদেবের শ্রীমন্দিরে একজন “লিখনাধিকারী” থাকেন অর্থাৎ একজন লেখক-কর্মচারী শ্রীমন্দিরের দৈনন্দিন বিষয় লিপিবদ্ধ করিয়া রাখেন । মাধবীর হস্তাক্ষর অতি সুন্দর ছিল, তাঁহার স্বাক্ষরগ্রন্থিত রচনাক্ষমতা, পাণ্ডিত্য ও বুদ্ধিগৌরবে মোহিত হইয়া রাজা প্রতাপরুদ্র, স্ত্রীলোক হইলেও, মাধবীকে ঐ সম্মানিত পদে নিযুক্ত করিয়াছিলেন । চৈতন্যচরিতামৃতে এই জনাই মাধবী “প্রভু লেখা করে” বলিয়া লিখিত আছে ।

যথা চৈতন্যচরিতামৃতে অন্ত্যখণ্ডে—

“শিখি সাহিত্যের ভগ্নী শ্রীমাধবীদেবী ।

বৃদ্ধ তপস্বিনী তেহঁ পেরমা বৈষ্ণবী ॥

প্রভু লেখা করে, যেই রাধিকার গণ ।

জগতের মধ্যে পাত্র সাড়ে তিন জন ॥

স্বরূপ দামোদর, আর রামানন্দ ।

শিখি সাহিত্য, তার ভগিনী অর্ধ ॥”

মহাপ্রভু জীবগণকে যে কৃষ্ণপ্রেম বিস্তরণ করেন, মোটে সাড়ে তিন জন ব্যক্তিই তাহা সম্যক হৃদয়ঙ্গম ও উপভোগ করিতে সক্ষম হন । সেই সাড়ে তিনজন—স্বরূপ দামোদর, রায়-রামানন্দ, শিখিসাহিত্য এবং মাধবীদেবী । স্ত্রীলোক বলিয়াই তাঁহাকে “অর্ধপাত্র” বলা হইয়াছে । ইহাতেই বুঝুন—মাধবীর ভক্তিপ্রভাব, ইহাতেই অনুভব করুন—মাধবীর জ্ঞান কত গভীর ; তাঁহার শক্তি কত দূরপ্রসারিণী । তাঁহার বৈষ্ণবতা ও কৃষ্ণভক্তি সম্বন্ধে আর অধিক বলিবার প্রয়োজন নাই, চরিতামৃতগ্রন্থে একটীমাত্র ছন্দে, তাঁহার যে গুণ ও ভক্তিগৌরব প্রকাশিত হইয়াছে, তাহাই যথেষ্ট । নীলাচলবাসী ভক্তগণের নামগণনার কৃষ্ণদাস বলিয়াছেন,—

“মাধবীদেবী শিখি সাহিত্যের ভগিনী । শ্রীনাথার দাসী মধ্যে যার নাম গণি ॥”

সে যাহাহোক, এখন মাধবীর কবিত্বের কিঞ্চিৎ পরিচয় আমরা দিব । বলরাম দাস, গোবিন্দ ও বাসুদেব প্রভৃতি খাস বাল্যকালের অধিবাসী । এই উড়িয়া রমণীর বিরচিত পদাদি কোনও অংশে তাঁহাদের রচনা হইতে নিকৃষ্ট নহে । ভাব, ভাষা, লিখনভঙ্গী তদ্রূপই সুন্দর ও মনোরম ; কিন্তু মাধবীর রচনার সর্বত্র যে সারল্য ও মধুরতা দেখিতে পাওয়া যায়, তাহা অতীব দুর্লভ । যদিও তাঁহার রচনায় “ভেল”, “ডালি”, “উকালি”, “বিলসই”, “কাঁপই”, “কহই”, প্রভৃতি শব্দের অভাব নাই, তথাপি বলিতে পারা যায়, অন্যান্য কবির ন্যায়, মাধবীর রচনাতে তৎকালপ্রচলিত গ্রাম্য শব্দ অল্পই দৃষ্ট হয় । এস্থলে আমরা অধিক বাক্যব্যয়

— না করিয়া, পাঠক মহাশয়ের জন্য মাধবীদেবীর একটি পদ উদ্ধৃত করিলাম । শ্রীচৈতন্যদেবের প্রথম নীলাচলগমনোপলক্ষে মাধবী লিখিয়াছেন,—

“কলহ করিয়া ছলা, আগে পহুঁ চলি গেলা,  
ভেটিবারে নীলাচল রায় । •

যতেক ভকতগণ, হৈয়া সুকরণ মন,  
পদচিহ্ন অনুসারে ধায় ॥ •

নিতাই বিরহ অনলে ভেল অন্ধ ।

আঠারনালাভে হৈতে, কান্দিতে কান্দিতে পথে,  
যায় নিতাই অবধৌতচন্দ্র ॥

সিংহ ছয়ারে গিয়া, মরমে বেদনা পাইয়া,  
দাঁড়াইলা নিত্যানন্দ রায় ।

হরেকৃষ্ণ হরি বলে, দেখিয়াছ সন্ন্যাসীরে,  
নীলাচলবাসিরে সুধায় ॥

জাম্বুনদ হেম জিনি, গৌরাক্ষ বরণ খানি,  
অরুণ বসন শোভে গায় ।

প্রেমভরে গর গর, আঁখিযুগ ঝর ঝর,  
হরি হরি বোল বলি ধায় ॥

ছাড়ি নাগরালী বেশ, ভ্রমে পহু দেশে দেশ,  
এবে ভেল সন্ন্যাসীর বেশ ।

মাধবী দাসীতে কর, অপরূপ গৌরা রায়,  
ভট্ট গৃহে করল প্রবেশ ॥”

মাধবীদেবীর গৌরবিষয়ক পদগুলি ঐতিহাসিক, স্মরণ্য সে পক্ষেও ইহার মূল্য খুব অধিক । পথে কোন ভাব বিশেষের বশীভূত হইয়া, নিত্যানন্দ শ্রীমহাপ্রভুর “দস্ত” ভাঙ্গিয়া ফেলিয়াছিলেন । এই উপলক্ষে কৃত্রিম কলহ ছলে শ্রীমহাপ্রভু নিত্যানন্দ, মুকুন্দ, গদাধর, জগদানন্দ প্রভৃতি পার্শ্বদ ভক্তগণকে পশ্চাৎ করিয়া আগে শ্রীমন্দিরে উপস্থিত হন, তথায় সার্কভৌম ভট্টাচার্য্য তাঁহাকে মূর্ছিতাবস্থায় প্রাপ্ত হইয়া, আপনার ঘরে লইয়া যান । ইহার পরে নিত্যানন্দ প্রভৃতি নানা স্থানে খুঁজিতে খুঁজিতে শেষে সার্কভৌমগৃহে উপস্থিত হন ।

মাধবী বলেন,—

“নিত্যানন্দ সঙ্গতি মুকুন্দ গদাধরে ।

প্রতপ্ত কাঞ্চন কান্তি অরুণ বসন ।

আজানুলম্বিত ভুজ চন্দনে শোভিত ।

গোপীনাথ সার্কভৌম বাণীনাথ কাশী ।

দেখিলেন গৌরচন্দ্র সার্কভৌম ঘরে ॥

প্রেমে ছল ছল ছই কমলনয়ন ॥

উন্নতনাসিক উর্ধ্ব তিলকভূষিত ॥

গৌরাক্ষ দেখে যত নীলাচলবাসী ॥

দক্ষিণে নিতাই বসি বামে গদাধর ।      গিলিলেন গোরাচাঁদের যত অনুচর ॥  
যে দেখয়ে গোরামুখ সেই প্রেমে ভাসে ।      মাধবী বঞ্চিত হৈল নিজ কৰ্ম দোষে ॥”

দোললীলা উপলক্ষে শ্রীগোরাঙ্গের কীর্তন বর্ণন করিয়া, মাধবী যে পদগুলি রচনা করেন, তন্মধ্যে একটি এই,—

“আনন্দে নাচত,      সঙ্গেতে ভকত,  
গোর কিশোররাজ ।  
ফাগু উঝালি,      করে ফেলাফেলি,  
নীলাচলপুরী মাঝ ॥  
শুনিয়া নাগরী,      প্রেমেতে আগরি,  
ধাইয়া চলিল বাটে ।  
হেরিয়া গোরে,      পড়িলা ফাঁপরে,  
বদন বাহিয়া থাকে ॥  
ছ বাছ তুলিয়া,      বেড়ায় নাচিয়া,  
ভকতগণের সঙ্গ ।  
নীলাচলবাসী,      মনে অভিলাষী,  
কোতুকে দেখে রঙ্গ ॥  
বাজে করতাল,      বোলে ভালি ভাল,  
আর বাজে তাহে খোল ।  
মাধবী দাস,      মনেতে উল্লাস,  
সদা বলে হরিবোল ॥”

নীলাচল হইতে প্রভু, স্বীয় জননীর সংবাদ লইবার জন্ত, জগদানন্দ পণ্ডিতকে নবদ্বীপে পাঠাইতেন । এই জগদানন্দের মুখে নবদ্বীপের দশাশ্রবণে মাধবীর করুণ হৃদয় অত্যন্ত ব্যথিত হইল । নিম্নের পদটীতে অদ্যক্ষরে তিনি নবদ্বীপের কি বিষাদময়ী চিত্র অঙ্কিত করিয়াছেন,—

“নীলাচল হৈতে,      শচীরে দেখিতে,  
আইসে জগদানন্দ ।  
বহি কথো দূরে,      দেখে নদীয়ারে,  
গোকুলপুরের ছন্দ ॥  
ভাবয়ে পণ্ডিত রায় ।  
পাই কি না পাই,      শচীরে দেখিতে,  
এই অনুমানে চায় ॥  
লতা তরু যত,      দেখে শত শত,  
অকালে ধসিছে পাতা ।

স্ত্রীকবি মাধবী ।

রবির কিরণ,                      না হয় ফুটন,  
 মেঘগণ দেখে রাতা ॥  
 ডালে বসি পাখী,                      মুদি ছুটি আঁখি,  
 ফুল জল তেয়াগিয়া ।  
 কান্দয়ে ফুকরি,                      ডুকরি ডুকরি,  
 গোরাচান্দ নাম লৈয়া ॥  
 ধেনু যুগে যুগে,                      দাঁড়াইয়া পথে,  
 ঞ্কার মুখে নাহি রা ।  
 মাধবী দাসীর,                      পণ্ডিত ঠাকুর,  
 পড়িলা আছাড়ে গা ॥”

মাধবীকৃত, গৌরবিষয়ক পদ উদ্ধৃত করিয়া আর প্রবন্ধের কলেবর বৃদ্ধি করিব না।  
 কৃষ্ণবিষয়ক তাঁহার দুইটি মাত্র পদ উদ্ধৃত করিব, পাঠক মহাশয় তাহাতে তাঁহার রচনানৈপুণ্য  
 কিরূপ প্রকাশ পাইয়াছে দেখিবেন। যথা—

( প্রথম পদ )

“পরশিতে রাই তনু,                      আপনে ভুলল কানু,  
 মুরছি পড়ল ধনী কোর ।  
 শ্রামক হেরইতে,                      ধনী ভেল গদ গদ,  
 চরকি চরকি বহে লোর ॥  
 শ্রাম মুরছিত হেরি,                      চকিতে ললিতা ফেরি,  
 রাধামন্ত্র শ্রুতিমূলে দেল ।  
 অঙ্গ মোড়াইয়া কানু,                      নিরখই রাই তনু,  
 হেরি সখী চমকিত ভেল ॥  
 চিত্র পুতলী যেন,                      বেঢ়ল সখীগণ,  
 নিরখই শ্রামমুখচন্দ্র ।  
 কি ভেল কি ভেল বলি,                      ধাওল বিশাখা আলী,  
 সব জনে লাগল ধন্দ ॥  
 শ্রামর সুন্দর                      বদন সুধাকর,  
 সুমুখী নেহারই সাধে ।  
 উপজল উল্লাস,                      কহই মাধবী দাস,  
 বিদগধ মাধব রাধে ॥”



## ( দ্বিতীয় পদ )

“রাধা মাধব বিলসই কুঞ্জক মাঝ ।

তনু তনু সরস, পরশ রস পিবই, কমলিনী মধুকরবাজ ॥ ৬ ॥

সচকিত নাগর, কাঁপই থর থর, শিথিল করল সব অঙ্গ ।

গদ গদ কহয়ে, রাই ভেল অদরস, কবে হোয়ব তছু সঙ্গ ॥

সো ধনী চাঁদবদন কিয়ে হেরব, শুনব অগিয়গয় বোল ।

ইহ মঝু হৃদয়, তাপ কিয়ে গিটব, সোই করব কিয়ে কোল ॥

ঐছন কতছ, বিলাপই মাধব, সহচরী দূর হি হাস ।

অপরূপ প্রেমে, বিষাদিত মাধব, কহত হি মাধবী দাস ॥”

এখন পাঠক, বঙ্গভাষার প্রাচীন স্ত্রী-কবি মাধবীদেবীর স্থান, পদকর্তাগণের মধ্যে কোথায়? আপনিই তাহা নির্দেশ করুন ।

শ্রীঅচ্যুতচরণ চৌধুরী তত্ত্বনিধি ।

## গোড়াধিপ মহীপালদেবের তাম্রশাসন ।

গতবারে মদনপালদেবের তাম্রশাসন প্রকাশ করিয়াছি । সেই প্রবন্ধ মধ্যে লিখিয়াছিলাম, মদনপাল ও মহীপালদেবপ্রদত্ত দুই প্রস্থ তাম্রশাসন সংগ্রহ করিয়া দিনাজপুরের সুখোণা ম্যাজিষ্ট্রেট শ্রীযুক্ত নন্দকৃষ্ণ বসু মহাশয় পরিষৎকার্যালয়ে পাঠাইয়াছেন । আজ যে মহীপালদেবের তাম্রশাসনের পরিচয় দিতেছি, এখানি বসু-মহাশয়-সংগৃহীত তাম্রশাসনদ্বয়ের অন্যতর । কিরূপে এই তাম্রশাসনদ্বয় পাওয়া যায়, পূর্বপ্রবন্ধে লিখিতে পারি নাই । সম্প্রতি মাননীয় বসু মহাশয় আমাদিগকে এইরূপে প্রাপ্তিসংবাদ দিয়াছেন,—

গত ১২৮২ সালে দিনাজপুরের অন্তর্গত মনহলী গ্রামে কোন উদ্যান মধ্যে পুষ্করিণী-খনন-কালে একখানি বৃহৎ তাম্রশাসন পাওয়া যায় । শ্রীযুক্ত বাবু যোগেশচন্দ্র বন্দ্যোপাধ্যায় এই তাম্রশাসনখানি সংগ্রহ করেন এবং এতদিন তাঁহারই নিকট ছিল । গত বারের পত্রিকায়, এই তাম্রশাসনখানির বিষয় প্রকাশিত হইয়াছে ।

অপর ( বর্তমান আলোচ্য ) তাম্রশাসনখানি বাণগড়ের ধ্বংসাবশেষ হইতে আবিষ্কৃত হইয়াছে । নবাবজারের জমিদার নৃসিংহচরণ নন্দী মহাশয়ের নিকট এতদিন ছিল ।

নন্দকৃষ্ণবাবু দিনাজপুরে অবস্থানকালে উক্ত তাম্রশাসনদ্বয়ের সন্ধান পাইয়া সংগ্রহ করেন এবং যথাযথ পাঠ ও অনুবাদসহ প্রকাশ করিবার জন্য পরিষৎকার্যালয়ে পাঠাইয়া দেন । তাঁহার অভিপ্রায়ানুসারে ইতিপূর্বে একখানির পাঠ ও অনুবাদ প্রকাশ করিয়াছি । এখন অপর খানির বিবরণ যথাযথ প্রকাশ করিলাম ।

মদনপালদেবের তাম্রশাসনোক্ত বিবরণ যেমন সম্পূর্ণ নূতন<sup>১</sup>, এবং পূর্বে কোথাও প্রকাশিত হয় নাই, আমাদের আলোচ্য এই মহীপালদেবের তাম্রশাসনের বিষয় সেরূপ নূতন নহে। ছয় বর্ষ হইল, অধ্যাপক কিল্‌হোর্ণ সাহেব এসিয়াটিক সোসাইটীর পত্রিকায় ইহার পাঠ প্রকাশ করিয়াছেন। তাঁহার প্রবন্ধ হইতে জানা যায়, ১৮৮৬ খৃষ্টাব্দে দিনাজপুরের স্কুল-সমূহের ডেপুটী ইন্সপেক্টর শ্রীগিরিধারী বসু মহাশয়, বর্তমান তাম্রশাসন হইতে কতকগুলি ছাপ তুলিয়া এসিয়াটিক সোসাইটীতে পাঠাইয়া দেন। রাজা রাজেন্দ্রলাল মিত্র সেই ছাপ দেখিয়া, ইহার ঐতিহাসিক গুরুত্ব স্বীকার করেন, কিন্তু তাঁহার চক্ষুর দোষে, ইহার পাঠোদ্ধার করিতে, সমর্থ হন নাই। তৎপরে ডাক্তার হোর্নলি সেই ছাপগুলি কিল্‌হোর্ণ সাহেবের নিকট পাঠাইয়া দেন। তিনি সেই ছাপগুলি দেখিয়া পাঠোদ্ধার করেন।<sup>২</sup>

তিনি যে পাঠ প্রকাশ করিয়াছেন, অধিকাংশ স্থলেই ঠিক হইয়াছে। তবে যেখানে যেখানে ভাল ছাপা উঠে নাই, সেই সেই স্থানে পাঠোদ্ধার করিতে একটু গোল হইয়াছে। সেই জন্মই মূল তাম্রশাসনদৃষ্টে একটা যথাযথ পাঠ প্রকাশ করিতে অগ্রসর হইয়াছি। পাঠ প্রকাশ করিবার পূর্বে তাম্রশাসন সম্বন্ধে দুই এক কথা বলিবার আছে।

তাম্রফলকখানি দৈর্ঘ্যে ১ ফুট ও প্রস্থে ১ ফুট ২ ইঞ্চি। মদনপালের তাম্রফলকের ন্যায় শাসনপত্রের শিরোভাগে একটা অলঙ্কৃত ধর্মচক্র সংলগ্ন আছে। মদনপালের তাম্রফলকে ধর্মচক্রটা যেমন স্বতন্ত্র ভাবে আবদ্ধ, বর্তমান ফলকে সেরূপ নহে; ইহার ধর্মচক্রখানি ৬ পঙ্ক্তি লিপির ঠিক মধ্যস্থলে বদ্ধ করা আছে। প্রতিলিপির অক্ষরবিভাগ দেখিলেই সকলে বুঝিতে পারিবেন।

ইহার অক্ষরগুলি দেখিলেই মদনপালের তাম্রশাসনের লিপি অপেক্ষা প্রাচীন বলিয়া বোধ হয়। ইহার গ, জ, ন, ম, ক্ষ প্রভৃতি দেখিলেই আধুনিক বঙ্গাক্ষর বলিয়া মনে হয়। আবার দুই তিন শতবর্ষ পূর্বে মল্লভূম অঞ্চলে যে লিপি প্রচলিত ছিল, ইহার ক, স, শ, র ও ল দেখিলেই, সেই লিপি মনে পড়ে। অপর, লিপিগুলি এসিয়াটিক সোসাইটীর পত্রিকায় প্রকাশিত, ধর্মপালদেবের লিপির সদৃশ;<sup>৩</sup> কিন্তু তত প্রাচীন নহে।

কোনু সময়ে এই তাম্রশাসন লিখিত হয়, তাহা জানিবার উপায় নাই। যে অংশে মহীপালদেবের সংবৎস্রাপক অঙ্ক ছিল, সেই অংশ কে তুলিয়া ফেলিয়াছে। তবে সারনাথের শিলালিপি হইতে জানা যায়, মহীপালদেব ১০৮৩ সনতে (অর্থাৎ ১০২৬ খৃষ্টাব্দে) রাজত্ব করিতেন।<sup>৪</sup> এক্ষণস্থলে তাহার কিছু পূর্বে বা পরে এই তাম্রশাসনখানি উৎকীর্ণ হইয়া থাকিবে।

(১) এই তাম্রশাসনখানি সংগ্রহ করিয়া নন্দকৃষ্ণ বাবু ঐতিহাসিক মাত্রেই ধর্মবাদভাজন হইয়াছেন।

(২) Journal of the Asiatic Society of Bengal, for 1892, pp. 77—87.

(৩) Journal of the Asiatic Society of Bengal, for 1895.

(৪) Indian Antiquary, Vol. XIV. p. 140.

বিলাসপুর নামক জয়স্বকাবার হইতে, বিষ্ণুসংক্রান্তিকে গঙ্গানান করিয়া পরমসৌগত পরম-ভট্টারক মহারাজাধিরাজ মহীপালদেব ভট্টপুত্র হৃষীকেশের পৌত্র, মধুসূদনের পুত্র, পবাশর গোত্রজ ( শক্তি, বশিষ্ঠ ও পরাশরপ্রবরভুক্ত ) যজুর্বেদান্তর্গত বাঙ্গসনেয়-শাখাধারী চাবটীগাম-বাসী ভট্টপুত্র কৃষ্ণাদিত্যশর্মা কে বর্তমান তাম্রশাসন দান করেন । এই তাম্রশাসন দ্বারা পুণ্ড্রবর্ধনভুক্তির কোটীবর্ষ বিষয়ের অধীন গোকলিকা-মণ্ডলের অন্তর্গত কুরটপল্লিকা গ্রাম ( চূটপল্লিকা গ্রাম বাদে ) প্রদত্ত হয় । মদনপালদেবের তাম্রশাসনে শাসনগৃহীতাকে যে যে অধিকার দেওয়া হইয়াছে, বর্তমান শাসনেও কৃষ্ণাদিত্যশর্মা সেই সেই অধিকার পাইয়াছেন ।

মহীপালদেবের তাম্রশাসনে যে সকল স্থানের উল্লেখ আছে, সেই সকল স্থান কোথায় ? এ সম্বন্ধে অধ্যাপক কিলহোর্ণ সাহেব কোন কথা লেখেন নাই । আমরা বহু অনুসন্ধান করিয়া কএকটি স্থানের বর্তমান অবস্থান এইরূপ বাহির করিয়াছি ;—

১ । কোটীবর্ষবিষয়— এই স্থান এখন ‘দেওকোট পরগণা’ নামে খ্যাত । পালরাজগণের সময়ে এই পরগণা আরও অনেকটা বড় ছিল ।

২ । গোকলিকা—বর্তমান নাম ‘গোঅলা’ । এখন নিতপুর ডাকঘর হইতে সাড়ে তিন ক্রোশ উত্তর-পূর্বে অবস্থিত । অক্ষা° ২৫° ৬′ ৩০″ উঃ ও দ্রাঘি° ৮৮° ৩৪′ ২০″ পূঃ । পূর্বে যে গোকলিকামণ্ডল ছিল, ইহা তাহারই কিয়ৎদংশমাত্র বোধ হয় ।

৩ । কুরট বা কুরটপল্লী—বর্তমান নাম ‘কুরণ্ড’, উপরোক্ত ‘গোঅলা’ গ্রামের কিঞ্চিদধিক ১ ক্রোশ দক্ষিণে অবস্থিত ।

৪ । চূটপল্লী ( চূড়াপাড়া )—এখন ‘চূহাড়া’ নামে আখ্যাত । উক্ত কুরণ্ডগ্রামের কিঞ্চিদধিক অর্ধ ক্রোশ পশ্চিমে অবস্থিত ।

গত বারের মদনপালদেবের তাম্রশাসনে যে রাগাবতীপুরের উল্লেখ আছে, তাহা বর্তমান রামপুর বলিয়া অনুমিত হয় । এই রামপুর (অক্ষা° ২৭° ৩৩′ ৩০″ উঃ ও দ্রাঘি° ৮৮° ৩৫′ ৪৫″ পূঃ) মহীপালদেবী হইতে কিছু কম ২ ক্রোশ উত্তর-পূর্বে ও ধর্মপুরের ১ ক্রোশ পশ্চিমে অবস্থিত ।

মহীপালদেবের তাম্রশাসনের ঐতিহাসিক অংশ সমস্তই প্রায় মদনপালদেবের তাম্রশাসনে বর্ণিত হইয়াছে । কেবল তাহাতে ৯ম ও ১১শ এই দুইটি মাত্র শ্লোক নাই । সে দুইটি শ্লোক ও তাহার অনুবাদ এই—

“যং স্বামিনং রাজগুণৈরনুনমাসেবতে চাকুরানুরক্তা ।

উৎসাহমন্ত্রপ্রভুশক্তিলক্ষ্মীঃ পৃথ্বীং সপত্নীমিব শীলয়ন্তী ॥ ৯ ॥

দেশে প্রাচি প্রচুরপয়সি স্বচ্ছমাপীয় তোয়ং স্বৈরং ভ্রাত্ত্বা তদনু মলয়োপত্যাকাচন্দনেষু ।

কৃত্বা সার্ট্রেস্তুকৃষু জড়তাং শীকরৈরভ্রতুল্যাঃ প্রালেয়াদ্রেঃ কটকমভজন্ যশ্চ সেনাগজেদ্রাঃ ॥ ১১ ॥

(অনুবাদ—উৎসাহশক্তি, মন্ত্রশক্তি ও প্রভুশক্তিসম্পন্ন লক্ষ্মী পৃথিবীকে সপত্নীর স্থায় শীল-সম্পন্ন করাইয়া রাজগুণবিভূষিত যে স্বামীকে মনোহরগুণে অনুরাগিনী হইয়া সেবা করেন ।৯

শুভ্রতুল্য যাহার সেনাগজেদ্র সকল প্রচুর জলযুক্ত পূর্বদিকে ইচ্ছানুসারে জলপান করিয়া

তৎপরে মলয়পর্বতের উপত্যকাভূমিতে চন্দনতরুতলে যুগ্মন্দগতিতে ভ্রমণ করিয়া ঘনীভূত শীকরদ্বারা বৃক্ষসমূহে জড়বিধান করিয়া হিমালয়ের কটকদেশ আশ্রয় করিয়াছিল। (১১।)

উপরোক্ত দুইটী শ্লোক, শাসনগৃহীতার পরিচয়, জয়স্কন্ধাবার ও শাসনগ্রামের বিবরণ ছাড়া আর সকল অংশই প্রায় মদনপালদেবের তাম্রশাসনে খোদিত আছে। এই কারণে অনাবশ্যক বোধে সমস্ত অনুবাদ দেওয়া হইল না, কেবল যথাযথ পাঠ উদ্ধৃত করিলাম।

( সম্মুখভাগ। )

## শ্রীমহীপালদেবস্য।

- |      |  |                            |
|------|--|----------------------------|
| ১ম   | ওঁ স্বস্তি। মৈত্রীং কা   | রুণ্যরত্নপ্রমুদি-          |
| ২য়  | তহৃদয়ঃ প্রেয়সীং সন্দ-  | ধানঃ সম্যক্শোধিবি-         |
| ৩য়  | দ্যাশশরিদমলজলক্ষা-   | লিতাজ্ঞানপঙ্কঃ। জি-        |
| ৪র্থ | ভ্রা যঃ কামকারিপ্র   | ভবমভিবং শাস্বতী-           |
| ৫ম   | স্প্রাপ শান্তিঃ স শ্রীমা-  | ন্লোকনাথো জয়তি দ-         |
| ৬ষ্ঠ | শবলোহন্যশ্চ গোপা-  | লদেবঃ ॥ [১] লক্ষ্মীজন্মনি- |
| ৭ম   | • কেতনং সমকরো বোঢুং ক্ষমঃ ক্ষমভরং<br>পক্ষচ্ছেদভয়াতুপস্থিতবতামেকাশ্রয়ো ভূভূতাম্।<br>মর্ষাদাপরিপা- |                            |
| ৮ম   | লনৈকনিরতঃ শৌর্ঘ্যালয়োহস্মাদভূ-<br>দুক্ষান্তোধিবিলাসহাসিমহিমা শ্রীধর্মপালো নৃপঃ ॥<br>রামশ্চেব      | [২]                        |
| ৯ম   | গৃহীতসত্যতপসস্তস্মানুরূপো গুণৈঃ<br>সৌমিল্লেরুদপাদি তুল্যমহিমা বাক্পালনামানুজঃ।<br>যঃ শ্রীমান-      |                            |
| ১০ম  | য়বিক্রমৈকবসতিভ্রাতুঃ স্থিতঃ শাসনে<br>শূন্যাঃ শক্রপতাকিনীভিরকরোদেকাতপত্রা দিশঃ ॥                   | [৩]                        |

(১) 'সরিদ' হইবে। (২) শ্রীমাংল্লোকনাথো।

তস্মা-

১১শ ছুপেন্দ্রচরিতৈর্জগতীং পুনানং পুত্রো বভূব বিজয়ী জয়পালনামা ।

ধর্মদ্বিষাং শময়িতা যুধি দেবপালে যঃ

১২শ পূর্বজে ভুবনরাজ্যস্থখান্চনৈষীৎ ॥ [৪]

শ্রীমাণিগ্রহপালস্তংসূনুরজাতশক্ররিব জাতঃ ।

শক্রবনিতাপ্রসাধ-

১৩শ নবিলোপিবিমলাসিজলধারঃ ॥ [৫]

দিক্‌পালৈঃ ক্ষিতিপালনায় দধতং দেহে বিভক্তান্ গুণান্

১৪শ যাম্বভুব তনয়ং নারায়ণং সপ্রভম্ ।

যঃ ক্ষেণীপতিভিঃ শিরোমণিরুচান্নিষ্ঠাজ্জি পীঠোপলং

ন্যায়ো-

১৫শ পান্ডমলঙ্কার চরিতৈঃ স্বৈরেব ধর্মাসনম্ ॥ [৬]

তোয়াশ্যৈর্জলধিমূলগভীরগর্ভে

দে°বালয়েশ্চ

১৬শ কুলভূধরতুল্যকক্ষৈঃ ।

বিখ্যাতকীর্তিরভবত্তনয়শ্চ তস্য শ্রীরাজ্যপালইতি মধ্যমলোকপালঃ ।

তস্মা-

১৭শ ংপূর্বক্ষিতিত্রাণিধিরিব মহসাং রাষ্ট্রকূটান্বয়েন্দো-

স্তম্ভশ্চোভু স্তমৌলেদু হিতরি তনয়ো ভাগ্যদেব্যং প্র-

১৮শ সূতঃ ।

শ্রীমান্‌গোপালদেবশ্চিরতরমবনৈরেকপত্ন্যা ইবৈকো

ভর্তাভুম্নৈকরত্নদ্যুতিখচিতচতুঃসিন্ধু-

১৯শ চিত্রাংশুকায়াঃ ॥ [৮]

যং স্বামিনং রাজগুণৈরনুনমাসেবতে চারুতরানুরক্তা ।

উৎসাহমন্ত্রপ্রভুশক্তিলক্ষ্মীঃ পৃথ্বীং স-



২০শ

পত্নীমিব শীলয়ন্তী ॥

[৯]

তস্মাদ্ভুব সবিতুর্বসুকোটিবর্ষী

কালেনচন্দ্র ইব বিগ্রহপালদেবঃ ।

নেত্রপ্রিয়ে-

২১শ

৭ বিমলেন কলাময়েন

যেনোদিতেন দলিতো ভুবনস্ত তাপঃ ॥

[১০]

দেশে প্রাচি প্রচুর পয়সি স্বচ্ছমাপীয় তো-

২২শ

য়ং

স্বৈরং ভ্রাত্ত্বা তদনুমলয়োপত্যকাচন্দনেষু [।]

কৃত্বা সান্দ্রেস্তরুযু জড়তাং শীকরৈরভ্রতুল্যাঃ

প্রালেয়াদ্রে-

২৩শ

ঃ কটকমভজন্ যস্য সেনাগজেন্দ্রাঃ ॥

[১১]

হতসকলবিপক্ষঃ সঙ্গরে বাহুদগ্ধা-

দনধিকৃতবিলুপ্তং রাজ্যমা-

২৪শ

সাদ্য পিত্র্যম্ ।

নিহিতচরণপদ্যো ভূভূতাং মৃগ্নি তস্মা-

দভদবনিপালঃ শ্রীমহীপালদেবঃ ॥

[১২]

স খ-

২৫শ

লু ভাগীরথপথপ্রবর্তমানানাবিধনৌবাটকসম্পাদিতসেতু-  
বন্ধনিহিতসৈলসিখরশ্রেণীবিভ্রমা

২৬শ

ৎ । নিরতিশয় ঘনঘনাঘনঘটাশ্চামায়মানবাসরলক্ষ্মীসমারকসন্তত-  
জলদসময়সন্দেহাৎ ।

২৭শ

উদীচীনানেকনরপতিপ্রাভূতীকৃতা প্রমেয়হয়বাহিনীখরখুরোৎখাত-  
ধূলীধূসরিতদিগন্তরা-

২৮শ

লাৎ । পরমেশ্বরসেবাসমাযাতাশেষজম্বুদ্বীপভূপালানন্তপাদাত-  
ভরনমদবনেঃ । বিলাসপুরসমা-

- ২৯শ বাসিতশ্রীমজ্জয়স্কন্ধাবারাৎ । পরমসৌগতো  
মহারাজাধিরাজশ্রীবিগ্রহপালদেবণাদানুধ্যাতঃ পর-  
৩০শ মেশ্বরঃ পরমভট্টারকো মহারাজাধিরাজঃ শ্রীমান্মহী-  
পালদেবঃ কুশলী । শ্রীপুণ্ড্রবর্দ্ধনভুক্তো । কোটীব-  
৩১শ র্ঘবিষয়ে । গোকলিকামগুলান্তঃপাতিস্বসম্বন্ধাব-  
চ্ছিন্নতলোপেত-চূটপল্লিকা বর্জিতকুরটপল্লি-  
৩২শ কাগ্রামে । সমুপগতাশেষরাজপুরুষান্ । রাজরাজ-  
মুক । রাজপুত্র । রাজামাত্য । মহাসাক্ষিবিগ্রহি-  
৩৩শ ক । মহাক্ষপটলিক । মহামন্ত্রি<sup>৬</sup> । মহাসেনাপতি ।  
মহাপ্রতিহার । দৌঃসাধসাধনিক । মহাদগুনা-  
৩৪শ যক । মহাকুমারামাত্য । রাজস্থানীয়োপরিক ।  
দাশাপরাধিক । চৌরোদ্ধরণিক । দাণ্ডিক । দাণ্ডপা-

## ( পশ্চাদ্ভাগ )

- |  |                          |
|--|--------------------------|
| ১ম সিক <sup>৭</sup> । সৌন্ধিক <sup>৭</sup> । গো-               | ল্লিক । ক্ষেত্রপ । প্রা- |
| ২য় ভূপাল । কোটপাল ।   | অঙ্গরক্ষ । তদায়ু-       |
| ৩য় ভূবিনিযুক্ত । হ-   | স্ত্যাশ্বোষ্ট্রনৌবলব্য-  |
| ৪র্থ পুতক । কিশোরবড়বা-  | গোমহিষ্যজাবি-            |
| ৫ম কাধ্যক্ষ । দূতপ্ৰেষণি                                       | ক । গমাগমিক ।            |
| ৬ষ্ঠ অভিত্বরমাণ । বিষয়পতি । গ্রামপতি । তরিক । গোড় । মালব ।   |                          |
| খস । ছুণ । কুলিক । কর্ণাট ।                                    |                          |
| ৭ম চাট । ভট । সেবকাদীন্ । অন্যাংশচাকীর্ভিতান্ রাজপাদোপজীবিনঃ   |                          |
| প্রতিবাসিনো ব্রাহ্মণোত্তরাংশচ । মহত্ত-                         |                          |
| ৮ম মোত্তমকুটুম্বিপুরোগমেদাক্ষুচগুলপর্যন্তান্ । যথাইং মানয়তি । |                          |
| বোধয়তি । সমাদিশতি চ বিদিত-                                    |                          |

- ৯ম মস্ত্ৰ ভবতাং । যথোপরি লিখিতোহয়ং গ্রামঃ  
স্বসীমাতৃগপ্লুতিগোচরপর্যন্তসতলঃ । সোদেহঃ সাত্ৰম-
- ১০ম ধুকঃ । সজলস্থলঃ । সগর্তোষরঃ । সদশাপরাধঃ । সচৌরো-  
দ্ধরণঃ । পরিহতসৰ্ব্বপীড়ঃ । অচাট-
- ১১শ ভটপ্রবেশঃ । অকিঞ্চিদগ্ৰাহঃ । সমস্তভাগভোগকর-  
হিরণ্যাদিপ্রত্যায়সমেতঃ । ভূমিচ্ছিদ্রণা-
- ১২শ যেন । আচন্দ্রার্কক্ষিতিসমকালম্ । মাতাপিত্রোরাত্মন-  
শ্চ পুণ্যযসো<sup>১</sup>ভিবৃদ্ধয়ে । ভগবন্তং বুদ্ধভট্টার-
- ১৩শ কমুদ্दिश । পরাসর<sup>২</sup>সগোত্রায় । শক্তি । বশিষ্ঠ ।  
পরাসরপ্রবরায় । যজুর্বেদ<sup>৩</sup>সত্রক্ষাচারিণে । বাজ-
- ১৪শ স্ব শাখাধ্যায়িনে । মীমাংসা<sup>৪</sup>ব্যাকরণতর্কবিদ্যাবিদে ।  
হস্তিপদগ্রামবিনির্গতায় । চাবটিগ্রামবাস্তব্য-
- ১৫শ য় । ভটপুত্ররিষিকেশ<sup>৫</sup>পৌত্রায় । ভটপুত্রমধুশূদন<sup>৬</sup>-  
পুত্রায় । ভটপুত্রকৃষ্ণাদিত্যশর্ম্মণে বিশ্বব<sup>৭</sup>সংক্রা-
- ১৬শ ন্তৌ বিধিবৎ<sup>৮</sup> । গঙ্গায়াং স্নাত্বা শাসনীকৃত্য প্রদত্তো-  
হস্মাভিঃ । অতোভবদ্ভিঃ সর্বেবেরবানুমন্তব্য
- ১৭শ ম্ । ভাবিভিরপি ভূপতিভিঃ । ভূমের্দানফলগৌরবাৎ ।  
অপহরণে চ মহানরকপাতভয়াৎ ।
- ১৮শ দানমিদমনুমোদ্যানুপালনীয়ম্ । প্রতিবাসিভিশ্চ ক্ষেত্রকরৈঃ ।  
আজ্ঞাশ্রবণবিধেয়ীভূয় যথাকালং
- ১৯শ সমুচিতভাগভোগকরহিরণ্যাদিপ্রত্যায়োপনয়ঃ  
কার্য ইতি ॥ সম্বৎ<sup>৯</sup>ন দিনে । ভবন্তি চাত্র
- ২০শ ধর্ম্মানুশংসিনঃ শ্লোকাঃ ॥  
বহুভির্বিস্বধা দত্তা রাজভিস্সগরাদিভিঃ ।  
যস্য যস্য যদা ভূমিস্তস্য তস্য

(৮) পুণ্যযশো । (৯) পরাশর । (১০) যজুর্বেদ । (১১) মীমাংসা । (১২) হরীকেশ । (১৩) মধুশূদন ।

(১৪) বিশ্বব । (১৫) সম্বতের পর যে অক্ষ ও মাস তারিখ ছিল, কে চাচিয়া তুলিয়া ফেলিয়াছে ।

২১শ

তদাফলম্ ॥

ভূমিং যঃ প্রতিগৃহ্নাতি যশ্চ ভূমিং প্রযচ্ছতি ।  
উভৌ তৌ পুণ্যকর্মাণৌ নিয়তং স্বর্গগামিনৌ ।

২২শ

গামেকাং স্বর্গমেকঞ্চ ভূমেরপ্যর্কমঙ্গুলম্ ।  
হরম্বরকমাযাতি যাবদাহুতসংপ্লবম্ ॥  
ষষ্টিং শ্রবসহস্রা-

২৩শ

নি স্বর্গে মোদতি ভূমিদঃ ।

আক্ষেপ্তা চানুমন্তা চ তান্বেব নরকে বসেৎ ॥  
স্বদত্তাম্পরদত্তাং বা যো হরেত

২৪শ

বসুন্ধরাম্ ।

স বিষ্ঠায়াং ক্রিমিভূঁহ্মা পিতৃভিঃ সহ পচ্যতে ।  
সর্বানেতান্ ভাবিনঃ পার্থিবেন্দ্রান্ ভূয়োভূ-

২৫শ

য়ঃ প্রার্থয়ত্যেষ রামঃ

সামান্যোহয়ং ধর্মশেতু<sup>১৬</sup>র্নৃপাণাং কালে কালে পালনীয়ো ভবদ্ভিঃ ॥  
ইতি কমলদ-

২৬শ

লান্মুবিন্দুলোলাং শ্রিয়মনুচিন্ত্যমনুষ্যজীবিতঞ্চ ।

সকল মিদমুদাহৃতঞ্চ বুদ্ধা ন হি পুরুষৈঃ পরকীর্ত-

২৭শ

য়ো বিলোপ্যাঃ ॥

শ্রীমহীপালদেবেন দ্বিজশ্রেষ্ঠোপপাদিতে ।

ভট্টশ্রীবামনো মন্ত্রী শাসনে দূতকঃ কৃতঃ ॥

২৮শ

পোষলীগ্রামনির্ঘাতবিজয়াদিত্যসুনুনা ।

ইদং শাসনমুৎকীর্ণং শ্রীমহীধরশিল্পিনা ॥

## চণ্ডীদাসের চতুর্দশ পদাবলী\* ।

[ ১ ]

• পিরীতি বলিয়া তিনটা আখর  
 শ্রবণে সুনীলাঙ্ক কথা ।  
 পিরীতি-কমল হিয়াঁএ ফুটল  
 পরাগপুতলি যথা ॥  
 পিরীতি করিল জগতে ভাসিল  
 ধৌবিনী দ্বিজের সনে ।  
 জগতে জানিল কলঙ্ক ভাসিল  
 • কানাকানি লোক জনে ॥  
 গুপত পিরীতি বাকত আরতি  
 বসতি গ্রামের মাঝ ।  
 দ্বিজের পাড়াতে বসতি তাহাতে  
 কথার হইল লাজ ॥  
 • পিরীতি চরচা লোকজনে করে  
 কুটম্বে দুই এক বলে ।  
 সে কথা শুনিয়া দ্বিজগণ বলে  
 কলঙ্ক ভাসিল কুলে ॥  
 সকল মেলিয়া একত্র হইয়া  
 সন্ধ্যাকালে সতে আসি ।  
 নকুল সাক্ষাতে সভাই বলিছে  
 চণ্ডীদাস কাছে বসি ॥ ১ ॥

—

বলে দ্বিজগন কুরি নিবেদন  
 সুন সুন চণ্ডীদাস ।

তোমার লাগিয়া আমরা সকল  
 ক্রিয়াকাণ্ডে সর্বনাস ॥  
 তোমার পিরীতে আমরা পতিত  
 নকুল ডাকিয়া বলে ৷  
 ঘরে ঘরে সব কুটম্ব ভোজন  
 করিঞা উঠাব কুলে ॥  
 পিরীতির পাড়া বেদবিধি ছাড়া  
 বিধির ভিতরে নাঞি ।  
 পিরীতি জাহার বিধি অগোচর  
 ব্রজপুরে তার ঠাঞি ॥  
 সুন চণ্ডীদাস ছাড়িয়া নিশ্বাস  
 ভিজিয়া নয়ান জলে ।  
 ধৌবিনী সহিতে আমি যেন তাথে  
 উদ্ধার হইব কুলে ॥  
 পিরীতি আলম্ব পিরীতি কুটম্ব  
 পিরীতি সমুদ্র বিধি ।  
 পিরীতে উন্মাদ পিরীতি আশ্বাদ  
 পিরীতে পাইব নিধি ॥  
 পিরীতি আচার পিরীতি ব্যভার  
 পিরীতে তোমরা ভাই ।  
 পিরীতের তরে ছয়ারে ছয়ারে  
 আদর করিতে চাই ॥ ২ ॥

—

\* এই চতুর্দশ পদাবলীর দুই দফা পুঁথি সম্প্রতি আমাদের হস্তগত হইয়াছে । বিষ্ণুপুর হইতে পাওয়া গিয়াছে । এই পদাবলী কয়টিও পূর্বে প্রকাশিত হয় নাই । বিশেষতঃ এই পদাবলী কয়টিতে চণ্ডীদাসের নিজ চরিত্রের কতকটা পরিচয় থাকায় আমরা প্রকাশ করিতে বাধ্য হইলাম ।

( আদর্শ পুঁথি দুই খানি বিশ্বকোষ কার্যালয়ে রক্ষিত আছে । )



শুন হে নকুল ভাই ।  
 কুটম্ব ভোজন সব তুমি জান  
 সে সব তোমার ঠাণ্ডি ॥  
 আমার এ চিন্তে খাইতে সুইতে  
 কেবল পিরীতি সার ।  
 জা করে পিরীতি তাহা মোর মতি  
 আপনে কি বল আর ॥  
 তুমি একজন বিজ্ঞ মহাজন  
 সকলে পূজিত বট ।  
 ধোবিনীআশ্রয় চণ্ডীদাস কহে  
 কেনলে পিরীতি ছোট ॥ ৩ ॥

শুনিয়া নকুল কহিতে লাগিল  
 শুন চণ্ডীদাস ভাই ।  
 কুটম্বের ছল অতি মহাবল  
 সকল সভাতে চাই ॥  
 তোমার বাড়িকে যদি কেহো গেল  
 সে যদি না খাল্য বরে ।  
 তবে সে বিসম হইল কেমন  
 কুটম্ব গঞ্জিয়া মারে ॥  
 জে জন অশ্বিত সে জদি বেষ্টিত  
 কুটম্ব লোকেতে ভজে ।  
 তাহার ব্যভার সকলের সার  
 সে জনে লোকেতে পূজে ॥  
 তুমি এক জন সকলে উত্তম  
 দ্বিজকুলে উপাদান ।  
 কুটম্ব সকলে বিজ্ঞ সভে বলে  
 বিদ্যাতে বিদ্যাভিরাম ॥  
 আমি সে তোমার তুমি সে আমার  
 ক্রিয়া বেদমার্গে হই ।  
 এ ধোর সংসারে বলিবে আমারে  
 আপন করিয়া লই ॥

শ্রীগুরুচরন জার দঢ় মন  
 পিরীতি হইল তায়  
 নকুল সঙ্গতে চণ্ডীদাস সাথে  
 ছুজনে বিচার জায় ॥ ৪ ॥

শুনি চণ্ডীদাস ছাড়িয়া নিশ্বাস  
 ধীরি ধীরি কিছু বলে ।  
 পিরীতি সংসার পিরীতি ব্যভার  
 পিরীতে কুটম্ব মিলে ॥  
 তুমি বড় লোক জানে তোমা লোক  
 আমার পিরীতি কুল ।  
 তোমার আজ্ঞাতে পাঞাছি পিরীতে  
 পিরীতি সকল মূল ॥  
 পিরীতি জাতি পিরীতি জাতি  
 পিরীতি কুটম্ব হয় ।  
 পিরীতি স্বভাব পিরীতি বিভব  
 পিরীতে এমন বয় ॥  
 তোমার বচন অমৃত সিঞ্চিল  
 কাটিতে না পারি আমি ।  
 তুমি সে আমার সকলের সার  
 জা কর তার তুমি ॥  
 শুনিয়া নকুল হইল আকুল  
 ভিজিয়া নয়ন জলে ।  
 তোমার চরিত্র জগতে পবিত্র  
 উদ্ধারিবে যেন কুলে ॥  
 তোমার কাবণে সকল চরণে  
 বসন বাঙ্কিব গলে ।  
 ছুয়ারে ছুয়ারে ফিরি ঘরে ঘরে  
 কেবা তাহে কিছু বলে ॥  
 যে জন বলিব সকল গুনিব  
 আমন্ত্রণ আগে করি ।

ধোবিনী আবেসে কহে চণ্ডীদাসে  
তোমার গুনেতে মরি ॥ ৫ ॥

ঠাকুব নকুল মনেতে বাঢ়িল  
আমন্ত্রন ঘরে ঘরে ।

আপনে আসিয়া বসন বাঙ্কিয়া  
কুটম্বগৃহেতে ফিরে ॥

সকলে বসিল আমন্ত্রন দিল  
বচন উঠাল্য তায় ।

দসজনে বলে ঠাকুব নকুলে  
কি কাজ কবিবে রায় ॥

সব দ্বিজগনে একত্র আসনে  
কি কাজ করিবে ঘবে ।

কি কাজ না গিয়া বসন বাঙ্কিয়া  
এতটা কাতব কারে ॥

তুমি একজন সত্যার পূজন  
দসজনে তোমা মানে ।

সকলে পূজিত কুটম্বে বেষ্টিত  
এমন কাতর কেনে ॥

সুনিয়া নকুল সকলে বলিল  
তোমরা আগার গোড়া ।

ধোবিনী সহিতে চণ্ডীদাস তাথে  
জাতিপাতে হলা ছাড়া ॥ ৬ ॥

সুনিয়া বচন বলে দসজন  
সুনহ নকুল রায় ।

উত্তম করন করে জেইজন  
সেজন হুখ কি পায় ॥

নীচের মনেতে আসক তাহাতে  
জাহার ডুবিল মন ।

ইহকালে তার পরকালে পার  
করে কোন মহাজন ॥

তুমি একজন ঘর-দ্বাজন  
সকল করিতে পাব ।

তোমার বচনে ডুবে কোনজনে  
এতটা করিবে কাঁব ॥

আপনার জে করিবুক সে  
মজাবে আপনা জাতি ।

আমি নিজে বলি কুলে জলাঞ্জলী  
জাহার এমন মতি ॥

আমরা নারিব এমন করিতে  
ব্যভারে দিতে সে পান ।

কহিব উচিত বড় বিপরীত  
ব্যভারে সে অপমান ॥

পুত্র পরিবার আছএ সংসার  
তাহারা সন্মতি নহে ।

ধোবিনী আবেসে কহে চণ্ডীদাসে  
বড় বিপরীত কহে ॥ ৭ ॥

অতি সে কাতরে নিবেদন করে  
নকুল দ্বিজের মনি ।

তোমরা সকলে উদ্ধারিবে কুলে  
আজ্ঞা দেহ সূভে জানি ॥

আমি সে অধম অতি নরাধম  
তোমরা সকল সার ।

তোমরা নহিলে কি গতি হইব  
কোন জনে করে পার ॥

দসজনা জারে আপনার করে  
সেজন অগতে ধন্ত ।

সুমেরু হেলাতে পারএ বাহতে  
কি করিতে পারে অস্ত ॥

আজ্ঞা দেহ মোরে জাই দ্বিজ ঘরে  
দূঢ় করি দেহ পান ।

পান সিরে ধরি      জাই ধীরি ধীরি  
সামগ্রী করিতে চান্ ॥

নকুল তষ্টিতে      দসজনা তাথে  
কায় মনে দিল পান ।

তোমাতে হইতে      পার হলা জাতে  
তোমার হইল নাম ॥

তুমি সে ধন      তোমা বিনে অশ্ব  
হেন কাজ কেবা করে ।

ধোবিনী সহিতে      উদ্ধারিলে জাতে  
দস জনে সব পারে ॥

আমি সে নফর      হইব দসের  
সকল জনের জন ।

দসজন-বলে      ভবে জাব হেলে  
চরনে রহুক মন ॥

এই কথা বলি      দিঞা করতালী  
প্রনাম করিল তায় ।

ধোবিনী আবেসে      কহে চণ্ডীদাসে  
পিরীতে সমান জায় ॥ ৮ ॥

দ্বিজের ভবনে      করিল গমনে  
নকুল আইল তথা ।

চণ্ডীদাস ঘরে      'কিবা কাজ করে  
জ্ঞেখানে জে থাকে জেথা ॥

সকল ব্রাহ্মন      করাব ভোজন  
সকলে দিলেন পান ।

সকলের মূল      সামগ্রী করিলে  
আমি হই পরিজ্ঞান ॥

তুমি সে কি'বল      ভাঙ্গিয়া সকল  
অস্তর বাহির মনে ।

আওজন করি      সামগ্রী আবারি  
তবে সে কুটম্বে জানে ॥

ধন পিরীতি      আওজন তথি  
সামগ্রী পিরীতি সার ।

জে ধন মাগিবে      সে ধন পাইবে  
পিরীতি হঞাছে জার ॥

নকুল বলিল      কেমন পিরীতি  
কিবা সে ধনের ধন ।

ধোবিনী আবেসে      কহে চণ্ডীদাসে  
নকুল পাইল মন ॥ ৯ ॥

নকুল সঙ্গতে      বকুলতলাতে  
গমন করিল তায় ।

বিরলে ছজনে      বসি একাসনে  
ধন মাগিছ রায় ॥

নকুল বলিছে      কিবা ধন আছে  
সে বিনে পিরীতি ধনে ।

জে ধন মাগিবে      সে ধন পাইবে  
জদি দড়াইবে মনে ॥

নকুল বচন      সুনিয়া তখন  
কহিছে দ্বিজের রায় ।

ভজন জজন      পিরীতি সাধন  
পিরীতি সেবিলে পায় ॥

ভজিব পিরীতি      স্বভাব আরতী  
পিরীতি পরান সার ।

পিরীতি করম      পিরীতি ধরম  
এ ভবে পিরীতে পার ॥

পিরীতি সাধনে      আপনার মনে  
জদি দড়াইতে পারি ।

ই দেহেতে এই      সে দেহেতে সেই  
পিরীতি কিসোরি গুরি ॥

সাধক দেহেতে      সাধিতে সাধিতে  
সাধন পিরীতি নাম ।

বলিতে বলিতে হেদে আচম্বিতে  
নকুল হইল আন ॥

নকুল সরীর হইল অস্থির  
হৃদয়ে দেখিলু হই ।

নকুল মনেতে দঢ় হৈল চিতে  
মন কথা মনে খুই ॥

আপন মনেতে উদয় তাহাতে  
কেবল সাধন জার ।

ধোবিনী আবেসে কহে চণ্ডীদাসে  
নারীর জনম সার ॥ ১০ ॥

নকুল তখন করে আওজন  
কুটম্ব ভোজন লাগি ।

নিজ এক মনে করে আওজনে  
কত দিবানিশি জাগি ॥

সামগ্রী করিল সকল হইল  
গুড়িয়া বসাল্য ঘরে ।

নানা উপহার যত পক আর  
গুড়িয়া বনান করে ॥

জিলেফি মালপা কচোরি আলফা  
পুরি থিরি চিনী কলা ।

সীতা মিশ্র আদি পিরীতি ঔষধি  
তাহার গাথিব মালা ॥

সামগ্রী পিরীতি উপহার তথি  
সীতামিশ্রী নামে মেওআ ।

ধোবিনী আবেসে কহে চণ্ডীদাসে  
পিরীতি চরন ধেআ ॥ ১১ ॥

ধোবিনী নিকটে মান করি ঘাটে  
দেখিল নকুল রায় ।

নকুল দেখিঞা নকুল হইল  
ধোবিনী উলটি চায় ॥

ধোবিনী অপিছে পিরীতি পিরীতি  
পিরীতি অপিল জলে ।

জলেতে পিরীতি স্থলেতে পিরীতি  
ধেয়ানে পিরীতি মিলে ॥

পিরীতি দেখিল ঠাকুর নকুল  
মনের ভিতরে রাখে ।

তা দেখি ধোবিনী কহে কিছু বানী  
এ কথা কহিব কাখে ॥

সুনি নাকি ভাস পিরীতি নৈরাস  
কুটম্ব ভোজনে মন ৬

ঠাকুর নকুল হয়েছে সকল  
তুমি এক মহাজন ॥

তোমার চরিত্রে জগত পবিত্র  
তোমার সাধু সে বাদ ।

তুমি সে সকল জাত্যে পাত্যে তোল  
নীচ প্রেমে উনমাদ ॥

বর্নাস্রম ছাড় পিরীতিকে দঢ়  
জাহার পিরীতি হয় ।

এ সব ভাবিঞা জে জন করিল  
সে কেন ভারতে রয় ॥

এ কথা বলিয়া ধোবিনী চাহিয়া  
গমন করিল ঘরে ।

নয়নের জলে কান্দিয়া বিকল  
মনে বোধ দিতে নারে ॥

গৃহেকে আইঞা পালক পাড়িয়া  
সমন করিল তায় ।

কান্দিয়া মুছিছে নিশ্বাস রাখিছে  
পৃথিবী ভিজিয়া যায় ॥

নকুল আসিয়া ছিঞ্জেরে দোথঞা  
ভাবিল আপন মনে ।

ধোবিনী আবেসে পিরীতির পাসে  
চণ্ডীদাসে কান্দে কেনে ॥ ১২ ॥

ধোবিনী উঠিয়া কুলীবে আনিয়া  
বকুলতলাতে বসি ।

পৃথিবী উপরে লেখে দ্বিজবরে  
পিরীতি বলিয়া ফাঁসি ॥

বিরলে একলা বকুলের তলা  
ডাঁড়াঞা নিশ্বাস ফেলে ।

তা দেখি নকুল হইল আকুল  
ভিজিছে নয়ান জলে ॥

জিজ্ঞাসে নকুল হইঞা আকুল  
বসিয়া ধোবিনী পাসে ।

বিকল হইয়া ধোবিনী কান্দিয়া  
কেবল নিশ্বাস ভাসে ॥

নকুল পাএতে ধরি ছুটি হাথে  
ধোবিনী কান্দিয়া বলে ।

তুমি মহাজন গুনহ ব্রাহ্মন  
পিরীতির কিবা মূলে ॥

আমি অতি হীন পিরীতি অধীন  
পিরীতি আমার গুরু ।

এ তিন আখর হৃদয়ে জাহার  
সে জনা কলপতরু ॥

পিরীতি ভঞ্জিল পিরীতি সাধিল  
পিরীতি একান্ত মনে ।

চণ্ডীদাস সাথে ধোবিনী সহিতে  
মিশ্রিত একুই প্রাণে ॥ ১৩ ॥

বিনোদ রায় বন্ধু বিনোদ রায় ।

ভাল হল্য ঘুচাইলে পিরীতের দায় ॥

ভালই করিলে বন্ধু ভালই করিলে ।

করিঞা নবীন প্রেম পিরীতে ভোর দিলে ॥

ভাল হল্য ঘুচাইলে পিরীতের দায় ।

খুটিয়া লইলা কালী সের্কি ধুলো জার

একটু নগরে ঘর পরিচয় আছে ।

দেখা শুনা বড় ভাল কেবাকারে দিছে ॥

তুমি সে পুরুষ জাতি চঞ্চল মতি ।

পাসানে নিসান রৈল তোমার পিরীতি ॥

তোমার পিরীতি লাগি তমু ক্ষোভ আইলাঙ ।

আপনার তমু দিঞা তোমা না পাইলাঙ ॥

সঘনে নিশ্বাস রাখি ধোবিনী ফুকরে ।

চণ্ডীদাস দ্বিজ তবে নিজ দেহ ফিরে ॥ ১৪ ॥

পত্র দিয়া গেল ব্রাহ্মন বসিল  
অন্ন আন চণ্ডীদাস ।

তোমার অম্মেতে বিক্ষিত(?)জগতে  
পুরিল সভার আস ॥

দিঞা করতালি হরি হরি বলি  
অন্ন দিলে সর্ব পাতে ।

ধোবিনী দেখিছে ডাণ্ডাইঞা নাছে  
ভালে দিঞা ছুটি হাথে ॥

ব্যঞ্জন কটোরা সাক্ষুপ ভরা  
ঝাল নাফরাদি আনে ।

শানিল ঘণ্টের ব্যঞ্জন সকল  
সুখে খায় দ্বিজগণে ॥

হাথে বেতে পাতে ভোজন করিতে  
রন্ধন বাথানে দ্বিজে ।

ধোবিনী ডাঁড়াঞা দ্বিজপানে চাঞা  
পিরীতি পিরীতি ভজে ॥

দ্বিজগণে ডাকে ব্যঞ্জন আনিতে  
ধোবিনী তখন ধায় ।...

(১) ইহার পর নিতান্ত অস্পষ্ট থাকায় পাঠোদ্ধার করা হইল না ।



# চণ্ডীদাসের চতুর্দশ-পদাবলী ।

[ ২ ] .

সরূপ রূপেতে একত্র করিঞা

মিসাল করিঞা খুবে ।

সেই সে রতিতে একান্ত করিলে

তবে সে ছীমতী পাবে ॥

রসের সরূপ প্রেমের নিঅঙ্ক

তাহাতে রাখিবে রূপ ।

তাহার উপরে ছীমতী রাখিআ

প্রেমসরোবরভূপ ॥

তাহাতে আসক নাঅক রসিক

সিঙ্গার আবেসে রবে ।

রূপে রূপ তিনে একু করি...

আসাদিলে রূপ পাবে ॥

স্থানে স্থানে রস বিলাসএ বস

আসে কিনে সদা রবে ।

নহে কামাঙ্গুগা বটে রাগাঙ্গুগা

আসক করিলে পাবে ॥

রূপের সরূপ কৃপা অঙ্গুগত

রূপ রতি অঙ্গে খুবে ।

তবে সে জানিঅ চইতরূপার

সিদ্ধদেহে প্রাপ্তি পাবে ॥

পরকিআ জত আসক সহিত

সরূপে এ রতি খুবে ।

কহে চণ্ডীদাসে রসের উল্লাসে

রজকিনী সঙ্গে রবে ॥ ১ ॥

তাহাতে বাঢ়িল আসক বিলাস

করে রাখিআ সঙ্গ ॥

সেই রসায়ুতে সিলিল জাহাতে

আসক সহিত টানে ।

আসক সরূপে আসক মরএ

রতি মুক হৈলে জানে ॥

সরূপের রতি রূপের বসতি

অকৈতব সে কথাএ ।

এ কথা বুঝিলে পরান সংসর

সরূপ পাঞাছে সাএ ॥

নিতি অহুরাগ প্রেম বিঅোগ

পরান সংসর তাএ ।

সরূপে মিসাতে জে জন রসিক

আছএ এমন তাএ ॥

রসিকে জনক রুসিকে পশ্বন

রসিকে জনম হঅ ।

তবে সে জানিঅ সরূপের রতি

উদঅ করন সঅ ॥

সরূপ বলিঞা রসের আধার

একজনা হএ সেঅ ।

বুঝিতে না পারি রূপের মাধুরী

অঙ্গেতে পাঞাছে লেঅ ॥ . .

কহে চণ্ডীদাসে সরূপ বিশ্বাসে

আর কি বলিব কারে ।

মনের মানসে রজকিনী তারে

নিজ গুরু করি ধরে ॥ ২ ॥

প্রেমসরোবরে অঙ্গিঞা সে করে

সকল ভাগ করি আসকে হবে ।  
 তবে সে জানিঅ নিউড় পাবে ॥  
 পিতৃগোত্র আদি কিছু না রঅ ।  
 রসের দেহেতে রস আশ্রঅ ॥  
 রসের বিলাস নাইকে হবে ।  
 কুলটা বিচার গোউনে হবে ॥  
 গোউনে রাখি তাহা আস করিত ।  
 ফুল সে ফুটি গেল ফল সহিত ॥  
 কল সে পাকিলে কিছু না হবে ।  
 সভারে দেখাঞা কুলটা হবে ॥  
 কার সনে সেঅ মিসিবে নাহি ।  
 এই সে কলঙ্ক আসক-দাঙ্গি ॥  
 এই সে আসক করিএ ধুবে ।  
 আসকে মরিলে আসক পাবে ॥  
 সুরসিক হঞা করিবে কাজ ।  
 জেন না পড়ে রসেতে বাজ ॥  
 এ সব বুঝিঅ আসকে হবে ।  
 তবে সে জানিঅ রসিক পাবে ॥  
 এ রস ভাঙ্গিলে আর না হবে ।  
 বিরসিক জনে প্রেম না ধুবে ॥  
 কহে চণ্ডীদাসে নিউড় সার ।  
 রজকিনী সঙ্গে হইব পার ॥ ৩ ॥

প্রেমের সুরূপ প্রেমেতে জনম  
 রসের মাহুস সে জে ।  
 চৌসটি রসের একটি মাহুস  
 হিআঅ মাঝারে জে ॥  
 রাগের মাহুস নিস্তের মাহুস  
 একত্র করিঞা নিবে ।  
 পরসি পরসে একত্র করিঞা  
 রূপে মিসাইঞা ধুবে ॥

এই সে মাহুসে আসক করিঞা  
 রতি সে বুঝিঞা নিবে ।  
 রূপ রতি তাহে একান্ত করিঞা  
 হিআতে মাহুস হবে ॥  
 আমার প্রকৃতি করিঞা রতিতে  
 মিসাল করিঞা নিবে ।  
 নহে কামাহুগা বুঝিবে ইহাতে  
 রাগের মাহুসে পাবে ॥  
 সুরূপে সুরূপ আসকে আসক  
 মরিঞা জনম হবে ।  
 তবে সিদ্ধদেহে সখীর সঙ্গিনী  
 আসক সুরূপে পাবে ॥  
 কহে চণ্ডীদাসে সুন রজকিনি  
 (বলিএ তোয়ারে) তুমি সিখা জদি দিবে ।  
 তবে সে পাইব ছীরূপ মাহুরী  
 মিসাল করিঞা নিবে ॥ ৪ ॥

রূপ-রতি তাএ, জদি কেঅ পাএ  
 অন্তরঙ্গা বলি জারে ।  
 রূপেতে সুরূপে এই একু করি  
 মিসাল করিঞা ধুবে ॥  
 চইত রূপার সব রতি সার  
 ছীরূপমঞ্জরী হএ ।  
 নারীর মিসালে নারী হঞা যদি  
 মাহুস সোধনে রএ ॥  
 সোধন করিঞা হিআতে বাটিঞা  
 রসিক মাহুসে নিবে ।  
 নহে কামাহুগা আসাদন করি  
 আপনি করিবে আলা ॥ (১)  
 সকলচন্দ বরন মাহুস  
 এ কথা বুঝিবে কেঅ ।

যে জনা পাঞাছে এই সে মাহুস  
 মরিঞা রঞ্জেছে সেঅ ॥  
 কহে চণ্ডীদাসে সুন রজকিনি  
 আপনা করিঞা নিবে ।  
 তুমার পরানে আমার পরানে  
 একত্র বাঁধিঞা থুবে ॥ ৫ ॥

অধরে অধর মিসাল করিঞা  
 আসাদন করি নিবে ।  
 মাহুস জন্মিলে আপনা হিঅতে  
 সখীর সঙ্গিনী হবে ॥  
 একটি করিঞা প্রেমেতে জন্মাঞা  
 আবেস করিঞা থুবে ।  
 জতন করিঞা মাহুস জন্মাঞা  
 গমন হইলে পাবে ॥  
 প্রেমের ডুবাকু জে জন হইবে  
 রসের ডুবাকু আর ।  
 রসিক বিহনে না জন্মএ রতি  
 সখীর সঙ্গিনী জার ॥  
 চহিত রূপাতে কেবল জানিঅ  
 রাগ সরোবর আর ।  
 ইহার মাঝারে মন ভঙ্গ হঞা  
 জাএ যদি হএ পার ॥  
 তবে সে হইব চহিত রূপার  
 রাগ রতি দসা আর ।  
 মুখ্য পরকীআ চহিত রূপাতে  
 প্রেমে অনুগত জার ॥  
 ইহাতে বুঝিঞা মনেতে জন্মাঞা  
 জখনি দেখিতে পাবে ।  
 মন বাহু ছই অস্তক্সা সেই  
 প্রকৃতি হইঞা রবে ॥

আপনার দেখ করি প্রেমলোঅ  
 আসক করিঞা থুবে ।  
 জে কালে জেমন রূপ রতি কলা  
 সেমতে বুঝিলে পাবে ॥  
 কহে চণ্ডীদাসে প্রেমের উলাসে  
 রজকিনী রাধা হএ ।  
 ইহাতে বুঝিলে সকলি আছএ  
 বুঝি যদি সেঅ রএ ॥ ৬ ॥

তুমার চরনে আমার পরানে  
 একত্র করিঞা থুব ।  
 হিআর মাঝারে রতন কমল  
 তুমারে করিঞা নিব ॥  
 আচ্ছঅ হইঞা সিন্ধা সে করিব  
 ছই মন একু করি ।  
 তুমি যদি কৃপা করহ আমারে  
 রূপেতে মিসিতে পারি ॥  
 তুমা বিনে আর কে আছে আমার  
 নিউড় বসতে রব ।  
 অকিঞ্চন করি তুমি সে কিসোরি  
 জতন করিঞা থুব ॥  
 জে কালে জে ভাব করিঞা এ সব  
 চহিত রূপাতে রব ।  
 রাধার মাধুর্জ রূপের সহিত  
 একান্ত করিঞা থুব ॥  
 কহে চণ্ডীদাসে সুন রজকিনি  
 তুমার চরণ সার ।  
 তুমার চরণ আচ্ছঅ হইঞা  
 ভবে সে হইব পার ॥ ৭ ॥

তুমার চরনে আমার পরানে

রাগ রতি দিঞা বসন লইঞা  
সেবা সে করিঞা রব ॥

কুলক্রীড়া জত তুমার সহিত  
আর কিছু নাই মনে ।

অকিঞ্চন করি রাখঅ কিসোরি  
সাধ আছে মোর মনে ॥

কুল অভিমান - নাহি মোর জান  
মা দেখি জখন তোরে ।

তুমার আসকে জতন করিঞা  
বিরতি করাএ মোরে ॥

তুমার পারা করিঞা আমায়ে  
সঙ্গিনী করিঞা নিবে ।

তিলেক বিচ্ছেদে সতবার মরি  
চরন একান্ত দিবে ॥

চণ্ডীদাসে কএ মনে হেন লএ  
বলিব কি আর তোরে ।

আসক দিঞা সে সুন রজকিনি  
রহিলুঁ চরন তলে ॥ ৮ ॥

সনাএ সোহগা একত্র করিঞা  
পুড়িলে উজল হএ ।

রাগের মিসালে পরেস না মিসে  
একথা বুঝিঞা লএ ॥

জতন করিঞা প্রেম বাড়াইঞা  
রতি স্কন্ধ দিনে তায় ।

আপনা করিঞা হারিবে আমায়ে  
আপনা করিঞা রাখ ॥

রাগের অমুগা করিঞা আমায়ে  
সখীর আচ্ছন্ন দিবে ।

আসক সুরূপে চরন কমল  
নিছনী আমায়ে দিবে ॥

তুমার সহিতে আসক আসঅ  
নিস্চয় আছএ মোর ।

অবতীর স্থিতি জত উতপতি  
তুমার লাগিঞা আর ॥

কহে চণ্ডীদাসে পাবে অবসেসে  
রজকিনী কেবল সার ।

ইহার শুন সে রজকিনী জানে  
সেই করিবেক পার ॥ ৯ ॥

এক অঙ্গা রতি উপজ্ঞে কাহাতে  
তাহার মাহুস কেঅ ।

তাহারে বাছিঞা নিউট করিঞা  
সত্তার সুরূপ সেঅ ॥

সেই সে মাহুসে অঙ্গের সহিতে  
রাগের জনম হএ ।

নাই গুরু তার নাইখ উদেশ  
বীজাশ্রয় নাই রএ ॥

আপহিঁ ধার আপহিঁ রাগ  
আপহিঁ রাগ উদঅ ।

জনম নাইখ আছএ রতিতে  
অঙ্গের সৌরবে রএ ॥

আপন করন আপনি করএ  
কারে না সে জন কএ ।

আপনা হইতে জে কিছু করন  
সাক্ষাৎ রাগ উদঅ ॥

কহে চণ্ডীদাসে রজকিনী বেসে  
আমায়ে করিঞা নিবে ।

রাগের জনম অঙ্গ হইতে উঠে  
আসক সুরূপে পাবে ॥ ১০ ॥

তাহে এক আছে মন সরোবর  
কিসে উপজল আর ।

গাছ সে নাইখ ফল সে ধরএ

বুঝিতে বিসম ভার ॥

মন রতি দিঞা বিসেতে রহিঞা

অমৃত রতিতে পাবে।

জতম করিঞা পরেস ধরিঞা

মথিঞা সে ধন নিবে ॥

সেই সে মথিলে নানা রাগ তাএ

বাছিঞা লইবে তার।

রূপসরোবরে যদি মন চরে

তবে সে হইবে পার ॥

কেবল জ্ঞানিঅ রতি সে আনিঅ

সে রীধাচরন হৈতে।

ঢাকা দিঞা তাএ তুলিবে ই দাএ

রাখিবে রূপের হাথে ॥

একদিগে তাএ সাধক ইধাএ

আসকে কথাএ তাএ।

রতি সে রূপেতে আধার করিঞা

আসক রতিতে পাএ ॥

চণ্ডীদাসে কএ এ রতি আশ্রয়

সোলআনা ছদি হবে।

রজকিনী পাসে উদার করিঞা

রূপে মিসাইঞা ধুরে ॥ ১১ ॥

এমতি সে দেখ স্থিতি ইহা নাহি মিলে কতি

স্বক জনম অতিসঅ ॥

কটাক নমন সরে সে অঙ্গ সে রসে ভরে

পক্ষে পুরএ সেই দেহ।

মহাতাব রস সার সুলভ জনম তার

সেই গর্ভে হএ তার লেহ ॥

অখিল রসের সার কেহোঁ নাই পাএ পার

হেন রসে জার দেহ হএ।

কামগন্ধ সকপট গন্ধ নাহি জার বট

স্বক মাংস তারে কএ ॥

অখিল অমৃত কি আমারে বুঝাএ ঐ

মহাতাব কেমনে সে হএ

স্বগন্ধ স্বমমোহর মআন কটাক বর

এইরূপে জার জন্ম কএ ॥

নাইকার জন্মমাত্র অষ্টভাব ভূসা জত্র

কুন্দনে কমিত জার দেহ।

সদা অধুরাগ মন গকোন্মাদ ঘুরনন

নাইকার সিরোমনি সেহ ॥

অকথন কথা স্নি রাখি.ভনএ বানী

স্নি স্নি চণ্ডীদাস ভোর।

তাকর বচনে অবস কলেবর

স্বকহি পঢ়ল তহিঁ ঠোর ॥ ১২ ॥

হঁহে এক জ্বলে বসি

কহে কিছু রস

পুরুসরতন জেই রসিকসেধর সেই

তার জন্ম কেমনে সে কএ ॥

স্বাবর সে জন্ম ধন্ত মল্যঅ শবন গন্য

তার গন্ধ অঙ্গ সে ভরঅ ॥

প্রসবএ ফুল ফল ধন্ত তার কলেবর

কামপর্স নাই তার হএ।

সৌরবে পাঙ্গল পরম স্বখ।

পরসে মিটল মঅন ছখ ॥

অমৃত তাপিত বচন আস।

অবন হরস বাড়ল পিআস ॥

এ তিন সে অঙ্গে পরস ভেল।

তিনে এক হএণ করল মেল ॥

উভয় ঘটন হঁহঁর অঙ্গ।

অখিল রসেতে রূপতরঙ্গ ॥



আচ. ভাব হএ এমাত আর ।  
 মহাভাব রূপে অঙ্গ সে আর ॥  
 পিরীতি পাইলে পরসি রএ ।  
 পিরীতি বিহনে স্নহ্য সে বঞ ॥  
 রসের পরান এইত তার ।  
 সঅন সপনে কারন সার ॥  
 এ সব বচন প্রবেশ কানে ।  
 রানু চণ্ডীদাস এই সে জনে ॥ ১৩ ॥

পহিল মিলনে রস মঅনে  
 তাতে উপজল পিঙ্গ ।  
 রসের মীঅরে রসি উদয়  
 হিঅায় রসের রিঙ্গ ॥  
 চরন কমল সরস হইতে  
 সখিতে নারিলাঙ্ক কি ।  
 নীল উতপল অতি সে বিমল  
 তাহাতে দেখুঁ তি ॥

অন্যত আখর সন্মন করতে  
 রসের মাঅরে পসি ।  
 উদয় নঅনে বঅান হেরিতে  
 নঅনে পসিল সসী ॥  
 অপর সরসে সরস পরসে  
 মরেতে হইল জোর ।  
 স্তিমিত চাতক চাতুরী পাইলে  
 সে অপর জোর ॥  
 অহুদিনে রতি আরতি পিরীতি  
 নিতই নূতন সার ।  
 কসিআ নাগরী রসের সাগরী  
 তাহাতে পিরীতি সার ॥  
 তিলগত তরি আনন্দ লহরী  
 এই সে সারস সার ।  
 অসমুত কীত ইহার চরিত  
 দাস চণ্ডীদাস আর ॥ ১৪ ॥

পাওয়া গিয়াছে । পুথি দুই খানি একত্র থাকিলেও এক ব্যক্তির লেখা নয় । প্রথম ১৫টি পদ কাহার লেখা এবং কোথায় লিখিত হয়, তাহা জানা যায় নাই । তবে লেখা ও পুথির অবস্থা দেখিলে অন্যান্য দুই শত বর্ষের প্রাচীন বলিয়া বোধ হয় । শেষের ১৪টি পদ যে পুথিতে আছে, তাহার শেষে এইরূপ লেখকের নাম ধার ও ঠিকানা পাওয়া যায়,—

“ইতি শ্রীচণ্ডীদাসস্ত চতুর্দশপদাবলী সমাপ্তঃ । লেখক শ্রীগণেশরাম শর্মাণঃ সাং কুতুলপুর । পঠনার্থে শ্রীদৈবকীনন্দন ঠাকুর মহাশয় । ইতি সন ১০০৯ । তারিখ ২ বৈশাখ । বেলা ৪ দণ্ড থাকিতে সমাপ্ত হইল ।”

চণ্ডীদাস বঙ্কের একজন সর্বপ্রধান ও অতিপ্রাচীন কবি । তাহার সময়ে বঙ্গভাষার বিশেষতঃ তাঁহার কীলাঙ্কল ভাষারের চলিত বা লিখিত ভাষার অবস্থা কিরূপ ছিল, তাহা নির্ণয় করা বড়ই দুর্লভ । এমন কি পাঠ মিকাইবার জন্যও আমরা বর্তমান আর এক খানি পুথি বহু চেষ্টায়ও সংগ্রহ করিতে পারি নাই । এই সকল কারণে পুথি দুই খানিতে আমরা যে রূপ পাইরাছি, কিছুই সংশোধন না করিয়া সেই রূপই প্রকাশ করিতে বাধ্য হইলাম । বাস্তবিক প্রাচীন পুথির উপর রঙ ফলাইতে আমাদের বিবেচনার কাহারও অধিকার নাই । প্রাচীন পুথি ছাপাইতে গেলে আমাদের নিরপেক্ষ থাকাই উচিত । হঠাৎ কোন স্থলে বর্ণাঙ্কিত, বর্ণ-

বিপর্যয় বা প্রচলিত ব্যাকরণচূড় পদ দেখিয়া বিচলিত হওয়া উচিত নহে। ভাষার পূর্বাঙ্গ অবস্থা বুঝিয়া ধীরভাবে তাহার সমালোচনা করাই উচিত। কারণ আজ যাহা আমরা কুল বুঝিলাম, কাল ভাই হইতে পারে। আজ যে ভাষা আমরা ব্যবহার করিতেছি, কিছু দিন পূর্বে ঠিক এরূপ ভাষা ছিল না, কোন কোন অংশে অনেক প্রভেদ ছিল, তাহা ভাষাবিদ মাত্রেই স্বীকার করিবেন। সেই জন্যই আমরা বঙ্গভাষার প্রাচীনতম অবস্থার কবি চণ্ডীদাসের পদাবলীতে অনেক স্থলে বর্ণাঙ্কিত ও ব্যাকরণচূড় পদ আছে ভাবিয়াও সংশোধন করিতে সাহসী হই নাই। যদি কুল বাহির হয়, সে দোষ প্রাচীন পুথিলেখকের,—বর্তমান প্রকাশকের সে দায়িত্বগ্রহণ না করাই ভাল। এরূপ স্থলে তাহার যাহা যাহা বক্তব্য, স্বাধীন ও স্বতন্ত্র ভাবে তাহা প্রকাশ করাষ্ট কর্তব্য।

বাস্তবিক ১০০৯ সনের পুথির পদযোজনা, ভাষা ও অক্ষরবিজ্ঞানসদর্পে বঙ্গভাষার প্রাচীনতম অবস্থা সবকিছু অনেক কথা আমাদের মনে উদ্ভিত হইয়াছে। তবে এই সরস পদাবলীর সহিত নীরস ব্যাকরণের আলোচনা করিয়া পাঠকগণের বৈরাগ্যতা ঘটাইতে ইচ্ছা করি না। এখানে দুই একটা কথা বলিয়া অবসর লইতে ইচ্ছা করি।

বর্তমান বঙ্গীয় ভাষাতত্ত্ববিদগণের মধ্যে কাহারও কাহারও ধারণা, বঙ্গভাষা যেমন সংস্কৃতের নিকটবর্তী এবং সংস্কৃতমূলক, এমন আর কোন ভাষা নহে। বাস্তবিক ভাষাতত্ত্ব আলোচনা করিলে একথা কুল বলাই বোধ হয় না। বর্তমান বঙ্গভাষার আমরা অধিকাংশ যে শব্দ ব্যবহার করি, তাহা সংস্কৃত বা সংস্কৃতমূলক বটে, কিন্তু প্রাচীন বাঙ্গালা ভাষার স্থানে স্থানে সংস্কৃতমূলক শব্দ ব্যবহৃত হইলেও সর্বত্র প্রাকৃতমূলক শব্দই ব্যবহৃত হইত। প্রাচীনতম বঙ্গীয় কবিগণ অনেক স্থলে প্রাকৃত ভাষার অনুসরণ করিয়াই চলিতেন। আজ যে পুথি খানির কথা বলিতেছি, ইহাতে অধিকাংশ স্থলে প্রাকৃত ভাষার অনুসরণে অনেক শব্দ ও পদবিজ্ঞান আছে।

১। প্রাকৃত ভাষার 'জ' স্থানে 'ঝ' হয়। আলোচ্য পুথির সর্বত্রই এইরূপ 'ঝ' স্থানে 'জ' লিখিত হইয়াছে।

২। প্রাকৃত ভাষার শ ও ষ স্থানে স হয়। এই পুথিতেও সর্বত্রই শ ও ষ স্থানে 'স' ব্যবহৃত হইয়াছে।

৩। প্রাকৃত ভাষার নিয়মে 'দ' স্থানে 'ড' হয়। এই পুথিতেও অনেক স্থানে বর্তমান নিয়মে 'দাওয়াইয়া' না হইয়া 'ডাওয়াইয়া' লিখিত হইয়াছে।

(১) 'যস্য জঃ।' (চণ্ডপ্রাকৃত ৩।১৫) যথা তুর্বাঃ = তুর্জো, বাজা = বাজা।

(২) 'রশবাণং সঃ।' (চণ্ডপ্রাকৃত ৩।১৮) 'রশব'কারব'কারাণং স্থানে সকারো ভবতি। যথা,—শিরং = সীসং, শনী = সনী, আমিবং = আমিসং।

(৩) 'ভবর্গস্য চ টবর্গো।' (চণ্ডপ্রাকৃত ৩।১৬) যথা = নওঃ উওঃ।

৪। প্রাকৃত ভাষায় য ও বকারের পর হকার থাকিলে হকারের লোপ হয়।\* এই নিয়মে পুথিতে 'ব্যবহার' স্থানে 'ব্যভার' লেখা আছে।

৫। প্রাকৃত ভাষায় সর্বত্রই "ন" স্থানে "ণ" ব্যবহৃত হইয়াছে\*। কিন্তু এই পুথিতে তাহার ব্যতিক্রম দৃষ্ট হয়। দস্ত্য ও মূর্দ্ধন্য এই উভয় নকারের স্থানেই কেবলমাত্র "ন" লিখিত আছে। চণ্ডের প্রাকৃত ব্যাকরণে হ্রস্ব আছে, "পৈশাটিকী ভাষায় 'র' স্থানে ল এবং 'ণ' স্থানে 'ন' হয়।"† অর্থাৎ পৈশাটিকী ভাষায় কেবল মাত্র 'ন'র ব্যবহার আছে। তবে কি এই পুথির 'ন'কার পৈশাটিক প্রাকৃত অনুসারে গৃহীত হইয়াছে; তাহাত ঠিক বুঝা গেল না। বাস্তবিক বাঙ্গালা ভাষায় 'ণ' কারের প্রাকৃত উচ্চারণ নাই, "একমাত্র 'ন' কারের উচ্চারণই প্রচলিত। তাই বোধ হয় দেশী উচ্চারণ অনুসারে সর্বত্র 'ন' গৃহীত হইয়াছে।

৬। এই পুথির বহু স্থানেই 'র' স্থানে 'অ' দেখা যায়। যেমন নঅন, নাঅক প্রভৃতি। যুচ্ছিকটিক, ভবভূতির বীরচরিত্ত, ব্রহ্মাবলী প্রভৃতি সংস্কৃত নাটকের প্রাকৃতভাংশে এই নিয়ম পালিত হইয়াছে। বরকচির প্রাকৃতপ্রকাশে ও হেমচন্দ্রের প্রাকৃত ব্যাকরণে য, দ প্রভৃতি কএকটীর বর্ণের স্থলে 'অ' হইবার ব্যবস্থা আছে।\*

৭। এইরূপে প্রাকৃতের অনুরূপ 'স' স্থানে 'স', 'হৃদয়' স্থানে 'হিআ'† ও শব্দের শেষে তৃতীয়া ও সপ্তমীতে 'এ'‡ বিভক্তি দেখা যায়।

৮। সংস্কৃত 'স ইদং' স্থানে প্রাকৃত ভাষায় 'সেঅং' লিখিত আছে; এই পদাবলী গদ্যেও অনুস্মারহীন 'সেঅ' 'কেঅ' ইত্যাদি ব্যবহৃত হইয়াছে।

৯। এ ছাড়া নানাস্থানে 'মরএ', 'আহএ' প্রভৃতির প্রয়োগ আছে। বর্তমান বঙ্গভাষায় উক্ত পদান্ত 'এ' পূর্ববর্ণের সঙ্গে যুক্ত হইয়া 'মরে' 'আছে' ইত্যাদি শব্দসিদ্ধ হইয়াছে।

এ সম্বন্ধে আরও অনেক কথা বলিবার ছিল, বাস্তবিকতায় এইখানেই ক্ষান্ত হইলাম। এখন পাঠকগণ বিবেচনা করুন।

পত্রিকা-সম্পাদক।

(৪) 'হাদ্যবৌ লোপৌ।' (চ° প্রা° ৩।৭) ষথা—বিহ্বলঃ—বিবৃত্তলো ॥

\* কেবল যেখানে 'ন'কার শব্দের আদিতে ব্যবহৃত হইয়াছে, একরূপ শব্দেরই দুই এক স্থলে দস্ত্য 'ন'কারের প্রয়োগ দৃষ্ট হয়।

(৫) 'পৈশাটিক্যাং রণমোলনৌ।' (৩।৩৮) পৈশাটিক্যাং রেকস্ত লকারো ভবতি ণকারস্ত নকারঃ ॥

(৬) এই পুথিতে 'বঅন' শব্দের প্রয়োগ আছে, তাহা প্রাকৃত 'বঅণ' শব্দের রূপ বলা যাইতে পারে।

(৭) যেমন স্বর্ণ স্থানে 'সনা'। [ ৯ সংখ্যক পদ দেখ। ]

(৮) প্রাকৃত ভাষায় 'হিঅঅ' শব্দের প্রয়োগ আছে।

(৯) যেমন—বিলাসএ [ ১ সংখ্যক পদ দেখ। ] মহাবীরচরিত্তের প্রাকৃতভাংশে ঠিক এইরূপ 'ভুমিএ' প্রভৃতির প্রয়োগ দৃষ্ট হয়।

## ধোয়ী কবির পবনদূত ।

জয়দেব বাঙ্গালার সুপরিচিত কবি । যাহারা কিছুমান সংস্কৃত পড়িয়াছেন, জয়দেবের নাম তাঁহাদের কাছে সুপরিচিত । গীতগোবিন্দের পদাবলী কোমল ও কমনীয় । গীতগোবিন্দের তৃতীয় শ্লোকটি অনেকেরই স্বরণ থাকিতে পারে । কবিতা যথা—

“বাচঃ পল্লবয়তুমাপতিধরঃ সন্দর্ভশুদ্ধিং গিরাং  
জানীতে জয়দেব এব শরণঃ শ্লাঘ্যো দুরূহদ্রতে ।  
শৃঙ্গারোত্তরসংপ্রমেয়রচনৈরাচার্য্যগোবর্দ্ধন-

স্পর্ধী কোহপি ন বিশ্রুতঃ শ্রুতিধরো ধোয়ী কবিঙ্কমাপতিঃ ॥”

এই কবিতাটিতে জয়দেবের ও তাঁহার সমকালবর্তী চারিজন কবির নাম আছে । জয়দেবের পরিচয় অনাবশ্যক, তাঁহার গীতগোবিন্দে সকলেই মুগ্ধ । তাঁহার নিবাস বীরভূম, অজয়নদতীরে কেন্দুলীগ্রামে । তথায় তাঁহার স্বরণার্থ এখনও প্রতি বৎসর মেলা হইয়া থাকে । কথিত আছে, তিনি ভয়সা করিয়া যে কথা কয়টি লিখিতে পারেন নাই, স্বয়ং ভগবান্ নাবায়ণ আসিয়া সেই কথা কয়টি লিখিয়া তাঁহার প্রেমোচ্ছ্বাসপূর্ণ গীতিপূর্ণ করিয়া যান । জয়দেব লিখিয়াছিলেন,—

“স্বর গরলধণ্ডনং, মম শিরসি মুণ্ডনং” তাহার পর কি লিখিব বলিয়া আর লিখিতে পারেন নাই । নারায়ণ লিখিয়া গেলেন,—

“দেহি পদপল্লবমুদারং ।”

বঙ্গীয় বৈষ্ণবদিগের বিশ্বাস জয়দেবের গীতাবলীর প্রেমোচ্ছ্বাসে ভগবানেরও ভাবোচ্ছ্বাস হয় । কিন্তু অপর চারিজন কবি কে ? শুনা যায়, ইহারা সকলেই লক্ষণসেনের সভাসদ ছিলেন, সকলেই এককালে কবিতার মাধুর্য্যে বঙ্গদেশ মোহিত করিয়াছিলেন । কিন্তু এখন তাঁহারা কোথায় ? জয়দেবের ঐ কবিতাটি না থাকিলে তাঁহাদের নাম পর্য্যন্ত লোপ হইত ।

বহুকাল ধরিয়া এই চারিজনমের বিষয় কিছু অবগত হইবার অস্ত্র বড়ই ব্যস্ত ছিলাম । প্রায় পঞ্চাশ বৎসর পূর্বে এন্সিয়াটিক সোসাইটি কাঁবাসংগ্রহ নামে কতকগুলি ক্ষুদ্র ক্ষুদ্র কবিতা প্রকাশ করেন, তাহার মধ্যে গোবর্দ্ধনাচার্য্যের আখ্যায়িকাশতী ছিল— আখ্যায়িকাশতীতে সেনবংশের উল্লেখ আছে যথা,—

“সকলকলাঃ কলয়িতুং প্রভুঃ প্রবক্ষ্যন্ত কুমুদবক্ষোশচ ।

সেনকুলতিলক-ভূপতিরেকো যাকাপ্রদোষশচ ॥”

অর্থাৎ—একমাত্র সেনবংশীয় ভূপতি এবং পূর্ণিমাতিথির সন্ধ্যাকাল প্রবন্ধ এবং চন্দ্রের সকল কলা প্রকাশ করিতে সমর্থ ।

এই কাব্যখানিতে সাতশত আখ্যা-শ্লোক আছে—৫৪টা শ্লোক মুখবন্ধে এবং ৬টা উপসংহারে, অবশিষ্টগুলি অকারাঘি ক্রমে লিখিত ; যথা,—অকারে ৭৩, আকারে ৩৩, ইকারে ৭, ঈকারে ৩, উকারে ২২, ঊকারে ১, ঋকারে ২, একারে ৮, ককারে ৪৩, খকারে ১, গকারে ২৪, ঘকারে ৩, চকারে ১২, ছকারে ২, জকারে ১১, ঝকারে ১, টকারে ১, ডকারে ২৮, দকারে ২৮, ঙকারে ৪, নকারে ৩৮, পকারে ৫৭, বকারে ৬, ভকারে ১৬, মকারে ৩৫, যকারে ২৮, রকারে ১৪, লকারে ৯, বকারে ৫২, শকারে ২৪, ষকারে ১, সকারে ২৮, হকারে ৮ ও ঙকারে ৩ । অর্থাৎ মুখবন্ধ এবং উপসংহার বাদ দিলে ৬৯৬টা আখ্যা কবিতা এই প্রবন্ধে লিখিত আছে । ইহার মধ্যে অধিকাংশ কবিতাই শৃঙ্গারবস-পূর্ণ, তাই জয়দেব গোবর্দ্ধনাচার্যের পরিচয়স্থলে “শৃঙ্গারোক্তরসংপ্রমের-রচনৈরাচার্য্যগোবর্দ্ধন” বলিয়া গিয়াছেন—অর্থাৎ তিনি শৃঙ্গার রসের অনেক ছাদ কথা বলিয়া গিয়াছেন । আচার্য্য সপ্তশতী ভিন্ন আর কোন গ্রন্থে প্রয়োগ করিয়াছিলেন কি না, তাহা নির্ণয় করা হুঃসাধ্য । কিন্তু অহুমানের বোধ হয় আর করেন নাই, করিলে উপসংহারে একথা বলিতেন না—

“উদয়নবলভদ্রাত্যাং সপ্তশতী শিষ্যসোদরাত্যাং মে ।

দ্যৌরিব রবিচন্দ্রাত্যাং প্রকাশিতা নির্মলীকৃত্য ॥”

অর্থাৎ—যেমন সূর্য্য ও চন্দ্র আকাশকে পরিষ্কার করিয়া প্রকাশ করেন, তেমনি আমার শিষ্য উদয়ন আর সোদর বলভদ্র সংশোধন করিয়া আমার এই সপ্তশতী প্রকাশ করিলেন ।

লক্ষণসেনের সামন্ত বটুদাসের পুত্র শ্রীধরদাস ১২৪৮ খৃষ্টাব্দে সহস্রিকর্ণামৃত নামে একখানি গ্রন্থ রচনা করেন, তাহাতে তৎকালবিখ্যাত কবিগণের প্রত্যেকের পাঁচ পাঁচটা করিয়া কবিতা আছে ; উহাতে গোবর্দ্ধনেরও পাঁচটা কবিতা আছে ।

শরণ কবির কোন গ্রন্থাদি এ পর্য্যন্ত পাওয়া যায় নাই, কিন্তু সহস্রিকর্ণামৃতে তাঁহারও প্রণীত পাঁচটা কবিতা আছে, সুতরাং শ্রীধরদাসের সময় তাঁহার কবিতা যে প্রচলিত ছিল, সে বিষয়ে সন্দেহ নাই ।

সহস্রিকর্ণামৃতে উমাপতির নাম নাই, বোধ হয় উমাপতি কোন কাব্য লিখেন নাই, কিন্তু সেনবংশীয় বিজয়সেনের প্রশস্তি তাঁহার লিখিত । দেওপাড়া হইতে একখানি শিলাফলক পাওয়া গিয়াছে, উহাতেই ওই প্রশস্তি খোদিত আছে এবং তাহাতেই উমাপতির নাম জাজ্বল্যমান রহিয়াছে । আর জয়দেব উমাপতির যে গুণ বর্ণন করিয়াছেন ( বাচঃ পল্লবমতি ) তাহাও তাহাতে দেখিতে পাওয়া যায় ।

বাকি খোদী কবি । সহস্রিকর্ণামৃতে ইহার পাঁচটা কবিতা আছে ।



কয়েক বৎসর সন্ধানের পর বিষ্ণুপুরস্থ শ্রীযুক্ত পণ্ডিত শ্রীমদ্রাম তর্করত্নের নিকট ধোয়ী কবির একখানি গ্রন্থ পাওয়া গিয়াছে, গ্রন্থখানির নাম পবনদূত।

কালিদাস কৈশিক মেঘকে বিরহী যত্নের দূত করিয়াছেন, সেইরূপ ধোয়ী কবি মলয়পবনকে বিরহিনী কুবলয়বতীর দূত করিয়া চন্দ্রনাভি ( মলয়পর্বত.) হইতে লক্ষ্মণসেনের নিকট নবদ্বীপে প্রেরণ করিয়াছেন।

লক্ষ্মণসেন নাকি একবার দিগ্বিজয় করিতে গিয়া ভারতবর্ষের দক্ষিণাংশে মলয়গিরিতে উপস্থিত হইয়াছিলেন। কুবলয়বতী তাঁহাকে দেখিয়াই কুসুম-শরের কিকরী হইয়াছিলেন,—

“তস্মিন্মেকা কুবলয়বতী নাম গন্ধর্বকন্যা।

মন্যে জৈত্রং কুসুমশরতোহপ্চ্যায়ুধং যা স্মরস্ত।

দৃষ্ট্বা দেবং ভুবনবিজয়ে লক্ষণং ক্ষৌণিগামং

বাল্যে সত্যঃ কুসুমধনুঃ সংবিধেয়ী-বভূব ॥”

অর্থাৎ—সেই পর্বতে কুবলয়বতী নামে এক গন্ধর্বকন্যা ছিলেন, মদনের কুসুমশর অপেক্ষাও তীক্ষ্ণতর রাজ্য লক্ষ্মণসেন দিগ্বিজয়ক্রমে দক্ষিণদেশে উপস্থিত হইলে তাঁহাকে দেখিয়া সেই বাল্যে মন্যথের কিকরী হইয়াছিলেন।

বসন্তের সমাগমে তাঁহার মনের অবস্থা বিকৃত হইয়া আসিলে তিনি লক্ষ্মণসেনের জন্ত উন্নতপ্রায় হইয়া, তাঁহার নিকট দূতপ্রেরণার্থ ব্যস্ত হইয়া উঠিলেন, দেখিলেন মলয়পবন উত্তরাভিমুখে যাইতেছে। তিনি এই মলয় মারুতকেই কান্তের নিকটে দূতস্বরূপে প্রেরণ করিবার সঙ্কল্প করিলেন। মেঘদূতে যেমন প্রথম রাত্তার বর্ণনা, তাহার পর মনের ভাব প্রকাশ, ইহাতেও তাই। যাহারা কালিদাসের মনোমোহিনী বর্ণনায় মুগ্ধ হইয়াছেন, তাঁহারা ধোয়ী কবির বর্ণনায় সন্তুষ্ট হইবেন কি না জানি না, কিন্তু বাঙ্গালী হইবেন, কারণ কবি বাঙ্গালী, কবির নায়ক বাঙ্গালী। যে সময়ের বাঙ্গালী দেশের কোন বিবরণই পাওয়া যায় না, সেই সময়ে বাঙ্গালী দেশের অনেক কথা একজন বাঙ্গালীর মুখে শুনিতে কোন্ বাঙ্গালীর না আগ্রহ হয়? তাহাতে আবার কবি লক্ষ্মণসেনকে গন্ধর্বকন্যার প্রণয়পাত্র করিয়া বাঙ্গালীর মান আরও বাড়াইয়াছেন।

কুবলয়বতী আপনার সখীদিগের নিকটেও আপনার মনোভাব ব্যক্ত করেন নাই, কিন্তু মলয়পবনকে দেখিয়া আর থাকিতে পারিলেন না, তিনি কুসুমধনুতে মলয় পবনের স্ততি করিতে লাগিলেন, বলিলেন,—

“ভূতঃ প্রাণাঃ সকলজগতাং দক্ষিণত্বং প্রকৃত্যা

জজ্ঞানং, হাং পবন মনসৌহনস্তরং ব্যাহরস্তি।

তস্মাদেবং স্থয়ি ধনু ময়া সংপ্রণীতোহর্থিতাবঃ

প্রায়ো ভিক্ষা ভবতি বিফলা নৈব যুগ্মস্বিষেবু ॥”

অর্থাৎ—তোমা হইতে সকল জগতের লোক প্রাণ পায়, তুমি স্বাভাবিক দক্ষিণ—সরল, ক্রান্তগতি পদার্থসমূহেব মধ্যে মনের পরই তোমার নাম, এই জগতই আমি তোমার নিকট অধিভাবে উপস্থিত হইয়াছি। প্রায় তোমাদের মত লোকের নিকট ~~ভিত্তি~~ করিলে তাহা বিফল হয় না।

আর বিরহবিধুরগণের উদ্ধার তোমার বংশে পূর্বে আরও হইয়াছে। তোমারই পুত্র না বিরহবিধুর রামচন্দ্রের জন্ত সমুদ্রও লঙ্ঘন করিয়া গিয়াছিলেন।

“বীক্ষ্যাবস্থাং বিরহবিধুরাং রামচন্দ্রস্ত হেতো-  
র্ষাতঃ পারং পবন সরিতাং পতু্যরপ্যাঞ্জনেয়ঃ ।  
তুভাতশ্চাপ্রতিহতগতের্ষাস্ততস্তে মদর্থং  
গৌড়কৌণী কতিনু মলয়ক্ষমাধরাদ্যোজনানি ॥”

অর্থাৎ রামচন্দ্রের বিরহবিধুর অবস্থা দেখিয়া তাঁহার জন্ত অপ্রনানন্দন হুমুমান্ সমুদ্রও পার হইয়া গিয়াছিলেন। তুমি তাঁহার পিতা, তোমার গতি অপ্রতিহত, তুমি যদি আমার জন্ত যাইতে স্বীকার কর, তবে এ মলয়পর্বত হইতে গৌড়রাজ্য তোমার শকে কয় যোজন ?

সেখানে যাইলে—সে দেশে বুলিয়া বেড়াইলে তোমারও তৃপ্তি আছে।

“তত্রাবশ্যং কুস্থমসময়ে স ত্বয়া শীলনীয়ঃ  
সান্দ্রোদ্যানস্থগিতগগনপ্রাঙ্গণো গৌড়দেশঃ ।”

( গগন যদি অষ্টালিকা হয় ) তাহা হইলে সমতল গৌড়দেশ তাহার প্রাঙ্গণস্বরূপ। সে উঠান বাগানে বাগানে ভরিয়া রহিয়াছে, এখন কুল কুটিবার সময় তুমি সেইখানে বুলিয়া বেড়াইবে। তুমি প্রস্থান কর, চন্দ্রনের গন্ধ লইয়া যাও, কিন্তু বেশীক্ষণ থাকিলে বসন্তে মদমত্ত অহিকুল তোমার পান করিয়া ফেলিবে। অতএব যত শীঘ্র পার যাও। এখন হইতে দুই ক্রোশ গেলেই তুমি ইহাদের হস্ত হইতে পরিভ্রাণ পাইতে পারিবে,—

“শ্রীখণ্ডাজেঃ পরিসরমতিক্রম্য গব্যুতিমাত্রং  
গস্তব্যস্তে কিমপি জগতীমণ্ডনং পাণ্ড্যদেশঃ ।  
তত্রাখ্যাতং পুরমুরগমিত্যাখ্যা তাত্রপর্ণ্যা-  
স্তীরে মুঞ্চক্রমুকতরুভিবন্ধরেখৈর্ভজেধাঃ ॥” ৮ ॥

এই শ্রীখণ্ডপর্বতের পাদদেশ পরিভ্রাণ করিয়া দুই ক্রোশ গেলেই জগতের অলঙ্কার পাণ্ড্যদেশ। তাত্রপর্ণী নদীর তীরে উহার রাজধানী, নাম উরগপুরী। উহা ব্যতি প্রসিদ্ধ। উহার চারিদিকে গারিবন্দী সুপারি গাছ।

তাহার নিকটে শ্রীরামচন্দ্রের সেতু।

“ক্রীড়াশৈলং ভুজগনগরী-যোধিতাং কৌতুকক্ষেৎ  
সুতুং যয়া জলধিকারিণঃ শৃঙ্খলাদামদীর্ঘম্ ।  
ভাতি স্নেহাদবনিতনয়া জীবনাস্বাসহেতো  
লঙ্কারীপং প্রহিত ইব যো বাহুরেকঃ পৃথিব্যাঃ ॥” ৯ ॥

উরগনগরবিলাসিনী বারাকনাদিগের ক্রীড়াশৈল দেখিবার জন্য যদি তোমার কৌতুক হইয়া থাকে, তাহা হইলে রামচন্দ্রের সেতু দেখিতে যাইও । সমস্ত উদ্যান হস্তীর ছায় সদাই চঞ্চল ও সদাই উদ্দাম সেতুটী দেখিলে বোধ হয় যেন এই উদ্দাম হস্তীকে বন্দন করিয়াঃ রাখিবার জন্য দীর্ঘ শৃঙ্খলা বিস্তার করা হইয়াছে । উহা দেখিলে আরও বোধ হয় সীতাকথা কি না ! তাই তাঁহার ঘোর হুঃখের সময় অপত্যমেহে লীড়িতা পৃথিবীরী তাঁহাকে আশ্বাস দিবার জন্য যেন একটা হাত লঙ্কারীপে পাঠাইয়াছেন ।

সেখানে ব্রাহ্মেশ্বর শিবের মন্দির দর্শন করিলে অনেক পুণ্যলাভ হইবে । সেখান হইতে কাঞ্চী ।

“লীলাগোঁড়েরমরনগরস্যাপি গর্ভং  
গচ্ছেঃ কাঞ্চীপুরমথ দিশো ভূষণং দক্ষিণশ্চাঃ ।  
নক্তং যত্র প্রহরিক ইবোজ্জাগরং নাগরাণাং  
কুর্বন্ পাণিপ্রণিহতধনুর্জায়তে পঞ্চবাণঃ ॥” ১২ ॥

সেখান হইতে দক্ষিণদিকের ভূষণসদৃশ কাঞ্চীনারক পুরীতে গমন করিও ; উহা সুখা-  
ধবলিত প্রাসাদসমূহে অমরাবতীরও গর্ভ ধর্ম করিয়াছে । সেখানে পঞ্চবাণ ধনু হাতে  
করিয়া প্রহরী ব ন্যায় সকল বাত্রি জাগিয়া থাকেন ।

সেখানে তোমার পাইলে চোককামিনীরা লহকে ছাড়িতে চাহিবে না, তুমিও তাহাদের  
চন্দনচর্চিত গওস্থলে পিছলাইয়া পড়িবে—সহজে উঠিতে পারিবে না ।

কাঞ্চী ছাড়িয়া তুমি কাবেরী নদী ধরিয় চলিয়া যাইবে ।

“হিমা কাঞ্চীমবিনয়বতীভুক্তরোধোনিকুঞ্জাং  
তাং কাবেরীমনুসরথগঞ্জৈগিবাচালকুলাম্ ।  
কান্তাগ্নেষাদপি খলু স্পর্শমিকুরিমোহপি  
স্বচ্ছং ভিক্ষা প্রবণমনসোপ্যাসু যত্না লবীয়ঃ ॥” ১৫ ॥

কাঞ্চী ত্যাগ করিয়া কাবেরী ধরিয় চলিয়া যাইবে ; উহার ছই কুল পক্ষিগণের কলরবে  
কলকলারিত । ছই তীরেই নিকুঞ্জে নিকুঞ্জে চোলরমণীগণের অবিনয় চিত্র প্রকাশিত আছে ।

উহার জল কান্তার আলিঙ্গন হইতেও স্পর্শ, চন্দ্রকিরণ হইতেও স্বচ্ছ এবং ভিক্ষুকের মন হইতেও লঘু । সেখান হইতে মাল্যবান্ পৰ্বত—

“স্নিগ্ধশ্যামং তরুভিরূপলৈঃ পৰ্বতং মাল্যবন্তং  
পশ্চোরুতস্তিতমিব পুরঃ কেশপাশং পৃথিব্যাঃ ।  
তত্রাদ্যাপি প্রতिसরজলৈর্জর্জরাঃ প্রস্থভাগাঃ  
সীতাভর্তুঃ পৃথুতরশুচঃ সূচয়ন্ত্যশ্রুপাতান্ ॥” ১৮ ॥

সেখান হইতে গাছ ও পাথরে ঢাকা মাল্যবান্ পৰ্বত দেখিবে, উহার সুন্দর রঙ দেখিলে তোমার চক্ষু জুড়াইয়া যাইবে, বোধ হইবে, যেন পৃথিবী আপন কেশকলাপ উঁচু করিয়া বাঁধিয়া রাখিয়াছেন । উহার চারি পাশ দিয়া স্বর্ণা স্বরিতেছে, বোধ হইতেছে, যেন রামের হৃৎক দেখিয়া আজিও এ পৰ্বত কাঁদিতেছে ।

মাল্যবান্ অতিক্রম করিয়া পৰ্বতের সর্বোত্তর । এই সর্বোত্তরের চারিদিক্ সরলতরুতে আবৃত । এই খানেই পাঁচটা অক্ষর প্রস্তরমূর্তি হইয়া বিরাজ করিতেছেন । এখনও রাত্রিতে সেখানে অক্ষরারা আসিয়া গান করে এবং হরিশগণ মুগ্ধ হয় ।

সেখান হইতে তুমি নানাপল্লী দেখিতে দেখিতে উত্তরমুখে যাইবে । পল্লীর চারিদিকে বাগানে বাগানে অশোক ও সুপারিগাছ এবং পথিকেরা সরলা পল্লীবাসিনীদিগের প্রেমলোভে ঘুরিয়া বেড়ায় । তথা হইতে—

“অক্ষুান্ হিঙ্গা জলনিবিড়বধূগাঢ়গোদাবরীকান্  
কালিঙ্গস্থানুসর নগরীং নাম তাং রাজধানীং ॥” ২১ ॥

সেখান হইতে অক্ষুদেশ—যথার বহুসংখ্যক রমণী গোদাবরীর জলে অবগাহন করিতেছে । সেই অক্ষুদেশ ছাড়িয়া কালিঙ্গনগর নামে কালিঙ্গরাজের রাজধানীতে যাইবে ।

উহার নিকটেই সমুদ্রতীরে সুপারিমালা ফলভরে অবনত হইয়া রহিয়াছে এবং সিদ্ধাসনারা গান করিয়া পথিকগণের কর্ণানন্দ সম্পাদন করিতেছে ।

সেখান হইতে বিদ্যাপৰ্বতের পাদদেশে গমন করিবে, দেখিবে লতার কিসলয়গুলিও যেন মদভরে মত্ত হইয়া রহিয়াছে, দেখিবে মদমত্ত হস্তীর বিকট চীৎকারে শবররমণীগণ হঠাৎ মান ত্যাগ করিয়া স্বামীর কোড়দেশে লুকাইতেছে । সেখানে কলনাদিনী রেবানদী প্রবাহিত, উত্তর তীরে বেণুবন, বেণুবনের বর্ণ শুকপক্ষীর বর্ণকেও লজ্জিত করিয়া দেয় । যুবকযুবতীর এমন ক্রীড়াহল যুঝি ভুবনে আর নাই ।

সেখান হইতে যযাতিনগর বা রাজপুর—

“লীলাং নেতুং নয়নপদ্মবীং কেরলীনাং রতেশ্চৈদ-  
গচ্ছেঃ খ্যাতাং জগতি নগরীমাখ্যয়া তাং যযাতেঃ ।

গাঢ়াশ্লিষ্টক্রমুকতরবঃ প্রাক্গণেনোগ্রবল্ল্যা

বালাং যত্র প্রিয়তমপরীরন্তমধ্যাপয়ন্তি ॥” ২৬ ॥

যদি কেবলরমণীগণের ক্রীড়া দেখিবার ইচ্ছা থাকে, তাহা হইলে সেখান হইতে যযাতির প্রসিক্ক নগর যাজপুরে যাইবে। এই নগরে উঠানে উঠানে লতাগুলি সুপারিগাছে গাঢ় আলিঙ্গন করিয়া বালিকাদিগকে আলিঙ্গনবিদ্যা শিক্ষা দিতেছে।

.তথা হইতে সুক্কদেশ—

“গঙ্গাবীচিপ্পু তপরিসরঃ সোধমালাবতংশো

হধ্যাস্ত্যুচৈস্ত্রয়ি রসময়ো বিষয়ঃ সুক্কদেশঃ ।

শ্রোত্রক্রীড়াভরণপদবীং ভূমিদেবাস্তনানাং

তালীপত্রং নবশশিকলাকোমলং যত্র ভ্রাতি ॥ ২৭

তস্মিন্ সেনাস্বয়নৃপাতিনা দেবরাজ্যাভিষিক্তেণ

দেবঃ সুক্কাদ্ বসতি কমলাকেলিকারো মুরারিঃ ।

পার্ণো লীলাকমলমসকৃদ্ যৎসমীপে বহন্ত্যে

লক্ষ্মীশঙ্কাং প্রকৃতি স্তভগাঃ কুর্বতে বাররামাঃ ॥” ২৮ ॥

সেখান হইতে সুক্কদেশ, উহার পরিসর ভাগ গঙ্গাতরঙ্গে বিধৌত। সুধাধবলিত প্রাসাদ-রাজি উহার কর্ণভূষণ স্বরূপ। সেই রসময়দেশে উপস্থিত হইলে, ভূমি বিষয়সাগরে নিমগ্ন হইবে। সেখানে নবশশিকলার স্থায় কোমল তালপত্র ব্রাহ্মণাঙ্গণাগণের কর্ণভূষণ হইয়া থাকে। সেখানে সেনবংশীয় নরপতির ইষ্টদেবতা মুরারি দেবরাজ্যে অভিষিক্ত। তিনি সুক্কদেশেই থাকেন। সেখানকার বাররামাগর্ভের হস্তে সকল সময়েই লীলাকমল বিরাজ করে; তাহাদের দেখিলেই নারায়ণের লক্ষ্মী বলিয়া ভ্রম হয়।

শ্রীখণ্ডপর্বত হইতে সুক্কদেশ পর্য্যন্ত ধোয়ী কবি যে সকল স্থানের উল্লেখ করিলেন এই সকল স্থান কোথায় জানিবার জন্য পাঠকগণের কৌতূহল হইতে পারে। ভারতবর্ষের সর্ব দক্ষিণদিগ্বর্তী পর্বতের নামই শ্রীখণ্ডপর্বত বা চন্দনাক্রি। উহা পাণ্ড্যদেশেরও বাহিরে, কারণ শ্রীখণ্ডাক্রির পরিসর অতিক্রম করিয়া হইকোশ গিয়া তবে পাণ্ড্যদেশ। পাণ্ড্যদেশের রাজধানীর নাম উরগপুর। কালিদাসও উরগপুর পাণ্ড্যদেশের রাজধানী বলিয়া উল্লেখ করিয়াছেন। তিনি রঘুবংশের বষ্ঠ সর্গে “অধোরগাধ্যস্ত পুরস্ত নাথং দৌবারিকী দেবস্করূপমেতা” বলিয়াই “পাণ্ড্যোহয়মংশাপিতলমহারঃ” বলিয়াছেন। টীকাকারেরা উরগপুরকে নাগপুর বলিয়াছেন। এ নাগপুর যদি নাগপত্নন হয়, তবে তাহা সেতুবন্ধ নামেখরের অনেক উত্তরে এবং সেতুবন্ধের নিকটে তাম্রপর্ণিনদীর তীরে উরগপুর বলিয়া বোধ হয় কোন পুরী ছিল। সুএল সাহেব মিনি প্রোক্ত ‘উরইউর’ অর্থাৎ উরগপুরকে চোলদেশের রাজধানী বলিয়াছেন, সুতরাং উরগপুর লইয়া



প্রাচ্য ও পাশ্চাত্য পণ্ডিতগণের বিলক্ষণ মত্তভেদ দৃষ্ট হইতেছে । আমাদের পুঁথিখানির পার্শ্বেও উরগপুবেব টিপ্পনীতে নাগপুর লেখা আছে । রামেশ্বর শিব এখনও সেতুবন্ধের অধিষ্ঠাত্রী দেবতা । কিন্তু বহুকাল হইতেই পাণ্ড্যদেশের রাজধানী মহুরা তাম্রপর্ণীনদীর উপরে স্থাপিত । মহুরাবই আর এক নাম উরগপুর হইলে সকল গোলই গিটিয়া যায় ।

পাণ্ড্যদেশের রাজধানী হইতে পবনদেব একবারে চোলদেশে উপস্থিত হইবেন । লক্ষণসেনের সময়ে কাঞ্চী চোলদেশের রাজধানী ছিল । খৃষ্টের প্রথম কয়েক শতাব্দীতে উহা অক্ষয়বংশসম্বৃত পল্লবদিগের রাজধানী ছিল । পল্লবগণ প্রথমে অতি পরাক্রান্ত, পরে হীনবল হইয়া ৬শম শতাব্দীর শেষভাগ পর্যন্ত কাঞ্চীতে রাজত্ব কুরিয়াছিলেন । তাহার পর উহা সূর্য্যবংশীয় চোড়বাজগণের রাজধানী হয় । একজন চোড়বাজ দিগ্বিজয় করিতে আসিয়া বাঙ্গালা ও মর্গাধে উপস্থিত হইয়াছিলেন । তাঁহার নাম রাজেন্দ্রচোড় ।

দ্বারসমুদ্রের যাদবরাজগণের অমিতপরাক্রমে চোড়গণ হীনবীৰ্য্য হইলেও লক্ষণসেনের রাজত্বকালে চোড়গণ কাঞ্চীনগরে রাজত্ব করিতেছিলেন ।

কাঞ্চীনগর অতিক্রম করিয়া ধোয়ী কবি পবনকে কাবেরীর অশুসরণ করিতে বলিয়াছেন । তাঁহার বোধ হয় সংস্কার ছিল কাবেরী কাঞ্চীনগরীর উত্তরে । কিন্তু সে কথা ঠিক নয়, কাবেরী কাঞ্চী হইতে অনেক দক্ষিণে ।

কাবেরী হইতে মালাবান্ । মালাবান্ পৰ্ব্বত মহিন্দ্রবের পশ্চিমাংশে পম্পাসরোবরের নিকটে ; সুতরাং এখানেও কিছু গোল । তাহার পর পঞ্চাঙ্গরতীর্থ । বেগলার সাহেব Archaeological Surveyর ১৩শ ভাগে বলেন, উহা সারগুজার নিকট । তাহা হইলে ছোট নাগপুরের নিকট । ধোয়ী কবি কিন্তু উহাকে গোদাবরীর দক্ষিণে রাখিয়াছেন । গোদাবরীর উভয় প্রান্তে অন্ধ্রদেশ । অন্ধ্রদেশের পর কলিঙ্গদেশ ও কলিঙ্গপত্তন । কেরল দেশ হইতে কোঙ্গু বা গঙ্গবংশীয় একজন রাজা খৃষ্টীয় নবম শতাব্দীতে কলিঙ্গ দেশে রাজ্য স্থাপন করেন । এই বংশীয় রাজরাজ দেব বাজেন্দ্রচোড়ের কন্যাকে বিবাহ করেন, এই বিবাহের সন্তান চোড়গঙ্গদেব উড়িষ্যা বিজয় করেন ( ১১১৮ খৃঃ । ) সুতরাং লক্ষণসেনের সময় ধোয়ী কবি পবনদেবকে উড়িষ্যার রাজধানীতে কেরলীগণের বিলাস দেখিতে অনুরোধ করিয়াছেন । কিন্তু কলিঙ্গ হইতে উড়িষ্যা আসিবার পূর্বে কবিরাজ মহাশয় পবনবাজকে একবার কিছু পশ্চিমে লইয়া গিয়া বিদ্বাপর্বত ও রেবানদী দেখাইয়া আনিয়াছেন । উড়িষ্যা হইতে সুক্কদেশ বেশী দূর নহে । সুক্কদেশের রাজধানী তাঁম্রলিপ্তী । দশকুমারচরিতে আছে—“অস্তি সুক্কেষু দামলিপ্তী নাম নগরী ।” কবিরাজ মহাশয় গুঁথি দেখিয়াই পুঁথি লিখিয়াছেন, দেশ ভ্রমণ করেন নাই—সেহিঁলে এতগুলি ভুল হইবার সম্ভাবনা ছিল না ।

এই বার গোড়দেশের বর্ণনা পড়িল । সেখানে দেখিলে, মহাদেবের মগর খেত অট্টালিকা-বলীতে কৈলাসপর্বতের স্মৃতি শোভমান । সেখানে গঙ্গানদীর তীরে অর্ধগৌরীধরমূর্তি বিরাজিত । মহাদেবের ক্ষেত্র হইতে গঙ্গা অগ্নদূর, কিন্তু ইহার মধ্যে এক প্রকাণ্ড বীধ

বল্লাল নরপতির নাম চিরস্মরণীয় কবিরা গিয়াছে। গঙ্গাব নান করিতে আসিবার সময় বাঁধে উঠিলে হুইরূপেই স্বর্গনগরেব নিকটবর্তী হওয়া যায়। সেখানে তুমি গঙ্গাব উপর দিয়া বহিষা যাইবে। সুপরিপুষ্ট হংসকুল তাঁহার অলঙ্কার, তিনি তবঙ্গ হস্তে ফেনময় দর্পণ ধারণ করিয়াছেন। সেখানে গঙ্গা উত্তালতরঙ্গমালা সমাকুল। ব্রাহ্মণকণ্ঠাগণ যমুনার জলক্রীড়া করিতে আসিলে তাঁহাদিগের স্তনস্থিত মৃগমদতরঙ্গে ধৌত হইয়া যমুনার জল আরও কাল করিয়া দিত। যমুনা জলীলগণী হইতে বহির্গত হইয়া দেশান্তরে ধাবিত হইয়েন। তুমি সেই গঙ্গায়মুনাব পবিত্র সঙ্গমস্থলে গমন করিবে; দেখিবে, কৃষ্ণসলিলা যমুনা আঁকিয়া বাঁকিয়া কালভূজঙ্গিনীর স্তায় সাদা খোলস ছাড়িয়া গমন করিতেছে, দেখিরা যেন ভীত হইও না।

সেখান হইতে আঁবও উত্তরে গিয়া বিজয়পুর মাঝে মহারাজ লক্ষ্মণসেনের রাজধানীতে উপস্থিত হইবে ও প্রকাণ্ড ছাউনি দেখিবে। সেখানকার রমণীবা দেখিতে অতি সুন্দরী, তাহাদেব স্বভাব অতি মধুর। সেখানে অস্ট্রালিকার উপর টিলেঘর, সে ঘরে দেয়ালে খোদা অনেক পুতুল। সেখানে গৃহপ্রাঙ্গণে সুপারি গাছে, কিন্তু এ গাছে জলসেচন করিতে হয় না, রাত্রিকালে চক্রকাস্তমণিব জলশ্রাবেই তাহাদেব সেচনক্রিয়া সমাধা হইয়া থাকে। সে বড় পবিত্রদেশ, গঙ্গার অবস্থানে উহার প্রকৃতি নিখল হইয়াছে, তাহাতে আবার লক্ষ্মণসেন রাজা, ইহলোক বা পরলোক কোন লোকেই তাহাদেব ভয় নাই। সেখানে নিম্নলিখিত বস্তু সকল যুবকদিগের আনন্দ প্রদান করে। বথা,—কুকুমনির্মিত অঙ্গরাগ, দোলা, সুন্দরীসমূহ, ক্রীড়াবাপী ( জল অন্ন ), মাগতীমালা, সাজি এবং জ্যোৎস্না। অভিসারিকা বা বজনীতে ভ্রমণ করিতে আরম্ভ করিলেও তাহাদেব চরণস্থিত আশ্চর্য দাগ সকালবেলা দেখা যায় না; কারণ সকাল বেলা সূর্যের কিরণ রক্তাশোকের স্তায় লাল হয়, তাই লালে লাল মিশাইয়া যায়।

এখানে রত্নাকবের বড়ই বিপদ, কারণ এখানকাব স্ত্রীলোকেরা তাঁহার সর্বস্ব হরণ করে। প্রথম হরণ করেন মুক্তা, তাহার পর মরকত, তাহার পর মহানীল, পরে শঙ্খ ( ইহাতে বলয় রচনা বড়ই সুন্দর হয় )।

তুমি মদনের গুরু, তুমি সেখানে বসিলে রমণীরা বাগানে নাগরদোলা খাটাইয়া ক্রীড়া করিবেন। বোধ হয়, যেম স্বর্গস্থানীয়দিগকে জয় করিবার জন্য মদন বঙ্গদেশে একদল সেনা সংগ্রহ করিয়াছেন এবং তাহার নাগরদোলায় চড়িয়া কেমন করিয়া আকাশে বাহিতে হয়, তাহা শিক্ষা করিতেছে।

সেখানে রমণীরা কেতকীপত্রে কর্ণভূষণ নির্মাণ করেন, কর্ণ হইতে সেটা খসিয়া পড়িলে বোধ হয় যেন মুখচন্দ্রের একটা অংশ খসিয়া পড়িয়াছে। সেখানে লক্ষ্মণসেনের স্নাত্তমহল বাড়ী, উহার মস্তকে মেঘ বিশ্রাম করে, তাহাতে বিদ্যুৎ কলসিলে বোধ হয় যেন পতাকা উড়িতেছে।

সেই ভবনে এক প্রকাণ্ড দীর্ঘিকা আছে, বোধ হয় উহা যেন ইক্ষনীলমণিতে নির্মিত, উহাতে অনেক রাজহংস কেলি করে। সেখানে লক্ষ্মণসেনের নূতন রাজ্যাভিষেক হইয়াছে। তিনি শাস্ত্রাৎ মনসিদ্ধের স্তায় বিরাজ করিতেছেন—

“দেবং সাক্ষান্মনসিজমিব প্রাপ্তরাজ্যাভিষেকং  
সেবেথাস্ত্বং ব্যথিতসময়ে চামরগ্রাহিণীভিঃ ।  
যস্য স্নিগ্ধস্ফুরদসিলতাস্মারগত্যা জনানাং  
লব্ধঃ সংখ্যে রিপুকুলবধুলোচনে সংবিভাগঃ ॥” ৫৫ ॥

সেই সময়ে যদি রাজা নির্জনে মন্ত্রণাকার্যে ব্যস্ত থাকেন, তাহা হইলে, হে পবন! আমার সম্বোধন তাহাকে দিও না। মন কার্যে ব্যস্ত থাকিলে তাহাতে প্রেমের কথা স্থান পায় না। রেশ উপযুক্ত সময় বুঝিয়া তাঁহাকে আমার বৃত্তান্ত জ্ঞাপন করিবে। এই বলিয়া কুবলয়-বতী আপনার অবস্থা জানাইতেছেন। সে অনেকগুলি কবিতা নমুনার স্বরূপ হই একটা দিতেছি—

“ধত্তে দ্বেষং শশিনি কুরুতে নগ্রহং কেশহস্তে  
দূরে হারং ক্ষিপতি রমতে নিন্দয়া চন্দনশ্রু ।  
বক্তুং দেব ত্বয়ি পরমসৌ মামবস্থাং কথঞ্চিদ্  
গাঢ়োদ্বেগা নয়তি কবিতাচিন্তয়া বাসরাণি ॥ ৭৩  
পীনোদ্যানে বিতরতি ভৃশং যত্নসংরুদ্ধবাম্পা  
সাস্ত্রে চন্দ্রার্চিষি নিবিশতে চন্দনাভ্যঙ্গগাত্রী ।  
ক্রীড়াবাপীমরুদভিমুখং ধাবতি ব্যাকুলাসৌ  
কিংবা নার্যো রমণবিরহে সাহসং নাচরন্তি ॥ ৮৯  
সম্বেশোহয়ং মনসি নিহিতঃ কশ্চিদামুপ্ততা মে  
কিংবা ভৃশস্ত্বয়ি বিরচিত্তে বঙ্গভিক্ষাপ্রকারৈঃ ।  
পারার্থৈকপ্রবণমনসস্তদ্বিধা বাম্পমিশ্রা-  
নাপন্নানাং ন খলু বহুশঃ কাকুবাদান্ সহস্তে ॥” ১০০ ॥

এই পর্য্যন্ত কাব্যশেষ—ইহার পর কবির প্রশস্তি। তিনি এই গ্রন্থ লিখিয়া কবিরাজচক্র-বর্তী উপাধি লাভ করিয়াছিলেন এবং গৌড়েশ্বরের নিকট অনেক হস্তী স্তবর্ণ চামর ইত্যাদি পাইয়াছিলেন। তিনি বড় সুখী ছিলেন, সকল কবির সহিত তাঁহার ভাব ছিল, তাঁহার কবিতা বিদর্ভী-রীতি অনুসারে লিখিত, তাঁহার গঙ্গাতীরে বাস, ধন সম্পদ যথেষ্ট, স্নেহভাজন লোকেরও অভাব ছিল না। তাঁহার প্রার্থনা যে, তিনি এইরূপে অমৃতমাস্তুর কাটাইতে পারেন, নারায়ণে যেন তাঁহার ভক্তি থাকে। গঙ্গাতীরে যেন বাস করিতে পান, ইহাই তাঁহার শেষ প্রার্থনা।

শ্রীহরপ্রসাদ শাস্ত্রী ।

## বাক্সালা পুথির সংক্ষিপ্ত বিবরণ ।\*

( ৩ )

৩৪ । অদ্বৈততত্ত্ব । শ্রামানন্দপুরী ।

আ—“বিষ্ণুপ্রিয়া প্রিয়ং গোরং ইত্যাদি সংস্কৃত শ্লোক ।” পরে—

“জয় জয় শ্রীচৈতন্য জয় নিত্যানন্দ ।  
জয়দ্বৈতচন্দ্র জয় গোরভক্তবৃন্দ ॥  
প্রথমে বন্দিব গুরু প্রবর্তসাধন ।  
নাম মন্ত্র দিয়া কৈল শরীরপালন ॥”

শে—“শ্রীকৃষ্ণ রঘুনাথ কৃপা অমুসারে ।

লিখিল এ গ্রন্থ পূর্বে শ্লোকানুসারে ॥”

প—“ধরেন্দ্রাবাহাড়রপুর”বাসী ছরীকানন্দন  
প্রসিদ্ধ শ্রামানন্দ বিরচিত ।

বি—গ্রন্থখানি তৎকালের পূর্ণ । শ্রীমাধবেন্দ্র  
পুরীর অদ্বৈতপ্রভুকে উপদেশদান-প্রসঙ্গ ও  
উপদেশগুলি লিখিত আছে ।

ঠি—শ্রীঅচ্যুতচরণ চৌধুরী তৎকালিনিধি, মৈনা,  
কানাইবাজার পোঃ, শ্রীহট্ট ।

৩৫ । আত্মজিজ্ঞাসা । কৃষ্ণদাস ।

(“অজ্ঞানতিমিরাক্রান্ত” ইত্যাদি সংস্কৃত শ্লোক ।)

আ—“জীবকে জিজ্ঞাসেন তুমি কে ?  
আমি জীব” ইত্যাদি ।

শে—“সহজরস আনন্দিতো মোর বহু আশ ।

আত্মজিজ্ঞাসাতত্ত্ব কহে কৃষ্ণদাস ॥

ইতি সম্পূর্ণ স্বাক্ষর শ্রীরসময় ঝাঁউল্যা সাং  
সরাতি । ইতি সন ১২০৮ সাল তারিখ ১০  
আষাঢ় ।”

বি—দেহুতত্ত্ব ।

ঠি—শ্রীকালিদাস নাথ, ১৫ নং রামকৃষ্ণ  
বাগ্‌চির লেন, কলিকাতা ।

৩৬ । কালিকাপুরাণ । দ্বিজ হর্গারাম ।

আ—“ও নমো গণেশায় নমঃ” ।

“নারায়ণ নমস্কৃত্যং নরকৈব নরোত্তমং ।

দেবীং সর্বস্বতীকৈব ততোজয়মুদীরয়েৎ ॥

শ্রণমহো নারায়ণ দেব ভগবান্ ।

যাহা হইতে উৎপত্তি হইল সর্ব প্রাণ ॥

ত—কালিকাপুরাণকথা করিল প্রচার ।

দ্বিজ হর্গারামে কহে রচিয়া পয়ার ॥”

শে—(পুস্তকখানি খণ্ডিত মাত্র ১১টি পাতা  
ও একটি পাতার কতকঅংশ লিখিত আছে ।)

ঠি—ফরিদপুরজেলাস্থ তিলৈ সাধারণ  
পুস্তকালয় ।

৩৭ । ক্রিয়াযোগসার । রামেশ্বর নন্দী ।

আ—“সর্বের দেয়কল্পা সব পরমসুন্দরী ।

ধূপধীপ আদি করি সবে হস্তে ধরি ॥”

শে—“পদ্মপুরাণের খণ্ড ক্রিয়াযোগসার ।

রামেশ্বর নন্দী কহে ভব তরিবার ॥”

“শ্রীগোপীচরণ মজকুর পুস্তক সমাপ্ত সন  
১২১৯ বাক্সালা মাছে ২১ ‘মগেতর্জ্জীবতী’  
রোজ সোমবার তিথি প্রতিপদ দিবসে সমাপ্ত ।”

\* এবার যে কয়খানি পুথির সংক্ষিপ্ত বিবরণ প্রকাশিত হইল, পরিবর্দের ‘প্রাচীন সাহিত্য-সমিতি’র  
সম্পাদক শ্রীযুক্ত যুগালকান্তি ঘোষ মহাশয় অধিকাংশ সংগ্রহ করিয়া দিয়াছেন, কেবল তিলৈ সাধারণ-  
পুস্তকালয়ের পুথির বিবরণ শ্রীযুক্ত নিবারণচন্দ্র ভট্টাচার্য মহাশয় সংগ্রহ করিয়া পাঠাইয়াছেন ।

সুবিধার জন্য এবার এইরূপ সাঙ্কেতিক চিহ্ন ব্যবহৃত হইল । যথা—আ—আরম্ভ, শে—শেষ, ঠি—  
যে ঠিকানায় পুথি আছে, বি—বিষয়, প—পরিচয়, ত—তথ্য ইত্যাদি ।



বি—বৈষ্ণববর্গের নিত্যনৈমিত্তিক ক্রিয়া-  
কাণ্ড ইহাতে লিখিত হইয়াছে ।

টি—শ্রীঅচ্যুতচরণ চৌধুরী তত্ত্বনিধি, মৈনা,  
কানাইবাজার পোঃ. শ্রীহট্ট ।

৩৮ । গোপিকামোহন । বৃন্দাবন দাস ।

আ—“জয় জয় রাধাকৃষ্ণ জয় বৃন্দাবন ।

ব্রহ্ম শিশুগণ সঙ্গে করি যত গোপিগণ ॥

জয় জয় নন্দঘোষ গোরাল প্রধান ।

যাহার পুত্র কৃষ্ণচন্দ্র জগতের প্রাণ ॥

শে—“সিন্দূর কাজল আনি সক্ষম যুজিয়া ।

রাধিকা আপন বেশ খুইলেক গিয়া ॥

ভোজন করিল তবে কোতুক করিয়া ।

কৃষ্ণকে পাইতে শ্রীদাম গেলেক চলিয়া ॥

গৃহ (৭) সেবা করি রাখা করিল পরন ।

বৃন্দাবনদাসে কহে গোপিকামোহন ॥

ইতি গোপিকামোহন সমাপ্ত ।

যথাদৃষ্টং ইত্যাদি । সহস্রর শ্রী ছিরি  
বল্লভ সরকার । ১১২০ সন ৮ বৈশাখ,  
বুধবার । দুই দণ্ড বেলা থাকিতে সমাপ্ত ।”  
পত্র সংখ্যা ৭ ।

টি—তিলৈ সাধারণ পুস্তকালয় ।\*

৩৯ । চৈতন্যমঙ্গল ; বৈরাগ্যখণ্ড ।

জয়ানন্দ ।

আ—“একদিন গোরচন্দ্র সঙ্কীর্ণনে নাচে ।

ব্রহ্মার ছল্লভ প্রেম সজাকারে বাচে ॥”

( শেষ নাই । পাত সংখ্যা ৩০ । )

প—“বাপ সুবুদ্ধিমিশ্র তপস্তার ফলে ।

জয়ানন্দের মন হৈল চৈতন্যমঙ্গলে ॥

গুরুপক্ষ ষাদশী তিথি বৈশাখমাসে ।

জয়ানন্দের জন্ম হৈল এইত দিবসে ॥

বি—শ্রীগৌরানন্দের জীবনী ।

টি—শ্রীগোপালচন্দ্র দে, ১৫ নং রামকৃষ্ণ  
বাগটির লেন, কলিকাতা ।

৪০ । জগদীশচরিত্রবিজয় । আনন্দ দাস ।

আ—“জগজ্ঞানা জ্ঞানহরা করোতি” ইতি  
তৎপরে—

“গুরুদেব বন্দি করি যজ্ঞলাচরণ ।

বাহা হইতে বিয়নাশ অতীষ্ট পুরণ ॥”

শে—“তাহাতে যে আত্মা হৈল,

সেই মত গ্রন্থ কৈল,

দীন হীন এ আনন্দদাস ।

আর কিছু নাহি চাই,

গৌর গুণ সদা গাই,

পূর্ণ কর এই অভিলাষ ॥”

(১৭৩৭ শকাব্দে প্রতিলিপিখানি লিখিত হইয়া,  
এই দ্বারা জানা যায় । )

প—জগদীশপঞ্জিত হইতে শিষ্য পর্যায়ে—  
গ্রন্থকার ঠাট স্থানীয় ।

বি—গৌরপার্বদ জগদীশপাণ্ডুর চরিত্র ।

“২৯এ ভাদ্রে আমি নিদ্রায় কাতর ।

হেনকালে দেখিহু অপূর্ব কলেবর ॥”

\* \* \* \* \*

হানিয়া কহেন মোরে মধুর বচন ।

জগদীশচরিত্র তুমি করহ বর্ণন ॥”

টি—শ্রীঅচ্যুতচরণ চৌধুরী তত্ত্বনিধি, মৈনা,  
কানাইবাজার পোঃ. শ্রীহট্ট ।

৪১ । দাতাকর্ণের পালা । কবিচন্দ্র ।

আ—“একদিন কৃষ্ণগুণ গাইতে গাইতে ।

উপনীত হৈলা মুনি কৃষ্ণের সাক্ষাতে ॥”

শে—“ব্যাসের আদেশে দ্বিজ কবিচন্দ্র গার ।

সদাই বিরাজে লক্ষী কৃষ্ণের কৃপায় ॥

হরি হরি বল সতে পালা হৈল সার ।



ভুক্ত নায়েকেরে প্রভু হবে বর দায় ॥”

(লেখার কাল ১২৪২ সাল।)

টি—শ্রীকালিদাস নাথ, ১৫ নং রামকৃষ্ণ  
বাগচির লেন, কলিকাতা।

৪২। নরোত্তমবিলাস। নরহরি দাস।

প্রথম কয়েকটি সংস্কৃত শ্লোকে মঙ্গলাচরণ—

আ—“জয় জয় শ্রীগৌর গোবিন্দ সর্বেশ্বর।

ভুবনমোহন প্রেমময় কলেবর ॥”

শে—“নিরন্তর এ সব গুণহ যত করি।

নরোত্তমবিলাস কহয়ে নরহরি ॥”

বি—শ্রীনরোত্তম ঠাকুরের জীবনী।

টি—শ্রীকালিদাস নাথ, ১৫ নং রামকৃষ্ণ বাগ-  
চির লেন, কলিকাতা।

৪৩। শ্রীনিত্যানন্দবংশবিস্তার।

শ্রীবৃন্দাবনদাস।

“আজানুলম্বিতভূজী, কনকাবদাতী” ইতি।

তৎপরে—

“জয় জয় শ্রীকৃষ্ণচৈতন্য নিত্যানন্দ।

জয় শ্রীঅষ্টৈতচ্ছন্দ সর্বানন্দকন্দ ॥

কৃপা করি মোর বাঞ্ছা পূর্ণ কর সবে।

নিত্যানন্দচন্দ্রের গুণ গাহিবার লোভে ॥

বীরচন্দ্রের গুণ গাহিত মনোহর।

ক্ষুদ্র পক্ষী তৃষ্ণা লোভে সমুদ্র ইচ্ছয় ॥

শে—“পঞ্চম পুরুষার্থ নিত্যানন্দের চরণ।

মতে কৃপা কর যেন তাহে রহে মন ॥

বীরচন্দ্র প্রভুর চরণ করি আশ্রয়

বংশবিস্তার কহে শ্রীবৃন্দাবন দাস ॥”

ছগলী বদনগঙ্গবাসী ৬হাঙ্গাধন দস্ত ভক্তি-

নিধি-মহাশয়ের পূর্বপুরুষ সংগৃহীত ১৪৯৪ (?)

শকের লিখিত প্রতিলিপিত্রুটে ভক্তি-নিধি

মহাশয় স্বহস্তে ৪০৮ চৈতন্যদে এই নকল

করিয়াছেন।

বি—নিত্যানন্দ প্রভুর বিবাহাদি চরিত্রকথা ও

তৎপুত্র বীরচন্দ্র প্রভৃতির বিবরণ আছে।

“নিত্যানন্দ চৈতন্য লীলার যে রহিল শেষ।

ইচ্ছা হয় তাঁর কিছু কহিব বিশেষ ॥”

টি—শ্রীঅচ্যুতচরণ চৌধুরী ভট্টনিধি, মৈনাম,

কানাইবাজার পোঃ, শ্রীহট্ট।

৪৪। প্রেমভক্তিসার। গুরুদাস কয়।

আ—শ্রীরাধাশ্যাম প্রণয়বিলাসৎ

প্রেমরূপাবতার-

শুভস্বর্ণস্থ্যতিহরতনু-

রক্তকোপীনধামাঃ।

উইকঃকর্ণে রটতি সততং

শ্রীহরেনার্যামমঙ্গলং।

তং যন্দে শ্রীলগৌরং কলিমল-

যথনং শ্রীনবদীপচন্দ্রম্ ॥

শে—“গুরু গুণমণি হেমমঞ্জরী আশ্রয়।

প্রেমভক্তিসার গ্রন্থ গুরুদাস কয় ॥”

বি—গৌড়ীর বৈষ্ণবসম্প্রদায়ের সাধ্যসাধননির্ণয়।

টি—শ্রীকালিদাস নাথ, ১৫ নং রামকৃষ্ণ বাগ-  
চির লেন, কলিকাতা।

৪৫। ভগবদগীতা। বিদ্যাবাগীশ ব্রহ্মচারী।

“কিনিতে যমের দায়, • ধরণী লুটীঞা কায়,

রঙ্গ গুরুদেবের চরণ।

যার যোগ কর্ত্ত জ্ঞান, শ্রবণ মঙ্গল ধাম,

গুরুভক্তি যুক্তির কারণ ॥

ইন্দু কুন্দ যেত দেহ, কেবল করুণাগেহ,

গুরুবর্ণ মালামুলেপন।

অরণে পুরয়ে কাম, সহ আরি নিজ ধাম,

দীনবন্ধু পতিতপাবন ॥” ইত্যাদি

শে—গুরু গোপীনাথপদে করি নমস্কার।

রচিল গীতার ভাষা কৃপায় যাহার ॥

ইতি শ্রীভগবদগীতাভাষায়াং সারঙ্গরঙ্গদা-  
দানপুণ্যপরমার্থ নাম অষ্টাদশাধ্যায় ॥

সাধুজন আগে বহু করি পরিহার ।  
ক্রমভঙ্গে দোষ যদি থাকয়ে আমার ॥  
যত্ন করি পূর্বাপর বিচার করিয়া ।  
শোধন করিলা পুন সদয় হইয়া ॥  
ঈশ্বরগোষ্ঠাগী পদে প্রণতি আমার ।  
গীতা ভাগবত জানি প্রসাদ যাহারণা  
ভাষ্যকীরগণে করি অনেক প্রণতি ।  
যাহার প্রসাদ জানি গীতার্থ সঙ্গতি ॥  
অর্জুন সারথি কৃষ্ণ চারি বেদসার ।  
জীবনে মরণে ( গীত ) সেইত আমার ॥  
অধিকারি মহাশয় বড় দয়াময় ।  
যাহার কৃপার গীতা পাইলাম নিশ্চয় ॥

ইতি শ্রীমুকুটী গোড়দেশনিবাসী বিদ্যা-  
বাগীশ ব্রহ্মচারিবিরচিত শ্রীভগবদগীতাভাষা  
সমাপ্তা । \* । সন ১২৪৬ সাল শকাব্দা  
১৭৬১ সকলম শ্রীনরোত্তমদাস বৈরাগী সাং  
কলিকাতা, তালার বাগান ।

ঠি—শ্রীকালিদাস নাথ, ১৫ নং রামকৃষ্ণ  
বাগচির লেন, কলিকাতা ।

৪৬ । ভারত-সাবিত্রী । শিবচন্দ্র সেন ।

আ—“অথো ভারত-সাবিত্রী লিখ্যতে ।  
নমো নারায়ণ শ্রীমধুসূদন  
নন্দের নন্দনকাম ॥  
সুচিরকিরণে সচকিত মনে  
মিলন হইল ভারত ॥  
যীন অবতারে আসিলা সংসারে  
বেদ উদ্ধারিলা তীরা ।  
কূর্মরূপ ধরি ভূমি পৃষ্ঠে করি  
রহিলা সৃষ্টি রাখিয়া ॥”

ভ—“ধারা বহে আঁখি ঝরে নিরবধি খেদ করে  
শিবচন্দ্রসেনে কহে সার ।”

শে—“নারায়ণপদে মন মজুক আমার ।  
দূর কর দীনবন্ধু অসার সংসার ॥

ইতি ভারত-সাবিত্রী সমাপ্ত । যথাদৃষ্টং  
ইত্যাদি । লিখিতঃ শ্রীরামশিব বসু, সাকিন  
সোণার দেউল । দৃষ্টি-পুস্তক শ্রীরামলোচন  
দেব, সাকিন তথা । বেলা আন্দাজ দেড়  
প্রহরের কালে সমাপ্ত করিয়া । ইতি ।”

ঠি—তিলৈ সাধারণ পুস্তকালয় ।

৪৭ । রসভক্তিচন্দ্রিকা । নরোত্তম দাস ।  
আ—“আশ্রয় পঞ্চপ্রকার । কি কি পঞ্চ-  
প্রকার” ইত্যাদি ।

শে—রাধাকৃষ্ণ পাদপদ্ম সেবা অভিলাষ ।

রসভক্তিচন্দ্রিকা কহে নরোত্তম দাস ॥”

বি—ঈশ্বরতত্ত্ব, জীবতত্ত্ব প্রভৃতির বর্ণন ।

ঠি—শ্রীকালিদাস নাথ, ১৫ নং রামকৃষ্ণ  
বাগচির লেন, কলিকাতা ।

৪৮ । রামস্বর্গারোহণ । ভবানন্দ ।

আ—“শ্রীরামচন্দ্রায় নমঃ । \* ।

মঙ্গলং নাম যশ বা \* প্রবর্ততে ।

তশ্চ ভবতি বাজি ইন্দ্র মোহাপাতক ।

“প্রণাম করিয়া বীর শ্রীরামচরণে ।

রামের চরিত্র কহে দাস ভবানন্দে ॥

রামকাষ্য বোলে ভবানন্দ দাসে ।

হুম্মান বীর কান্দে সক্রমণ ভাসে ॥

শে—“এতেক বলিয়া গৌসাই অন্তর্ধান হৈল ।

বর পাইয়া হুম্মান এথায় রহিল ॥”

ইতি রামস্বর্গ আরোহণ সমাপ্ত । শকাব্দা

১৩৯৬, সন ১৭৮২ । সসাকর শ্রীনরোত্তম  
শর্মা । সক্রিয় পুস্তক শ্রীহরেকৃষ্ণ বণিক ।  
যথা দৃষ্টং ইত্যাদি ।

ঠি—তিলৈ সাধারণ পুস্তকালয়।

৪৯। রামায়ণ। (বালিবধ) অদ্ভুত আচার্য্য।

আ—“শ্রীরামগণেশায় নমঃ।

বেদে রামায়ণে চৈব পুরাণে ভারতে তথা।

আদাবস্তে চ মধ্যে চ হরি সর্বত্র গীয়তে ॥

শুন শুন পূর্ব কথা হরিভক্ত জন।

সীতার কারণে ক্রমে শ্রীরাম লক্ষণ।

অদ্ভুত আচার্য্য কহে করিয়া কৌতুক।

তাহার পাছে গেলা রাম পর্বত ঋষায়ুক।”

শে—“রামজয় বলিয়া ডাকে যত বানরগণ।

সুখে রাজ্য করে রাজা রামের কারণ ॥

• ইতি বালি রাজার বধ সমাপ্ত।

যথা দৃষ্টং তথা লিখিতং লেখকো নাস্তি

দুষকঃ। লিখিতং শ্রীগঙ্গাধরশর্মা। সন ১১৮২,

৭ই ভাদ্র, রোজ সোমবার, বেলা দেৱ পরে

কালে হইছে। শ্রীগঙ্গাধর শর্মা সজ্জ্বর।”

(পত্রসংখ্যা ২৬।)

ঠি—পোঃ এড়িকাটি, তিলৈ সাধারণ-পুস্তকালয়।

৫০। রামায়ণ। রামানন্দ যতি।

আ—“গণেশ সরস্বতী লক্ষ্মী শিবহুর্গা পদ্মা

কৃষ্ণ চৈতন্যবন্দনা এবং দিগ্বন্দনা। মঙ্গলচণ্ডি-

কাতে পাইবা। বাগেশ্বরী ধূয়া। প্রভু রাম

কি আমার মনোহুঃখ কিছু জানে নাৱে।

দয়াল রাম কিছু জানে নাৱে ॥

রামপদে মন নামে কাঁপে যম

চিদানন্দ অবতার

দেব মুনি ভয় শাসিত্তে হৃদয়

ধ্রুব হইলা গুণপার ॥

মায়াকপধারী রাবণসংহারি

দিল্য মুক্তি পদধাম।

অহল্যার শাপ নিবারিলা তাপ

মোৱে দয়া কর রাম ॥

ওঁ যৎ পাদপঙ্কজরাজপ্রভয়া স্তূতাপং

শাস্তিঃ প্রযাতি ভবভৃশ্চুতিমাত্রতোপিতং।

রামচন্দ্রমনিশং সততং প্রণম্য

শ্রীরামচন্দ্রতত্ত্বমলং বিতনোতি ভিক্ষুঃ।”

ভ—“রামানন্দযতি কর এই রূপ হৃদে রয়

তবে জানি মনমোহিনী ॥”

শে—“এইরূপে হরিশ্চন্দ্র রহিলা আকাশে।

• রাজ্যমাত্র একবার যায় স্বর্গবাসে ॥

হরিশ্চন্দ্র রাজার কল্যাম বিবরণ।

• রাম রাম বল জীব এরাবা শমন ॥

রাম নামে জীবমুক্ত রাম স্মৃত্য গাইন।

তার মুখে শুনিলে কারুর নাহি হাইন ॥

প্রমাণ ভাগবত গীতা ব্রহ্মগীতা আর।

ভাষাতে কত না আমি করিব বিচার ॥”

ধূয়া। জয় জয় রাম ॥ পঞ্চদশ গ্রহন্দ শঙ্খা।

১ গীতার টীকা। ২ শাস্তিশতকটীকা। ৩

ঘটচক্রটীকা। ৪ মোহমুদগর টীকা। ৫ গায়ত্রীর

টীকা। ৬ কুণ্ডতন্ত্রপ্রকাশিকা। ৭ তন্ত্রসার।

৮ জ্ঞানবৈভবতন্ত্র। ৯ অদ্বৈতরহস্য। ১০

জ্ঞানাবলী। ১১ অধ্যায়সার। ১২ ভাগ-

বতাসর (?)। ১৩ যোগসারাবলী। ১৪

অত্যাচারদীপ্তি। ১৫ তৎপর রামায়ণ-

ভাষা।

“বহু পক্ষ শৈলচন্দ্র (১৭২৮) শকে রামায়ণ।

বাণ মাস ভাদ্রপদে কুজে হল্য সমাপন ॥

যুগ্মচন্দ্র দিবসেতে শুক্লা ত্রয়োদশী।

হইল পুস্তক চণ্ডীমণ্ডপেতে বসি ॥

রাজচন্দ্র শর্মাণঃ স্বাক্ষর হইল্য ভাসা।

প্রভু রামচন্দ্র মোর পূর্ণ কর আশা ॥

হুর্গাপুরনিবাসী হুর্গার পদে মতি।

কাশীনাথ দ্বিজের পাঠার্থ হল্য পুথি ॥

মনের বাসনা ছিল পুথি লিখাবার ।  
 প্রভু রামচন্দ্র আশা পূর্ণ কল্যাণ তার ॥  
 পাঠক পণ্ডিত জানে এই পরিহার  
 শুদ্ধাশুদ্ধ অকারণ লিখিতে পয়ার ॥  
 পরাৎপর হলে ভাসা হয় বাস্তিচার ।  
 মূল ভাসার ছায়া নহে এই পরিহার ॥  
 ছর্পাচরণ সরোজে মম ভক্তিরস্তু ।  
 শ্রীশঙ্করনারবিন্দে মন বস্তু ॥  
 শ্রীরামচন্দ্রচরণরূহে ভক্তিরস্তু ॥”

বি—গ্রন্থখানি সংক্ষিপ্ত রামায়ণ । ১৯৫  
 পতে সম্পূর্ণ । গ্রন্থকার সুকবি ও কৃতবিদ্ব  
 ছিলেন ।

ঠি—পোঃ এড়িকাটি তিলৈ সাধারণ-পুস্তকালয় ।

৫১। শ্রীরূপমঞ্জরীসংপ্রার্থনা । কৃষ্ণদাস ।

আ—“হে রূপমঞ্জরী তোমা ঈশ্বরান্ধরী ।  
 বৃষভানুসূতা আশ্র প্রিয় গিরিধারী ॥  
 এ হুহার পাদপদ্ম সেবামুতরসে ।  
 পরিপূর্ণ হয় তুমি রজনী দিবসে ॥”

শে—“কৃষ্ণপ্রীতিজলসার সখী শ্রীরাদিকা ।  
 কবে দৃষ্টি বিক্ষেপণ করিবে অধিকা ॥”  
 মন ১২৪৪ সালে লিখিত ।

বি—শ্রীরূপের অন্তর্দানে বিলাপ ।

ঠি—শ্রীঅচ্যুতচরণ চৌধুরী, মৈনা, শ্রীহট্ট

৫২। বিলাপকুসুমাজলি । শ্রীরঘুনাথ  
 রাধাবল্লভ দাস ।

আ—“শ্রীরতিমঞ্জরী পুছেন শ্রীরূপমঞ্জরী ।  
 ব্রজপুরে খ্যাতা তুমি পতিব্রতা করি ।

শে—“মদৌধরী শ্রীরাদিকা পদসেবা আশ ।  
 বিলাপকুসুমাজলি কহে রাধাবল্লভ দাস ॥

ইতি বিলাপকুসুমাজলিবিসম্পূর্ণ ।”

বি—শ্রীরঘুনাথদাসের সংস্কৃত শ্রীরাদিকার  
 স্তবের পঞ্চাঙ্গবাদ ।

ঠি—শ্রীকালিদাস নাথ, ১৫ নং রামকৃষ্ণ  
 বাগচির লেন, কলিকাতা ।

৫৩। বিলাপবিবৃতিমালা । কৃষ্ণচন্দ্রদাস ।

আ—বন্দে গুরুং মহামন্ত্রপ্রদাতারং” ইত্যাদি ।  
 শ্রীগুরুচরণ দ্বন্দ্ব, ভক্ত মন গোরচন্দ্র ইত্যাদি ।  
 “গাথিয়া তাহার মালা মনস্বতে অতি ঘরা,  
 গুন দেবি আপনা শোধিতে ।

তব ভক্ত পর্থ দেখি, মুঞি পঙ্গু কান্দে আঁখি,  
 হেন মতি না পারি চলিতে ॥

তুমি কৃপা নরে করি, কৃষ্ণচন্দ্রদাসে তালি,  
 কোনরূপে কর অঙ্গীকার ।

হৈয়া যোগ্য দেহপরা, বিলাপবিবৃতিমালা,  
 অর্পিব কি চরণে তোমার ॥

স্বাক্ষর শ্রীগোলোকনাথদাসশ্র সাং গ্রানৎ-  
 পাড়া তরফ মাঝাদিয়াড় পরগণে গরের হাট  
 সরকার বার্ষিকাবাদ । মন ১২০২ সাল  
 তারিখ ৫ শ্রাবণ রোজ ৭ শনিবার ।

প—মঙ্গলাচরণের পরে একটা সংস্কৃত শ্লোক  
 আছে তাহা এই

“মুকুন্দনন্দনারায়ণতন্ত্র ভক্তিদায়কে,  
 মনীশখণ্ডবাসিন শ্রীকৃষ্ণদাসপাপিনঃ”

শ্রীধনুস্বামী মুকুন্দবংশোদ্ভব গ্রন্থকারের  
 গুরুর নাম লালবিহারী । কোনস্থানে আছে,  
 ‘মৎ প্রপিতামহঃস্বর্গার্থেন পরাপরগুণা শ্রীরতি-

‘সতের স্তব পঞ্চাঙ্গ শকে কৃষ্ণচন্দ্র দাসে ।’

বি—শ্রীরাদিকার স্তব । শ্রীরঘুনাথদাস-  
 গোস্বামিকৃত সংস্কৃতবিলাপকুসুমাজলির ভাষা ।

ঠি—শ্রীকালিদাস নাথ, ১৫নং রামকৃষ্ণ  
 বাগচির লেন, কলিকাতা ।

৫৪। বৃন্দাবনপরিক্রমা । কৃষ্ণদাস ।

— “বায়ব্য হৈতে যমুনা আইলা বৃন্দাবনে।

বৃন্দাবনপ্রদক্ষিণ করি মথুরা প্রদক্ষিণে ॥

শে—ইহার শ্রবণ ফল মনের উল্লাস।

বৃন্দাবন বাস আশ করে কৃষ্ণদাস ॥”

ঠি—শ্রীকালিদাস নাথ, ১৫নং রামকৃষ্ণ বাগচিত্র

লেন, কলিকাতা।

৫৫। বৃন্দাবনপরিভ্রমণ। হুঃখীকৃষ্ণদাস।

(শ্রামানন্দ প্রভু)

আ—“শ্রী গুরুচরণ, করিয়ে বন্দন,

পরম লালস চিত্তে।

যার রূপা হৈতে পতিত দুর্গতে

চক্ষু হৈল প্রকাশিত ॥

শে—সভে নিজ গুণে উদ্ধার এ দীনে

রাখহ চরণ পাশ।

হৃদয় আনন্দ প্রভু গৌরচন্দ্র

তাঁর পদ সেবা আশ ॥

শ্রীগুরুচরণে একান্ত স্বরণে

কহে হুঃখী কৃষ্ণদাস ॥”

বি—শ্রীবৃন্দাবনের ষাটশ বন, কুণ্ড, তীর্থ-

প্রভৃতির বিবরণ ও মাহাত্ম্য।

ঠি—শ্রীকালিদাস নাথ, ১৫ নং রামকৃষ্ণ

বাগচিত্র লেন, কলিকাতা।

৫৬। সারদামঙ্গল—শিবচন্দ্র কেন।

আ—“গুরু নাম গুরু ধাম মনে ভাব আছে।

নারী ধন পরিজন কেহ সখী কহে ॥

\* \* \*

শুন সবে এক ভাবে সারদামঙ্গল।

বাহার শ্রবণে হয় চিত্ত নিরুত্তল ॥

হিমালয় নামে পিরি পর্বতরাজন।

মেনকা তাহার জায়া বিদিত ভুবন ॥”

—“বৈদ্যকুলে জন্ম হিন্দুসেনের সন্ততি।

সেনহাটি গ্রামে পূর্বপুরুষ বসতি ॥

রামচন্দ্র নাম গুণ ধাম প্রতিষ্ঠিত।

যশে কুলে কীর্তিতে বিখ্যাত বিরাজিত ॥

রত্নেশ্বর গুণ বাবে তাহার তনয়।

রতন সরূপ কুলে হইলা উদয় ॥

এহান তনয় হৈলা ভুবনে বিখ্যাত।

রামনারায়ণ সেন ঠাকুর আখ্যাত ॥

সেন ঠাকুরের পুত্র তুলনাম অতুল।

রামগোপাল নাম উত্তম গুরুকুল ॥

গঙ্গাদেবদত্ত পুত্র তাহার পবিত্র ॥

শ্রীগঙ্গাপ্রসাদকেশ নাম সুপবিত্র ॥

বিক্রমপুরেতে কাঁচাদিয়া গ্রামে ধাম।

ধনুস্তরবিংশে জন্মে প্রাণনাথ নাম ॥

এহান তনয় মহামায়া নাম তান।

সরকারে সুপাত্রে করিলা কছাদান ॥

গঙ্গাপ্রসাদ সেন ঠাকুর কীর্তিমান।

জন্মিল তাহার এই তৃতীয় সন্তান ॥

শিবচন্দ্র শঙ্কুচন্দ্র কৃষ্ণচন্দ্র নাম।

সম্প্রতি বসতি স্থান কাঁচাদিয়া গ্রাম ॥”

ঠি—করিদপুর জেলায় তিলৈ সাধারণ-পুস্তকালয়।

৫৭। স্বরূপ-বর্ণন। কৃষ্ণদাস কবিরাজ।

আ—“জয় জয় গৌরচন্দ্র জয় নিত্যানন্দ।

জয়বৈতচন্দ্র জয় গৌরভক্তবৃন্দ ॥

জয়বৈতাদি গুণ গুণ হঞা একমন।

গৌরচন্দ্র অবতার হৈলা যে কারণ ॥

শে—শ্রীরূপ সনাতন পদে যায় আশ।

স্বরূপ বর্ণন কিছু কহে কৃষ্ণদাস ॥

“এ পুস্তক লিখিত শ্রীগৌরচরণ দত্ত।

সাকিন কঞ্চলপুর। সন ১০৭১ সাল। তাং

২৭ সাধাচ।”

নৈহাটীর নিকট ঝামটপুরের অধিকারী।

প্রস্থানি ৩০০ বর্ষ পূর্বে রচিত হয়।

প—“পতিত অধম আমি নীচ নীচাচারে।



প্রভু নিত্যানন্দ অতি কৃপা কৈল যারে ।  
মস্তকে চরণ দিয়া কহিলা আমারে ॥”

বি—শ্রীমহাপ্রভুর পার্শ্বদিগণের পূর্ক পরিচয়  
লিখিত আছে। যথা—  
“আট আট করি সব চৌষট্টি গণন ।  
সবার কথা কহি শুন সর্বজন ॥  
বিস্তার না করিও ইহা রাখিও গোপন ॥”

টি—শ্রীঅচ্যুতচরণ চৌধুরী, মৈনা, শ্রীহট্ট ।

৫৮ । সীতাচরিত্রে । লোকনাথ গোস্বামী ।  
“বন্দেহং শ্রী গুরু শ্রীযুতপদকমলং ইতি”  
শ্লোকের পরে—  
“প্রথমে বন্দিব গুরু বৈষ্ণবচরণ ।  
সে পদকমলরেণু করিয়ে ভূষণ ॥  
শে—শ্রীচৈতন্য নিত্যানন্দ পদে করি আশ ।  
সীতার চরিত্র কহে লোকনাথ দাস ॥”

প—যশোহর জেলার তালখড়ি গ্রামবাসী  
লোকনাথ প্রভু কর্তৃক প্রায় ৩০০ বর্ষ  
এই গ্রন্থ রচিত হয় ।

বি—শান্তিপুরবাসী শ্রীঅষ্টৈত প্রভু ও তাহার  
পূর্ক পত্নী সীতার চরিত্র বর্ণন । যথা  
“চৈতন্যের লীলারস সমুদ্র আকর ।  
কিঞ্চিৎ বর্ণিতে শক্তি আছেয়ে কাহার ॥”

টি—শ্রীঅচ্যুতচরণ চৌধুরী মৈনা, শ্রীহট্ট ।

৫৯ । সুদামাচরিত্রে । পরশুরাম দ্বিজ ।  
আ—“কই কহ লোকদেব পরীক্ষিত বলে ।  
যে যে কর্ম গোবিন্দ করিলা কুতূহলে ॥  
শে—লোক রক্ষিবারে কৈল ভারতপুরাণ ।  
সুদামাচরিত্র দ্বিজ পরশুরাম-গান ॥  
সাক্ষর শ্রীধর্মকাস প্রতিধর সাং বাবহাট  
সন ১১৪২ সাল বাং ২৯ বৈশাখ ।

টি—শ্রীগোপালচন্দ্র দে ১৫ নং রামকৃষ্ণ বাগচির  
লেন, কলিকাতা ।

৬০ । স্মরণদর্পণ । রামচন্দ্র কবিরাজ ।  
“অজ্ঞানতিমিরাক্রম” এই শ্লোকের পর  
প্রথমে বন্দিব গুরু বাহ্যকল্পতরু  
কৃষ্ণপ্রাপ্তির যেই হয় মূল ।  
অজ্ঞান তিমির নাশে দীপ্তি করি পরকাসে  
বন্দে সেই চরণ রাতুল ॥

শে—শুনরে রসিক ভাই, স্মরণদর্পণ এই,  
যে কহিল রামচন্দ্র দাস ॥”

“সন ১১৭২ সনে মাহে ২ অগ্রহায়ণ  
সোমবারে লিখা সমাপ্ত ।”

বি—গুরুতন্ত্র, ভক্তিতন্ত্র, লীলরহস্য, ভগবন্তন্ত্র ।  
প—বুধুরীবাসী পদকর্তা গোবিন্দদাসের অগ্রজ ।

৩০০ বর্ষের কিছু কম হইল, ইহা রচিত হয় ।  
টি—শ্রীঅচ্যুতচরণ চৌধুরী, মৈনা, শ্রীহট্ট ।

৬১ । হরিবংশ । ভবানন্দ ।

( ১২ পাতা পর্য্যন্ত ) নষ্ট হইয়া গিয়াছে ।

ভ—“সত্যবতীসূত ব্যাস নারায়ণ অংশ ।  
সঙ্ক্ষেপে রচিত পুণ্যশ্লোক হরিবংশ ॥  
সেই শ্লোক বাখান করিয়া পদবন্ধে ।  
লোকে বোঝিবারে কহে দীন ভবানন্দে ॥

শে—শ্রীভাগবতে একান্ত কথা ধর্ম অংশ ।  
গুহ্যতিগুহ্য বিবরণ হরিবংশ ॥  
মনোহর শ্লোক ভাঙ্গি রচিত পদবন্ধে ।  
শিবানন্দসূত সে যে দীন ভবানন্দে ॥  
শ্রীমদ্ভাগবি রণে উক্ত ইত্যাদি । শ্রীজয়দেব  
দাস কর্তৃক পুস্তক শ্রীইজুনারায়ণরায়

ওলদে \* \* \* \* \* । পিতামহ মধুসূদন রায় ।  
পরগণে পরিপুপুর । নিবাস \* \* \* \* \* গ্রাম ।

সন ১১৬১ তারিখ ৫ তাত্র রোজ সোমবার  
একপ্রহর উদয় তিন প্রহর থাকিতে পুস্তক  
সম্পূর্ণ হয় ।” ( পত্রসংখ্যা ১৬২ । )

টি—তিলৈ সাধারণ-পুস্তকালয় ।

## পাঁচালিকার ঠাকুরদাস ।

পরিষদের কৃপায় আজ কএকমাস অনবরত কেবল প্রাচীন কাব্যের বিবরণই আগরা গুনিয়া আসিতেছি। অমুসন্ধিৎসু বিজ্ঞ সদস্যগণের যত্নে এবং তাঁহাদের চেষ্টায় কএকখানি লুপ্ত গ্রন্থের উদ্ধার ও সেই সকল গ্রন্থকার কবির বিবরণ প্রকাশ হওয়াতে বাঙ্গালা সাহিত্যও গৌরবান্বিত হইয়াছে সন্দেহ নাই; কিন্তু প্রতি মাসেই কেবল লুপ্ত গ্রন্থের বিবরণ গুনিয়া গুনিয়া আমাদের মন যেন ঐ এক বিষয়াভিমুখ হইয়া পড়িতেছে। পরিষদের উন্নতির প্রতি এখন যাহাদের চেষ্টা ও যত্ন আছে, তাঁহারাও সকলেই সেই প্রাচীন কাব্যের বিবরণ সংগ্রহ করিতে পারিলেই নিজ নিজ চেষ্টা ও যত্নের সফলতা অমুভব করিয়া সুখী হন। এই গতি লক্ষ্য করিয়া পরিষদের সুর্যোগ্য সম্পাদক সুরেশ্বর হীরেন্দ্রনাথ দত্ত মহাশয় এই মাসে কোন এক নূতন বিষয়ক প্রবন্ধ যাহাতে পঠিত হয়, তজ্জন্ম চেষ্টা করিয়াছিলেন। আমি তাঁহার অভিপ্রায় অবগত হইয়া, আজ কবি ৬ ঠাকুরদাসের জীবনী সম্বন্ধে কিয়দংশ বিবরণ সংগ্রহ করিয়া আনিয়াছি। ইনিও কবি, স্মৃতরাং ইহার জীবনী আলোচনাতেও কাব্যালোচনাই হইয়াছে, এজন্য ইহা যে বিশেষ বিষয়াস্তরঘটিত প্রবন্ধ হইয়াছে, তাহা বলিতে পারি না, তবে এ প্রবন্ধে কোন একখানি বিশেষ কাব্য অবলম্বন করিয়া কবিকীর্ত্তি আলোচিত হয় নাই, ইহাতে কবির জীবনীসংগ্রহের দিকেই বিশেষ লক্ষ্য রাখা গিয়াছে বলিয়া, ইহাকে বিষয়াস্তরসূচক প্রবন্ধ বলিয়া প্রকাশ করিতে সাহসী হইয়াছি।

কবি ৬ ঠাকুরদাস বড় বেশী প্রাচীনকালের কবি নহেন, তাঁহার সহিত পরিচয় ছিল, তাঁহাকে দেখিয়াছে, এমন লোক এখনও অনেক আছেন। তিনি কবি ছিলেন; কিন্তু কবি বলিলে এখন বাঙ্গালা সাহিত্যে প্রধানতঃ দুই শ্রেণীর লোকের কথা মনে পড়ে। এক শ্রেণীতে কবি কৃত্তিবাস ভারতচন্দ্রাদি ও অপর শ্রেণীতে মাইকেল হেমচন্দ্রাদি। এতদুভয়ের মধ্যে আরও এক শ্রেণীর কবি ছিলেন, সে শ্রেণীতে কবি রামবসু হরুঠাকুরাদির স্থান। ইহার “কবিওয়াল” কবি নামে খ্যাত। ৬ দশরথী রায় প্রভৃতি “পাঁচালিকার” কবিগণও এই শ্রেণীতে গণ্য হইয়া থাকেন। আমার অন্তকার আলোচ্য কবি ৬ ঠাকুরদাসও “পাঁচালিকার” ছিলেন, স্মৃতরাং তাঁহার স্থানও এই শেষোক্ত শ্রেণীতে। ৬ দশরথীর কীর্ত্তিমালা তাঁহার রচিত গালাগুলা—সমস্ত সংগৃহীত ও সম্পূর্ণ মুদ্রিত হইয়াছে, কিন্তু ৬ ঠাকুরদাসের ভাগ্যে আজিও সেরূপ কিছু হয় নাই, আমি তাঁহার রচিত বিবিধ-বিষয়ক কতকগুলি গানমাত্র সংগ্রহ করিতে পারিয়াছি।

\* এই প্রবন্ধ ১৩০৩ সালের কাঙ্ক্ষন মাসের অধিবেশনে পঠিত হয়। ( ১৩০৫ । বৈশাখের পত্রিকার কাঙ্ক্ষনমাসের কার্য-বিবরণী অষ্টব্য )—পত্রিকা সম্পাদক ।


কবি ঠাকুরদাস কীর্ত্তিমন্দিরে “পাঁচালি-ওয়ালী” নামে সুপ্রতিষ্ঠিত থাকিলেও তাঁহাকে কেবলই পাঁচালিকার বলিতে পারা যায় না। আমি তাঁহার সম্বন্ধে যতটা বিবরণ সংগ্রহ করিয়াছি, তাহাতে আমার ধারণা এই যে, তাঁহাকে কেবল পাঁচালি-কর্ত্তা বলিলে, তাঁহার প্রভূত কবিত্ব-শক্তির একাংশের পরিচয় দেওয়া হয় মাত্র। তিনি হরুঠাকুরাদির স্তায় গীতকর্ত্তা, দাশরথী রায়াদির স্তায় পাঁচালিকর্ত্তা এবং গোবিন্দ অধিকারী প্রভৃতির স্তায় যাত্রার সাট (পালা) রচয়িতা ছিলেন। ঠাকুরদাসকে দেখিয়াছেন, তাঁহার সহিত পরিচিত ছিলেন, একরূপ লোক আজও অনেক জীবিত থাকিলেও অধিকাংশ বাঙ্গালীর নিকট ইঁহঁর পরিচয় এখনও অজ্ঞাত রহিয়াছে। বাঙ্গালার অনেক কবির ভাগ্যই এইরূপ, কিন্তু ঠাকুরদাস অপেক্ষাকৃত ভাগ্যবান। তাঁহাকে জানেনা, তাঁহার নাম শুনে নাই, একরূপ লোকের মধ্যে কিন্তু শত সহস্র লোক তাঁহার গীতিমালা কণ্ঠস্থ করিয়া রাখিয়াছে। তাঁহার পাঁচালির গান, তাঁহার যাত্রার গান, এখনও বাঙ্গালীর মধ্যে বোধ হয় শতকরা ১ জনেরও কণ্ঠে বর্ত্তমান আছে। ছঃখের বিষয়, সে সমস্ত এখনও পুস্তকাকারে মুদ্রিত বা হস্তলিখিত খাতায় কোথাও রক্ষিত হয় নাই। তবে একটু স্মৃতির বিষয় যে শীঘ্রই তাহা হইতে পারিবে। কবি ভাগ্যবান ছিলেন, তাঁহার বংশাভাব ঘটে নাই। ইঁহঁর রূপায় কবির দুই পুত্র, তিন পৌত্র বর্ত্তমান আছেন। তাঁহারাই এই প্রবন্ধলেখকের আগ্রহে বাধা হইয়া পৈতৃক কীর্ত্তিরক্ষায় যত্নবান হইয়াছেন।

ভারতচন্দ্রের কতকগুলি কবিতা যেমন বাঙ্গালার অনেকাংশে প্রবাদবাক্যরূপে চলিয়া গিয়াছে; সেইরূপ কবি ঠাকুরদাসেরও কতকগুলি গান আবালবৃদ্ধবনিতার কণ্ঠে কণ্ঠে ফিরিতেছে, অথচ কে তাহার রচয়িতা, তাহা অনেকেই জানেন না। বাঙ্গালার বর্ত্তমান সাহিত্য-ভাণ্ডারে এখন অনেকগুলি মুদ্রিত গীতসংগ্রহপুস্তক দেখা যায়; তাহাদের অনেকের মধ্যেই কবি ঠাকুরদাসের গীতমালা সংগৃহীত হইয়াছে, কিন্তু কোনটীতে রচয়িতার নামের উল্লেখ নাই। সংগীতমুক্তাবলীতে আবার ঠাকুরদাসের গান অপরের নামসংযোগে প্রকাশিত হইয়াছে। একরূপ হইবার প্রধান কারণ, কবির নাম অনেকেই জানেন না এবং গানগুলিতে কোন ভণিতা নাই; কচিৎ কোনটীতে যেন অনতর্কতা-বিহীন “দাস” শব্দের ভণিতাও আছে।

পূর্বেই খলা গিয়াছে, কবি ঠাকুরদাস অধিক পুরাতনকালের লোক নহেন। তাঁহার জন্ম তারিখ পাওয়া যায় নাই, কিন্তু মৃত্যু পাওয়া গিয়াছে। ১২৮৩ সালের ২১এ বৈশাখ তাঁহার গঙ্গালাভ হয়। মৃত্যুকালে তাঁহার বয়স ঠিক কত বৎসর হইয়াছিল, তাহা জানা যায় নাই। তাঁহার জ্যেষ্ঠ পুত্রের কথামত ৭৫ বৎসর বয়সে তাঁহার স্বর্গলাভ হইয়াছে বলিয়া ধরা যাইতে পারে, তাহা হইলে আনুমানিক ১২০৮ (১৮০১ খৃষ্টাব্দ) তাঁহার জন্মকাল গণনা করা যাইতে পারে। কবি দাশরথী রায় ইঁহার সমসাময়িক ও পরিচিত ছিলেন। তাঁহার ১২১১ সালে (১৮০৪ খৃষ্টাব্দে) কন্য হইয়াছিল; সুতরাং দত্ত মহাশয়কে, রায় মহাশয় অপেক্ষা ৩ বৎসরের বয়োজ্যেষ্ঠ মনে করা যাইতে পারে। কেবল

ক্যোজ্যেষ্ঠ নহে, কবি ধ্যানভিত্তে তিনি রায় মহাশয়ের পূর্ববর্তী ছিলেন বলিয়া, রায় মহাশয় দত্ত মহাশয়কে "দাদা মহাশয়" বলিয়া ডাকিতেন। উভয়ের মধ্যে যথেষ্ট সৌহার্দ্য ছিল, পরস্পরের বাড়ীতে যাতায়াত ছিল।\*

কলিকাতার পশ্চিমে গঙ্গার অপূর্ণপারে হাবড়ার স্মৃৎগত বাঁটরা গ্রামে কবি ঠাকুরদাস দত্তের বাড়ী। গ্রামের উত্তরপাড়ায় কবির কৃত অট্টালিকায় তাঁহাব জ্যেষ্ঠপুত্র এখনও বাস করিতেছেন। ইহার দক্ষিণরাষ্ট্রীয় কাম্বুস্থ, স্বগ্রামে বিশেষ সম্মানার্থ। ইহার বংশলতা এইরূপ, —



কবির পিতা রামমোহনের সহিত কবি রামবসুর বিশেষ বন্ধুতা ছিল, উভয়ে উভয়কে মিতা সম্বোধন করিতেন। বসুজ যে কবির দল করেন, তাঁহাতে রামমোহনদত্তও যোগ

\* অনেকের মতে ৷ দাশরথীরায়ই পাঁচালির প্রথম রচক বলিয়া গণ্য। কিছু দিন হইল, বঙ্গবাসীতে "আগমনী" এবং জন্মভূমিতে "মানভঞ্জন" নামক দুইটি প্রবন্ধ প্রকাশিত হয়। দাশরথীরায়ের পাঁচালি হইতে ঐ দুই পালার আলোচনাই উহার উদ্দেশ্য। উভয় প্রবন্ধের লেখকও একব্যক্তি কিনা জানি না, কিন্তু উহাতে দাশরথী রায় হইতেই পাঁচালির উৎপত্তি ও শেষ এইরূপ মত প্রকাশিত হইতে দেখিয়া ছিলাম। লেখক এরূপ কথার কোন প্রমাণ দেন নাই। কৃত্তিবাসাদি যে কালে নিজ রামায়ণাদি লিখিয়া গিয়াছেন, তাহাও সুরসংঘোগে গীত হইত এবং কবিগণ কর্তৃক "পাঁচালিপ্রবন্ধ" নামে উক্ত হইয়াছে। অতএব রায় মহাশয়কে পাঁচালির সৃষ্টিকর্তা বলা যায় না। রায় মহাশয়ের পাঁচালিতে ব্যবহৃত ছড়া ও গান কিছুই নূতন নহে। ছড়াগুলি সকালে পাঁচালিপ্রবন্ধের 'লাচাড়ি' ছন্দের সুরহীন অবস্থা মাত্র, আর গান গুলি ভারতচন্দ্রাদির ব্যবহৃত প্রতিপালার ধূমার গানের প্রতিক্রম। তবে এই দুয়ের মিশ্রণে অভিনব কাব্যোৎপত্তির প্রণালী দাশরথী রায়ের কিনা, তাহাও বিচার্য। কবি ঠাকুরদাসের জ্যেষ্ঠপুত্রের নিকট উদ্ভিত্যে, এই নব্য ধরণের প্রথম পাঁচালিকর্তা নাম গঙ্গানারায়ণ দত্তের (১)। তৎপরে রামপ্রসাদ চট্টোপাধ্যায়, তাহার পর দাশরথী রায় পাঁচালিকাররূপে প্রতিষ্ঠা লাভ করেন।— প্রবন্ধলেখক।

(১) প্রবন্ধপত্রের পর আলোচনারূপে ঐকালিক সভাপতি মহাশয়ও এই মত সমর্থন করেন।

(১৩০৫ সালের কার্যনির্বাহী সভায়) — পত্রিকানাম্পাদক।



দিয়াছিলেন। রামমোহন তখনকার কোর্ট উইলিয়মের কাৰ্য্য করিতেন, বেশ ছু'পয়সা উপার্জনও করিতেন। এক জগদ্ধাত্রীপূজা ব্যতীত বাড়ীতে আর সকল পূজাই হইত। কবি ঠাকুরদাস রামমোহনের একমাত্র সন্তান ছিলেন। কাজেই তাঁহাকে গ্রামান্তরে পড়িতে যাইতে দেওয়া অর্থশালী রামমোহন, পুত্রের পক্ষে কষ্টকর বলিয়া ভাবিতেন, সুতরাং ইংরাজী পড়াইবার জন্ত বাড়ীতেই একজন শিক্ষক রাখিয়া দিয়াছিলেন। সে কালে নিয়ম ছিল, গ্রামে বা নিকটে কোন ইংরাজী বিদ্যালয় না থাকিলে, (আর তত প্রাচীনকালে ছিলও না বোধ হয়,) কোনও অবস্থাপন্ন গৃহস্থের বাড়ীতে একজন ইংরাজী জানা লোক গ্রাসাচ্ছন্দন এবং অল্প বেতন লইয়া বাণ করিতেন। সে কালে পারসী পড়াইবার জন্ত আখনজী রাখিবার প্রথা হইতে এই প্রথার উৎপত্তি হইয়াছিল। গ্রামস্থ যাহারা নিল পুত্রকে ইংরাজী পড়াইতে ইচ্ছা করিতেন, তাঁহারা ঐ শিক্ষকের হস্তে বালকদিগকে অর্পণ করিতেন, সময়ে সময়ে ভিন্ন গ্রামের ছেলেরাও পড়িতে আসিত। শিক্ষক আশ্রয়-দাতার বালকবৃন্দ ব্যতীত অপরাপর বালকদিগের অধ্যয়নায় জন্ত কিছু কিছু পাইতেন; গ্রামবাসী একজনের অল্প ধ্বংস করিতেন বলিয়া গ্রামের অপরাপর পাঠার্থীর পিতার নিকটেও তাঁহাকে কৃতজ্ঞ থাকিতে হইত এবং সময়ে সময়ে সে কৃতজ্ঞতা ভিন্ন গ্রামেও বিস্তার করিতে বাধ্য হইতে হইত। কবি ঠাকুরদাসের জন্ত রামমোহন বোড়ালনিবাসী রামময় মুখোপাধ্যায়কে ঐরূপ "মাষ্টার মহাশয়" নিযুক্ত করিয়াছিলেন। রামময়ের বড় ঠাকুরদাস বাল্যে ইংরাজী ও বাঙ্গালা ভাষায় শিক্ষিত হইয়াছিলেন। কবির ইংরাজী হস্তাক্ষর যেমন ভাল ছিল, বাঙ্গালা হস্তাক্ষর তেমনই অস্পষ্ট ছিল।

বাল্যকাল হইতেই ঠাকুরদাস সংগীতপ্রিয় হইয়াছিলেন, সর্বদাই কবি পাঁচালি শুনিয়া বেড়াইতেন। অল্প বয়সে সংগীতানুরাগ লেখাপড়া শিখিবার বড়ই বিরোধক, কাজেই ঠাকুরদাসেরও লেখাপড়ার বড়ই অমনোবোধিতা ছিল। রামমোহন নিজে রামবন্দুর কবির দলের প্রধান উদ্ভোক্তা হইলেও, পুত্রের কেতটা সংগীতানুরাগ ভালবাসিতেন না। উহা কমান্বয়ের জন্ত তিনি পুত্রকে কোর্ট উইলিয়মের একটা চাকুরী করিয়া দেন, কিন্তু তাহাতেও ঠাকুরদাসের সংগীতানুরাগ কমে নাই, এমন কি, আকিস কামাই করিয়া গ্রামান্তরে তিনি পাঁচালি শুনিতে যাইতেন। একবার এইরূপ আকিস কামাই করিয়া অল্পগ্রামে পাঁচালি শুনিতে গিয়াছিলেন; সেখান হইতে ফিরিয়া আসিলে রামমোহন ক্রোধাক হইয়া ঠাকুরদাসকে ষড়মপেটা করেন, তাহাতে ঠাকুরদাসের দাঁত ভাঙ্গিয়া গিয়াছিল; তবুও ঠাকুরদাস পাঁচালি শুনিতে নিরন্তর হন নাই। এইরূপে রামমোহন কোন উপায়েই পুত্রকে চাকুরীতে সংযত রাখিতে না পারিয়া একদিন বিজ্ঞানী করেন, জোয়ার এরূপ ভাবের কারণ কি? ঠাকুরদাস উত্তর দিলেন,—পরার্থীনতা তাম লাগেনা, চাকুরী করিব না। একমাত্র পুত্রের সঙ্গেই হউক বা বিরক্ত হইয়াই হউক, রামমোহন আর তাঁহাকে কিছু বলিতেন না। শেষে অশুপস্থিতির সংখ্যা বাড়িতে লাগিল দেখিয়া আকিসের



সহিবেরা ঠাকুরদাসের চাকুরী ব্যক্তি ভাল করিয়া দিলেন। কিছুদিন পরে কবির পিতৃবিরোগ হয়।

শিউ-বিদ্যোগের দু'এক বৎসর পরে ঠাকুরদাস এক সখের যাত্রার দল করেন। তখন তাঁহার বয়স ২৯।৩০ বৎসর। তিনি নিজেই বিদ্যাসুন্দরের এক পালা রচনা করেন এবং নিজ দলে তাহাই গাওয়াইতেন। এই তাঁহার প্রথম কীর্তি। কাটরা-নিবাসী ৬ উমাচরণ সুখোপাধ্যায় এই দলে মালিনী মাজিতেন। কবি প্রথমেই বিদ্যাসুন্দরের পালা রচনায় আকৃষ্ট হইয়াছিলেন, তাহার কারণ,—তখন গোপাল উড়ের বিদ্যাসুন্দরের গাওনা অতি বিখ্যাত ছিল। সর্বত্রই ইহার আদর হইয়াছিল। ঠাকুরদাস ইহা শুধিবার শুনিয়া বিদ্যাসুন্দরের প্রতি বড়ই আকৃষ্ট হইয়া পড়েন।

এখানে প্রসঙ্গতঃ গোপাল উড়ের কথা বলা বোধ হয় অন্তর্য হইবে না। শুনিয়াছি, তখন কলিকাতাবাসী ৬ বীর-নৃসিংহ মল্লিকের গোপাল নামে এক উড়িয়া ভূতা ছিল। এই গোপাল নানা কারণে প্রভুর বড় প্রিয় হইয়া উঠে। বীর-নৃসিংহ কাবুই এক সময়ে বিদ্যাসুন্দরের যাত্রার দল গঠন করেন। শিউ-নিবাসী ৬ ভৈরবচন্দ্র হালদার নামক এক ব্যক্তি ইহার পালা ও গান রচনা করেন। এখন যে বাড়ীটির Spence's Hotel আছে, \* সেই বাড়ী তখন উক্ত বীর-নৃসিংহ মল্লিকেরই সম্পত্তি ছিল। ঐ বাড়ী বিক্রয় করিয়া সেকালেই এক লক্ষ কয়েক সহস্র টাকা হয়। সেই টাকা ব্যয় করিয়া ঐ যাত্রার দল গঠিত হয়। উহার তিন আসন্নাত্ম গাওনা হইয়াছিল। গোপাল এক সময় প্রভুর কোন প্রিয় কৰ্ম করিয়া পুরস্কারপ্রার্থী হয়। বীর-নৃসিংহ কাবু গোপালকে ইচ্ছামত পুরস্কার চাহিতে বলায় সে বিদ্যাসুন্দর পালায় প্রার্থনা করে। বীরকাবু (বীর-নৃসিংহনারী সামান্ততঃ "বীরমল্লিক" নামে খ্যাত ছিলেন) এই সামান্ত প্রার্থনা শুনিয়া হঠমনে সেই পালা ও দলগঠনের কৃত্য কয়েক সহস্র টাকা দান করেন। তাহার পর গোপাল মল্লিক-মহাশয়ের দাসত্ব ত্যাগ করিয়া যাত্রার অধিকারী হইয়া অকুল ধন ও ধনোলাভ করে। গোপালের পর তাহার দলের দুই ব্যক্তি উমেশচন্দ্র দাস ও জ্ঞানানন্দ নামে দুইটা দল করে। উমেশের দল কিছুদিন পরে নষ্ট হইয়া যায়, কিন্তু "ভুলোর দল" নামে ভোলানাথ মাসের দল বিশেষ প্রতিষ্ঠা লাভ করে। এই দলের অধিকাংশ কৰ্ম্মানন্দ তবে কিছুদিন হইল ভোলানাথের মৃত্যু হওয়ায় তাহার দুই পুত্র দুই স্বতন্ত্র দল গঠন করিয়াছে। এই দুই দলের পালাই সেই ভৈরব হালদারের রচিত বিদ্যাসুন্দর।

কবি ঠাকুরদাসও বিদ্যাসুন্দরের পালা লিখিয়া নিজের সখের দলে গাওয়ান। কবির এই প্রথম কীর্তির রচনাদি কিরূপ ছিল, জানিতে পারা যায় নাই, কারণ তাহার পুস্তকতো নাই-ই বা তাহার গান জানে, এমন কোন লোকও আজ জীবিত নাই। এই সখের দল ২।৩ বৎসর জীবিত ছিল। ইহাতে পরে কবির রচিত "লক্ষণবর্জিত" ও অন্যান্য পালাও গাওয়া হয়।

\* বড়গাটের বাড়ীর সম্মুখের রাস্তার উপর।

ইহার ২৩ বৎসর পরে গঙ্গার ভট্টাচার্য-জমীন্দার-মহাশয়দিগের যাত্রা এক সখের দল হয়, ঠাকুরদাস এই দলের জন্ম আর একখানি বিদ্যাসুন্দরের পালা বচনা করেন। ঠাকুরদাস ঠাকুরদাস এই দলের জন্ম আর একখানি বিদ্যাসুন্দরের পালা বচনা করেন। ঠাকুরদাস ঠাকুরদাস এই দলের জন্ম আর একখানি বিদ্যাসুন্দরের পালা বচনা করেন।

ইহার পর টাকীর প্রসিদ্ধ জমীন্দার মুন্সী ৬ বৈকুণ্ঠমাথ বায় চৌধুরী মহাশয় যাত্রা টাকীতেই এক সখের যাত্রাব দল বসে। দলের পালা কে লিখিয়া দিবে, এই কথা উঠিলে কবি ঠাকুরদাস দলের নাম উঠে। মুন্সী মহাশয় কলিকাতার তখন ছএক স্থলে কবির নিজদলের গাওনা ও গঙ্গার দলেবাসুন্দর গুলিয়াছিলেন, সুতরাং নাম গুলিয়া আগ্রহ-পূর্বক লোক পাঠাইয়া কবিকে টাকী লইয়া যান। ঠাকুরদাস এখানেও বিদ্যাসুন্দরের পালা লিখিতে অনুরোধ হন, কিন্তু পুৰাতন গান অর্থাৎ ঠাহার বচিত বিদ্যাসুন্দরের আর দুইখানি পালায় যে সকল গান আছে, তাহা ব্যবহারে বিশেষকোপনিষিত হন। কবির ক্ষমতা-যথেষ্ট ছিল, তিনি সমস্ত সম্পূর্ণ নূতন গান দিয়া আর একখানি বিদ্যাসুন্দর-বর পালা রচনা করিয়া দেন। অতি অল্পদিনেই ইহা বচিত হয়। ইহার আরও একটু বিশেষত্ব ছিল। তৈরব হানীদারের বচিত পালায় যে অশ্লীলতা দোষ ছিল, তাহা পরিহার কবিবাব জন্মই মুন্সী বাবুবা এই দল গঠন ও বিস্তার রচনা করান। ঠাকুরদাসও যত্নসহকারে অশ্লীলতা-বর্জিত বচন কবিবা তাহাদের সহায় উৎপাদন করেন। প্রথম তিন আসব গাওনায় মুন্সী বাবুদিগের ১৮০০০ হাজার টাকা ব্যয় হইয়াছিল। ইহারও কোন নমুনা সংগৃহীত হয় নাই। এই দলেই বিখ্যাত গায়ক গোববহাদার কুঁচিল মিত্র এবং বেলুড়ের যত্নসহকারে ছিলেন\* ।

ইহার পর কবির কীর্তিমালায় পৌরোপাখ্যা স্থির করিয়া বর্ণনা করা অসাধ্য। কবির কোন পুত্রও আমাকে সে বিষয়ে উপযুক্ত সাহায্য কবিতে পাবেন নাই, সুতরাং ঠাহার বচনাগুলিকে তিনভাগে বিভাগ করিয়া একে একে এক এক শ্রেণীর বিষয় দিতেছি। ঠাহার বচনাগুলিকে আমি প্রধানতঃ সখের দলের জন্ম বচিত পালাসমূহ, পেশাদারী যাত্রাব জন্ম বচিত পালাসমূহ ও পাঁচালির পালাসমূহ, এই তিন ভাগে বিভক্ত করিলাম\* ।

### ১। সখের দলের রচনার বিবরণ।

টাকীর দলে বিদ্যাসুন্দর বচনাব পর, হাবড়ার অজয়কোণার জমীদার ৬ দীননাথ চৌধুরীর প্রতিষ্ঠিত এক সখের দলে ঠাকুরদাস পালা বাঁধিয়া দিবার জন্ম নিমন্ত্রিত হইয়াছিলেন ।

\* পরিষদের অন্ততম সদস্য টাকীর বর্তমান জমীদার শ্রীযুক্ত রায় যতীন্দ্রনাথ চৌধুরী মহাশয়কে প্রবন্ধলেখক এই বিদ্যাসুন্দরের গান টাকী হইতে সংগ্রহ করিয়া দিবার জন্ম অনুরোধ করিয়া পত্র লিখিয়াছিলেন। যতীন্দ্রনাথ তত্বতরে লিখিয়াছেন যে ঠাহার নিকট সংগ্রহ কিছুই নাই, তবে সেই যাত্রাদলের কোন কোন গায়ক ও অভিনেতা জীবিত আছেন, তাহাদের নিকট হইতে সংগ্রহ করিয়া পাঠাইয়া দিবেন।—পত্রিকা সম্পাদক ।

এখানে তাঁহার রচিত হরিশ্চন্দ্রের পালা অভিনীত হয়। এই পালার সমস্ত গান সৌভাগ্যক্রমে সংগৃহীত হইয়াছে। যথাস্থানে নমুনারূপে ২১১টি গীত সন্নিবেশিত হইল। কবির কবিত্ত পোত্রেব নিকট তাহা আছে। এই পালার আসল খাতাখানি বহুদিন বর্তমান ছিল; একবার কলিকাতা-সঙ্গীত-বিদ্যালয়ের অধ্যাপক শ্রীযুক্ত কালীপ্রসন্ন কুম্ভ্যাপাধ্যায়ের বাড়ীতে গাহিতে গিয়া তাবাইয়া যায়। এই দল বহুদিন জীবিত ছিল; ততদিন এই কবির রচিত ঐ হরিশ্চন্দ্রের পালাই গাহিত।

ইহার পথ উদ্ভাবিকার নিকটবর্তী কুলেশ্বরনিবাসী শ্রীযুক্ত আশুতোষ চক্রবর্তী এক সখের দল গঠন করেন। পালা লেখাইবার জন্য আশুবাবু বঙ্গ মহাশয়ের শরণাগত হন। ঠাকুরদাস তাঁহাকে “লক্ষণ-বর্জ্জন” পালা লিখিয়া দেন। বহুদিন তা “আশুবাবু” সখের জন্য সর্বস্বান্ত হইয়াছিলেন, ততদিন এই দল ছিল এবং এই পালাই গাহিতেন। কবি স্বীয় সখের দলেব জন্য যে “লক্ষণ-বর্জ্জন” ইতিপূর্বে রচনা করেন, আশুবাবুকে সেখানি দেন নাই, সুতরাং এখানি আর একখানি স্বতন্ত্র রচনা। এই লক্ষণবর্জ্জনের গানগুলি এখনও ছাপা হয় নাই, কাবণ আশুবাবুর নিকট চেষ্টা কবিলে বোধ হয় এখনও সমস্ত পালাটাই উদ্ধার হইতে পারে।

ইহার পথ হাওড়া শিবপুরনিবাসী শ্রীযুক্ত উমাচরণ বসু মহাশয় এক সখের যাত্রার দল করেন। ইহা বড় বেশীদিনের কথা নহে; সম্ভবতঃ ১৮৭২ খৃষ্টাব্দে এই দল সংস্থাপিত হইয়াছিল। কবি ঠাকুরদাস এই দলের জন্য “শ্রীবৎস-চিন্তা”র পালা রচনা করেন। ইহার গানগুলি অতি মনোহর।

## ২। পেশাদারী যাত্রার জন্য লিখিত পালাসমূহ।

এই শ্রেণীর রচনা কবি ঢাকী হইতে আসিয়াই আরম্ভ করেন। সেকালেব অনেকগুলি বিখ্যাত যাত্রাব দল, এই কবির প্রসাদে অশেষ যশ ও ধন উপার্জন করিয়া গিয়াছে।

৷ হুর্গাচরণ ঘড়িয়ালের (ছপ্পো বড়ালের) যাত্রার দল সেকালে বিখ্যাত ছিল। তাহার গাওনার এত সুখ্যাতি ও আকর্ষণী শক্তি ছিল যে সহস্রের এমন ধনীগৃহ নাই যেখানে এই দলের গাওনা গাহিবারও হয় নাই। ৷ হারকামাথ ঠাকুরের বাড়ীতে এই দলেব এক-চেটিয়া বন্দোবস্ত ছিল। এই হুর্গাচরণ দত্তবংশীর কার্যই সন্তান। ইহার বাড়ী কলিকাতা হাড়কাটার ছিল। এই ব্যক্তি প্রথমে “ঘড়িমেরামিত”, “ঘড়িবিক্রম” ইত্যাদি কাব্য কবিতেন বলিয়া “ঘড়িয়াল” নামে খ্যাত হন। ইনি তিনটা পালা গাহিতেন—“নলদময়ন্তী”

\* “ঘড়িয়াল” শব্দ সেইরূপ হইয়াছে। হুর্গাচরণদত্তের “ঘড়িয়াল” উপাধি কেন হয়, তাহা আমি জানিতাম না, কেহ আমার নিশ্চয় বলিয়া দিতেও পারেন নাই, সুতরাং যেদিন এই প্রবন্ধ পরিষদের সভার পড়ি, সেদিন এই উপাধি সম্বন্ধে আমি এরূপ মত প্রকাশ করি—“ঘড়িয়াল” উপাধি কেন হইল, জানিমা, “বোধ হয় তাহার কোন পূর্বপুরুষ কোন রাজসংসারে ঘড়িয়ালের কাব্য করিতেন। শুধুবাধি এই

“লোকনাথ-ভাষ্য” ও “জীবনের দর্শন” । এই তিন পালাই ঠাকুরদাসবাবুর রচিত । এই দশেই তখন লোকনাথ দাস ও কালীনাথ হালদার নামে দুইজন স্বকণ্ঠ গায়ক ( “ছোকরা” ) ছিল । ইহারা এই পরে বিখ্যাত যাত্রাওয়াল “লোকাধোপা”\* ও “কালী হালদার” নামে খ্যাত হয় । দুগো বড়েল বতদিন জীবিত ছিলেন, ততদিন ঐ তিন পালার জির আর কিছু গাহেন নাই । শেষে দুর্গাচরণের মৃত্যু হইলে লোকনাথ ও কালীনাথ উভয়ে ছই স্বতন্ত্র দল করেন । লোকনাথ গুরুর দলের ( দুগো বড়েলের দলের ) তিনটি পালাই গাহিতেন এবং গুরুরই ছায় আর কখনও কাহারও ফোন পালার গাহেন নাই । এই তিন পালার এক প্রসিদ্ধ হইয়াছিল, যে যে স্থানে হইবার পাওনা হইত, সে স্থানে ৫৬ জোশ দূর হইতেও লোক গুনিতে আসিত । লোকনাথের যাত্রার এক সময় এক গৌরব হইয়াছিল, যে এখন উহাই তুলনামূলক হইয়া পাড়াইয়াছে । লোকনাথ দাস এখনও জীবিত, এখন আর উহার যাত্রার দল নাই, তবু তিনি এখনও কবি

খ্যাত হইয়া থাকিবে ।”—আবার এই অভিপ্রায় গুনিয়া শ্রীযুক্ত বিহারীলাল সরকার মহাশয় দুঃখিত হইয়া বলেন যে, “যখন নিশ্চয় জানা নাই তখন অনুমান করিয়া তাহাকে “যড়িপেটা” যড়িলাল বলাটা অসঙ্গত-সূচক ।” সভাপতি মহাশয় উত্তরে বলিয়াছিলেন যে “দুর্গাচরণের পূর্ব-পুরুষেরা নিজে যড়ি পিটিতেন না, সেই কার্যে তত্বাবধায়ক ।”—এইটুকু মাত্র ঘটনা । সেদিন পরিষদের অন্ততম সদস্য শ্রীযুক্ত ক্ষীরোদচন্দ্র রায় চৌধুরী মহাশয় উপস্থিত ছিলেন, তিনি সভার বখাজান কোন কথা বলেন নাই, কিন্তু গত ষোল্লমাসের বখাজানের ৩১ নম্বরের “সাহিত্য-সংবাদ” লিখিতে গিয়া পরিষদের প্রতি অবস্থা স্বেচ্ছা প্রয়োগ করিয়াছেন । তিনি বলিয়াছেন সেদিন পরিষদে (১) দুর্গাচরণ না দুর্গাদাস এক কোণেই খীমাংসা হয় দুর্গাচরণ, (২) দুর্গাচরণ যড়িলাল নামক জলজীবের সম্ভান না যড়িপেটা যড়িলালের সম্ভান, অধিকাংশের মতে হির হইল যড়িপেটা যড়িলালের সম্ভান । (৩) সভাপতির খীমাংসা লইয়াও স্বেচ্ছা করিয়া বলেন “সভাপতি মহাশয় নিজেই এ পোমোবোপ খীমাংসা করিলেন । তিনি বলিলেন যে যাহারা যড়ি পিটিত, দুর্গাচরণের পূর্বপুরুষেরা তাহাদের কার্যের তত্বাবধারণ করিবার জন্য রাজসরকার হইতে নিযুক্ত হইয়াছিলেন । যড়িলাল এটা হিন্দুরাজ প্রদত্ত উপাধি, ইহাতে বাবনিকতা কিছু দেখা বাইতেছে না । সুতরাং যখন বাঙ্গালা দেশে হিন্দুরাজত্ব ছিল, তখন দুর্গাচরণের আবিস্কাব হইয়াছিল । সুতরাং তিনি বিদ্যাপতির সাতশত উনপঞ্চাশৎ বৎসর হর দশ নরদিন পূর্বে আবির্ভূত হইয়াছিলেন । সকলে করতালি দিয়া এ খীমাংসা অনুমোদন করিলেন ।”—পরিষদে ১ম ও ২য় প্রশ্ন-আজ্ঞা উঠে নাই স্বাভাবিকভাবেই । সভাপতির কথা বলিয়া ক্ষীরোদ বাবু বতটা করিয়া বলিয়াছেন, তাহার মধ্যে “যড়িলাল” উক্তি হিন্দুরাজ প্রদত্ত উপাধি—এই স্থান হইতে শেখাংস সত্যই মিথ্যা । কীরকম বাবুর সাহিত্য-পরিষৎ সময়ে নব্য-আবর্তে যত্ন উদ্ভিই এইরূপ কুৎসিত রসিকতা, মেঘ ও মিথ্যা পরিপূর্ণ । তিনি যদিই দুর্গাচরণ লক্ষ্যে মথার্থ তথ্য অবগত ছিলেন, তবে সভার সে কথা প্রকাশ না করিয়া, নিজেও যে সভার সদস্য তাহার সবচে একখানি বিশিষ্ট পত্রিকায় ওরূপ অবধা-নিদা ও স্বেচ্ছা মিথ্যা রসিকতা করিয়া সাহিত্য-সংবাদ লিখিয়া কি নহু দেখা সকল করিলেন বুঝা যেন না ।—লেখক ।

\* লোকনাথ ধোপা—রাজসরকারে গাহেন, চাবাধোপা জাতীয়, সংক্ষেপে ধোপা নামেই খ্যাত । ইনি স্মারক জীবিত আছেন, কলিকাতা বেপেপুত্রে বাড়া ।



ঠাকুরদাসের নাম তুলিলে উদ্দেশে প্রণাম করেন। এই তিনখানা ১০।১২ বৎসর গাহিলা লোকনাথ এখন লক্ষপতি। আজ ২০।২২ বৎসর তাঁহার যাত্রার দল বন্ধ হইয়া গিয়াছে।

৮ কালীনাথ হালদারের দলও সেকালে বিশেষ খ্যাতিলাভ করিয়াছিল। এই দলেও প্রথমতঃ ঐ তিন খানা গাওনা হইত। পরে কালীনাথ কবি ঠাকুরদাসের শরণাগত হইয়া তাঁহা দ্বারা একখানি “রাবণবধ” খানা লিখাইয়া লইয়াছিলেন। এই “রাবণবধ” গাহিলা কালীনাথ বশোপার্জন করিয়াছিলেন।

শ্রীরামপুরের নিকটবর্তী কলকানি বাসী ৯ কৈলাসচন্দ্র বাকুই (কৈলাসচন্দ্র বাকুই নামে খ্যাত) সে কালের আর একজন শ্রেষ্ঠ যাত্রাসম্প্রদায়ের প্রতিষ্ঠাতা। এই দলের জন্ম কবি ঠাকুরদাসের আর একখানি “বিদ্যাসুন্দর” রচনা করেন। ইহা কবিকৃত এক বিদ্যাসুন্দর। পূর্বরচিত তিনখানি বিদ্যাসুন্দর হইতে এখানি স্বতন্ত্র। এই বিদ্যাসুন্দর গাহিলাও কৈলাস বিশেষ প্রতিষ্ঠা লাভ করে। তখন ভোলানাথ দাসের বিদ্যাসুন্দরের দল খুব জোরে চলিতে ছিল, সে সময়ে প্রতিযোগিতার বশোপার্জন করা অসম্ভব কবির গুণপমার পরিচয়ক। এই বিদ্যাসুন্দরে কবি এক অসুত কমতার পরাকাষ্ঠা দেখা গিয়া ছিল। এই বিষয় লইয়া একই ধরণে চারিখানি স্বতন্ত্র পুস্তক রচনা করা কিরূপ কবিত্বশক্তি থাকিলে সম্ভব হয়, তাহা আমি ধারণা করিয়া উঠিতে পারি না। হুগুংগের বিষয়, এ চারিখানির কোন খানির একটি গানও সংগ্রহ কবিত্তে পারি নাই।

হাবড়ার অন্তর্গত মাকড়সহ গ্রামনিবাসী ১০ বেণীনাথের পাত্র এক রাজা সম্প্রদায় প্রতিষ্ঠা করেন। এই দলের জন্ম কবি “অকুর আগমন” ও “সুর্গামঙ্গল” নামক দুইটা খানা রচনা কবিয়া দিয়াছিলেন।

সাধু ও বোকে নামে মুসলমান জাতীর দুই সহোদর সেকালের আর এক বিখ্যাত যাত্রার দলের অধিকারী ছিল। কবি ঠাকুরদাস এই দলেব জন্ম “লবকুশের খানা” রচনা করিয়া দিয়াছিলেন।

কোণানিবাসী ১১ গোপীনাথ দাস এক যাত্রার দলের অধিকারী ছিলেন। তিনি কবি ঠাকুরদাস রচিত “রামচন্দ্রের বশোপমন” গাহিতেন।

বাগবাজারনিবাসী শ্রীকান্ত কাসা অধিকারী কবি ঠাকুরদাসের নিকট হইতে ‘অকুর আগমন’ ও ‘রাবণবধ’ এই দুই খানা গ্রহণ করেন। এই রাবণবধ কালীনাথ হালদারের দলের রাবণবধ হইতে স্বতন্ত্র। কান্ত অধিকারী এখনও জীবিত। তাঁহার ছাত্র মৃত্যুবিহারদ সেকালের

\* কবি ঠাকুরদাসের গানগুলি বাস্তবিক ঠাকুরদাসের রচিত কিনা এ সম্বন্ধে দুই দিন পরিষদের সহকারী সম্পাদক শ্রীযুক্ত চণ্ডীচরণ কল্যাণাধ্যায় কবির পুত্রোক্তি ব্যতীত অন্য প্রমাণ চাহিয়াছিলেন। আশু ভট্টসহোদরের জন্য লোকনাথ বাকুই সাহিত্য দেখা করি। তিনি যে গল্প লিখিয়াছেন, তৎপাঠে জানা যায়, ‘সুর্গাচরণ বড়িলাল ঠাকুরদাস রচিত ‘মলদবরতী’ ‘কলকতন্ত্র’ ও ‘শ্রীমহেশ্বর মনান’ এই তিনটা খানা গাহিতেন। এই তিন খানা একাদিক্রমে ১০।১২ বর্ষ গাওনা হইয়াছিল। ‘সুর্গাচরণ ৯ অকুরদলের জাতি।’



কোন যাত্রার দলে ছিল না। সেকালে “গাইয়ে লোকা, নাচিয়ে ঝড়ু, বক্তৃতায় গোবিন্দ” প্রবাদবাক্য হইয়াছিল। ঝড়ুর গৃহীত ছই পালা সংগৃহীত হইতেছে।

### ৩। পাঁচালি রচনাবলী।

টাকী হইতে ফিরিয়া আসিয়া, কবি নিজেকে এক সন্দের পাঁচালির দল বসান। ছই তিন বৎসর পরে ঐ দল পেশাদার হয়। এই দলের অন্তর্গত ‘পাঁচালিওয়াল ঠাকুরদাস’ নামে তাঁহার কবি-খ্যাতি দিগন্ত প্রসারিত হয়। পাঁচালির ছইটি ভাগ;—ছড়া ও গীত। কবির জীবদ্দশায় এই দলেয় সহিত তখনকার অন্যান্য প্রতিদ্বন্দ্বী দলের সঙ্গীতসমর হইয়া গিয়াছে; কিন্তু কখনও তাঁহার দল পরাজিত হয় নাই। কবির কৃতিত্বই ইহার প্রধান কারণ। কবির মৃত্যু পৰ্যন্ত এই দল লোপ হয় নাই। এখনও বর্তমান। কবির জ্যেষ্ঠপুত্র জামাচরণ বাবুর তত্ত্বাবধানে এই দল চলিতেছে। কবির জীবদ্দশায় সাতকীরার ৮ প্রাণনাথ চৌধুরী, উলাব ৮ শঙ্কুনাথ মুখোপাধ্যায়, বড়িসার কাবর্ধচৌধুরী, গঙ্গার কটোচর্য্য মহাপন্ন, - মালধাণ্ডায়ের জমীদার ৮ গৌরীপ্রসাদ মৈত্র, কলিকাতার সিমলাবাসী ৮ কান্দীপ্রসাদ ঘোষ একে চোরবাগানে ৮ বাজা রাজেন্দ্রলাল মল্লিকেব বাড়ীতে ও পাইকশাড়ার ৮ রাজা বৈষ্ণবচন্দ্রের বাগানে প্রায়ই তাঁহার দলের গাওনা হইত। এতদ্বিন্ন নবদ্বীপ, ভাটপাড়া, জিবেদী, হালিসহর, বাশবেড়িয়া, তারকেশ্বর প্রভৃতি স্থানে ঐ দলেব গাওনাও বহুবার হইয়া গিয়াছিল। কবির মৃত্যু পরও এই দল অতি সুখ্যাতির সহিত নড়ালের জমীদার ৮ রামচন্দ্র রায়ের কান্দীপুবেব বাড়ীতে গাইয়া আসিয়াছেন এবং পাথুরিয়াঘাটায় সুপ্রসিদ্ধ সঙ্গীতশাস্ত্রিক রাজা সার শৌবৌদ্ধমোহন ঠাকুরেব বাড়ীতে বঙ্গেশ্বের আগমন উপলক্ষে যে নানাপ্রকার দেশীয় সঙ্গীত প্রদর্শিত হয়, সেই সময়ে ছোট নাটের সম্মুখে এই দল পাঁচালি গাইয়া আসিয়াছিলেন। এতদ্ব্যতীত তেলিনী-পাড়ার কন্দোপাধ্যায়ের কবির বাসগ্রামের জমীদার। কবির জীবদ্দশায় হইতে প্রতিবৎসর এখনও পূজার সময় তাঁহাদিগের বাড়ীতে এই পাঁচালির দলের গাওনা হইয়া থাকে।

কবির কবিত্বগুণে ৮ কান্দীপ্রসাদ ঘোষ ( যিনি নিজেকে কবিত্বগুণে Indian Bard খ্যাতি লাভ করিয়াছিলেন, তিনি ) এবং ৮ রাজা রাজেন্দ্রলাল মল্লিক কবিকে রত্ন বন্দিয়া সহোদন ও বিশেষ আদর করিতেন। রাজা রাজেন্দ্রের নিকটে ইহার কয়েক সর্কসপেক্ষা বেশী ছিল। কবির দলে তিনি ইহাকে উচ্চাঙ্গন দিতেন। পণ্ডিত সর্ককেও কবির খ্যাতি ও প্রতিপত্তি বিশেষ ছিল, তখনকার মল্ল বাজালার সমস্ত পণ্ডিতগণে তাঁহার সম্মান হইত। নবদ্বীপের ৮ গঙ্গানারায়ণ শিরোমণি ও কলিকাতাবাসী গঙ্গাধর কন্দোপাধ্যায়ের পিতা ৮ শঙ্কুচরণ জায়রত্ন তাঁহাকে বিশেষ আদর করিতেন।

কবি ঠাকুরদাস এই পাঁচালির দলের অন্তর্গত শিবসিরাহ, সর্কচৌধুরী, রায়ের দেশাগমন, পারিজাতহরণ, অক্রুর আগমন, দান, মান, মাধুর, কবচবিজ্ঞ এবং প্রেম ও বিরহবিষয়ক নানা গীত রচনা করেন।

কবি এই নিজ দল ব্যতীত হাবড়া বাকুগাড়ার পাঁচালির দলে এবং দশদমার নিকটবর্তী সিঁথীর সখের পাঁচালির দলের গানও বাধিয়া দিয়াছিলেন ।

কবির অশেষ কীর্তিবাহির মধ্যে তাঁহার নিজ দলের পাঁচালির পালাগুলিই কেবল পুস্তকাকারে বিদ্যমান আছে ।

কবির কীর্তিমন্দির কতটা উচ্চ ছিল, তাহার কতক পণ্ডিতের পাওয়া গেল, কিন্তু কোন নিদর্শন পাইলাম না । অধিকাংশ রচনার নিদর্শন পাইবার উপায় নাই । কেবল গান-মাত্র সংগ্রহ করা গিয়াছে, তাহাই এ স্থলে উদ্ধৃত করা হইল ।

লোকনাথ দাসের ( মূলতঃ দুর্গাচরণ ষড়্গিরালেশ্বর ) দলের "শ্রীমন্তের মশান" হইতে,—

১। ললিত বিভাস—আড়াঠেকা ।

এই যে ছিল, কোথায় গেল, কমলদমবাসিনী ।

লোকনাথ ভয়ে বৃষি লুকাল শশিবদনী ॥

কোথায় গেল সে লুকরী, কোথায় লুকলে সে করী,

এ মারা বৃষিতে মারি, সে মারী কার রমণী ।

করে যেয়েছি কালীদয়ে জাগিছে রূপ হৃদয়ে

অপরূপ এমন মেয়ে দেখিনি কোথায়,—

এখন সে কালীদয় হেরি সব শূন্তময়

কেবল জলে জলময় কোথায় সে করীধারিনী ॥ \*

এই গানের স্থান সুপরিচিত আবালবৃদ্ধবনিতার কর্ণস্থ দ্বিতীয় গান আর সেকালে ছিল না ।

২। বিভাস—আড়াথেমটা ।

তোঁর রাজার কি রাজ্য করিস্ তাব কি মাৎসরী

আমার মায়ের ঐশ্বর্য কি তা জান না ।

জান না রাজ্যখণ্ড শুন রে পাষণ্ড

ব্রহ্মাণ্ড আমার মায়ের বদনে,—

বিধি বার আঁজকারী কুবের হম বীর ভাঙারী

ত্রিপুরারি করেন মায়ের সাধনা ॥

চরণে দিলে বল ধরা বার রসাতল

সহায়কর হয় কেহ বাচে না ॥ †

\* বহুকাল অতীত হওয়ার এ গানে অনেক পাঠান্তর হইয়া গিয়াছে । "কমলদমবাসিনী" হইতে একাশিত সঙ্গীত-কোষে ৮৫৭ পৃষ্ঠায় লোকনাথ ষড়্গিরালেশ্বর নামক একাশিত হইয়াছে, তাহাতে অনেক ভুল আছে । লোকনাথদাসের নিকট হইতে উপরি উক্ত পাঠ গৃহীত হইল । সঙ্গীতমুক্তাবলীতে এই গানের রচয়িতা বলিয়া যে নাম মুদ্রিত হইয়াছে, তাহা ভুল না জালিয়াতী ।

† সঙ্গীত-কোষে ৯০৯ পৃষ্ঠায় এই গীতটিতে ৩৫৫৭ সংখ্যা দেওয়া হইয়াছে । ইহারও পাঠ ভুল আছে ।

এই গানের তৃতীয় কলি শ্রীবাণ বাক্যের মত বাঙ্গালার উক্তিমতী রমণীকুলের মুখেও সর্বদা শুনা যায়।

৩। ( সুর সংগৃহীত হয় নাই । )

বার মায়ের বাস রে মশানে ।  
 দ্বিতা মৃত্যুঞ্জয় কালের তনয়  
 'সে কি করে ভর রাজা শালবানো' ।  
 ( ওরে ) যা ধরে ভালো অর্জনশী,  
 রণমাঝে ধাঁড়ায় হয়ে এলোকেশী,  
 তার তনয় ডরায় দেখে তোদের হাসি,—  
 ( ওরে ) গয়া গঙ্গা কাশী আমার মায়ের চরণে ॥  
 ভয় করি কিরে দেখে তোদের মুখ,  
 আমার মায়ের পদে পড়ে পর্কমুখ,  
 'ঐতিপর হয়ে আছেন চতুর্মুখ,  
 'কাল অধোমুখ যে নাম অরণে ॥

এমন দিন গিয়াছে, যে ভরসাহীন বাঙ্গালী গুন্ গুন্ করিয়া মনে মনে এই গান গাহিলে বাস্তবিকই ভরসা পাইত। আবাল-বৃদ্ধ-যুবা একদিন এই সৰ্বকাল গান মহাআদরে কণ্ঠস্থ কবিয়া বাধিত।

তাহার পর “নলদময়ন্তী” হইতে ;—

৪। মিলন ভৈরবী—একতাল।

বিচ্ছেদ ভুললে দংশেছে এ অঙ্গে আবার তুমি দংশন করবে তাই,—  
 হবে বিবে বিবক্ষয় যদি হে আমার প্রাণ ব্যয়  
 ভাবনা কি তার ?  
 খেদ এই দেখা হবে না পতির সঙ্গে ।  
 বিচ্ছেদ-বিবে প্রাণ বেছে নাহি রবে,  
 তুমি দংশন কর তাতেও মরণ হবে,  
 নারীবধের তানী তোমার হতে হবে,  
 আমিত ভেসেছি অকুল তরঙ্গে ॥

এই গানটী কবির সত্তাবর্ণনার সুন্দর দৃষ্টান্ত, বর্ণনাপারিপাট্যও আছে।  
 “কলকতজন” হইতে,—

৫। বিচ্ছেদ—আড়াআড়ি।

বা জান তাই কোরো নাথ আমিত চিত্তলান অলে ।  
 বড় সজ্ঞা পাবে হরি দানী তোমার লজা পেলে ॥  
 চঞ্জাম লরে হিজবটে, যদি কোন হিজ বটে,  
 গলেতে বট বেঁধে যাটে ত্যজিব প্রাণ কুক বলে ।

একে বুদ্ধিশূন্য ঘটে      অবটন ঘটনা ঘটে  
 যদি পড়িহে সঙ্ঘটে      রেখহে সে সময়,—  
 কমলিনীর হৃদকমলে      দাঁড়াও একবার বাক্যে হলে  
 দেখে বাই যমুনার জলে      দেখি কি ঘটে কপালে ।

কি সরল প্রাণভরা ঈশ্বরনির্ভরতা !

এই বার কবির পাঁচালির পালাগুলি হইতে কয়েকটি গান উদ্ধার করিতেছি ।  
 দানলীলা হইতে,—

১ । সুরঠ মল্লার—একভালা ।

কালরূপ দেখে ভয় করে ।  
 ওহে কর্ণধার, কেমন করে পার, হবে গোপিনীরে ।  
 একে তুমি নব নীরদবরণ,      অমে যদি বাদী হয় হে পবন,  
 ভগ্নতরী মগ্ন হইবে তখন,      বাচিব কি করে ।  
 অয়ং সিদ্ধ নহ      তাতেই মনন বাধে,  
 অক স্বক্কে গতি      শাস্ত্রেতে নিষেধে,  
 তোমার ঘোষে আমরা পড়িলে বিপদে,      ডাকি তখন বল কারে ।  
 ছুকুল হলেও বরং ত্যজেও পেতাম কুল,  
 কাল অক তোমার তাতেই হে আকুল,  
 তোমা প্রতি পবন হলে প্রতিকুল,      মজে ছুঃখিনীরে ।

সখীবা নীরদবরণের উপর যে আশঙ্কার হেতু আরোপ করিলেন, তাহার উত্তর দেওয়া কৃষ্ণের একান্ত আবশ্যিক, নতুবা তাহার ভগ্নতরীতে কেহ উঠে না ।—কৃষ্ণ বলিলেন,—

২ । আলোয়া—আড়াঠেকা ।

( তোমরা )      কি ঘোষে ছবিছ বল কালো ভাল নয় ।  
 কালো যে জনে বাসে ভাল,      থাকে না তার কাল ভয় ॥  
 কালপাশে মুক্ত হইতে,      কালো পাশে হই হে যেতে,  
 বুঝে লোক চরমকালেতে      কালোতে কত ফলোদয় ।  
 কালের পক্ষে কালো হয় কালের স্বরূপ,      বিশ্বজনে বলে ভাল কালো বিশ্বরূপ,  
 বেরূপে সবার উদ্দেশ,      সে রূপে কিরূপে ছেব,  
 হইলে জীবন শেষ      যে রূপেতে বাসনা হয় ॥

কৃষ্ণ বিজ্ঞতা প্রকাশ করিয়া যে উত্তর দিলেন, তাহা জ্ঞানগর্ভ হইলেও সখীদের কথার উত্তর হয় নাই । সখীরা কালোরূপ ভাল নয় একথা বলে নাই, তাহারা কালোরূপে মেঘাশঙ্কা করিয়া ভগ্নতরীতে ঝড়ের গুহ্ন করিতে ছিল । কৃষ্ণ “কালভয়বারণ” হইতে পারেন, কিন্তু এ ক্ষেত্রে “বড় ভয়বারণ” হইতে পারিলেন না । উত্তর প্রত্যুত্তরের ভাব জড়িয়া গান দুটি বেশ সুকৌশলে রচিত ।

মানসীলা হইতে,—

১। বারোয়া—পোস্তা ।

কোথার ছিলেহে নিশীথে, এলে সুপ্রভাতে সু-প্রভাতে ।  
 আধ আধ কালশশী তোমার বাসিহাসি শ্রীমুখেতে ॥  
 উদর হলে দিননাথ, উদর হলে দীননাথ,  
 কারে করে দীন অনাথ শুভ আগমন,—  
 একেলে একাশ হলে, একে সে একাশ পেলেন  
 তোমার সাথে কুটিলে কুটিল বলে,  
 বলে হে অতি দুঃখেতে ॥

গানটির স্বভাব সুন্দর রচনাকৌশল । ইহার “আধ আধ কালশশী তোমার বাসিহাসি শ্রীমুখেতে” চরণটির কথার ভাবের তুলনা নাই । এত অল্প কথায় এরূপ স্পষ্টভাব ফুটাইতে যে সে কবি পারেন না । কবি কাশীপ্রসাদ ঘোষ এই গানটী শুনিয়া ঠাকুরদাসকে শতমুখে প্রশংসা করিয়াছিলেন । তিনি বলিয়াছিলেন তোমার “বাসিহাসির” মূল্য নাই, উহা কোন দিন “বাসি” হইবে না ।

২। মূলতান—আড়াঠেকা ।

( আজি ) মান-রাহ রাই-চাঁদে আস করেছে ।  
 এ স্থিতির অস্থিতি সখি মুক্তির কি আর মুক্তি আছে ॥  
 এ গ্রহণে হয় অনুমান দণ্ডের নাহি পরিমাণ  
 জীবনদণ্ড হয় বা বিধান লক্ষণে জ্ঞান হতেছে ।  
 যত দিন এ দেহ হবে রাহ তত দিন  
 যতই উভয়ের হওগা মুকটিন  
 উভয়ে মিলিত দেহ এতদে হওয়া সন্দেহ  
 যদি পারেন নীলদেহ তবে প্যারী প্রাণে বাঁচে ॥

সেকালে রূপক ও অনুপ্রাসের বড়ই আদর ছিল, এই গানটীতে রূপকের এবং কবির অন্ত্যস্ত গানে অনুপ্রাসের ক্ষমতার যথেষ্ট কৃতিত্ব প্রকাশ পাইয়াছে ।

‘এবচরিত্র’ হইতে,—

বিষিট মল্লার—যৎ বা পোস্তা ।

ধন দিলে কি এসেছ মন ছলতে ।  
 সামান্য ধন দিলে বল পরম ধনে তুলতে ॥  
 জামরূপ বিক্রম বঁকা করবে রয়েছে ঠাঁক  
 অল দিলে সাধকের লেখা পারবে নাহে তুলতে ।  
 সে ধনে ভক্তি কপাটে যতদে রেখেছি এঁটে  
 ( আজি ) ও কপাটে সে কপাটে পারবে নাহে তুলতে ।



এবের দৃঢ়তা কবি যে ভাবে ফুটাইয়াছেন, তাহা এবের বিষয়ের উপযুক্ত নী হইলেও বড়ই চমৎকার হইয়াছে। গানটির মনোহারিত্ব শতক্ৰমে প্রশংসা করিতে হয়।

‘হরিশ্চন্দ্র’ হইতে,—

ধাওয়াজ—টিমে তেতালা ।

ওহে মহানাজ চিনিবার এক বসন বিদর্শন ।

দেখ সাকার মহে মন, কেনন করে পরস্পরের মনে মনে মিশে মন ।

মধু চিনে মধুকরে, চকোর চিনে সুধাকরে,

যে যায় শিল্প সে চিনে তারে,—

চাকর চিনে যে নীরদরে জীবনে পাবে জীবন ।

কর স্তম্ভ আগমনে, নিশ্চিত জেনেছি মরে

মর্গপীড়ায় বাঁচিব এ দিনে,—

আগে ডাকে ডেকে যে নীরদে হবে বরিষণ ॥

গানটিতে সারল্যের ছবি ও আন্তরিকতাব অতি সুন্দর কুটিয়াছে।

‘পারিজাতহরণ’ হইতে,—

ভৈরব—একতালা ।

ওহে কেশব এ সব কত সব আর ।

অধীন জনেরে কেন করা নমস্কার ॥

হাসীর দাসে দাসত্ব করা এতে কি প্রাণ যায় হে ধরা

জীরের জন্যে হীরের ভরা করা অসীকায় ।

চল হে মান থাকে বাতে, কাজ কি এ ছার পারিজাতে,

মাগাকুলের দাগ চিতে জলবে অনিবার ॥

ইহার শেষ চরণটি গুনিয়াও কালীপ্রসাদ ধাবু বিস্মিত হইয়াছিলেন, এরূপ শব্দবিক্রাস কমতার পরিচায়ক।

কবির প্রত্যেক পালা হইতে একটি গান উদ্ধার করিতে গেলেও পরিষৎ-পত্রিকার ৮।১০ পৃষ্ঠা ভরিয়া যাইবে, সুতরাং আর আমরা তাঁহার কোন পালার গান তুলিব না। এখন তাঁহার অন্যান্য কমতার পরিচায়ক হইতে একটি গান উদ্ধৃত করিতেছি।

কবির একটি বিরহবর্ণন,—

আলেয়া—একতালা ।

• এই লোই লোই লোই লোই বকে পাইলো দুখা ।

এই দুখ পিরি, ক্রমে হল তারি, বার বার সেতো নাহি বেথ ।

বার করে করে হইল শাড়ি, বার করে গড়ে তার এ কাড়ি,

এ ভেবে কত হইল কাড়ি, কারে বল বলি মনের কথা ।

আর কে করিবে এর হৃৎতন, বিদ্যাপিরির দ্যায় হইলে পতন,

সে তো করে গেছে অধস্তানের মতন, কুঞ্জে রাখিলে ধরার মাথা ॥

গানটী সেকালোচিত শ্রীলতাভর্জিত হইলেও বিরহিনীর অবস্থাপরিচায়ক বটে । বর্ণনার ক্রমতা অতি আশ্চর্য্য । রাজা কান্তিচন্দ্র এই গানটী একদিন নিজে গাহিতে গাহিতে বলিয়া-  
ছিলেন, এই গানের রচয়িতাকে একবার এনে দেখাতে পার ।

প্রেমের স্বরূপবর্ণনা,—

মিথাস—শ্লথ কাওয়ালী ।

একরূপ প্রেমধন নয় ।

বহুরূপ বহুজন যে যা রূপ বেছে লয় ॥

পুরুষ-প্রকৃতিপ্রেম শশীর সম উদয়,

যৌবন পূর্ণিমা আরে কলাক্ষয় লোকে কয় ।

কুসুম ফুটিলে যেমন বাসি হলে বাস ক্ষয়

নিশীথে সৌরভ যত প্রভাতেতে তত নয় ॥

জোয়ার ভাঁটার বারি কোনখানে স্থিতি রয়,

( ওলো ) ঠিকে প্রেমের মুখে আগুন কিছু সুখ দুখময় ॥

আর এক প্রেমতে দেখ শঙ্কর সন্ন্যাসী হয়

সুখ ত্যজে শুকদেব গৃহবাসী কভু নয় ॥

ক্রব ক্রবজ্ঞানে এক প্রেমে হয়ে মত্ত,

চরমেরি ধন পেলে পরম পদার্থ,

সে রূপ প্রেমতে মন মজে যার যথার্থ

আপদ কি তার ঘটে ত্রিলোকে সুখ্যাতি রয় ॥

একটা আগমনী গীত,—

মূলতান—একতালী ।

গিরি কারে আনিলে ।

এনে কার তনয়া প্রবোধিলে ॥

অপরূপ রূপ এবে দশভূজা, কুসুম চন্দন পায়ে, কে করেছে পূজা,

শুনহে পাবাণ হয়ে হতজ্ঞান সকলি ভুলিলে ।

নারায়ণী বাণী দাঁড়ারে ছপাশে, দশভূজে পাশ শোভা পায়

বলে গেলে হে গিরি যা, আনিগে গিরিজা, সে মেয়ে রেখে এলে কোথায়,—

রবি শশী আসি উদয় পদে পদে, উভয় পদে উভয়ে আছে অবিবানে

দাসের আশর আসা হয় সায় ও পদ পাইলে ॥

আর গান তুলিব না । গানের পরিচয় যথেষ্ট হইয়াছে । কেবল একটা রসিকতাসূচক গান উদ্ধৃত করিতেছি,—

মাধবগিরি ( তারকেশ্বর মোহান্ত ) জেলে গেলে বাজারে একটা গান উঠিয়াছিল ;—

“মোহন্তের তেল নিবি যদি আর ।

এ তেল এক কোঁটা দিলে টাক ধরে না চুজে

কাণায় চোখে দেখতে পায় ॥”

কবি ঠাকুরদাস এই মোহাড়ার পর অন্তরা গাঁথিয়া দেন —

“বিলাতী ঘনি নুতন আশদানী  
শিবের ঝাঁড় জুড়েছে তেলে ভোলে কামিনী  
হয়েছে ল্যাজে-গোবরে বৃষ কখন কি দায় ঘটায় ॥”

গান এই পর্য্যন্ত । এখন কবি সম্বন্ধে করটি ক্ষুদ্র গল্প বলিয়া আমরা প্রবন্ধের উপসংহার করিব ।

কোন বিখ্যাত লোকের মুখে শুনা গিয়াছে,—সুপ্রসিদ্ধ পাঁচালিকার রসিকচন্দ্র রায় একবার যাত্রাওয়ালা লোকনাথের সহিত দেখা করিয়া বলেন,—“লোকনাথ সেই দুর্গচরণের আমল হইতে তুমি দত্তজার ঐ তিন পালাই গাহিতেছ, আর উহাতে রস আছে কি? অনেকেই উহা শুনিয়াছে। আমার ইচ্ছা, তুমি আমার একটা পাল গান কর। লোকনাথ শুনিয়া বলিলেন, “রায় মহাশয় যাহা আজ্ঞা করেছেন, তাহা যথার্থ, পাল তিনটা বড় পুরাতন হইয়াছে, কিন্তু সুরগুলার জন্ত ছাড়িতে মায়া হয়। এখন আর গুরুপ ললিতপদবিশিষ্ট গান বাঁধিবার লোক দেখি না। আমি একটা সুর দিতেছি, আপনি সেই সুরে আমার একটা গান শুনাইয়া দিন।” শুনা যায়, এক ঘণ্টা চেষ্টা করিয়াও নাকি রসিকবাবু সেই সুরে খাপাইয়া গান বাঁধিতে পারেন নাই। তখন লোকনাথ বলিলেন, “রায় মহাশয় মাপ করিবেন, আমি এই সুরের জন্তই গাই, লোকে এই সুরের জন্তই শুনে, নতুবা কথাগুলো তাঁহারও কিছু মন্দ নাই বা আপনার আরও ভাল হইতে পারে; তাতে বড় আসে যায় না” \* ।

কবির রচনাশক্তি সম্বন্ধে অনেক গল্প প্রচলিত আছে। বাহ্যিক ভয়ে ক্লান্ত হইলাম।

শ্রীব্যোমচক্ৰ মুস্তফী ।

\* কবির বংশধর ও তাঁহার পাঁচালির দলের জনৈক লোকের নিকট ইহা শুনিয়াছিলাম।



# সাহিত্য-পরিষৎ-পত্রিকা ।

## বাঙ্গালার আদি রসায়নগ্রন্থ ।

কিছুদিন হইল, পরমশ্রদ্ধাভাজন শ্রীযুত রবীন্দ্রনাথ ঠাকুর মহাশয় তত্ত্ববোধিনী সভার পুস্তকালয় হইতে একখানি রসায়ন গ্রন্থ আমাকে দেখিতে দিয়াছিলেন । গ্রন্থখানির সহিত বাঙ্গালার বৈজ্ঞানিক সাহিত্যের যথেষ্ট সম্বন্ধ আছে দেখিয়া উহার কিঞ্চিৎ বিবরণ লিপিবদ্ধ করিয়া পত্রিকায় প্রকাশ কর্তব্য বোধ করিলাম ।

বাঙ্গালা-ভাষা ও বাঙ্গালা-সাহিত্য ইংরাজ মিশনারিদের নিকট নানাকারে ধনী । বর্তমান যুগে বাঙ্গালা সাহিত্যের অভ্যুদয়ের আরম্ভে প্রায় সর্বত্রই মিশনারিদের হাত দেখা যায় । বাঙ্গালা সাহিত্যের ইতিহাসে এ কথা সর্বজনবিদিত । সেকালের মিশনারিরা স্বদেশীয় উদ্দেশ্যে দেশীয়জনগণের সহিত আত্যন্তিকভাবে মিশিতে চাইতেন । একালের মিশনারিরা আর দেশীয়দের সহিত মিশিতে চাহেন না । ইহাতে আমাদের বিশেষ ক্ষতি নাই এবং তজ্জন্ম আমাদের মাথাব্যথারও প্রয়োজন নাই ।

উপস্থিত গ্রন্থ মার্শমান প্রভৃতি মিসনারিদের প্রকল্পেই প্রচারিত । গ্রন্থের নাম Principles of Chemistry by John Mack of Serampur College—কিমিয়া বিদ্যার সার, শ্রীযুত জন মাক সাহেব কর্তৃক রচিত ও গোড়ীয় ভাষায় অনুবাদিত । গ্রন্থ শ্রীরামপুর ধর্ম্মে ১৮৩৪ অব্দে মুদ্রিত । বর্তমান পুস্তক ঐ গ্রন্থের প্রথম খণ্ড মাত্র । দ্বিতীয় খণ্ড মুদ্রিত ও প্রচারিত হইয়াছিল কি না জানি না । সম্ভবতঃ লঙ্ সাহেবের বাঙ্গালা পুস্তকের তালিকার মধ্যে এ বিষয়ের সংবাদ পাওয়া যাইতে পারে ।\*

\* লঙ্ সাহেবের বাঙ্গালা পুস্তকের তালিকার অনুবাদ পরিষৎ-পত্রিকায় ক্রমশঃ প্রকাশিত হইতেছিল । কিছু দিন হইতে উহার প্রচারিত হইয়াছে । আশা করি, পত্রিকা-সম্পাদক মহাশয় ইহার পুনঃ প্রচারে মনোযোগী হইবেন । উক্ত তালিকা আজকাল দুর্লভ গ্রন্থ । বঙ্কমুর জাতি, শ্রীযুক্ত রাজনারায়ণ বসু মহাশয় উহার সংগৃহীত একখণ্ড গ্রন্থ সাহিত্য-পরিষৎকে প্রদান করিয়াছিলেন ও তাহা অদ্যাপি পরিষদের পুস্তকাগারে রক্ষিত আছে ।



ডিমাই বার পেজী আকারে গ্রন্থের পৃষ্ঠসংখ্যা ১৯—১৬৯, প্রথম উনিশ পৃষ্ঠায় ভূমিকা ও সূচী আছে । ভূমিকা ইংরাজীতে লিখিত । সূচী ইংরাজী ও বাঙ্গালা উভয় ভাষায় লিখিত । গ্রন্থের দুই ভাগ । প্রত্যেক ভাগ অধ্যায়ে ও প্রত্যেক অধ্যায় প্রকরণে বিভক্ত । প্রথম ভাগে ‘কিমিয়া-প্রভাব’ chemical forces, যথা “আকর্ষণ”, “তাপক”, “আলোক”, “বিদ্যুতীয়-সাধন”, বিভিন্ন অধ্যায়ের বর্ণনীয় বিষয় । দ্বিতীয় অধ্যায়ের বর্ণনীয় বিষয়—“কিমিয়া-বস্তু”—Chemical substances ; তন্মধ্যে দুই অধ্যায়ে “বিদ্যুৎ-সম্পর্কীয় অভাবরূপ বস্তু” ( electro-negative substances ), “ধাতুভিন্ন বিদ্যুৎসম্পর্কীয় স্বভাবরূপ বস্তু” ( unmetallic electro-positive substances ) বর্ণিত হইয়াছে । গ্রন্থকার ধাতু ব্যতীত অগ্র সমুদয় মূল পদার্থকে অর্থাৎ non-metal দিগকে এই দুই শ্রেণীতে বিভক্ত করিয়াছে । বলা বাহুল্য, এই শ্রেণী-বিভাগ আধুনিক রসায়ন-শাস্ত্রের অনুমোদিত নহে । প্রথম শ্রেণী বা electro-negative শ্রেণী মধ্যে Oxygen, Chlorine, Bromine, Iodine, Fluorine স্থান পাইয়াছে । দ্বিতীয় বা electro-positive শ্রেণী মধ্যে Hydrogen, Nitrogen, Sulphur, Phosphorus, Carbon, Boron, Selenium স্থান পাইয়াছে । গ্রন্থের দ্বিতীয় ভাগে ধাতু সকলের ও জৈব পদার্থের—“সেদ্রিয় সম্পর্কীয় বস্তু” সকলের—বিবরণ থাকিবে, গ্রন্থ মধ্যে এইরূপ আভাস আছে । গ্রন্থশেষে “ক্রোড়পত্র” ( Appendix ) মধ্যে চিত্রসম্বলিত বাষ্পীয় এঞ্জিনের ব্যাখ্যা আছে ।

গ্রন্থ রচনার উদ্দেশ্য সম্বন্ধে ভূমিকা মধ্যে নিম্নোক্তরূপ কথা আছে,—“Mr. Marshman having proposed some years ago, to publish an original series of elementary works on history and science, for the use of youth in India, I count it a privilege to be associated with him in the undertaking and cheerfully promised to furnish such parts of the series as were more intimately connected with my own studies. Other engagements have retarded the execution of our project, much against our will. He has therefore been able to do no more than bring out the first part of his Brief Survey of History ; and now, at length, I am permitted to add to it, this first volume of the Principles of Chemistry.”

গ্রন্থকার শ্রীরামপুরকলেজে বিজ্ঞানশাস্ত্রের অধ্যাপনা করিতেন । শ্রীরামপুর কলেজে তৎকালে বৈজ্ঞানিক যন্ত্রাদি সহকারে শিক্ষাদান ঘটিত । স্কটলওনিবাসী জেম্‌স্ ডগ্‌লাস্ যন্ত্রাদি ক্রয়োদ্দেশে পাঁচশত পাউণ্ড দান করিয়াছিলেন, তজ্জগৎ গ্রন্থকার কৃতজ্ঞতা প্রকাশ করিয়াছেন । জ্যোতিষ, বলবিজ্ঞান প্রভৃতি শাস্ত্রে বাঙ্গালা গ্রন্থপ্রচার গ্রন্থকারের অভিপ্রেত ছিল । এই অভিপ্রায় কতদূর সফল হইয়াছিল জানি না । বোধ করি, উল্লিখিত লণ্ড সাহেবের তালিকায় এই বিষয়েরও মীমাংসা হইতে পারে । শ্রীরামপুরে ছাত্রগণের নিকট ও কলিকাতায় গ্রন্থকার রসায়ন সম্বন্ধে যে ‘লেকচার’ দিতেন, তাহাই অবলম্বনে বর্তমান গ্রন্থ প্রণীত হইয়াছে ।

রসায়ন শাস্ত্রে বাঙ্গালা ভাষায় এই আদি গ্রন্থ । গ্রন্থকার বলিতেছেন, “Be it understood, the native youth of India are those for whom we chiefly labour ; and

their own tongue is the great instrument by which we hope to enlighten them." গ্রন্থকার এক জায়গায় স্পষ্ট বলিয়াছেন, তিনি বাঙ্গালা ভাষায় শিক্ষা দিতেন। আমাদের বিশ্ববিদ্যালয় স্থির করিয়াছেন, বাঙ্গালা ভাষায় বিজ্ঞানশিক্ষা—এমন কি—কোন শিক্ষাই চলিতে পারে না। বাঙ্গালা দেশে জনসাধারণের মধ্যে বিজ্ঞানপ্রচারের জন্ত যিনি সর্বপ্রধান উত্তোগী বলিয়া প্রতিষ্ঠা লাভ করিয়াছেন, তিনি বিশ্ববিদ্যালয়ের সমবেত সদস্যবৃন্দের অধিবেশনে সভাপতির আসন হইতে সেদিন বলিয়াছেন, বাঙ্গালা ভাষা আমাদের মাতৃভাষার স্থানীয়; কিন্তু জননী বহুদিন হইতে রুগ্না; তাঁহার ~~স্বাস্থ্য~~ এখন বিষবৎ পরিহার্য। রুগ্নার অস্ত্রচিকিৎসা আবশ্যিক, কিংবা রুগ্নাকে একবারে যমমন্দিরের পথ প্রদর্শন চিকিৎসকের কর্তব্য, তাহা চিকিৎসকশ্রেষ্ঠ সভাপতি মহোদয় স্থির করিয়া বলেন নাই।

এই গ্রন্থখানির অধ্যয়নে প্রচুর আমোদ পাওয়া যায়। চৌষটি বৎসর পূর্বে বিজ্ঞানের বাল্যকাল ছিল। বিজ্ঞানের শৈশবাবস্থার একটা ক্ষুদ্র চিত্র বাঙ্গালা ভাষার সাহায্যে অঙ্কিত দেখিতে পাই। তখন যাহা অজ্ঞাত ছিল, তাহা এখন জ্ঞাত; তখন যাহা অস্পষ্ট ছিল, এখন তাহা স্পষ্ট। তাপ তখনও দ্রব পদার্থ মধ্যে গণ্য হইত; আলোক দ্রুতগামী ক্ষুদ্র কণিকার বর্ষণ হইতে উৎপন্ন, এ বিঘাস এখনও সম্পূর্ণ যাব নাই; তাড়িতের অধিকাংশ ধর্মই অজ্ঞাত ছিল। তাড়িতের সহিত রাসায়নিক আকর্ষণের কি একটা রহস্যময় সম্বন্ধ আছে, ইহা ক্রমেই প্রকাশ পাইতেছিল। রসায়নশাস্ত্রের দ্বৈতবাদ তখন আসনে প্রতিষ্ঠিত হইয়া আছে, ডাল্টনের পরমাণুবাদ আঁধারে আলোক আনিতে গিয়া আঁধারকে আরও ঘনাইয়া তুলিতেছিল। অধিকাংশই মূল পদার্থের পারমাণবিক গুরুত্ব তখনও নির্ণীত হয় নাই। নাইত্রজেনের এক পরমাণুর সহিত অক্সিজেনের পাঁচ পরমাণু যোগে নাইট্রিক এসিড জন্মে। এইরূপ বিবিধ তত্ত্ব তখন রসায়নজ্ঞ কর্তৃক প্রচারিত হইতেছিল। এখন সে সমস্ত মত উল্টাইয়া গিয়াছে। রসায়নশাস্ত্র নানা রহস্যের উদ্ঘাটন করিয়া, নানা তথ্যের আবিষ্কার করিয়া এখন মহাবিজ্ঞানে পরিণত হইয়াছে। কিন্তু হায়, বাঙ্গালা ভাষায় বৈজ্ঞানিক সাহিত্য এখনও অপূর্ণ ও জীর্ণ। বর্তমান গ্রন্থে বাঙ্গালায় রসায়ন শাস্ত্রের যে অবস্থা দেখিতে পাই, তাহা অপেক্ষা বড় অধিক উন্নতির চিহ্ন অত্যাধিক দেখিতে পাই না।

গ্রন্থের ভাষা সত্তর বৎসরের পূর্বতন বাঙ্গালা; গ্রন্থের বিষয় বিজ্ঞান; গ্রন্থকার ইংরাজ। সুতরাং গ্রন্থের ভাষায় যে বৈশিষ্ট্য আছে, তাহাই প্রচুর আমোদের সঞ্চারণ করে। বাঙ্গালা ভাষা আজকাল সমৃদ্ধি ও পূর্ণতা লাভ করিয়াছে; কিন্তু তথাপি বিজ্ঞানের তাৎপর্য প্রচারে সাহসী হয় না। এখনও বৈজ্ঞানিক বাঙ্গালা ভাষা সাধারণের বোধগম্য হয় না। যাহারা বাঙ্গালায় বৈজ্ঞানিক গ্রন্থ লিখিতে চেষ্টা করেন, তাঁহারা এই বিষয়ে বাঙ্গালা ভাষার দৈন্য বুঝিতে পারেন। এখনও এই অবস্থা!—সত্তর বৎসর পূর্বে একজন বৈদেশিক কিরূপে সাহস অবলম্বন করিয়া, এই দীন হীন ভাষায় বৈজ্ঞানিক তথ্য লিপিবদ্ধ করিতে সাহসী হইয়াছিলেন, তাহা চিন্তনীয় বিষয়। তাহাতে শিথিলার কথা আছে। বৈদেশিকের যে

সাহস ছিল, আগাদের সে সাহস আছে কি ? থাকিলে বৈজ্ঞানিক সাহিত্যের একরূপ অবস্থা হইত না ?

ভাষার নমুনা স্বরূপ দুই এক স্থান হইতে উদ্ধৃত করিয়া দিলাম ।

“কিমিয়া বিজ্ঞা দ্বারা এই এই শিক্ষা হয়, বিশেষতঃ নানাবিধ বস্তুজ্ঞান এবং সেই নানাবিধ বস্তু, যে যে ব্যবস্থানুসারে পরস্পর সংযুক্ত ও লীন হইলে ঐ বস্তু হইতে নানাবিধ পদার্থ উৎপন্ন হয় তাহা ।” ৩ পৃঃ ।

। “কিমিয়া প্রভাব চারিপ্রকার । ১ আকর্ষণ । ২ তাপক । ৩ আলোক । ৪ বিদ্যুতীয় সাধন । অনুমান হয় যে অপর একপ্রকার চুম্বকীয় গুণ ।” ৫পৃঃ ।

“দ্রব হওনকালে কতক তাপক দ্রব বস্তু মধ্যে লীন হয়, কিন্তু তদ্বারা দ্রব বস্তুর তাপের কিছু বৃদ্ধি হয় না এবং সেই দ্রব বস্তু পুনর্বার কঠিন হইলে তাপক বোধ হয় । এই এক মহার্ঘ কথা বিষয়ে পশ্চাৎ স্পষ্টরূপে লেখা যাইবেক ।” পৃঃ ৩১ ।

“এই সকল বিষয় বিবেচনা করিয়া পরমেশ্বর যে আছেন এবং তাঁহার অসীম পরাক্রম ও বুদ্ধি ও ভদ্রতাতে লোক সকলকে দৃষ্টি ও রক্ষা করিতেছেন ঐ সকল প্রমাণেতে তাঁহাকে স্তুতি-বাদ কে না করিবে ।” ৪১ পৃঃ ।

“আলোকের চলন ও কার্যদ্বারা অনেকে বোধ করে যে সে একপ্রকার বস্তু । কিন্তু কোন কোন ব্যক্তি অনুমান করেন যে, সে বস্তু নহে, কেবল বস্তুর মধ্যগত একপ্রকার বিশেষ সংলাড়ন দ্বারা উৎপন্ন ।” ৫০.পৃঃ ।

“আলোকের চলন শীঘ্র বটে তথাপি মাপিত হইতে পারিবে । অপর আলোক চলত বাধিত কিম্বা অন্য দিগে পরাবর্তিত হইতে পারিবেক ।” ৫০ পৃঃ ।

“সামান্য আকাশের মধ্যস্থ অন্ধিজানের দ্বারা তাবৎ জীব জন্তুর প্রাণ রক্ষা হয় এবং তাহাতে মনুষ্যের ব্যবহারকর্মনিমিত্তক তাবৎ অগ্নি জাজ্বল্যমান হয়, অতএব আগাদের ভদ্রদ সৃষ্টিকর্তা ঈশ্বরের হিতজনক কার্যের মধ্যে সামান্য আকাশকে বিশেষরূপে গণনা করিতে হয় ।” ১১১ পৃঃ ।

“সোদিয়মের খোরিণ অর্থাৎ সামান্য লবণের ৮ ওন্স আর গুড়াকৃত মাদানদের কালা অন্ধিদের ৩ ওন্স হামামদিস্তাতে গুঁড়া করিয়া, তাহা রিটোটের মধ্যে রাখিয়া ও জলের ৪ ওন্সে মিশ্রিত গান্ধিকিকানের ৪ ওন্স ঠাণ্ডা হইলে তাহার উপর ঢালিয়া, সে সকল অল্পে অল্পে উত্তপ্ত কর তাহাতে খোরিণ আকাশ নির্গত হইবে ।” ৭২ পৃঃ ।

এই যথেষ্ট । আধুনিক কালে লিখিত কোন কোন পুস্তকের ভাষার সহিত মিলাইলে এই ভাষাকে বড় বেশী ছুর্কোথ মনে হইবে না ।

রসায়ন খণ্ডের পারিভাষিক শব্দ সকলনে আধুনিক গ্রন্থকারদের যে সমস্ত উপস্থিত হয়, ম্যাক সাহেবেরও তাহা উপস্থিত হইয়াছিল । গ্রন্থকার লিখিতেছেন—“In composing this volume, my primary object has been to introduce chemistry into the range of Bengalee literature, and domesticate its terms and ideas in this language. The attempt will be generally acknowledged to have been attended with no

small difficulties \* \* \* \* The names of chemical substances are, in the great majority of instances, perfectly new to the Bengalee language ; as they were but few year ago to all languages. The chief difficulty was to determine, whether the European nomenclature should be merely put into Bengalee letters, or the European terms be entirely translated by Sungskrit, as bearing much the same relation to Bengalee as the Greek and Latin do to the English \* \* \* I have preferred, therefore, expressing the European terms in Bengalee characters, merely changing the prefixes and terminology, so as decently to incorporate the new words into the language." •

কটক কালেজের অধ্যাপক শ্রীযুক্ত যোগেশচন্দ্র রায় প্রণীত "সরল রসায়ন" ব্লোক করি বাঙ্গালা ভাষায় লিখিত রসায়ন সম্বন্ধীয় শেষ গ্রন্থ। ইহার মুদ্রণের তারিখ ১৮৯৮। এই গ্রন্থেও ম্যাক্ সাহেবেরই প্রবর্তিত প্রণালী অবলম্বিত হইয়াছে। এতৎসম্বন্ধে যোগেশ বাবুর মত, মৎ-প্রণীত রাসায়নিক পারিভাষার সমালোচনা উপলক্ষে সাহিত্যপরিষৎ পত্রিকায় ইতঃপূর্বে প্রকাশিত হইয়াছে। আমি কিন্তু অত্য়াপি আমার মত পরিবর্তন করিতে পারি নাই।

ইংরাজি পারিভাষিক শব্দগুলিকে অক্ষরান্তরিত করিয়া লওয়া উচিত, কি তাহাদের অনুবাদ আবশ্যিক, এই কথা লইয়া তর্ক। রসায়নশাস্ত্রে যে হাজার হাজার পারিভাষিক নাম প্রচলিত আছে, তাহার অনুবাদের চেষ্টা বৃথা শ্রম মাত্র। এ বিষয়ে কাহারও দ্বিধা হইবার সম্ভাবনা নাই। তবে কতকগুলি মূল ও যৌগিক পদার্থ আমাদের জীবনযাত্রায় ও সাংসারিক কার্যে সচরাচর ব্যবহৃত হইয়া থাকে ; আমি সেই পদার্থ গুলির নামের অনুবাদের পক্ষপাতী। অর্থাৎ স্থূলতঃ, যে সকল পদার্থ পৃথিবী মধ্যে তেমন বিরল নহে, প্রচুর পরিমাণে যেখানে সেখানে পাওয়া যায়, তাহাদের নামের অনুবাদ করিয়া, তন্নিম্ন সর্বত্র অক্ষরান্তরিত করিয়া লইলেই চলিবে। আর অক্ষরান্তরিত করিবার সময়ে বাঙ্গালীর বাগ্যন্ত্রের উচ্চারণশক্তির প্রতি দৃষ্টি রাখিয়া শব্দ গুলিকে একটু কাটিয়া ছাঁটিয়া মোলায়েম করিয়া লইতে হইবে। যোগেশ বাবু কোন স্থানেই অনুবাদে রাজী নহেন ; অক্ষরান্তরিত করিবার সময়ে অধিক কাটা ছাঁটারও পক্ষপাতী নহেন। অন্ততঃ তাহার রসায়নগ্রন্থ দেখিলে সেইরূপই বোধ হয়।

বিজ্ঞানশাস্ত্র মাত্রেরই দুইটা অঙ্গ আছে। একটা অঙ্গ পাণ্ডিত্যের জ্ঞান অর্থাৎ খাঁটী বৈজ্ঞানিকের জ্ঞান, সে অংশে ইতর সাধারণের প্রবেশাধিকার নাই ; অন্যধিকারীর পক্ষে সেখানে প্রবেশ করিতে যাওয়া ধুষ্টতা। বিজ্ঞানের অপর অঙ্গ সাধারণের জ্ঞান। কতকটা বৈজ্ঞানিক জ্ঞান না থাকিলে সাধারণের জীবনযাত্রাই আজকাল অচল হইয়া পড়ে। পদার্থবিদ্যা, রসায়ন, জ্যোতিষ, জীববিদ্যা, ভূবিদ্যা সকল শাস্ত্রেরই মধ্যে খানিকটা অংশ আছে, যাহা সকলের পক্ষেই অবশ্য জ্ঞাতব্য ; সেটুকু না জানিলে কেবল যে মূর্খ বলিয়া সমাজে পরিচিত হইতে হইবে তাহা নহে, সে টুকুর জ্ঞান জীবনধারণ, জীবনরক্ষা ও সংসারযাত্রার জ্ঞানই নিতান্ত আবশ্যিক হইয়া পড়িয়াছে। সাধারণ লোককে বিজ্ঞানের এই ভাগের সহিত পরিচিত করা লোকশিক্ষার একটা প্রধান উদ্দেশ্য। সাধারণের সহিত বিজ্ঞানের এই ভাগের পরিচয় ঘটাইতে হইলে বিজ্ঞানের



ভাষাকেও সাধারণের বোধগম্য করিতে হইবে। উৎকট পারিভাষিক-শব্দ-ভীষণ ভাষা পণ্ডিতদের জন্ত। সাধারণকে বিজ্ঞান শিখাইতে হইলে পারিভাষিকত্ব যথাসাধ্য বর্জন করিয়া, ভাষাকেও সুশ্রাব্য ও মোলায়েম না করিলে চলিবে না। তথাপি বিজ্ঞান যখন বিজ্ঞান উহার পারিভাষিকত্ব কতকটা থাকিবেই। সেই পারিভাষিকত্ব যদি আবার শ্রুতিকঠোর দুর্লভচার্য্য বৈদেশিক ভাষার আশ্রয় করিয়া থাকে, তবে সাধারণের পক্ষে বিজ্ঞানশিক্ষার কোন আশাই থাকিবে না। প্রায় আশী বৎসর হইল, বাঙ্গালা ভাষায় প্রথম রসায়ন গ্রন্থ প্রকাশিত হইয়াছে; কিন্তু আজিও বাঙ্গালীর নিকট রসায়নশাস্ত্র একবারে অপরিচিত; তাহার অগ্রতম প্রধান কারণ এই যে, ঐ ভাষায় রসায়নের গ্রন্থ লিখিত হয়, তাহা বাঙ্গালীর ভাষা নহে; কোনকালে তাহা বাঙ্গালীর ভাষা হইবে না। যাহারা আশা করিয়া নিশ্চিন্ত আছেন যে, বাঙ্গালী জনসাধারণ এককালে ইংরাজিতে পণ্ডিত হইয়া উঠিবে, তখন আর বাঙ্গালা ভাষায় কোন বৈজ্ঞানিক সাহিত্য প্রণয়নের আবশ্যতা থাকিবে না, তাঁহাদের কথা স্বতন্ত্র। আমার সে আশা নাই। বাঙ্গালার জনসাধারণ মৃতভাষা ত্যাগ করিয়া ইংরাজী ধরুক, সে আকাঙ্ক্ষাও আমার নাই। বর্তমান বিশ্ববিদ্যালয়গুলিতে ইংরাজির স্থান বাঙ্গালা গ্রহণ করিবে, বাঙ্গালী বৈদেশিক ভাষার সাহায্যে শাস্ত্রাধ্যয়নে ঘৃণা বোধ করিবে, আমি সেই দিনের আশা করি ও আকাঙ্ক্ষা রাখি। এই হতভাগ্য দেশে সে শুভদিন শীঘ্র আসিবে না, হয়ত কখনই আসিবে না; কিন্তু বাঙ্গালীর চেষ্টার অভাবে বা উৎসাহের অভাবে যদি সেদিন না আসে, তবে বাঙ্গালীর শ্রায় অধম জীব সংসার হইতে লুপ্ত হউক।

যোগেশ বাবু তাঁহার গ্রন্থের ভূমিকায় লিখিয়াছেন, “যিনি কেবল সংস্কৃত ভাষাকেই বাঙ্গালা ভাষা করিতে চান, তিনি অজ্ঞাতসারে বাঙ্গালা ভাষাকে মৃতভাষায় পরিণত করিতে ইচ্ছা করেন।” যেখানে সংস্কৃতমূলক শব্দ পাওয়া গেল না, সেখানে স্লেচ্ছভাষায় শব্দ গ্রহণ কর; আপত্তি নাই। কিন্তু যদি একটু চেষ্টা করিলে সংস্কৃতমূলক শব্দ পাওয়া যায়, তাহা না করিয়া একবারে স্লেচ্ছ ভাষার আশ্রয় লইলেই জীবনী শক্তিটা একবারে বাড়িয়া উঠিবে কিরূপে, বুঝিলাম না। উলঙ্গ হইয়া থাকা অপেক্ষা ছাট কোট পরা ভাল; কিন্তু ধুতি চাদর বর্তমান থাকিতে যে ছাট কোট পরে, তাহার মনুষ্যত্বটা অনেকটা কপিছের কাছাকাছি। এই সোজা কথা আমাদের মনে রাখা উচিত। পুনশ্চ যোগেশ বাবু বলেন, “অস্বিজেন, হাইড্রোজেন প্রভৃতি নামগুলিকে কি কারণে অস্বজান, উদজান প্রভৃতি নাম পরিবর্তিত করিতে হইবে, তাহা আমার সামান্য বুদ্ধিতে উপলব্ধ হইতেছে না।” পরিবর্তনের যথেষ্ট কারণ আছে। প্রাচীন হিন্দুগণ গ্রাকগণের নিকট রাশিচক্রের বিষয় লিখিয়াছিলেন। দ্বাদশ রাশির নামের জন্ত ক্রিয়, তাবুরি প্রভৃতি একসেট যাবনিক শব্দ গৃহীত হইয়াছিল; কিন্তু সে নামগুলি চলে নাই; মেঘ, বৃষ প্রভৃতি সংস্কৃতমূলক নামই চলিয়া গিয়াছে। প্রত্যেক ভাষারই একটা বৈশিষ্ট্য আছে, ইংরাজিতে যাহাকে বলে genius. কোন শব্দ সেই বৈশিষ্ট্যসম্পন্ন না হইলে ভাষার মধ্যে মিশে না ও স্থান পায় না। এই সঙ্গতির অর্থ ইংরাজেরা সিপাহী শব্দকে ‘সেপাই’ করিয়া লইয়া-



ছেন; আমরা স্কুলকে ইস্কুল ও টেবুলকে টেবিল করিয়া লইয়াছি। এইরূপ কাটা ছাঁটা না করিলে ভাষার বৈশিষ্ট্য রক্ষা হয় না; বৈদেশিক শব্দ বৈদেশিকই থাকিয়া যায়; স্বদেশিকের সহিত মিলিতে পারে না। শ্রীযুক্ত ডাক্তার প্রফুল্লচন্দ্র রায় রাসায়নিক গবেষণা দ্বারা বঙ্গমাতার মুখ উজ্জ্বল করিয়াছেন। তাঁহাকে পারিভাষিক বাঙ্গালা ভাষা সম্বন্ধে মত প্রকাশ করিতে দেখিয়া অত্যন্ত আহ্লাদিত হইলাম। গত কার্তিক মাসের প্রদীপ পত্রে তিনি যে অভিপ্রায় প্রকাশ করিয়াছেন, তাহা সর্বাংশে অনুমোদন করি। ছুঃখের বিষয় তিনি বর্তমান পরিভাষার কএকটি ত্রুটি দেখাইয়াছেন মাত্র; সংশোধনের পথ দেখান নাই।

প্রবন্ধ দীর্ঘ হইয়া পড়িল। ম্যাকু সাহেবের গ্রন্থে ব্যবহৃত পারিভাষিক শব্দগুলি সাহিত্য-পরিষদের পরিভাষাসমিতির ও বৈজ্ঞানিক গ্রন্থ প্রণেতাদের প্রয়োজনে আসিতে পারে। অনেকগুলি শব্দ যথেষ্ট কৌতুক উৎপাদন করিবে, তজ্জন্ত তাহার একখানি তালিকা সংকলিত করিয়া দিলাম।

Chemistry	কিমিয়া বিদ্যা	Mass	রাশি, বস্তু
Optics	দৃষ্টি বিদ্যা	Volume	অবয়ব, রূপ, পরিমর
Heat	তাপক	Solid	কঠিন
Temperature	তাপ	Liquid	দ্রব
Light	আলোক	Gas	আকাশ
Electricity	বিদ্যুতীয় সাধন	Gaseous	আকাশীয়
Magnetism	চুম্বকীয় গুণ	Vapour	বাপ
Element	মূল বস্তু	Common air	সামান্য আকাশ
Compound	সঙ্কর বস্তু	Standard	পরিমাপক
Combination	লয়	Specific gravity	স্বাভাবিক গুরুত্ব
Combining weight	লয়যোগ্য ভাগ	Solution	গলন
Equivalent	তুল্য ভাগ	Crystal	স্ফটিক
Atom	পরমাণু	Water of crystallisation	স্ফটিক জল
Atomic weight	পরমাণু সম্পর্কীয় ভার	Deliquescent	গলনশীল
Law	ব্যবস্থা	Property	গুণ
Analysis	বাস্তকরণ	Decomposition	বিভাগ
Synthesis	সমস্তকরণ	Density	নিবিড়ত্ব
Force	প্রভাব	Pressure	চাপন
Attraction	আকর্ষণ	Barometer	বারোমিটার
Cohesion	সংলাগাকর্ষণ	Thermo-meter	তেরেমোমিটার
Gravity	গুরুত্বাকর্ষণ	Surface	মুখ

Tetrahedron	ঘনষ্টমুখ	Air-pump	আকাশ বোমা
Experiment	পরীক্ষা	Pure	নির্ভাজ
Saturation	প্রচুরতা	Alloy	কুখাতু
Proportion	ভাগ	Salt	লবণ
Denominator	হারক	Acid	অম্ল
Movement	সংলড়ন	Alkali	ক্ষার
Expansion	বৃদ্ধি	Retort	রিটোর্ট
Melting	দ্রবত্ব	Friction	
Evaporation	বাষ্পীভাব	Reflection	পরাবর্তন
Ignition	অগ্নীভাব	Orange	নারাঙ্গী
Freezing point	জমাট অংশ	Indigo	বাণ্ডনীয়া
Boiling point	ফোটন অংশ	Violet	বিওলা
Contraction	সঙ্কোচন	Solar spectrum	সৌর ব্যস্ত বর্ণ
Melting ice	গলনীয় বরফ	Positive	সভাবরূপ
Freezing water	জমনীয় জল	Negative	অভাবরূপ
Elasticity	স্থিতিস্থাপকীয় শক্তি	Positive pole	সভাবি পার্শ্ব
Combustion	দহন	Negative pole	অভাবি পার্শ্ব
Supporter of combustion	দহনপোষক	Cell	কেটুয়া
Radiation	কিরণত্ব	Sattery	মূর্চ্চা
Source	আকর	Conductor	সঞ্চারক
Sea-level	সমুদ্রজল তুল্য উচ্চস্থান	Non-conductor	অসঞ্চারক
Conductor	তাপসঞ্চারক	Insulated	অলগ্ন
Metal	ধাতু	Electric machine	বিদ্যুতের কল
Equator	রেখাভূমি	Leyden-jar	লেইডেন পাত্র
Pole	কেন্দ্র	Spark	ক্ষু লিঙ্গ
Lens	মৃদঙ্গাকৃতি বস্তু	Ruantity	যত্নিতা
Specific heat	স্বাভাবিক তাপক	Intensity or Tension	তেজ
Heat capacity	তাপকধারণ শক্তি	Dispersion	ভিন্নীকরণ
Latent heat	অব্যক্ত তাপক	Amber	কহরুবা
Sensible heat	ব্যক্ত তাপক	Electrometer	বিদ্যান্মাপক যন্ত্র
Condensation	ঘনসার সম্পাদন	Voltaic pile	বল্‌তার স্তম্ভ
Pump	বোমা	Steam engine	বাষ্পীয় কল

Boiler	হাঁড়ি	Iodious acid	ঐয়োদিকাম
Cylinder	চুল্লি	Chloriodic acid	খোরিয়োদিকাম
Beam	আড়া	Fluorine	ফলুওরিণ
Furnace	অগ্নিকুণ্ড	Hydrogen	হৈদ্রজান
Safety valve	রক্ষক কপাট	„ Deutoxide	দ্বিতীয়াক্সিদ
Tank	কুণ্ড	Muriatic acid	সামুদ্রিকাম
Piston	পালিস	Hydrobromic acid	হৈদ্রব্রোমিকাম
Condenser	জমায়ন পাত্র	Hydroiodic acid	হৈদ্রিয়োদিকাম
Handle	হাতোল	Fluoric acid	ফলুওরিকাম
Lever	তরাজু	Nitrogen	নৈত্রজান
Fulcrum	আল	Nitrous oxide	নৈত্র্যাক্সিদ
Fly wheel	মহাচক্র	Nitric oxide	নৈত্রিকাক্সিদ
Electro-negative substance	বিদ্যৎসম্পর্কীয় অভাবরূপ বস্তু	Nitrous acid	নৈত্রাম
Electro-positive substance	বিদ্যৎসম্পর্কীয় স্বভাবরূপ বস্তু	Nitric acid	নৈত্রিকাম
Organic	সেদ্রিয়	Chloride	খোরিদ
Strong acid	শক্ত অম্ল	Iodide	ঐয়োদিদ
Dilute acid	দুর্বল অম্ল	Ammonia	আম্মোনিয়া
Ash	ভস্ম	Muriate	সামুদ্রায়িত
Volatile	উডীয়মান	Nitrate	নৈত্রায়িত
Neutralise	পরিতৃপ্তকরা	Sulphur	গন্ধক
Bleaching	শুক্ককরণ	Peroxide	প্রৈয়োদিদ
Oxygen	অক্সিজান	Perchloride	প্রখোরিদ
Chlorine	খোরিণ	Hyposulphurus acid	উপগন্ধকাম
„ protoxide of	খোরিণের প্রথমাক্সিদ	Sulphurous acid	গন্ধকাম
„ peroxide of	পরমাক্সিদ	Sulphoric acid	গন্ধকিকাম
Chloric acid	খোরিকাম	Hyposulphuric acid	উপগন্ধকিকাম
Perchloric acid	প্রখোরিকাম	Sulphate	গন্ধকায়িত
Bromine	ব্রোমিণ	Sulphuretted hydrogen	হৈদ্রজানের গন্ধকুরেত
Iodine	ঐয়োদিন	Phosphorus	ফোফোরস
Iodious acid	ঐয়োদাম	Hypophosphorous acid	উপফোফোরাম
		Phosphorous acid	ফোফোরাম

Phosphoric acid	ফোফোরিকাম	Cyanic acid	কিয়ানিকাম
Phosphuretted hydrogen	হৈদ্রজানের ফোস্ফুরেত	Chloro-cyanic acid	খোরোকিয়ানিকাম
Subphosphuretted-hydrogen	হৈদ্রজানের উপফোস্ফুরেত	Hydro-cyanic acid	হৈদ্রকিয়ানিকাম
Carbon	অঙ্গার	Sulphos-cyanic acid	গাঙ্ককিয়ানিকাম
Carbonic oxide	আঙ্গারিক অক্সিদ	Sulphuret of carbon	অঙ্গারের গঙ্ককুরেত
Chloro-carbonic acid	খোরাক্সারাম	Boron	বোরণ
Phosgene gas	ফোশজান আকাশ	Boracic acid	বোরাকিকাম
Carbonic acid	আঙ্গারিকাম	Fluoboric acid	ফলুও বোরিকাম
Carburetted hydrogen	হৈদ্রজানের অঙ্গুরেত	Selenium	সেলেনিয়ম
Bicarburetted hydrogen	হৈদ্রজানের দ্বিটঙ্গুরেত	Potassium	পটাশিয়ম
Coal gas	কয়লার আকাশ	Sodium	সোডিয়ম
		Antimony	রস্মাঙ্গন
		Alcohol	মদসার
		Ether	ইতর

শ্রীরামেন্দ্রসুন্দর ত্রিবেদী ।

## উপসর্গের অর্থবিচার নামক প্রবন্ধের সমালোচনা ।

বঙ্গীয় সাহিত্য-পরিষদের সভাপতি শ্রীযুক্ত বাবু দ্বিজেন্দ্রনাথ ঠাকুর মহাশয় উপসর্গের অর্থ-বিচার অবলম্বন করিয়া পরিষদের দুইটি অধিবেশনে দুইটি সুদীর্ঘ প্রবন্ধ পাঠ করেন। উভয় প্রবন্ধই পরিষৎ-পত্রিকায় মুদ্রিত হইয়াছে। তন্মধ্যে প্রথমটি পত্রিকার ৪র্থ ভাগের চতুর্থ সংখ্যা ও দ্বিতীয়টি ৫ম ভাগের ২য় সংখ্যায় স্থানপ্রাপ্ত হইয়াছে। ঐ দুইটি প্রবন্ধে উপসর্গ সম্বন্ধে অনেক কথা ও প্রসঙ্গতঃ অত্রান্ত অনেক বিষয়ের উল্লেখ আছে। তৎসমস্তই এই সমালোচনার বিষয়। সমালোচনা কার্য বড়ই ছরুহ ও অপ্রীতিকর। বর্তমান ক্ষেত্রে আবার প্রবন্ধকার একজন বিখ্যাত পণ্ডিত ও দার্শনিক, তাঁহার প্রবন্ধের সমালোচনা একজন উপযুক্ত ব্যক্তির হস্তে গুস্ত হইলেই ভাল হইত। যাহা হউক এক্ষণে বিচার্য বিষয়ের গুরুতা ও নিজের বিদ্যাবুদ্ধির অন্নতা স্মরণ করিয়া যথাজ্ঞান সমালোচনায় প্রবৃত্ত হইলামঃ—

প্রবন্ধকার বলেন যে, তিনি উপসর্গের অর্থনিষ্কাশনের জন্ত এক নূতন প্রণালীর অনুসরণ করিয়াছেন, ঐ প্রণালী আর কিছুই নহে, বর্তমান বৈজ্ঞানিক প্রণালী। উহা প্রবন্ধে 'সাংসাধিক ও দার্শনিক' প্রণালী নামে অভিহিত হইয়াছে। যাহারা ইংরাজী জানেন, তাঁহাদিগকে এই বলিলেই চলিবে যে, ঐ প্রণালীদ্বয়কে যথাক্রমে ইংরাজীতে 'Deductive ও Inductive'

সন ১৩০৫।] উপসর্গের অর্থবিচার নামক প্রবন্ধের সমালোচনা।

প্রণালী বলে। আর যাহারা জানেন না, তাহারা এই বলিলেই বুঝিবেন যে, প্রথমটী সাধারণতঃ অনুমানপ্রণালী, যেমন—পর্বত বহুমান, কারণ উহাতে ধূম আছে ও দ্বিতীয়টী ব্যাপ্তি-নিশ্চয়প্রণালী, যেমন—গোষ্ঠ, চক্র, মহানস প্রভৃতিতে বহি ও ধূমের একত্রাবস্থান দর্শন করিয়া যে যে স্থানে ধূম আছে, সেই সেই স্থানেই বহি আছে, এইরূপ সিদ্ধান্তনির্গম। নিজে এই প্রণালী অনুসরণ করিয়াছেন, এই কথা বলায় তাহার পূর্ববর্তী আচার্যেরা ঐ প্রণালী অনুসরণ করেন নাই, এইরূপ অনুমান একপ্রকার স্বাভাবিক। স্বাভাবিক হইলেও উহা নিঃসন্দেহ না হইতে পারে; কিন্তু প্রবন্ধকার স্বয়ংই ঐ সন্দেহের ভঞ্জন করিয়াছেন। আমি তাহার দ্বিতীয় প্রবন্ধ পাঠের দিবস ঐ প্রবন্ধ উপলক্ষ করিয়া পরিষদের অধিবেশনে যে কয়েকটী কথা বলিয়াছিলাম, তাহার প্রতিই লক্ষ্য করিয়া তিনি বলিয়াছিলেন (২য় প্রবন্ধের শেষাংশ দেখুন—পরিষৎ-পত্রিকা ৫ম ভাগ ২য় সংখ্যা ১৩৭ পৃঃ) যে, এদেশীয় পণ্ডিতেরা আগে একটী সিদ্ধান্ত করেন, পরে সিদ্ধান্তিত বিষয়ের উদাহরণগুলিকে যেরূপে হউক সিদ্ধান্তের অনুগত করিতে চেষ্টা করেন; অর্থাৎ প্রথমে ‘পর্যবেক্ষণ, পরীক্ষা, বিচার প্রভৃতি না’ করিয়া একটী সিদ্ধান্ত অর্থাৎ Theory করিয়া বসেন। পরে Facts অর্থাৎ ‘বৃত্তান্ত’ গুলিকে (এইটী তাহার নিজের উদ্ভাবিত শব্দ) গড়িয়া পিটিয়া তাহার সহিত মিশাইয়া দিতে চেষ্টা করেন। এই প্রণালীকে তিনি Scholastic প্রণালী নামে অভিহিত করিয়াছেন ও ঐ প্রণালী যে “কঠোর সত্যের অগ্নিপরীক্ষায় জর্জরিত হইয়া ভস্মরাশিতে পরিণত হইয়াছে” তাহাও বলিয়াছেন। সুতরাং যদি তাহার কথা সত্য হয়, অর্থাৎ যদি এ দেশীয় পণ্ডিতেরা উপসর্গের অর্থ নিষ্কাশন বিষয়ে অবৈজ্ঞানিক পদ্ধতি অবলম্বন করিয়া থাকেন, তাহা হইলে বলিতে হইবে, তাহারা কেবল ভস্মে ঘৃত প্রক্ষেপ করিয়াছেন ও তাহাদের কৃত সিদ্ধান্তগুলি অপসিদ্ধান্ত বলিয়া সকল প্রামাণিক ব্যক্তিকেই পরিত্যাগ করিতে হইবে। আমি তাহার দ্বিতীয় প্রবন্ধের সমালোচনাকালে শাকটায়ন, গার্গা, যাস্ক প্রভৃতি কয়েকটী প্রাচীনতম শব্দাচার্যের মতের উল্লেখ করিয়াছিলাম, সেই নিমিত্তই বোধ হয়, তিনি ঐ সমালোচনার উত্তরে ‘বার মুনির বার Theoryর কোন একটীকে বেদবাক্য বলিয়া গ্রহণ করার অপরাধে আমাকে অপূরাধী করিয়াছেন।’ ইহাতে স্পষ্টই বোধ হইতেছে যে, কেবল এখনকার সংস্কৃতজ্ঞ পণ্ডিতেরা নহে, প্রাচীন শাব্দিকেরাও তাহার মতে বৈজ্ঞানিক প্রণালীতে শব্দশাস্ত্রের আলোচনা করেন নাই; সুতরাং তাহাদের সিদ্ধান্ত সকল অপসিদ্ধান্ত ও প্রামাণিক ব্যক্তি মাত্রেরই হয়। এক্ষণে দেখা যাউক, তাহার নিজের বৈজ্ঞানিক প্রণালীর মূল কত দূর দৃঢ় ও ভারসহ। পাঠকগণ তাহার প্রথম প্রবন্ধের প্রতি দৃষ্টি করিবেন;—

ঐ প্রবন্ধের প্রথমেই বিদ্যালয়ের পণ্ডিত মহাশয়দিগের উপর কটাক্ষ আছে। তাহারা কোন উপসর্গ বিশেষের অর্থ জিজ্ঞাসিত হইলে, সোপসর্গ কোন একটী শব্দ দ্বারা ঐ উপসর্গের অর্থ বুঝাইতে চেষ্টা করেন। অর্থাৎ মনে করুন, ছাত্র জিজ্ঞাসা করিল ‘প্র’ এই উপসর্গের অর্থ কি? তাহারা বলিলেন, ‘প্রকৃষ্টরূপে’, ছাত্র জিজ্ঞাসা করিল ‘বি’ এই উপসর্গের অর্থ কি?



উত্তর, বিশেষরূপে, ছাত্র জিজ্ঞাসা করিল 'সম্' এই উপসর্গের অর্থ কি ? উত্তর, 'সম্যক্রূপে' ইত্যাদি । এইরূপ উত্তর তাঁহার মতে "উত্তরই নহে" কারণ যে 'প্র' 'বি' ও 'সম্' এই সকল উপসর্গের অর্থই জানে না, সে আবার ঐ সকল উপসর্গযুক্ত পদের অর্থ কেমন করিয়া জানিবে ? এক একটা করিয়া গ্রহণ করা যাক। 'প্র' ইহার অর্থ প্রকৃষ্টরূপে, কিন্তু 'প্রকৃষ্টরূপে' কি তাহা জানিতে হইলে 'প্র' ও 'কৃষ্ট' এই দুইটা শব্দের অর্থ জানিতে হইবে, সুতরাং 'প্র'র অর্থই যখন অজ্ঞাত তখন প্রকৃষ্টরূপে বলিলে উহার অর্থ কিরূপে জানা যাইবে ? এইরূপ অত্যাগত স্থলেও বুঝিতে হইবে । এই যুক্তিটা আগাততঃ শুনিলে বেশ বোধ হয় । যুক্তির মূল কথা এই যে, "প্রকৃষ্ট" শব্দের অর্থজ্ঞান 'প্র' ও 'কৃষ্ট' এই দুই শব্দের অর্থজ্ঞান সাপেক্ষ এবং এই মূল কথা (Major Premiss) সত্য হইলে প্রবন্ধকারের সিদ্ধান্ত অর্থাৎ প্রকৃষ্টরূপে বলিলে 'প্র'র অর্থ বলা হইল না, ইহাও সত্য হইবে । কিন্তু এক্ষণে কথা এই যে, ঐ মূল যুক্তিটা সত্য কি ? প্রকৃষ্ট পদার্থ কি তাহা জানিতে হইলে যে, 'প্র' ও 'কৃষ্ট' এই দুই শব্দের অর্থ জানিতেই হইবে, এ কথাই আমাদের মতে সমীচীন নহে । অনেকে 'প্রকৃষ্ট' পদের প্রকৃতি প্রত্যয় কিছুই জানেননা অথচ প্রকৃষ্ট পদের অর্থ কি তাহা জানেন । 'আহার' এই শব্দের ব্যুৎপত্তি কি, তাহা অনেকেই জানেন না, কিন্তু আহার পদার্থ কি তাহা বোধ হয়, সকলেই অবগত আছেন । মূল কথা এই যে, কোন শব্দের অর্থ জানিতে হইলে যে, উহার প্রকৃতি প্রত্যয় ও ঐ সকল প্রকৃতি প্রত্যয়ের অর্থ জানিতেই হইবে, ইহা অপেক্ষা অসার কথা আর কিছুই নাই । 'গো' শব্দে কি বুঝায় সকলেই তাহা জানেন, কিন্তু উহা যে গম্ ধাতুর উত্তর ডো প্রত্যয় যোগে নিষ্পন্ন তাহা কয়জন জানেন ? আর বাঁহারাও জানেন তাঁহাদেরও ঐ জ্ঞাননিবন্ধন অর্থ বুঝিতে সাহায্য না হইয়া বরং বিলম্বই হয় ; কারণ তাঁহাদের মনে স্বতঃই এই প্রশ্নের উদয় হয় যে, 'গো' শব্দে যদি গমনকারী জীব বুঝায় তবে মনুষ্যই বা 'গো' না হইবে কেন ? এই জন্তই প্রাচীন শাব্দিকেরা বলিয়াছেন, 'অগ্ৰচ্চ প্রবৃত্তিনিমিত্তং শব্দানাং অগ্ৰচ্চ ব্যুৎপত্তিনিমিত্তং' অর্থাৎ শব্দের প্রবৃত্তি-নিমিত্ত বা শক্যতাবচ্ছেদক ও ব্যুৎপত্তিনিমিত্ত এক নহে ; অর্থাৎ শব্দের প্রয়োগ বা ব্যবহার সর্বত্র উহার ব্যুৎপত্তির অনুযায় নহে । যাক্ষের নিরুক্তে ঐ বিষয়ের একটা বিস্তৃত বিচার আছে, তাহা পরে উল্লেখ করা যাইবে । ফল কথা এই, যদি প্র ও প্রকৃষ্ট, বি ও বিশেষ, সম্ ও সম্যক্ এই ছয়টা শব্দের প্রত্যেক দুইটার অর্থজ্ঞান পরস্পরের অর্থজ্ঞানসাপেক্ষ হইত, তাহা হইলে পণ্ডিত মহাশয়দিগের প্রণালীকে দোষ দিতে পারা যাইত ; কিন্তু যখন তাহাদের অর্থজ্ঞান পরস্পরের অর্থজ্ঞানের সাপেক্ষ নহে, তখন তাঁহাদের প্রণালীকে দোষ দেওয়া যুক্তিযুক্ত নহে । তিনি নিজে যে উদাহরণ দিয়াছেন, তাহার প্রতি দৃষ্টি করিলেই, এ বিষয় আরও বিশদ বুঝা যাইবে । 'প্র' কি না 'প্রকৃষ্টরূপে' এইরূপ ব্যাখ্যায় দোষ দিবার সময় তিনি ইহার অনুরূপ বিবেচনা করিয়া, একটা উদাহরণ দিয়াছেন, সেই উদাহরণটি এই,—'ঘোড়া কি ?' না 'ঘোড়ার গাড়ি' । 'ঘোড়ার গাড়ি' কি ? না 'ঘোড়া পূর্বক গাড়ি' ইত্যাদি । এখানে দেখুন, ঘোড়ার গাড়ি দুইটা শব্দ, ঐ দুইটা শব্দের প্রতিপাদ্য বস্তুর জ্ঞান করিতে হইলে, পৃথক্ পৃথক্ ভাবে 'ঘোড়া', 'গাড়ি'ও ষষ্ঠ

বিভক্তির চিহ্ন 'র' ইহাদের অর্থের জ্ঞান করিতে হইবে, নতুবা অর্থজ্ঞানের উপায় নাই। সুতরাং দেখা যাইতেছে যে, এ স্থলে 'ঘোড়া' শব্দের প্রতিশব্দে 'ঘোড়ার গাড়ি' বলিলে 'ঘোড়া' শব্দের উৎপত্তি পরিচয় দেওয়া হইলই না, অধিকন্তু আর দুইটি অতিরিক্ত শব্দ বলা হইল। ঐ দুইটি অতিরিক্ত শব্দের জ্ঞান থাকিলেও 'ঘোড়া' শব্দের জ্ঞান হইবে না। 'প্র'র অর্থ 'প্রকৃষ্ট' এ স্থলে কিন্তু 'প্রকৃষ্ট' একটি পদ, ঐ পদের অর্থজ্ঞান, যে দুইটি শব্দ লইয়া, ঐ পদটি গঠিত, তাহাদের অর্থের জ্ঞানের সাপেক্ষ নহে; সুতরাং এ স্থলে পৃথকভাবে 'প্র' ও 'কৃষ্ট' শব্দের জ্ঞানের আবশ্যিকতা নাই; অতএব ঐরূপ পৃথক পৃথক জ্ঞান না হইয়াও অবয়বী 'প্রকৃষ্টের' জ্ঞান হইতে পারে। অতএব দেখা গেল যে, প্র = প্রকৃষ্ট ও ঘোড়া = ঘোড়ার গাড়ি এ দুই কথা এক নহে। ; "

এখানে প্রসঙ্গতঃ আর একটি কথা বলিব, 'প্র'র অর্থ প্রকৃষ্টরূপে এইরূপ সোপসর্গ পদ দ্বারা উপসর্গের অর্থ করিবার প্রণালী অতি প্রাচীন কাল হইতেই প্রচলিত আছে। এই প্রণালী ভৃগুবান্ ভাষ্যকার পতঞ্জলি ও দার্শনিকপ্রবর ভট্টকুমারিল প্রভৃতি কুশাগ্রবুদ্ধি মহাত্মগণ অবলম্বন করিয়াছেন। ভৃগুবান্ ভাষ্যকার "সমর্থঃ পদবিধিঃ" ( পা, সূ ২।১।১ ) এই পাণিনি সূত্রের ব্যাখ্যায় 'সমর্থ' পদের অন্তর্গত সম্ উপসর্গের অর্থ কি তাহার নির্ণয় স্থলে সম্ভূতার্থঃ সমর্থঃ, সংসৃষ্টার্থঃ সমর্থঃ, সংপ্রেক্ষিতার্থঃ সমর্থঃ, সম্বন্ধার্থঃ সমর্থঃ এইরূপ সমর্থশব্দের যতগুলি প্রতিশব্দ দিয়াছেন সকলগুলিই সম্ উপসর্গঘটিত। ভট্টকুমারিল তাঁহার শ্লোকবার্ত্তিকের ৪র্থ সূত্রের ৩য় শ্লোকে বলিয়াছেন, "সম্যগর্থে চ সম্শব্দো দুস্প্রয়োগনিবারণঃ" অর্থাৎ "সংসম্প্রয়োগে পুরুষশ্রেয়স্বিগাং বুদ্ধিজন্ম" এই প্রত্যক্ষ লক্ষণে 'সম্প্রয়োগ' শব্দের অন্তর্গত 'সম্' শব্দের অর্থ 'সম্যক্', সুতরাং 'সম্প্রয়োগ' শব্দের অর্থ 'সম্যক্ প্রয়োগ' ও ঐ শব্দটি ইন্দ্রিয়গণের দুস্প্রয়োগ নিবারণের নিমিত্ত প্রযুক্ত হইয়াছে, এইরূপ বলিয়াছেন। যদি ঐরূপ পরিচয় অত্যাশ্রয় দোষ ছুট হইত তাহা হইলে তাঁহাদিগের ঞায় মনীষিগণ উহার আদর করিতেন কি ?

এক্ষণে দেখা যাউক, প্রবন্ধকারের প্রণালী বস্তুতঃই বৈজ্ঞানিক প্রণালী কি না এবং ঐ প্রণালীতে উপসর্গের অর্থ নিষ্কাশনে তিনি কতদূর কৃতকার্য হইয়াছেন। সমালোচনা আরম্ভ করিবার পূর্বে উপসর্গসম্বন্ধে দুই চারিটি কথা বলিব। 'উপসর্গ' এই শব্দটি উপপূর্বক স্বজ্-ধাতুর উত্তর ঘঞ্ প্রত্যয়ে নিষ্পন্ন। উহার ব্যুৎপত্তি হইতে নিম্নলিখিত অর্থ পাওয়া যায় :— যাহারা ধাতুকে অবলম্বন করিয়া ঐ ধাতুরই নানাবিধ অর্থের সৃষ্টি করে, তাহারা উপসর্গ :— "আখ্যাতমূপগৃহ্যার্থবিশেষমিমে তশ্চৈব স্বজন্তীত্ব্যুপসর্গ" :— দুর্গাচার্য্য। আমাদের দেশীয় প্রাচীনতম শব্দাচার্য্যদিগের মতে উপসর্গগুলি ভিন্ন ভিন্ন অর্থে ব্যবহৃত হয়। একই উপসর্গের ধাতুভেদে, প্রয়োগভেদে, নানা অর্থ লক্ষিত হয়। ঐ সকল প্রয়োগের অর্থ অনুগত (Generalise) করিয়া, তাঁহারা এক একটি উপসর্গের কতকগুলি করিয়া অর্থ স্থির করিয়াছেন। তাঁহারা কিন্তু প্রবন্ধকারের ঞায় এক একটি উপসর্গের সর্বস্থলেই একরূপ অর্থ হইবে, ইহা স্বীকার করেন না। তাঁহাদের মতে উপসর্গগণ সাধারণতঃ ধাতুর অর্থের অনুবর্তন, বাধ ও বিশেষ করিয়া থাকে। অনুবর্তন করে, অর্থাৎ উপসর্গযোগনিবন্ধন ধাত্বর্থের কোন বিশেষ লক্ষিত হয়

না । যোন,—হত, নিহত । এ স্থলে হন্ ধাতুর যাহা অর্থ, 'নি' উপসর্গবিশিষ্ট হন্ ধাতুরও তাহাই ।  
 বাধ করে, অর্থাৎ ধাতুর যাহা প্রকৃত অর্থ, তাহার ব্যত্যয় করে, যেমন,—দান, আদান । বিশেষাধান  
 করে, অর্থাৎ ধাতুর্থেকে কোনরূপ বিশেষণে বিশেষিত করে । যথা কোপ, প্রকোপ ইত্যাদি । কোপ  
 শব্দ কুপ্ ধাতু নিষ্পন্ন, উহার অর্থ ক্রোধ আর প্রপূর্বক কুপ্ ধাতু নিষ্পন্ন প্রকোপ শব্দের অর্থ  
 অত্যন্ত কোপ, অর্থাৎ বিশেষরূপ কোপ । তাঁহাদের মতে 'প্র' এই উপসর্গটির অনেকগুলি অর্থ  
 আছে, যেমন গতির আরম্ভ, উৎকর্ষ, সর্বতোভাবে ইত্যাদি । 'নি' এই উপসর্গের অর্থ নিশ্চয়,  
 স্মাধিকা, নিষেধ ইত্যাদি । এক্ষণে প্রবন্ধলেখক মহাশয় কি বলিয়াছেন তাহার বিচার করা যাউক ।  
 তাঁহার মতে 'প্র' উপসর্গের লক্ষ্য সম্মুখের দিকে ও 'নি' উপসর্গের লক্ষ্য ভিতরের দিকে,  
 ইংরাজিতে বলিতে গেলে 'প্র'র অর্থ 'Forth' এবং 'নি'র অর্থ 'In' । 'লক্ষ্য সম্মুখের দিকে'  
 ও 'লক্ষ্য ভিতরের দিকে' বলিলে যে উপরি উক্ত উপসর্গদ্বয়ের অর্থ একরূপ বলা হয় না এ কথা  
 বোধ হয় প্রবন্ধকার স্বয়ংই উপলব্ধি করিয়াছেন । এই নিমিত্ত অনেক বিচার আচারের পর  
 'প্র'\*র অর্থ, সম্মুখ-প্রবণতা ও 'নি'র অর্থ অন্তর্নিষ্ঠতা স্থির করিয়াছেন (পত্রিকার ৪র্থ ভাগ ৪র্থ  
 সংখ্যা ২৪৬—২৪৭ পৃষ্ঠা) । আমরাও ঐ দুইটি অর্থই গ্রহণ করিয়া সমালোচনায় প্রবৃত্ত হইব ।  
 এক্ষণে জিজ্ঞাস্য এই যে, 'সম্মুখ-প্রবণতা' এই কথাটির অর্থ কি ? 'প্রবণতা' শব্দের অনেকগুলি  
 অর্থ আছে, এ স্থলে সেই অর্থগুলির মধ্যে কোন্টি গ্রাহ্য ? যখন প্রবন্ধকার স্বয়ং কোন্ অর্থ  
 লইতে হইবে তাহা বলিয়া দেন নাই, তখন যে অর্থটি সচরাচর গৃহীত হয়, তাহাই বোধ হয়  
 গ্রহণীয় । 'সম্মুখ' শব্দে দিগ্বিশেষের বোধ হয়, সুতরাং 'প্রবণতা' এ স্থলে 'দৈশিক-প্রবণতা,  
 অর্থাৎ সম্মুখ-প্রবণতা শব্দে দিগ্বিশেষের প্রতি প্রবণতা' বুঝিতে হইবে । 'প্রবণতা' শব্দে সাধারণতঃ  
 'স্বাভাবিক গতি বা অনুকূলতা' বুঝায়, 'যেমন—জল নিম্নপ্রবণ বলিলে নিম্নের দিকে গতি জলের  
 স্বাভাবিক ধর্ম বা গুণ এইরূপ বুঝায় । কাচ ভঙ্গ-প্রবণ বলিলে কাচ স্বভাবতঃ ভঙ্গের অনুকূল  
 অর্থাৎ কাচে এমন একটা বিশেষ গুণ আছে, যাহাতে উহা সামান্য কারণেই ভাঙ্গিয়া যায়  
 এইরূপ অর্থ বুঝায় । প্রবন্ধকার যখন দৈশিক প্রবণতা অর্থ করিয়াছেন, তখন বুঝিতে হইবে  
 যে, স্বাভাবিক অনুকূলতারূপ প্রবণতার দ্বিতীয় অর্থ তাঁহার অভিপ্রেত নহে । এক্ষণে দেখা  
 যাউক, উপরি উক্ত অর্থ দুইটি প্রবন্ধকার মহাশয়ের প্রদত্ত উদাহরণগুলিতে কিরূপ সঙ্গত হয় ।  
 তাঁহার মতে নিম্নলিখিত উদাহরণগুলি তাঁহার প্রদত্ত অর্থের পোষক । যথা—

প্রখাস	নিখাস
প্রবৃতি	নিবৃতি
প্রবাস	নিবাস
প্রবেশ	নিবেশ

\* 'সম্মুখ-প্রবণতা' এই পদটি 'প্র' উপসর্গটিতে, সুতরাং ঐ পদ দ্বারা 'প্র' উপসর্গের পরিচয় দিয়া প্রবন্ধকার  
 শিক্ষক মহাশয়দিগের দলে পড়িলেন না কি ? সমালোচনা-প্রবন্ধপাঠের দিবস মহামহোপাধ্যায় চন্দ্রকান্ত  
 তর্কালঙ্কার মহাশয় প্রবন্ধকারের এই ষোড়শবিধোপপ্রদর্শন করেন ।

প্রক্ষেপ                      নিক্ষেপ  
প্রকৃষ্ট                        নিকৃষ্ট ইত্যাদি।

উহার মতে 'প্রশ্বাস' শব্দের অর্থ "Breathing forth" ও 'নিশ্বাসের' অর্থ 'Inhaling', 'অর্থাৎ প্রশ্বাসের অর্থ ভিতরের বায়ু বাহিরে ফেলা ও নিশ্বাসের অর্থ বাহিরের বায়ু গ্রহণ করা। 'প্র' ও 'নি'র মধ্যে অর্থগত বিরোধ প্রতিপাদন করিবার নিমিত্তই দুই দুইটি শব্দ গৃহীত হইয়াছে। প্রথম শব্দ দুইটি গ্রহণ করা যাউক :- প্রশ্বাস ও নিশ্বাস।—'প্রশ্বাস' শব্দের অর্থ 'শ্বাসত্যাগ' বটে কিন্তু 'নিশ্বাস' শব্দের অর্থ 'শ্বাস গ্রহণ' নহে। উহাও প্রশ্বাসের সমার্থক অর্থাৎ উহারও অর্থ ভিতরের বায়ু বাহিরে ফেলা। এবিষয়ে প্রমাণ :- বাচস্পত্যে ৪১১২ পৃষ্ঠায়ঃ উক্ত স্তম্ভখ্যাত কোষকার হেমচন্দ্রের মতে 'নিশ্বাস' শব্দে প্রাণবায়ুর বহির্গমন রূপ ব্যাপার বুঝায়। প্রাচীন সংস্কৃত সাহিত্যেও এই অর্থেই 'নিশ্বাস' শব্দের প্রয়োগ দেখা যায়। যথা—কুমারসম্ভব ৩য় সর্গ—'বালীকনিশ্বাসমিবোৎসসজ্জ' অর্থাৎ যেন ছুঃখের নিশ্বাস ত্যাগ করিল। মেঘদূত—'নিশ্বাসেনাধরকিশলয়ক্লেশিনা' অর্থাৎ অধরকিশলয়ের ক্লেশদায়ী নিশ্বাস। ছুঃখ ও শোকজ নিশ্বাস উষঃ বলিয়া প্রসিদ্ধ, এই জন্যই উহা অধরকিশলয়ের ক্লেশদায়ী। এস্থলে নিশ্বাস শব্দে বাহ্য বায়ুর গ্রহণ হইলে 'অধরকিশলয়ের ক্লেশী' এই বিশেষণটি সংলগ্ন হয় না। মাধবনিদান, রক্তপিত্তাধিকার—২য় শ্লোক :- 'লৌহগন্ধিশ্চ নিশ্বাসো ভবত্যস্মিন্ ভবিষ্যতি' অর্থাৎ এই রোগ হইবার উপক্রমে নিশ্বাস লৌহগন্ধি হয় বা নিশ্বাসে লৌহের গন্ধের গ্রাণ গন্ধ অনুভূত হয় ; এস্থলে নিশ্বাস শব্দে বাহ্য বায়ুর গ্রহণ হইতে পারে না। 'নিশ্বাস' এই শব্দটি কোন কোন স্থলে 'নিঃশ্বাস' এইরূপ বিসর্গমধ্যও লিখিত হয়, কিন্তু উভয় শব্দেরই অর্থ এক। আয়ুর্বেদের গ্রন্থে প্রাণবায়ুর ত্যাগ ও বাহ্যবায়ুর গ্রহণ এই বিরোধ প্রদর্শন স্থলে 'শ্বাস প্রশ্বাস, উচ্ছ্বাস প্রশ্বাস' এইরূপ প্রয়োগ দেখিতে পাওয়া যায়। যোগশাস্ত্রে প্রাণায়ামের কথায় শ্বাস প্রশ্বাস শব্দ ব্যবহৃত হইয়াছে। শ্বাসের অর্থ বাহ্যবায়ু গ্রহণ ও প্রশ্বাসের অর্থ অন্তর্বায়ুর নিঃসারণ। তবে সাধারণ বাঙ্গালায় যে স্থলে শ্বাসপ্রশ্বাসের মধ্যে কোন ভেদ দেখাইবার প্রয়োজন না হয়, সে স্থলে শ্বাস, নিশ্বাস এই উভয় শব্দই উভয় অর্থে ব্যবহৃত হয়। যেমন শ্বাস গ্রহণ, শ্বাস ত্যাগ, নিশ্বাস গ্রহণ, নিশ্বাস ত্যাগ। তবে 'নিশ্বাস ফেলিবার অবসর নাই,' 'নিশ্বাস আর পড়ে না' এইরূপ প্রকৃত অর্থে নিশ্বাস শব্দের প্রয়োগও বহুস্থলে লক্ষিত হয়। সুতরাং সাধারণপরিগৃহীত অর্থ লইলে চলিবে না।

প্রামাণিক প্রয়োগ আলোচনা করিয়া দেখা গেল যে, 'নিশ্বাস' শব্দের অর্থ 'শ্বাসত্যাগ'। সুতরাং নিশ্বাস ও প্রশ্বাস এই দুই শব্দই একার্থ। শ্বাসগ্রহণ ও শ্বাসত্যাগ এই দুই ভিন্ন অর্থ বুঝাইতে হইলে 'শ্বাস প্রশ্বাস' বা 'উচ্ছ্বাস প্রশ্বাস' এইরূপ প্রয়োগই প্রাচীন গ্রন্থাদিতে দেখা যায়। সুতরাং 'নি'র অর্থ এস্থলে অন্তর্নিষ্ঠতা না হইয়া বরং বহির্নিষ্ঠাই হইল ও 'প্র' ও 'নি'র অর্থগত বিরোধও প্রতিপন্ন হইল না। আর যখন প্রবন্ধকারের মতে 'প্র'র অর্থ সম্মুখপ্রবণতা ও 'নি'র অর্থ অন্তর্নিষ্ঠতা তখন উভয়ের মধ্যে বিরোধ আছে, এ কথাইবা কিরূপে সংলগ্ন হয় ?



কারণ একই বস্তু একই কালে "সম্মুখপ্রবণ ও অন্তর্নিষ্ঠ উভয়ই হইতে পারে। প্রাণায়ামের কুস্তক প্রক্রিয়াস্থলে একই শ্বাস অন্তর্নিষ্ঠও বটে এবং সম্মুখপ্রবণও বটে। তবে যদি প্রবন্ধকার 'প্র'র অর্থ বহির্নিষ্ঠতা ও 'নি'র অর্থ অন্তর্নিষ্ঠতা বলিতেন, তাহা হইলে কথঞ্চিৎ বিরোধ থাকিতে পারিত, সে বিরোধও দর্শনশাস্ত্রানুমোদিত বিরোধ নহে। দার্শনিকেরা যাহাকে বিরোধ বলেন, তাহাতে ভাব ও অভাব এই দুইটী কোটি থাকে, যেমন অন্তর্নিষ্ঠতা, অনন্তর্নিষ্ঠতা, সম্মুখপ্রবণতা, অনসম্মুখপ্রবণতা। এরূপ স্থলেই দার্শনিকেরা বিরোধ স্বীকার করেন।

• 'প্রশ্বাস' শব্দের এক্ষণে পরীক্ষা আবশ্যিক। উহার অর্থ 'শ্বাসত্যাগ' বা 'ত্যাগ শ্বাস' সে বিষয়ে সন্দেহ নাই। তবে ঐ অর্থের মধ্যে 'সম্মুখ প্রবণতা'রূপ 'প্র'র অর্থ আছে কিনা তাহাই অনুসন্ধান। প্রবন্ধকারের অর্থের অনুসরণ করিলে 'প্রশ্বাস' শব্দে 'সম্মুখপ্রবণতাবিশিষ্ট শ্বাস' অর্থাৎ 'সম্মুখপ্রবণ-শ্বাস' বুঝাইবে। সম্মুখপ্রবণ-শ্বাসের অর্থ বোধ হয় এইরূপ, যে শ্বাসের গতি স্বভাবতঃ সম্মুখের দিকে অর্থাৎ যাহা স্বভাবতঃ সম্মুখের দিক দিয়া প্রবাহিত হয়। এক্ষণে জিজ্ঞাস্য এই যে, এ কোন্ শ্বাস? যে শ্বাস আমরা শ্বাসযন্ত্র হইতে বাহিরে ত্যাগ করি? না যে শ্বাস আমরা নাসারন্ধ্রাদি দ্বারা শ্বাসযন্ত্রে গ্রহণ করি? কারণ আমরা ত দেখিতেছি যে, উভয়বিধ শ্বাসেরই স্বাভাবিক গতি বা প্রবণতা সম্মুখের দিকে; কারণ সম্মুখের কোন দিক দিয়া শ্বাস প্রশ্বাস গ্রহণাদির কথাত এপর্যন্ত শুনা যায় নাই। এস্থলে হয়ত প্রবন্ধকার বলিবেন, আমি ত বলিয়াছি 'প্র'র ইংরাজি অর্থ Forth এবং প্রশ্বাস শব্দের অর্থ breathing forth, তাহাতে ব্যক্তব্য এই যে, প্রথমতঃ "Forth" শব্দের নানা অর্থ, ঐরূপ নানার্থ শব্দ দ্বারা শব্দান্তরের অর্থের পরিচয় বৈজ্ঞানিক প্রণালীসম্মত নহে। দ্বিতীয়তঃ 'প্রশ্বাস' এই শব্দ-স্থলে 'প্র' অর্থ 'Forth' বলিলে একরূপ অর্থ সঙ্গতি হইলেও, প্রকৃত, প্রহত, প্রলীন, প্ররুঢ় প্রভৃতি শত শত স্থলে অসঙ্গতি লক্ষিত হয়। তৃতীয়তঃ তিনি স্বয়ংই যখন অনুগম (generalisation) করিয়া 'প্র'র অর্থ সম্মুখ-প্রবণতা স্থির করিয়াছেন, তখন সেই অর্থের সর্বত্র সঙ্গতি হইল কিনা তাহাই বিচার্য ও তদনুসারে আমরা ঐ অর্থেরই সঙ্গতি আছে কি না, তাহা দেখাইতে চেষ্টা করিয়াছি। অতএব দেখা গেল, প্রথম দুইটী উদাহরণের মধ্যে 'নি'র উদাহরণটী প্রবন্ধকার মহাশয়ের প্রতিকূল ও 'প্র'র উদাহরণটীও অনুকূল নহে। সুস্থ বিচার পরিত্যাগ করিলেও 'সম্মুখপ্রবণ শ্বাস' বলিলে শ্বাস বা প্রশ্বাস কোনটীরই পরিচয় দেওয়া হয় না।

অতঃপর আমরা প্রসঙ্গতঃ প্রাচীন শব্দার্থাদিগের মতে 'প্রশ্বাস' এই শব্দস্থ 'প্র' পদের অর্থ কি তাহা দেখাইতে চেষ্টা করিব। "প্রাদয়ো গত্যাদ্যর্থ প্রথময়া" এই বার্তিক সূত্রানুসারে 'প্রশ্বাস' এই শব্দের অন্তর্গত 'প্র' উপসর্গের অর্থ 'প্রগত', অর্থাৎ প্রশ্বাস কিনা প্রগত শ্বাস। এস্থলে 'প্রগত' এই পদের অর্থ কি তাহা অনুসন্ধান। যাস্ক বলেন, "আ ইত্যর্বাগর্থে প্র পরেত্যেতশ্চ প্রাতিলোম্যে" [ যাস্ক প্রথমাদ্যায় প্রথম পাদের শেষ ]। টীকাকার ছর্গাচার্য ইহার এইরূপ ব্যাখ্যা করেন, 'প্রপরা ইত্যেতাবুপসর্গৌ এতশ্চ আঙোহর্থশ্চ প্রাতিলোম্যে মাহতুঃ প্রগতঃ পরাগতঃ' অর্থাৎ 'আ' এই উপসর্গের অর্থ নৈকট্য, 'প্র ও পরা' এই দুই উপসর্গে ঐ অর্থের



বিপরীত 'দূরত্ব' রূপ অর্থ প্রকাশ করে। যাক্কে মতে অনেক স্থলে 'আ' এই উপসর্গের সহিত 'প্র' ও 'পর্য' এই দুই উপসর্গের অর্থগত প্রাতিলোম্য অর্থাৎ প্রতিকূলতা লক্ষিত হয়। যেমন আগত শব্দে যে কাছে আদিয়াছে তাহাকে বুঝায় ও প্রগত বা পরাগত বলিলে যে নিকট হইতে দূরে গিয়াছে তাহাকে বুঝায়, যেমন প্রপর্ণ (প্রপতিত পর্ণ)—অর্থাৎ যে পত্র পড়িয়া গিয়াছে, বৃক্ষ হইতে বিচ্ছিন্ন হইয়া দূরে গিয়াছে। প্রবাস অর্থাৎ 'দূরে বাস', সম্মুখপ্রবণ বাস বা যে বাসের লক্ষ্য সম্মুখের দিকে একরূপ বাস নহে। প্রগাত অর্থাৎ উৎপত্তিস্থান হইতে দূরে পাত, যেমন জলপ্রপাত, সম্মুখপ্রবণ পতন নহে। প্রণায়ক অর্থাৎ প্রণায়ক চলিয়া গিয়াছেন অর্থাৎ যে স্থানে পূর্বে ছিলেন সে স্থান হইতে দূরে গিয়াছেন। (১।৪।৫৯) 'পানিনিয়ত্রের ব্যাখ্যায় কাশিকাকার 'প্রণায়কো দেশঃ' এই প্রয়োগের 'প্রগতো নায়কোহস্মাৎ দেশাৎ' অর্থাৎ যে দেশ হইতে নায়ক চলিয়া গিয়াছেন এইরূপ অর্থ করিয়াছেন। উদাহরণটিতে 'আ'র প্রাতিলোম্য রূপ 'প্র'র অর্থ পরিস্ফুট বলিয়া উহা উদ্ধৃত হইয়াছে। প্রস্থান—দূরে যাওয়া, প্রচার—দূরে চরণ বা ব্যাপন, প্রয়াণ=দূরে গমন, প্রেত=দূর গত, অর্থাৎ এই জগৎ হইতে বহু দূরে গিয়াছে, আর ফিরিবেনা অর্থাৎ মৃত। ইত্যাদি নানাস্থলে 'প্র'র এই 'দূরত্ব' রূপ অর্থ স্পষ্ট লক্ষিত হয়। তদনুসারে 'প্রশ্বাস' অর্থ 'প্রগত শ্বাস' অর্থাৎ 'বে শ্বাস দেহ হইতে চলিয়া গিয়াছে' অর্থাৎ 'পরিত্যক্ত শ্বাস' বুঝায়। উপরি উক্ত স্থলসমূহে প্রবন্ধকারের উদ্ভাবিত অর্থ অনুগত করিতে চেষ্টা করা বিড়ম্বনামাত্র। এস্থলে জিজ্ঞাস্য এই যে, তবে কি যাক্কে আঙের প্রাতিলোম্যরূপ অর্থই 'প্র'র একমাত্র অর্থ, ঐ অর্থ দ্বারা কি সকল প্রয়োগের সমাধান করা যাইবে? প্রখ্যাত, প্রকাশ, প্রদীপ্ত, প্রহ্নু, প্রধ্বংস, প্রক্ষালিত প্রভৃতি শত শত স্থলেও কি 'প্র'র অর্থ দূরত্ব হইবে? ভূর্গাচার্য উত্তর করেন 'না'। "অনেকার্থত্বেহপি সত্যুপসর্গানাং একৈকোহর্থঃ উদাহরণত্বেনোচ্যতে অর্থবত্বপ্রকাশনার্থং" অর্থাৎ উপসর্গসমূহের নানা অর্থ থাকিলেও এস্থলে কেবল অর্থপ্রদর্শনাভিপ্রায়ে এক একটা মাত্র অর্থ প্রদর্শিত হইল। ইহার তাৎপর্য্য এই যে, কেবল 'আঙের' অর্থ নিকট' ও 'প্র ও পর্যার' অর্থ 'দূর' একরূপ বলিলে সকল প্রয়োগের উপপত্তি হইবেনা। উপপত্তি সম্ভব হইলে প্রাচীনেরা উপসর্গের নানার্থতা স্বীকার করিতেন না। প্রখ্যাত প্রভৃতি উপরি উক্ত স্থল গুলিতে 'প্র'র সম্মুখ-প্রবণতারূপ অর্থ একেবারেই লাগে না। হুই একটা উদাহরণ লইয়া দেখা যাউক। প্রহ্নু=অত্যন্ত তনু অর্থাৎ ক্ষীণ; প্রবন্ধকারের মতে উহার অর্থ সম্মুখ-প্রবণ তনু। প্রধ্বংস শব্দের অর্থ সম্পূর্ণরূপে ধ্বংস; কিন্তু প্রবন্ধকারের মতে উহার অর্থ সম্মুখ-প্রবণ ধ্বংস। অর্থাৎ তাঁহার মতানুসরণ করিলে, ঐ সকল শব্দের অর্থবোধ এক প্রকার অসম্ভব হইয়া উঠে। উপরি উক্ত স্থল গুলিতে "পণ্ডিত মহাশয়দিগের" পরিগৃহীত 'প্রকৃষ্ট রূপ' অর্থই সংলগ্ন হয়। 'প্রখ্যাত' অর্থাৎ 'প্রকৃষ্টরূপ বা ভালরূপ খ্যাত,' প্রক্ষালিত' অর্থাৎ 'ভাল করিয়া ক্ষালিত'। ফল কথা রূঢ় প্রয়োগ ব্যতীত অত্র সকল স্থলেই 'প্র'র 'প্রকৃষ্ট' রূপ অর্থ অনায়াসেই সংলগ্ন হয়, ইহা সংস্কৃতবিৎ পণ্ডিতমাত্রেই অবগত আছেন।

প্রবন্ধকারের উদাহৃত আর দুই একটা স্থল পরীক্ষা করিলেই তাঁহার মতের অবুজিসহতা আরও বিশদ হইবে। দ্বিতীয় উদাহরণটি গ্রহণ করা যাক, 'প্রবৃত্তি' 'নিবৃত্তি'। প্রবন্ধকারের মতে 'প্রবৃত্তি' শব্দের অর্থ 'সম্মুখের দিকে ঝাঁক' অর্থাৎ সম্মুখ-প্রবণতা, কারণ তাঁহার মতে 'প্র'র ঐরূপ অর্থ। তাঁহার নিজের কথায় বলিতে হইলে 'ঘোড়ার গাড়ির' অর্থ 'ঘোড়া' বলা যাইতে পারে। কারণ দেখা যাইতেছে যে, তাঁহার মত অনুসরণ করিলে 'প্রবৃত্তি' শব্দের অন্তর্গত 'বৃত্তি' শব্দটি নিরর্থক হইয়া উঠে। 'নিবৃত্তি' শব্দের অর্থ তাঁহার মতে 'ভিতরের দিকে বৃত্তি টানিয়া লওয়া'। কিন্তু তিনি 'নি'র যে অর্থ করিয়াছেন, তাহাতে অন্তর্নিষ্ঠা বৃত্তি অর্থাৎ যে বৃত্তি ভিতরে আছে এইরূপ হওয়া উচিত। যে বৃত্তি ভিতরে আছে ও বৃত্তিকে ভিতরে লইয়া যাওয়া এই দুইটি কথার অর্থগত ভেদ স্পষ্ট। মনে করুন আমি বলিলাম 'আমি মাংস-ভোজনে নিবৃত্ত হইয়াছি' তাহার অর্থ প্রথম কল্পে আমি মাংসভোজন-বিষয়িনী বৃত্তি বা চেষ্টা ভিতরে লইয়া গিয়াছি ও দ্বিতীয় কল্পে ঐ বৃত্তি আমার ভিতরে আছে। প্রথম কল্পে এককালে ঐ বৃত্তি বাহিরে ছিল অর্থাৎ পরিষ্কৃত ছিল, কিন্তু আমি এক্ষণে উহা ভিতরে লইয়া গিয়াছি অর্থাৎ দমন করিয়াছি এইরূপ বুঝায়। কিন্তু দ্বিতীয় কল্পে উহা সর্বদাই আমার ভিতরে আছে, তবে কোন বিশেষ কারণবশতঃ বাহিরে পরিষ্কৃত হয় না এইরূপ বুঝায়। অর্থাৎ দারিদ্র্য, রোগ বা অন্য কারণবশতঃ আমার মাংসভোজনের বৃত্তি প্রকাশ হইতে পারে না। এক্ষণে এই দুই কল্পের কোন কল্প আমাদের গ্রাহ্য? সম্ভবতঃ শেষ কল্প, কারণ উহা প্রবন্ধকারের অনুগমের (.Generalisation) ফল। এক্ষণে প্রবন্ধকার যদি প্রথম কল্প আশ্রয় করেন, তাহা হইলে 'নি'র অর্থ 'অন্তর্নিষ্ঠতা' এই মত তাঁহাকে পরিত্যাগ করিতে হয়, আর যদি দ্বিতীয় কল্প গ্রহণ করেন, তাহা হইলে সর্বজনস্বীকৃত অর্থ জলাঞ্জলি দিতে হয়। এই উভয়তঃ পাশারজ্জু (Dilemma) হইতে উদ্ধারের উপায় দেখিতেছি না।

'প্রবৃত্তি' শব্দের প্রধান অর্থ 'চেষ্টা, কার্যারম্ভ, কার্যে উন্মুখতা' ইত্যাদি। ইহাদের কোন একটা অর্থ গ্রহণ করিলে প্রবন্ধকার একরূপে 'প্র'র অর্থসঙ্গতি করিতে পারিতেন; কারণ ঐ স্থলে যদি 'প্র'র অর্থ 'সম্মুখপ্রবণতা' গ্রহণ করা যায়, ও 'বৃত্তি' শব্দে চেষ্টা অর্থ করা যায়, তাহা হইলে 'প্রবৃত্তি' শব্দে 'সম্মুখপ্রবণ চেষ্টা' এইরূপ বলা যাইতে পারে। অর্থাৎ যে চেষ্টা বা কায়িক ব্যাপার বাহিরে পরিষ্কৃত হইবার নিমিত্ত উন্মুখ, অর্থাৎ কার্যে উন্মুখতারূপ অর্থলাভ করা যায়। প্রবন্ধকার কিন্তু এ অর্থে গ্রহণ করেন নাই, তাঁহার সিদ্ধান্ত 'প্র'র অর্থ 'সম্মুখপ্রবণতা' স্মরণে যখন দেখিলেন, প্রবৃত্তি শব্দের ঝাঁকরূপ একটা অর্থ আছে, তখন বিবেচনা করিলেন ঐ অর্থই তাঁহার মতের অনুকূল ও ঐ অর্থই লইয়াছেন। কিন্তু উহাতে যে ধাত্বর্থে একেবারেই পরিত্যাগ ঘটয়া উঠে, তাহা অনুধাবন করেন নাই। আর এক কথা, তিনি যেরূপে অর্থ দেখাইয়াছেন, তাহাতে 'প্র' ও 'নি'র সহিত 'বৃত্ত' ধাতুর যোগ নাই, 'বৃত্তি' শব্দের সহিত যোগ, স্মরণে উহার উপসর্গপদ বাচ্যই হইতে পারে না। যদি বলেন, 'প্রখাস' শব্দের আমরা যে অর্থ দেখাইয়াছি, তাহাতেও ঐ আপত্তি। তাহাতে বক্তব্য এই

বে, সেস্থলে 'প্র'র সহিত 'বৃ' ধাতুর যোগ না থাকিলেও 'গম' ধাতুর যোগ আছে। কারণ আমাদের মতে সেস্থলে 'প্র'র অর্থ 'প্রগত' সূত্রাং উহার উপসর্গ বলিয়া গণ্য হইবার বাধা নাই।

আমাদের মতে 'প্রবৃতি', 'নিবৃতি'র উপপত্তি অণুরূপ। 'বৃ' ধাতুর অর্থ 'বর্জন' বা 'স্থিতি', কিন্তু 'প্র' পূর্বক বৃ' ধাতুর অর্থ 'আরম্ভ'। এস্থলে "প্র" স্মারস্তার্থক ও উহার যোগে ধাত্বর্থের বাধা হইল, সূত্রাং 'প্র পূর্বক বৃ' ধাতুর অর্থই আরম্ভ হইল। যদি বলেন যে, এক্ষেত্রেও ত ধাতুর অর্থ রহিল না; তাহাতে বক্তব্য এই যে, আমরা ত পূর্বেই বলিয়াছি, স্থলবিশেষে উপসর্গের যোগে ধাত্বর্থের বাধা হয়। প্রাদিসম্যাস করিয়াও প্রথাসের শ্রায় প্রবৃতির উপপত্তি করা যায়, অর্থাৎ 'প্রবৃতি' কিনা 'প্রকৃষ্টা বৃতি' অর্থাৎ ভাল করিয়া থাকা, এবং ক্রিয়ার অবস্থা (কুর্কদবস্থা) (State of action) কোন বস্তুর স্থিতির বা সঙ্কার প্রকৃষ্ট অবস্থা বলিয়া প্রকৃষ্ট বৃতি শব্দে ক্রিয়ারম্ভ বুঝাইতে পারে। আর প্রবৃতি শব্দের আসক্তি (Inclination বা ঝাঁক) অর্থ স্থলে প্রকৃষ্টাবৃতি বলিলেই বেশ উপপত্তি হয়। 'নিবৃতি' স্থলেও উক্ত ছই প্রকার ব্যাখ্যাই অবলম্বন করা যাইতে পারে। অথবা নি-নিতরাং বর্ততে ইতি নিবৃতি অর্থাৎ নিতরাং সম্পূর্ণভাবে চেষ্টাদি শূন্য হইয়া স্থিতি বা থাকা অর্থাৎ চেষ্টা বিরাম এইরূপ ব্যুৎপত্তি নিবৃতিস্থলে বেশ সংলগ্ন হয়। 'নি' ইহার 'নিতরাং' রূপ অর্থ আকার স্বকপোলকল্পিত নহে; নিরুক্ত ভাষ্যকার হর্গাচার্য্য নিবিৎ শব্দের ব্যুৎপত্তি স্থলে নি-নিতরাং এইরূপ অর্থ প্রদর্শন করিয়াছেন। 'নিবিৎ' শব্দের অর্থ 'বাক্ বা কথা'। উহার ব্যুৎপত্তি হর্গাচার্য্যের মতে 'নিতরাং বেদয়তি' অর্থাৎ 'যাহা ভাল রূপে—সম্পূর্ণ রূপে মনের ভাব বুঝাইয়া দেয়, তাহার নাম নিবিৎ বাক্ বা কথা'। স্থলান্তরে 'নি'র নিশ্চয়ার্থতাও আছে, যেমন—নিগম। 'নিগম' শব্দের অর্থ 'নিঘণ্টু' অর্থাৎ বৈদিক শব্দের কোষ। হর্গাচার্য্যের মতে ঐ শব্দের অর্থ এইরূপ :—“নিগমা ইমে ভবন্তি, নিশ্চয়েনাধিকং বা নিগূঢ়ার্থা এতে পরিজ্ঞাতা সন্তঃ মন্ত্রার্থান্ গমবন্তি ততো নিগমসংজ্ঞা নিঘণ্টবো ভবন্তি।” অর্থাৎ যাহারা নিশ্চয়রূপে মন্ত্রার্থের অর্থ বুঝাইয়া দেয়, এই সকল স্থলে প্রবন্ধকারের অভিপ্রেত 'অন্তর্নিষ্ঠতা' বা 'অন্তঃ' রূপ অর্থ সংলগ্ন করিতে যাওয়া নিতান্ত বিড়ম্বনা। যদি বলেন, 'নিবাস' শব্দে 'নি'র অন্তর্নিষ্ঠতারূপ অর্থ বেশ সংলগ্ন হয়, তাহাতে বক্তব্য এই যে, ঐ স্থলে 'নি'র কোন বিশেষ অর্থই দেখা যায় না। বাস বলিলেও যাহা বুঝায়, নিবাস বলিলেও তাহাই বুঝায়। অন্তর্নিষ্ঠ বা ভিতরে বাস বুঝায় না, আর অন্তর্নিষ্ঠ বাসের কোন অর্থই নাই। নিবেশ স্থলেও ঐ কথা। বিশ্ ধাতুর অর্থ প্রবেশ করা। প্রবেশ করা বলিলে কোন বস্তু বা পদার্থ বিশেষের ভিতরে গমন বুঝায়। সূত্রাং তিনি পুস্তকে মনোনিবেশ করিলেন, এস্থলে বিশ্ ধাতুর অর্থ দ্বারা নিবেশের অর্থ বেশ সঙ্গত হয়, 'নি'র কোন অর্থ স্বীকার করিবার প্রয়োজন হয় না। সংস্কৃত সাহিত্যে এই নিমিত্ত নি শূন্য কেবল বিশ্ ধাতুর প্রবেশ অর্থে ভূরি ভূরি প্রয়োগ দেখিতে পাওয়া যায়। উদাহরণঃ—'বিবেশ কশ্চিচ্ছটিলস্তপোবনম্'—কুমারসম্ভব; 'উপদ্য বিবিধে শব্দে নোৎসেকা কোশলেখরম্'—রথুবংশ। এইরূপ নিখাত, নিগূঢ় ইত্যাদি স্থলেও ধাত্বর্থদ্বারাই

অর্থ উপপন্ন হয় ও 'নি'র অর্থান্তর স্বীকারের প্রয়োজন হয় না। বরং প্রয়োজন হইলে 'নিতরাং ধাত', 'নিতরাং গূঢ়' এইরূপ 'নিতরাং' অর্থেই 'নি'র প্রয়োগ বলা অধিকতর সঙ্গত।

প্রবন্ধকার কিন্তু উপসর্গ ব্যাখ্যা করিবার সময় ধাতুর অর্থের দিকে একেবারেই দৃষ্টি করেন নাই ও এই নিমিত্ত সময়ে সময়ে বড়ই গোলযোগে পতিত হইয়াছেন। ( প্রথম প্রবন্ধের ২৪৬ পৃষ্ঠা দেখুন )। 'প্রগাঢ়' শব্দের স্থান বিশেষে ইংরাজি প্রতিশব্দ Intense হয়, কিন্তু প্রবন্ধকারের মতে 'নি'র অর্থ In সূতরাং 'প্র'র অর্থও In এই ইংরাজি শব্দ দ্বারা অনূদিত হইলে তাহার নিজের মতের অসামঞ্জস্য হয়; এই নিমিত্ত বলিয়াছেন যে, "একদিক্ দিয়া দেখিলে যাহা 'প্র', অন্যদিক্ দিয়া দেখিলে তাহা 'নি' এইরূপ দিক্ পরিবর্তনের গতিক্কে অনেকগুলি প্র-পূর্বক দেশীয় শব্দের ইংরাজি প্রতিশব্দ In পূর্বক ( 'নি'-পূর্বক ) হইয়া গিয়াছে, তাহার সাক্ষী প্রভাব = Influence, প্রগাঢ় = Intense." এস্থলে দিক্ পরিবর্তনের ব্যবস্থা না করিয়া নিজের মত পরিবর্তন করিলেই বোধ হয় ভাল হইত। প্রগাঢ় শব্দের ইংরাজি প্রতিশব্দে in কোথা হইতে আসিল, আমরা তাহার উপপত্তি করিব। প্রগাঢ় শব্দটী প্র-পূর্বক গাহ্ ধাতুর উত্তর ক্র প্রত্যয় নিস্পন্ন। গাহ্ ধাতুর অর্থ ভিতরে প্রবেশ, জলে প্রবেশ—ডুব দেওয়া ও 'প্র' উপসর্গের অর্থ প্রকৃষ্টরূপে, সূতরাং প্রগাঢ় শব্দের অর্থ দাঁড়াইল ভালরূপে ভিতরে প্রবিষ্ট। প্রগাঢ় পাণ্ডিত্য, প্রগাঢ় বিদ্যা ইত্যাদি সকল স্থলেই এই ব্যুৎপত্তি দ্বারা অর্থের উপপত্তি করা যাইতে পারে। এক্ষণে বুঝা গেল যে, গাহ্ ধাতুর অর্থ হইতেই প্রগাঢ় শব্দের প্রতি শব্দে in আসিয়াছে, 'প্র'র অর্থ হইতে আসে নাই। 'প্রভাব', এস্থলেও 'প্র'র অর্থের বেশ উপপত্তি করা যায়, প্রকৃষ্টোভাবঃ প্রভাবঃ। ভাব শব্দের অনেক অর্থ আছে, তাহার মধ্যে পদ, সামর্থ্য, শক্তি প্রভৃতি অর্থও লক্ষিত হয়, সূতরাং প্রকৃষ্ট পদ, সামর্থ্য বা শক্তি বলিলেই প্রভাব শব্দের অর্থের বেশ উপপত্তি হয়, দিক্ পরিবর্তনের আবশ্যিকতা হয় না।

অতঃপর প্রবন্ধকারের উদাহৃত 'নিদান' শব্দের অর্থ লইয়া কিঞ্চিৎ আলোচনা করিব। 'নিদান' শব্দের অর্থ কি? তাহা প্রবন্ধকার বলেন নাই, কেবল এইমাত্র বলিয়াছেন যে, ঐ শব্দে 'নি'র অর্থ স্পষ্ট নহে ও 'নিদান' ভিতরের সামগ্রী। ইহাতেও হয়ত অনেকে বুঝিবেন না, ( না বুঝিবারই কথা ) এইজন্য প্রবন্ধকার ঐ শব্দের অর্থজ্ঞানের এক সঙ্কেত করিয়া দিয়াছেন, তাহা এইঃ—'অমুক' Consisting in 'এই সামগ্রী' বলিলে বুঝায় যে, সেটী তাহার নিদান, তাহার সাক্ষী, "Humanity consists in rationality" বলিলে বুঝায় যে প্রজ্ঞা Rationalityর (মনুষ্যত্বের) নিদান (৪র্থ ভাগ ৪র্থ সংখ্যা ২৪৭ পৃষ্ঠা।) এস্থলে নিদান শব্দ নিতান্ত দুপ্রযুক্ত হইয়াছে বলিতে হইবে। ঐ শব্দের অর্থ আদিকারণ, কারণ, হেতু, লিঙ্গ, ইত্যাদি, উহা স্থলবিশেষে ভিতরের সামগ্রীও হইতে পারে ও স্থলবিশেষে বাহিরের সামগ্রীও হইতে পারে। আয়ুর্বেদ শাস্ত্রে সাধারণতঃ উহা রোগের কারণ ও লক্ষণ অর্থে ব্যবহৃত হয়। যেমন সকল রোগেই নিদান পরিবর্তন আবশ্যিক অর্থাৎ যে কারণে রোগ উৎপন্ন হয়, সেই কারণ পরিহার করা কর্তব্য। এক্ষণে তাহার সঙ্কেত পর্যালোচনা করা যাউক।—উপরি উক্ত ইংরাজি বাক্যটির প্রকৃত অর্থ,—'প্রজ্ঞা



‘নইয়াই মনুষ্যত্ব’ বা ‘প্রজ্ঞাই মনুষ্যত্ব’—স্বতরাং সে স্থলে প্রজ্ঞা ‘মনুষ্যত্বের নিদান’ বলিলে ‘নিদান’ শব্দটির যথার্থ ব্যবহার করা হয় না। মনে করুন আমি বলিলাম ‘The Vow of একাদশী Consists in abstaining from food on a certain day.’ অর্থাৎ দিন বিশেষে উপবাস করাই একাদশীব্রত। এস্থলে কিন্তু প্রবন্ধকারের মতে ‘দিন বিশেষে উপবাস করাই একাদশীর নিদান’! এইরূপ বলিতে হইবে। মনে করুন আমি বলিলাম অতিরিক্ত জলপান করা অঙ্গীর্ণ রোগের নিদান বা হেতু। এস্থলে প্রবন্ধকার বলিবেন ‘Dyspepsia consists in drinking a large quantity of water.’! নিদান শব্দের অর্থ কি তাহা একবার অভিধানে দেখিলেই বোধ হয় ঐরূপ প্রয়োগের অসমীচীনতা উপলব্ধি করিতে পারিতেন। আর পূর্বোক্ত অর্থগ্রাহক সংস্কৃত স্থাপন করিবার পূর্বে আরও দুই একটি স্থলে ঐরূপ consists in বলিলে কিরূপ শুনায়, তাহা পর্যালোচনা করা উচিত ছিল। অতএব প্রমাণ হইল যে, প্রবন্ধকারের দ্বিতীয় উদাহরণদ্বয়ের একটিও ঙ্গাহার মতের পোষক নহে। একটু বিবেচনা করিয়া দেখিলেই প্রবন্ধকার বুঝিতে পারিতেন যে প্রখ্যাত, প্রক্ষালিত, প্রধ্বংস, প্রবিরল, প্রতনু, প্রকোপ, প্রমেহ, প্রেত, প্রশংসা, প্রবাদ, প্রচার প্রকম্প, প্রমত্ত প্রভৃতি শত শত স্থলে ‘প্র’র সম্মুখপ্রবণতা ও নিগদ, (recitation) নিনাদ, নিবন্ধ, নিগলিত, নিপাত, নিগম, নিবরা প্রভৃতি শত শত স্থলে ‘নি’র অন্তর্নিষ্ঠতারূপ অর্থ একেবারেই সঙ্গত হয় না ও তিনি যে অনুগম করিয়াছেন তাহা কয়েকটি মাত্র উদাহরণ পর্যালোচনার ফল ও একেবারেই বৈজ্ঞানিক অনুগম নহে। অতঃপর আমরা আর একটি উদাহরণ পর্যালোচনা করিব;—

\* পরিষৎপত্রিকা ৪র্থ ভাগ, ৪র্থ সংখ্যা ২৪৫ পৃষ্ঠার প্রতি শ্রোতৃমহাশয়গণ দৃষ্টিপাত করিবেন,—  
 ঐ স্থলে প্রক্ষেপ ও নিক্ষেপ শব্দের অর্থগত ভেদ প্রদর্শন করিবার সময় প্রবন্ধকার মহাশয় বলিয়াছেন, নিক্ষেপ অর্থাৎ to throw in অর্থাৎ ভিতরে ফেলা। ঙ্গাহার মতে ‘নি’র অর্থ in ও ক্ষিপ্ ধাতুর অর্থ to throw বলিয়া সমস্ত শব্দের অর্থ to throw in হইল। কিন্তু ‘প্রক্ষেপ’ শব্দেও ‘ভিতরে ফেলা’ রূপ অর্থ বুঝায় যেমন এই শ্লোকগুলি এখানে প্রক্ষিপ্ত, ‘স্বতরাং ‘প্র’ ও ‘নি’ একার্থক হইয়া পড়ে। এই আশঙ্কায় বলিয়াছেন, যে স্থলে নিক্ষিপ্ত পদার্থের সহিত স্বকীয় আধারের আন্তরিক সম্বন্ধ আছে, সেই স্থলেই ‘নি’ হইবে ও যে স্থলে সেরূপ কোন সম্বন্ধ নাই সে স্থলে ‘প্র’ হইবে। ‘গোলা দুর্গে নিক্ষিপ্ত’ হইল, এই স্থলে গোলা প্রক্ষিপ্ত না হইয়া নিক্ষিপ্ত হইল, কারণ নিক্ষিপ্ত পদার্থ গোলক স্বকীয় আধার অর্থাৎ দুর্গে নিক্ষিপ্ত হইবার জন্যই উৎপন্ন হইয়াছে, ও দুর্গের সহিত ঙ্গাহার আন্তরিক সম্বন্ধ আছে। কিন্তু ‘শ্লোক পুস্তকে প্রক্ষিপ্ত হইল’ এইরূপ বলিতে হইবে ও এইরূপই উক্ত হয়, কারণ প্রক্ষিপ্ত শ্লোকের সহিত নিজ আধার অর্থাৎ পুস্তকের কোনরূপ আন্তরিক সম্বন্ধ নাই অর্থাৎ প্রক্ষিপ্ত শ্লোক ত আর পুস্তকের পুস্তকে প্রক্ষিপ্ত হইবার জন্য লিখিত হয় নাই। ‘প্র’ ও ‘নি’র এইরূপ অর্থগত ভেদ কেবল ক্ষিপ্ বা তদর্থক ধাতুর সহিত যোগ হইলে হয় বা সকল স্থলেই হয় তাহা প্রবন্ধকার বলিয়া দেন নাই। কিন্তু সূর্য্য হটক বা না হটক অন্ততঃ ক্ষিপ্ ধাতুর প্রয়োগ স্থলে যে হয় তাহাতে বোধ হয় কোন



সন্দেহ নাই । ‘এক্ষণে দুই একটা ক্ষিপ্ ধাতুর প্রয়োগ গ্রহণ করা যাউক “চোর রাজপুরুষদিগের চক্ষে ধূলি নিক্ষেপ করিয়া পলায়ন করিল” । এস্থলে নিক্ষেপ হইল, কারণ লোকের চক্ষুতে নিক্ষিপ্ত হইবার জন্তই ধূলির জন্ম ও ধূলির সহিত চক্ষুর আন্তরিক সম্বন্ধ আছে ! ‘রাত্রিতে শর্করা প্রক্ষেপ করিয়া দধি ভোজন করা উচিত’ এস্থলে প্রক্ষেপ হইল, কারণ শর্করা ত দধিতে প্রক্ষিপ্ত হইবার হয় জন্ত উৎপন্ন হয় নাই ও শর্করার সহিত দধির ত কোন আন্তরিক সম্বন্ধ নাই ! “তিনি মৃত্যুকালে তাঁহার অনাথ পুত্রকে দূরস্থ আত্মীয়ের হস্তে নিক্ষেপ করিলেন” এ স্থলে নিক্ষেপ হইল, কারণ দূরস্থ আত্মীয়ের হস্তে সমর্পিত হইবার জন্তই তাঁহার পুত্রের জন্ম ও সেই আত্মীয়ের হস্তে সহিত তাঁহার পুত্রের আন্তরিক সম্বন্ধ আছে । ‘দুগ্ধে দধি প্রক্ষেপ করিয়া ছানা প্রস্তুত করে’, এস্থলে প্রক্ষেপ হইল কারণ দধি ও আর দুগ্ধে প্রক্ষিপ্ত হইবার জন্ত উৎপন্ন হয় নাই এবং দুগ্ধের সহিত দধির ত কোন আন্তরিক সম্বন্ধ নাই ! এক্ষণে শ্রোতৃমহোদয়গণ দেখিলেন, প্রবন্ধকারের অর্ধগত ভেদ অনুসরণ করিলে কিরূপ ব্যসনপরম্পরায় পতিত হইতে হয় । তাঁহার নিজের উদাহরণ মইয়াই দেখুন ; গোলা নিক্ষেপ হইল, কারণ দুর্গে নিক্ষিপ্ত হইবার জন্তই গোলার জন্ম, বেশ কথা, কিন্তু তাহা হইলে শ্লোক নিক্ষিপ্ত কেননা হইবে ? কারণ প্রক্ষিপ্ত শ্লোকগুলি কেবল পরের পুস্তকে প্রক্ষিপ্ত হইবার জন্তই রচিত হয় নাই কি ? কে বলিল প্রক্ষিপ্ত শ্লোকের সহিত পুঁথির কোনপ্রকার আন্তরিক সম্বন্ধ নাই—আমরা ত দেখিতে পাই ঐ সম্বন্ধ স্থল বিশেষে এতদূর ‘আন্তরিক’ যে কোন্টা প্রক্ষিপ্ত কোন্টা মৌলিক তাহা অনেক সময় নির্ণয় করাই ছরুহ হইয়া উঠে । আর প্রবন্ধকার দার্শনিক হইয়া কি করিয়া ঐরূপ স্থলে ‘আন্তরিক সম্বন্ধ’ শব্দ প্রয়োগ করিলেন ? আন্তরিক সম্বন্ধের অর্থ কি ? অর্থবিশ্লেষণের চেষ্টা করিলেই বুঝিতে পারিতেন যে ঐরূপ সম্বন্ধ বিশেষের নির্বচন অসম্ভব । এই ত গেল ভেদের বিচার । এক্ষণে হয়ত প্রবন্ধকার বলিবেন ‘নিক্ষেপ’, এইস্থলে ‘নি’র অর্থ যে in তাহাতে ত আর সন্দেহ নাই । তাহাতে বক্তব্য এই যে ঐ অর্থ ক্ষিপ্ ধাতু হইতে আসিতেছে ও আসিতে পারে । উহার জন্ত ‘নি’র অর্থ স্বীকারের কিছুমাত্র প্রয়োজন হয় না । দুর্গে গোলা নিক্ষিপ্ত হইল বলিলেও যাহা বুঝায়, ক্ষিপ্ত বলিলেও তাহাই বুঝায়, আর প্রক্ষিপ্ত শ্লোক এই স্থলে কেন নিক্ষিপ্ত হইল না, তাহার কারণ আর কিছুই নহে, কেবল তাদৃশ ব্যবহারের অভাব, অর্থাৎ শ্লোকের সম্বন্ধে ‘নিক্ষিপ্ত’ শব্দ প্রয়োগের কোনরূপ বাধা বা অসামঞ্জস্য আছে বলিয়াই যে ঐরূপ প্রয়োগ হয় না, তাহা নহে, কেবল অনেকে ঐরূপ স্থলে ‘প্রক্ষেপ’ শব্দ প্রয়োগ করিয়াছেন বলিয়া প্রামাণিক গ্রন্থকারদিগের মধ্যে ঐরূপ স্থলে প্রক্ষেপ শব্দ ব্যবহারের একটা রীতি হইয়া উঠিয়াছে । এক্ষণে যদি কেহ ঐরূপ স্থলে ‘নিক্ষেপ’ শব্দের ব্যবহার করেন, তাহা হইলে তাঁহাকে চিরাগত রীতি ভঙ্গের দোষে দুষ্ট হইতে হইবে । এই নিমিত্তই শ্লোকের সম্বন্ধে ‘প্রক্ষেপ’ শব্দই প্রয়োগ হয় । সংক্ষেপতঃ বলিতে হইলে ঐরূপ শব্দ ব্যবহার idiom হইয়া গিয়াছে । প্রবন্ধকার যে এক যাত্রার পৃথক ফলের কথা বলিয়াছেন, অর্থাৎ এককার্য্য করিয়াও সময়ে সময়ে ব্যক্তি বিশেষ বা পদার্থ বিশেষের ভিন্ন ভিন্ন নাম বা আখ্যা হয়, তাহার উপপত্তি অন্তরূপ । ঐ উপপত্তি প্রদর্শন করিতে হইলে

শব্দতত্ত্ব ও ভাষাতত্ত্বের অনেক জটিল কথার অবতারণা করিতে হয়, সময়াভাবে ঐচ্ছ সেরূপ অবতারণা করা অসম্ভব। যাহকের নিকট এই বিষয়ে এক বিস্তৃত বিচার আছে, উহা এতদূর সমীচীন যে, পণ্ডিতপ্রবর ম্যাক্সমুলার সাহেব উহার একটি ইংরাজি অনুবাদ করিয়া স্বকৃত History of Ancient Sanscrit Literature অর্থাৎ প্রাচীন সংস্কৃত সাহিত্যের ইতিহাস নামক গ্রন্থে নিবেশ করিয়াছেন।

প্রথম প্রবন্ধের কয়েকটি কথামাত্র সমালোচিত হইল, অবশিষ্ট সমস্তই অনালোচিত রহিল; দ্বিতীয় প্রবন্ধে ত হস্তক্ষেপই হইল না। কিন্তু ঐ প্রবন্ধের একটি কথার উল্লেখ না করিয়া থাকিতে পারিলাম না। ঐ প্রবন্ধের ১২৩ পৃষ্ঠায় 'পরামর্শ' শব্দের অন্তর্গত 'পরা' উপসর্গের ব্যাখ্যায় প্রবন্ধকার ভাষাপরিচ্ছেদ নামক গ্রন্থগ্রন্থ হইতে একটি শ্লোকাক্ষ বিকৃতভাবে উদ্ধৃত করিয়াছেন ও তাহার এক অত্যন্ত ব্যাখ্যা করিয়াছেন। উদ্ধৃত শ্লোকাক্ষ ও তাহার ব্যাখ্যা এইরূপ :—“নৈয়ায়িক ভাষায় পরামর্শ শব্দের অর্থ ব্যাপ্যস্ত পক্ষত্বধর্মধীঃ অর্থাৎ ব্যাপ্য বিষয়ের পক্ষত্বধর্ম অবধারণ। পক্ষত্ব কি না Partyত্ব এখানে পৌরুষেয় ভাব (Personality) বাদ দিয়া Party শব্দের অর্থগ্রহণ করা হউক”, ইত্যাদি ইত্যাদি।

আমল শ্লোকাক্ষ কি ও তাহার অর্থই বা কি, তাহার এ স্থলে উল্লেখ করিবার আবশ্যকতা নাই। প্রবন্ধকারের গ্রন্থ বিজ্ঞ ও পণ্ডিত ব্যক্তি কিরূপে ঐরূপ বিকৃতভাবে শ্লোকাক্ষটি উদ্ধৃত করিলেন ও উহার অর্থাদি একেবারেই পর্যালোচনা না করিয়া স্বকৃত অত্যন্ত ব্যাখ্যা দিলেন, ইহাই বিশ্বয়ের বিষয়। এইরূপ গৌতমসূত্র হইতেও স্থানবিশেষ উদ্ধৃত করিয়াছেন ও উদ্ধৃতাংশের অপব্যাখ্যা করিয়াছেন। সময়াস্তরে ও প্রবন্ধান্তরে তৎসমস্ত আলোচ্য। প্রবন্ধকার উপসর্গের অর্থনিষ্কাশন বিষয়ে যত্ন, পরিশ্রম ও গবেষণার ক্রটি করেন নাই; কিন্তু আমাদের দেশীয় প্রাচীন শব্দাচার্যদিগের প্রতি অনাস্থাবশতঃ শব্দতত্ত্বের মূল পান নাই ও আলোচ্য বিষয়ের গুরুতা হৃদয়ঙ্গম না করিয়াই উপসর্গের অর্থানুগম করিতে চেষ্টা করিয়াছেন সুতরাং এরূপ স্থলে যাহা হইয়া থাকে, তাহাই হইয়াছে। সমালোচকের কর্তব্য বড়ই ছরুহ ও অপ্রীতিকর; কেবল 'অনুরুদ্ধ হইয়াই এই অপ্রীতিকর কার্যে' ব্যাপ্ত হইয়া সম্মানার্থ প্রবন্ধকারের নিকট অধিনয় প্রকাশ করিতে বাধ্য হইয়াছি।

শ্রীরাজেন্দ্রচন্দ্র শাস্ত্রী।

# বঙ্গীয়-সমাচার-পত্রিকা ।

( কাল-ক্রমানুসারী ইতিবৃত্ত ) ।

নিতান্ত নিবিড় তিমিরাচ্ছন্ন দুর্গম গিরি-গহ্বর, যেমন ভীষণ,—প্রাচীন সমাচার-পত্রিকার ইতিহাসও, তদ্রূপ দুঃপ্রবেশ্য । সংবাদ-পত্রের ইতিবৃত্ত—কি স্বদেশীয়, কি বিদেশীয়—আমাদের সমাদরের সামগ্রী । অশেষ আয়াস স্বীকার করিলে—প্রকৃষ্ট প্রয়াস পাইলে—অসাধ্য-সাধনেও, কৃতকার্যতা ঘটে । বিশেষ উত্তমে সবই সিদ্ধ হইয়া উঠে । রীতিমত চেষ্টায় কি না সম্ভবে ? ঐ মহাবাক্যে আস্থা স্থাপন করিয়া, যুরোপীয়গণ, ইতিবৃত্ত-উদ্ধারে সফল-প্রযত্ন হইয়াছেন । আমরাও, প্রয়াস পাইলে, কেনই না সিদ্ধ-মনোরথ হইতে পারিব ?

এতদ্দেশে যে সমুদায় বঙ্গীয় বাৰ্ত্তাবহের প্রচার হয়, তাহার আদর্শ যুরোপে । কিন্তু প্রত্ন-তত্ত্ব-বিদ-গণ, একবাক্যে স্বীকার করিয়া থাকেন, “এসিয়া”-মহাদেশেই উহার প্রথম প্রকাশ । সমগ্র “এসিয়ায়” কিন্তু উহার প্রভাব, প্রচারিত হইতে পায় নাই । “চীন”-দেশেই, সংবাদ-পত্রের জন্মভূমি । ইটালি ও গ্রেটব্রিটন, উহার পরিপুষ্টি-ক্ষেত্র । যখন মুদ্রাযন্ত্রের গন্ধ-বাষ্পও কেহ পরিজ্ঞাত হইতে পারে নাই, তখনও ইটালির অন্তর্গত ভিনিস-নগরী হইতে অ-মুদ্রিত সমাচার-পত্র প্রকটিত হইত ।

অতি প্রাচীন কালে যুরোপে মুদ্রাযন্ত্রের অস্তিত্ব ছিল না । অতএব সেই পুরাকালে মুদ্রিত সংবাদ-পত্রিকার সত্তা অস্বস্কান করিয়া, কি ফলোদয় হইবে ?

বলিয়াছি—সংবাদ-পত্রের প্রথম প্রচার, ইটালি হইতেই হইয়াছিল । এতদর্থে সভ্যসমাজ, ইটালির নিকট কৃতজ্ঞ । সংবাদ-পত্রের উৎপত্তি-বিষয়ে ত্রিবিধ মত প্রচলিত । যথা,—

১ । সাধারণতঃ বাৰ্ত্তাবহ-সমূহের মূল—“গেজেটা” । “গেজেটার” মূল—“গেজেরা” (Gazara)—অর্থ মাগপাই । উহা বিহঙ্গম-বিশেষ । বুঝি তাহা সকলেরই জ্ঞাত । “মাগপাই” শব্দের অর্থ গল্পকারক ।

২ । ল্যাটিন “গজা” (Gaza) হইতে “গেজেট” উৎপন্ন । “গজা” অর্থে সমাচারের ক্ষুদ্রাকার ভাণ্ডার । স্পেনীয় বিজ্ঞ বিজ্ঞ ব্যক্তি-নিচয়ের মতে ঐ মতই, সাধু বলিয়া বিবেচিত হয় ।

৩ । ভিনিস নগরীতে প্রচলিত সর্বাধিক ক্ষুদ্র মুদ্রাই, সাধারণতঃ প্রতি ষণ্ড সংবাদ-পত্রের মূল্য-রূপে নির্ধারিত ছিল বলিয়া, কেহ কেহ, উক্ত অর্থজ্ঞাপক শব্দ হইতে সংবাদ-পত্রের নামকরণ হইয়াছে, এমন অনুমান করেন । অনেকের বিবেচনায় ইহাই সমধিক সঙ্গত ।

অনেকেই বলিয়া থাকেন, ল্যাটিন “গজা” শব্দ হইতে গেজেটের বাৎপত্তি লব্ধ হয় । “গজা” অর্থে সমাচারের অন্বেষণ ভাণ্ডার । কোন কোন ভাষা-তত্ত্ব-বিদের মতে সংবাদ-পত্রের ঐ আখ্যা, সঙ্গত ও সমীচীন ।

ভিনিসের সংবাদ-পত্র, ধনবান্দিগের পরিচালিত পদার্থ। প্রজাতন্ত্র-রাজত্বের শাসনাধীন বর্তমান যুগের রাজনীতি-বিশারদ-গণের কৰ্ম্মক্ষেত্র ইটালিতে ভিনিসীয় ধরণে সৰ্ব্ব-প্রথমে উহা প্রকাশিত হয়। সংবাদ-পত্র, তখন রাজ্যের মুখ-পত্র-স্বরূপে প্রতি-মাসে প্রচারিত হইত। ভিনিসীয় নামের অনুকরণে ও ঠিক তাহার ধরণে অপরাপর পৃথক্ পৃথক্ প্রদেশেও, ইহার পর সংবাদ-পত্র-প্রচারের সূত্রপাত হইয়াছিল।

ভিনিসীয় সংবাদ-পত্রের কলেবরের কথা এখন কহিব। জর্জ চামারুস্, ভিনিসীয় এই রাজকীয় সংবাদ-পত্র-সকলের সমালোচনা-সম্বন্ধে স্ব-সঙ্কলিত “রুডিম্যান-জীবনীতে” বিস্তারিত লিখিয়াছেন।

সংবাদ-পত্র বলিলে, সচরাচর আমরা যে অর্থ বুঝি, আইনে তদপেক্ষা কিছু অধিক বুঝায়। স্বল্প-সময়-ব্যাপক কালে যে সমস্ত ঘটনা লিপিবদ্ধ হয় এবং কিছু অধিক মাত্রায় রাজনীতি-সম্বন্ধে সমাচার, যাহার অবয়বীভূত থাকে, আইনানুসারে তদ্বিধ পত্রকেই সচরাচর সমাচার-পত্র কহে। সাধারণতঃ, কিন্তু বলিতে গেলে, উহার লক্ষণ, সঙ্কীর্ণ হইয়া পড়ে। রাজ-নিয়মানুসারে ইহার সংজ্ঞা, দ্বিবিধ। যথা,—

(ক) যে সমস্ত প্রকাশ্য-সমাচার, ঘটনা বা সাধারণ বৃত্তান্ত, ~~বৃষ্টি~~ রাজ্যের সীমা-মধ্যে পত্রে নিবদ্ধ করিয়া মুদ্রিত হয়, সেই সমস্ত প্রকাশ্য-সমাচার, ঘটনা বা বৃত্তান্ত, যে পত্রিকার উপকরণ ও সমষ্টি, সেই পত্রিকা, “সংবাদ-পত্র” নামে অভিহিত।

(খ) যে পত্র, ২৬ (ছাব্বিশ) দিবস মধ্যে প্রচারিত হইয়া থাকে, আর বিজ্ঞাপনই যাহার প্রধান অবলম্বন, তাহাকেও ‘সংবাদ-পত্র’ বলা যায়। (১)

বর্তমান কালের বৃহদাকার পত্রিকা-সকলের সহিত, পূর্বতন পত্রিকার অবস্থা, একবার তুলনা করা যাউক। আদালতের সংবাদ-দাতা অপেক্ষা প্রথমকার সংবাদ-ব্যাপার, কিছু ভাল। স্থিরীকৃত হইয়াছে যে, পূর্বে অতি সামান্য সামান্য সংবাদ-সকল, অসম্বন্ধ-ভাবে নিবদ্ধ হইত। কোন বিষয়ের প্রয়োজনানুরূপ মতামত থাকিত না। তাহা হইতে স্পষ্ট কোন ভাবার্থের উপলব্ধি করে, সাধ্য কার? রচনার ও সমাচারের অভাবে অলীক অমূলক বিষয়-সকল, পত্রিকায় বিবৃত হইত। এক দিনের এই ঘটনা। পর দিবস হয় তো সেই মিথ্যাব্যাপার, রহিত করিতে হইত।

বর্তমান যুগে যুরোপে রাজত্ব-রক্ষার্থে বা তাহার শাসন-পক্ষে রাজ-ক্ষমতা, পার্লামেন্ট ও সৈন্য-দল—এই শক্তি-ত্রয়ের ঞ্চায়, সংবাদ-পত্র, রাজনীতি-বিশারদদিগের নিকট চতুর্থ শক্তি বলিয়া পরিগণিত হয়।

### গ্রেট্-ব্রিটেনের সংবাদ-পত্র।

যাহারা, প্রথমে সংবাদ-পত্র-পরিচালনে ব্রতী ছিলেন, তাঁহাদিগকে সংবাদ-সংক্রান্ত লেখক নির্দেশ করা যাইতে পারে। পূর্বে বিত্তবান্ ও বিদ্যাবান্দিগের অধীনে যে সমস্ত কৰ্ম্মচারী,

(১) উপরি-উক্ত আইনটি, কেবল সংবাদ-পত্রের মাগুল-নির্দেশ-কালে বিধিবদ্ধ হইয়াছিল।



নিযুক্ত থাকিত, তাঁহারা স্ব স্ব প্রভু-বৃন্দের বা অভিভাবক-গণের অনুপস্থিতিতে সমাচার-সকল সংগ্রহ করিয়া রাখিতেন। ইহা প্রথমে কর্তব্যের মধ্যেই বিবেচিত হইত। উহা, পরে যখন ব্যবসায়ের পরিণত হইল, তখনই উহার লিপি-কর্মের জন্ত লোকেরা, সময়ে সময়ে চাঁদা আদায় করিতেন। ষাঁহার গ্রাহক-সংখ্যা বেরূপ হইত, তাঁহাকে ততগুলি পত্র লিখিতে হইত। এক পত্র লিখিয়া তিনি ইষ্টসিদ্ধি করিতে পারিতেন না। এই শ্রেণীর মধ্যে ষাঁহারা উদ্বম-শীল, তাঁহাদিগের কেহ কেহ সংবাদ-ভবন (Intelligence-office) স্থাপিত করিতেন।

প্রাচীন সংবাদপত্রের একটি তালিকা নিম্নে প্রদত্ত হইল। পাঠ করিলে, কৌতূহল চরিতার্থ হইবে।

### গ্রেট-ব্রিটেনের বার্তাবহের তালিকা ।

- ( ক ) . সারজন্ ফেনের পাষ্টন্ লেটার্স ।
  - ( খ ) . আর্থার কলিনের সংগৃহীত লেটার্স এণ্ড মেমোরিয়েল অব্ ষ্টেট । ( সিড্‌নি পেপাস )
  - ( গ ) . নলেজের ষ্টাফোর্ড-লেটার্স এণ্ড ডেম্পাচেস্ ।
  - ( ঘ ) . ডায়েরি অব্ ন্যাকিসন্ লট্‌রেন্ । ইত্যাদি ।
- সমাচার-পত্রিকায় প্রথমে রাজ্যের অপকীর্তি ঘোষিত হইত ।

### প্রথম মুদ্রিত সংবাদ-পত্র ।

রাজ্ঞী এলিজাবেথের রাজ্য-কালে বার্তাবহ, প্রথম মুদ্রিত ও প্রচারিত হয়। স্পেন কর্তৃক ইংলণ্ড-আক্রমণে উহার স্বত্বপাত। ১৫৮৮ খৃষ্টাব্দে ২৩এ জুলায়ের সংবাদ-সংবলিত মুদ্রিত বার্তা-পত্রিকা, অষ্টাবধি ব্রিটেনের কৌতুকাগারে [ব্রিটিশ মিউজিয়মে (British Museum)] দৃষ্ট হয়। এইখানে “এসিয়া” মহাদেশের কথা, পুনশ্চ সংক্ষেপে বলিয়া লইতে হইতেছে।

১। সুলতান আজিম ওয়াসানের সময় ভারতে সংবাদপত্র ছিল।

২। ভারতের প্রথম মুদ্রিত সংবাদ-পত্র—“ইণ্ডিয়া-গেজেট”। ১৭৭৪ খৃষ্টাব্দের পূর্বে উহা মুদ্রিত হইত। তৎপরেই “হিকিঞ্জ্ গেজেট”। ১৭৮০।৩১এ জানুয়ারিতে উহার প্রবর্তনা। উহার কিঞ্চিৎ পর—অর্থাৎ—

৩। ১৭৮৪। ৪ঠা মার্চে “কলিকাতা গেজেট” প্রকটিত হইতে থাকে।

ঐ দিন-খানিই, ইংরাজি-ভাষায় চালিত হইত। অতঃপর বাঙ্গালা-সমাচার-পত্রের সহিত আমাদের সাক্ষাৎ আবশ্যক।

### ১ম। বেঙ্গল গেজেট ।

( ১২২৩ সাল হইতে ১২২৫ সাল,—১৮১৬ খৃষ্টাব্দ হইতে ১৮১৮ খৃষ্টাব্দ )

এত-ক্ষণের পর আমরা, বাঙ্গালা-সংবাদ-পত্রিকার আমলে আসিয়া পড়িলাম। বঙ্গদেশেই



—১৭৮০ খৃষ্টাব্দে ৩১এ জানুয়ারিতে এক সংবাদ-পত্রিকার উদ্ভব হয়। উহার নাম “হিকিঞ্জ্ গেজেট”। উপরে তাহার কথা এক-বার বলিয়াছি। “হিকিঞ্জ্ গেজেট” ইংরাজি-পত্রিকা। সুতরাং উহার সম্বন্ধে আমরা নিঃসম্পর্কীয়। যাহার সঙ্গে আমাদের অব্যবহিত সম্বন্ধ, সেখানি “বেঙ্গল্ গেজেট” বা ‘বঙ্গালা গেজেট’। উহার অর্থ—বঙ্গীয় সংবাদ-পত্র। নাম শুনিবা-মাত্র উহাকে একখানি বৈদেশিক ভাষার পত্রিকা বলিয়া ভ্রান্তি জন্মিবার সম্ভাবনা। প্রকৃত প্রস্তাবে কিন্তু তাহা নয়।

“মাকু ইন্স অব্ হেষ্টিংস্” যৎকালে বঙ্গের মসন্দেরে আসীন, ( তিনি ১৮১৩ খৃষ্টাব্দ হইতে ১৮২৩ খৃষ্টাব্দ পর্য্যন্ত ভারতের গবর্নর জেনেরেলের পদ, সুশোভিত করিয়াছিলেন। ) সেই সময়ের অন্তরালে—১২২৩ সালে ( ১৮১৬ খৃষ্টাব্দে ) “বেঙ্গল গেজেট” বাঙ্গালী কর্তৃক সৃষ্ট হইয়াছিল।

গঙ্গাধর ভট্টাচার্য্য, “বেঙ্গল গেজেটের” জনয়িতা। প্রকৃত গঙ্গাধর—মহান্ দেব, দেবাদিদেব শঙ্কর। আদিম গঙ্গাধর, গঙ্গাদেবীর বেগধারণ না করিতে পারিলে, ভগীরথের সাধ্য কি, স্বর্গী গঙ্গাদেবীকে—মন্দাকিনীকে—জাহ্নবী কি ভাগীরথী সংজ্ঞার আধার করেন! ভট্টাচার্য্য গঙ্গাধর, না থাকিলেও, বঙ্গ-মণ্ডলে সংবাদ-পত্রিকা-প্রবাহিনীর স্রোতঃ, প্রবহমান হইতে পাইত না। ইংরাজাধিকারে ইংরাজই আমাদের বিবিধ বিষয়ের পথ-প্রদর্শক। কিন্তু বড়ই গুরুতম গৌরবের বিষয় এই যে,—এক জন বাঙ্গালী ব্রাহ্মণ, বঙ্গীয়-বার্তাবহ-প্রবর্তক। আর—বাঙ্গালা-মুলুক, “বেঙ্গল গেজেটের” লীলা-খেলার ক্ষেত্র। এই সংস্রবাধীন দুইটী বিষয়, আমাদের মনে রাখা উচিত,—

• (ক) বেঙ্গল গেজেটের নাম, সমাচার-পত্রিকা-তালিকার প্রথমেই উল্লেখ্য।

(খ) ১২২৩ সালে ( ১৮১৬ খৃষ্টাব্দে ) উহার প্রথম প্রচার।

বাঙ্গালা-সংবাদ-পত্রিকার ইতিবৃত্তে—

( ১ ) “বেঙ্গল গেজেট”

( ২ ) “১২২৩ সাল”

এই দুইটী, সাতিশয় চিরস্মরণীয় বিষয়।

দুই বৎসরের অনধিক কাল, উহার আয়ুঃ। ১৮১৮ খৃষ্টাব্দের কিছু পূর্বে উহার জীবনের অবসান ঘটয়াছিল।

পাদরি-কুল-তিলক লঙ্ সাহেব, ১৮৫৫ খৃষ্টাব্দে “ডেস্ক্রিপ্টিভ্ ক্যাটালগ্ অব্ বেঙ্গলি বুক্স্” ( Descriptive Catalogue of Bengali books ) অর্থাৎ “বঙ্গীয় পুস্তক-চয়ের বিবরণাত্মক তালিকা” নামক পুস্তকে সমাচার-পত্রিকার সংক্ষিপ্ত ইতিবৃত্ত নিবন্ধ করিয়াছেন। কোন্ সুযোগে সাহেব, উহার সম্বন্ধে সমাধা করিতে সমর্থ হইয়াছিলেন, তদ্ব্তান্ত-বর্ণন-কালে সাহেব, পাঠকদিগকে ইহাই জ্ঞাত করিয়াছেন যে, “উত্তর-পাড়ার” বিদ্বান্ বিদ্যোৎসাহী ভূম্যধিকারী বাবু জয়কৃষ্ণ মুখোপাধ্যায় মহাশয়, ‘কলিকাতাহ্ প্রকাশ্য পুস্তকালয়ে’ ( “মেটকাফ্

হলে" ) যে সমুদায় বাঙ্গালা পুস্তক ও বার্তাবহ সম্প্রদান করেন, সেইগুলির সাহায্যে তাঁহার ঐ পুস্তকখানি সঙ্কলিত হয়; কিন্তু আমরা তন্ন তন্ন করিয়া অবশেষেও "বেঙ্গল্ গেজেটের" সন্ধান বঞ্চিত হইলাম। যে যে স্থানে প্রাচীন বস্তুর সমাদর আছে, সেগুলির নাম একে একে বলিতেছি।

- ১। এমিয়াটিক সোসাইটি অব বেঙ্গল।
- ২। "কলিকাতা পবলিক লাইব্রেরি" অর্থাৎ মেটকাফ্ হল।
- ৩। ইম্পিরিয়াল্ লাইব্রেরি।
- ৪। উত্তরপাড়ার জয়রক্ষ বাবুর পুস্তকালয়।
- ৫। রাজা রাধাকান্ত দেবের পুস্তকালয়। ইত্যাদি।

ভাল ভাল এই কয়টা পুস্তকাগার। বড়ই ছুংখের বিষয়, কুত্রাপি এই পত্রিকার সংবাদ মিলিল না।

## ২য়। সমাচার-দর্পণ।

( ১২২৫ সাল, ১০ই জ্যৈষ্ঠ ( শনিবার ) হইতে ১২৫৮ সাল

অর্থাৎ

১৮১৮ খৃষ্টাব্দে, ২৩এ মে হইতে ১৮৫১ খৃষ্টাব্দ পর্য্যন্ত )।

“দর্পণে মুখ-সৌন্দর্য্যমিব কার্য্যবিচক্ষণাঃ।

বৃত্তান্তনিহ জানন্তু সমাচারস্য দর্পণে ॥”

উক্ত কবিতাটি, সমাচার-দর্পণের মুকুট-মণ্ডন। স্মরণ্য “দর্পণ” উহাতে বিলক্ষণ শোভমান হইয়াছিলেন। “দর্পণ” প্রথমাবধি ষষ্ঠ বার ঐ শিরোভূষণ বিনা দেখা দিয়াছিল। ফলতঃ, এই কবিতা, মুকুরের মুকুট-প্রদেশের মনোহারিত্ব বৃদ্ধি করিয়া দিয়াছিল।

১৮১৮ খৃষ্টাব্দে এই পত্রিকার উদ্ভব। ঐ অক্ষ, তিন প্রধান প্রধান কারণে খ্যাতিমান ছিল ও আছে।

১ম—শ্রীরামপুর কলেজের প্রতিষ্ঠা।

২য়—স্কুলবুক সোসাইটির স্থাপনা।

৩য়—এই “সমাচার-দর্পণের” উৎপত্তি।

প্রথমটা দ্বারা তদঞ্চলীয় মানব-নিচয়ের অশেষ উপকার ঘটিয়াছিল। দ্বিতীয় বিষয়ে ভারতের—বিশেষতঃ বঙ্গের বিবিধ-বিষয়িণী উপকার-কারিণী একটা মহতী সমিতির সূচনা করিয়া দিয়াছিল। তৃতীয় বা শেষোক্ত ব্যাপারে বঙ্গ-সাহিত্য, কত উৎকৃত, প্রবন্ধের অনুশীলনে তাহারই প্রতীতি করিয়া দিবে।

“সমাচার-দর্পণের” উৎপত্তির পূর্ব-কথা, কণক্ষিৎ কৌতূহলোদ্দীপিকা। হিন্দু-মুসলমান,

জৈন-বৌদ্ধ, শিখ-মহারাষ্ট্রীয় প্রভৃতি ভারতীয় প্রজা-সাধারণের বিষয় বলিব না। কেন না, তাঁহারা একে বিজিত, তাহাতে আবার বিজাতীয় ও বিধর্মী। কিন্তু রাজ-পুরুষ-গণের সজাতীয় সুশিক্ষিত—অথচ তাঁহাদের পুরোহিত-সম্প্রদায়ী—পাদরি-পুস্তক-পুঞ্জের ও গবর্নমেন্টের প্রতি কীদৃশ ভয়ের ভাব, এই উপলক্ষে তাহার পরিচয় জ্ঞাত করিতেছি।

তৎকালে শ্রীরামপুরই, খৃষ্টান মিসনরিগণের নিবসতি-স্থল ছিল। শ্রীরামপুরেই, তাঁহাদের কার্যক্ষেত্র। উহাই—ডাক্তার মার্শমান, ডাক্তার ওয়ার্ড, ডাক্তার কেরি ইত্যাদি বিদ্বান্ পাদরিগণের লীলা-খেলার ভূমি। বহু-কালাবধি বাঙ্গালা-ভাষায় এক-খানি বার্তা বিষয়িনী পত্রিকার প্রচার নিমিত্ত তাঁহাদের ব্যাকুলতা ছিল। ইতিপূর্বে যে “বেঙ্গল গেজেটের” প্রসঙ্গ কীর্তিত হইল, তাহার প্রাণাস্ত না হইলে, হয় তো তাঁহাদের এতটা ব্যগ্রতা ঘটতে পাইত না। কিন্তু ভীক বাঙ্গালী অপেক্ষা সাহসিক পাদরিদের আন্তরিক আতঙ্ক অত্যন্ত অধিক।

বঙ্গ-ভাষায় সপ্তাহে সপ্তাহে “রাজনীতি” প্রকাশিত হইতে থাকিলে, পাঁছে রাজ-পুরুষদের সরোষ বিষ-দৃষ্টিতে নিপতিত হইতে হয়, এই এক আতঙ্কিত আশঙ্কা, তাঁহাদের অন্তর অধিকৃত করিয়া রাখিয়াছিল। কেবল কল্পনা-মূলক মানসিক বিভীষিকায় তাঁহাদিগকে বিচলিত করে নাই। তাঁহাদের অগ্রতম উদ্যোগ-কর্তা ডাক্তার কেরি সাহেবকে একাদিক্রমে ২৫ (পঞ্চবিংশতি) বৎসর ব্যাপিয়া উচ্চতম রাজপুরুষ মহোদয়-গণের একপ্রকার নজর-বন্দীর মত অবস্থায় কাল অতিবাহিত করিতে হইয়াছিল। সুতরাং তিনিই সর্বাপেক্ষা অধিকতর শঙ্কিত হইতে লাগিলেন। কিন্তু অধ্যবসায়ী অপর পাদরিরা, পশ্চাৎপদ হইবার পাত্র ছিলেন না। তাঁহারা ক্রমে ক্রমে যুগল উপায় উদ্ভাবন করিলেন।

(ক) তাঁহারা তদা-প্রচলিত ইংরাজি সংবাদ-পত্রিকা-সমূহে ভবিষ্য “সমাচার-দর্পণের” উদ্দেশ্য ও উহা কি প্রকারের পদার্থ হইবে, তাহার তাৎপর্য, বিজ্ঞাপন-ভাবে এবং সংবাদ-স্বরূপে মুদ্রিত করিতে থাকিলেন। কার্য-কালের পূর্বে বা পরে বিজ্ঞাপকদিগকে তিরস্কৃত, শাসিত বা কোন রূপেই দণ্ডিত হইতে হইল না!

এইটাই প্রথম উপায়। দ্বিতীয় উপায় এই—

(খ) পত্রিকা-প্রচারের পূর্ব-রজনীযোগে (১২২৫ সাল, ৯ই জ্যৈষ্ঠে অর্থাৎ ১৮১৮ খৃষ্টাব্দ, ২২এ মে শুক্রবারে) কেরি সাহেব, শেষ প্রুফ সন্দর্শন সময়ে নৈশ-সমিতিতে পুনরায় পূর্ব বিভীষিকার কথা উত্থাপিত করিলেন।

ডাক্তার মার্শমান, ঐ সংশ্রবে কহিলেন, “আগামী কল্যা শনিবার প্রাতে গবর্নমেন্টের সেক্রেটারিকে ভাবী পত্রের সূচী সহিত এক খণ্ড নমুনা প্রেরিত হউক।” প্রস্তাব-মতই কার্য হইল। কিন্তু ভাগ্যক্রমে, পদস্থ কোন কর্মচারীই, কোনই আপত্তি জ্ঞাপন করেন নাই। বরং গবর্নর জেনারেল, স্বহস্তে সম্পাদককে পত্র লিখিলেন। সেই চিঠিতে তিনি প্রকাশ করিয়াছিলেন;—

“It is salutary for the Supreme authority to look to the control of Public Scrutiny.”

“সমাচার-দর্পণ” সাধারণ পাঠকের, এমন কি, হিন্দু-ভাবাপন্ন পাঠকেরও, বরাবর চিত্তাকর্ষক হইয়াছিল। প্রিন্স দ্বারকানাথ ঠাকুর মহাশয়ের নাম গ্রাহকশ্রেণীর তালিকার শীর্ষ-স্থানে থাকায়, ইংরাজ-সমাজে বঙ্গবাদি-বৃন্দের বদনমণ্ডল উজ্জ্বল হইয়াছিল। তখন রাজধানী ও তাহার পার্শ্বস্থ স্থান-সমূহে সংবাদ-পত্রের ডাকমাণ্ডল ১০ (চারি) আনা ধার্য ছিল। লর্ড হেষ্টিংস-সমীপে উক্ত ডাক-মাণ্ডল কমাইতে আবেদন প্রেরিত হইলে, তিনি শৈলাবাস হইতে প্রেসিডেন্সিতে আনিয়া উহার সুবিধা করিয়া দেন। স্থির হইয়াছিল, এক আনার প্রতি-সংখ্যা বিলি হইবে। (১)

পার্সী ও ইংরেজী ভাষা, যখন “দর্পণের” অঙ্কে প্রতিফলিত হইত, তখনকার এই ব্যবস্থা ছিল। ইতিপূর্বেই বলা গিয়াছে, কেরি সাহেব, এই পত্রিকার প্রচারে ব্রতী হইয়া, প্রথমতঃ ভাবিয়াছিলেন, বঙ্গ ভাষায় মুদ্রিত রাজনীতি-সংক্রান্ত এই সংবাদ-পত্র (“সমাচার-দর্পণ”) রাজ-পুরুষ-বৃন্দের তৃপ্তিপ্রদ হইবে না। কেন না, উহা বঙ্গীয় ভাষায় আলোচিত হইবে। ও রকমে আপামর নর-নারী রাজনীতির আশ্বাদ পাইয়া এদেশে বিশৃঙ্খলা, অশান্তি প্রভৃতি উপস্থিত করিবে। কিন্তু শ্রীরামপুরের অগ্রতম পাদরি, উক্ত মার্শম্যান (“সমাচার-দর্পণের” প্রথম সম্পাদক), সাহস-সহকারে উহার প্রথম সংখ্যা, যেমন লর্ড হেষ্টিংসের গোচরস্থ করিলেন, তিনি স্বীয় রাজোচিত অভ্যর্থনায় ঐ প্রস্তাবের সমাদর করিয়াছিলেন।

এক স্থলে লর্ড সাহেব, ভ্রম-ক্রমে “সমাচার-দর্পণ” না লিখিয়া, “শ্রীরামপুর-দর্পণ” লিখিয়াছেন। এই ভ্রান্তির হেতু নির্দেশিত হইতেছে। ১৮৫০ খৃষ্টাব্দে “কলিকাতা রিভিউ” পত্রের ত্রয়োদশ খণ্ডে “দর্পণ অব্ শ্রীরামপুর” অর্থাৎ ‘শ্রীরামপুরের দর্পণ’ লিখিত হয়। এখানে “সমাচার-দর্পণকে” সংক্ষিপ্ত ভাবে কেবল “দর্পণ” লেখা হইয়াছে। ইহার পাঁচ বৎসর পর, “দর্পণ অব্ শ্রীরামপুর” সাহেব কর্তৃক “শ্রীরামপুর-দর্পণ” নাম ধারণ করিয়াছিল। শ্রীরামপুর হইতে প্রকাশিত হইত বলিয়া, সুলতঃ উহা “শ্রীরামপুরের দর্পণ” হইয়া দাঁড়াইয়াছিল। লর্ড সাহেবের ‘বাঙ্গালা-পুস্তক-বিষয়ক তালিকা’ প্রচারের পূর্বে ঈশ্বরচন্দ্র গুপ্ত তদ্বিষয়িণী এক তালিকা প্রস্তুত করিয়াছিলেন। তাহাতে ‘সমাচার-দর্পণই’ লিখিত হইয়াছিল। লণ্ডের পুস্তক, ১৮৫৫ খৃষ্টাব্দের (১২৬২ সালের) গুপ্ত কবির উক্ত সম্ভর্ড, ১২৫৯ সালের ১লা বৈশাখে প্রচারিত হয়। ফলতঃ “সমাচার-দর্পণ” অনেক বিষয়ে ‘শ্রীরামপুর দর্পণই’ হইয়াছিল।

“সমাচার-দর্পণ” সাহেব পাদরিদের সম্পাদিত পত্রিকা। সূতরাং ইহার প্রচারের অল্প, মাস ও দিন পর্য্যন্ত যথাযথ পাওয়া বিধেয়। কিন্তু সেই আশায় আমরা নিরাশ্বাস। এ সম্বন্ধে ৫ (পাঁচ) মত বিস্থমান।

(১) এই বৎসরেই ডাক্তার মার্শম্যান “ফ্রেণ্ড অব্ ইণ্ডিয়া” প্রকাশ আরম্ভ করেন। প্রথমে উহা ব মাসে মাসে প্রচার হইত। ১৮১৯ খৃষ্টাব্দেও ঐ ভাবে প্রচার হইয়াছিল। কিছু কাল পরে ১৮২১ খৃষ্টাব্দে উহার ত্রৈমাসিক আকার হয়। তৎপরে ১৮৩৭ খৃষ্টাব্দে সাপ্তাহিক হইয়া অনেক দিন চলিয়াছিল। কিছু কাল হইল, হেট্‌সম্যানের সঙ্গে উহা সংলগ্ন হইয়াছে।



- (ক) ১৮১৮ খৃষ্টাব্দে ২৯এ মে শুক্রবার। (খ) ১৮১৮ খৃষ্টাব্দে ২৩এ মে শনিবার  
 (গ) ১৮১৮ খৃষ্টাব্দে ২৩এ আগষ্ট শুক্রবার (ঘ) ১৮১৮ খৃষ্টাব্দে ৩১এ মে রবিবার  
 (ঙ) ১৮১৬ খৃষ্টাব্দে।

প্রথম মতটী, ১৮৩৮ খৃষ্টাব্দের ১৭ই ডিসেম্বরে প্রচারিত ক্লার্ক মার্শম্যান সাহেবের “বাঙ্গালার ইতিহাসে” পরিব্যক্ত। ১৮৬১ খৃষ্টাব্দের একাদশ সংস্করণের সাহায্যে ঐ কথা, পরিজ্ঞাত হইতে পারিয়াছিলাম। (১)

দ্বিতীয় মত। “ফ্রেণ্ড অব ইণ্ডিয়া” পত্রিকায়, ১৮৫০ খৃষ্টাব্দের ১৯এ সেপ্টেম্বরে “সমাচার-দর্পণের” ইতিহাস দেখিলে, সবিশেষ বিদিত হওয়া যাইবে।

তৃতীয় মত। ১৮৫৫ খৃষ্টাব্দের প্রচারিত লঙ্ সাহেবের পুস্তকের তালিকার ৬৬ পৃষ্ঠায় ঐ মত ঘোষিত।

চতুর্থ মত। কেরি, মার্শম্যান ও ওয়ার্ড সাহেবের জীবন-বৃত্তান্ত-গ্রন্থে পরিগৃহীত।

পঞ্চম মত। শ্রীযুক্ত রাজনারায়ণ বসু মহাশয়ের পুস্তকে প্রকাশিত হইয়াছে। তিনি “বাঙ্গালা ভাষা ও সাহিত্য-বিষয়ক বক্তৃতা”-নামক স্বীয় গ্রন্থে ১৮১৬ খৃষ্টাব্দকে “সমাচার-দর্পণের” প্রকাশ-কাল বলিয়াছেন। ইহা, হয় মুদ্রাকর-প্রমাদ, না হয় গ্রন্থকারের অনবধানতা। কেন না, লঙ্ সাহেবের গ্রন্থে অবলম্বন করিয়াই, তিনি “বাঙ্গালা ভাষা ও সাহিত্য-বিষয়ক বক্তৃতা” সংগ্রহ করিয়াছেন। কিন্তু তাহাতেও “১৮১৮ খৃষ্টাব্দই” “সমাচার-দর্পণের” প্রকাশকাল নিবন্ধ।

• প্রথমতঃ, ১৮১৮ খৃষ্টাব্দ-সম্বন্ধে কোন গোলমাল নাই। দ্বিতীয়তঃ, “শনিবার” নিশ্চয়ই “সমাচার-দর্পণের” প্রথম প্রকাশের দিন। উক্ত তারিখ-গুলির মধ্যে ২৯এ মে ও ২৩এ আগষ্ট “শুক্রবার”। ৩১এ মে “রবিবার”। ২৩এ মে তারিখই “শনিবার”।

মার্শম্যান প্রভৃতি সাহেবদের বিষয়-বর্ণনার “৩১এ মে” তারিখে “সমাচার-দর্পণের” প্রচার-দিন বলিয়া যে উক্তি রহিয়াছে, তাহা নিশ্চয়ই ভ্রম-ময়। তাহার কারণ, ৩১এ মে “রবিবার”। ১৮১৮ খৃষ্টাব্দের ২৩এ মে “শনিবার”। লঙ্ সাহেবের আরও একটু ভুল হইয়াছে। তাহার মতে ১৮১৮ খৃষ্টাব্দের ২৩এ আগষ্ট “সমাচার-দর্পণ” প্রথম প্রকাশিত হয়। ইহাও ভ্রম-মাত্র। কেন না, দেখিতেছি—২৪এ আগষ্ট “শুক্রবার”। “শনিবারে” ইহা প্রথম প্রকাশিত হইয়াছিল, কেরি, মার্শম্যান ও ওয়ার্ডের জীবন-বিবরণ পুস্তকে তাহা স্পষ্টই উল্লেখিত। অতএব ইহাই নিভুল (২)।

“সেরিফ সেলের” বিজ্ঞাপন পাইবার নিমিত্ত আবেদন প্রদত্ত হইলে, গবর্নমেন্ট প্রবর্তক-কুলের প্রার্থনায় কর্ণপাত করিলেন। তাঁহারা কৃতকার্য হইবেন, এবস্থত ভরসা ছিল না। তাঁহাদের সেই ভরসা কিন্তু নিমূল হয় নাই। রাজপুরুষেরা, তাঁহাদিগকে, ঐ বাঞ্ছিত ধর দিয়া, তাঁহাদের মান বাড়াইয়া দিয়াছিলেন (৩)। ১৮২৬ খৃষ্টাব্দে এই ঘটনা সংঘটিত হইয়াছিল।

(১) ঐ পুস্তকের ২৫১ পৃষ্ঠা দ্রষ্টব্য।

(২) “সমাচার-দর্পণের” ফাইল পাইয়াও, ঐ বুদ্ধি-বিচারেরই সাফল্য হইল।

(৩) “সমাচার-দর্পণের” প্রবর্তকেরা, প্রকৃষ্ট চেষ্টায় যে প্রশস্ত পথ প্রস্তুত করিয়া গেলেন, সেই পথ দিয়া



তদানীন্তন ভারতেশ্বর ( বড় লর্ড ) আমহার্ট মহোদয়ের আমলের মধ্যে ( ১৮২০-২৮ খৃঃ ) গবর্নমেন্ট হইতে ১০০ ( এক শত ) খণ্ড পত্র ক্রীত ও বিতরিত হইবার নিয়ম প্রবর্তিত হয় । তদবধি বহুকাল ঐ নিয়ম অব্যাহত থাকে । রাজ-কার্যে যাহারা নিযুক্ত থাকিতেন, তাঁহাদের ভাগ্য ভাল ছিল । বিনা মূল্যে সংবাদ-পত্রিকা তাঁহারা পাইতেন । মূল্য না দিয়া পত্রিকা পাওয়া কি একটা মহাসুযোগ নয় ?

“সমাচার-দর্পণের” ক্ষমতাও যথেষ্ট ছিল । তাহার একটা দৃষ্টান্তও, অন্ততঃ দিতে হইল । বর্ষীয়ান্ বসুজ শ্রীযুক্ত রাজনারায়ণ লিখিয়াছেন,—

“আমাদের স্মরণ হয়, আমরা বাল্যকালে এই “সমাচার-দর্পণ” অতি আগ্রহের সহিত পাঠ করিতাম । আমাদের গ্রামে “কাজারিয়া দল” নামে পরপীড়ক এক দল গাঁজাখোর ছিল । “সমাচার-দর্পণ” তাহাদের বিষয় লেখাতে, দারোগা আসিয়া হুরখাল করে । তাহাতে তাহারা শাসিত হইয়া যায় ।”

১৮৫০ খৃষ্টাব্দে ১৯এ সেপ্টেম্বরে “ফ্রেন্ড অব ইণ্ডিয়া” পত্রে “সমাচার-দর্পণের” ইতিবৃত্ত প্রকাশিত হয় । তাহাতে যে সকল বিষয় জ্ঞাত হওয়া যায়, তাহার সংক্ষিপ্ত-সার এই ;—

১৮১৮ খৃষ্টাব্দের ২৩এ মে তারিখে “সমাচার-দর্পণ” প্রথম প্রকাশিত হইয়া, ১৮৫১ খৃষ্টাব্দেও বিত্তমান ছিল । লণ্ড্ সাহেবের মতে ১৮৫০ খৃষ্টাব্দে প্রথম সম্পাদক জে, মার্শম্যান, অপর কর্ম্মে ব্যাপ্ত হওয়ায়, এই পত্রিকার সম্পাদকীয় সম্পর্ক পরিত্যাগ করিতে বাধ্য হইলেন ।

১৮৪০ খৃষ্টাব্দে ইহার গ্রাহক, সাড়ে তিন শত ( ৩৫০ ) । মফস্বলে এক শত ষাটী ১৬০ জন গ্রাহক ছিল । উহার বার্ষিক মূল্য ১২ বার টাকা । টাঁদার টাকায় ও “সেরিফ সেলের” বিজ্ঞাপন দ্বারা ইহার ব্যয় নিরূহিত হইত । “ইংলিশম্যান্” পত্রিকা, ১৮৪০ খৃষ্টাব্দের ৬ই ফেব্রুয়ারিতে এই কথাগুলি আমাদের কাছে বিজ্ঞাপিত করিয়া গিয়াছেন । পুরাতন সামগ্রীর কার্য-কারিণী ক্ষমতা, অনেক সময় খর্ব হয় । “সমাচার-দর্পণও” পুরাতন হওয়ায়, অল্পে অল্পে উহার কার্যকরী ক্ষমতা হ্রাস হইয়া আসিল । অবশেষে একেবারেই বিলুপ্ত হইল । প্রবর্তক-গণকে শেষ দশায় “সমাচার-দর্পণের” প্রকাশ রহিত করিতে হইল । ইহার পর কলিকাতার শিক্ষিত কোন ভদ্র ব্যক্তি, উহার দ্বিতীয় বার প্রচারে মনোনিবেশ করিলে, পত্রিকাখানি পুনর্জীবন লাভ করে । ১৮৪২ খৃষ্টাব্দে ইহা হস্তান্তরিত হয় । পাদরিদের সম্মতাবধি, এই পরিবর্তনের একমাত্র কারণ (১) ।

এখানে পাঁচটি বিষয় আমাদের স্মরণীয় ।

( ক ) “সমাচার-দর্পণ” জন্মাবধি ১১ একাদশ বৎসর ( ১৮১৮ হইতে ১৮২৮ খৃষ্টাব্দ পর্য্যন্ত ) কেবল বাঙ্গালা ভাষারই সেবা করিয়াছিলেন ।

পরম আনন্দে তাহাদের পরবর্তী লোকেরা চলিতে লাগিলেন । “সমাচার-চক্রিকা” “সংবাদ-প্রভাকর” “সংবাদ-পূর্ণচন্দ্রোদয়” “সংবাদ-ভাস্কর” এই সকল পত্রও, উত্তর-কালে গবর্নমেন্টীয় বিজ্ঞাপন-মুদ্রণে অনুমতি পাইয়াছিলেন । সুত “ভাস্কর” ব্যতীত অদ্যাবধি ঐ সকল মুমূর্ষু পত্রিকাগুলি, সেই অধিকারে বঞ্চিত নয় ।

( 1 ) “Friend of India”, 19th Sept. 1850.

(খ) ১৮২৯ খৃষ্টাব্দে (১২৩৬ সালে) তিনি বিমাতার সেবার মনোযোগী হইলেন। তবে আশার বিষয়, তিনি গর্ভ-ধারিণীর শুশ্রুষায় অবহেলা করেন নাই। “সমাচার-দর্পণ” যেমন ছাদশ বৎসরে পদার্পণ করিলেন, অমনই (১৮২৯ খৃঃ হইতে ১৮৪২ খৃঃ পর্যন্ত) ১৩ (তের) বৎসর ক্রমাগত তাঁহাকে আমরা মাতা ও বিমাতা-উভয়ের সেবক হইতে দেখিলাম। মধ্যে কিছু দিন আবার পূর্ক বিমাতাও (পারদী ভাষাও), উল্লেখিত হইলেন নাই।

(গ) ১৮৮২ খৃঃ তিনি জন্মদাতৃ-গণের ষড়-বর্ষিত হইয়া, কোন এক অজ্ঞাতনামা মানবের হস্তে নিপতিত হইয়াছিলেন। এই সময়ের পরই “দর্পণের” মরণ।

(ঘ) ১৮৪৩ হইতে ১৮৫০ খৃষ্টাব্দ পর্যন্ত উহার প্রেতাবস্থা।

(ঙ) ১৮৫১ খৃষ্টাব্দে প্রেতোক্কার-মাত্র হয়। সে কিন্তু নাম-মাত্র নব-জীবন-লাভ। জীবন-দাতারা, জীবন-রক্ষা-বিষয়ে এবার তেমন যত্ববান হইলেন নাই। স্মরণ্যঃ—

“ভগ্নস্নেহেন যা নৈত্রী, ন সা কল্যাণদায়িকা”।

এই মহাবাক্যের সার্থকতা অবলোকিত হইতে লাগিল। যেহেতু, ইহার পর তাহার জীবনী শক্তির পরিচয়্যাতাব।

বাঙ্গালী হিন্দুদিগের মফঃস্বল-সংক্রান্ত বিস্তর “প্রেরিত পত্র” ইহাতে প্রকাশার্থ উপস্থিত হইত। বঙ্গ-দেশের প্রত্যেক জেলায় ও ৩৬০ টি ষ্টেশনে ইহার বহুল প্রচার হইয়াছিল। ইহাতে ভারতীয় ও যুরোপীয় সহর-মফঃস্বলের সমাচার মুদ্রিত থাকিত। তাহা ছাড়া—ইতিহাস, রাজনীতি, ভূগোল-বৃত্তান্ত প্রভৃতি বিষয়ক প্রবন্ধে ইহা ভূষিত হইত। স্মরণ্য সাধারণ জন-গণ, এতদ্বারা যথেষ্ট উপকার পাইয়াছিল। ইহার প্রকাশ অবধি কলিকাতার—বিশেষতঃ, মফঃস্বলের—অনেকাংশে শ্রীবৃদ্ধি ঘটিয়াছিল। রাজ-কর্ম-চারীরাও, নিজ নিজ ক্রটির প্রকাশ-ভয়ে সদাই সশঙ্ক রহিতেন।

“সমাচার-দর্পণের” কোন ফাইল প্রথমতঃ পাই নাই। এ বিষয়ে আমাদের স্নেহাস্পদ সাহিত্য-জীবী সত্যেন্দ্রনাথ পাইনকে উহার অন্বেষণ-নিবন্ধন ভারার্পণ করিয়াছিলাম। তিনি উত্তরপাড়ার লাইব্রেরী ও শ্রীরামপুর কলেজ-লাইব্রেরীতে বহু অনুসন্ধান করিয়াও, কোন সন্ধান পান নাই।

“সমাচার-দর্পণ”-সম্বন্ধে লোকে যে ভুল করিয়াছেন, নিম্নে উল্লিখিত হইল।

১। মার্শম্যান সাহেবের ইংরাজি ভাষায় সঙ্কলিত বঙ্গীয় ইতিহাস।

২। “ফ্রেন্ড অব ইণ্ডিয়া” (Friend of India) নামী সমাচারপত্রী উহাতে “সমাচার-দর্পণকে” বাঙ্গালার সর্বপ্রথম বার্তাবহ বলিয়া উল্লিখিত হইয়াছিল।

৩। “কলিকাতা-রিভিউ” পত্রিকার ১৩শ খণ্ডে ১৮৫০ খৃষ্টাব্দে “Early Bengali Literature and Newspaper” অর্থাৎ, “প্রাথমিক বঙ্গ-সাহিত্য ও প্রাথমিক বঙ্গীয় সংবাদ-পত্র”-সম্বন্ধে লঙ্ সাহেবেরও ঐ ভ্রান্তি ঘটিয়াছিল।

১৮৫৫ খৃষ্টাব্দে তিনি যখন পুনরায় বাঙ্গালা-সংবাদ-পত্রের বৃত্তান্ত (১) লেখেন, সেই সময় এই ভ্রম সংশোধিত হয় ।

পাদরিদের এই অনুত্তম উত্তম, প্রথম ও প্রশংসনীয় নয় । সহমরণের বিবরণে মার্শম্যান, রামমোহন রায়ের নাম পর্য্যন্ত উল্লেখ করেন নাই । ফলতঃ, এ সকলকে ভ্রম, বিদ্বেষ বা অজ্ঞতার পরিচায়ক বৈ আর কি বলা যাইবে ? আমাদের মতের পোষকতার্থে লঙ্ক সাহেবের শেষ লেখাই, আমাদের সাক্ষী ।

৪ । “বেঙ্গল্ একুডেমি অব্ লিটারেচারে” নানা ভুল রহিয়াছে ।

“সমাচার-দর্পণ”-পরিচালনায় কেবলই যে পাদরিদের প্রাধান্য ছিল, এমন কথা বলা যায় না । সংস্কৃতজ্ঞ বিস্তর পণ্ডিতের রচনাও, উহাতে প্রায়ই প্রকাশিত হইত । পাদরিদের চালিত পত্রিকা হইলেও, উহাতে হিন্দুধর্মের বিরুদ্ধ মত, সমর্থিত হইত না । বরং হিন্দুয়ানীর পোষকতা উহাতে দেখিয়াছি ।

“সাহিত্য-পরিষদের” অগ্রতম উৎসাহশীল সদস্য আমাদের প্রাচীন প্রবীণ সাহিত্য-সুহৃদ শ্রীযুক্ত বাবু প্রমথনাথ মিত্রজ ও নিপুণ ডাক্তার হেমচন্দ্র চৌধুরী এন্, এম্, এম্, মহাশয়-দ্বয়ের যত্নে আমরা “সমাচার-দর্পণের” প্রথমাবধি কতিপয় বর্ষের মূল পত্রিকা পাইয়াছি । তাহা হইতেই কিছু কিছু উদ্ধৃত হইল । তাঁহাদের এই সহৃদয়তার যথোপযুক্ত প্রশংসা করিয়া, নিঃশেষ করা যায় না । লেখার নমুনা, পশ্চাৎ দেখান যাইতেছে ।

“এই সমাচারের পত্র, প্রতি সপ্তাহে ছাপান যাইবে । তাহার মধ্যে এই এই সমাচার দেওয়া যাইবে ।

১ । এতদেশের কলেষ্টব সাহেবদেব ও অগ্র রাজকর্ম্মাধ্যক্ষেরদের নিয়োগ ।

২ । শ্রীশ্রীযুত বড় সাহেব যে যে নূতন আইন ও ভকুম প্রভৃতি প্রকাশ কবিবেন ।

৩ । ইংলণ্ড ও ইউরোপের অন্য অন্য প্রদেশ হইতে যে যে নূতন সমাচার আইসে এবং এই দেশের নানা সমাচার ।

৪ । বাণিজ্যাদির নূতন বিবরণ ।

৫ । লোকেবদেব জন্ম ও বিবাহ ও মরণ প্রভৃতি ক্রিয়া ।

৬ । ইউরোপ দেশীয় লোক কর্তৃক যে যে নূতন সৃষ্টি হইয়াছে, সেই সকল পুস্তক হইতে ছাপান যাইবে এবং যে যে নূতন পুস্তক, মাসে মাসে ইংলণ্ড হইতে আইসে, সেই সকল পুস্তকে যে যে নূতন শিল্প ও কল প্রভৃতির কথা থাকে, তাহাও ছাপান যাইবে ।

৭ । এবং ভারতবর্ষের প্রাচীন ইতিহাস ও বিদ্যা ও জ্ঞানবান্ লোক ও পুস্তক প্রভৃতির বিবরণ ।

এই সমাচারের পত্র প্রতি শনিবারে প্রাতঃকালে সর্বত্র দেওয়া যাইবে । তাহার মূল্য প্রতি মাসে দেড় টাকা ।

প্রথম দুই সপ্তাহের সমাচারের পত্র, বিনা মূল্যে দেওয়া যাইবে । ইহাতে যে লোকের বাসনা হইবেক, তিনি আপন নাম, শ্রীরামপুত্রের ছাপাখানাতে পাঠাইলে, প্রতি সপ্তাহে তাহার নিকটে পাঠান যাইবে ।” (২)

(1) Descriptive Catalogue of Bengali works.

(২) “সমাচার-দর্পণের” অগ্রাঙ্ক প্রবন্ধ, “পবিত্র” হইতে পুস্তকাকারে মুদ্রিত হইবে ।

প্রথম সংখ্যা।

ইস্তাহার।

“এই সপ্তাহের সমাচারের পত্র অতি ত্বরায় ছাপা হইল। সে কারণ অধিক সমাচার নাই। আগামী ২ সপ্তাহেতে অধিক দেয়া যাইবেক।”

দ্বিতীয় সংখ্যা।

ইস্তাহার।

“এই সমাচারপত্র যাহার লইতে অভিলাষ হয়, তিনি আপন নাম শ্রীরামপুরের ছাপাখানাতে পাঠাইবেন। তবে তাহার নিকটে প্রতি সপ্তাহের সমাচারপত্র পাঠান যাইবে এবং যদি কোন জন এই সমাচারের পত্রে কোন নূতন সমাচার ছাপাইতে ইচ্ছা করেন, তবে অনুগ্রহ করিয়া শ্রীরামপুরের ছাপাখানায় তাহা পাঠাইয়া দিবেন ইতি।”

“বিবাহের নূতন ব্যবস্থা।”

“ভূমধ্যস্থ সমুদ্রের দক্ষিণ পার্শ্বে আলজিয়র নামে এক নগর। সেখানকার রাজা যথার্থ মত চলে না। তাহাবও আপন মাথার স্ফৈর্য নাই। গত বৎসর যে রাজা ছিল, তাহাকে মারিয়া এক ব্যক্তি সিংহাসনে বসিল; পরে তাহাকে অত্র এক জন মারিয়া সিংহাসনে বসিল। শেষ রাজার সমাচার শুনা যায় যে, এক মরক দ্বারা তাহার নগরে অনেক লোক মরিল এবং তিনি আজ্ঞা করিলেন যে, কুড়ি বৎসরের উর্দ্ধবয়স্ক যে সকল লোকের বিবাহ না হইয়াছে, তাহাদিগের বাজারের মধ্যে লইয়া হস্তপদ বন্ধন করিয়া পাদ নীচে দণ্ডাঘাত করা যাইবেক।”

তৃতীয় সংখ্যা।

“জুই সপ্তাহের কাগজ বিনামূল্যে দেওয়া গিয়াছে। পুনর্বার এ সপ্তাহের কাগজও বিনামূল্যে দেওয়া যাইতেছে। আগামী শনিবারের মধ্যে যে যে লোক, বহীতে সই করিয়াছেন, কিম্বা মোকাম শ্রীরামপুরের ছাপাখানাতে আপন নাম পাঠাইবেন, সেই সকল লোক নিকটে সপ্তাহ সপ্তাহ কাগজ পাঠান যাবেক।”

এস্থলে কতিপয় প্রয়োজনীয় বিষয়ের তালিকা তুলিয়া দিলাম—

বিষয়।	কোন দেশে।	প্ৰতিপদ।
১। ইংলণ্ডে কুম্ভারস্ত	ইংলণ্ডে	৬৪০ *
২। হিসাবের অক্ষরস্ত	ইউরোপে	৯৯১ †

\* কোন কোন অক্ষর খণ্ডিত।

† ইহার পূর্বে “অক্ষর” দ্বারা ঐ কাণ্ড সম্পন্ন হইত।

বিষয় ।	কোন দেশে ।	পৃষ্ঠাদ ।
৩। তুলার বস্ত্রের নেকড়া দ্বারা কাগজ	ইংলণ্ড	১০০০
৪। বাগের তাল-মান-চিহ্ন	"	১০৭০
৫। পাট-নির্মিত বস্ত্র দ্বারা কাগজ	"	১১৭০
৬। খড়ের গৃহ ছাড়িয়া অট্টালিকা	ইংলণ্ড	১২৩৩
৭। কোম্পাস প্রকাশ	ইউরোপে	১৩০২
৮। তোপ ও বারুদ	ইংলণ্ড	১৩৪০
৯। তৈল রঙ্গ দ্বারা ছবি লেখন	"	"
১০। স্বর্ণমোহর নির্মাণ	"	১৩৪৪
১১। ফয়লা পোড়ান আরম্ভ	"	১৩৫৭
১২। তাস খেলা	ফ্রান্স দেশে	১৩৯১
১৩। ছাপা কর্ম কাঠ-হরফ দ্বারা	ইউরোপে	১৩৩০
১৪। ছবি খোদা আরম্ভ	ইংলণ্ডে	১৪৬০
১৫। আমেরিকা-দর্শন	—	১৪৯২
১৬। তামাক ব্যবহার	ইংলণ্ডে	১৫৮৩
১৭। গাড়ি সৃষ্টি	"	১৫৮৯
১৮। ঘড়ি সৃষ্টি	"	১৫৯৭
১৯। ডাক সৃষ্টি	"	১৬৩৫
২০। চা খাওয়া	"	১৬৬৬
২১। লাটরি আরম্ভ	"	১৬৯৩
২২। ষ্টাম্প কাগজ	"	১৬৯৪
২৩। বসন্তবার্ণার্থ টীকা	"	১৭২৭
২৪। শ্রীযুত এন্সন সাহেব জাহাজ দ্বারা পৃথিবী বেষ্টন করে	"	১৭৭৪

### চতুর্থ সংখ্যা ।

তিন সংখ্যা বিনা মূল্যে প্রদত্ত হয় । মাসিক মূল্য ১৥০ টাকা । বার্ষিক মূল্য ১২২ টাকা ।

“এই সমাচার-দর্পণ, শ্রীরামপুরের ছাপাখানাতে প্রতি সপ্তাহে শনিবারে ছাপা হয় । যাহার লগ্নয়া আবশ্যক থাকে, তিনি শ্রীরামপুরের ছাপাখানাতে আপন নাম পাঠাইলে, সপ্তাহে সপ্তাহে কাগজ তাঁহার নিকট পাঠান যাইবেক । যিনি স্বাক্ষর করিয়াছেন, যদি হরকরা কাগজ তাহার নিকট না দেয়, তবে তিনি শ্রীরামপুরের ছাপাখানাতে দেওয়া মাত্র তাঁহার নিকট পাঠান যাইবেক ।”



## “কলিকাতার নূতন খবরের কাগজ।”

“এই সপ্তাহের মধ্যে মোং কলিকাতায় এক নূতন খবরের কাগজ উপস্থিত হইয়াছে। সে সপ্তাহে দুই বার ছাপা হইবেক এবং যাহারা বরাবর ঐ কাগজ লইবেন, তাহারা মাস মাস ছয় টাকা করিয়া দিবেন এবং যাহারা বরাবর না লইবেন, তাহারা যে মাস লইবেন, সে মাসের কারণ আটটাকা লাগিবেক।” (১)

সংবাদ-পত্র-খানির নাম কি, বলিয়া দেওয়া হইল না। ভাষাটা ভারি কৌতুকাবহ! “তাহারা” সম্ভ্রান্ত-ভাবে প্রযুক্ত। কিন্তু “যাহারা” অসম্ভ্রান্ত!

১২২৫ সালের ১০ই জ্যৈষ্ঠ ( ১৮১৮, ২৩এ মে ) হইতে ১২২৮-সালের ৩২এ আষাঢ় ( ১৮২১, ১৪ই জুলাই ) পর্যন্ত কেবল বাঙ্গালা ভাষায় সম্পাদিত “সমাচার-দর্পণের” ফাইল, আমাদের অধিগত।

১২২৮ সালের ২৩এ জ্যৈষ্ঠ তারিখে শেষাংশে কথার উপর নজর রাখিবার জন্ত অনুরোধ করিতেছি। ১২২৮ সালের ২৫এ আষাঢ়ে সংখ্যা হইতে—

### “সমাচার-দর্পণ

অর্থাৎ

সর্বহিতপ্রয়োজক সর্বদেণীয় সর্বনিষয়চক সংবাদপত্র।”

এই কথা কয়টি মুদ্রিত হইতে থাকে।

১৮৩১ খৃষ্টাব্দের ৪ঠা জুন হইতে ১৮৩৭ খৃষ্টাব্দের ২৮এ জানুয়ারি তারিখ পর্যন্ত যে সংখ্যাগুলির ফাইল, ডাক্তার হেমচন্দ্র চৌধুরী মহাশয়ের নিকট পাঠার্থ প্রাপ্ত হওয়া গেল, তাহাতে ইংরাজি ও বাঙ্গালা দুই ভাষায় সমাবেশ রহিয়াছে।

### ৩য়। সংবাদ-কৌমুদী।

( ১৮১৯ জুলাই হইতে ১৮৪৭ খৃঃ, অর্থাৎ ১২২৬ সালের, আষাঢ় হইতে ১২৪৪ সাল )।

“দর্পণে বদনঃ ভাতি দীপেন নিকটস্থিতং।

রবিণা ভুবনং তপ্তং কৌমুদ্যা শীতলং জগৎ ॥”

এক্ষণে রাজা রামমোহন রায়ের প্রচারিত একখানি বাঙ্গালা সংবাদ-পত্রের বিষয় আলোচনায় প্রবৃত্ত হওয়া যাউক। তিনি যে কেবল ধর্ম-বিষয়েই চিন্তার্পণ করিয়াছিলেন, এমন নয়। ভীষণ কুটিল গতি, যেমন সকলেরই পরিত্যজা, — জটিল বিষয় যেমন সদাই লোকের চক্ষুঃশূল, সেইরূপ অপ্রশস্ত মত বা সন্ধীর্ণ কার্য, কদাপি তাহার অনুষ্ঠান-যোগ্য ছিল না। যাহা কিছু উদার ও উন্নত — বিশাল ও দীর্ঘ — মহান্ ও প্রশস্ত, তাহাই তাহার করণীয় ছিল। তাহার পবিত্র চিত্ত, যে নানা বিষয়ে ধাবিত হইত, পূর্ব-কথিত সমাচার-পত্রিকাতেই তাহা বিশেষরূপে প্রতীয়মান হয়। যে সংবাদ-পত্র, সভ্য জাতির এক প্রধান অবলম্বন, — যাহা বিদ্যমান জ্ঞান-

(১) সমাচার-দর্পণ, ১২২৫ সাল, ১১ই আশ্বিন ( ১৮১৮/২৬এ ডিসেম্বর ), ১৯ সংখ্যা।

সমুজ্জ্বল কালে রাজত্ব-স্থিতির চতুর্থ পন্থা বলিয়া স্থিরীকৃত :—ভারতের সেই উদারচেতা, শ্রেষ্ঠ-পুরুষ, জননী বঙ্গভাষায় শিশুকালেই তাঁহার ফোড়দেশে বর্তমান কালের সেই প্রয়োজনীয় ফলসংস্থাপিত করিয়া দিয়াছিলেন । এ কথা মনে করিলে, কি আহ্লাদই হয় ! অন্তরে কত আশার সঞ্চার হয় ! তাঁহার উদ্ভাবিত পত্রিকার নাম “সংবাদ-কৌমুদী” । “ক্রিশ্চিয়ান্ অব্-জারভার” পত্রিকা, লঙ্ সাহেবের খাঙ্গালা পুস্তকের তালিকা ( Descriptive Catalogue of Bengali works ) এবং ঈশ্বরচন্দ্র গুপ্তের লিখিত সংবাদ-পত্রিকার সংক্ষিপ্ত ইতিবৃত্ত-প্রচারের পূর্বে “সংবাদ-কৌমুদী” পুস্তক, কি বার্তা-বিষয়ক পত্রিকা, তাৎকালিক লোকবর্গের তাহার স্থিরতা ছিল না । ঐ সব লেখাতেই লোকের জানিবার সুযোগ হইয়াছে যে, উহা পুস্তকের নাম নহে ; কিন্তু এক খানি সংবাদ-পত্র ।

“সংবাদ-কৌমুদীর” অগ্রে “সমাচার-দর্পণ” সম্ভূত হয় । আর “বেঙ্গল্-গেজেট” ‘সমাচার-দর্পণের’ অগ্রজাত । ‘সমাচার-দর্পণের’ জন্মকাল ১২২৫ সাল, ১০ই জ্যৈষ্ঠ ( ১৮১৮২৩ মে ) । “বেঙ্গল-গেজেট” ১২২৩ সালে ( ১৮১৬ খৃষ্টাব্দে ) উৎপন্ন হইয়াছিল । সুতরাং “বেঙ্গল-গেজেটের” বয়ঃক্রম, “সমাচার-দর্পণ” অপেক্ষা দুই বৎসর অধিক । “কৌমুদী” পত্রিকা, অগ্রজ “দর্পণ” ও সর্কাগ্রজ “গেজেট” অপেক্ষা অল্পই বয়ঃকনিষ্ঠ । ইহা এক্ষণে বোধ হয়, সকলের প্রতীতি জন্মিল ।

ইতিপূর্বে রাজধানীতে ( কলিকাতা সহরে ) “সংস্কৃত-প্রেস” নামে এক মুদ্রায়ন্ত্র বিদ্যমান ছিল । “কৌমুদীর” মুদ্রাঙ্কন-কার্য্য, সেই যন্ত্রেই সমাহিত হইত । উক্ত যন্ত্রের কোন রূপ বিবরণ পাওয়া দুর্ঘট ।

এখানে একটা বিচার আবশ্যিক । কোন এক গুরুতর ব্যাপারেব মীমাংসায় অভিনিবেশের প্রয়োজন উপস্থিত । অবসর ঘটিতেছে, সুতরাং তদ্বিষয়ের অবতারণা করা দোষাবহ হইবে না । বরং খুলিয়া না বলিলে, তত্ত্ব-বস্তু, প্রচ্ছন্ন থাকিয়া যাইবে । তথাবিধ উত্তম অত্যন্ত অধম । যে উপায়ে নির্ধিরোধ অর্থে “সংবাদ-কৌমুদীর” জন্ম ঘোষণা করিয়া আসিয়াছি, সেটা বহুল তর্ক-বিতর্কের ফল । অনেক আয়াসে তাহার সিদ্ধান্ত করিতে হইয়াছে ।

( ১ ) প্রথমতঃ “কলিকাতা রিভিউ” পত্রের লেখক, প্রচার করিয়া দেন—১৮২৩ খৃষ্টাব্দ “কৌমুদীর” আবির্ভাব-কাল । ঐ প্রবন্ধ-লেখকের নাম পাদরি লঙ্ সাহেব । প্রবন্ধের কোন স্থানে লেখকের নাম নাই—অথচ আমাদের তাহা জ্ঞানের বিষয়ীভূত হইল—বোধ-গোচরু আসিল, এ কেমন কথা ? “রিভিউ” পত্রের অগ্র প্রবন্ধ-লেখক কর্তৃক ১৮৫০ খৃষ্টাব্দে এই ঘোষণা প্রকটিত হয় ।

( ২ ) তৎপরে প্রসিদ্ধ পাদরি লঙ্ সাহেবের চৈতন্যোদয় হইল । তিনি আপনার ভ্রম বুঝিলেন । বুঝিয়া ১৮১৯ খৃষ্টাব্দকে “কৌমুদীর” জন্ম-সময় অবধারণ করেন । এটা ১৮৫৫ খৃষ্টাব্দের কথা । এখানে একটা কথা বলিতে বাকী থাকিতেছে । সাহেব, কিন্তু এক্ষণে আপনার পূর্ব ভ্রান্তির উল্লেখ পরাঙ্মুখ ।

(-৩) তাহার পর রামমোহন রায়ের গ্রন্থাবলী, আসরে নামিলেন। স্মরণীয় একটা উত্তম মীমাংসা করিবার অবসব জুটিল। ঈশানচন্দ্র বসুজের প্রচারিত “রামমোহন-গ্রন্থাবলীর” মতে ১৮২০ খৃষ্টাব্দ, উহার জন্ম-সাল অবধারিত হইল। এই সুযোগে প্রকাশকেরা, ঐ অদ্ভুত মত জাহির করিতে ক্রটি করিলেন না।

(৪) গতিক দেখিয়া আমিও ইত্যগ্রে প্রচার করিয়া দিয়াছিলাম—১৮২১ খৃষ্টাব্দে “কৌমুদী” বঙ্গীয় জনের মানস-ভূমিতে প্রথম প্রতিফলিত হইয়াছিল।

উল্লিখিত মতামতের সার-সংগ্রহ করিলে, যে যে মতান্তর লক্ষ হয়, তাহা এই,—

১। ১৮২৩ খৃষ্টাব্দ।	১৮২০ খৃষ্টাব্দ।
২। ১৮২১ খৃষ্টাব্দ।	১৮১৯ খৃষ্টাব্দ।

আমরা অনেক অনুসন্ধানে এখন সাব্যস্ত করিতে পারিয়াছি যে, ১৮১৯ খৃষ্টাব্দই (১২২৬ সালই), যথার্থ মত। উহাই “সংবাদ-কৌমুদীর” প্রকৃত প্রকাশাব্দ। ইহাই লঙ্ সাহেবের শেষ লিপি। “কলিকাতা রিভিউ” পত্রে “প্রাথমিক বঙ্গীয় সাহিত্য ও প্রাথমিক সমাচার পত্র” (১) নামক প্রবন্ধে লেখকের নাম না থাকা সত্ত্বেও জ্ঞাত হওয়া গিয়াছে, উহাও লঙ্কের লেখনীমুখ হইতে নিষ্কাশিত। সাহেব, ঐ সন্দর্ভের ১৫৯ পৃষ্ঠায় লিখিয়াছেন—১৮২৩ খৃষ্টাব্দে “কৌমুদী” প্রথম প্রচারিত হইয়াছিল। কিন্তু ঐ প্রবন্ধের প্রথমাংশে তিনি বলিয়াছেন,—১৮২১ খৃষ্টাব্দের “কৌমুদী” অবলম্বন করিয়া তিনি ঐ প্রস্তাব রচনা করিয়াছেন! যাহার ১৮২৩ খৃষ্টাব্দে জন্ম, তাহার দেখা ছই বৎসর পূর্বে (১৮২১ খৃষ্টাব্দে) পাওয়া যাইতেছে কিরূপে? এ ব্যাপার কেহ বুঝিতে পারেন কি? ১৮২১ খৃষ্টাব্দে লোকের “কৌমুদী”-সংস্পর্শ প্রথম ঘটিয়াছিল। আবার কিছু পরে—পাঁচ বৎসর অতিক্রান্ত হইয়া গেলে (১৮৫৫ খৃষ্টাব্দে) তিনি লিখিলেন, এতদ্বারা আমার অমুক সালের অমুক মত খণ্ডিত হইল না। ফলে, ১৮১৯ খৃষ্টাব্দে “কৌমুদীর” জন্ম হইয়াছিল। অথচ খুলিয়া বলিলেন না, “কলিকাতা রিভিউ” পত্রিকার কথা অগ্রাহ। ঐ প্রবন্ধে ১৮২৩ খৃষ্টাব্দের উল্লেখ দৃষ্ট হইল। কিন্তু উহার শীর্ষদেশে এইরূপ লেখা আছে,—

### “১৮২১ খৃষ্টাব্দের সংবাদ-কৌমুদী”

অবলম্বনে প্রবন্ধ লিখিতেছি। অথচ তিনি বলিতেছেন, ১৮২৩ খৃষ্টাব্দে “কৌমুদীর” বিকাশ! এখন বিচার্য্য এই;—যদি ১৮২৩ খৃষ্টাব্দেই “কৌমুদীর” প্রথম প্রকাশ-কাল তিনি স্থির করিলেন, তবে তাহার ছই বৎসরের পূর্কের (১৮২১ খৃষ্টাব্দের) পত্রিকা কেন আশ্রয় লওয়া হয়? তাহা তবে আদর্শ স্থলে কেন গৃহীত? এটা একটা উন্মত্ত-প্রলাপ। এত দূর গলদ হইল কেন? উহা লেখাপড়ায় স্থান পাওয়া অনুচিত। বিশেষতঃ, সুশিক্ষিত পাদরি সাহেবের লিপিতে এবং “কলিকাতা, রিভিউ” পত্রে তাহার অধিকার হওয়া ছঃখের বিষয়। ফলতঃ, ১৮১৯ খৃষ্টাব্দই প্রামাণিক। কেন না, লঙ্ সাহেবের শেষ মতকে আমরা মস্তকে ধারণ

করিতেছি না (১)। উহার প্রামাণিকতায় আস্থা-স্থাপনের অপর প্রবল যুক্তির অভাব নাই। সেই কারণেই ঐ খৃষ্টাব্দ, অতিশয় অবলম্বনীয়! ১৮১৯ খৃষ্টাব্দের জুলাই মাসের ইণ্ডিয়া গেজেটে রাজা রামমোহন রায়ের “সহমরণ-সম্বাদ”-নামক ক্ষুদ্র পুস্তকের নির্দেশ আছে। কেবল নির্দেশ নয়—সে স্থানে স্পষ্টই উক্ত হইয়াছে যে, উহা কোন সংবাদ-পত্রের পুনর্মুদ্রণ। সেই সংবাদপত্রের নাম—“সংবাদ-কৌমুদী” বৈ আর কিছুই নয়। কেন না—ইহা অতিশয় প্রসিদ্ধ ঘটনা যে, রামমোহন রায়ের লেখনী, “সংবাদ-কৌমুদীতে” সতীদাহের বিরুদ্ধে দৃষ্টায়মান হইয়াছিল। “সংবাদ-কৌমুদীর” পিতার সঙ্গে তাঁহার অন্ততম উপযুক্ত সহকারী ভবানীচরণ বন্দ্যোপাধ্যায়ের সংস্রব রহিত হইবার উহাই প্রধান কারণ। ইহাও ইতিহাস-প্রথিত বিষয়। স্মরণীয় হইল, “সংবাদ-কৌমুদীর” ১৮১৯ খৃষ্টাব্দের জুলাই বা তৎপূর্বের কোন মাসে প্রচার হইয়া থাকিবে। ইহা অবধারিত যে, ঐ অব্দের জুলাই মাসের পরে কখনই “কৌমুদী” প্রকাশিত হইতে পারে না। কেন না, তাহা না হইলে “কৌমুদী” হইতে পুস্তকাকারে পুনর্মুদ্রিত “সহমরণ-সম্বাদ” কেমন করিয়া ১৮১৯ খৃষ্টাব্দের জুলাই মাসের “ইণ্ডিয়া গেজেটে” উল্লিখিত হইতে পারে? লঙ্কের শেষ মত, প্রধান প্রমাণ নয়। যে সাহেব, এক প্রবন্ধের ছই স্থানে দুই ভিন্ন মত প্রচারিত করিতে পারেন,—যিনি নিভুল মত ঘোষণা না করিয়া পূর্ব ভ্রমেরই পুনঃ-প্রসঙ্গ করেন, পাঠক! আপনাকে প্রশ্ন করিতেছি, বলুন দেখি—তাঁহার স্বস্বদর্শিতা ও সরলতার কত অভাব!

ভাগ্যে “কলিকাতা ক্রিশ্চিয়ান্ অব্জার” পত্রে “সংবাদ-কৌমুদীর” প্রচার কালের নিদর্শন রহিয়াছে, তাই এ যাত্রা স্মৃতিস্তম্ভের উত্তম অবসর হইল। তাহাতেও ঐ ১৮১৯ খৃষ্টাব্দেই “সংবাদ-কৌমুদীর” প্রচারের প্রকৃত কাল নির্ণীত হইল। ১৮৪০ খৃষ্টাব্দের ফেব্রুয়ারিতে ঐ প্রবন্ধটি প্রচারিত হইয়াছিল। তাহাতে এই একটা নয়, আরও তত্ত্ব প্রচারিত আছে। ১৮৪০ খৃষ্টাব্দের পূর্বে “কৌমুদীর” বিলোপ ঘটে। কত পূর্বে নিরূপণের সম্ভাবনা নাই। তবে যে একটা সন্ধান পাইতেছি, তাহাতে কিছু ইঙ্গিত যদি পাই, তাই বা ত্যাগ করিব কেন? “বেঙ্গল একাডেমি অব্ লিটারেচারের” মতে রামমোহনের মৃত্যুর দুই বৎসর পরে “কৌমুদী” আর আবির্ভূত হয়েন নাই। এই প্রবন্ধের লেখক বাবু নবগোপাল মিত্র। তিনি এখন জীবিত নাই। ১৮৩৩ খৃষ্টাব্দে রামমোহনের পরলোক প্রাপ্তি ঘটে। স্মরণীয় ইহার বর্ষদ্বয় পরে অর্থাৎ ১৮৩৫ খৃষ্টাব্দে উহা রহিত হইয়া কথাই লেখক বলিয়াছেন। “ক্রিশ্চিয়ান্ অব্জারে” যাহা লেখা আছে, তন্মতের সহিত যেন এই মত মিলিতেছে। কেন না, অব্জারভার বলেন, ১৮৪০ খৃষ্টাব্দের পূর্বে “কৌমুদী” গতাস্থ। কেন না, ১৮৩৫ খৃষ্টাব্দও ১৮৪০ খৃষ্টাব্দের পূর্ববর্তী বটে। তা হটক। তথাপি এই মত বিশ্বাস্য নয়। উক্ত প্রবন্ধ—প্রবন্ধ-মধ্যে এত ভুল, অসাবধানতা, অসারতা, অলসতা প্রদর্শিত যে—তাঁহার কোনটী ঠিক মত, কোনটী ভুল, তাহা নির্বাচন করিয়া উঠাই হুহু। যাহাতে রাশি রাশি ভ্রম,

(১) সাহেব, আরও এক ভ্রান্তিতে জড়িত। এখানে বলিতেছেন, চল্লিকার প্রভাব ধর্ম করিতে “কৌমুদীর” প্রচার। ইহাও ভুল।

তাহা কিরূপে বিশ্বাস-যোগ্য হইবে? এতদ্বিন্ন আমাদের বিলক্ষণ প্রতীতি হইতেছে—দৃঢ় সংকল্প জন্মিয়া রহিয়াছে যে, তাহার বিলাত-গমনের কিছু পরেই পত্রিকার অস্তিত্ব বিলুপ্ত হইয়া থাকিবে।

এইখানে “কৌমুদীর” প্রবন্ধগুলির তালিকা দিলাম।

(১) “সহমরণ-সম্বাদ” নামক এক প্রবন্ধ। “সংবাদ-কৌমুদীতে” ১৮১৯ খৃষ্টাব্দের জুলাই মাসের “ইণ্ডিয়া গেজেটে” তাহার নির্দেশ আছে।

১৮২১ খৃষ্টাব্দের প্রথম আট সংখ্যার প্রবন্ধতালিকা আমরা সংগ্রহ করিতে পারিয়াছি। প্রধান প্রধান প্রবন্ধগুলিরই উল্লেখ পাওয়া গিয়াছে। সেই প্রাচীন কাহিনী, নিশ্চয়ই এখন মনোহারিণী হইবে। এই কারণে এখানে সে-গুলির সমাবেশ করা গেল। “কলিকাতা-রিভিউ” পত্রিকার ত্রয়োদশ খণ্ড হইতে নিম্নোক্ত অংশ-সমূহ সংগৃহীত হইল।

( ১৮২১ খৃষ্টাব্দ, প্রথম সংখ্যা )।

(২) গবর্ণমেন্ট, যাহাতে বিনা বেতনে একটি বিদ্যালয়-প্রতিষ্ঠা করেন, তজ্জন্ত প্রস্তাব। এই প্রবন্ধে কোন ব্যয়-কুণ্ড ভূপতির উপাখ্যানও নিবেশিত ছিল।

( ঐ অঙ্ক, দ্বিতীয় সংখ্যা )।

(৩) সংবাদ-পত্রে বঙ্গবাসীদের উপকার হইবে, একরূপ প্রদর্শন।

(৪) চিৎপুরে জল-সেচনাদির ব্যবস্থার কথা।

(৫) গুরুভক্তি।

(৬) পোনের বৎসরে উত্তরাধিকারস্বত্ব না পাইয়া, বাইশ বৎসরে পাইলে ভাল হয়, এ বিষয়ের প্রসঙ্গ।

(৭) রূপণ বাবুদের উপর বিক্রম-বাণ। তাহাদের জীবন-লীলার সঙ্গে সঙ্গেই সমগ্র বিত্ত ব্যয় হয়, ইহা উক্ত প্রবন্ধে প্রদর্শিত।

( ঐ অঙ্ক, তৃতীয় সংখ্যা )।

(৮) হিন্দুর শবদাহ-স্থান এবং খৃষ্টানদের গোরস্থান প্রশস্ত হওয়ার আবশ্যিকতা।

(৯) চাউল হিন্দুর প্রধান ভক্ষ্য দ্রব্য। সুতরাং তাহার রপ্তানি-রাহিত্যের ঔচিত্য।

(১০) হিন্দুরা যাহাতে অর্থ ব্যয় না করিয়াই, ডাক্তারি নিয়মে চিকিৎসিত হইতে পারেন, তদর্থে আবেদন।

(১১) দেবতা-প্রতিমা-বিসর্জনের সময়ে সাহেবেরা যাহাতে দ্রুত শকট-চালনা না করেন, তাহার প্রতীকার-প্রার্থনা।

( ঐ অঙ্ক, চতুর্থ সংখ্যা )।

(১২) নেটিভ ডাক্তারদের (এতদেশীয় চিকিৎসকদের) পুত্রগণের সাহেব-ডাক্তারদের অধীনে শিক্ষিত হওয়ার প্রস্তাব।

(১৩) কৌলীন্ড-মূলক বিবাহের অশুণ।



(১৪) বিভবশালীরা, অর্থের অসদ্ব্যবহার করেন, অথচ শিক্ষাকার্যে তাঁহাদের দৃষ্টির অভাব ।

( ১৮২১ অঙ্ক, পঞ্চম সংখ্যা ) ।

(১৫) নূতন উদ্ভাবিত নাটকে কুপথে গমন ।

(১৬) কাণ্ডেণ কাবুগণের অখ্যতি ।

( ঐ অঙ্ক, ষষ্ঠ সংখ্যা ) ।

(১৭) স্বদেশগমনের অব্যবহিত পূর্বে তদানীন্তন প্রধান বিচারপতির, বাবু চন্দ্রকুমার ঠাকুরের বাটীতে নৃত্য-ভোজ্য ও তৌর্যাত্মিক কার্য অর্থাৎ গীত-ভক্ষ্য ভোজ্যাদির প্রসঙ্গ ।

(১৮) এক পঞ্চম-বৎসরীয় বালকের বাঙ্গালা ও ইংরেজিতে অভিজ্ঞতা ।

(১৯) বিদ্যা-চর্চায় কি কি সুযোগ হয় ।

(২০) আর্গরার তাজমহলের বিবরণ ।

(২১) সত্যপরায়ণতা ।

(২২) সাহেব ডাক্তারদের কর্তৃত্বাধীনে বাঙ্গালী যুবকদের শিক্ষানবিশি ।

(২৩) মৃত হুঃখীদিগকে পোড়াইবার জন্ত চাঁদা-সংগ্রহ ।

(২৪) নিঃসহায়া হিন্দু-বিধবাগণের নিমিত্ত ধন-সংগ্রহের আয়োজন ।

( ঐ অঙ্ক, সপ্তম সংখ্যা ) ।

(২৫) শবদাহের ঘাটে দস্যু কর্তৃক উৎপীড়ন ।

(২৬) দাস-দাসীদিগকে প্রশংসাপত্র-প্রদানের আবশ্যিকতা ।

(২৭) জ্বালানি কাঠের অধিক মূল্য। তৎপূর্বে এক টাকায় ১০/ দশ মণ বিক্রীত হইত ।

(২৮) ইংরেজি ভাষা শিখিবার অগ্রে বাঙ্গালী বালকগণ, যেন বাঙ্গালা ব্যাকরণ অধ্যয়ন করে,

এই নিমিত্ত প্রয়াস ।

( ঐ অঙ্ক, অষ্টম সংখ্যা ) ।

(২৯) পক্ষী কর্তৃক মানব-শিশু-অপহরণ ।

(৩০) হিন্দুদের স্থপতিবিদ্যা ।

(৩১) “কলিরাজার যাত্রা” নামক নূতন নাট্যাভিনয় ।

(৩২) অভয়াচরণ মিত্রের নিজ গুরুদেবকে পঞ্চাশ হাজার ( ৫০,০০০ ) টাকা প্রদান ।

(৩৩) কলিকাতার ধনী বাবুদের নিকটে কোন শিক্ষিত ব্রাহ্মণের অসমসাহসিক কার্য ।

( ১৮২২ খৃষ্টাব্দ ) ।

এই বার যে অঙ্কের বর্ণন করিতে হইবে, সে সময়ের কোন নিদর্শন পাইবার সম্ভাবনা নাই । ১৮২২ খৃষ্টাব্দে কি কি প্রবন্ধ বা সমাচার, “সংবাদ-কৌমুদীর” কলেবরে স্থান লাভ করিয়াছিল, তাহার সূচনার কিছুমাত্র গন্ধ-বাস্পও পাই নাই ।

( ১৮২৩ খৃষ্টাব্দ ) ।

তৎপরে পর বৎসরের কথা অর্থাৎ ১৮২৩ খৃষ্টাব্দের সংবাদ, আমাদের কর্ণগোচর হইয়াছে ।

প্রবন্ধের নাম—(৩৪) “বিবাদ-ভঙ্গন”। ইহা, ১৮৫৪ খৃষ্টাব্দের মুদ্রিত “বঙ্গীয় পাঠাবলীর” তৃতীয় ভাগে ও ১৮৭৪ খৃষ্টাব্দের ইংরাজি প্রবেশিকা পরীক্ষার বাঙ্গালা-পাঠ্য পুস্তকে উদ্ধৃত হইয়াছিল।

( ১৮২৪ খৃষ্টাব্দ )।

ইহার পরের ( ১৮২৪ খৃষ্টাব্দের ) তালিকা, অপেক্ষাকৃত আশাপ্রদ। এই বর্ষ, ১৮২৩ খৃষ্টাব্দ অপেক্ষা প্রবন্ধ সংখ্যায় অধিক। ১৮২৪ খৃষ্টাব্দের চৌদ্দটি মন্দভের অস্তিত্ব জ্ঞাত হওয়া গেল। কিন্তু ১৮২১ খৃষ্টাব্দের সঙ্গে ইহার তুলনা হয় না।

(৩৫) কোন চর্মকার-পত্নীর যুগপৎ তনয়-ত্রয়োৎপাদন। তীর্থ-ভ্রমণ, ব্রত, নিয়ম এবং উপবাসেও ধনবান্দের পুত্র হয় না। স্তত্রাং ধনাঢ্যেরা পোষ্যপুত্রগ্রহণ করিতে বাধ্য হইলেন। স্বর্কমানের রাজ্যীর পুত্রোৎপাদন-সময়ে দুই জন জ্যোতিষীর বিভিন্ন কাল-গণনা।

(৩৬) চিৎপুরের এক সন্ন্যাসিনী-কর্তৃক সন্ন্যাসীর প্রণয়িনীকামিনীকে সঞ্জীব অবস্থায় তাৎকালিক সন্ন্যাসীদের প্রথানুসারে মৃত স্বামীর সহিত মৃত্তিকায় প্রোথিত করার বর্ণনা।

(৩৭) অষ্টাদশ-বর্ষীয়া বালিকার সন্তরণদ্বারা নিমতলার ঘাটে গঙ্গার পর-পারে গমন।

(৩৮) ভাগ্য-গণনা-কারী গুপ্তরত্নোদ্ধারক এক ব্রাহ্মণের শ্রীরামপুরে আগমন। এক গৃহস্থের নিকট তাঁহার ২০ কুড়ি টাকার পুরস্কার-প্রাপ্তি। গৃহস্থ, স্থানান্তরে গমন করিল, জ্যোতিষ ব্রাহ্মণ, গৃহস্থের পিতুল-নির্মিত এক রেকাব, মাটির ভিতর পুঁতিয়া ফেলেন। জ্যোতির্বেত্তার গণনা দর্শনার্থ সাহেবদেরও শুভাগমন হইয়াছিল! কার্যান্তর-ব্যাপ্ত গৃহস্থ স্থানান্তর হইতে সমাগত হইলে, শঠ গণক, মৃত্তিকা হইতে ঐ রেকাব খুঁড়িয়া বাহির করিয়া তাহাই “গুপ্ত-ধন” বলিয়া পরিচয় দিলেন। দর্শকগণ কর্তৃক তাঁহার প্রতারণা-প্রকাশ হইল। ব্রাহ্মণ স্বয়ং, কিছু ক্ষণ পূর্বে মাটির ভিতর রেকাব পুঁতিয়াছিলেন, তাহা রাষ্ট্র হইয়া গেল। হস্তপদবন্ধ ব্রাহ্মণকে পথে নিক্ষেপ।

(৩৯) হাতপুর-পরগণায় প্রকাণ্ড সর্প ধৃত হয়। তদাৰ্জ্জনে বৃক্ষ কম্পমান হইয়াছিল।

(৪০) তারকেশ্বরে এক সন্ন্যাসী কর্তৃক জীব-বধ। পত্নীর ধর্মনাশে এই ঘটনা ঘটে।

(৪১) জগন্নাথ-ঘাটে কৃচ্ছ-কর্মকারী এক উর্দ্ধচরণ সন্ন্যাসী। তৎকালে ঐ ঘাট, সন্ন্যাসীদের আশ্রম-স্বরূপ ছিল।

“বঙ্গীয় পাঠাবলী” পুস্তকের তৃতীয় ভাগ এবং এন্টেন্স পরীক্ষার্থ নির্দিষ্ট পাঠ্য পুস্তক হইতে নিম্নে ৭ সাতটি প্রবন্ধের উদ্ধার করা গিয়াছে। এখানে “পাঠাবলীর” যে ভাগের উল্লেখ করিতেছি, সেই “বঙ্গীয় পাঠাবলীর” তৃতীয় ভাগ, ১৮৫৪ খৃষ্টাব্দে মুদ্রিত হইয়াছিল। আর, এন্টেন্স পরীক্ষার যে বাঙ্গালা-পাঠ্য-পুস্তকের বিষয় বলিতেছি, তাহা ১৮৭৪ খৃষ্টাব্দের নির্দিষ্ট পাঠ্য-পুস্তক।

(৪২) প্রতিধ্বনি।

(৪৩) অয়স্কান্ত বা চুষক-মণি।

(৪৪) মকর-মৎস্যের বিবরণ।

(৪৫) বেলুনের বিবরণ।

(৪৬) মিথ্যাকথন।

(৪৭) বিচার-বিজ্ঞাপক ইতিহাস ।

(৪৮) ইতিহাস ।

রাজা রামমোহন রায় মহোদয়ের সম্পাদিত “কৌমুদীর” প্রবন্ধ-পুঞ্জের অন্তরে অনুপ্রবিষ্ট ইহবার ইহাই প্রকৃত অবসর । অনেক ব্যাপারই, এই সূত্রে অবগত হওয়া গিয়াছে । একে একে তত্তাবতের প্রসঙ্গ উল্লিখিত হইতেছে ।

(ক) তিনি বিনা বেতনে বিদ্যালয়প্রতিষ্ঠার প্রসঙ্গ করেন, অথচ আপনিই এতদ্বিষয়ের উপহার প্রদর্শন করিয়াছেন । যিনি কর্মোপদেশক, তিনি যদি কর্মের অ-প্রবর্তক হইতেন, তাহা হইলে তাহা কদাচ সুশোভন হয় না—তাঁহার বাক্য লোকের রুচিকর হয় না । সেই কারণেই তিনি কেবল কার্যের উপদেশ দিলেন না, স্বয়ংই তদ্ব্যাপারের প্রবর্তক হইতেন । তাঁহার এক বেতনহীন বিদ্যালয় ছিল । ভূদেব বাবু, দেবেন্দ্রনাথ ঠাকুর বাবু প্রভৃতি অধুনাতন গণ্য জনগণ, তত্রতা ছাত্র ছিলেন ।

(খ) বিনা মূল্যে দীনহীনদিগকে ডাক্তারি নিয়মে চিকিৎসিত করাইতে তিনি কি কম যত্নশীল ছিলেন ?

বঙ্গালীদের ভিতর সমাচার-পত্রের পাঠক, তখন তেমন আশানুরূপ ছিল না । তাই সংবাদ-পত্রিকায় লোকের প্রবৃত্তি উদ্ভুক্ত করিতে, তাঁহাকে যত্নপর হইতে হইয়াছিল ।

(গ) উত্তরাধিকারিত্বের বয়ঃক্রম-পরিবর্তনে তাঁহার আগ্রহদৃষ্টি সিদ্ধান্ত করিতে, কাহারই কোন বাধা বা দ্বিধা ঘটবে না । আইনে, দূরদর্শনে, প্রগাঢ় জ্ঞানে তৎকালে তাঁহার সমকক্ষ কেহ ছিল না ।

এই সূত্রে একটা আনুমানিক প্রসঙ্গ বলিতেছি । তিনি কবিরাজি চিকিৎসার বিপক্ষ কি না—ইহার আলোচনা করা, মন্দ নয় । এখানে না হউক, অন্তর্ক্ষেত্রে আমরা পবিচয় পাইয়াছি । তিনি স্বদেশীয় কবিরাজি চিকিৎসারও ভক্ত ছিলেন । ফলে, প্রকৃত বিষয়ের তিনি গুণ-পক্ষ-পাতিত্ব চিরজীবনই প্রদর্শন করিতেন । তাই বলিয়া বৈদিশিক উপকারী দ্রব্যমাত্রে তাঁহার বিতৃষ্ণা বা বিদ্রোহও দৃষ্ট হইত না । ডাক্তারি চিকিৎসাও, তাঁহার প্রাণের প্রিয় পদার্থ ।

(ঘ) দীন-শৌণ্ডতা তাঁহার স্বভাব-সিদ্ধ গুণ । তাই “কৌমুদীর” নানাস্থানে নানাভাবে তাহার অবতারণা ।

(ঙ) দরিদ্রের হৃৎথে হৃদয় কাঁদিত বলিয়াইতো শবদাহেব স্রব্যবস্থার দিকে দৃষ্টি আকৃষ্ট হইয়াছিল ?

(চ) কোন্ কালে রামমোহন, স্ব-দেশের প্রবল দুর্ভিক্ষের আতঙ্কে প্রমাদ গণিয়া তপ্তুলের সপ্তানি বন্ধ করিতে বন্ধকটী হইয়াছিলেন ! এক্ষণে শতাব্দীর ত্রি-চতুর্থ বৎসর পরে সেই অভাব বিদূরিত করিতে কতই গগন-ভেদিনী বাণী, রাণীর নিকট পত্রযোগে ও তার-যোগে প্রেরিত হইতেছে ।

(ছ) বর্তমান ব্রাহ্মগণ, যাদৃশ দেব-দেবী-দেবী, রামমোহনের মন, তেমন অশুণে অমোদাৰ্য্য-দোষে পঙ্কিল ছিল না। তাহা হইলে তিনি দেবতা-প্রতিমার বিসর্জনের সময় যুরোপীয়দিগকে বেগে গাড়ী চালাইতে দেখিয়া, মৰ্ম্মাহত হইতেন না। আর তদৰ্থে সংবাদ-পত্রের সাহায্য, তাঁহাকে গ্রহণ করিতে হইত না।

(জ) তাহার পর বৈবাহিক কোলীন্ড নিয়মের উপর খর দৃষ্টিপাত।

(ঝ) তখনও বাঙ্গালা নাট্যশালার সত্তা ছিল। তিনি ভবিষ্য ইতিহাসের অনেক বিষয়েই পথ প্রদর্শন করিতেন।

(ঞ) তত প্রাচীন সময়েও আগরাস্থিত তাজমহলের বিষয় সংবাদ-পত্রে অবতারণা।

(ট) স্বদেশের গুণ-কীর্তনের অবসর, তাহার ভীক্ষুদর্শনকে কদাচিৎ অতিক্রম করিয়াছিল কি না, সন্দেহ-স্থল। সেই জন্মেই পাঁচ-বৎসরের শিশু, কোথায় ইংরেজি ও বাঙ্গালা শিখিয়া লোককে বিস্ময়ান্বিত করিতেছিল, তাহার দৃষ্টান্ত সাধারণের চক্ষুর উপর ধবিলেন।

(ঠ) একটা বিষয়, আমাদের বিবেচ্য। হিন্দুর বৈধব্য-হুঃখ, তিনি দ্বিতীয় বিবাহ দ্বারা উন্মোচিত করিতে সচেষ্ট না হইয়া, তদ্বদেশে কি কারণে ভিন্নপন্থার অনুসরণ করেন?

(ড) অগ্রে স্বদেশীয়ভাষায় জ্ঞান না জন্মিলে, বিদেশীয় ভাষায়—ভিন্ন দেশীয় রীতিতে ব্যুৎপত্তির সম্ভাবনা স্বল্প, এদিকে লোকের দৃষ্টি-আকর্ষণ।

কি কি উপাদান, রামমোহনের সংবাদ-পত্রের উপকরণ,—কি কি বস্তুতে “সংবাদ-কৌমুদীর” অঙ্গ আচ্ছাদিত হইয়া অলঙ্কৃত থাকিত, এক্ষণে এখানে তদ্বর্ণনে ব্যাপ্ত হওয়ার অবসর উপস্থিত।

• সমাজনীতি ও রাজনীতি, ইতিবৃত্ত ও পুরাবৃত্ত, বিজ্ঞান ও দর্শন, সাহিত্য ও ধর্মশাস্ত্র ইত্যাদিই “কৌমুদীর” সমবায়ী কারণ। স্ত্রীশিক্ষা-প্রচারের ইহা মুখপত্র হইয়া উঠিয়াছিল। চিকিৎসা-প্রথা, যাহাতে সমুন্নত হইয়া লোকের মহোপকার-সাধনে ব্রতী থাকিতে পারে, তৎপক্ষেও “কৌমুদীতে” আন্দোলন ও অনুশীলনের আলোচনা ও উদ্দীপনার ক্রটি ছিল না। ফলতঃ, নানা হিতকর ব্যাপার, বিধিমতে উহাতে সমর্থিত হইত। তদ্বিন্ন অগ্র পদার্থও না থাকিত, এমন নয়। সংবাদ-পত্রের প্রভৃতি সংবাদ-পত্রের অস্থি-মজ্জা বলিলেই হয়। সেগুলিও যে উহাতে ছিল না, কে বলিবে? প্রথম শ্রেণীর বার্তাবহে যাহা কিছু প্রয়োজনীয় “কৌমুদীতে” তাহার অভাব থাকিত, এ কথা-প্রচারে কাহারই সাহস কুলায় নাই।

রামমোহন রায় যে, “সংবাদ-কৌমুদীর” প্রচারের মূলীভূত শত্রু—তিনিই উহার প্রবর্তক ও সম্পাদক, তাহা কাহাকেও জ্ঞাত করিতে কস্মিন্ কালেও তাঁহার স্মৃতি বা প্রবৃত্তির উদ্রেক হয় নাই। কিন্তু তাঁহার নামের ও কার্যের কেমন এক কুহক ছিল, যাহাতে প্রায় সকলকেই মস্তমুগ্ধ করিয়া তুলিত। “সংবাদ-কৌমুদীর” সুসম্পাদনে সামাজিক সাধারণ জনগণের দৃষ্টি আকৃষ্ট হইল—মন ভুলিল। স্মৃতরাং কোন্ মহান্ জন, এই প্রশংসনীয় বিষয়ে লিপ্ত তাহার অবধারণে লোকের মতি হইল। লেখার ভঙ্গী, বিচার-প্রণালী, বিষয়-বিভাগ প্রভৃতি দেখিয়াই মানুষের যে সংস্কার জন্মিয়াছিল, তাহা প্রকৃত ব্যাপার হইয়া উঠিল।

রামমোহন রায় “কৌমুদীর” জন্মদাতা । আর ভবানীচরণ বন্দ্যোপাধ্যায়, উহার পালক পিতা । রায় রামমোহন ও বন্দ্যোপাধ্যায় ভবানীচরণ, এই দুই জন “কৌমুদীর” জন্মাবধি প্রতিপালনের ভার গ্রহণ করিলেন । এটা একটা মণি-কাঞ্চন-মিলন “কৌমুদীর” প্রথমকার এই অদৃষ্ট লিপি, বিধির এক অপূৰ্ণ সৃষ্টি । বুঝি বিরিঞ্চি বিরলে থাকিয়া নৈপুণ্য-সহকারে উহার লিপি-রচনায় মন দিয়াছিলেন । কিন্তু অতি অধিক দিন “কৌমুদীর” ভাগ্যে যুগলের যুগ যত্ন সাহসন-সম্ভোগ লেখেন নাই । অল্প কাল পরেই “কৌমুদীকে” এক সাজ্বাতিক আঘাত সহিতে হইল ।

প্রথম জনের অভিলাষ হইল, “কৌমুদী” সহমরণ-বিদেষিণী হইবে । দ্বিতীয়ের চিত্তপ্রবৃত্তি তদ্বিপরীত । সুতরাং কার্য-গতিকে ঘটনা-চক্রে উভয়ের মনোবাদ ঘটিল । এই বারই “কৌমুদীর” প্রমাদ-ঘটনাব সম্ভাবনা হইল ।

প্রথম প্রথম সহমরণ-আন্দোলনে ভবানীচরণকে তত বিচলিত করিতে পারে নাই । অথবা তিনি “কৌমুদীর” মমতায় মোহান্বিত ছিলেন, তাহার জহাই তাহাতে তিনি ক্রক্ষেপ করিতেন না । পরে যতই আন্দোলন-তরঙ্গের বাড়াবাড়ি হইতে লাগিল, তখনই দুয়ে ছাড়াছাড়ি ঘটিল । বিরহ-বিচ্ছেদের সূক্ষ্ম সুর উঠিল । প্রবল কোলাহল ও ক্রন্দনের কাতর রোল, মগনভেদ করিয়া অনন্তশূন্যে মিশিল ।

চারি বৎসর পূর্ণ না হইতেই, পালক পিতা, অসময়ে “কৌমুদী” ত্যাগ করিতে বাধ্য হইলেন । তিনি “কৌমুদীর” অল্পজাতা “চন্দ্রিকার” সৃষ্টি করিয়া, তাহারই সংবর্দ্ধনায় প্রবৃত্ত রহিলেন । ১৮২২ খৃষ্টাব্দ “চন্দ্রিকার” জন্মবৎসর ।

“কৌমুদী” হইতে রচনার নমুনা-স্বরূপ কিছু উদ্ধৃত হইল ।

### সংবাদ-কৌমুদী ১৮৩২।৪ঠা ফেব্রুয়ারির পূর্ব-ঘটনা ।

“শ্রীমত কৌমুদীপ্রকাশক মহাশযেধু—

আমাদের দেশ এবং আমরা, যে পর্যন্ত ব্রিটিশ গবর্নমেন্টের আজ্ঞার অধীন হইয়াছি ও হইয়াছে, সেই অবধি আমরা অনেক উৎপাত হইতে মুক্ত হইয়াছি । বরং বরগী হঙ্গাম এবং মারহাটার অত্যাচারে আমরা কেবল অনেকের মনেও উদয় হয় না । কিন্তু ডাকাইতের ভয়ে আমরা চিরদিনেই শশব্যস্ত রহিয়াছি । যদিও ডাকাইতি অবিরতই হইতেছে । বৎসরের মধ্যে পাঁচমাস অর্থাৎ আষাঢ়াবধি কার্তিক পর্যন্ত ভয়ের কিঞ্চিৎ লাঘব হয় । যেহেতুক ঐ কএকমাস নদী প্রভৃতি প্রায় জলে পরিপূর্ণ থাকে এবং ক্ষেত্রাদিতেও ধান্য ও জল রহিয়া থাকে । সুতরাং ডাকাইতেরা সেই কএক মাস পথের দুর্গমতা হেতুক প্রায় যাতায়াত করিতে পারে না ; কিন্তু অবশিষ্ট সাত মাস অর্থাৎ অগ্রহায়ণ অবধি জ্যৈষ্ঠ পর্যন্ত দস্যুরদের অত্যন্ত অত্যাচারের বৃদ্ধি হইয়া থাকে । ঐ কএক মাস বিশেষতঃ অন্ধকাররজনীতে গৃহস্থেরা রাত্রিকালে প্রায় নিদ্রাবস্থায় থাকেন না । যদিও আমরা ইহা স্বীকার করি যে, পূর্বাপেক্ষা ডাকাইতের অনেক মস্ত্র দমন হইয়াছে, তথাচ আমরা তাহারদের অত্যাচারের ভয়কে অত্যন্ত নিকটে দেখিয়া থাকি । এক্ষণে ডাকাইতের এবং রাত্রিরও দীর্ঘতা বিলক্ষণ আছে । সুতরাং এ সময় ডাকাইতেরদের স্থানের সীমা নাই । এমতে আমরা অধিপতিরদের



প্রার্থনা করিতে পারি যে, অন্য অন্য বিষয়ে যেক্রমে আমারদের ক্রেশের শাস্তি করিয়াছেন, সেই মতে আমারদের এই দুঃখেরও বিমোচন করুন। যেহেতুক ডাকাইতিকে আমরা সাধারণ জ্ঞান করি না। কারণ ডাকাইতি হইলে আমারদের বিভবেরই হানি হইবেক, এমতও নহে। বরং তাহারা জীবনেরও একবারে শেষ করিবেক। অনেক মতে ইহার পরীক্ষা হইয়াছে। অতএব শরণাগত প্রজারদের একরূপ দুঃখের একেবারে নিবারণচেষ্টা করা গবর্ণমেন্টকে ন্যায্য হয়। কিম্বা নিবেদনমিতি। পল্লিগ্রামনিবাসিনঃ।”

আরও কিয়দংশ উদ্ধৃত করা যাইতেছে। তদ্বারা তৎসময়ের ভাষা ও লোকের মনোভাব বুঝিতে পারা যাইবে। যে সময়ের রচনা প্রদর্শিত হইল, তখন “কৌমুদী” সম্পাদক রাজা রামমোহন রায়, বিলাতপ্রবাসী। পাঠকগণ মনোযোগ করিলে লক্ষ্য করিতে পারিবেন— তাহার রচনা অপেক্ষা এই রচনা প্রাঞ্জল।

### “শ্রীযুত কৌমুদী প্রকাশকেষু।

“গত বৎসর কলোনিজেশিয়নের উপকার বিষয়ে আপনি যথেষ্ট লিখিয়াছেন, তথাচ আমি কিঞ্চিৎ লিখিয়া পাঠাই, আপনি প্রকাশ করিবেন। কোন কোন ব্যক্তি সংশয় করিবেন যে ইঙ্গরেজ লোকেরা পল্লিগ্রামে গিয়া দীন-দরিদ্র প্রতি দৌরাত্ম্য করিবেন, একরূপ বিস্তারিত বৃথা; যেহেতু তাহাতে তাহাদের কি ফল দর্শিবেক। সুতরাং অকারণে কে কাহাকে পীড়া দিয়া থাকে। গোরা লোকেই এতদেশীয়দিগকে প্রহার করে, এমত নহে। এদেশীয়েরাও ঝগড়াতে ন্যূন নহেন। পোলিসের নিষ্পত্তিপত্র পুস্তক অবলোকন করুন, তাহাতে অনায়াসে জানিতে পারিবেন যে, কত মোকদ্দমা গোরাসংক্রান্ত থাকে, আর কত মোকদ্দমাতেই বা এদেশীয়েরা বেষ্টিত। বিশেষতঃ গোরা দেখিয়া সকলেই ইচ্ছা করেন যে, প্রতারণা করিব, সুতরাং কাহার অস্থায় অধিক, বিবেচনা করিবেন। কয়েক দিন হইল একজম জাহাজাধ্যক্ষকে গঙ্গামধ্যে এদেশীয় লোক, এমত প্রহাৰ করিয়াছিলেন যে, সম্ভরণ দ্বারা আপন প্রাণরক্ষা করিয়াছেন, ইহা কি সংশয়কারী অবলোকন করেন না। কলিকাতার বাঙ্গালিরা সম-সমাধি-রূপে ইঙ্গরেজদের সহিত কারবার করিতেছেন, তাহার কারণ এই যে, অনেকানেক ইঙ্গরেজ, প্রতিদিন দেখিতে পায়, পল্লিগ্রামে ইঙ্গরেজ নাই।—ইঙ্গবেজ সহিত তাহাদের সাক্ষাৎ হইলে একরূপ ভয় চিত্ত হইতে বহিষ্কৃত হইবেক। তাহা অপকার জন্ম নয়, গোরা আসিয়া কৃষিকর্ম করিবেক; একরূপ অলীক বার্তা কাহার নিকট গুনিয়াছেন। ও সকল গোরা কৃষকের প্রতিপালন ৩০।৪০ মুদ্রা ন্যূনে হইতে পারে না। আর প্রদেশীয় কৃষাণ, অল্প মূল্যে প্রাপ্ত হইবেন। সুতরাং গোরা কৃষাণ কেন আনিবেন? কোন নীলকর সাহেব, গোরা কৃষাণে কর্ম করাইতেছেন। কলোনিজেশিয়ান্ দ্বারা উপকার এই যে, কৃষাণেরা অধিক মূল্য পাইবেক, অথচ শ্রমের অনেক খর্বতা আছে। নানা কর্মে শিক্ষিত হইবেক ও কর্মের পারগতাতে পুরস্কার সম্ভাবনা আছে। তজ্জন্যই ইঙ্গরেজের কর্ম করিতে সকলে ইচ্ছুক। অন্য পরে কা কথা? ইঙ্গরেজের মধ্যে চর্ম্মকারকের কর্ম্মতেও নিযুক্ত হইতে বিশেষ যত্ন করিয়াছেন ও তৎপ্রসাদাৎ এক্ষণে নামলক্ক অক্লেশে হইয়াছেন। অধিক লিখিবার প্রয়োজন হয়, ভবিষ্যৎ লেখা যাইবেক।”\*

১২৩৭ সালে ( ১৮৩১ খৃষ্টাব্দে ) “মোসলমানের শরার হিন্দুদের দোষের বিচার বা দণ্ড-বিধান”-নিবন্ধন এই “সংবাদ-কৌমুদীর” সম্পাদক ও কতিপয় পত্র-লেখক ইহাতে অনেক লেখালেখি করিয়াছিলেন। ( ক্রমশঃ )

শ্রীমহেশ্বনাথ বিদ্যানিধি।

\* সংবাদ-প্রভাকর, ( ১২৪৭ সাল ), ২৪এ খণ্ডন।

† “শরা” অর্থে “কোরাণের” অধ্যায়।

## বৈষ্ণব-কবি জগদানন্দ ।

( তাঁহার খসড়া ও পদাবলী ) ।

বিগত কার্তিক মাসে সাহিত্য-পরিষৎ-সভার শাখা প্রাচীন গ্রন্থ-সমিতির সম্পাদক শ্রীযুক্ত বাবু মৃগালীকান্ত ঘোষ মহাশয় কর্তৃক প্রেরিত হইয়া আমি বর্ধমান জেলার অন্তর্গত শ্রীখণ্ড প্রভৃতি গ্রামে গমন করি । সেই প্রদেশে যে সকল প্রাচীন গ্রন্থ সংগ্রহ করিয়াছিলেন, তাহার তালিকা সাহিত্য-পরিষৎ-পত্রিকা-সম্পাদক মহাশয়-সমীপে প্রেরিত হইয়াছে ।

এই শ্রীখণ্ড গ্রামে বহুসংখ্যক সংস্কৃত ও বঙ্গভাষার কবি জন্মগ্রহণ করিয়াছিলেন, তন্মধ্যে নরহরি সরকার, রায়শেখর ও জগদানন্দ প্রভৃতি বঙ্গভাষার কবি । জগদানন্দ ঠাকুরের জীবনী তাঁহার খসড়া ও পদাবলী যাহা সংগৃহীত হইয়াছে, অথ আমরা তাহাই পাঠকগণ সমীপে উপস্থিত করিব ।

বৈষ্ণব-গ্রন্থে লিখিত আছে, শ্রীখণ্ড গ্রামে পাঁচজন মহাপ্রভুর প্রধান ভক্ত ছিলেন—এই ভক্ত-পঞ্চকের নাম—নরহরি, মুকুন্দ, রঘুনন্দন, চিরঞ্জীব ও সুলোচন । নরহরি ও মুকুন্দ উভয়ে সহোদর ভ্রাতা, রঘুনন্দন মুকুন্দের পুত্র, ইহারা জাতিতে বৈষ্ণব, উপাধি সরকার, বর্তমান কালে রঘুনন্দনের বংশীয়গণ ঠাকুর উপাধিতে ভূষিত হইয়াছেন । আমাদের বর্ণনীয় জগদানন্দ ঠাকুর রঘুনন্দনের বংশে জন্ম পরিগ্রহ করিয়াছিলেন । রঘুনন্দন মহাপ্রভুর সন্ন্যাসধর্ম গ্রহণের পরে ( ১৪৩১ শকাব্দের পরে ) জন্মগ্রহণ করেন । রঘুনন্দনের পুত্র কানাই ঠাকুর, কানাই ঠাকুরের পুত্র মদনরায় ঠাকুর । এই মদনরায়ের পাঁচ পুত্র, যথা—

“জয় জয় মুকুন্দ দাস শ্রীনরহরি ।                      জয় শ্রীরঘুনন্দন কন্দর্পমাধুরী ॥  
জয় প্রভু রূপাময় ঠাকুর কানাই ।                      ত্রিভুবনে যার বংশে তুলনা দিতে নাই ॥  
জয় শ্রীরায়ঠাকুর মদনমোহন নাম ।                      তাহার তনয় পঞ্চ সর্বগুণধাম ॥”

( রসকল্পবল্লী । )

এই ভ্রাতৃপঞ্চকের অষ্টতমের চারি পুত্র জন্মে—প্রথম জগদানন্দ, দ্বিতীয় সচ্চিদানন্দ, তৃতীয় সর্কানন্দ এবং চতুর্থ রূক্ষানন্দ । ইহাদিগের পিতা কোন বৈষ্ণবিক কার্য্যবশতঃ শ্রীখণ্ড পরিত্যাগ করিয়া রাণীগঞ্জের নিকটবর্তী আগরডিহি নামক গ্রামে বাস করিয়াছিলেন । সেই স্থান হইতে তিনি তাঁহার ভ্রাতৃব্রতের সহিত পৃথক্ হইয়া বীরভূমির অন্তর্গত ছবরাজপুর থানার অধীন জোকলাই গ্রামে আসিয়া বাস করেন । এই জোকলাই গ্রামে জগদানন্দের প্রতিষ্ঠিত শ্রীগোপী-নাথবিগ্রহ এবং শ্রীগোবিন্দ মূর্তি অद्याপি বিরাজিত আছেন । এখানে প্রতি বর্ষের ভাদ্রশুক্রা দ্বাদশীতে জগদানন্দের তিরোভাব উপলক্ষে মহোৎসব হইয়া থাকে ।

জগদানন্দের জন্মকাল সম্বন্ধে আমরা কোন প্রত্যক্ষ প্রমাণ সংগ্রহ করিতে পারি নাই, তবে তিনি রঘুনন্দা ঠাকুরের বৃদ্ধপ্রপৌত্র এবং বর্তমান কালের তদ্বংশীয়গণের বৃদ্ধপ্রপিতামহ ছিলেন

এইমাত্র প্রমাণ পাইয়াছি ! রঘুনন্দনের জন্ম যদি ১৪৪০ শকাব্দ ধরা যায়, তাহা হইলে বর্তমান ১৮২০ শকাব্দের ৩৮০ বর্ষ পূর্বে রঘুনন্দনের জন্মকাল নির্ণীত হয়। বর্তমান কালে তৎশীল ঠাকুরসন্তানগণ রঘুনন্দন হইতে দশম পুরুষ এবং জগদানন্দ হইতে পঞ্চম পুরুষ, সুতরাং পূর্বোক্ত ৩৮০ বর্ষের অর্ধেক ধরিয়া লইলে ১৯০ বর্ষ পূর্বে জগদানন্দের জন্মকাল হইবার সম্পূর্ণ সম্ভাবনা। ইহা দ্বারা প্রমাণিত হয় যে, ১৬৩০ শকাব্দের পরে তিনি জীবিত ছিলেন।

মালিহাটীনিবাসী রাধামোহন ঠাকুর পদামৃত-সমুদ্র নামক একখানি পদের সংগ্রহগ্রন্থ সঙ্কলন করেন, সেই গ্রন্থে তিনি বিদ্যাপতি, চণ্ডীদাস, গোবিন্দদাস ও জ্ঞানদাস প্রভৃতি কবিগণের পদসংগ্রহ করিয়াছিলেন, কিন্তু জগদানন্দ ঠাকুরের পদাবলী তখনও প্রচারিত হয় নাই বলিয়া ঐ গ্রন্থে জগদানন্দের একটা পদও সংগৃহীত হয় নাই। পদামৃত-সমুদ্রের অব্যবহিত পরেই বৈষ্ণবদাস ( নামান্তর গোকুলানন্দ সেন ) পদকল্পতরু সংগ্রহ করেন। তাহাতে দেখা যায়, তিনি জগদানন্দের চারিটামাত্র পদ সংগ্রহ করিয়াছেন। অতএব রাধামোহন ও গোকুলানন্দের সময় নিরূপিত হইলেও জগদানন্দের সময় নিরূপিত হইবে।

রাধামোহন ঠাকুর মহারাজ নন্দকুমারের গুরু ছিলেন। তিনি একবার শাস্ত্রার্থ বিচারে জয়লাভ করিয়া গীরজাকরের মোহরাক্ষিত একখানি জয়পত্র লাভ করেন, তাহাতে বাঙ্গালা ১১২৫ সালের উল্লেখ আছে এবং রাধামোহনের জন্মস্থান মালিহাটীতে গমন করিয়া, আমরা শুনিলাম রাধামোহন মহারাজ নন্দকুমারের ফাঁসির পরেও ২১৩ বৎসর জীবিত ছিলেন।

১১২৫ সালে ( ১৬৪০ শকে ) রাধামোহন শাস্ত্রার্থ বিচার করিয়া জয়পত্র লাভ করিয়াছিলেন। মহারাজ নন্দকুমারের ফাঁসির কাল ১৭৭৫ খৃষ্টাব্দ বা ১৬৯৭ শকাব্দ। ইহার ২১৩ বৎসর পরে যদি তাহার মৃত্যুকাল ধরা যায়, তবে রাধামোহন ১৭০০ শকে মৃত্যুমুখে পতিত হইবেন।

পদকল্পতরুসঙ্কলয়িতা গোকুলানন্দ মালিহাটীর এক ক্রোশ পূর্বে টেঞা নামক গ্রামে বৈদ্যবংশে জন্মগ্রহণ করেন। ইনি রাধামোহনের সমকালবর্তী ছিলেন; সম্ভবতঃ গোকুলানন্দ রাধামোহন ঠাকুরের সহিত কীর্ত্তন গান করিতেন। পদকল্পতরুর উপসংহারে গোকুলানন্দ লিখিয়াছেন—

“শ্রীআচার্য্য প্রভুবংশী শ্রীরাধামোহন।	কে করিতে পারে তাঁর গুণের বর্ণন।
যাঁহার বিগ্রহে গৌর প্রেমের বিলাস।	যেন শ্রীআচার্য্য প্রভুর দ্বিতীয় প্রকাশ ॥
গ্রন্থ কৈলা পদামৃত-সমুদ্র আখ্যান।	জন্মিল আমার লোভ তাহা করি গান ॥
নানা পর্য্যটনে পদ সংগ্রহ করিবা।	তাঁহার যতেক পদ সব তাহা লৈয়া ॥
সেই মূল গ্রন্থ অনুসারে ইহা কৈল।	প্রাচীন প্রাচীন পদ যতেক পাইল ॥
এই গীতকল্পতরু নাম কৈলুঁ সার।	পূর্ব রাগাদিক্রমে চারি শাখা যার ॥”

এই সকল প্রমাণ দ্বারা নির্ণীত হইল যে জগদানন্দ গোকুলানন্দের পূর্বে অর্থাৎ ১৬৩০ শকের নিকটবর্তী কোন সময়ে বা পরে জীবিত ছিলেন।

জগদানন্দ পদাবলী ব্যতীত অত্র কোন মূলগ্রন্থ লিখিয়াছিলেন কি না তাহা জানা যায় না;

তবে তাঁহার খসড়াখানি পাঠ করিলে বুঝা যায় যে তিনি “ভাষাশকার্ণব” নামক একখানি গ্রন্থ লিখিতে আরম্ভ করিয়াছিলেন । এই গ্রন্থ সম্পূর্ণ হইয়াছিল কি না তাহাও জানিবার কোন উপায় নাই । এই গ্রন্থের ২, ৩ ও ৪ সংখ্যক পত্র পাওয়া গিয়াছে । প্রথম পত্রখানি পাওয়া যায় নাই । কাব্যখানির যতদূর পর্য্যন্ত পাওয়া গিয়াছে, তাহারই কিঞ্চিৎ আলোচনা করিব ।

কবির জগদানন্দ ককার অনুপ্রাসযুক্ত শ্রীকৃষ্ণলীলাবিষয়ক কতকগুলি পদ নিবদ্ধ করিয়া তাহাই প্রথম কল্লোল নামে অভিহিত করিয়াছেন । এই কল্লোলের ( অধ্যায়ের ) নাম কাদি-দিগ্दर्শন । এই প্রথম কল্লোলের দ্বিতীয় পত্রের প্রথম দুই পংক্তি এই—

“কংস-কুঞ্জর-কেশরী করি-কুম্ভ করজে বিদার ।

করভ করভুজ কোরে কুলবতী করব কেলি বিহার ॥”

এই কল্লোলের শেষ দুই পংক্তি পাঠ করিলে, একরূপ গ্রন্থপ্রণয়নের কারণও জানিতে পারা যায়—

“করহ কবিকুলকণ্ঠে কবিতা করিতে মন যদি ধায় ।

কৃষ্ণকৌশল কাব্য করহিতে জগত-আনন্দ গায় ॥”

প্রতি অধ্যায়ের শেষে—

‘ইতি শ্রীমন্নরহরিচরণকমলাশ্রিতেন কেনচিদ্বিরচিত্তে ভাষাশকার্ণবে

কাদি-দিগ্दर्শনো নাম প্রথমঃ কল্লোলঃ ।’

ইহার দ্বিতীয় কল্লোলের নাম খাদি-দিগ্दर्শন । তাহার প্রথম দুই পংক্তি এই—

“খলখগেশ্বর খোয়লি এত দিনে খঞ্জনলোচনী রাই ।

খীন খঞ্জননয়নী খনে খনে খনিক নিরখহ যাই ॥”

শেষ দুই পংক্তি—

“খোভ মীটব খেদ কর চিতে সকল কবিকুলচন্দ্র । খণ্ডবাসিয়া খণ্ডকপালিয়া কহল জগদানন্দ ॥”

তৃতীয় কল্লোলের নাম গাদি-দিগ্दर्শন, তাহার প্রথম দুই পংক্তি—

“গঙ্গাগরভ গভীর গহ্বরে গদাই গৌর বিরাজ । গৌরগণ মেলি গৌর গুণগণ গড়ল গান সমাজ ॥”

প্রাপ্তখসড়াখানিতে ভাষাশকার্ণব কাব্যের তৃতীয় কল্লোল গাদি-দিগ্दर्শন সম্পূর্ণ হয় নাই, এ জন্ম শেষের অংশটী দেখান হইল না ।

যে খসড়াখানির কথা বলা যাইতেছে, তাহার পত্রসংখ্যা ২১, ইহা পাঠ করিলে জগদানন্দে কবির কাব্য রচনার অনেক রহস্য অবগত হইতে পারা যায় । যেমন মালাকরগণ কতকগুলি নানা জাতীয় কুসুম চয়ন করিয়া একখানি ডালার উপরে সংস্থাপনপূর্বক মালাগুন্ফনে প্রবৃত্ত হয় এবং যেখানে যে ফুলটী গাঁথিলে ভাল দেখায় সেই স্থানে সেই ফুলটী গুন্ফন করে । আমাদের কবি জগদানন্দও সেই প্রকার প্রথমত কতকগুলি শব্দ সংগ্ৰহ করিয়া তাঁহার খসড়া লিখিয়া রাখিতেন, পরে কবিতারচনাকালে যেখানে যে শব্দটী প্রয়োগ করিলে পাঠকের শ্রবণ-শ্রীতিকর হয়, তিনি তাহাই করিতেন । তাঁহার খসড়াখানিতে তিনি যে সকল শব্দ সংগ্রহ



করিয়া রাখিয়াছিলেন তাহার সংখ্যা অনেক। তবে তাহার একখানি পত্রে যে শব্দগুলি গ্রীষ্ম হওয়া গিয়াছে, নিম্নে তাহাই লিখিত হইল,—

“কৃষ্ণ, বিষ্ণু, তৃষ্ণ। দীন, খীন, চীন, হীন, মীন, পীন, ভীন, লীন। কাম, ধাম, গ্রাম, জাম, ঠাম, দাম, নাম, রাম, শ্রাম। কোক, টোক, লোক, শোক। খেদ, ছেদ, বেদ, ভেদ, স্বেদ। কঞ্জ, খঞ্জ, গঞ্জ, ভঞ্জ, রঞ্জ। কুঞ্জ, গুঞ্জ, জুঞ্জ, পুঞ্জ, ভুঞ্জ, মুঞ্জ। গঞ্জি, পঞ্জি, ভঞ্জি। ওর, কোর, গোর, ঘোর, চোর, ছোর, জোর, ঝোর, ঠোর, ডোর, তোর, খোর, ভোর, মোর, নোর, সোর, হোর। কীর, খীর, গীর, চীর, তীর, ধীর, ধীর, নীর, পীর, ফীর, বীর, হীর। কেশ, বেশ, ঠেশ, দেশ, রেশ, লেশ, শেষ। তোষ, দোষ, পোষ, রোষ, শোষ। আশ, ব্রাশ, দাস, নাশ, পাশ, ফাশ, বাস, ভাষ, লাস, মাস, রাস, শ্বাস, হাস। খণ্ড, গণ্ড, চণ্ড, কণ্ড, ভণ্ড। অমল, বিমল, কমল, যুগল, চপল, টলল, তরল, ঘামল, ঘুমল, চুমল, ধুমল, ধমিল, ধোয়ল, বিরল, সরল, গরল, ঘেরল, হেরল, কষিল, ঘষিল, ধসিল, পসিল, রসিল, হসিল, মিলল, খলল, গলল, চলল, ছলল, জলল, ঝলল, টলল, দলল, ফলল, বলল। কোল, গোল, চোল, ডোল, ঢোল, দোল, রোল, ভোল, মোল, লোল, বোল। কোপি, গোপি, রোপি, সৌপি। গহন, দহন, বহন, সহন। অলক, ঝলক, তিলক, ভালক, পলক, ফলক, ললক, হলক। খুধা, সুধা, বিবুধা। কামিনী, গামিনী, জামিনী, দামিনী, ধামিনী, ভাবিনী, ভামিনী, সামিনী। অঞ্জন, খঞ্জন, গঞ্জন, ভঞ্জন, রঞ্জন। অঞ্জল, গঞ্জল, ভঞ্জল, মঞ্জুল। কুঞ্জর, গুঞ্জর। গঞ্জিত, ভঞ্জিত, রঞ্জিত, সঞ্জিত। পঞ্জর, জাঞ্জর, মঞ্জরী। গঞ্জক, ভঞ্জক, রঞ্জক। অঞ্চল, চঞ্চল, বঞ্চল, সঞ্চর, বঞ্চক, কঞ্চক, পঞ্চক, চঞ্চক, কাঞ্চন, বঞ্চন, সঞ্চয়, চঞ্চলা, বঞ্চিত, কুঞ্চিত, মুঞ্চিত, পিঞ্জ। বসুধাসুধাকর। পতিতকগতি। তাপিপতিত কুমুদকুমুদপতি। গুণগণউদধি। রসিক-হৃদয়পরোনিধি। ভকতক নয়ন-চকোর-সুধাকর। কুলবতি-নয়ন-চকোর-সুধাকর। কুলবতি-তৃষিত-নয়ন-মধুপাবলী-চুষ্ণিত-মুখ-অরবিন্দ। অরুণ, করুণ, তরুণ, বরুণ। প্রেম, হেম। বিগলিত, বিচলিত। মাধুরি, চাতুরী। কম্প, চম্পক, ঝম্প। অন্ত, অন্তিক, অন্তর, কান্ত, কান্তি, শ্রান্ত, শান্ত, সন্ততি, নিতান্ত। মন্ত্র, তন্ত্র। কুণ্ডল। আনন্দ, নন্দনন্দন। চন্দ্র, চন্দন, স্বন্দ, ধন্ধ, বন্দিত, নন্দিত, নিন্দিত, মন্দমন্দ, বৃন্দ, বৃন্দাবন, সুন্দর। কুন্দ, বিন্দুবিন্দু, কন্দ, কান্দে। অন্ধ, গন্ধ, ধন্ধ, বন্ধ, রন্ধ।”

খসড়ার অন্ত্যন্ত পত্রগুলিতে কোন স্থানে কবিতার এক চরণ, কোন স্থানে দুই চরণ, বা কোন পদের অংশ দেখিতে পাওয়া যায়। একখানি পত্রে এইরূপ পদের দুইটি করিয়া চরণ দেখা যায়—

“কুচি জিতল দামিনী, ব্রজকুলজ-কামিনী। চকিত মৃগলোচনী, নব যুবতিসঙ্গিনী ॥  
নিখিল দুখমোচনী, গুপত চলু রঙ্গিনী। মদন মনোমোহিনী, মিলিত মধুভাষিনী ॥  
মদন-মহুহারিণী, মধুর মৃহভাষিনী। নীলপটধারিণী, চরণ-মণিকিঙ্কিনী ॥  
চললি গজগামিনী, মৃহলতর ঝঙ্কিনী। মধুর মধুসামিনী, জিতল জগ-লাবণী ॥  
বরশব্দ কামিনী, রণিত মণিকিঙ্কিনী।—”



অতঃপর কোন কোন স্থানে পদের শেষ চরণ দুই চারিটা রচনা করিয়া রাখিয়াছেন তাহাও দেখিতে পাওয়া পাওয়া যায়,—

“তরল গুরু কদল তরু জিতল উরুরাজে ।”

বোধ করি এটা কবির মনোনীত হয় নাই বলিয়া, ইহার পরেই এই পদাংশই অত্র প্রকার লিখিয়াছেন,—

“বুগল গুরু কদল তরু জিতল উরুরাজে । স্মৃতনু তনু অতনু মনুমখন মনুহারী ।”

ইহারও অত্র প্রকার আবার এইরূপ—

“অখিল মনুমখন মনুমখনমনুহারী । তরনিকর তরুণবর অরুণকরধারী ।”

আর একখানি পত্রে কতকগুলি পদের কেবল শেষ চরণ লিখিত আছে—

“ভবনভেজি আবই রে । মধুব অধবে ধবি বাওই রে । পরিমল দশদিশে ধাবই রে । আকুল স্কুললিত গাবই রে । আকুল কুল নাহি পাবই বে । মুবতি সঘন দরশাবই রে । জগদানন্দ চিতে ভাওই রে । মনমথ মন মুবছাবই রে । ভুক ধনু সঘন ধুনাবইরে ।”

এই প্রকার যে পত্রখানি পাঠ করা যায়, তাহাতেই জগদানন্দের নূতন নূতন পদের এক চরণ দুই চরণ বা চারি চরণই দেখিতে পাওয়া যায় এবং কোন কোন পত্রে পূর্ণ পদও পাওয়া যায় । একস্থানে শ্রীকৃষ্ণের রূপ বর্ণনাব কএকটা পদ দেখিলাম তাহা সম্পূর্ণই আছে; পদটা এই—

“ইন্দীবর বর, গরভ গরবহর, রুচির কলেবর কাঁতি ।

চাঁচর চিকুর চূড়পরি চঞ্চল মোর শিখণ্ডক পাঁতি ॥

জয় জয় জয় বিরিন্দাবন চন্দ ।

কুলবতিতৃষিত-নয়ন-মধুপাবলী-চুম্বিত-মুখ-অরবিন্দ ॥ ৬ ॥

উছলিত অলিক সম্বম্পিত চুম্বনে কম্পই লম্বিত মাল ।

অধর সূধাকণ নিলিত সমীরণে বাওই বেণু রসাল ॥

ভাবিনী সরম-ভরম-ভয়-ভঞ্জন ভূষণে ভরু সব অঙ্গ ।

জগদানন্দ চিতে নিতি পছ বিহবতু ঐছন ললিত ত্রিভঙ্গ ॥”

“এই পদটির প্রথম চরণ ও অত্যাশ্চর্য কোন কোন অংশ এই খসড়ার স্থান বিশেষে রূপান্তরে দৃষ্ট হইয়াছে । ইহাতে বোধ হয় কবি প্রথম সেই রূপই বর্ণন করিয়াছিলেন, পরে পদ নিবন্ধনকালে । সেই অংশই আবার প্রকারান্তর করিয়া ইহাতে সন্নিবেশ করিয়াছেন ।

এই পদের প্রথম চরণটা প্রথম লিখিবার সময়ে “নব ইন্দীবর-উদর-গরবহর” এইরূপ লিখিয়াছিলেন, পরে যখন তাহা একটা পূর্ণ-পদরূপে লিখিয়া শেষ করিলেন তখন উহাতে—

“ইন্দীবর বর, গরভ-গরব-হর”

এইরূপ লিখিত হইল । জগদানন্দের খসড়ার বিষয়ে বলিবার অনেক কথা থাকিলেও আমরা অত্র এই স্থানেই তাহার উপসংহার করিলাম ।

এক্ষণে আমরা জগদানন্দের পদাবলীর বিষয় কিঞ্চিৎ বলিয়া প্রবন্ধ শেষ করিব ।

জগদানন্দের পদাবলী চারি শ্রেণীতে বিভক্ত, বাহ্যচিত্র, অন্তর্চিত্র, অমুকৃত ও সাধারণ । একই বর্ণের অমুপ্রাসযুক্ত পদগুলি বাহ্যচিত্র নামে অভিহিত, ইহা কবির নিজের লেখা দৃষ্টে অমুমিত হয় । তিনি এক স্থানে লিখিয়াছেন,—

“অথ বাহ্যচিত্র গীতং” তিরোথা ধানসী ।

কিতব কেশব কুশল কি কহব কঞ্জলোচনীরাই ।  
 কি জনি কতি খনে কব কি হোওব কহিতে জায়লুঁ ধাই ॥  
 কুম্ব কাশ্মুক কোপে কাতর কেলিকুঞ্জ লোটাবই ।  
 কুলকলঙ্কিনী কি কহু কা দেই কহিতে কিছুই না ভাওই ॥  
 কান্তকাহিনী কহিতে কান্দই কহই ঐছন তোয় ।  
 কুলজ কামিনী কুপথগামিনী কয়লি কী ফল মোয় ॥  
 কঞ্জনয়নীক কণ্ঠে কেবল কেলি করত পরাগ ।  
 কোরে করইতে কাঁপে কুলেবর জগত আনন্দভাগ ॥

এই পদটি কেবল “ক” বর্ণ দ্বারা চিত্রিত হইয়াছে—

“খেম কি কহব খলখগেশ্বর খোয়লি এতদিনে রাই ।  
 খীন খঞ্জনয়নি খনে খনে খনিক নিরখহ যাই ॥  
 খলিত দিঠিজলে খোম ভীগল খোভ কোন মিটাবই ।  
 খেদ কি কহব খিপত সমগতি খীর-নীর না খাবই ॥  
 খসল কুস্তল খোনি বিলুঠই পেখি ঐছন ভায়ই ।  
 খসঞে খিতিতলে খীন শনি খসি পড়ি ধূলি লোটাবই ॥  
 খোলি খরতর খরগ খঞ্জর মদন মারত ধাবই ।  
 খণ্ডকপালিয়া খণ্ডবাসিয়া জগত-আনন্দ গাবই ॥”

ইহা “খ” বর্ণ দ্বারা চিত্রিত হইয়াছে । এইরূপ গ ও ঘ প্রভৃতি বর্ণ দ্বারা চিত্রিত পদাবলীও দেখিতে পাওয়া যায় ।

অন্য প্রকার যথা বিভাষ—

উদিতারুণ হসিত নলিন, মুদিত কুমুদ চাঁদ মলিন,  
 • হতশায়ক দুখদায়ক রতিনায়ক ভাগে ।  
 শূতল খলজলরুহদল, তড়িত জড়িত জলধরতুল,  
 মুখঝামর ধনি শ্রামর নিশিপ্রাতর ভাগে ॥  
 বিগত বসন-ভূষণ সাজ, অচেতন রহু নিলজ-রাজ,  
 • গিরিধারিম বহুগারিম, রহু কারিম দাগে ।  
 বদন জিতল শরদ-ইন্দু, ছরম ঘরম বিন্দু বিন্দু,  
 নিশিজাগরি রসমাগরি বরনাগরি আগে ॥

ফুকরত শুকশারিক বহু, কোকিল কুল কুহরই মুহু,  
 দেখ ভাবিনি গজগামিনি নহি কামিনি জাগে ।  
 কহ সহচরি শ্রবণ ওর, পরিহর ধনি হরিক কোর,  
 কিএ দোষব তব তোষব যব রোষব রাগে ॥  
 কি হেরসি হসি শয়ন রঙ্গ, বর নিরমল কুলকলঙ্ক,  
 ষশধামিনি রুচিদামিনি কুলকামিনি লাগে ।  
 সাজি কবরি ভূষণবাস, জগদানন্দ নবীন দাস,  
 কুরু চেতন স্ননিকৈতন চলু বেতন মাগে ॥

ঠাঁহার কোন কোন কবিতায় “জগদানন্দ নবীন দাস” এইরূপ লিখিত আছে, ইহাতে বোধ হয় যে সেই সকল কবিতাই তিনি প্রথম রচনা করেন ।

তথা—

“অকরণ পুন বাল অরুণ, উদিত মুদিত কুমুদ বদন,  
 চমকি চুম্বি চঞ্চরী পছমিনীক সদন সাজে ।  
 কিজনি সজনি রজনী ভোর, ঘুঘু ঘন ঘোষত ঘোর,  
 গতযামিনী জিত দামিনী কামিনীকুল লাজে ॥  
 ফুকরত হত-শোক কোক, অব জাগব সবহু লোক,  
 শুকশারীক পিক কাকলি নিধুবন ভরিও আজে ।  
 গলিত ললিত বসন সাজ, মণিযুত বেণী ফণি বিরাজ,  
 উচ কোরক রুচি চোরক কুচ জোরক মাঝে ॥  
 তড়িত জড়িত জলদ ভাঁতি, ছুঁছ শুতি স্মুখে রহল মা,  
 জিনি ভাদর রস-বাদর পরমাদর শেজে ।  
 বরজ কুলজ জলজ নয়নি, যুমল বিমল কুমল বয়দি,  
 কুত লালিস ভুজ বাণিশ, আলিশ নাহি তেজে ॥  
 টুটল কিএ ঘুণ ধনুগুণ, কিএ রতি রণে ভেল তুণ শূন,  
 সন্নর মাঝ পড়ল রাজ রতিপতি ভয়ে ভাজে ।  
 বিপতি পড়ল সুধিবৃন্দ, গুরুগণ অতি কহই মন্দ,  
 জগদানন্দ সরস বিরস রসবতী রসরাজে ॥”

কবির জগদানন্দের বাহুচিত্রকাব্যের নমুনা দেখান হইল । ইহার পর অন্তশ্চিত্র কাব্য দেখান হইতেছে ।

আমরা দুইটা মাত্র অন্তশ্চিত্রপদ সংগ্রহ করিতে পারিয়াছি ; তাহাও ভ্রমপ্রমাদ-পরিশূন্য নহে । দুই এক স্থানের অর্থও সঙ্গত হয় না । তথাপি আমরা বেকরূপ পদ দুইটা প্রাপ্ত হইয়াছি তাহাই পাঠকমহোদয়গণ সমীপে উপস্থিত করিলাম ।

“নর হ রি নাম অস্ত রে অছু ভাবহ হ বে ভবসাগ রে পার ।  
 ধর রে শ্রবণে জীব হ রিনাম সাদ রে চিন্তামণি উ হ সার ॥  
 যদি কু তপাপী আদি রে কহ মন্ত্রক রা জ শ্রবণে ক রে পান ।  
 শ্রীকৃ ষ চৈতন্য বলো হ য় সেহ দুর্গ ম শাপ তাপ স .হ ত্রাণ ॥  
 কর হ গৌর গুরু বৈ ষ ব আশ্রয় ব হ .নরহরি না ম হার ।  
 .সংসা রে নাম লই স কু ত হইয়া ত .রে আপামর ছ রা চার ॥  
 ইথে কু ত বিষয় তৃ ষ পছ নাম হ রা ত্তি ধারণে-শ্র ম তার ।  
 কু তৃ ষ জগদানন্দ কু . ত কর্ম দুস্থ ম তি রহল কা রা গার ॥”

এই কবিতাটির প্রতি পঙ্ক্তির তৃতীয়, নবম, পঞ্চদশ এবং একবিংশ বর্ণে চিত্র আছে । ইহা অবরোহ আরোহ ক্রমে পাঠ করিলে “হরে কৃষ্ণ হরে কৃষ্ণ কৃষ্ণ কৃষ্ণ হরে হরে । হরে রাম হরে রাম রাম রাম হরে হরে ॥” এই কলিযুগ-পাবন মন্ত্র পাওয়া যায় ।

### দ্বিতীয় চিত্র ।

বীন মি লনে ত মুখ রি তুহঁ স পতি অ নেক কেলি ।  
 । সিক আ সয়ে ন গণি ধ রম মা নিনী গা রিমা গেলি ॥  
 : সিত ব দনে ম জাল্যে ল লনা প রব ন্দ কত করি ।  
 রি তিঅ লি সম ন কর গ মন ন ন্দের ন ন্দন .হরি ॥  
 প্র গত ব নিতা এ সব যু বতি তু লনা আ সিবে কিসে ।  
 ভু লাঞা র মণী ক মল ন যনী আ শাহ ত কল্যে শেষে ॥  
 তু ষিয়া আ দরে ক তপ র কাঁরে পা সর গ রব অক্ষ ।  
 মি নতি কি কর রি তিনা চ লহ অ সুখী জ .গদা নন্দ ॥

এই পঙ্ক্তির প্রতি পঙ্ক্তির প্রথম, চতুর্থ, সপ্তম, দশম, ত্রয়োদশ ও ষোড়শবর্ণে চিত্র দেখিতে পাওয়া যায়, ইহাও পূর্বের মত অবরোহ আরোহ ক্রমে পাঠ করিলে—

“নর হরি প্রভু তুমি । কি আর বলিব আমি ॥  
 তন মন এক করি । চরণ যুগল ধরি ॥  
 সমাপন তুয়া পায় । জগত আনন্দ গায় ॥”

এই কবিতাটি লাভ করা যায় । কবিতা দুইটিতে যে নরহরি শব্দ ব্যবহৃত হইয়াছে, ইহার অর্থ কবির পূর্ব পুরুষ নরহরি সরকার ঠাকুর এবং শ্রীগৌরাজ । নরহরি শব্দের অর্থ যে গৌরাজ, তাহা মুরারি গুপ্ত কৃত কড়চায় লিখিত আছে । ইহার পরে কবির অনুকৃত পদের কথা বলা যাইতেছে—

জগদানন্দ প্রাচীন পদকর্তাদিগের অনুকরণ করিয়া যে সকল পদাবলী রচনা করেন, তাহাই 'অনুকৃত' পদাবলী নামে অভিহিত । পদকল্পতরুর চতুর্থ শাখার ছাদশ পল্পবে শ্রীরাধিকার ভাব উল্লাসের একটি পদ আছে, এই পদটী সিংহভূপতির ভণিতায়ুক্ত । কবির ঠিক এই পদের অনুরূপ শ্রীবিষ্ণুপ্রিয়তার ভাব উল্লাসের একটি পদ রচনা করিয়াছিলেন, এই পদটীর ছন্দঃ, ভাষা, সুর ও বিষয় সবই একপ্রকার আদর্শপদের কিঞ্চিদংশ এখানে উদ্ধৃত হইল—

“রে রে পরম প্রেম সজনি,           নয়নগোচর কোন দিন জনি,

নাহ নাগর গুণক আগোর কলাসাগর রে ।

যবছঁ পিয়া মঝু ভঙনে আওব,   দূরে রহি যুঝে কহি পাঠাওব,

সকল ছখন তেজি ভূখন সমক সাজব রে ॥

সাজ নতি ভয়ে নিকট আওব,   রসিক ব্রজপতি হিয়ে সান্তায়ব,

কাম কোশল কোপ কারজ তবছঁ রাজব রে ।” ইত্যাদি ।

পূর্বেকৃত পদের অনুরূপ জগদানন্দের পদ—

“হোত মনছঁ ছলাস সুলছন,           বাম নিজভূজ উরজ ঘন ঘন,

ফুরই দূরসঞে প্রাণ পিউ কিএ অদূর আওব রে ।

যবছঁ পছঁ পরদেশ তেজব,           আগে নি লিখন সন্দেশ ভেজব,

তবছঁ বেশ বিশেষ বিভূষণ সবছঁ ভাওব রে ॥

ত্রিপথ গামিনী তীর পিউ যব,           অচিরে আওব শুনত পাওব,

অলস তেজি কুচ কলস জোর অগোরি সাজব রে ।

তবহিঁ হিয় মাহ হারপহিরব,           বেণী ফনীমণি মালে বিরচব,

চলব জলছলে কলস লেই সব কলেশ ভাজব রে ॥

নদীয়াপুর জয়তুর বাওব,           হৃদয় তিমির সূদূর ধাওব,

ভকত নখতর মাঝ যব দ্বিজরাজ রাজব রে ।

গোর অঁগ যব অঁগন আওব,           ঘুঁঘুঁট দেই তব নিকট যাওব,

দিঠি জলছলে কলধোত পগ করি ধোত মাজব রে ॥

রঙণ শয়নক ভঙন পৈঠব,           পীঠ দেই হসি পালটী বৈঠব,

কছু বিরস ভৈ কছু সরস দৈ দশদোথে দোখব রে ।

পীন কুচ করকমলে পরশব,           খীন তনু মঝু পুলকে পূরব,

ভাখি নহি নহি আঁখি মুদি রস রাখি রোখব রে ॥

বাহঁগহি তব নাহ সাধব,           সময় বুঝি হাম সব সেমাধব,

সুধই সুধাময় অধর পিবি পিউ পুন পিয়াওব রে ।

মীন কেতন সমরে চেতন'           হীন হোওব নিশি নিকেতন,

অবিরোধ বিন অনরোধ পিউ পরবোধ পাওব রে ॥



মিটব কি হিয় বিষাদ ছল ছল, নয়নে পছঁব তবহিঁ কল কল,  
নাদ স্তম্ভদ সম্বাদ এক ধনি ধাই লাওল রে।  
নাই আওল এতনি ভাখন, মৃত সঁজীবন শ্রবণে পিবি পুন,  
জগত ভনজমু জীবন মৃততমু জীবন পঁওল রে ॥

গোবিন্দ কবিরাজের অনুকরণ যথা—

অভিসার।

অবিরত বাদর, বরিখত দরদর, বহই তরলতর বাত ।  
বিষধরনিকর ভরল, পথ অরুকত অজর বজর বিনিপাত ॥  
হরি হরি কৈছে চলব কুছরাতি ।  
না বুঝত কণ্টক শঙ্কট বাটহি মার গোঙার বররাতি ॥  
যোপদ শরদ-কোকনদ দলহিঁ ধূলি পরশে সীতকার ।  
উচ নীচ কিচ বীচ অব সোপদ কৈছনে করব সঞ্চার ॥  
চলইতে চঙকি নগর পুর বাহির গুরু ছরুজন ছরবার ।  
গতি অতি গোপত বেকত ভয়ে ভাবিত জগদানন্দ নাচার ॥

সাধারণ পদাবলী।

অভিসার।

শুঞ্জ বিকচ কুসুমপুঞ্জ, মধুপ শবদ গুঞ্জ গুঞ্জ, কুঞ্জর গতি গঞ্জি গমন মঞ্জুল কুলনারী ।  
ঘন গঞ্জিত চিকুরপুঞ্জ, মালতি ফুলমালে রঞ্জ, অঞ্জনযুত কঞ্জনয়নী খঞ্জন-গতিহারী ॥  
কাঞ্চনরুচি রুচির অঙ্গ, অঙ্গ অঙ্গ ভরু অনঙ্গ, কিঙ্কিনী করকঙ্কণ মৃদু ঝঙ্কত মনোহারী ।  
নাচত যুগ-ক্র-ভুজঙ্গ, কালী দমন-দমন রঙ্গ, সঙ্গিনী সুব রঙ্গে পহিরে রঞ্জিল নীলশাড়ী ॥  
দশন কুন্দ-কুসুমনিন্দু, বদন জিতল শরদ ইন্দু, বিন্দু বিন্দু ছরম ঘরমে শ্রেমসিদ্ধু প্যারী ।  
ললিতাধরে মিলিত হাস, দেহ দীপিত তিমির নাশ, নিরখি রূপ রসিক ভূপ ভুলল গিরিধারী ॥  
অমরাবতী যুবতীবন্দু, হেরি হেরি পড়ল ধন্দ, মন্দ মন্দ হসনা নন্দ-নন্দন স্তম্ভকারী ।  
মণিমাণিক্য নথ বিরাজ, কনকনুপুর মধুর বাজ, জগদানন্দ স্থল-জল-রুহ চরণক বলিহারী ॥

আমরা যথাসাধ্য জগদানন্দ ঠাকুরের জীবনচরিত ও তৎপ্রণীত পদাবলীর সঙ্কলন করিলাম। কিন্তু যে পরিমাণে তাঁহার জীবনের উপাদান আমরা সঙ্কলন করিতে সমর্থ হই নাই, তদপেক্ষা বহুগুণে অধিক পরিমাণে তাঁহার কবিত্বের প্রমাণ প্রাপ্ত হইয়াছি। ঠাকুর জগদানন্দের কবিত্ব বড় সাধারণ নহে। সুপ্রসিদ্ধ সংস্কৃত হিতোপদেশসঙ্কলয়িতা বিষ্ণুশর্মা মহোদয়ের মতে যে কাব্যশাস্ত্র-বিনোদনে ধীমান্গণের কাল স্তখে কাটিয়া যায়, জগদানন্দের কাব্য তজ্জাতীয় কাব্যনিচয়ের মুকুটমণি বলিলেও অত্যুক্তি হয় না। শাস্ত্রকারেরা নির্দেশ করিয়াছেন—

মরত্বঃ দুর্লভঃ লোকে বিদ্যা তত্র সুদুর্লভা ।

কবিত্বঃ দুর্লভঃ তত্র শক্তি স্তত্র সুদুর্লভা ॥

অশীতি কোটি জীবের মধ্যে নরজন্ম দুর্লভ । বিদ্যার অবিদ্যমান সেই নরজন্মও অকিঞ্চিৎকর । সহস্র সহস্র বিদ্বান্মনুষ্যের মধ্যে একটি কবি মিলে কি না সন্দেহ । আবার সহস্র সহস্র কবির মধ্যে একটি শক্তিমান কবি অধিকতর সুদুর্লভ । এখন যে কবিত্ব চারিদিকে ছড়াছড়ি যাইতেছে । সঞ্চরমান ভূবায়ুর শিরোভাগে যে শক্তি অনুক্ষণ তরঙ্গায়িত হইতেছে, ঠাকুর জগদানন্দের কবিত্ব ও শক্তি সে শ্রেণীর নহে । জগদানন্দের বাহ্যচিত্র, অন্তশ্চিত্র, অনুরূত ও সাধারণ এই চারি শ্রেণীস্থ পদাবলীরই নিদর্শন উপরিভাগে প্রদর্শিত হইয়াছে, সেই সকল পদাবলীতে যে কবিকুল-দুর্লভ অত্যদ্ভুত কবিত্ব ও কবিলোকবিজয়িনী অসামান্যশক্তির পরিচয় আছে, কাব্যসমালোচক পণ্ডিতমাত্রই তাহা প্রাণ ভরিয়া আশ্বাসন করিবেন । কোন কোন সংস্কৃত কবি ও কোন কোন বঙ্গীয় কবি অন্তশ্চিত্রপদাবলী গ্রহণ করিয়াছেন বটে, কিন্তু তদ্বিষয়ে জগদানন্দের ত্রায় প্রচুরশক্তি প্রদর্শনে কেহই সমর্থ হন নাই । বাহ্যচিত্রাবলী প্রসিদ্ধ পদকর্তা গোবিন্দদাসের অনেকগুলি আছে বটে, কিন্তু জগদানন্দের চিত্রপদের নিকট তাহাও অকিঞ্চিৎকর । অত্রান্ত অন্তশ্চিত্র কবিতার চিত্রবর্ণাবলী দ্বারা দুই একটি শব্দ অধিকতঃ কবির নামেই পরিষ্কৃত হইয়া থাকে । সুললিত ছন্দো বন্ধের কবিতা এবং দ্বাত্রিংশদ্বর্ণায়ক তারকব্রহ্ম নাম জগদানন্দের চিত্র গাথা ভিন্ন অত্রের চিত্র কবিতায় কেহ কখনও দেখিয়াছেন কি ? কি কবিত্ব, কি ছন্দো-লালিত্য, কি রচনা চাতুর্য্য, কি শব্দবিভ্রাস, কি চিত্র, বোধ হয় ঠাকুর জগদানন্দ সকল বিষয়েই তাঁহার পূর্বতন ও পরবর্তী কবিকুলের বন্দনীয় ও অগ্রগণ্য । যে কবিত্তে মুগ্ধ হইয়া ও যে রসে ডুবিয়া মাহুষ কিয়ৎকালের জন্ত শোক তাপ ভুলিয়া যায়, জগদানন্দের কবিতা সেই শ্রেণীর । যেমন প্রক্ষুটিত ও সৌরভময় গোলাপকে নাড়াচড়া করিতে ভয় করে, পাছে তাহার সৌন্দর্য্যের ও মাধুর্য্যের হানি হয়, জগদানন্দের কবিতা সম্বন্ধে অধিক কথা বলিতে মাদৃশ ক্ষুদ্র ব্যক্তির তাদৃশ ভয় হইতেছে, এজন্ত এই স্থলেই নীরব হইলাম ।

উপসংহারে আর একটা কথা বলা আবশ্যিক । কোন কোন লেখক ও সমালোচক জগদানন্দের দুই একটি পদ প্রকাশ করিয়াছেন । তাঁহাদের বিশ্বাস জগদানন্দের পদের সংখ্যা দুই চারিটির অধিক নহে এবং কেহ ইহাকে মহাপ্রভুর পার্শ্বদ জগদানন্দ পণ্ডিত বলিয়াছেন, কেহ বা শ্রীনিবাস আচার্য্য প্রভুর বংশীয় রাধামোহন ঠাকুরের পিতা জগদানন্দ বলিয়া নির্দেশ করিয়াছেন । কিন্তু আমরা তাঁহার প্রথমাবস্থার হস্তলিখিত পাণ্ডুলিপি পাইয়াছি এবং সেই পাণ্ডুলিপির “খণ্ডবাসিয়া খণ্ডকপালিয়া জগদানন্দ ভাষই” এই পদানুসারেই তাঁহার প্রকৃত পরিচয় প্রদান করিয়াছি । তিনি যে কে এবং কোন বংশ উদ্ভূত করিয়াছিলেন, এখন তাহা জানিতে গুনিতে কাহারই কষ্ট হইবে না ।

শ্রীকালিদাস মাথ ।

## বাঙ্গালা পুথির বিবরণ ।

দীঘাপতিয়া-রাজবংশীয় শ্রীমৎ কুমার শরৎকুমার রায় কএকখানি বাঙ্গালা পুথি সংগ্রহ করিয়া আমাকে দেখিতে দিয়াছিলেন । পুথিগুলির পাতা বিপর্যস্ত হইয়া থাকায় মিলাইতে কিছু কষ্ট পাইতে হইয়াছে । মিলাইয়া যে কএকখানি পুথি বাহির হইয়াছে, তাহার সংক্ষিপ্ত বিবরণ নিম্নে প্রদত্ত হইল । ছঃখের বিষয় অনেকগুলি পুথি খণ্ডিত । যে পাতাগুলি নাই, তাহার উদ্ধারের আশাও অল্প । যাহা পাওয়া গিয়াছে, তাহা রক্ষাও উপযুক্ত বোধ করিয়া নিম্নের বিবরণ প্রকাশার্থ পাঠাইলাম ।

১। রামায়ণ—কৃত্তিবাস প্রণীত আদিকাণ্ডের কিয়দংশ, প্রথম ১৫ পত্র মাত্র । শেষ পাতায় হরিশ্চন্দ্রের উপাখ্যান চলিতেছে । তারিখ নাই । প্রচলিত কৃত্তিবাসের সহিত মিলাইবার অবকাশ ঘটে নাই । আরম্ভে বন্দনাদি পর কৃত্তিবাসের এইরূপ পরিচয় আছে—

পিতা বনমালী মাতা মেনকার উদরে ।

জন্ম লভিলা কৃত্তিবাস ছয় সহোদরে ॥

বলভদ্র চতুর্ভূজ অনন্ত ভাস্কর ।

নিত্যানন্দ কৃত্তিবাস ছয় সহোদর ॥

পঞ্চভাই পণ্ডিত কৃত্তিবাস গুণশালী ।

অনেক পাত্র পড়া রবে শ্রীরামপাচালি ॥

শুনিতে অমৃতধার লোকেত প্রকাশ ।

ফুলিয়াতে বৈসেন পণ্ডিত কৃত্তিবাস ॥

২। রামায়ণ—অদ্ভুত আচার্য্যের রচিত । এই রামায়ণের চারিখানি পুথির কিয়দংশ করিয়া পাওয়া গিয়াছে । দুই খানিতে আদিকাণ্ডের আরম্ভ, তৃতীয় খানি উত্তরকাণ্ডের কিয়দংশ, চতুর্থ খানি উত্তরকাণ্ড প্রায় সম্পূর্ণ । ভণিতায় “অদ্ভুত আচার্য্যের কবিত্ব মধুর ভারতী” ইত্যাদি আছে । অদ্ভুত আচার্য্যের অল্প পরিচয়াদি কোথাও নাই । কোন পুথিরই তারিখ নাই । পুথির বয়স আনুমানিক দেড় শত বৎসর । কাগজের অবস্থা দেখিয়া এইরূপ অনুমান করিলাম ।

একটা বিচ্ছিন্ন পত্রে রামায়ণ আরম্ভ হইয়া যেন গ্রন্থকর্তার পরিচয় দিবার চেষ্টা হইয়াছে বোধ হইল । কিন্তু সেই কাণ্ডটা এই রামায়ণের অন্তর্গত কিনা এবং সেই গ্রন্থকর্তা অদ্ভুত আচার্য্য কিনা স্থির করিতে পারিলাম না । নিম্নে সেই অংশ টুকু তুলিয়া দিলাম । যথাদৃষ্টং তথা লিপিতম্ ।

ব্রহ্মার ভোগের বস্ত্র অমৃতের ভাণ্ড ।

অতি অল্পপাম বাণী পোথা আইদ কাণ্ড ।

দেবগণ সহ বন্দ শ্রীরামের চরণ ।

বামেত জানকী বন্দ দক্ষিণে লক্ষ্মণ ।

কপিকুল সহ বন্দো পবননন্দন ।

জাহার হৃদয়ে প্রভু থাকেন সর্বক্ষণ ॥

বাস্কিক মুনি বন্দো ত্রিভুবনের সার ।

জাহার প্রসাদে পোথা বৃক্ষিল সংসার ॥

প্রপিতামহ গুরু বন্দো জার আইদ ধণ্ড ।

তাহার তনয় বন্দো নামেত প্রচণ্ড ॥

তাহার তনয় বন্দো নামেত শ্রীনিবাস ।

গুণের সাগর তেহো নারায়ণের দাস ॥

তার পুত্র উপজিল মাণিক জঠরে ।  
চারি সহোদর তারা পণ্ডিত গুণনিধি  
আত্মাই কুলেত বাস বড়বড়িয়া গ্রাম ।  
মহাপুরুষ জন্মিল জদি পৃথিবি আঝার ।—

জন্মিল চারিপুত্র চারি সহোদরে ॥  
ভারতপ্রসাদে পাই অপক্লিত সিদ্ধি ॥  
সুভক্ষণে জন্মিল পুত্র নিত্যানন্দ নাম ॥

ইহার পর সহসা “আজ্ঞাকারি কন্তু শ্রীরামকান্ত দাসশু প্রণাম সত কোটয়োকোট নিবেদনঞ্চ  
মহাশয়ের” বলিয়া শেষ ।

আর একটা পাতাতেও সম্ভবতঃ অদ্ভুত আচার্য্যের রামায়ণ যেন আরম্ভ হইয়াছে, সেখানটা  
এইরূপ—

ঐ নমো গণেশায় ॥  
রাম রাম প্রভু রাম কমললোচন ।  
রাম রাম বোল ভাই মুক্তি হওক পাপী ।

রামং লক্ষণং পূর্বজং  
জে রাম স্মরণে হয় পাপ বিমোচন ॥  
অন্তকালে উদ্ধারিতে রাম বিষ্ণুরূপী ॥

রাম জন্মিতে ছিল সাট সহস্র বৎসর ।  
বাগ্নিকে রচিল কাব্য ভবিষ্যপুরাণ ।  
অদ্ভুত আচার্য্যের কবিত্য মহাসয় ।  
বিষ্ণুর এক নাম চারিবেদের তুলনা ।  
মহামুনি জানিয়া কহিল সকল ।

অনাগত রচিল বাগ্নিক মুনিবর ॥  
লোক বুঝাইতে হইল স্মৃষ্ণ বাখান ॥  
রচিলেন রামায়ণ শ্রীরামের জয় ॥  
হেন সহস্র নাম রামনামের ঘোষণা ॥  
রাম পরমব্রহ্ম কহিলা মহেশ্বর ॥ ইত্যাদি ।\*

উপরে যে চারি খণ্ড পুথির উল্লেখ করিয়াছি, তাহার দুই খণ্ডে আদিকাণ্ডে রামবনবাসের  
উদ্যোগ পর্য্যন্ত আছে। তৃতীয় খণ্ডে উত্তরকাণ্ডের ৪৭ পর্য্যন্ত (প্রথম পত্র নাই)। চতুর্থ  
খণ্ডে উত্তরকাণ্ড প্রায় সমগ্র ভাগ আছে। ইহার ৪ হইতে ১৭৬ পর্য্যন্ত পত্র বর্তমান। প্রত্যেক  
পত্রের দুই পৃষ্ঠে লেখা। শ্লোকসংখ্যা প্রতি পত্রে প্রায় পাঁচিশ। শেষ পাতায় লবকুশের যুদ্ধ  
চলিতেছে। সমগ্র উত্তরকাণ্ড প্রায় ২০০ পাতা ধরিলে শ্লোকসংখ্যা প্রায় পাঁচ হাজার হয়।  
অদ্ভুত আচার্য্যের রামায়ণে অত্যাশ্চর্য্য কাণ্ড এইরূপ বৃহৎ হইলে সমগ্র গ্রন্থ প্রকাণ্ড কলেবর  
হইবার সম্ভব।\*

\* “অদ্ভুত আচার্য্যের রামায়ণ প্রকাণ্ড গ্রন্থ। উহার আদিকাণ্ডে ৫৮, অবোধ্যাকাণ্ডে ৯, অরণ্যাকাণ্ডে ৯,  
কিঙ্কাকাণ্ডে ২৪ পাতা, মোট ৩০৭ পাতা পাইয়াছি। প্রতিপাতে গড়ে ৬৬ শ্লোক আছে। সুতরাং শ্লোক  
সংখ্যা প্রায় ২০২৬২। গ্রন্থারম্ভে অদ্ভুত আচার্য্য এইরূপ আত্মপরিচয় লিখিয়াছেন—

“প্রপিতামহো বন্দো জাহার খণ্ড ।  
তাহার তনয় হ’ল নামে শ্রীনিবাস ।  
তাহে উপজিল পুত্র মাণিক প্রচারে ।  
চারি সহোদর পণ্ডিত গুণনিধি ।

তাহার পুত্র উপজিল নামেত প্রচণ্ড ।  
গুণ মহাশয় তেহো নারায়ণের দাস ।  
জন্মিল চারি পুত্র চারি সহোদরে ।  
ভারতীর প্রসাদে হইল অপক্লিত সিদ্ধি ।

পুথি সমস্ত পড়িয়া দেখিবার অবকাশ ঘটে নাই, যতদূর দেখিলাম, কৃত্তিবাসের প্রণালী হইতে পৃথক্ বোধ হইল না। উত্তরকাণ্ডে, ~~অন্য~~ কর্তৃক রামের নিকট রাবণের ইতিবৃত্তবর্ণনা, তাহার পর সীতার বনবাস ইত্যাদি যথারীতি বর্ণিত হইয়াছে। ‘অদ্ভুত রামায়ণ’ নামে শতস্কন্ধ রাবণের উপাখ্যানমূলক যে সংস্কৃত আছে, তাহার সহিত এই অদ্ভুত জ্ঞাচার্য্যের রামায়ণের কোন সম্বন্ধ আছে বোধ হইল না।

৩। মহাভারত—“কবীন্দ্র” রচিত—২ হইতে ১৮ পাতা পর্য্যন্ত বর্তমান। উভয় পৃষ্ঠে লিখিত। ১৭ পত্রে আদি পর্ব সমাপ্ত হইয়া সভাপর্ব আরম্ভ হইয়াছে। আদি পর্বের শেষে ভণিতা এইরূপ—

বিজয়-পাণ্ডব কথা অমৃতের ধার।

ইহলোকে পরলোকে করে উপকার ॥

লক্ষ্মণ পরাগল অতি মহামতি।

কবীন্দ্রে কহিল কথা আদিপর্ব ইতি ॥

“ইতি আদিপর্ব সমাপ্ত ॥ লিখিতঃ শ্রীগোবিন্দরাম দেব শর্ম্মন সন ১১৩১ সাল মাঘে ভাদ্র ২ রোজি।”

“কবীন্দ্র” রচিত এই মহাভারত বা “বিজয়-পাণ্ডব কথা” আদিপর্বের সহিত পরবর্তী ৪ ও ৫ সংখ্যক বিজয়-পাণ্ডবকথার আদিপর্বের কোন কোন মিলাইয়া দেখিলাম; প্রায় প্রত্যেক স্থানেই কিছু কিছু তফাত থাকিলেও মূলতঃ এক পুস্তক বলিয়াই বোধ হইল। ৪ ও ৫ সংখ্যক গ্রন্থে “পরাগল” নামের উল্লেখ দেখিলাম না।

৪। মহাভারত—এই বৃহৎ গ্রন্থখানি প্রায় সম্পূর্ণ অবস্থায় আছে। প্রথমে কয়েকটা ও

সোণার রাজ্য নামে ছিল বড়বাড়ী গ্রাম।

শুভরূপে হইল জ্যোষ্ঠ নিত্যানন্দ নাম।

মহা পৌরস তবে জন্মিল সংসারে।

যত যত সংকর্ষ তার পৃথিবী ভিতরে।

দেবগণে মুনিগণে কর্ষ শুভাচার।

অদ্ভুত নাম হইল বিদিত সংসার।

মাঘ মাসে শুরুপক্ষ ত্রয়োদশী তিথি।

ব্রাহ্মণবেশে পরিচয় দিলেন রঘুপতি।

প্রভুর কৃপায় হইল রচিত রামায়ণ।

অদ্ভুত হইল নাম সেই সে কারণ।

যজ্ঞপবিত্র নাহি বয়সে সপ্ত বৎসর।

রামায়ণ গাইতে আজ্ঞা দিলা রঘুবর ॥

জন্মি নাহি জানে বিপ্র অক্ষরের লেশ।

যত কিছু কহে বিপ্র রাম উপদেশ ॥

পয়ার প্রবন্ধে পোখা করিল প্রচার।

তপোবলে হইল তার এ তিন কুমার।

জয়, বিজয় হইল আর শিবানন্দ।

একত্রে তিনেক বর দিলা রামচন্দ ॥ ইত্যাদি।

গ্রন্থ রচনার কাল—

“সাকে বেদ রিতু সপ্ত চন্দ্রেতে বিখ্যতে।

সপ্তমি রেবতি যুত বার ভৃগুশুভে ॥

কর্কটাতে স্থিতি রবি পঞ্চদশমীতে।

কৃষ্ণপক্ষে সমাপ্তিকা প্রথম যাম্যতে ॥”

উল্লিখিত ও অন্যান্য লেখা হইতে জানা যায়, গ্রন্থকারের প্রকৃত নাম নিত্যানন্দ বা নিতাইচাঁদ, ৭ বর্ষ বয়সে তিনি রামায়ণ রচনা করেন। এই অদ্ভুত কাব্য করা হেতু তাহার উপাধি হয়—অদ্ভুত আচার্য্য। তাহার গ্রন্থ রচনার কাল বোধ হয় ১৭৬৪ সংবৎ। (শ্রীমদিকচন্দ্র বন্দ্য পত্র।)



মাঝে কয়েকটা পাতা নাই । নিম্নে বিভিন্ন পর্কের বিবরণ দিলাম । প্রত্যেক পত্র উভয় পৃষ্ঠে লিখিত, প্রতি পত্রে শ্লোকসংখ্যা প্রায় চল্লিশ

আদিপর্ক—প্রথম ৭ পাতা নাই । ৮ হইতে বর্তমান । আদিপর্ক ২০শ পত্রে শেষ ।  
পর্ক শেষে ভণিতা—

বিজয় পাণ্ডব কথা অমৃতের ধার । ইহলোকে পরলোকে করে প্রতিকার ॥

বৈশম্পায়ন কহে কথা জনমেজয় স্থানে । আদি পর্কের কথা এহি সমাধানে ॥

সভাপর্ক—২১ হইতে ২৭ পর্য্যন্ত । পর্ক শেষে—

বিজয় পাণ্ডব নাম, পুণ্য কথা অনুপাম,

অমৃত বরিষে সর্ককাল ।

শ্রবণে ছরিত যায়, সমরেত পায় জয়,

আয়ুর্ষশ বাড়ে ঠাকুরাল ॥

বনপর্ক—২৮—৪১ পর্য্যন্ত । পর্ক শেষ—

পুণ্য কথা ভারতের বিজয় ভারত । রাজা স্থানে মহামুনি কহেন বনপর্ক ॥

বিরাট পর্ক—৪১—৬০ পর্য্যন্ত । পর্ক শেষে—

বিজয় পাণ্ডব নাম অমৃতের ধার । ইহলোকে পরলোকে করে উপকার ॥

মহামুনি কহিলেন জনমেজয় স্থানে । বিরাট পর্কের কথা এহি সমাধানে ॥

ই কথা শুনিতে লোক না করিহ হেলা । কলিভয় তরিতে নামের এহি ভেলা ॥

উদ্যোগ পর্ক—৬০—৭৭ । পর্ক শেষ—

ভারতের পুণ্যকথা অমৃত সমান ।

উদ্যোগ পর্কের কথা এহি সমাধান ॥

ভীষ্মপর্ক—৭৭-৯৩ । পর্ক শেষ—

বিজয়-পাণ্ডব কথা অমৃত-লহরী ।

শ্রবণে ছরিত হরে পরলোক তরি ॥

শ্রীকৃষ্ণ বোলয়ে সতে হরিগুণ গাথা ।

এহি হইতে সমাধান ভীষ্মপর্ক কথা ॥

দ্রোণ পর্ক—৯৩-১১৩ । পর্ক শেষে—

বিজয়-পাণ্ডব কথা অমৃত-লহরী ।

ইহলোকে সুখভোগ অন্তে স্বর্গপুরী ॥

এ কথা শুনিতে কেহো নাহি করে হেলা ।

কলিভবসাগর তরিতে এহি ভেলা ॥

মুনিবরে বোলে দ্রোণপর্ক সমাধান ।

ইহা পরে কর্ণপর্ক কর অবধান ॥

কর্ণপর্ক—১১৩-১২৮ । পর্ক শেষ—

বিজয় পাণ্ডব নাম,

পুণ্য-কথা অনুপাম,

কর্ণপর্ক হৈল সমাধান ।

শল্য পর্ক—১২৮-১৩২ । পর্ক শেষে—

বিজয়-পাণ্ডব কথা অমৃত-লহরী ।

শ্রবণে ছরিত হরে পরলোকে তরি ॥

যে কথা শুনিতে ভাই না করিহ হেলা ।

কলিভবসাগরে তরিতে এহি ভেলা ॥

গদাপর্ক—১৩২—১৪০ । পর্ক শেষে—

বিজয়-পাণ্ডব কথা অমৃত সমান ।

গদাপর্ক ইতি হৈতে হৈল সমাধান ॥

মহাভারতের কথা শুন সাবধানে ।

সুখভোগ করি চলে দেবের সদনে ॥

সৌপ্তিক পর্ক—১৪০—১৪৫ । পর্ক শেষে—

বিজয়-পাণ্ডব কথা অমৃতের ধার ।

ইহলোকে পরলোকে করে উপকার ॥

বিজয়-পাণ্ডব কথা অমৃত-লহরী ।

শুনিলে অধর্ম খণ্ডে পরলোকে তরি ॥

জয়মুনি জৈমিনি ? বোলে জনমেজয় স্থানে । সৌপ্তিক পর্কের কথা এহি সমাধানে ॥

আদিপর্কের শেষে বৈশম্পায়ন ও সৌপ্তিক পর্কের শেষে জৈমিনি মহাভারত বক্তা বলিয়া বর্ণিত ।

স্ট্রীপর্ক—১৪৫—১৫৪ । পর্ক শেষে—

পাণ্ডব-বিজয় কথা অমৃত-লহরী ।

ইহলোকে সুখ হয় পরলোকে তরি ॥

কহে বৈশম্পায়ন জনমেজয় স্থান ।

স্ট্রীপর্কের কথা এহি সমাধান ॥

এখানে পুনশ্চ বৈশম্পায়নের নাম ।

ইহার পর ১৫৫ হইতে ১৬৫ পত্র বর্তমান নাই । এই কয়েক পত্রের সহিত সমগ্র শান্তি, অনুশাসন ও ঐষিক পর্কের অভাব । গ্রন্থ শেষে সূচী মধ্যে শান্তি ও অনুশাসনের পর ঐষিক, তৎপরে অশ্বমেধ পর্কের নাম আছে ।

যজ্ঞপর্ক—১৬৮—২৭৬ । মধ্যে ১৮৯ হইতে ১৯৯ পত্র নাই । এই পর্কটি বিজয়-পাণ্ডব গ্রন্থ মধ্যে নিবিষ্ট হইলেও ইহা স্বতন্ত্র ব্যক্তি রচিত পৃথক্ গ্রন্থ বলিয়া বোধ হইতেছে । অত্যাচ পর্ক পর্ক মধ্যে অধ্যায় ভেদ নাই ; ইহার মধ্যে অধ্যায় ভেদ ও প্রত্যেক অধ্যায় শেষে ভণিতা আছে । নিম্নের উদাহরণে বুঝা যাইবে, এই বৃহৎ গ্রন্থ দ্বিজ কৃষ্ণরামপ্রণীত জৈমিনি ভারতের অশ্বমেধ পর্ক ।

পর্কবস্ত্রে—

অনুভব পদস্বরে,

জয়মুনি অনুসারে,

সুত কহে শৌনকেরে ।

নৈমিষারণ্যে বসি,

অষ্টাশী সহস্র ঋষি,

দীর্ঘ পুণ্য মহাতপ করে ॥

নৈমিষারণ্য খণ্ড,

পৃথিবীর ভূজদণ্ড,

তরুলতা রসালে আনন্দ ।

\*

\*

\*

\*

\*

অশ্বমেধ যজ্ঞকথা,

সুতমুনি কহে কথা,

শৌনকাদি ভণে সাবধানে ।

পদবন্ধ করি পরাপর,

কহি কথা এহি সার,

নরলোকে শুনে সাবধানে ॥

সুতমুনি বোলে শুনহ সভাখণ্ড ।

উপারোধে নৃপতি ধরিল ছত্রদণ্ড ॥

জনমেজয় শুনেস্তি কহেস্তি জয়মুনি ।

সেই কথা সুতমুখে শৌনকাদি শুনে ॥

কহিয়ে সে সর্ব কথা সভা বিদ্যামানে ।

সেই কথা কহি আমি শুন সাবধানে ॥ ইত্যাদি ।

বিভিন্ন অধ্যায়-শেষে—

\*পুণ্যকথা অনুপাম অমৃতরসময় ।

বাগীশ্বরী প্রণমিয়া কৃষ্ণদাসে কয় ॥\*

“ত্রিপদীর ঠাম, রচে কৃষ্ণরাম, আর কহি তার পরে ॥”

“কৃষ্ণরাম পণ্ডিত পদবন্ধ।”

“পুণ্যকথা জয়মুনি ভারত অনুপাম। পদবন্ধে কহন্তি পণ্ডিত কৃষ্ণরাম ॥”

“জনমেজয় রাজারে কহিল জয়মুনি ॥”

“ভনে অনুপাম, শর্ম্ম কৃষ্ণরাম, হরিপদগতিমতি।” ইত্যাদি।

পর্ক শেষে—

জয়মুনি কহিলেন জনমেজয় তরে। অশ্বমেধ পর্কে সূত কহে শৌনকেরে ॥

পুরাণ ভারতকথা বিচিত্র কাহিনী। ফলশ্রুতি কেহো তার কহিতে না জানি ॥

ছয়ষষ্টি অধ্যায় পুথি হইলেন পূর্ণে। কৃষ্ণরাম দ্বিজে তাহা পদবন্ধে ভনে ॥

“ইতি জয়মুনি ভারত জন্মপর্ক সমাপ্ত ॥ যথা দৃষ্টং তথা লিখিতং ইত্যাদি ॥ ইতি সন ১১৬৪ সাল তারিখ ৬ই জ্যৈষ্ঠ রোজ সমবার দুই প্রহর বেলা হইতে তিথি ত্রয়োদসি সহস্রাক্ষর শ্রীরাম-প্রসাদ শর্ম্ম বাগছি সাকিম চন্দ্রপুর পরগনে শোনাবাজু তপ্যে চাঁপেলা সরকার বাজুহায় তালুক শ্রীযুত ৬বৃন্দাবনচন্দ্র দেবদেবশ্র গোমাস্তে শ্রীযুত কীম্বর (?) তালুকদার ইতি।”

আশ্রমপর্ক—২৬৭—২৮৩। পর্ক শেষে—

বিজয়-পাণ্ডব কথা অমৃত-লহরী। শুনিলে অধর্ম্ম ধণ্ডে পরলোকে তরি ॥

জয়মুনি কহেন কথা জনমেজয় স্থানে। আশ্রম পর্কের কথা এহি সমাধানে ॥

স্বর্গারোহণ পর্ক—২৮৩—২৮৯। পর্ক শেষে—

বিজয়-পাণ্ডব নাম অমৃত সমান। মুনিবর কহে রাজা জনমেজয় স্থান ॥

ইহাকে শুনিলে লোক না করিহ হেলা। কলি ভবসাগরে তরিতে এহি ভেলা ॥

যে মনে শুনে যেনে করিয়া ভকতি। তাহাকে দিবেন বর দেব শ্রীপতি ॥

“জৈমুনি” বোলেন রাজা জনমেজয় স্থান। স্বর্গ আরোহণ কথা এহি সমাধান ॥

“ইতি স্বর্গ আরোহণ সম্পূর্ণ। ইতি জয়মুনি ভারতকথা সমাপ্ত ॥ যথা দৃষ্টং তথা লিখিতং লিখ্যকো নাস্তিঃ দোসকং গণিতপাদেন ॥ বিদ্যা, বিচলিত স্মৃষ্টি (?) ॥ পুস্তক লিখিতং সহস্রাক্ষর শ্রীরামপ্রসাদ শর্ম্ম বাগছি সাং চন্দ্রপুর, পরগনে সোনাবাজু তপ্পে চাঁপেলা সরকার বাজুহায় তালুক শ্রীযুত ৬বৃন্দাবনচন্দ্র দেবদেবশ্র শকাব্দা ১৬৭৯ সোলসত উম্মাসি স্বেদারি নবাব সিরাজদৌলা ফৌজি বতারিখ ১৮ই আসাড় যেওজ মিরজাফর জমিদার শ্রীমতি রাণি ভবানি দেব্যা গোমাস্তে দয়ারাম রায় সন ১১৬৪ এগারস চৌসষ্টি পুস্তক সমাপ্ত বতারিখ ১২ শ্রাবণ রোজ সমবার দিবা ১ এক প্রহর সদম্যাং তিথো শ্রীগুরবে নম শ্রীকৃষ্ণ সহায় শ্রীসরেশ্বতি সহায় শ্রীভূর্গা সহায় ॥”

৫। মহাভারত—১—২১ পত্র আদি পর্ক সম্পূর্ণ আছে। সভাপর্কের প্রথম কয় ছত্র মাত্র আছে। এই মহাভারত পূর্কিতে ৪ সংখ্যক বিজয়-পাণ্ডব মহাভারত হইতে অভিন্ন। ৪ সংখ্যক মহাভারতের প্রথম যে কয়টা পদ নাই, তাহার অভাব এই পুথি হইতে পূরণ হইতে পারে। তারিখ নাই। পর্ক শেষে ভণিতা—

বিজয়-পাণ্ডব কথা অমৃতের ধার । ইহলোক পরলোকে করে উপকার ॥  
বৈশম্পায়ন কহে জনমেজয় স্থানে । আদি পর্কের কথা এহি সমাধানে ॥

৬ । মহাভারত—“বিজয়-পাণ্ডব কথা” ; ৪ সংখ্যক পুথি হইতে অভিন্ন ।  
১ হইতে ৪৯ পত্র, উদ্যোগ পর্কের আরম্ভ হইতে কর্ণ পর্ক শেষ পর্য্যন্ত বর্তমান । তারিখ নাই ।  
কাগজের অবস্থায় পুথি প্রাচীন বলিয়াই বোধ হয় । মধ্যে ২২।২৩ পাতা নাই ।

বিশেষ বিবরণ ।

উদ্যোগ পর্ক—১—১৩ । শেষে—

জয়মুনি কহেন শুনে জনমেজয় । উদ্যোগ পর্কের কথা সমাপ্ত এহি হয় ॥

ভীষ্মপর্ক—১৩—৩০ । শেষে—

বিজয়-পাণ্ডব কথা অমৃত-লহরী । শুনিলে অধর্ম্ম খণ্ডে পরলোকে তুরি ॥

কবীন্দ্রে বোলয়ে ভীষ্মপর্ক সমাধান ॥

দ্রোণপর্ক...৩০...৪৯ । শেষে—

বিজয়-পাণ্ডব কথা অমৃতের ধার । ইহলোক পরলোক করে উপকার ॥

মুনিবরে কহে দ্রোণপর্ক সমাধান । তদন্তরে কর্ণপর্ক কর সমাধান ॥

৭ । মহাভারত—অশ্বমেধ পর্ক—কৃষ্ণরাম প্রণীত । ৪ সংখ্যক পুথির অন্তর্নিবিষ্ট  
অশ্বমেধ পর্ক হইতে অভিন্ন । পুথি অসম্পূর্ণ । ১ হইতে ১২ পত্র মাত্র বর্তমান ।

৮ । তুলসীচরিত্র । ভগীরথ প্রণীত । ৪ খানি পাতা...৯ পৃষ্ঠা । শঙ্খাসুর ঘটত  
উপাখ্যান ।

আরম্ভ—নমো গণেশায় । প্রণমহো নারায়ণ লক্ষ্মীপতি । তদন্তরে প্রণমহো দেবী পরস্বতী ॥

প্রণমহো নারায়ণ অনাদি নিধন । সৃষ্টি স্থিতি ( প্রলয় ) যাহার কারণ ॥

বণিক জনার সঙ্গে বসি নানা রঙ্গে । মন দিয়া শুন কহি বিষ্ণুর প্রসঙ্গে ॥

যেমতে তুলসী আইলা পৃথিবী ভিতর । \* \* কহি সব শুন এক চিত্তে ॥

কংসারিসেনের পুত্র দ্বিজ ভগীরথ । পদ্মপুরাণে কহে তুলসী মাহাত্ম্য ॥

শেষ । তুলসীমাহাত্ম্য কথা যে করে শ্রবণ । অন্তকালে পবিত্র সেই শ্রীকৃষ্ণ চরণ ॥

কংসারি সেনের পুত্র বির (? ) ভগীরথ । পদ্মপুরাণে কহে তুলসীর মাহাত্ম্য ॥

“ইতি তুলসীচরিত্র সমাপ্ত । শ্রীগুরবে নমঃ । শ্রীরামকানু দেবশর্মাণঃ স্বাক্ষর পুস্তকমিদং ॥

শকাব্দাঃ ১৬৫৬ মাহে শ্রাবণ ॥”

৯ । গজেন্দ্রমোক্ষণ । ভবানীদাস প্রণীত । ১ হইতে ১৬ পত্র সম্পূর্ণ গ্রন্থ ।

আরম্ভে বন্দনাদির পর—

দ্বিজগণের গুরুজনের বন্দিয়া চরণ । ভবানীদাস কহে গজেন্দ্রমোক্ষণ ॥

পাণ্ডুগা গ্রামে বসত সর্বলোকে জানে । সৌকালীন ঘোষ তেহৌ বিদিত ভুবনে ॥

সে স্থানে করিয়ে দণ্ডবৎ প্রণাম । সম্প্রতিক বন্দো বিরটি গ্রাম ॥

সভার চরণে করিয়ে বিনয় । গজেন্দ্রমোক্ষণ নামে করি পঞ্চালি ॥  
 বাঙন হইয়া মনে ধরিতে চাহে চান্দ । ভাগবত শাস্ত্র করি পাঁচালি ছন্দ ॥  
 হীনজনা যদি ঔষধ মনে করয় । পণ্ডিতের ব্যাধি-যন্ত্রে নাহিক মনে সংশয় ॥  
 তেমতে কহি আমি হরিগুণ কথা । শ্রবণে পাতক হাত্যা নাহিক অশ্রুতা ॥

শেষ—

“গজেন্দ্রমোক্ষণ কথা বিদিত ভুবনে । দুখ মোক্ষ হয় যেরা জন শুনে ॥

ভবানীদাসে কহে শুনে সর্বজন । সংসার তরিতে যদি ভজ নারায়ণ ॥  
 হরি নারায়ণ রামকৃষ্ণ গুণনিধি । ভজ রাধাকৃষ্ণ অবধি ॥

“যথা দৃষ্টং তথা লিখিতং লিখকো নাস্তি দোষক । ভিমশ্চাপি রণে ভঙ্গো মুনির্নাক্ষ মতিভ্রমঃ ॥  
 শ্রীরামকালু দেবশর্মণঃ অক্ষরমিদং । ইতি গজেন্দ্রমোক্ষণ পাঁচালি সমাপ্তঃ । শকাব্দা ১৬১৫ শক ॥”

১০ । শ্রামন্তকহরণকথা—গুণরাজ খাঁ রচিত । ৮ পত্র ।

আরম্ভ—সর্ব্ব যটে সমরূপ দেব নারায়ণ । শুন সর্ব্বজনে কহি বিচিত্র কথন ॥ ইত্যাদি ।

শেষ—মণিহরণকথা শুন সর্ব্বজন । আনন্দে শুনিলে হয় স্বর্গে গমন ॥

হেম অদ্ভুত শুনিলে সর্ব্বজনে । গুণরাজ খাঁ...গোবিন্দ চরণে ॥

“ইতি শ্রামন্তক মুনিহরণকথা সমাপ্তঃ । যথা দৃষ্টং তথা লিখিতং লিখকো নাস্তি দোষক  
 ভিমশ্চাপি রণে ভঙ্গক মুনির্নাক্ষ মতিভ্রম । দুষ্থেন লীখিতা পুস্তি যঃ শোয়...আদ্বিজ মাতা চ  
 স্কুরিতশ্চ পিতা তশ্চ চ গাঙ্কিক ।...শ্রাবণ মাসের ছও মঙ্গলবার অমাবস্যা শকাব্দা ১৬১৭ শক ।  
 শ্রীরামকালু দেবশর্মণঃ স্বাক্ষরং ।”

১১ । বৃন্দাবনধ্যান ও বৃন্দাবনপরিত্রমণ—কৃষ্ণদাস রচিত । ৯ পত্র ।

শেষ—চৌরাশী ক্রোশ ব্যাপি শ্রীবৃন্দাবন মণ্ডল । তার মধ্যে সংক্ষেপে কহিল এই স্থল ॥

শ্রীরূপ রঘুনাথ পদেকর আশ । বৃন্দাবনের ধ্যান এই কহে কৃষ্ণদাস ॥

প্রভাতে উঠিয়া করে শ্রবণ পঠন । শ্রীব্রজমণ্ডল হয় মনে জাগরণ ॥

ইহার শ্রবণে ফল মনের উল্লাস । শ্রীবৃন্দাবন বাস আশ করে কৃষ্ণদাস ॥

১২ । বিদ্যাসুন্দর—ভারতচন্দ্র রচিত । ৫৯ পত্র, উভয় পৃষ্ঠায় লেখা । পুথির

তারিখ শাক ১৭৫১ । ১৩ই বা ২৩শে পৌষ । লেখক রামানন্দ দেবশর্মা । কালীর বন্দনার পর  
 অন্নপূর্ণা পাটুন্টি সংবাদ লইয়া আরম্ভ । প্রচলিত বিদ্যাসুন্দর হইতে পাঠে যথেষ্ট বিভেদ আছে  
 বোধ হইল ।

১৩ । এই অসম্পূর্ণ পুস্তিকা খানির আদ্যস্ত নাই । প্রথম পত্রের অভাব । ২ হইতে ১০  
 সংখ্যক পত্র বর্তমান । তাহার পর অভাব । লেখকের নাম, ব্রহ্ম হরিদাস । গ্রন্থের নাম  
 পাওয়া গেল না । গ্রন্থের তারিখও নাই । গ্রন্থের বিষয় কৃষ্ণার্জুন কথোপকথনচ্ছলে বৈষ্ণব



সম্প্রদায় বিশেষে (?) সাধনসংক্রান্ত কথা । “চারি চন্দ্র ভেদ” প্রভৃতির উল্লেখ দেখিয়া বাউল বাঁতদিধ কোন সম্প্রদায়ের সাধনাবিষয়ক গ্রন্থ বলিয়া অনুমান হইল । গ্রন্থখানি বঙ্গ সাহিত্যে পরিচিত কিনা আমি জানিনা । যে কয়েক পাতা আছে দেখিলাম, তাহা অত্যন্ত কৌতূহলোদ্দীপক । গ্রন্থরস্তুে সৃষ্টি বর্ণনা হইতে কিয়দংশ নমুনাস্বরূপ উদ্ধৃত করিলাম—

শূন্যস্থলে আছি আমি রাজ্য অভ্যস্তর ।

আমি সে পরমতত্ত্ব ব্রহ্মাণ্ডের ঈশ্বর ।	অধিষ্ঠান আছি আমি তোমার কেশবর ॥
ইন্দ্র আদি করিয়া যতেক দেবগণ ।	সম্ভাবে আছি আমি সবারি গোচর ॥
এহি মতে ভাবিয়া আমাকে করে সার ।	উত্তম ভকত সেই সেবক আমার ॥
জ্ঞানরূপে সেবা যদি করি এ আমারে ।	যুমের শক্তি তাকে কি করিতে পারে ॥
শুনহে অনাদি দেব বচন আমার ।	আপনে আপনা চিন জ্ঞান কর সার ॥
জ্ঞান পরিমাণে যেরা আমাকে না ভজয় ।	বিফলে জীবন তায় বার্থে জন্ম হয় ॥
কলিযুগে গুরু সেবিয়া আমাকে ভুজিব ।	সকল জীবন তার সর্বসিদ্ধি পাইব ॥
অহঙ্কারে ভাবিলা তুমি অনাদি কুমার ।	বিলম্ব না হইব পিণ্ড পড়িব তোমার ॥
এহি বুলি ঈশ্বর করিলেক সমাধান ।	ছায়ারূপে মহামায়া হইলা অধিষ্ঠান ॥
অনাদি সাক্ষাতে আদ্যা আইলা আচম্বিত ।	অদ্ভুত মুরতি দেখি হইলা বিস্মিত ॥
ভুরুর ভঙ্গী দেখি কামের কামান ।	চন্দ্র জিনিয়া শোভাঅ দীপ্তমান ॥
দেখিয়া অনাদিদেব মনেত ভাবিল ।	প্রভুর মায়াএ তার মন মোহিল ॥
আত্মক দেখিয়া দেব মনেত ভাবিল ।	কন্দর্পের পঞ্চবাণ হৃদয়ে ভেদিল ॥
কামেত তরঙ্গ(?)হইয়া দেব হইল বিভোর ।	আত্মক ধরিয়া দেব চাপিয়া দিল কোল ॥
তিন গুণে তিন দেব হইল অবতার ।	ব্রহ্মা বিষ্ণু মহেশ্বর তনয় তাহার ॥
ব্রহ্মা বিষ্ণু মহেশ্বর জন্মিল এহি মতে ।	সৃষ্টিস্থিতি প্রলয় এহি তিন দেব হইতে ॥
সংক্ষেপে কহিল তবে যে সব কথা ।	মন দিয়া শুন কহি অণ্ডের বিবরণ ॥
আত্মক দেখিয়া দেব বুঝিল অন্তরে ।	কামকলা কুতূহল চাহে ভুঞ্জিবারে ॥
আত্মা বোলে শুন প্রভু হইয়া একচিত ।	রসযুক্ত নাহি মোর কামের চরিত ॥
এত শুনি অনাদি দেব হয় এক মন ।	গুপ্তস্থল করিলেক নখে বিদারণ ।

মহাদীপ্ত হইল ভোগর লক্ষণ ।

আত্মার রূপ নদখি অনাদি ঈশ্বর ।	কামেত আকুল চিত্ত দহে কলেবর ॥
তবে অনাদি পরম কোণ্ডুকে ।	কামকলা কুতূহল ভুঞ্জিলেন স্মখে ॥
হস্ত আরোপি দেব হস্ত চাপিল ।	জীবের আধাবর্ণ(?)সেহি ক্ষুণ্ণে হইল ॥
প্রভু বলিলা যে হইল এ সব কল্পন(?) ।	অখিল ব্রহ্মাণ্ড হইল চতুর্দশ ভুবন ॥
ব্রহ্ম হনে বীজ যেন উৎপন্ন হইল ।	পুন যেন বীজ হনে বৃক্ষ উপজিল ॥

রজনী দিবস হইল দিবস রজনী ।

দিন হলে মাস হইল বৎসর পরিমাণ ।	চন্দ্রসূর্য্য উপজিল আপ হতাশন ॥
সপ্ত পৃথিবী হইল সপ্ত পাতাল ।	সপ্ত সমুদ্র হইল কাল বিকাল ॥
সপ্ত স্বর্গ হইল তবে কে দিব তুলনা ।	সপ্ত বৈকুণ্ঠ হইল ব্রহ্মাণ্ড গঠনা ॥
এহি মতে সৃষ্টিস্থিতি হইল একে একে ।	দেব ঋষি ব্রহ্ম ঋষি পৃথক পৃথকে ॥
ইন্দ্র আদি করি যতক দেবগণে ।	তারা সব জন্মিল পুণ্যের কারণে ॥
হেমন্ত বরিষা হইল বরিষা হেমন্ত ।	সপ্ত ঋতু উপজিল আর বসন্ত ॥
পঞ্চদশ তিথি হইল দ্বাদশ রাইশ ।	যোগ করণ হইল নক্ষত্র সাতাইশ ॥
স্রাবর জন্ম হইল কত বীরগণ ।	সৃষ্টে পালে সংহারে প্রভুর গঠন ॥
চারি বেদ করি প্রভু জগতে স্থাপিল ।	ওঁ নামে একাক্ষর বেদে বিস্তারিল ॥
অজপা গায়ত্রী হেন সকলে বোলয় ।	যং স্বং(?)স্বং যং পবনে বোলয় ॥
নারদ মহামুনি এ কথা বুঝিয়া ।	নানা স্থানে ফেরে যোগ চিন্তিয়া ॥
হরেকৃষ্ণ নাম দিয়া জগত ব্যাপিল ।	অন্যত ব্রহ্ম নাম গুপ্ত রহিল ।
বৈষ্ণব গোসাঞি পদে সদা রহুক মন ।	দ্বিজ ব্রহ্মহরি বোলে এহি নিবেদন ॥
কুলশীল জাতি মুখি তিলাঞ্জলি দিলু ।	ব্রহ্ম নাম উপদেশ সকলি সমর্পিলু ॥
এ ঘোর সংসারের মধ্যে দেখি মায়াপাশ ।	পদগতি ছায়া মাগ্গে ব্রহ্মহরিদাস ॥

লেখক ব্রাহ্মণ, কিন্তু কুলশীল জাতিতে তিলাঞ্জলি দিয়াছেন। তাঁহার সৃষ্টিবর্ণনা বিশুদ্ধ পৌরাণিক সৃষ্টিবর্ণনা নহে। বর্ণনায় একটা রহস্যের আবরণ দিবার চেষ্টা আছে। ‘অনাদি’ ‘আদ্যা’ ‘জ্ঞানজনে সেবা’ ‘শূন্যস্থল’ প্রভৃতি শব্দগুলি সংশয় উদ্দীপক। বর্তমান হিন্দুধর্মের ভিতরে বেদ-পুরাণ-ছাড়া, সম্ভবতঃ বেদবিকল্প, বিজাতীয় ভাব অনেকটা প্রবেশ লাভ করিয়াছে। বৌদ্ধধর্ম ভাবতবর্ষ হইতে অগ্ণ্যপি লোপ পায় নাই। এখনও বৈষ্ণব ও শাক্ত সম্প্রদায় সকলের মধ্যে প্রচ্ছন্নভাবে অবস্থান করিতেছে। মহামহোপাধ্যায় শ্রীযুক্ত হরপ্রসাদ শাস্ত্রী মহোদয় প্রায় সপ্রমাণ করিয়াছেন প্রচলিত ধর্মগ্ণজা বুদ্ধগ্ণজারই বিকার। অনার্য্য দেশে বৌদ্ধধর্ম বিস্তারের সহকারে বিবিধ অনার্য্য আচার অনার্য্য মত বৌদ্ধধর্মে প্রবেশ করিয়া তান্ত্রিক ধর্মের সৃষ্টি করিয়াছিল। বৌদ্ধ তান্ত্রিকের সত্তিত হিন্দু-তান্ত্রিকের মৌলিক বিভেদ নাই। তন্মধ্যে একটা বেদ-বিরোধী ভাব আছে, তাহা স্পষ্টই বুঝা যায়।

প্রাচীন ভাবতবর্ষে অনার্য্য শকরাজগণের অধিকারের রহিত এই বেদবিরোধী ধর্মের অভ্যুদয়ের কোন সম্পর্ক আছে কি না পণ্ডিতগণের বিচার্য্য। অন্ততঃ শকনৃপতি কনিষ্কের সমকালে মহাযান সম্প্রদায়ের অভ্যুদয় দেখিয়া কেমন একটা সংশয় উপস্থিত হয়। সে যাহা হউক, বাউল কর্তাভজা প্রভৃতি আধুনিক বৈষ্ণব সাম্প্রদায়িকদিগকে প্রচ্ছন্ন তান্ত্রিক-মতাবলম্বী বৌদ্ধ বলিয়া নির্দেশ করিলে বোধ হয় ঐতিহাসিক ভ্রমে পড়িতে হইবে না। উপস্থিত গ্রন্থ হইতে আরও কয়েক পংক্তি উদ্ধৃত করিলাম—

এহি মতে সৃষ্টিস্থিতি অনাদি করিল। ভোজন করিতে তবে মনেত ভাবিল ॥

আত্মক বোলেন তবে অনাদি ঈশ্বর । খিদায়ের আকুল চিত্ত দহে কলেবর ॥  
 এত শুনি আত্মা তবে মনেত ভাবিল । স্বর্গ হনে আত্মা রক্ষন করিল ॥  
 হেন কালে ব্রহ্মা বিষ্ণু মহেশ আইল । \* \* \*  
 পরা হরিষে করিল দেব জনার্দন । পঞ্চদেব সংহে করি করিলা ভোজন ॥

অখনে অনাদি দেব ভাবিয়া মনে মনে । আত্মা সমর্পিল মহাদেব স্থানে ॥  
 অনাদি \* \* \* পত্র হইয়া মহেশ্বর । দয়া ছাড়িয়া নৈরাকার অনাদি ঈশ্বর ॥  
 নিরাময় হইয়া সেহি নিরঞ্জন । \ বিন্দুরূপ হইয়া রহিল শূন্যে অধিষ্ঠান ॥

‘নৈরাকার’ ‘নিরঞ্জন’ ‘শূন্য’ এই কয়টি শব্দের মূহিত ধর্মমঙ্গল গ্রন্থে ও ধর্মদেবতার ধ্যানে পুনঃ পুনঃ সাক্ষাৎ পাওয়া যায় । ইহার অর্থ কি ?

পুনশ্চ কৃষ্ণ প্রতি অর্জুনের প্রশ্ন—

নাহবিন্দু মুদ্রা কহ বুঝাইয়া ।	কেমতে হইল নাহ স্মরণে ভেদিয়া ॥
কোন্ কল্পে বিন্দু হইল ভুবন জুড়িয়া ।	কোন মত মুদ্রা হইল ভুবনেত মায়া ॥
* * * * *	* * * * *
কোন্ নামে বেদ অজপা বলি কারে ।	এ সকল কথা জিজ্ঞাসি কহিবে ॥
* * * * *	কর্মের সন্দর্ভ আসি জানিব কি মতে ॥
গঙ্গা-যমুনার ভেদ কেমতে জানিব ।	ত্রিবেণীর ঘাটে আসি কেমতে ভেদিব ॥
কোথা বৈসে মনরাম (?) কোথা তার স্থিতি ।	কোথা বৈসে রতিশচী রহে কোথা হস্তী ॥
* * * * *	* * * * *
তোমার বচনে নাথ অচলা ভকতি ।	চাবিচন্দ্র ভেদ কথা কহ রঘুপতি ॥
কেমন চন্দ্র জানিবেক গুরু সন্নিধানে ।	কেমন চন্দ্র রক্ষা করি রাখি আছে প্রাণে ॥
কেমন চন্দ্র শরীরেত চন্দ্র বোলায় সাবধান ।	কেমন চন্দ্র আশ্বনাথ করিয়াছে পান ॥

ইত্যাদি ।

‘গঙ্গা যমুনা’, ‘ত্রিবেণীর ঘাট’, ‘চারি চন্দ্র ভেদ’ প্রভৃতি শব্দের রহস্যাবৃত গূঢ় এমন কি বীভৎস অর্থ আছে । এই সকল অর্থের ঐতিহাসিক আলোচনা আবশ্যিক ।

ভারতবর্ষের ইতিহাসের একটা প্রকাণ্ড পরিচ্ছেদ এই আলোচনা হইতে উদঘাটন হইবে । বর্তমান গ্রন্থখানির—এই জন্ম একটু বিস্তৃত আলোচনা করিলাম । আশা করি বঙ্গীয়-সাহিত্য-পরিষৎ বাঙ্গালা দেশে বিভিন্ন ধর্মসম্প্রদায় মধ্যে যে সকল সাম্প্রদায়িক গ্রন্থ প্রচলিত আছে, তাহার উদ্ধারের ও প্রচারের ভার শীঘ্র গ্রহণ করিয়া বঙ্গদেশের ইতিহাস-আবিষ্কারে সাহায্য করিবেন । স্বদেশের ইতিহাস না জানিলে স্বদেশের উদ্ধারের অত্র আশা নাই । আমরা যথেষ্ট সময় অবহেলায় কাটাইয়াছি । আর অবহেলার সময় নাই ।

শ্রীরামেন্দ্রসুন্দর ত্রিবেদী ।

## দ্বিজ রামচন্দ্রের প্রকৃত কালনির্ণয় ।

দ্বিজ রামচন্দ্র যে সকল পুস্তক রচনা করেন, তাহার মধ্যে “গৌরী-বিলাস”, “ভূর্গামঙ্গল”, “মাধব-মালতী”, ( মালতী-মাধব ) প্রভৃতি কাব্য প্রধান । রামচন্দ্রের উক্ত পুস্তকাবলীর মধ্যে “মাধব-মালতী” নামক একখানি পুস্তক আমাদের হস্তগত হইয়াছে । এতদ্দেশে মুদ্রা-যন্ত্র ( ছাপাখানা ) প্রচলিত হইবার অব্যবহিত পূর্বেই বোধ হয় ইহা মুদ্রিত হইয়াছিল । “মাধব-মালতী” কথিত গ্রন্থসূচনা পাঠে বুঝিতে পারা যায় যে, “ভূর্গামঙ্গল” রচয়িতা রামচন্দ্র আব “মাধব-মালতীর” কবি রামচন্দ্র একই ব্যক্তি ।

“মাধব-মালতীর” কবি দ্বিজ রামচন্দ্র উক্ত গ্রন্থসূচনায় স্বীয় পরিচয় দিতেছেন ;—

“মহারাজ নবকৃষ্ণ বিখ্যাত নগরী ।	তাঁহার বর্ণনা আমি কিরূপেতে করি ॥
আরোপিত কথনের নাম হয় স্তব ।	সে সব বর্ণনা হবে নহে অসম্ভব ॥
দ্বিতীয় বিক্রমাদিত্য লইলেন জন্ম ।	সেই মত তাবত ইহার দেখি কন্ম ॥
তাঁর ছিল নবরত্ন ইহার সে রূপ ।	সভাস্থলে কিবা কব নিজে বিদ্যাকূপ ॥
সাক্ষাৎ বরদাপুত্র নামে জগন্নাথ ।	তর্কপঞ্চাননরূপে ভুবন বিখ্যাত ॥
মহাকবি বাণেশ্বর ভূদেব শঙ্কর ।	বলরাম কামদেব আর গদাধর ॥
শিশুরাম পসতুরে সাথ রূপারাম ।	শান্তিপু্রে বাস গোসাঞি ভট্টাচার্য্য নাম ॥”
এই নবরত্ন লয়ে সর্বদা আমোদ ।	আপনি আছেন লক্ষী কি কব সম্পদ ॥
মাগের কি কব যার উজিরত্ন পদ ।	হুকুম আছিল যার করিবারে বধ ॥
বিলাতের বাদসাহ করিল সম্মান ।	গবর্ণরের ঘরে জিনি সদা চৌকি পান ॥
অধিকার হাতে গড় গঙ্গমা গুলাদি ।	হেন জন নাহি ছিল হয় প্রতিবাদী ॥
রূপেতে তুলনা নাই মানে গোষ্ঠীপতি ।	মুখ্য বিনা কন্ম নাই তাঁহার সন্ততি ॥
তাঁর পুত্র বাহাছর রাজা রাজকৃষ্ণ ।	কি কব তাঁহার গুণ ন শ্রুত ন দৃষ্ট ॥”
পিতা তুল্য মাগুবান্ তাবৎ কন্মতে ।	বিশেষ তাঁহার গুণ দয়ার ধর্মেতে ॥
দেবীবর বল্লালের যেবা ছিল ঘাটি ।	কায়স্থের কুলের করিল পরিপাটী ॥
তাঁর পুত্র কালীকৃষ্ণ বাহাছর নাম ।	নবীন প্রবীণ যিনি সর্বগুণধাম ॥
আদ্যাশঙ্কিত কমলার কবিত্ব বিশেষ ।	কবি রামচন্দ্র প্রতি করিলা আদেশ ॥

( গ্রন্থসূচনার পৌর্বাংশ এইরূপ ) :—

“আছয়ে অর্থের ক্লেশ, পশ্চাতে ছাপিব শেষ, চন্দ্র কহে কর অবধান ॥”  
এই কএক ছন্দে পাঠক ! গ্রন্থকর্তার জীবিত কালের নিরূপণ হইতেছে । অর্থাৎ

কলিকাতানগরীস্থ শোভাবাজারের রাজবংশের আদিপুরুষ মহারাজা নবকৃষ্ণের পৌত্র রাজা কালীকৃষ্ণ বাহাদুরের আদেশে দ্বিজ রামচন্দ্র “মাধব-মালতী” গ্রন্থ রচনা করেন । রাজা কালীকৃষ্ণ বাহাদুর ১৮০৪ অব্দে জন্মগ্রহণ করেন এবং ১৮৭৪ অব্দে পরলোক গমন করেন ; সুতরাং “মাধব-মালতীর” কবি দ্বিজ রামচন্দ্রকে রাজা বাহাদুরের সমসাময়িক বলা যায় । তৎপরে উক্ত গ্রন্থে তাঁহার আরও একটু পরিচয় লউন,—

*	*	*	*	*	*	*
আপনার পরিচয় দিতে কিছু হয় ।				সংক্ষেপে কিঞ্চিৎ কহি নিজ পরিচয় ॥		
কানাইঠাকুর বংশে গোপাল মুখটী ।				ইষ্ট নিষ্ঠ দাতা ধীর কিবা সে গরিটী ॥		
ফুলিয়া বিখ্যাত কুল ভঙ্গি নিজে হন ।				সতাপুত্র রামধন কুলঘাটী নন ॥		
তাঁহার তনয় জ্যেষ্ঠ রামচন্দ্র কবি ।				ভাষায় রচিলা কত কবিত্ব সুচ্ছবি ॥”		

এই কয় ছত্র হইতে আমরা কবি সম্বন্ধে জানিতে পারিলাম যে গরিটীসমাজস্থ কানাই-ঠাকুরের বংশে গোপাল মুখোপাধ্যায় ফুলিয়ার মুখটী কুল ভাঙ্গিয়া “স্বকৃতভঙ্গ” হন । তাঁহার পুত্র রামধন ঔরসে কবি রামচন্দ্র জন্মগ্রহণ করেন । সহোদরদিগের মধ্যে তিনি জ্যেষ্ঠ পুত্র ছিলেন । এক্ষণে দেখা যাইতেছে যে, “দুর্গামঙ্গল” প্রণেতার সহিত “মাধব-মালতী” প্রণেতার বংশপরিচয়ের অনেকটা সাদৃশ্য হইতেছে । উভয়েই দ্বিজ, গরিটী সমাজস্থ মুখোপাধ্যায় বংশীয় । উভয়েরই নাম রামচন্দ্র, উভয়েরই পিতার জ্যেষ্ঠ পুত্র, উভয়েরই পিতার নাম রামধন । প্রভেদের মধ্যে “দুর্গামঙ্গল”-প্রণেতার জন্মস্থান হরিনাভি গ্রামে ; কিন্তু “মাধব-মালতীর” কবির জন্মস্থানের কোম নির্দেশ নাই । হয়ত শেষ দশায় আর্থিক অসচ্ছলতার কারণ বিদ্যোৎসাহী রাজা বাহাদুরের রূপায় কলিকাতায় কালতিপাত কবিতেন এবং সেই অবস্থায় “মাধব-মালতী” রচনা করেন । এই কারণে “দুর্গামঙ্গল”-প্রণেতা দ্বিজ রামচন্দ্র কবি ও মাধব-মালতীর কবি দ্বিজ রামচন্দ্র যে একই ব্যক্তি তদ্বিষয়ে কোন সন্দেহ নাই ।

শ্রীরমেশচন্দ্র বসু ।



## কবি জয়ানন্দের আর একটু পরিচয় ।

গত বর্ষের পরিষৎ-পত্রিকায় 'কবি জয়ানন্দ ও চৈতন্য-মঙ্গল' শীর্ষক প্রবন্ধ প্রকাশিত হইবার পর, আমাদের কোন কোন সুহৃদ কবি জয়ানন্দ ও তাঁহার গ্রন্থের প্রামাণিকত্ব সম্বন্ধে সন্দিহান হইয়াছিলেন। আবার কোন কোন মাসিক পত্রের লেখকও জয়ানন্দের প্রসঙ্গ উত্থাপন করিয়া আমাদের প্রতি বিলক্ষণ কটাক্ষও করিয়াছিলেন, সেই সঙ্গে বিচারবৈঠকে আমাদের দণ্ডবিধান করিবারও ব্যবস্থা করিয়াছিলেন। আমাদের বিশ্বাস, তাঁহারা সন্দেহশ্রেণী নানাকথা বলিয়াছেন, নহিলে হয়ত কবি জয়ানন্দ সম্বন্ধে আর আমাদের কোন কথা লিখিতে প্রবৃত্তিই হইত না।

প্রাচীন বাঙ্গলা পুথির অনুসন্ধানের চেষ্টা আরম্ভ হইয়াছে। প্রতিদিনই আমরা কত প্রাচীন বঙ্গীয় কবি ও কতশত প্রাচীন বাঙ্গলা গ্রন্থের সন্ধান পাইতেছি। পরিষৎ-পত্রিকায় ঐ সকল পুথির সংক্ষিপ্ত বিবরণ যথাক্রমে প্রকাশিত হইতেছে। তাহা হইতেই আমরা কবি জয়ানন্দ রচিত আরও কএকখানি গ্রন্থের সন্ধান পাইয়াছি। তিনি শ্রীচৈতন্যমঙ্গল ব্যতীত ধুব-চরিত্র, প্রহ্লাদচরিত্র প্রভৃতি আরও কএকখানি বাঙ্গলা গ্রন্থ রচনা করিয়াছিলেন। চৈতন্য-মঙ্গল কেবল যে আমরাই পাইয়াছি, তাহা নহে, তাহা অপর স্থানেও আছে, তাহারও সন্ধান পাওয়া গিয়াছে। আমরা বিষ্ণুপুর অঞ্চল হইতে জয়ানন্দ-রচিত শ্রীচৈতন্যমঙ্গলের আরও কএকখানি অসম্পূর্ণ পুথি সংগ্রহ করিয়াছি এবং আমাদের কবি গোড়ীয় বৈষ্ণবসমাজে যে বিশেষ মান্যগণ্য ও পরিচিত ছিলেন, তাহারও কতক পরিচয় পাইয়াছি। অদ্য এই সম্বন্ধেই অতি সংক্ষেপে দুই এক কথা বলিতে হইতেছে।

জয়ানন্দ আপনার শ্রীচৈতন্যমঙ্গলের অনেক স্থানেই পরিচয় দিয়াছেন—

“গদাধর-পণ্ডিত-গোসাত্তির আজ্ঞা শিরে ধরি ।

শ্রীচৈতন্যমঙ্গল কিছু গীত প্রচারি ॥”

এখন আমরা অপরাপর প্রামাণ্য গ্রন্থ হইতে জানিতে পারিতেছি, যে তিনি গদাধর পণ্ডিতেরই শাখাভুক্ত ছিলেন। যথা—শ্রীযত্ননাথদাস কৃত শাখানির্ণয়ামৃতে—

“বন্দে চৈতন্যদাসাখ্যং জয়ানন্দমহাশয়ম্ ।

প্রকাশিতো যেন যত্নাৎ শ্রীচৈতন্যবিলাসকঃ ॥৫৭

বন্দে শ্রীহৃদয়ানন্দং মগ্নং প্রেমরসে সদা।

মহাভাব-চমৎকার-গৌরভাব-কলেবরম্ ॥”৫৮\*

পরম বৈষ্ণব যত্নাথ, জয়ানন্দ ও তাঁহার বিরচিত “শ্রীচৈতন্যবিলাস” নামক গ্রন্থের উল্লেখ করিয়াছেন। এই শ্রীচৈতন্যবিলাস-রচয়িতা জয়ানন্দ ও শ্রীচৈতন্যমঙ্গল-প্রণেতা জয়ানন্দ উভয়ে যে অভিন্ন ব্যক্তি, তাহাতে সন্দেহ করিবার বিশেষ কারণ নাই।

প্রসিদ্ধ লোচনদাসের চৈতন্যমঙ্গলের নাম অনেকই শুনিয়াছেন। আমাদের সংগৃহীত লোচনদাসের চৈতন্যমঙ্গলের দুইখানি পুথিতে চৈতন্যমঙ্গলের পরিবর্তে “চৈতন্য-প্রেমবিলাস” বা “চৈতন্যবিলাস” নামই লেখা আছে। এইরূপ স্ত প্রসিদ্ধ যত্নন্দন দাসের গোবিন্দলীলামৃতও আমাদের সংগৃহীত একখানি আড়াই শত বর্ষের প্রাচীন পুথিতে ‘গোবিন্দবিলাস’ নামেই পরিচিত হইয়াছে।। একরূপ স্থলে শ্রীচৈতন্যবিলাস ও শ্রীচৈতন্যমঙ্গল এই উভয় গ্রন্থই যেমন একই গ্রন্থ, সেইরূপ যত্নাথ দাস বর্ণিত শ্রীগদাধর পণ্ডিতের শাখাভুক্ত জয়ানন্দ ও আমাদের প্রকাশিত চৈতন্যমঙ্গলবিবৃত গদাধর-আদিষ্ট জয়ানন্দ উভয়ে অভিন্ন ব্যক্তি বলিয়া গ্রহণ করিতে, আর বিশেষ আপত্তি নাই।

ইতিপূর্বে আমরা জয়ানন্দের এক আত্মীয় ইন্দ্রিয়ানন্দ-কবীন্দের নামোল্লেখ করিয়াছি †। এখন বিষ্ণুপুত্র হইতে সংগৃহীত আর একখানি প্রাচীন শ্রীচৈতন্যমঙ্গলের পুথিতে ‘ইন্দ্রিয়ানন্দ’ স্থানে ‘হৃদয়ানন্দ’ পাঠ দেখিতেছি। এই হৃদয়ানন্দ পাঠই প্রকৃত বলিয়া বোধ হয় ; কারণ রাঢ়াঞ্চল হইতে সংগৃহীত রাঢ়ীয় ব্রাহ্মণদিগের কুলপঞ্জিকার মধ্যেও জয়ানন্দের পরমাশ্রমীয় বাণীনাথের কুল পরিচয়ের পরে হৃদয়ানন্দ নামে বন্দ্যঘটীর এক ব্যক্তির কুলপরিচয় আছে। শ্রীচৈতন্যমঙ্গল হইতে আমরা জানিয়াছি, এই বাণীনাথ ও জয়ানন্দের পিতা স্মৃদ্ধিমিশ্র একবংশজাত ‡। বৈষ্ণব প্রবব শ্রীকৃষ্ণদাস কবিরাজও তাঁহার চৈতন্যচরিতামৃতে মূলশাখাবর্ণনার মধ্যে স্মৃদ্ধি মিশ্র ও হৃদয়ানন্দের একত্র উল্লেখ করিয়াছেন। উক্ত সংস্কৃত শ্লোক মধ্যে শ্রীযত্নাথ জয়ানন্দের পরেই যে হৃদয়ানন্দের পরিচয় দিয়াছেন, আমাদের বিশ্বাস তিনিই জয়ানন্দের চৈতন্যমঙ্গলে ও

\* শ্রীযত্নাথ দাসের শাখানির্ণয়ামৃতের প্রায় শতাধিক বর্ষের একখানি প্রাচীন পুথি আমরা সংগ্রহ করিয়াছি। নিত্যানন্দদায়িনী মাসিকপত্রিকার ২য় খণ্ডে ( ১২৮০ সালে ) ২৮০ পৃষ্ঠাতেও উপরোক্ত উক্ত অংশ প্রকাশিত হইয়াছে।

† সাহিত্য পরিষৎ পত্রিকা ১৩০৪ সাল, ৩১১ পৃষ্ঠা দেখ।

‡ সাহিত্য পরিষৎ-পত্রিকা ১৩০৪, ১৯৯ পৃষ্ঠা।

§ বঙ্গের আত্মীয় ইতিহাসে ইহার বিবৃত বংশ-তালিকা প্রকাশ করিবার ইচ্ছা আছে।

চৈতন্যচরিতামৃতে বর্ণিত হইয়াছেন । কৃষ্ণদাসের স্বরূপ-বর্ণন মধ্যেও জয়ানন্দের পিতা স্মৃদ্ধি-মিশ্রের উল্লেখ আছে—

“চিক্ণ স্মবলদেহ নামে স্মবলিতা ।

তাঁর স্বরূপ স্মৃদ্ধিমিশ্র স্মবিখ্যাতা ॥”

( স্বরূপবর্ণন )

শ্রীনগেন্দ্রনাথ বসু ।

---

১৩০৫ সালের

## প্রথম মাসিক অধিবেশনের কার্য-বিবরণ ।

বিগত ২৬শে বৈশাখ ( ১৮৯৮ই মে ) রবিবার স্বপরাহ্ন ৫।০ সাড়ে পাঁচ ঘটিকার সময় রাজা বিনয়কৃষ্ণ দেব বাহাদুরের ভবনে বঙ্গীয় সাহিত্য-পরিষদের উক্ত অধিবেশন হইয়াছিল । অধিবেশনে নিম্নলিখিত সভ্য মহোদয়গণ উপস্থিত ছিলেন ।

শ্রীযুক্ত দ্বিজেন্দ্রনাথ ঠাকুর (সভাপতি), রাজা বিনয়কৃষ্ণ দেব বাহাদুর, শ্রীযুক্ত নগেন্দ্রনাথ বসু, কুমাব কেশবেন্দ্রকৃষ্ণ দেব বাহাদুর, শ্রীযুক্ত চারুচন্দ্র ঘোষ, শ্রীযুক্ত শরচ্চন্দ্র শাস্ত্রী, শ্রীযুক্ত কালিদাস নাথ, শ্রীযুক্ত বসন্তকুমার বসু, শ্রীযুক্ত যতীশচন্দ্র বন্দ্যোপাধ্যায়, শ্রীযুক্ত শশীভূষণ মুখোপাধ্যায়, শ্রীযুক্ত গুরুদাস চট্টোপাধ্যায়, শ্রীযুক্ত তিনকড়ি মুখোপাধ্যায়, শ্রীযুক্ত ক্ষেত্রচন্দ্র মুখোপাধ্যায়, শ্রীযুক্ত বিপিনবিহারী রায়, শ্রীযুক্ত কানাইলাল ঘোষাল, শ্রীযুক্ত হরনাথ চৌধুরী, শ্রীযুক্ত গদাধর কাব্যতীর্থ, শ্রীযুক্ত রামগোপাল সেন গুপ্ত, শ্রীযুক্ত গোবিন্দলাল দত্ত, শ্রীযুক্ত হীরেন্দ্রনাথ দত্ত, এম এ, বি এল ( সম্পাদক ), শ্রীযুক্ত চণ্ডীচরণ বন্দ্যোপাধ্যায় ( সহ-সম্পাদক ) । অধিবেশনে আলোচনার জন্ত নিম্নোক্ত বিষয়সমূহ নির্দিষ্ট ছিল ।

### আলোচ্য বিষয় ।

১ । গত অধিবেশনের কার্য-বিবরণ-পাঠ ।

২ । সভ্য-নির্বাচন ।

৩ । প্রাচীন সাহিত্য-সমিতি-নিয়োগ জন্ত শ্রীযুক্ত মৃগালকান্তি ঘোষের পত্র ।

৪ । প্রবন্ধ পাঠ—(ক) শ্রীযুক্ত রজনীকান্ত গুপ্ত—ইতিহাস-রচনার প্রণালী ।

(খ) শ্রীযুক্ত রজনীকান্ত চক্রবর্তী—অদ্বৈতাচার্যের রামায়ণ ।

১ । পূর্ববর্তী অধিবেশনের কার্য-বিবরণ পঠিত ও অনুমোদিত হইল ।

২ । যথারীতি প্রস্তাব ও সমর্থনের পর নিম্নলিখিত ব্যক্তি পরিষদের নূতন সভ্য নির্বাচিত হইলেন । নিম্নে প্রস্তাবক ও সমর্থকের নাম লিখিত হইল ।

প্রস্তাবক ।

সমর্থক ।

প্রস্তাবিত নূতন সভ্যের নাম ।

শ্রীযুক্ত কালীপ্রসন্ন চক্রবর্তী । শ্রীযুক্ত হীরেন্দ্রনাথ দত্ত এম এ বি এল । শ্রীযুক্ত নৃসিংহদেব চক্রবর্তী ।

৩ । সম্পাদক প্রাচীন সাহিত্য-সমিতি-নিয়োগ জন্ত শ্রীযুক্ত মৃগালকান্তি ঘোষ মহাশয়ের প্রস্তাব উপস্থিত করিলেন । শ্রীযুক্ত নগেন্দ্রনাথ বসু মহাশয় উক্ত প্রস্তাবের সমর্থন করিলেন ।

সর্বসম্মতিক্রমে প্রস্তাব গৃহীত হইল ।

নিম্নলিখিত সভ্যগণ উক্ত সমিতির সদস্য নিযুক্ত হইলেন ।

শ্রীযুক্ত শ্যামলাল গোস্বামী, শ্রীযুক্ত বলাইচাঁদ গোস্বামী, শ্রীযুক্ত অতুলকৃষ্ণ গোস্বামী, মহামহোপাধ্যায় হরপ্রসাদ শাস্ত্রী এম এ, শ্রীযুক্ত দ্বিজেন্দ্রনাথ ঠাকুর, শ্রীযুক্ত কালিদাস নাথ, শ্রীযুক্ত হারাধন দত্ত ভক্তিবিধি, শ্রীযুক্ত অচ্যুতচরণ চৌধুরী তত্ত্ববিধি, শ্রীযুক্ত রাজীবলোচন

দাস মহাজন, রায় কালীপ্রসন্ন ঘোষ বাহাদুর, শ্রীযুক্ত হীরেন্দ্রনাথ দত্ত এম এ বি এল, শ্রীযুক্ত অক্ষয়চন্দ্র সরকার, শ্রীযুক্ত নগেন্দ্রনাথ বসু, শ্রীযুক্ত শরচ্চন্দ্র চৌধুরী বি এ, শ্রীযুক্ত রসিকমোহন চক্রবর্তী, শ্রীযুক্ত শরচ্চন্দ্র শাস্ত্রী, শ্রীযুক্ত মৃগালকান্তি ঘোষ ( সম্পাদক )।

৪। (ক) অতঃপর শ্রীযুক্ত নগেন্দ্রনাথ বসু মহাশয় শ্রীযুক্ত রজনীকান্ত গুপ্ত মহাশয়ের "ইতিহাস-রচনার প্রণালী" বিষয়ক প্রবন্ধ পাঠ করিলেন।

পাঠান্তে শ্রীযুক্ত শরচ্চন্দ্র শাস্ত্রী মহাশয় বলিলেন যে, প্রবন্ধ উৎকৃষ্ট হইয়াছে। ইতিহাস-রচনা সম্প্রতি আরম্ভ হইয়াছে, ইহা ঠিক নহে। প্রাচীন সংস্কৃত সাহিত্যে ইতিহাসের অভাব নাই। পুরাণ, রামায়ণ, মহাভারত ইত্যাদি ইতিহাস-স্থানীয়। রাজতরঙ্গিণী প্রকৃত ইতিহাস। ইতিহাস-রচনার প্রণালী অতি পুরাকাল হইতে : এদেশে প্রচলিত আছে। তবে অবশ্য বর্তমান পাশ্চাত্য প্রণালীতে উহা লিখিত হইত না। ভবিষ্য-পুরাণে ভিন্ন দেশীয় স্লেচ্ছরাজগণের উল্লেখ দেখা যায়। আদম ও হব্যবতীরও উল্লেখ আছে।

সভাপতি মহাশয় বলিলেন যে, পঠিত প্রস্তাব উৎকৃষ্ট হইয়াছে। পূর্বকার প্রণালীর কোন কোন অংশে ত্রুটি ছিল। বর্তমান প্রণালীতে ঐরূপ ইতিহাস রচনায় ঘটনাস্তুপের মধ্যে যোগসূত্র থাকা চাই। প্রতিভাবে প্রাচীন ঐতিহাসিকগণ চবিত্রের গুরুত্ব ও মনুষ্যত্বের যাহা উপকরণ মহত্ব বীরত্ব তাহা সংগৃহীত করিয়াছেন। বর্তমান ইতিহাস-রচনায় বৈজ্ঞানিক প্রণালীর বিনিয়োগ দেখা যায়। আমাদের দেশে প্রাচীন কালে ইতিহাস-স্থানীয় গ্রন্থ পদ্যে রচিত হইত। চবিত্রের আদর্শ সমাজের রীতি নীতি ঐ সকল গ্রন্থে চিত্রিত হইত। বৈজ্ঞানিক প্রণালীর ইতিহাস পূর্বে ছিল না। যুরোপে ইহা নূতন জিনিষ। পূর্বতন ঐতিহাসিকেরা নিজ মনোমত আদর্শ জনসাধারণের সম্মুখে উপস্থিত করিতেন। আধুনিক ঐতিহাসিকেরা বিজ্ঞানসম্মত প্রণালী মতে ঐতিহাসিক সত্য সকল আবিষ্কার করেন। তাঁহারা পাঠককে আপন আদর্শ খুঁজিয়া লইতে বলেন। রজনী বাবু বিশদভাবে পূর্বতন ও অধুনাতন ইতিহাস-রচনা-প্রণালীর ভেদ দেখাইয়াছেন। প্রস্তাবটি বেশ সুন্দর হইয়াছে। প্রবন্ধ-লেখক আমাদের ধন্যবাদভাজন। তাঁহার প্রস্তাবে স্থির হইল যে, পত্রিকায় প্রবন্ধ প্রকাশিত হইবে।

(খ) অতঃপর শ্রীযুক্ত রজনীকান্ত চক্রবর্তী মহাশয়ের অঙ্কুতাচার্যের রামায়ণ প্রবন্ধটি শ্রীযুক্ত চারুচন্দ্র ঘোষ মহাশয় পাঠ করিলেন।

পাঠান্তে শ্রীযুক্ত শরচ্চন্দ্র শাস্ত্রী মহাশয় বলিলেন যে, তিনপ্রস্থ অঙ্কুত রামায়ণ তাঁহার নিকট আছে- -তন্মধ্যে একখানি ১৫৫ বৎসরের প্রাচীন। কবি মূলের সহিত অনেকটা সামঞ্জস্য রক্ষা করিয়াছেন : গ্রন্থে বিশেষ কবিত্ব লক্ষিত হয় না। রত্নাকর দস্যুর উপাখ্যান কৃত্তিবাস বা অঙ্কুতাচার্য-কল্পিত বলা যায় না।

শ্রীযুক্ত চারুচন্দ্র ঘোষ মহাশয় বলিলেন যে, অঙ্কুতাচার্যের গ্রন্থের কাব্যংশে কোন মূল্যই নাই। একরূপ গ্রন্থের আলোচনার কোন প্রয়োজন নাই। একরূপ ছাই, পাঁশ



সংগ্রহেই বা লাভ কি? শ্রীযুক্ত শরচ্চন্দ্র শাস্ত্রী মহাশয় পুনরায় বলিলেন যে, সমস্ত গ্রন্থই সংগৃহীত হওয়া উচিত। এতটা অধৈর্য্য হইলে পরিষদের উদ্দেশ্য সিদ্ধ হইবে না। সমস্ত বাঙ্গালা পুথি সংগৃহীত হইলে ভাষার অনেক লাভ হইবে। সভাপতি মহাশয় বলিলেন প্রাচীনকালে ভাষা কিরূপ ছিল, তাহার বিশেষত্ব ভিন্ন ভিন্ন পুথিতে জানিতে পারা যায়। ভাষাতত্ত্ব-অনু-সন্ধানকারীর পক্ষে আগাদের এই সংগ্রহ বিশেষ উপযোগী। কোন বিষয় অবজ্ঞা করা উচিত নহে। নানাক্রম উপকরণ সংগ্রহ করিলে ভবিষ্যতে ভাষার অনেক উপকারে আসিবে।

গ্রন্থবন্ধক মহাশয়ের প্রস্তাবমতে সভা গ্রন্থোপহারদাতৃগণকে ধন্যবাদ প্রদান করিলেন। নিম্নে গ্রন্থোপহারদাতা ও উপহার গ্রন্থের নাম লিখিত হইল।

১। শ্রীহীবেন্দ্রনাথ দত্ত এম এ বি এল—১ Report of the twelfth Indian National congress, ২ Illumination of flowery Life, ৩ অঞ্জলি, ৪ প্রেমশঙ্কু।

২। রাজা বিনয়কৃষ্ণদেব বাহাদুর—Twelfth Account Report of the Bengal Branch.

৩। শ্রীযুক্ত সতীশচন্দ্র বিদ্যাভূষণ এম এ—আত্মতত্ত্বপ্রকাশ।

৪। শ্রীযুক্ত শ্রীলোকামোহন রায় চৌধুরী—সঙ্গীতামৃত-লহরী।

অতঃপর সভাপতি মহাশয়কে ধন্যবাদ দিয়া সভার কার্য শেষ হইল।

শ্রীহীবেন্দ্রনাথ দত্ত

সম্পাদক।

শ্রীদ্বিজেন্দ্রনাথ ঠাকুর

সভাপতি।

১৩০৫ সাল—৩০শে জ্যৈষ্ঠ।

## দ্বিতীয় মাসিক অধিবেশনের কার্য-বিবরণ।

বিগত ২০শে জ্যৈষ্ঠ ( ১২ই জুন ১৮৯৮ ) রবিবার অপরাহ্ন ৬ ছয় ঘটিকার সময় বিনয়কৃষ্ণ দেব বাহাদুরের ভবনে বঙ্গীয় সাহিত্য-পরিষদের উক্ত অধিবেশন হইয়াছিল। অধিবেশনে নিম্নলিখিত সভ্য মহোদয়গণ উপস্থিত ছিলেন।

শ্রীযুক্ত দ্বিজেন্দ্রনাথ ঠাকুর ( সভাপতি ), রাজা বিনয়কৃষ্ণ দেব বাহাদুর, শ্রীযুক্ত নগেন্দ্রনাথ বসু, শ্রীযুক্ত ব্যোমকেশ মুস্তফি, শ্রীযুক্ত অমৃতলাল বসু, শ্রীযুক্ত অতুলকৃষ্ণ গোস্বামী, শ্রীযুক্ত চন্দ্রনাথ বসু এম এ বি এল, শ্রীযুক্ত গিরিশচন্দ্র রায়, ডাক্তার স্বর্ঘ্য-কুমার সর্কাদিকারী রায় বাহাদুর, শ্রীযুক্ত নকুলেশ্বর ভট্টাচার্য্য বিদ্যাভূষণ, শ্রীযুক্ত মনো-মোহন বসু, ডাক্তার চুণিলাল বসু, শ্রীযুক্ত কুঞ্জবিহারী বসু বি এ, শ্রীযুক্ত স্বামীনাথ নন্দী, কবিরাজ রামচন্দ্র বিদ্যাবিনোদ, শ্রীযুক্ত বিহারীলাল সরকার, শ্রীযুক্ত হীবেন্দ্রনাথ দত্ত এম এ বি এল (সম্পাদক), শ্রীযুক্ত চণ্ডীচরণ বন্দ্যোপাধ্যায় ( সহ-সম্পাদক )।

উক্ত অধিবেশনে আলোচনার জন্ত নিম্নোক্ত বিষয়সমূহ নির্দিষ্ট ছিল।

## আলোচ্য বিষয় ।

- ১। গত অধিবেশনের কার্য-বিবরণ পাঠ ।
- ২। সভানির্বাচন ।
- ৩। শ্রীযুক্ত রমেশচন্দ্র দত্ত মহাশয়ের বিশিষ্ট-সভা নিয়োগ প্রস্তাবের ফল ।
- ৪। প্রবন্ধ পাঠ—(ক) শ্রীযুক্ত চণ্ডীচরণ বন্দ্যোপাধ্যায়—জীবনচরিত রচনার প্রণালী ।  
(খ) শ্রীযুক্ত রসিকচন্দ্র বসু—সঞ্জয়কৃত মহাভারত ।
- ৫। বিবিধ বিষয় ।
- ১। গত অধিবেশনের কার্য-বিবরণ পঠিত ও অনুমোদিত হইল ।
- ২। শ্রীযুক্ত ব্যোমকেশ মুস্তফি মহাশয়ের প্রস্তাবে ও শ্রীযুক্ত অতুলকৃষ্ণ গোস্বামী মহাশয়ের সমর্থনে এবং সর্বসম্মতিক্রমে শ্রীযুক্ত আশুতোষ সাহা মহাশয় নূতন সভানির্বাচিত হইলেন ।
- ৩। সম্পাদক সভার গোচর করিলেন যে, শ্রীযুক্ত রমেশচন্দ্র দত্ত মহাশয় যথারীতি পরিষদের বিশিষ্ট-সভা নির্বাচিত হইয়াছেন ।
- ৪। অতঃপর শ্রীযুক্ত চণ্ডীচরণ বন্দ্যোপাধ্যায় মহাশয় 'জীবনচরিত রচনার প্রণালী' বিষয়ক প্রবন্ধ পাঠ করিলেন ।

পাঠান্তে—শ্রীযুক্ত চন্দ্রনাথ বসু মহাশয় বলিলেন। যুরোপে যাহাকে জীবনচরিত বলে সেরূপ গ্রন্থ এদেশে বড় কম। আমাদের দেশে আবহমানকাল জীবনচরিত আছে। কিন্তু যুরোপীয় প্রণালীর নহে। নাই বলিয়া সে সংস্কার আছে, সেটা ভুল। যুরোপীয় ও এতদেশীয় জীবনচরিতের আকারগত বিভিন্নতা আছে। জীবনচরিতের প্রকৃত উদ্দেশ্য বুঝিলে আকারগত বিভিন্নতায় বড় আসে যায় না। যুরোপীয় জীবনচরিতে ঐরূপ ঘটনার উল্লেখ দেখা যায়। বাঙ্গালা সাহিত্যেও ঐ প্রণালী সম্প্রতি প্রবর্তিত হইয়াছে। যেন যুরোপীয় প্রণালীর দোষ না আসে, সে বিষয়ে আমাদের সতর্ক হওয়া উচিত। ব্যক্তি বিশেষের জীবনী জানিয়া কোন ফল নাই। আমাদের উদ্দেশ্য হওয়া উচিত ভগবানকে জানা। মানুষকে জানা নহে। রামায়ণ যখন পাঠ করি, তখন মনে হয়, যে ঈশ্বরের দিকে অগ্রসব হইতেছি। জীবনচরিত পাঠে কি সেরূপ হয়? যে জীবনচরিতে নায়কের জীবনগত সামান্য সামান্য ঘটনার উল্লেখ থাকে, তাহা পাঠে কেবল যে রুচি বিকৃত হয়, তাহা নহে, সমাজেরও অনিষ্ট আছে। চণ্ডীবাবু প্রধান প্রধান ঘটনারই সমাবেশ করিয়াছেন। 'হুই একটা ক্ষুদ্র কথাও আছে, তাহা না থাকিলেই ভাল হইত। কিন্তু ইহা মার্জ্জনীয়। অপ্রয়োজনীয় ঘটনা ( anecdote ) বাঙ্গালা জীবনচরিতে স্বতন্ত্র অধ্যায়ে সন্নিবিষ্ট করিলেই ভাল হয়। ব্যক্তি বিশেষকে অধ্যয়ন করা নিষ্ফল। তবে যাহার অধ্যয়নে জীবনের উন্নতি, ধর্মের উন্নতি, তাহাই অধ্যয়ন করা উচিত। যুরোপে যার তার জীবনী লেখা হয়, তাহা দ্বারা সমাজের অনিষ্টই সাধিত হয়। যাহারা সময়ের পরীক্ষা উত্তীর্ণ হইয়াছেন, তাঁহাদেরই জীবনচরিত লেখা উচিত। পুরাণে ঐ প্রণালীর জীবনচরিত লিখিত দেখি, ক্ষুদ্র ব্যক্তির নহে—দৃষ্টান্ত

ঋব, প্রহ্লাদ ও বিশ্বামিত্র। জীবনী লেখা বড় কঠিন কার্য। চণ্ডীবাবু যেরূপ একাগ্রতা ও পরিশ্রম প্রয়োগ করিয়াছেন, সেইরূপ করিয়া জীবনী রচনা করা উচিত। বক্তা চণ্ডী বাবুকে আন্তরিক ধন্যবাদ দিলেন।

শ্রীযুক্ত বিহারীলাল সরকার মহাশয় বলিলেন, জীবনচরিত না বলিয়া চরিত বলিলেই যথেষ্ট হয়। যথা—উত্তররামচরিত, দশকুমারচরিত, জীবনচরিত শব্দটা অভিধানে পাওয়া যায় না। কি রূপ ধরণে জীবনচরিত রচিত হওয়া উচিত চণ্ডীবাবু প্রবন্ধে সে বিষয় ততটা বলেন নাই। কে রচনার অধিকারী তাহাই বিবৃত করিয়াছেন। রচিত নায়কের সময়ের সামাজিক রীতি নীতি শিক্ষা প্রণালী প্রভৃতি দেখান আবশ্যিক। জীবনচরিতে নায়কের কার্যাকাৰ্য্য দোষগুণ সকলই দেখান উচিত। দোষগুণ সমালোচনা করা চণ্ডী-বাবুর মতে চরিতাখ্যায়কের উচিত নহে। উহা সমালোচকের কার্য। বক্তার মতে এটা ঠিক নহে। সমালোচনাও চরিতাখ্যায়কের কার্য হওয়া উচিত। মহাপুরুষদিগের প্রত্যেক কার্যে অতি সমান্য কার্যেও তাহাদের মহত্বের পরিচয় পাওয়া যায়। অতএব কিছুই বাদ দেওয়া উচিত নহে। বক্তা বিদ্যাসাগরের জীবনী হইতে ২৩টা দৃষ্টান্ত দিলেন। রাগাধরে রামচরিত্রেও ঐরূপ ক্ষুদ্র ক্ষুদ্র ঘটনা লিপিত আছে।

শ্রীযুক্ত মনোমোহন বসু মহাশয় চণ্ডীবাবুকে ধন্যবাদ দিবার প্রস্তাবেব পোষকতা করিলেন। জীবনচরিত পাঠে দেখা যায় যে, চরিতাখ্যায়ক আখ্যায়িকা লেখকও বটেন এবং সমালোচকও বটেন। বাদক যেমন—সঙ্গতের সঙ্গে রঙ্গ বাজনা যোগ করেন। চরিতাখ্যায়কেরও সেইরূপ করা উচিত। বক্তা বিহারীবাবুর মতের পোষকতা করিলেন।

শ্রীযুক্ত অমৃতলাল বসু মহাশয় বলিলেন যে, চণ্ডীবাবুর প্রবন্ধে যতটা আশা করিয়া ছিলেন, ততটা পান নাই। চণ্ডীবাবু অনেক স্থলে “Boswell”কে বরাত দিয়াছেন। যুরোপের মত এদেশেও যার তার জীবনী লেখা আরম্ভ হইয়াছে। চণ্ডীবাবু বলিয়াছেন—বাজে কথা বাদ দেওয়া উচিত। কথা ঠিক বটে, কিন্তু বাজে কথা ঠিক করা দায়। যাহারা চরিতনায়কের আত্মীয়, প্রথমে তাহারা যে যাহা জানেন, তাহা লিপিবদ্ধ করিবেন। পরে চরিতলেখক তাহা বাছিয়া লইয়া জীবনী লিখিবেন। জীবনচরিতে রচনার এইরূপ প্রণালী হওয়া উচিত। যাহাদের জীবন জাতীয় জীবনের বা সমাজের উপর প্রভুত্ব করিয়াছে—তাহাদেরই জীবনী লেখা উচিত।

শ্রীযুক্ত অতুলকৃষ্ণ গোস্বামী মহাশয় বলিলেন যে, প্রবন্ধ-লেখক বলিয়াছেন—চৈতন্য-চরিতামৃত গ্রন্থই এদেশে প্রথম জীবনচরিত। সে কথা ঠিক নহে। বরং চৈতন্যভাবতেরই ঐ আসন লভ্য। প্রকৃত প্রণালীতে জীবনচরিতের দৃষ্টান্ত—ভক্তিরত্নাকর। একজনের মুখে সম্পূর্ণ জীবনচরিত পাওয়া যায় না। যিনি যে গুণের গ্রাহক, তাহারই মুখে আমরা সেইটা জানিতে পারি। পাঁচজনের বিবরণ মিলাইলে তবে আমরা সম্পূর্ণ জানিতে পারিব।

প্রবন্ধলেখক মহাশয়—বলিলেন, অনবসরবশতঃ তিনি প্রবন্ধ সম্পূর্ণ করিতে পারেন নাই।

জীবনচরিত বলিলে একজনের ধারাবাহিক জীবনের ঘটনা বুঝায়। চন্দ্রবাবু যাহাকে বাজে কথা বলিয়াছেন, রামায়ণে ও মহাভারতে ঐরূপ বাজে কথা আছে।

সভাপতি মহাশয় বলিলেন যে, বক্তৃতালেখককে বিশেষ ধন্যবাদ দেওয়া উচিত। চন্দ্রবাবু কেবল সর টুকু চান। এককালে সেরূপ হওয়া সম্ভব নহে। একালে যাহার যেকুপ মনে হইবে, তিনি সেইরূপই লিখিবেন। পাঠক বুঝিয়া লইবেন। জীবনচরিতের প্রণালী বাঁধাবাঁধি রকমের হওয়া উচিত নহে। পূর্বাচলিত প্রণালী অপেক্ষা হয়ত প্রকৃষ্টতর নূতন প্রণালী আবিষ্কৃত হইতে পারে।

৫। (ক) পরিষদের সভ্য শ্রীযুক্ত রায় সূর্য্যকুমার সর্কাধিকারী বাহাদুর মহাশয় রাজকীয় উপাধিতে সম্মানিত হওয়ায় সভা আনন্দ প্রকাশ করিলেন। স্থির হইল যে, সম্পাদক সভাকৃত আনন্দপ্রকাশ তাঁহার গোচর করিবেন।

(খ) সম্পাদকের প্রস্তাবমতে নিম্নলিখিত ব্যক্তিগণ প্রাচীন কাব্যসমিতির নূতন সভ্য নিযুক্ত হইলেন।

শ্রীযুক্ত রবীন্দ্রনাথ ঠাকুর, শ্রীযুক্ত দীনেশচন্দ্র সেন, পণ্ডিত মদনগোপাল গোস্বামী, শ্রীযুক্ত মধুসূদন গোস্বামী, শ্রীযুক্ত রাধিকানাথ গোস্বামী, শ্রীযুক্ত মধুসূদন গোস্বামী, শ্রীযুক্ত সত্যচরণ শাস্ত্রী, শ্রীযুক্ত অম্বিকাচরণ গুপ্ত, শ্রীযুক্ত কেদারনাথ দত্ত ভক্তিবিনোদ, শ্রীযুক্ত রায় যতীন্দ্রকুমার চৌধুরী, শ্রীযুক্ত রসিকলাল ঘোষ।

(গ) সম্পাদকের প্রস্তাবমতে সভা নিম্নলিখিত গ্রন্থোপহারদাতৃগণকে উপহার প্রাপ্ত গ্রন্থের জন্ত ধন্যবাদ প্রদান করিলেন।

শ্রীযুক্ত নকুলেশ্বর বিদ্যাভূষণ—ভাষাবোধ বাঙ্গালা ব্যাকরণ।

অতঃপর সভাপতি মহাশয়কে ধন্যবাদ দিয়া সভার কার্য শেষ হইল।

শ্রীহীরেন্দ্রনাথ দত্ত

সম্পাদক।

শ্রীরাজেন্দ্রচন্দ্র শাস্ত্রী

সভাপতি।

১৩০৫ সাল—২০শে আষাঢ়।

১৩০৫ সালের

## তৃতীয় মাসিক অধিবেশনের কার্য-বিবরণ ।

বিগত ২০এ আষাঢ় ( ১৮৯৮ । ৩রা জুলাই ) রবিবার অপরাহ্ন ৫।০ সাড়ে পাঁচ ঘটিকার সময় রাজা বিনয়কৃষ্ণ দেব বাহাদুরের ভবনে বঙ্গীয় সাহিত্য-পরিষদের উক্ত অধিবেশন হইয়া ছিল । অধিবেশনে নিম্নোক্ত সভা মহোদয়গণ উপস্থিত ছিলেন,—

শ্রীযুক্ত পণ্ডিত রাজেন্দ্রচন্দ্র শাস্ত্রী এম, এ, ( সভাপতি ), শ্রীযুক্ত দ্বিজেন্দ্রনাথ ঠাকুর, শ্রীযুক্ত রাজা বিনয়কৃষ্ণ দেব বাহাদুর, শ্রীযুক্ত রামেন্দ্রসুন্দর ত্রিবেদী এম, এ, ডাক্তার চুনীলাল বসু শ্রীযুক্ত ব্যোমকেশ মুস্তফী, শ্রীযুক্ত রজনীকান্ত গুপ্ত, শ্রীযুক্ত শিবাপ্রসন্ন ভট্টাচার্য্য বি, এল, শ্রীযুক্ত শরচ্চন্দ্র সরকার, শ্রীযুক্ত বসন্তকুমার বসু, শ্রীযুক্ত বিহারীলাল সরকার, শ্রীযুক্ত ক্ষেত্রপাল চক্রবর্তী, শ্রীযুক্ত জগবল্লু মোদক, শ্রীযুক্ত মন্থনাথ চক্রবর্তী, শ্রীযুক্ত চন্দ্রনাথ বসু এম, এ, বি, এল, শ্রীযুক্ত ধীরানন্দ কাব্যনিধি, শ্রীযুক্ত পঞ্চানন মুখোপাধ্যায়, শ্রীযুক্ত গিরিশচন্দ্র রায়, শ্রীযুক্ত শশিভূষণ মুখোপাধ্যায়, শ্রীযুক্ত গোবিন্দলাল দত্ত, শ্রীযুক্ত বাণীনাথ নন্দী, শ্রীযুক্ত হেমচন্দ্র মল্লিক, শ্রীযুক্ত প্রিয়নাথ ঘোষ, শ্রীযুক্ত রামেশ্বর মণ্ডল বি, এল, শ্রীযুক্ত হীরেন্দ্রনাথ দত্ত এম, এ, বি, এল, ( সম্পাদক ) ।

উক্ত অধিবেশনের জ্ঞান নিম্নলিখিত বিষয়সমূহ নির্দিষ্ট ছিল ।

### আলোচ্য বিষয় ।

১ । গত অধিবেশনের কার্যবিবরণ পাঠ ।

২ । সভা-নির্বাচন ।

৩ । সভাপতি শ্রীযুক্ত দ্বিজেন্দ্রনাথ ঠাকুর মহাশয় কর্তৃক “উপসর্গ বিচার” ২য় প্রবন্ধ পাঠ ।

৪ । বিবিধ বিষয় ।

সভাপতি শ্রীযুক্ত দ্বিজেন্দ্রনাথ ঠাকুর মহাশয়ের প্রস্তাবে শ্রীযুক্ত রাজেন্দ্রচন্দ্র শাস্ত্রী মহাশয় সভাপতির আসন গ্রহণ করিলেন ।

১ । গত অধিবেশনের কার্য-বিবরণ পঠিত ও অনুমোদিত হইল ।

২ । শ্রীযুক্ত ডাক্তার চুনীলাল বসু মহাশয়ের প্রস্তাবে ও সম্পাদকের সমর্থনে এবং সর্বসম্মতিক্রমে শ্রীযুক্ত রামচন্দ্র দত্ত মহাশয় ( ১১ নং মধু রায়ের লেন সিমলা ) পরিষদের নূতন সভা নির্বাচিত হইলেন ।



৩। অতঃপর শ্রীযুক্ত দ্বিজেন্দ্রনাথ ঠাকুর মহাশয় “উপসর্গ বিচার” শীর্ষক প্রবন্ধ পাঠ করিলেন। পাঠান্তে—শ্রীযুক্ত চন্দ্রনাথ বসু মহাশয় বলিলেন যে, প্রবন্ধ তাঁহাকে একপ ভাল লাগিয়াছে যে, তিনি বিশেষ কার্য্য অবহেলা করিয়াও গুনিয়াছেন। প্রবন্ধের বিষয় যেরূপ গুরুতর তাহাতে বৈয়াকরণ ভিন্ন কেহ তাহার আলোচনা করিতে পারে না। প্রবন্ধে যে চিন্তা, পাণ্ডিত্য ও বিচারশক্তির নিদর্শন পাওয়া গিয়াছে, তাহা অসাধারণ শক্তির পরিচায়ক। প্রবন্ধ অতি চমৎকার হইয়াছে। বক্তা সর্বাঙ্গতঃ করণে প্রবন্ধ-লেখক মহাশয়কে ধন্যবাদ দিবার প্রস্তাব করিলেন।

শ্রীযুক্ত বিহারীলাল সরকার মহাশয় বলিলেন, প্রবন্ধ এত উৎকৃষ্ট হইয়াছে যে, তিনি প্রাণ খুলিয়া প্রবন্ধ-লেখক মহাশয়কে ধন্যবাদ দিতেছেন। প্রবন্ধ-লেখক আদর্শ দার্শনিক। প্রবন্ধও দার্শনিক ভাবে পূর্ণ। হঠাৎ আলোচনা করিতে সাহস হয় না। উপসর্গের বিচার সুবিচারই হইয়াছে। একপ ভাবের বিচার সংস্কৃতেও নাই। ভারত কর্তৃক উপসর্গ তত্ত্ব গ্রন্থে কতকটা নূতন ভাবের উপসর্গের আলোচনা আছে। কিন্তু বোধ হয়, একপ ভাবে নহে। প্রবন্ধ সুন্দর ও হৃদয়গ্রাহী হইয়াছে। উপসর্গ সম্বন্ধে তাঁহার বক্তব্য এই যে, এক উপসর্গের যেমন বিভিন্ন অর্থ, সেইরূপ দুই উপসর্গেরও এক অর্থ আছে। সেইজন্য সকল স্থলে অর্থ ঠিক করা দায় এবং পণ্ডিতদিগের মধ্যেও মতভেদ দেখা যায়। যেরূপ প্রবন্ধ অল্প পঠিত হইল, পরিষদে সেইরূপ প্রবন্ধেরই পাঠ হওয়া উচিত। উপসর্গের যেরূপ ভাবে বিচার হইল, অগ্ৰাণ্ড বিষয়েরও এইরূপ বিচার বাঞ্ছনীয়।

শ্রীযুক্ত শশিভূষণ মুখোপাধ্যায় মহাশয় বলিলেন যে, প্রবন্ধের বিষয় অতি গুরুতর এ বিষয় হঠাৎ আলোচনা করা যায় না।

সভাপতি মহাশয় বলিলেন—প্রবন্ধটী বড়ই মনোহর হইয়াছে, ইহাতে প্রসঙ্গতঃ অনেক ছরুছ বিষয়ের অবতারণা করা হইয়াছে, হঠাৎ সে সকলের সমালোচনা করা অসম্ভব। প্রবন্ধে পাণ্ডিত্য, গবেষণা ও চিন্তাশীলতার যথেষ্ট পরিচয় আছে। তথাপি একপ বিষয়ে সর্বাংশে মতের ঐক্য হওয়া অসম্ভব, সুতরাং যে যে স্থলে প্রবন্ধের মতের সহিত তাঁহার মতের অনৈক্য আছে বলিয়া বোধ হইল, সেই সেই স্থলের কিঞ্চিৎ সমালোচনা করিবেন। প্রবন্ধপাঠকালে বিচার্য্য বিষয়গুলি যথাক্রমে স্মরণ করিয়া রাখিতে পারেন নাই বলিয়া সমালোচনাতেও কোন ক্রম লক্ষিত হইবে না। প্রবন্ধের শেষভাগে লেখক মহাশয় উপসর্গদিগের এককালে স্বতন্ত্র সত্তা ছিল, অর্থাৎ স্বতন্ত্রভাবে অর্থ বোধকতা ছিল, এইরূপ মত প্রকাশ করিয়াছেন, এই মতটী সন্দ্বিগ্নভাবে উপস্থাপিত হইলেও উহাতে সন্দেহ বা অশ্রুমানের অবসর নাই। উপসর্গগুলি যে এক সময় ধাতু হইতে বিচ্ছিন্নভাবে ব্যবহৃত হইত ও ধাতুর নিরপেক্ষ হইয়া স্ব স্ব অর্থ প্রকাশ করিত, সে বিষয়ে সন্দেহ নাই। লৌকিক ও বৈদিক উভয়বিধ সাহিত্যেই ইহার ভূরি ভূরি নিদর্শন পাওয়া যায়। বেদে

উপসর্গগুলি অনেক সময় ধাতু হইতে বিচ্ছিন্ন ভাবেই ব্যবহৃত হইত। যেমন 'প্র' 'ণ,' আয়ুংবিঃ তারিষতা এখানে প্রুতারিষত না হইয়া "প্র ও তারিষতেষু মৎ" এই অনেকগুলি বর্ণের ব্যবধান, লৌকিক সাহিত্যে একরূপ ব্যবহার বিরল বা একেবারেই নাই বলিলেই হয়। উপসর্গগুলি ধাতুনিরপেক্ষ অর্থাৎ স্বতন্ত্রভাবে ব্যবহৃত হইলে উহাদিগের নামান্তর হয়, তখন তাহাদিগকে কৰ্ম্মপ্রবচনীয় কহে। কৰ্ম্মপ্রবচনীয়ের উদাহরণ সংস্কৃত লৌকিক ও বৈদিক উভয়বিধ সাহিত্যে ভূরি ভূরি দেখিতে পাওয়া যায়, সুতরাং সমস্ত উপসর্গেরই সে এক সময় স্বতন্ত্র অর্থবোধকতা ছিল, তাহাতে আর সন্দেহ নাই। উপসর্গের অর্থ লইয়া প্রাচীন বৈয়াকরণগণ অনেক বিচার করিয়াছেন। কেহ কেহ বলেন, উপসর্গদিগের অর্থ বাচকতা নাই, কিন্তু দ্যোতকতা আছে, অর্থাৎ উপসর্গগণ কোন বিশেষ অর্থের বাচক নহে। তবে ধাতুযোগে বিশেষ বিশেষ স্থলে বিশেষ অর্থ প্রকাশ করে মাত্র। এ বিষয়ে প্রাচীন বৈয়াকরণদিগের মধ্যে শাকটায়ন ও গার্গের মতভেদ দৃষ্ট হয়, যথা—“ন নির্ধক্কা উপসর্গা অর্থান্নিরাছরিত্তি শাকটায়নো নামাখ্যাতয়োস্ত কৰ্ম্মোপসংযোগ-দ্যোতকা ভবন্ত্যাচ্চাবচাঃ পদার্থ ভবন্তীত্তি গার্গাঃ” (যাস্ক নিরুক্ত নিঘণ্টু কাণ্ড ৩৭ পৃঃ সোমাই-টার সংস্করণ) অর্থাৎ শাকটায়নের মতে উপসর্গদিগের সাক্ষাৎ অর্থাভিধানশক্তি নাই, গার্গ্য কিন্তু সেই মত স্বীকার করেন না। তাঁহার মতে উপসর্গের স্বতন্ত্র অর্থাভিধান শক্তি আছে ও তাহাদিগের অর্থ ক্রিয়া বিশেষ। ‘তস্মাৎ উপসর্গশ্চ ক্রিয়াবিশেষোহর্থঃ’ নিরুক্তকার যাস্ক এই শেযোক্ত মতই গ্রহণ করিয়াছেন। ভট্টোজীদীক্ষিতও তাঁহার বহুবিহৃত শব্দকৌস্তভ গ্রন্থের প্রারম্ভে এ বিষয়ে বিচার করিয়াছেন ও শাকটায়নের ঞায় উপসর্গদিগের অর্থবাচকতা নাই, এই কল্পই আশ্রয় করিয়াছেন। আমরা কিন্তু প্রাচীনতম গ্রন্থকারদিগের শক্তি অনুসরণ করিয়া বাচকতা-কল্পকেও একেবারে পরিহার করিতে পারিলাম না। এ স্থলে প্রসঙ্গত একটা কথা উল্লেখ করিতে বাধ্য হইলাম। নিরুক্তে সকল শব্দ ধাতু হইতে উৎপন্ন, ‘নামাখ্যাত-জানীতি শাকটায়নো নৈরুক্তসময়শ্চ ন সৰ্ব্বানীতি গার্গ্যো বৈয়াকরণানাং চৈকে’ নিঘণ্টুকাণ্ড (চতুর্থপদের প্রারম্ভে) গার্গ্য ও বৈয়াকরণদিগের কেহ কেহ বলেন, সকল শব্দ ধাতুজ নহে। এই বিচারে শব্দের ব্যুৎপত্তিগত অনেক সূক্ষ্ম তত্ত্বের অবতারণা আছে, তাহা পর্যালোচনা করিয়া স্থলতঃ এইরূপ সিদ্ধান্ত করা যাইতে পারে যে, শব্দের প্রবৃত্তি নিমিত্ত (শক্যতাবচ্ছেদক) সৰ্ব্বস্থলে ব্যুৎপত্তি নিমিত্তের সহিত অভিন্ন নহে, ‘অল্পচ প্রযুক্তি-নিমিত্তঃ শব্দনাম অল্পচ ব্যুৎপত্তিনিমিত্তঃ’ অর্থাৎ সরল ভাষায় বলিতে গেলে শব্দ ব্যবহার সৰ্বত্র ব্যুৎপত্তির অনুযায়ী নহে, এইরূপ কথা বলা যাইতে পারে। প্রস্তুত সুমালোচনার এই কথাটির বিশেষ অ্যুয়োগ দৃষ্ট হইবে। সকল স্থলেই যে প্রযুক্ত পদের অর্থ, ধাতু ও উপসর্গের অর্থের সমষ্টি হইবে একরূপ নহে, সুতরাং সকল স্থলেই একরূপ অর্থনিকাসনের চেষ্টা যে সকল হইবে বা হইয়াছে একরূপ বলা যায় না। প্রবন্ধকার অপি, স্ক ও হ্র এই কয়টা উপসর্গের অর্থ সুগম বলিয়া উহাদিগের বিষয়ে কোনরূপ আলোচনা করে নাই। এক্ষণে বক্তব্য

এই যে, “অপি” এই উপসর্গের অর্থ নানাবিধ ও স্থলবিশেষে উহার অর্থনিক্রমণও দুক্ল। সংস্কৃত বৈয়াকরণেরা উহার আহরণ, অল্পত্ব, সংসর্গ, পদার্থ, সম্ভাবা, গর্হা, অল্পজ্ঞা, সমুচয় প্রভৃতি অনেক অর্থ স্বীকার করেন। তবে শেষোক্ত পাঁচটি অর্থে ব্যবহৃত হইলে উহা উপসর্গ বলিয়া গণ্য হয় না। কিন্তু যখন প্রবন্ধকার উপসর্গদিগের অর্থ মাত্র বিচারে প্রবৃত্ত হইয়াছেন, তখন তাঁহার ঐ সকল অর্থের অনুল্লেখের কারণ বুঝিতে পারা যায় না। তবে “অপি” এই উপসর্গটি প্রায়ই সংস্কৃতে ব্যবহৃত হয়, বলিয়াই বোধ হয় উপেক্ষিত হইবে। নিরুক্তকারের মতে অপির অর্থ সংসর্গ (সর্পিষোপি শ্রাৎ) স্ব ও ছর্ এই দুইটির অর্থগত একটু বিশেষ আছে। যেমন সুভিক্ষ, দুর্ভিক্ষ এই দুইটি প্রয়োগে উহারা যথাক্রমে সমৃদ্ধি ও অভাব অর্থে ব্যবহৃত হইয়াছে। ঐ দুইটির অর্থ উৎকর্ষ ও অপকর্ষের প্রকার স্বরূপ হইলেও বৈচিত্র্যের জন্য উল্লেখযোগ্য। “অধি” উপসর্গের বিচার প্রসঙ্গে প্রবন্ধকার মহাশয় অধি ও ধি এই দুইটি শব্দের মধ্যে ব্যুৎপত্তিগত সাদৃশ্যের আভাস দিয়াছেন। ঐ আভাস কতদূর যুক্তি-যুক্ত তাহা বুঝা যায় না, কারণ ‘ধি’ এই পদটি ‘ধা’ ধাতু হইতে উৎপন্ন। উহা উপসর্গ নহে। প্রতি উপসর্গের “প্রতিকূলতা” অর্থের স্থলবিশেষ যেমন প্রতিগৃহ, প্রতিগ্রাম ইত্যাদি স্থলে) ব্যভিচার লক্ষিত হয়। প্রবন্ধে প্রসঙ্গতঃ গৌতমসূত্র ও গ্রায়ভাষা হইতে গৃহীত একটা শব্দের অর্থ বিচার করা হইয়াছে। যতদূর স্মরণ হয়, তাহাতে প্রবন্ধকারের মতে অভ্যাপগম সিন্ধাস্ত্রের অর্থ Hypothesis, কিন্তু বোধ হয় উহা (Hypothesis) নহে। যাহা হউক অদ্য সময়াভাব বশতঃ এরূপ বিস্তীর্ণ দুক্ল ও উৎকৃষ্ট প্রবন্ধের যথোচিত সমালোচনা অসম্ভব! প্রবন্ধটি মুদ্রিত হইলে উহার একটি যথোচিত সমালোচনা করিয়া পুনর্বার এই পণ্ডিত-মণ্ডলীর নিকট উপস্থিত হইবার ইচ্ছা রহিল। প্রবন্ধটি পরিষৎপত্রিকায় মুদ্রিত হইবার যে সর্বোংশে যোগা সে বিষয়ে আর বক্তব্য নাই।

৪। পরিষদের ভূতপূর্ব সভা কুমার যতীন্দ্রকৃষ্ণ দেব ও মতিলাল মল্লিক এম, এ, মহাশয়-  
হয়ের অকাল মৃত্যুতে সভা শোক প্রকাশ করিলেন।

সম্পাদকের প্রস্তাব মতে পরিষদ নিম্নোক্ত গ্রন্থোপহারদাতৃগণকে উপহার প্রাপ্ত গ্রন্থের  
জন্ম ধন্যবাদ প্রদান করিলেন।

শ্রীযুক্ত হীরেন্দ্রনাথ দত্ত

(ক) প্রেমাশ্র

„ নকুলেশ্বর বিদ্যাভূষণ

(ক) ভাষাবোধ বাঙ্গালা ব্যাকরণ।

অতঃপর সভাপতি মহাশয়কে ধন্যবাদ দিয়া সভার কার্য শেষ হইল।

শ্রীহীরেন্দ্রনাথ দত্ত

শ্রীদ্বিজেন্দ্রনাথ ঠাকুর

সম্পাদক।

সভাপতি।

## চতুর্থ মাসিক অধিবেশনের কার্য-বিবরণ ।

বিগত ৩০শে শ্রাবণ ( ১৮৯৮ । ১৪ই আগষ্ট ) রবিবার অপরাহ্ন ৫।৩০ সাড়ে পাচ ঘটিকায় রাজা বিনয়কৃষ্ণ দেব বাহাদুরের ভবনে বঙ্গীয় সাহিত্য-পরিষদের উক্ত অধিবেশন হইয়াছিল । অধিবেশনে নিম্নোক্ত সভ্য মহোদয়গণ উপস্থিত ছিলেন,—

শ্রীযুক্ত দ্বিজেন্দ্রনাথ ঠাকুর ( সভাপতি ), মহামহোপাধ্যায় পণ্ডিত হরপ্রসাদ শাস্ত্রী এম, এ, ( সহ-সভাপতি ) রাজা বিনয়কৃষ্ণ দেব বাহাদুর, শ্রীযুক্ত চন্দ্রনাথ বসু এম, এ, বি, এল, শ্রীযুক্ত যতীন্দ্রনাথ চৌধুরী এম, এ, বি, এল, শ্রীযুক্ত রামেন্দ্রসুন্দর ত্রিবেদী এম, এ, কুমার কেশবেন্দ্রকৃষ্ণ দেব বাহাদুর, কুমার শরৎকুমার রায়, ডাক্তার চন্দ্রশিখর কালী এল, এম, এস, ডাক্তার চুনীলাল বসু, শ্রীযুক্ত ক্ষীরোদপ্রসাদ ভট্টাচার্য্য বিদ্যাবিনোদ এম, এ, শ্রীযুক্ত নগেন্দ্রনাথ বসু, শ্রীযুক্ত সুরেশচন্দ্র সমাজপতি, শ্রীযুক্ত রজনীকান্ত গুপ্ত, শ্রীমন্মথনাথ চক্রবর্তী, শ্রীযুক্ত অতুলচন্দ্র গোস্বামী, শ্রীযুক্ত মহেন্দ্রনাথ বিজ্ঞানিধি, শ্রীযুক্ত শরচ্চন্দ্র শাস্ত্রী, শ্রীযুক্ত রামগোপাল সেনগুপ্ত, শ্রীযুক্ত বীরেশ্বর চট্টোপাধ্যায়, শ্রীযুক্ত কিরণচন্দ্র দত্ত, শ্রীযুক্ত ব্যোমকেশ মুস্তফি, শ্রীযুক্ত গুরুদাস চট্টোপাধ্যায়, শ্রীযুক্ত গোবিন্দলাল দত্ত, শ্রীযুক্ত বসন্তকুমার বসু, শ্রীযুক্ত রামেশ্বর মণ্ডল বি, এল, শ্রীযুক্ত রাধানাথ মিত্র, শ্রীযুক্ত বাণীনাথ নন্দী, শ্রীযুক্ত বিহারীলাল সরকার, শ্রীযুক্ত হীরেন্দ্রনাথ দত্ত এম, এ, বি, এল, ( সম্পাদক ), শ্রীযুক্ত চণ্ডীচরণ বন্দ্যোপাধ্যায় ( সহ-সম্পাদক ) ।

উক্ত অধিবেশনে আলোচনার জ্ঞে নিম্নোক্ত বিষয়সমূহ নির্দিষ্ট ছিল ।

### আলোচ্য বিষয় ।

১ । গত অধিবেশনের কার্য-বিবরণ-পাঠ ।

২ । সভা-নির্বাচন ।

৩ । প্রবন্ধপাঠ—

(ক) মহামহোপাধ্যায় শ্রীযুক্ত হরপ্রসাদ শাস্ত্রী—ধোয়ী কবির পবন-দূত ।

(খ) শ্রীযুক্ত নগেন্দ্রনাথ বসু গোড়াধিপ মদনপাল ও মহীপাল দেবের তাম্রশাসন প্রদর্শন ।

(গ) শ্রীযুক্ত বিহারীলাল সরকার—ভরতকৃত উপসর্গ বৃত্তির আলোচনা ।

৪ । বিবিধ বিষয় ।

১ । পূর্ববর্তী অধিবেশনের কার্য-বিবরণ পাঠিত ও অনুমোদিত হইল ।

২ । যথারীতি প্রস্তাব ও সমর্থনের পর নিম্নোক্ত ব্যক্তিগণ পরিষদের নূতন সভ্য নির্বাচিত হইলেন । পরে প্রস্তাবক, সমর্থক ও প্রস্তাবিত নূতন সভ্যের নাম ও ধাম যথাক্রমে লিখিত হইল ।

প্রস্তাবকের নাম।	সমর্থকের নাম।	প্রস্তাবিত নূতন সভার নাম।
শ্রীযুক্ত নগেন্দ্রনাথ বসু	শ্রীযুক্ত হীরেন্দ্রনাথ দত্ত এম, এ, বি, এল,	শ্রীযুক্ত গিরীন্দ্রনাথ বন্দ্যোপাধ্যায়।
„ মহেন্দ্রনাথ বিদ্যানিধি	„ নগেন্দ্রনাথ বসু	„ যতীন্দ্রনাথ দত্ত।
„ হীরেন্দ্রনাথ দত্ত এম, এ, বি, এল „	„ ঐ	„ কানাইলাল বন্দ্যোপাধ্যায়।
„ ঐ	„ ঐ	„ প্রবোধচন্দ্র সরকার।
„ রামেন্দ্রসুন্দর ত্রিবেদী এম, এ, „	„ হীরেন্দ্রনাথ দত্ত এম, এ, বি, এল,	„ মাধবচন্দ্র চক্রবর্তী।

৩। (ক) মহামহোপাধ্যায় শ্রীযুক্ত হরপ্রসাদ শাস্ত্রী মহাশয় “ধোয়ী কবির পবন-দূত” কাব্যের আলোচনা করিলেন।

তৎপরে মহেন্দ্রনাথ বিদ্যানিধি মহাশয় বলিলেন যে, প্রস্তাবটি অতি উপাদেয় হইয়াছে। ইতিহাসবিৎ শাস্ত্রী মহাশয় অনেক নূতন ঐতিহাসিক তত্ত্ব উপস্থিত করিয়া পরিষদের ধন্তবাদ-ভাজন হইয়াছেন।

শ্রীযুক্ত নগেন্দ্রনাথ বসু মহাশয় শাস্ত্রী মহাশয়কে প্রস্তাবটি বিস্তৃতভাবে লিখিয়া পরিষৎ-পত্রিকায় প্রকাশিত করিতে অনুরোধ করিলেন। শাস্ত্রী মহাশয় যে বিজয়পুরের উল্লেখ করিয়াছেন, উহা সম্ভবতঃ বল্লালসেনের পিতা বিজয় সেনের স্থাপিত। নদীয়ার কিছু দূরে জয়পুর ও বিজয়পুর নামে দুইটি গ্রামের তিনি অনুসন্ধান পাইয়াছেন।

শ্রীযুক্ত শরচ্চন্দ্র শাস্ত্রী মহাশয় বলিলেন যে, শাস্ত্রী মহাশয় সূক্ষ্মদেশকে বঙ্গদেশের নামান্তর বলিয়াছেন। তাঁহার বিশ্বাস পূর্বে ত্রিপুরার অংশবিশেষকে সূক্ষ্ম দেশ বলিত। উত্তরে মহামহোপাধ্যায় শাস্ত্রী মহাশয় বলেন, যে “সূক্ষ্মে চ তাম্রলিপ্তে চ” এই প্রমাণানুসারে তমলুকের নিকট ‘সূক্ষ্ম’ হইতেছে।

শ্রীযুক্ত অতুলচন্দ্র গোস্বামী মহাশয় বলিলেন যে, শাস্ত্রী মহাশয় যে “কবিরাজ” উপাধির উল্লেখ করিয়াছেন, নরোত্তমবিলাস ও ভক্তিরত্নাকর গ্রন্থেও উহার উল্লেখ আছে। পদকর্তা গোবিন্দদাস ও তাঁহার ভ্রাতা রামচন্দ্র দাস ঐ সম্মানিত উপাধি প্রাপ্ত হইয়াছিলেন।

শ্রীযুক্ত চন্দ্রনাথ বসু মহাশয় বলিলেন যে, শাস্ত্রী মহাশয় যখন প্রস্তাবটি বিস্তৃতভাবে লিখিবেন, তখন বঙ্গদেশের আচার ব্যবহারের বিষয় কাব্যে যে স্থলে উল্লেখ আছে, সে অংশ যেন আমাদিগকে দেন।

সভাপতি মহাশয় শাস্ত্রী মহাশয়কে ধন্তবাদ দিলেন। তিনি দেশীয় কবির গুপ্ত সন্নাচার দূতরূপে আমাদের সমক্ষে উপস্থিত করিয়াছেন। তদ্বারা সাহিত্য সম্বন্ধে উপকার হইবার সম্ভাবনা।

(খ) অতঃপর শ্রীযুক্ত নগেন্দ্রনাথ বসু মহাশয় গোড়াধিপ মহীপাল ও মদনপালের তাম্র-শাসন প্রদর্শন করিলেন এবং সংক্ষিপ্ত বিবরণ প্রদান করিলেন।

শ্রীযুক্ত রায় যতীন্দ্রনাথ চৌধুরী মহাশয় নগেন্দ্র বাবুকে ধন্তবাদ দিবার প্রস্তাব করিলেন। তাম্রশাসনের বিবরণ শ্রবণে অনেক নূতন জ্ঞানলাভ হইয়াছে।



যুক্ত নগেন্দ্রনাথ বসু মহাশয় বলিলেন যে, শ্রীযুক্ত নন্দকৃষ্ণ বসু মহাশয় যিনি ঐ তাম্রশাসন উদ্ধার করিয়াছেন। তিনিও পরিষদের বিশেষ ধন্যবাদের পাত্র।

শ্রীযুক্ত মহেন্দ্রনাথ বিদ্যানিধি মহাশয় উক্ত প্রস্তাবের সমর্থন করিলেন। তিনি বলিলেন যে, তাম্রশাসনের প্রতিলিপি পত্রিকায় মুদ্রিত হওয়া উচিত।

শ্রীযুক্ত হরপ্রসাদ শাস্ত্রী মহাশয় বলিলেন যে, পালরাজগণের সহিত আমাদের ঘনিষ্ঠ সম্বন্ধ। অথচ কিছুকাল পূর্বেও আমরা তাঁহাদের বিষয় কিছুই জানিতাম না। এখন যুরোপীয় প্রত্নতত্ত্ববিদদের আলোচনার ফলে অনেক বিষয় জানা গিয়াছে। পালরাজ্যদিগের রাজধানী ছিল ওদন্তপুরে, পরে গোড়ে ঐ রাজধানী প্রতিষ্ঠিত হইয়াছিল। ঐ পালবংশের শাখাবংশ অনেক প্রদেশে রাজত্ব করিয়াছিলেন। পালবংশীয় এক রাজা নয়পালের সভাসদ বজ্রপাণি গয়াকে অমরাবতী তুল্য করিয়াছিলেন। নেপাল হইতে সংগৃহীত অনেক পুথিতে পালরাজগণের অনেক বিবরণ পাওয়া যায়। রামপালদেবের বোধ হয়, স্বহস্ত-লিখিত একখানি পুঁথি তিনি স্বচক্ষে দেখিয়াছেন।

সভাপতি মহাশয় বলিলেন যে, নগেন্দ্র বাবু যেরূপ ইতিহাস চর্চা করিলেন, তাহাতে বিশেষ উপকার হইল। শাস্ত্রী মহাশয় বৌদ্ধদিগের সহিত তন্ত্রশাস্ত্রের সম্পর্ক উল্লেখ করাতে তাঁহার অভিমত তন্ত্রশাস্ত্রের উৎপত্তিবিষয়ের মত দৃঢ়ীকৃত হইল।

(গ) অতঃপর শ্রীযুক্ত বিহারীলাল সরকার মহাশয় “ভরত কৃত উপসর্গবৃত্তি” গ্রন্থের বিস্তৃতভাবে আলোচনা করিলেন।

তৎপরে শ্রীযুক্ত হরপ্রসাদ শাস্ত্রী মহাশয় বলিলেন যে, বিহারী বাবু উপসর্গবৃত্তি গ্রন্থকে ভবতমল্লিক কৃত বলিয়া প্রতিপন্ন করিয়াছেন। তাহা ঠিক নহে। কারণ ভরত মল্লিক অগ্ৰাণ্ড গ্রন্থে মুগ্ধবোধের সংজ্ঞা ব্যবহার করিয়াছেন। এ গ্রন্থে সে সংজ্ঞা ব্যবহৃত হয় নাই। উপসর্গ বিষয়ে পাণিনি ও মুগ্ধবোধের মধ্যে বিশেষ মতভেদ লক্ষিত হয়। মুগ্ধবোধ কেবল উপসর্গেরই বিচার করিয়াছেন। পাণিনি উপসর্গকে ভাঙ্গিয়া চারি পাঁচটা ভেদ করিয়াছেন। অন্যান্য বিষয়েও মতভেদ আছে।

সম্পাদক বলিলেন যে, সভাপতি মহাশয় সম্পূর্ণ নূতন প্রণালীতে উপসর্গতত্ত্ববিচার করিয়াছিলেন। ভরত একটা একটা উপসর্গের ভিন্নার্থ সংগৃহীত করিয়া তাহার উদাহরণ প্রদর্শন করিয়াছেন মাত্র।

শ্রীযুক্ত মহেন্দ্রনাথ বিদ্যানিধি মহাশয় বলিলেন যে, সংশয় অপনোদন জন্য বিহারী বাবু বর্তমান প্রস্তাব উপস্থিত করিয়াছেন। সভাপতি মহাশয় রচিত প্রবন্ধের প্রতিবাদ তাঁহার উদ্দেশ্য নহে। বিহারী বাবুকে ধন্যবাদ দেওয়া হউক।

প্রবন্ধলেখক মহাশয় বলিলেন যে, প্রতিবাদ তাঁহার উদ্দেশ্য নহে। সংশয়নির্গম্যমাত্র উদ্দেশ্য।

সভাপতি মহাশয় বলিলেন যে, বিহারী বাবু ভরতকৃত উপসর্গবৃত্তি গ্রন্থ সভার গোচন

করিয়া সকলের ধন্যবাদভাজন হইয়াছেন। প্রবন্ধরচনার পূর্বে ঐ গ্রন্থের সন্ধান পাইলে হয়ত, তিনি আরও বিস্তৃত ভাবে আলোচনা করিতেন। তিনি উপসর্গের প্রয়োগ দেখিয়া আদি অর্থ আবিষ্কার করিতে চেষ্টা করিয়াছেন। আদিম অর্থ জানিলে প্রয়োগকালে বিশেষ সুবিধা হয়, হয়ত স্থানে স্থানে কঁহার ভ্রম প্রমাদ আছে। একরূপ বিষয়ের আলোচনায় থাকিবার সম্ভাবনা।

৪। শ্রীযুক্ত নগেন্দ্রনাথ বসু ও শ্রীযুক্ত বিহারীলাল সরকার মহাশয় পরিষদের ভূতপূর্ব সভাপতি উমেশচন্দ্র বটব্যাল মহাশয়ের মৃত্যুতে শোক প্রকাশ করিলেন।

বিদ্যানিধি মহাশয় কবিরাজ মনোমোহন সেন মহাশয়ের মৃত্যুতে শোক প্রকাশ করিলেন।

সভা সম্পাদককে ঐ শোকপ্রকাশ কার্য-বিবরণে লিপিবদ্ধ করিতে অনুমতি করিলেন।

সম্পাদকের প্রস্তাবে সভা নিম্নোক্ত গ্রন্থোপহারদাতৃগণকে ধন্যবাদ প্রদান করিলেন।

শ্রীযুক্ত রাজা বিনয়কৃষ্ণ দেব বাহাদুর—

(ক) Thirteenth annual report of the Countess of Dufferin's Fund, 1897.

(খ) The Annual report of the Indian Association 1892-93 to 1895-96.

শ্রীযুক্ত যতীন্দ্রমোহন সাগুলা (ক) The Tilak Trial.

„ শরচ্চন্দ্র শাস্ত্রী (ক) দুর্গামঙ্গল।

অতঃপর সভাপতি মহাশয়কে ধন্যবাদ দিয়া সভার কার্য শেষ হইল।

শ্রীহীরেন্দ্রনাথ দত্ত

সম্পাদক।

শ্রীদ্বিজেন্দ্রনাথ ঠাকুর

সভাপতি।

১৩০৫ সাল ২৭শে ভাদ্র।

## পঞ্চমমাসিক অধিবেশনের কার্য-বিবরণ।

বিগত ২৭শে ভাদ্র ( ১৮৯৮ । ১১ই সেপ্টেম্বর ) রবিবার অপরাহ্নে ৫।।০ সাড়েপাঁচ ঘটিকার সময় রাজা বিনয়কৃষ্ণ দেব বাহাদুরের ভবনে বঙ্গীয় সাহিত্য-পরিষদের উক্ত অধিবেশন হইয়া ছিল। অধিবেশনে নিম্নোক্ত পণ্ডিত ও সভ্য মহোদয়গণ উপস্থিত ছিলেন—

মহামহোপাধ্যায় শ্রীযুক্ত চন্দ্রকান্ত তর্কালঙ্কার, শ্রীযুক্ত পণ্ডিত কামাখ্যানাথ তর্ক-বাগীশ, মহামহোপাধ্যায় শ্রীযুক্ত মধুসূদন স্মৃতিবত্ত, শ্রীযুক্ত পণ্ডিত কালীবর বেদান্ত-বাগীশ, শ্রীযুক্ত পণ্ডিত চণ্ডীচরণ স্মৃতিবত্ত, শ্রীযুক্ত পণ্ডিত ঈশ্বরচন্দ্র বিদ্যারত্ত, শ্রীযুক্ত বেণীমাধব তর্কালঙ্কার, শ্রীযুক্ত দ্বিজেন্দ্রনাথ ঠাকুর ( সভাপতি ), মহামহোপাধ্যায় শ্রীযুক্ত হরপ্রসাদ শাস্ত্রী এম এ, শ্রীযুক্ত রাজা বিনয়কৃষ্ণ দেব বাহাদুর, শ্রীযুক্ত রায় যতীন্দ্রনাথ চৌধুরী এম এ বি এল, শ্রীযুক্ত কুমার দক্ষিণেশ্বর মালিয়া, শ্রীযুক্ত চন্দ্রনাথ বসু এম এ বি এল, শ্রীযুক্ত শিবা প্রসন্ন ভট্টাচার্য্য বি এল, পণ্ডিত শ্রীযুক্ত রাজেন্দ্রচন্দ্র শাস্ত্রী এম এ, শ্রীযুক্ত নগেন্দ্রনাথ বসু, শ্রীযুক্ত সতীশচন্দ্র বিদ্যাভূষণ এম এ, শ্রীযুক্ত গোপালচন্দ্র মুখোপাধ্যায়, ডাক্তার শ্রীযুক্ত চুণীলাল বসু এম বি, শ্রীযুক্ত মনোমোহন বসু, শ্রীযুক্ত যজ্ঞেশ্বর বন্দ্যোপাধ্যায়, শ্রীযুক্ত ললিতচন্দ্র মিত্র এম এ, শ্রীযুক্ত ব্যোমকেশ মুস্তফি, শ্রীযুক্ত গিরীন্দ্রনাথ বন্দ্যোপাধ্যায়, শ্রীযুক্ত রামেশ্বর গুপ্ত বি এল, শ্রীযুক্ত হর্গানারায়ণ সেনগুপ্ত কবিভূষণ, শ্রীযুক্ত শরচ্চন্দ্র শাস্ত্রী, শ্রীযুক্ত রামগোপাল সেনগুপ্ত, শ্রীযুক্ত বীরেশ্বর চট্টোপাধ্যায়, শ্রীযুক্ত নকুলেশ্বর বিদ্যাভূষণ, শ্রীযুক্ত বসন্তকুমার বসু, শ্রীযুক্ত কিরণচন্দ্র দত্ত, শ্রীযুক্ত বাণীনাথ নন্দী, শ্রীযুক্ত জগদ্বন্ধু মোদক, শ্রীযুক্ত উপেন্দ্রনাথ মুখোপাধ্যায়, শ্রীযুক্ত কবিরাজ রামচন্দ্র বিদ্যাবিনোদ, শ্রীযুক্ত সুরেশচন্দ্র সমাজপতি, শ্রীযুক্ত প্রমথনাথ মিত্র, শ্রীযুক্ত ত্রৈলোক্যমোহন রায় চৌধুরী, শ্রীযুক্ত হীরেন্দ্রনাথ দত্ত এম এ বি এল, ( সম্পাদক )।

উক্ত অধিবেশনের জন্ত নিম্নোক্ত বিষয়সমূহ নির্দিষ্ট ছিল।

### আলোচ্য বিষয়।

- ১। গত অধিবেশনের কার্য-বিবরণ পাঠ।
- ২। সভ্য নির্বাচন।
- ৩। মানবতত্ত্ব ও উপকথা সম্বন্ধে মাননীয় রিসলে সাহেবের বিজ্ঞাপন বিষয়ে মহামহোপাধ্যায় শ্রীযুক্ত হরপ্রসাদ শাস্ত্রী মহাশয়ের প্রস্তাব।
- ৪। প্রবন্ধ পাঠ (ক) শ্রীযুক্ত রাজেন্দ্রচন্দ্র শাস্ত্রী—উপসর্গ বিচারের সমালোচনা।  
(খ) শ্রীযুক্ত ব্যোমকেশ মুস্তফি—মহাভারতের গঠন।
- ৫। বিবিধ বিষয়।

১। পূর্ববর্তী অধিবেশনের কার্য বিবরণ পঠিত ও অনুমোদিত হইল।

২। যথারীতি প্রস্তাব ও সমর্থনের পর নিম্নোক্ত ব্যক্তিগণ পরিষদের নূতন সভ্য নির্বাচিত হইলেন। নিম্নে প্রস্তাবক, সমর্থক ও প্রস্তাবিত নূতন সভ্যের নাম যথাক্রমে লিখিত হইল।

প্রস্তাবক,	সমর্থক,	প্রস্তাবিত নূতন সভ্যের নাম।
শ্রীযুক্ত রাজা বিনয়কৃষ্ণ দেব বাহাদুর,	শ্রীযুক্ত হীবেন্দ্রনাথ দত্ত এম এ বি এল,	শ্রীযুক্ত উপেন্দ্রনাথ মুখোপাধ্যায়।
„ অমরকৃষ্ণ মিত্র,	„ হীবেন্দ্রনাথ দত্ত এম এ বি এল,	„ কৃষ্ণচন্দ্র দে এম এ।
„ কুমার শরৎকুমার রায়	„ সুবেশচন্দ্র সমাজপতি,	„ অমরেন্দ্রনাথ পালচৌধুরী।
„ সুবেশচন্দ্র সমাজপতি,	„ নগেন্দ্রনাথ বসু,	„ হেমেন্দ্র প্রসাদ খোষ।
„ রাজা বিনয়কৃষ্ণ দেব বাহাদুর	„ সুবেশচন্দ্র সমাজপতি,	„ কানী প্রসন্ন কাব্যবিশািবদ।
„ সতীশচন্দ্রবিদ্যাভূষণ এম এ,	„ নগেন্দ্রনাথ বসু,	„ পঞ্চানন বন্দ্যোপাধ্যায়।

৩। মহামহোপাধ্যায় শ্রীযুক্ত হবপ্রসাদ শাস্ত্রী মহাশয় উপকথা ও মানবতত্ত্ব সম্বন্ধে মাননীয় রিসলে সাহেবের বিজ্ঞাপন উপস্থিত করিলেন। শাস্ত্রী মহাশয় বলিলেন যে, বিসলি সাহেব যে প্রস্তাব প্রকাশিত করিতেছেন। তাহা তিনভাগে বিভক্ত হইতে পারে।

(ক) Folklore. (খ) Anthropology (গ) Ethnology অনুসন্ধানের সুবিধার জন্ত ইনি প্রত্যেক বিভাগে কয়েকটি প্রশ্ন উপস্থিত করিয়াছেন। দেশীয় লোকের সহানুভূতি ও সাহায্য ভিন্ন এবিষয়ে চেষ্টা ফলবর্তী হইবার সম্ভাবনা নাই। এবিষয়ে পরিষদের যথাসাধ্য সাহায্য করা উচিত।

শ্রীযুক্ত চন্দ্রনাথ বসু মহাশয় বলিলেন যে বিসলি সাহেব যে বিষয়ে অনুসন্ধান করিতেছেন, সে বিষয়গুলি অতি গুরুত্ব, আর বোধ হয় পরিষদের এলাকার অন্তর্ভুক্ত নহে। পরিষদ পরিষদরূপে ভারগহণ করিলে সুবিধা হইবে না।

সম্পাদক মহাশয় বলিলেন যে, দর্শন, বিজ্ঞান প্রভৃতির আলোচনা পরিষদের উদ্দেশ্যের বহির্ভূত নহে। উপকথা ও মানবতত্ত্ব বিজ্ঞাপন আলোচনার অন্তর্ভুক্ত। ঐ সম্বন্ধে এসিয়াটিক সোসাইটী সাধারণের সাহায্য চাহিয়াছেন। এবিষয়ে পরিষদের সাহায্য করা উচিত।

শাস্ত্রী মহাশয় বলিলেন যে তিন Asiatic Society র পক্ষে সাহায্য চাহিয়াছেন। সে সাহায্য পরিষদের সভ্যের ব্যক্তিগত বা সমষ্টিগত দিতে পারেন।

শ্রীযুক্ত চন্দ্রনাথ বসু মহাশয় পুনর্বার বলিলেন যে, যে কার্যে Asiatic Society র শ্রাস্ত্রী শক্তিশালিনী সভ্য সফলতা লাভ করিতে পারেন নাই, সে বিষয়ে পরিষদের হস্তক্ষেপে সঙ্কোচ বোধ হয়, তবে রিসলে সাহেবের বিজ্ঞাপন পরিষৎ-পত্রিকায় ছাপাইয়া সভ্যগণকে সাহায্য করিবার জন্ত আহ্বান করার পক্ষে কোন আপত্তি নাই।

শ্রীযুক্ত নকুলেশ্বর বিদ্যাভূষণ মহাশয় বলিলেন যে আমাদের রীতি নীতি সাহেবের ঠিক যুগ্মেন না। ঐ সকল বিষয় তাঁহাদিগকে জানাইলে হয়ত, তাঁহারা উহার বিকৃতভাবে ব্যাখ্যা করিবেন।

শ্রীযুক্ত মনোমোহন বসু মহাশয় শ্রীযুক্ত চন্দ্রনাথ বসু মহাশয়ের মতের পোষকতা করিলেন। তিনি বলিলেন যে পরিষদ এবিষয়ে স্পষ্টতঃ ভাবগ্রহণ না করিয়া যথাসাধ্য সাহায্য করিতে পারেন।

শ্রীযুক্ত নগেন্দ্রনাথ বসু মহাশয় প্রস্তাব করিলেন যে, রিসলি সাহেবের বিজ্ঞাপন বঙ্গানুবাদ-সহ পত্রিকায় মুদ্রিত করা হউক এবং এবিষয়ের সাহায্য করিবার জন্য পরিষদের সভ্যগণকে আহ্বান করা হউক, তাঁহারা স্ব স্ব বক্তব্য লিখিয়া পত্রিকা-সম্পাদককে প্রেরণ করিবেন। পত্রিকা-সম্পাদক ঐ সকল মন্তব্য শাস্ত্রীমহাশয়ের হস্তে অর্পণ করিবেন।

সর্বসম্মতিক্রমে নগেন্দ্রবাবুর প্রস্তাব গৃহীত হইল।

৪। অতঃপর শ্রীযুক্ত রাজেন্দ্রচন্দ্র শাস্ত্রীমহাশয় উপসর্গবিচারবিষয়ক প্রবন্ধ পাঠ করিলেন।

পাঠান্তে—মহামহোপাধ্যায় শ্রীযুক্ত চন্দ্রকান্ত তর্কালঙ্কার মহাশয় বলিলেন যে, পূর্বাচার্য্যগণ যে ভাবে উপসর্গের অর্থ নির্ণয় করিয়াছেন, শাস্ত্রীমহাশয় সেই ভাবে উপসর্গতত্ত্ব বিচার করিয়াছেন। তাঁহার প্রবন্ধ উৎকৃষ্ট হইয়াছে।

শ্রীযুক্ত পণ্ডিত কামাখ্যানাথ তর্কবাগীশ মহাশয় বলিলেন যে, উপসর্গের কোনই অর্থ নাই। অতএব তাহার আবার অর্থ বিচার কি? এবিষয়ের আলোচনা তাঁহার মতে নিশ্চয়োজন।

শ্রীযুক্ত নকুলেশ্বর বিদ্যাভূষণ মহাশয় বলিলেন যে, তাঁহার মতে বাঙ্গালায় উপসর্গ নাই। শ্রীযুক্ত দ্বিজেন্দ্রনাথ ঠাকুর মহাশয় বৈজ্ঞানিক প্রণালীতে উপসর্গের অর্থ বিচার করিয়াছেন। শাস্ত্রীমহাশয় এবিষয়ে দেশীয় প্রণালীর অনুসরণ করিয়াছেন।

সম্পাদক বলিলেন যে শাস্ত্রীমহাশয় স্বরচিত প্রবন্ধে যথেষ্ট গবেষণা ও শাস্ত্রজ্ঞানের পরিচয় দিয়াছেন। তবে স্থানে স্থানে তিনি দ্বিজেন্দ্রবাবুর প্রতি অবিচার করিয়াছেন, বোধ হইল। দ্বিজেন্দ্রবাবু উপসর্গের মৌলিক অর্থ নির্ণয় করিবার চেষ্টা করিয়াছেন। শাস্ত্রীমহাশয় সে অর্থ আধুনিক প্রয়োগস্থলে সমীচীন হয় না, দেখাইয়া তাঁহার ভ্রান্তিখ্যাপণ করিয়াছেন। জগতে সর্বত্রই এক হইতে বহুর উৎপত্তি হইয়াছে। অবিশেষ হইতেই বিশেষের আরম্ভ হইয়াছে। উপসর্গের বিষয়েও এই নিয়মের ব্যতিক্রম ঘটে নাই। প্র, প্রভৃতি উপসর্গ এখন নানা অর্থ বিশিষ্ট, কিন্তু পুরাকালে এক একটা উপসর্গের এক একটা স্বতন্ত্র অর্থ ছিল। পবে এক হইতে বহু অর্থ হইয়াছে। দ্বিজেন্দ্রবাবু বৈজ্ঞানিক প্রণালীর অনুসরণ করিয়া ঐ আদিম অর্থ নিষ্কাশন করিতে চেষ্টা করিয়াছেন।

রায় যতীন্দ্রনাথ চৌধুরী মহাশয় বলিলেন যে, তাঁহার বোধ হয় যে, দ্বিজেন্দ্র বাবু সকল স্থলে Baconian Induction প্রণালীর অনুসরণ করেন নাই। স্থানে স্থানে Scholastic প্রণালীর অনুবর্তন করিয়াছেন। প্রত্যেক উপসর্গের যত প্রকার অর্থে প্রয়োগ আছে, তাহা সমস্ত সংগৃহীত করিয়া বৈজ্ঞানিক প্রণালী অনুসারে আদিম অর্থ নিষ্কাশন করা উচিত এবং সেই সঙ্গে



প্রাচীন বৈয়াকরণেরা যে সকল অর্থ নির্ধারণ করিয়াছেন তাহার পর্যালোচনা করা উচিত। তবে আদিম অর্থ নিষ্কাশন করা যাইবে।

শ্রীযুক্ত রাজেন্দ্রচন্দ্র শাস্ত্রী মহাশয় বলিলেন যে, তাঁহার প্রবন্ধের স্থানে স্থানে হয়ত ভ্রম প্রমাদ ঘটিয়াছে। তিনি জ্ঞানমতে দ্বিজেন্দ্র বাবুর প্রতি অবিচার করেন নাই। শব্দশাস্ত্রের আলোচনায় নানাভাষার সাহিত্য আলোচনা করিয়া অনুগম করিতে হয়। প্রাচীন আর্য্যগণও বৈজ্ঞানিক প্রণালী অবলম্বন করিয়া উপসর্গের অর্থ নিষ্কাশন করিয়াছেন। তাঁহার বিবেচনায় দ্বিজেন্দ্র বাবুর প্রবন্ধের উদ্দেশ্য উপসর্গের আদিম অর্থ নিষ্কাশন করা নহে। তিনি লৌকিক আধুনিক প্রয়োগ দেখিয়া উপসর্গের অর্থ আবিষ্কার করিয়াছেন মাত্র। এ বিষয়ে তিনি ঠিক বৈজ্ঞানিক প্রণালীর অনুসরণ করেন নাই, আদিম অর্থ নিষ্কাশন জন্ত বৈদিক প্রভৃতি প্রাচীন ভাষার আলোচনা করা কর্তব্য, কিন্তু দ্বিজেন্দ্র বাবু তাহা করেন নাই।

সভাপতি মহাশয় বলিলেন যে তাঁহার রচিত প্রবন্ধের উদ্দেশ্য, উপসর্গের প্রয়োগ দেখিয়া তাহার মৌলিক অর্থ নিষ্কাশন করা, ক্ষুদ্র চেষ্টায় যতদূর হইতে পারে, তিনি তাহাই কবিয়াছেন। বৈজ্ঞানিক প্রণালীসম্মত উপায়ে সভ্যগণ উপসর্গের প্রকৃষ্টতর অর্থ আবিষ্কার করিলে তিনি বিশেষ আনন্দিত হইবেন।

স্থির হইল যে রাজেন্দ্র বাবুর প্রবন্ধ পত্রিকায় প্রকাশিত হইবে।

শ্রীযুক্ত ব্যোমকেশ মুস্তফি মহাশয় কর্তৃক মহাভারতের গঠন বিষয়ের প্রবন্ধ সময়াভাবে স্থগিত রহিল।

শ্রীযুক্ত ললিতচন্দ্র মিত্র ও শ্রীযুক্ত চন্দ্রনাথ বসু মহাশয়দ্বয় পরিষদের ভূতপূর্ব সভ্য সভ্যতার ৮ অমূল্যচরণ বসু মহাশয়ের অকাল মৃত্যুতে সভাস্থলে শোক প্রকাশ করিলেন।

শ্রীযুক্ত ব্যোমকেশ মুস্তফি ও শ্রীযুক্ত স্বরেশচন্দ্র সমাজপতি মহাশয়দ্বয় পরিষদের ভূতপূর্ব সভ্য ৮ গিরিজাপ্রসন্ন রায় চৌধুরী মহাশয়ের অকাল মৃত্যুতে সভাপোক প্রকাশ করিলেন।

শ্রীযুক্ত নগেন্দ্রনাথ বসু ও শ্রীযুক্ত মনোমোহন বসু মহাশয়দ্বয় পরিষদের ভূতপূর্ব সভ্য ৮ হারাধন দত্ত ভক্তনিধি মহাশয়েব অকাল মৃত্যুতে সভার শোক প্রকাশ করিলেন।

স্থির হইল যে সভার শোকপ্রকাশ কার্য্য বিবরণীতে লিপিবদ্ধ করা হউক এবং মৃত মহাশয়গণের আত্মীয়গণকে বিজ্ঞাপিত করা হউক।

শ্রীযুক্ত ব্যোমকেশ মুস্তফি মহাশয় সভার গোচর কবিলেন যে, পরিষদের অগ্রতম সভ্য শ্রীযুক্ত কিরণচন্দ্র দত্ত মহাশয় University Institute সভার আবৃত্তি পরীক্ষায় দ্বিতীয় স্থান অধিকার করিয়াছেন।

সম্পাদকের প্রস্তাবে সভা নিম্নোক্ত গ্রন্থোপহারদাতৃগণকে ধন্যবাদ দিবার প্রস্তাব করিলেন।

- ১। শ্রীযুক্ত বোধচন্দ্র সরকার (ক) শালফুল।
- ২। „ কামাখ্যাচরণ বন্দ্যোপাধ্যায় (ক) স্ত্রী-শিক্ষা।
- ৩। „ হরিশ্চন্দ্র নিয়োগী (ক) বিনোদ-মালা।

৪। শ্রীযুক্ত হীরেন্দ্রনাথ দত্ত—(ক) সুর সঙ্গীত ।

৫। „ কিরণচন্দ্র দত্ত—(ক) আন্টিবাবা (খ) কথোপকথন রহস্য (গ) প্রেমরহস্য (ঘ) চিন্তারহস্য ।

৬। শ্রীযুক্ত মহেন্দ্রনাথ বিজ্ঞানিধি—(ক) সচিত্র সমাজরহস্য (খ) সোহাগোচ্ছ্বাস বা আদর্শ—দম্পতি (গ) আফ্রিককৃত্যম্ (ঘ) অমিরপদাবলী (ঙ) সংকল্পানুষ্ঠান-শিক্ষাপদ্ধতি (চ) সাকার-নিরাকারতত্ত্ববিচার (ছ) The Report of the Calcutta Orphanage.

৭। শ্রীযুক্ত রাজা বিনয়কৃষ্ণ দেব বাহাদুর—(ক) Speeches by Hon'ble Surendra Nath Banerje 1839—84. Vol. I. 1891—94. Vol. II অতঃপর সভাপতি মহাশয়কে ধন্যবাদ দিয়া সভাব কার্য শেষ হইল ।

শ্রীহীরেন্দ্রনাথ দত্ত,

সম্পাদক ।

শ্রীদ্বিজেন্দ্রনাথ ঠাকুর,

সভাপতি ।

১৩০৫ সাল, ২৪শে আশ্বিন ।

## ষষ্ঠ মাসিক অধিবেশনের কার্য-বিবরণ ।

বিগত ২৪শে আশ্বিন ( ১৮৯৮ । ২ই অক্টোবর ) রবিবার অপরাহ্ন ৫।।০ সাড়ে পাঁচ ঘটিকার সময় রাজা বিনয়কৃষ্ণ দেব বাহাদুরের ভবনে বঙ্গীয় সাহিত্য-পরিষদের উক্ত অধিবেশন হইয়াছিল । অধিবেশনে নিম্নোক্ত সভ্য মহোদয়গণ উপস্থিত ছিলেন ।

শ্রীযুক্ত দ্বিজেন্দ্রনাথ ঠাকুর ( সভাপতি ), মহামহোপাধ্যায় হরপ্রসাদ শাস্ত্রী এম এ, শ্রীযুক্ত রাজা বিনয়কৃষ্ণ দেব বাহাদুর, শ্রীযুক্ত রায় যতীন্দ্রনাথ চৌধুরী এম এ বি এল, শ্রীযুক্ত কুমার দক্ষিণেশ্বর মালিয়া, শ্রীযুক্ত কুমার শরৎকুমার রায়, শ্রীযুক্ত কুঞ্জবিহারী বসু বি এ, শ্রীযুক্ত অমরেন্দ্রনাথ পালচৌধুরী, শ্রীযুক্ত সতীশচন্দ্র বিজ্ঞানভূষণ এম এ, শ্রীযুক্ত চারুচন্দ্র ঘোষ, শ্রীযুক্ত শরচ্চন্দ্র শাস্ত্রী, শ্রীযুক্ত নগেন্দ্রনাথ বসু, শ্রীযুক্ত কিরণচন্দ্র দত্ত, শ্রীযুক্ত বসন্তকুমার বসু, শ্রীযুক্ত মনমথনাথ চক্রবর্তী, শ্রীযুক্ত তিনকড়ি মুখোপাধ্যায়, শ্রীযুক্ত ক্ষেত্রচন্দ্র মুখোপাধ্যায়, শ্রীযুক্ত হীরেন্দ্রনাথ দত্ত এম এ বি এল ( সম্পাদক ), শ্রীযুক্ত চণ্ডীচরণ বন্দ্যোপাধ্যায় ( সহ-সম্পাদক ) ।

উক্ত অধিবেশনে আলোচনার জন্ত নিম্নোক্ত বিষয় সমূহ নির্দিষ্ট ছিল ।

### আলোচ্য বিষয় ।

১। গত অধিবেশনের কার্য-বিবরণ পাঠ ।

২। সভ্য নির্বাচন ।

৩। প্রবন্ধ পাঠ (ক) মহামহোপাধ্যায় শ্রীযুক্ত হরপ্রসাদ শাস্ত্রী বৌদ্ধ ও হিন্দু তত্ত্বশাস্ত্র । (খ) শ্রীযুক্ত অচ্যুতচরণ চৌধুরী স্ত্রী-কবি মাধবী । (গ) শ্রীযুক্ত ব্যোমকেশ মুস্তফি মহাভারতের গঠন ।

৪। বিবিধ বিষয়।

১। পূর্ববর্তী অধিবেশনের কার্য-বিবরণ পঠিত ও অনুমোদিত হইল।

২। যথারীতি প্রস্তাব ও সমর্থনের পর নিম্নোক্ত ব্যক্তিগণ পরিষদের নূতন সভ্য নির্বাচিত হইলেন। নিম্নে প্রস্তাবক ও সমর্থক ও প্রস্তাবিত নূতন সভ্যের নাম।

প্রস্তাবক	সমর্থক,	প্রস্তাবিত নূতন সভ্যের নাম।
-----------	---------	-----------------------------

শ্রীযুক্ত কিরণচন্দ্র দত্ত,	শ্রীযুক্ত চাঁদচন্দ্র ঘোষ,	শ্রীযুক্ত সুনীলচন্দ্র নিয়োগী।
----------------------------	---------------------------	--------------------------------

,, সতীশচন্দ্র বিদ্যাভূষণ এম এ,	,, হীরেন্দ্রনাথ দত্ত এম এ বি এল,	,, হরিদেব শাস্ত্রী।
--------------------------------	----------------------------------	---------------------

৩। অতঃপর মহামহোপাধ্যায় শ্রীযুক্ত হরপ্রসাদ শাস্ত্রী মহাশয় হিন্দু ও বৌদ্ধতন্ত্র বিষয়ে বক্তৃতা করিলেন।

তৎপরে শ্রীযুক্ত সতীশচন্দ্র বিদ্যাভূষণ মহাশয় বলিলেন যে শাস্ত্রীমহাশয়ের বক্তৃতায় অনেক উপদেশ লাভ হইয়াছে। কিন্তু স্থানে স্থানে মতের অনৈক্য হয়। তিনি বুদ্ধতন্ত্র ও অর্হতন্ত্র বিষয়ে যে ভেদ নির্দেশ করিয়াছেন, তাহা বৌদ্ধগ্রন্থে কোথায়ও পাওয়া যায় না। বৌদ্ধশাস্ত্রে শ্রাবকযান, প্রত্যেকবুদ্ধযান ও মহাযান এই তিনযানের উল্লেখ দেখিতে পাই। বৌদ্ধগ্রন্থে হীনযান শব্দ পাওয়া যায় না। দাক্ষিণাত্য বৌদ্ধেরা আপনাদিগকে হীনযান বলিয়া পরিচিত করেন নাই।

রাজতরঙ্গিনীকার নাগার্জুনকে বুদ্ধদেবের ১৫০ বৎসর পরে, যুরোপীয় পণ্ডিতগণ তাঁহাকে সার্কসপ ২য় খৃষ্টীয় শতাব্দীতে দেখিয়াছেন। তাঁহার সময় যে বৌদ্ধধর্মে দেবদেবী প্রথম প্রবেশ লাভ করেন, ইহার কোন প্রমাণ নাই।

তথাগতগুহ্যক সূত্র প্রথম বৌদ্ধতন্ত্র গ্রন্থ। ইহাতে তান্ত্রিক কথা বিস্তৃতভাবে পাওয়া যায়। এ গ্রন্থের কাল নির্ণয় করা যায় না। চন্দ্রকীর্তির গ্রন্থে ( ৭ম শতাব্দীতে লিখিত ) ঐ গ্রন্থ হইতে অনেক বচন উদ্ধৃত দেখা যায়। যখন বৌদ্ধধর্ম চীন জাপানদেশে প্রথম প্রচারিত হয়, তখনই বৌদ্ধধর্মে তন্ত্র প্রথম প্রবেশ করে। ঐ ঐ দেশে তান্ত্রিক ধর্ম প্রচলিত ছিল। বৌদ্ধধর্মের ঐ ঐ দেশের সহিত সংস্রব ঘটলে তান্ত্রিক আচার বৌদ্ধধর্মে প্রবেশ লাভ করে।

১০ম শতাব্দীতে বৌদ্ধধর্ম তিব্বতে প্রচলিত হয়। ১১শ শতাব্দীতে তিব্বতরাজ বৌদ্ধধর্মের সংস্কার জম্মু দীপঙ্করকে তিব্বতে লইয়া যান। শাস্ত্রীমহাশয় মঞ্জুশ্রী ও মঞ্জুঘোষের উল্লেখ করিয়াছেন। মঞ্জুঘোষের নাম অনেক বৌদ্ধগ্রন্থে পাওয়া যায়।

শ্রীযুক্ত শরচ্চন্দ্র শাস্ত্রীমহাশয় বলিলেন যে শাস্ত্রীমহাশয় অতিসারগর্ভ বক্তৃতা করিয়াছেন। তাঁহার এবিষয়ে একটা অনুরোধ। শাস্ত্রীমহাশয় যখন বক্তৃতা প্রবন্ধাকারে লিখিবেন, তখন যেন হিন্দুতন্ত্র পূর্বে কিম্বা বৌদ্ধতন্ত্র পূর্বে এ কথার আলোচনা করেন। তন্ত্রশাস্ত্রের প্রভাব বঙ্গদেশেই অধিক। বোধ হয় হিন্দুতন্ত্রই পূর্ববর্তী। সমস্ত হিন্দুশাস্ত্র সংকলন করিয়া আধুনিককালে তন্ত্রশাস্ত্র রচিত হইয়াছে।

শ্রীযুক্ত নগেন্দ্রনাথ বসু মহাশয় বলিলেন যে বিষয়টি অতি গুরুতর। এবিষয়ে মত প্রকাশ

বহুই কঠিন। শাস্ত্রীমহাশয় অনেক নূতন কথা শুনাইয়াছেন। বৌদ্ধধর্মের পূর্বে জৈন ধর্ম ভারতবর্ষে প্রচলিত ছিল। জৈন ধর্মের গ্রন্থপাঠে জানা যায় যে, স্বয়ং বুদ্ধদের তীর্থঙ্কর মহাবীর স্বামীর নিকট নির্বাণ লাভ করিয়াছিলেন। মহাবীর স্বামীর পূর্বে ৭৭৭ খৃষ্ট পূর্বাব্দে পার্শ্বনাথ নামে জৈন তীর্থঙ্কর আবির্ভূত হইলেন। জৈনেরাই প্রথম অর্হৎনাম প্রয়োগ করিয়াছেন, সিন্ধু পুরুষই অর্হৎ।

কোন কোন হিন্দুতন্ত্র বৌদ্ধতন্ত্রের নিকট গুণী, আবার কোন কোন বৌদ্ধতন্ত্র হিন্দুতন্ত্রের নিকট গুণী। বারাহীতন্ত্রে একথার প্রমাণ পাওয়া যায়। হিন্দু অপেক্ষা বৌদ্ধের নিকটই তন্ত্রের আদির অধিক। অনেক তন্ত্র আধুনিক। প্রাচীন তন্ত্রেরও অভাব নাই।

যে সময় আধিপত্যের জন্ত হিন্দু ও বৌদ্ধধর্মের পরস্পর সংঘর্ষ হইতে ছিল, সেই সময় সন্ধিস্থাপন করিবার জন্ত তন্ত্রশাস্ত্র প্রবর্তিত হয়। দেখা যায়, যে দেশে যখন তান্ত্রিকের আবশ্যক হইয়াছে। বঙ্গদেশ হইতেই তাঁহাকে লইয়া যাওয়া হইয়াছে। বাঙ্গালাই তন্ত্রের আদি স্থান। পালবংশীয়েরা বৌদ্ধতান্ত্রিক ছিলেন। কেহ কেহ হিন্দুও ছিলেন। বৌদ্ধ হইলেও তাঁহারা হিন্দু আচার পালন করিতেন। শিবমন্দির প্রতিষ্ঠা করিতেন। মহাভারত পাঠ দিতেন। পালবংশীয়দিগের সময় কোন কোন পণ্ডিত তন্ত্র প্রকাশ করিয়াছিলেন।

রায় যতীন্দ্রনাথ চৌধুরী শাস্ত্রী মহাশয়কে ধর্মবাদ দিলেন। প্রবন্ধটা অতিশয় গবেষণাপূর্ণ। তন্ত্র বেদমূলক নহে। তন্ত্রের তিনটি বিভাগ সাদ্বিক, রাজসিক, তামসিক। রাজসিক ও তামসিক তন্ত্র বেদমূলক নহে। তন্ত্রের ভাব ও আর্ষা ধর্মের ভাব সম্পূর্ণ বিভিন্ন। বিদেশ হইতে আনিত মতই তন্ত্রশাস্ত্রে প্রক্ষিপ্ত হইয়াছে, বোধ হয়।

শ্রীযুক্ত সতীশচন্দ্র বিদ্যাভূষণ মহাশয় আবার বলিলেন যে, বুদ্ধকে প্রত্যেক গ্রন্থে অর্হৎ বলা হইয়াছে। প্রজ্ঞাপারিমিতা গ্রন্থে মহাযানপন্থার উল্লেখ পাওয়া যায়। অতএব উহা নাগার্জুনের অপেক্ষা প্রাচীন। বৌদ্ধদর্শন হইতেই বৌদ্ধতন্ত্রের উৎপত্তি।

বক্তা শ্রীযুক্ত শাস্ত্রীমহাশয় বলিলেন যে তাহার বক্তৃতার উদ্দেশ্য বৌদ্ধধর্ম ও হিন্দুধর্মের ঘাত প্রতিঘাত দেখান।

সভাপতি মহাশয় বলিলেন যে শাস্ত্রীমহাশয়ের বক্তৃতায় আশাতীত শিক্ষালাভ হইয়াছে। শাস্ত্রীমহাশয় নেপাল গিয়া স্বয়ং বৌদ্ধধর্মের পর্যালোচনা করিয়াছেন। পবের উপর নির্ভর করেন নাই। সকল বিষয়েই মীমাংসা একবার হওয়া সম্ভব নহে। শাস্ত্রীমহাশয় বিশেষ নির্দ্বন্দ্বিত কএকটি মত আমাদিগকে দিয়া বাধিত করিয়াছেন। তাহা দ্বারা বিশেষ উপকার হইয়াছে। অপর দুইটি প্রবন্ধের পাঠ স্থগিত রহিল।

বিবিধ বিষয় আলোচনায়—শ্রীযুক্ত চণ্ডীচরণ বন্দ্যোপাধ্যায় মহাশয় সর্বমর্মেণ্ডপ্রস্তাবিত পাঠ্য রচনা বিষয়ে স্ব লিখিত পত্রপাঠ করিলেন।

কিঞ্চিৎ আলোচনার পর স্থির হইল যে একরূপ গুরুতর বিষয় রীতিমত বিজ্ঞাপিত করিয়া উপস্থিত করা উচিত।

সম্পাদকের প্রস্তাবে সভা নিম্নোক্ত গ্রন্থোপহারদাতৃগণকে ধন্যবাদ প্রদান করিলেন ।

- ১। শ্রীযুক্ত নকুলেশ্বর বিদ্যাভূষণ (ক) সংস্কৃত প্রবেশ, (খ) সন্ন্যাস ।
- ২। শ্রীযুক্ত যতীন্দ্রনাথ বি এ, (ক) সাকার ও নিরাকার-তত্ত্ব বিচার ।
- ৩। পরিষৎ র্ত্তুক কৃত—(ক) ভারতবর্ষীয় উপাসক সম্প্রদায় ১ম ও ২য় ভাগ (খ) সাহিত্য-চিন্তা (গ) ঐতিহাসিক রহস্য ২য় ও ৩য় ভাগ (ঘ) A note on the ancient Geography of Asia.

৪। রাজা বিনয়কৃষ্ণ দেব বাহাদুর (ক) A criticism on Sir Alexander Mackenzie's Speech. (খ) A note on Sir Alexander Mackenzie's Speech, (ঘ) An annalsis of Plague cases in Calcutta

অতঃপর সভাপতিমহাশয়কে ধন্যবাদ দিয়া সভার কার্য শেষ হইল ।

শ্রীহীরেন্দ্রনাথ দত্ত ।  
সম্পাদক ।

শ্রীদ্বিজেন্দ্রনাথ ঠাকুর ।  
সভাপতি ।

১৩০৫ সাল ।

## সপ্তমমাসিক অধিবেশনের কার্য-বিবরণ ।

বিগত ২৬শে অগ্রহায়ণ ( ১৮৯৮।১১ই ডিসেম্বর ) রবিবার অপরাহ্ন ৪ চারি ঘটিকার সময় রাজা বিনয়কৃষ্ণ দেব বাহাদুরের ভবনে বঙ্গীয় সাহিত্য-পরিষদের উক্ত অধিবেশন হইয়াছিল । অধিবেশনে নিম্নোক্ত সভ্য মহোদয়গণ উপস্থিত ছিলেন ।

শ্রীযুক্ত দ্বিজেন্দ্রনাথ ঠাকুর ( সভাপতি ), শ্রীযুক্ত রাজা বিনয়কৃষ্ণ দেব বাহাদুর, শ্রীযুক্ত চন্দ্রনাথ বসু এম এ বি এল, শ্রীযুক্ত শিবাশ্রম ভট্টাচার্য্য বি এল, শ্রীযুক্ত রজনীকান্ত গুপ্ত, শ্রীযুক্ত নগেন্দ্রনাথ বসু, শ্রীযুক্ত শরচ্চন্দ্র সরকার, শ্রীযুক্ত সতীশচন্দ্র বিদ্যাভূষণ এম এ, শ্রীযুক্ত হরিদেব শাস্ত্রী, শ্রীযুক্ত দ্বিজেন্দ্রনাথ সিংহ এম এন বি এল ( লণ্ডন ), শ্রীযুক্ত শরচ্চন্দ্র শাস্ত্রী, কুমার শ্রীযুক্ত শরত্‌কুমার রায়, শ্রীযুক্ত হেমেন্দ্রপ্রসাদ ঘোষ, শ্রীযুক্ত ব্যোমকেশ মুস্তফি, শ্রীযুক্ত মহেন্দ্রনাথ বিদ্যানিধি, শ্রীযুক্ত বাণীনাথ নন্দী, শ্রীযুক্ত দুর্গাচরণ সেন গুপ্ত কবিভূষণ, শ্রীযুক্ত শশীভূষণ মুখোপাধ্যায়, শ্রীযুক্ত কানাইলাল ঘোষাল, শ্রীযুক্ত পঞ্চানন বন্দ্যোপাধ্যায়, শ্রীযুক্ত হীরেন্দ্রনাথ দত্ত এম এ বি এল ( সম্পাদক ), শ্রীযুক্ত প্রতুলচন্দ্র বসু ( সহকারী সম্পাদক ) ।

উক্ত অধিবেশনে আলোচনার জন্ত নিম্নোক্ত বিষয় সমূহ নির্দিষ্ট ছিল ।

### আলোচ্য বিষয় ।

- ১। গত অধিবেশনের কার্য-বিবরণ পাঠ ।
- ২। সভা-নির্বাচন ।
- ৩। গ্রন্থ রচনা বিষয়ে শ্রীযুক্ত রজনীকান্ত গুপ্ত মহাশয়ের প্রস্তাব ।



৪। প্রাচীন সংবাদপত্র বিষয়ে শ্রীযুক্ত মহেন্দ্রনাথ বিদ্যানিধি মহাশয়ের প্রবন্ধ পাঠ (সম্মেলন-দর্পণের প্রাচীন সংখ্যা প্রদর্শিত হইবে।)

৫। বিবিধ বিষয়।

(১) পূর্ববর্তী অধিবেশনের কার্য-বিবরণ পাঠিত ও অনুমোদিত হইল।

(২) যথারীতি প্রস্তাব ও সমর্থনের পর নিম্নোক্ত ব্যক্তিগণ পরিষদের নূতন সভ্য নির্বাচিত হইলেন।

প্রস্তাবক।	সমর্থক।	প্রস্তাবিত নূতন সভ্যের নাম।
শ্রীযুক্ত মধুরানাথ সিংহ,	শ্রীযুক্ত হীরেন্দ্রনাথ দত্ত এম এ বি এল,	শ্রীযুক্ত দেবেন্দ্রনাথ দত্ত।
„ নগেন্দ্রনাথ বসু,	„ ব্যোমকেশ মুস্তফি,	„ পূর্ণচন্দ্র দে বি এ।
„ সতীশচন্দ্র বিদ্যাভূষণ এম এ,	„ নগেন্দ্রনাথ বসু,	„ ডাক্তার শশীলধর মিত্র, M.B.B.S.C.
„ মহেন্দ্রনাথ বিদ্যানিধি,	„ হীরেন্দ্রনাথ দত্ত এম এ বি এল,	„ মোহিনীমোহন দত্ত বি এল।
„ মহেন্দ্রনাথ বিদ্যানিধি,	„ হীরেন্দ্রনাথ দত্ত এম এ বি এল,	„ অতুলচন্দ্র দাস বি এল।
„ মহেন্দ্রনাথ বিদ্যানিধি,	„ হীরেন্দ্রনাথ দত্ত এম এ বি এল,	„ সুরেন্দ্রনাথ বন্দ্যোপাধ্যায়।
„ ব্যোমকেশ মুস্তফি,	„ মহেন্দ্রনাথ বিদ্যানিধি,	„ যতীন্দ্রমোহন সেন বি এল।
„ ব্যোমকেশ মুস্তফি,	„ মহেন্দ্রনাথ বিদ্যানিধি,	„ পূর্ণচন্দ্র গুপ্ত।
„ শিবাশ্রমণ ভট্টাচার্য্য,	„ হীরেন্দ্রনাথ দত্ত এম এ বি এল,	„ মণীন্দ্ররায় চৌধুরী জমীদার।

(৩) অতঃপর সম্পাদক গ্রন্থসমিতি নিয়োগবিষয়ে শ্রীযুক্ত রজনীকান্ত গুপ্ত মহাশয়ের প্রস্তাব উপস্থিত করিলেন।

তৎপরে শ্রীযুক্ত মহেন্দ্রনাথ বিদ্যানিধি মহাশয় বলিলেন যে, প্রস্তাবটী সাধু ও গুরুতর। ইতিহাস সম্বন্ধে আলোচনা করিবার জন্ত শ্রীযুক্ত অক্ষয়কুমার মৈত্রেয় মহাশয় ত্রৈমাসিক পত্রিকা বাহির করিতেছেন। অতএব ঐ বিষয়ে পরিষদের হস্তক্ষেপ করার প্রয়োজন নাই। অশোক সম্বন্ধে বিদ্যানিধি মহাশয় এক গ্রন্থ রচনা করিতেছেন। আবশ্যক হইলে, তিনি তাহা উপস্থিত করিতে পারেন। বাঙ্গালা ভাষার অপপ্রয়োগ সম্বন্ধে তিনি নব্যভারতে আলোচনা করিতেছেন। আবশ্যক হইলে তাহাও পরিষদে উপস্থিত করিতে পারেন। বঙ্গদর্শনের পূর্বে তৎ-বোধিনী বাঙ্গালাভাষার উপকার করিয়াছেন।

শ্রীযুক্ত চন্দ্রনাথ বসু মহাশয় বলিলেন যে ইদানীং পরিষদে কোন কোন বিষয়ের আলোচনা হইতেছে, তাহা পরিষদের উদ্দেশ্যের অন্তর্ভূত নহে। তাহার বিশ্বাস পরিষদ, কিছু বিপথগামী হইতেছেন। পরিষদের উদ্দেশ্য যেন আমরা কিছু বিশ্বস্ত হইয়াছি। দৃষ্টান্ত—শিলালিপির আলোচনা। শিলালিপির বর্ণ ও কালনির্ণয় প্রভৃতির আলোচনা, তাহার মতে পরিষদের উদ্দেশ্যের বহির্ভূত। এ সকলের আলোচনা Asiatic societyর স্থায় সভার উদ্দেশ্য। রজনী বাবুর প্রস্তাবিত কার্য গুলি যে সাহিত্য পরিষদের উদ্দেশ্যের অন্তর্ভূত, সে বিষয়ে সন্দেহ নাই। তাহার প্রস্তাব এই যে, রজনী বাবুর প্রস্তাবটী বিচার জন্ত একটি সমিতি গঠিত হইবে।

শ্রীযুক্ত নগেন্দ্রনাথ বসু মহাশয় শ্রীযুক্ত চন্দ্রনাথ বসু মহাশয়ের কেবল সমিতিগঠন সম্বন্ধীয় প্রস্তাবের সমর্থন করিলেন।

শ্রীযুক্ত হরিদেব শাস্ত্রী মহাশয় বলিলেন যে বঙ্গীয় সাহিত্যপরিষৎ দ্বারা বঙ্গীয় সাহিত্যের উন্নতি যাহাতে হয়, তাহাই করা উচিত। প্রাচীন সংস্কৃত সাহিত্যের উৎকৃষ্ট গ্রন্থ সকলের বাঙ্গালায় অনুবাদ হওয়া উচিত। কুমার মনমথনাথ মিত্র মহাশয় এ বিষয়ে সাহায্য করিতে প্রস্তুত আছেন।

শ্রীযুক্ত শরচ্চন্দ্র সরকার মহাশয় বলিলেন যে, চন্দ্রনাথ বাবু পরিষদের উদ্দেশ্য সম্বন্ধে যাহা বলিয়াছেন, তাহার সহিত বক্তার একমত। তিনি চন্দ্রনাথ বাবুর প্রস্তাবের অনুমোদন করিতেছেন। তাঁহার প্রস্তাব হইল যে, এ বিষয়ে সভ্যগণের মতামত আহ্বান করা হউক।

শ্রীযুক্ত সতীশচন্দ্র বিদ্যাভূষণ মহাশয় বলিলেন যে, রজনী বাবুর প্রস্তাব অতি সমীচীন। বাঙ্গালা ভাষার অভিধান রচনার সময় উপস্থিত হয় নাই। বাঙ্গালায় রচিত অভিধানের মধ্যে বঙ্গা বিশ্বকোষেই উল্লেখ করিলেন। বর্তমান সময়ে সংস্কৃত ও ইংরাজির অনুবাদ কার্য বিশেষ আবশ্যিক।

শ্রীযুক্ত শিবাশ্রম ভট্টাচার্য্য মহাশয় বলিলেন যে রজনী বাবুর প্রবন্ধের সহ তাঁহার একমত আছে। তবে যে চন্দ্রনাথ বাবু বলিলেন যে শিলালিপি ইত্যাদি প্রকাশ দ্বারা পরিষৎ বিপথগামী হইয়াছেন, তাহা তিনি স্বীকার করেন না। শিলালিপি প্রকাশ দ্বারা ভাবী ইতিহাস লিখিবার পক্ষে অনেক সুবিধা হইতেছে, ইহাই তাঁহার বিশ্বাস, রজনী বাবুর উদ্দেশ্য এই যে ইংরাজি Men of Letters প্রভৃতির প্রণালীতে বাঙ্গালা গ্রন্থ রচিত হউক। এইরূপ সমিতি গঠিত হইলে ভাষার অনেক উপকার হইবে।

সভাপতি মহাশয় বলিলেন যে, কার্যটা বড় কঠিন। বিশেষ বিবেচনা করিয়া ঐ বিষয় স্থির করা উচিত। ইহাব নিচায় জন্ম একটা সমিতি হইলেই ভাল হয়।

স্থির হইল যে, নিম্নলিখিত ব্যক্তিগণকে লইয়া একটা সমিতি গঠিত হউক। সমিতি আপন সভ্যসংখ্যা বৃদ্ধি করিতে, পাবিবেন এবং তিন মাসের মধ্যে মন্তব্য সাধারণ সভায় উপস্থিত করিবেন।

শ্রীযুক্ত দ্বিজেন্দ্রনাথ ঠাকুর ( সভাপতি ), শ্রীযুক্ত বাঘ কানৌপ্রসন্ন ঘোষ বাহাদুর, মহামহোপাধ্যায় শ্রীযুক্ত হরপ্রসাদ শাস্ত্রী এম এ, শ্রীযুক্ত অক্ষয়চন্দ্র সরকার, সহকারী সভাপতিত্রয়। শ্রীযুক্ত নগেন্দ্রনাথ বসু, শ্রীযুক্ত চন্দ্রনাথ বসু এম এ বি এল, শ্রীযুক্ত রাজা বিনয়কৃষ্ণ দেব বাহাদুর, শ্রীযুক্ত মহেন্দ্রনাথ বিদ্যানিধি, শ্রীযুক্ত সতীশচন্দ্র বিদ্যাভূষণ এম এ, শ্রীযুক্ত রজনীকান্ত গুপ্ত, শ্রীযুক্ত রায় যতীন্দ্রনাথ চৌধুরী এম এ বি এল, শ্রীযুক্ত মনোমোহন বসু, শ্রীযুক্ত শিবাশ্রম ভট্টাচার্য্য বি এল, শ্রীযুক্ত রাজেন্দ্রচন্দ্র শাস্ত্রী এম এ, শ্রীযুক্ত ব্যোমকেশ মুস্তফি, শ্রীযুক্ত নগেন্দ্রনাথ ঘোষ ( ব্যারিষ্টার ) ; শ্রীযুক্ত রামেন্দ্রসুন্দর ত্রিবেদী এম এ, শ্রীযুক্ত হীরেন্দ্রনাথ দত্ত এম এ বি এল ( সম্পাদক )।

(৪) অতঃপর শ্রীযুক্ত মহেন্দ্রনাথ বিদ্যানিধি মহাশয় প্রাচীন সংবাদপত্র বিষয়ে প্রবন্ধ-পাঠ ও প্রথম কয়েক বৎসরের “সমাচার দর্পণ” প্রদর্শিত করিলেন।

শ্রীযুক্ত নগেন্দ্রনাথ বসু মহাশয় বলিলেন যে, বিদ্যানিধি মহাশয় বহু দিন পরিশ্রম করিয়া যে প্রবন্ধ উপস্থিত করিয়াছেন, তজ্জন্ত তিনি সকলের বিশেষ ধন্যবাদার্থ। প্রবন্ধ পত্রিকায় মুদ্রিত হওয়া উচিত। তাঁহার অভিপ্রায় এই যে, “সমাচার দর্পণ” হইতে প্রধান প্রধান প্রবন্ধ সংগ্রহ করিয়া পুস্তক আকারে প্রকাশিত হউক। চন্দ্রনাথ বাবু এ প্রস্তাবের সমর্থন করেন।

শ্রীযুক্ত ব্যোমকেশ মুস্তফি মহাশয় নগেন্দ্র বাবুর প্রস্তাবের সমর্থন করিলেন। Calcutta Review হইতেও ঐরূপ সারসংগ্রহ প্রকাশিত হইয়াছে।

সভাপতি মহাশয় বলিলেন যে, বিদ্যানিধি মহাশয় যেরূপ অনুরাগ ও পরিশ্রম স্বীকার করিয়া প্রবন্ধ রচনা করিয়াছেন, তজ্জন্ত তিনি বিশেষ ধন্যবাদের পাত্র। পরে নগেন্দ্র বাবুর প্রস্তাব গৃহীত হইল যে বিদ্যানিধি মহাশয় এ গ্রন্থের সম্পাদকতা গ্রহণ করিবেন। বিদ্যানিধি মহাশয়ের প্রস্তাবে ও ব্যোমকেশ বাবুর সমর্থনে স্থির হইল যে, শ্রীযুক্ত রাজা বিনয়কৃষ্ণ দেব বাহাদুর, ডাক্তার হেমচন্দ্র চৌধুরী L. M. S. ও শ্রীযুক্ত প্রমথনাথ মিত্র মহাশয়দিগকে “সমাচার দর্পণ” সংগ্রহের জন্ত ধন্যবাদ দেওয়া হউক।

রাও সাহেব দীননাথ সেন মহাশয়ের মৃত্যুতে সভা শোক প্রকাশ করিলেন।

গ্রন্থরক্ষক মহাশয়ের প্রস্তাবে সভা পরিষদের গ্রন্থালয়ে ধারার গ্রন্থোপহার দিয়াছেন, তাঁহাদিগকে ধন্যবাদ দিলেন। নিম্নে গ্রন্থোপহারদাতা ও প্রাপ্ত গ্রন্থের সংখ্যা লিখিত হইল।

শ্রীযুক্ত রাজা বিনয়কৃষ্ণ দেব বাহাদুর—বিদ্যাপতি পদাবলী। শ্রীযুক্ত শরচ্চন্দ্র সরকার ২০০ একশত খান বিবিধ গ্রন্থ। শ্রীযুক্ত নগেন্দ্রনাথ বসু ২৩ খানি বিবিধ গ্রন্থ।

অতঃপর সভাপতি মহাশয়কে ধন্যবাদ দিয়া সভার কার্য শেষ হইল।

শ্রীচণ্ডীচরণ খন্দ্যোপাধ্যায়,

সহকারী সম্পাদক।

শ্রীবিনয়কৃষ্ণ,

সভাপতি।

“ ১৩০৫ সাল, ২৪এ পৌষ। ”



## অষ্টম মাসিক অধিবেশন ।

বিগত ২৪এ পৌষ ( ১৮৯৯ই জাম্বুয়ারী ) শনিবার, অপরাহ্ন ৫ পাঁচ ঘটিকার সময়ে শ্রীযুক্ত রাজা বিনয়কৃষ্ণ দেব বাহাদুরের ভবনে বঙ্গীয় সাহিত্য পরিষদের উক্ত অধিবেশন হইয়াছিল । অধিবেশনে নিম্নোক্ত সভ্য মহোদয়গণ উপস্থিত ছিলেন,—

• শ্রীযুক্ত রাজা বিনয়কৃষ্ণ দেব বাহাদুর ( সভাপতি ), শ্রীযুক্ত রায় যতীন্দ্রনাথ চৌধুরী এম, এ, বি এল, শ্রীযুক্ত মহেন্দ্রনাথ বিদ্যানিধি, শ্রীযুক্ত শিবাশ্রম ভট্টাচার্য্য বি এল, শ্রীযুক্ত হরিদেব শাস্ত্রী, শ্রীযুক্ত মনোমোহন বসু, শ্রীযুক্ত নগেন্দ্রনাথ বসু, শ্রীযুক্ত শরচ্চন্দ্র শাস্ত্রী, শ্রীযুক্ত সতীশচন্দ্র বিদ্যাভূষণ এম এ, শ্রীযুক্ত হর্গানারায়ণ সেন কবিভূষণ, শ্রীযুক্ত কানাইলাল ঘোষাল, শ্রীযুক্ত কালিদাস নাথ, শ্রীযুক্ত শশীভূষণ মুখোপাধ্যায়, শ্রীযুক্ত কানাইলাল বন্দ্যোপাধ্যায়, শ্রীযুক্ত অম্বথনাথ চক্রবর্তী, শ্রীযুক্ত জগবন্ধু মৌদ্রিক, শ্রীযুক্ত কুমার শরৎকুমার রায়, শ্রীযুক্ত মতিলাল ঘোষ, শ্রীযুক্ত রামচন্দ্র বিদ্যাবিনোদ, শ্রীযুক্ত কুঞ্জবিহারী বসু বি এ, শ্রীযুক্ত পঞ্চানন বন্দ্যোপাধ্যায়, শ্রীযুক্ত চণ্ডীচরণ বন্দ্যোপাধ্যায় ও শ্রীযুক্ত প্রতুলচন্দ্র বসু ( সহকারী সম্পাদক । )

উক্ত অধিবেশনে আলোচনার জন্ত নিম্নোক্ত বিষয় সমূহ নির্দিষ্ট ছিল ।

### আলোচ্য বিষয় ।

গত অধিবেশনের কার্য-বিবরণ পাঠ ।

সভ্য নির্বাচন ।

শ্রীযুক্ত সতীশচন্দ্র বিদ্যাভূষণ এম এ, মহাশয় কর্তৃক “ভবভূতি” বিষয়ে প্রবন্ধ পাঠ ।

৪ । বিবিধ বিষয় ।

সভাপতি মহাশয়ের অনুপস্থিতে পণ্ডিত শ্রীযুক্ত মহেন্দ্রনাথ বিদ্যানিধি মহাশয়ের প্রস্তাবে ও শ্রীযুক্ত প্রতুলচন্দ্র বসু মহাশয়ের সমর্থনে শ্রীযুক্ত রাজা বিনয়কৃষ্ণ দেব বাহাদুর সভাপতির আসন গ্রহণ করিলেন ।

(১) পূর্ববর্তী অধিবেশনের কার্য-বিবরণ পাঠিত ও অনুমোদিত হইল ।

(২) যথারীতি প্রস্তাব ও সমর্থনের পর নিম্নোক্ত ব্যক্তিগণ পরিষদের নূতন সভ্য নির্বাচিত হইলেন । নিম্নে প্রস্তাবক ও সমর্থক এবং প্রস্তাবিত নূতন সভ্যের নাম যথাক্রমে লিখিত হইল ।

প্রস্তাবকের নাম ।	সমর্থকের নাম ।	প্রস্তাবিত নূতন সভ্যের নাম ।
শ্রীযুক্ত সতীশচন্দ্র বিদ্যাভূষণ এম এ,	শ্রীযুক্ত চণ্ডীচরণ বন্দ্যোপাধ্যায়,	শ্রীযুক্ত ডাক্তার রজনীকান্ত সেন এম ডি ।
„ মহেন্দ্রনাথ বিদ্যানিধি,	„ মনোমোহন বসু,	„ সন্তোষনাথ মুখোপাধ্যায় বি এ ।
„ মহেন্দ্রনাথ বিদ্যানিধি,	„ মনোমোহন বসু,	„ বনমালী দত্ত ।
„ শিবাশ্রম ভট্টাচার্য্য বি এল,	„ হরিদেব শাস্ত্রী,	„ হরেন্দ্রনাথ ভট্টাচার্য্য এম এ ।
„ শিবাশ্রম ভট্টাচার্য্য বি এল,	„ হরিদেব শাস্ত্রী,	„ অম্বথনাথ মুখোপাধ্যায় এম এ ।



(৩) অতঃপর শ্রীযুক্ত সতীশচন্দ্র বিদ্যাভূষণ মহাশয় “ভবভূতি” বিষয়ক প্রবন্ধ পাঠ করিলেন।

পাঠান্তে শ্রীযুক্ত মহেন্দ্রনাথ বিদ্যানিধি মহাশয় বলিলেন, সতীশচন্দ্র বাবু “ভবভূতি” সম্বন্ধে স্বদেশীয় ও বিদেশীয় গ্রন্থকারগণের প্রবন্ধাবলী পাঠ করিয়াছেন, দেখিয়া তিনি হর্ষ প্রকাশ করিতেছেন। দৃষ্টান্ত স্বর্লে বিদ্যানিধি মহাশয়, অধুনা স্বর্গগত আনন্দরাম বড়ুয়ার “Bhavabhuti and his place in the history of Sanskrit Literature”, বিদ্যাসাগর মহাশয়ের সংস্কৃত ভাষা ও সাহিত্যবিষয়ক প্রস্তাব, বঙ্গদর্শনে প্রকাশিত বঙ্কিমচন্দ্র বাবুর ভবভূতি প্রবন্ধ, “নব্যভারত” “ভারতী” “পুরোহিত ও অনুশীলনে”র ভবভূতিবিষয়ক প্রস্তাব এবং তৈলাঙের সন্দর্ভ ইত্যাদি এতদেশীয় ও ইয়ুরোপীয় নানা সূত্রীগণের লিপির প্রবন্ধ উল্লেখ করিয়া বলিলেন যে, আমাদের বিদ্যাভূষণ মহাশয়, স্ব প্রবন্ধে উল্লিখিত প্রবন্ধাবলীর অবতারণা করায় তিনি সন্তুষ্ট হইয়াছেন। বিদ্যানিধি মহাশয় সংক্ষেপে ইহাও বলিলেন যে, প্রবন্ধোক্ত সকল মতামতের সহিত তাঁহার মতৈক্য নাই। যদি প্রবন্ধটি বর্তমান আকারে বা মার্জিত হইয়া মুদ্রিত হয়, তাহা হইলে মতামত ব্যক্ত করা সুবিধাজনক হইবে। পুরাতত্ত্ব এ প্রবন্ধে যথেষ্ট আছে, সাহিত্যবিষয়ক তত্ত্বও না আছে, এমন নয়। এই কারণেও তিনি আমাদের ধন্যবাদার্থ।

শ্রীযুক্ত হরিদেব শাস্ত্রী মহাশয় বলিলেন যে, প্রবন্ধলেখক মহাশয় বহু পরিশ্রম করিয়া প্রবন্ধ রচনা করিয়াছেন। তবে স্থান নির্দেশ সম্বন্ধে আরও অধিক বিবরণ সংগৃহীত হইলে ভাল হইত। প্রবন্ধ প্রকাশ কালে গ্রন্থসমূহের কাল নির্দেশ করিলে ভাল হয়। তাঁহার বিবেচনায় প্রবন্ধ উৎকৃষ্ট হইয়াছে, সেজন্ম তিনি প্রবন্ধলেখককে বিশেষ ভাবে ধন্যবাদ দিতেছেন।

শ্রীযুক্ত পঞ্চানন বন্দ্যোপাধ্যায় বলিলেন যে, কবির ভবভূতি সদর্পে আশা করিয়াছিলেন যে, এক সময়ে তাঁহার কবিতা অমর হইবে। তাঁহার সে আশাপূর্ণ হইতেছে। সাহিত্য-পরিষদের ন্যায় নানাস্থানে তাঁহার আদর বাড়িতেছে, ইহাই আনন্দের কথা। ভবভূতি সহস্র বৎসর পূর্বে আবির্ভূত হইয়াছিলেন। কত পরিবর্তন হইয়া গেল, কিন্তু কবির আদর কমে নাই, ইহাই আনন্দের বিষয়।

শ্রীযুক্ত মনোমোহন বসু মহাশয় বলিলেন যে, প্রবন্ধকার ধন্যবাদের যোগ্য। প্রবন্ধকার প্রারম্ভেই বলিয়াছেন, ভবভূতি বৌদ্ধধর্মের প্রারম্ভিককালে বৈদিকধর্মের ধুনভ্রাদয়ের চেষ্টা করিয়াছেন। তিনি কি প্রণালীতে নাটক রচনা করিয়াছেন, পণ্ডিতগণ সে বিষয়ে কি উত্তর করেন, ইহাই তাঁহার জিজ্ঞাস্য।

শ্রীযুক্ত শশীচন্দ্র শাস্ত্রী মহাশয় বলিলেন, মনোমোহন বাবু যে কথা জিজ্ঞাসা করিয়াছেন, তদুত্তরে বক্তব্য এই যে, অন্যান্য সমালোচকগণের তিনি পরোক্ষভাবে আর্থা ও বৌদ্ধচিত্র অঙ্কিত করিয়া জনগণকে সংক্ষেপে উৎকৃষ্ট পথ প্রদর্শন করিয়াছেন।

শ্রীযুক্ত রায় যতীন্দ্রনাথ চৌধুরী মহাশয় বলিলেন যে, প্রবন্ধকার অদ্যকার প্রবন্ধে বৈরাগ্য পাণ্ডিত্য ও গবেষণার পরিচয় দিয়াছেন, তাহাতে তাঁহার প্রতি শ্রদ্ধা উদয় হইয়াছে। ভব-

ভূতির কাব্যনির্ণয়ে তিনি যেরূপ পরিশ্রম করিয়াছেন, তাহার তুলনা হয় না। ভবভূতির কাব্য ভারতে কেন সমগ্র পৃথিবীর আদরের জিনিষ। তুলনায় কাব্যংশের আলোচনা অল্পই হইয়াছে। প্রকাশকালে যেন সে বিষয়ের আলোচনা করা হয়। কালিদাসের এক শকুন্তলা যেমন তাঁহাকে অমর করিয়া রাখিয়াছে, ভবভূতির অন্য গ্রন্থ না থাকিলেও এক উত্তররামচরিতই তাঁহাকে অমর করিত।

শ্রীযুক্ত শিবাশ্রম ভট্টাচার্য মহাশয় বলিলেন যে, বর্তমান প্রবন্ধে ঐতিহাসিক ভাগটা যেমন বেশী বেশী, কাব্যংশ সেরূপ না হইয়া সংক্ষেপে হইলেও শেষ ভাগে আলোচিত হইয়াছে। রামচরিত্রে রাজ্যাদর্শ উচ্চ। গুরুজনের আজ্ঞা ও তন্নিবন্ধন কর্তব্য পালন একদিকে, প্রজারজন ও রাজ্যপালন আর একদিকে। রাজ্যপালন কর্তব্যজ্ঞানের উচ্চতর মিলন। ভবভূতির আলোচনায় এক অঙ্কের মধ্যে নিবন্ধ করা অসাধারণ গুণপণার পরিচয় এখনও বর্তমান।

শ্রীযুক্ত চণ্ডীচরণ বন্দ্যোপাধ্যায় মহাশয় বলিলেন যে, প্রবন্ধ অতি উপাদেয় হইয়াছে। উহা পরিষদ পত্রিকায় মুদ্রিত হইবে। বর্তমান প্রবন্ধের আলোচনায় ১৮শতাব্দীর কপাল-কুণ্ডলা গ্রন্থ রচনার উপকরণ সংগ্রহের কিঞ্চিৎ আভাস পাওয়া যায়। প্রবন্ধে উল্লিখিত হইয়াছিল, ভবভূতির সময় সংস্কৃত সাহিত্য জরাগ্রস্ত হইয়াছিল, তাহা ঠিক বলিয়া বোধ হয় না। আর বৌদ্ধ ভাবাধিক্যের মধ্যে আর্ঘ্যভাব প্রচার লক্ষ্য করিয়া ভবভূতি গ্রন্থ রচনা করিতে বসিয়াছিলেন, এরূপ মীমাংসা করা বড়ই কঠিন, আর সেরূপ করাও ঠিক নহে।

শ্রীযুক্ত নগেন্দ্রনাথ বসু মহাশয় বলিলেন যে, জৈনগ্রন্থ হইতে জানা যায়, ধর্মপালের সভায় বঙ্গভট্ট সুরি ও ভবভূতি উপস্থিত ছিলেন। সাতদিন ধরিয়া তর্ক বিতর্ক হয়। ভবভূতিকে পরাজয় ও বৌদ্ধধর্মের আনয়ন করা বঙ্গভট্টের উদ্দেশ্য ছিল। এক অজ্ঞাত কৌশলে বঙ্গভট্ট ভবভূতিকে পরাজিত করিয়াছিলেন এবং একত্র কান্যকুঞ্জ গমন করিয়াছিলেন। তাহা হইতে এই বোধ হয় যে, ধর্মপালের সময় ভবভূতি বিদ্যমান ছিলেন।

শ্রীযুক্ত আর, সেন মহাশয় সভার গোচর করিলেন যে, তিনি যতদূর আলোচনা করিয়াছেন, তাহাতে তাঁহার বোধ হয়, শ্রীহর্ষ ও শিলাদিত্য একব্যক্তি নহেন। এ বিষয়ে তিনি সভার সতিপ্রায় জানিতে ইচ্ছা করেন। সেন মহাশয় রাজতরঙ্গিনীর উল্লেখ করিয়া নানা ঐতিহাসিক কথার অবতারণা করিলেন।

প্রবন্ধলেখক শ্রীযুক্ত সতীশচন্দ্র বিষ্ণাভূষণ মহাশয় বলিলেন যে, ভবভূতির কাব্যের ঐতিহাসিক, ভৌগোলিক ও দার্শনিক তত্ত্ব এবং শব্দরহস্যের বিবৃতিই তাঁহার সবিশেষ লক্ষ্য ছিল। ভবভূতির সময়ে সে সংস্কৃত ভাষা জরাগ্রস্ত হইয়াছিল, তাঁহার কাব্য হইতেই তাহার প্রমাণ পাওয়া যায়। ভবভূতি দাক্ষিণাত্যের অধিবাসী, তজ্জন্ম তাঁহার কাব্যে পালিভাষার পূর্ণ প্রভাব লক্ষিত হয়। তাঁহার কাব্যে ব্যবহৃত ঝ ঙ গুণগুণ ঝাঁঝ ইত্যাদি শব্দ এ কথার প্রমাণ। ভবভূতির পরবর্তীকালে যে সকল গ্রন্থকার জন্মগ্রহণ করিয়াছিলেন, তাঁহাদের অনেকেই স্বভাব কবি নহেন। বিবর্তমত শঙ্করাচার্যের পূর্বে প্রচলিত ছিল, ইহার যথেষ্ট প্রমাণ নাই।

‘রামায়ণ’ স্বামী বোধায়নের মত উদ্ধৃত করিয়াছেন, বলিয়াই যে বোধায়ন বিবর্তন জানিতেন না, ইহা প্রমাণীকৃত হইতে পারে না।

সভাপতি মহাশয় বলিলেন যে প্রবন্ধ পাঠক মহাশয় ভবভূতির ভাবে বিভোর হইয়াছেন। তিনি প্রবন্ধ পাঠক মহাশয়কে ধন্যবাদ প্রদান করিলেন। ডাক্তার আর সেন মহাশয় নানা ঐতিহাসিক কথার অবতারণা করিয়াছেন। তজ্জন্ত সভাপতি মহাশয় তাঁহাকে ধন্যবাদ দিলেন ও অনুরোধ করিলেন, যেন তিনি ভবিষ্যতে ঐ প্রকার প্রবন্ধ পরিষদে পাঠ করেন।

(৪) সর্বশেষে শ্রীযুক্ত নগেন্দ্রনাথ বসু মহাশয় “কবি জগদানন্দের” স্বহস্ত লিখিত পুঁথিখানি সভায় প্রদর্শন করিলেন। প্রাচীন সাহিত্য সমিতির সম্পাদক শ্রীযুক্ত মৃগালকান্তি ঘোষ মহাশয় শ্রীযুক্ত কালিদাস নাথকে প্রাচীন বাঙ্গালা পুঁথি সংগ্রহের জন্য রাঢ়দেশে প্রেরণ করেন। কালিদাস বাবু বহু অনুসন্ধান করিয়া জগদানন্দের পদাবলী ও খসড়া সংগ্রহ করিয়া আনিয়াছেন। এই কবির বিষয় পরিষৎ পত্রিকায় প্রকাশিত হইয়াছে।

শ্রীযুক্ত চণ্ডীচরণ বন্দ্যোপাধ্যায় মহাশয়ের প্রস্তাবে সাহিত্য-সমিতিতে মাননীয় শ্রীযুক্ত গুরুদাস বন্দ্যোপাধ্যায় মহাশয় ও শ্রীযুক্ত অমৃতলাল বসু মহাশয়কে নূতন সভ্য নিয়োজিত করা হইল।

গ্রন্থরক্ষক মহাশয়ের প্রস্তাবে সভ্য পরিষদের গ্রন্থালয়ে যাঁহার গ্রন্থোপহার দিয়াছেন, তাঁহাদিগকে ধন্যবাদ দিলেন ও ক্রীত গ্রন্থের উল্লেখ করিলেন।

পুস্তকের তালিকা ও প্রদাতাগণের নাম পরিশিষ্টে মুদ্রিত হইল।

অতঃপর সভাপতি মহাশয়কে ধন্যবাদ দিয়া সভার কার্য শেষ হইল।

শ্রীহীরেন্দ্রনাথ দত্ত,  
সম্পাদক।

শ্রীমনোমোহন বসু,  
সভাপতি।

১৩০৫ সাল ১লা ফাল্গুন।

## নবম মাসিক অধিবেশন।

বিগত ১লা ফাল্গুন ( ১৮৯৮/১২ই ফেব্রুয়ারী ) রবিবার অপরাহ্ন ৫ পাঁচ ঘটিকার সময় শ্রীযুক্ত রাজা বিনয়কৃষ্ণ দেব বাহাদুরের ভবনে বঙ্গীয় সাহিত্য পরিষদের উক্ত অধিবেশন হইয়াছিল। অধিবেশনে নিম্নোক্ত সভ্য মহোদয়গণ উপস্থিত ছিলেন।

শ্রীযুক্ত মনোমোহন বসু ( সভাপতি ), শ্রীযুক্ত বরদাচরণ মিত্র এম এ, সি এন্স, শ্রীযুক্ত নন্দকৃষ্ণ বসু এম এ, সি এন্স, শ্রীযুক্ত যাদবকৃষ্ণ গোস্বামী, শ্রীযুক্ত সুরেশচন্দ্র সেন এম এ, শ্রীযুক্ত শরচ্চন্দ্র শাস্ত্রী, শ্রীযুক্ত সতীশচন্দ্র বিদ্যাভূষণ এম এ, শ্রীযুক্ত কৃষ্ণধন মুখোপাধ্যায়, শ্রীযুক্ত ব্যোমকেশ মুস্তফি, শ্রীযুক্ত হরিদেব শাস্ত্রী, শ্রীযুক্ত নগেন্দ্রনাথ বসু ( পরিষৎ-পত্রিকার সম্পাদক, ) শ্রীযুক্ত কুমার কেশবেন্দ্রকৃষ্ণ দেব বাহাদুর, শ্রীযুক্ত সুরেশচন্দ্র সমাজপতি, শ্রীযুক্ত প্রিয়নাথ মুখো-

শাধায়, শ্রীযুক্ত মহেন্দ্রনাথ বিদ্যানিধি, শ্রীযুক্ত হেমেন্দ্রপ্রসাদ ঘোষ, শ্রীযুক্ত কুমার শরৎকুমার রায়, শ্রীযুক্ত কালিদাস নাথ, শ্রীযুক্ত রামেন্দ্রসুন্দর ত্রিবেদী এম এ, শ্রীযুক্ত মনমথনাথ চক্রবর্তী, শ্রীযুক্ত অধিকাচরণ গুপ্ত, শ্রীযুক্ত প্রমথনাথ মিত্র, শ্রীযুক্ত কুঞ্জবিহারী বসু বি এ, শ্রীযুক্ত শশী-ভূষণ মিত্র এম বি বি এম্ সি (লণ্ডন), শ্রীযুক্ত বাণীনাথ মন্ডী, শ্রীযুক্ত বিহারীলাল সরকার, শ্রীযুক্ত শিবাঙ্গন ভট্টাচার্য্য বি এল, শ্রীযুক্ত সুরেন্দ্রনাথ ভট্টাচার্য্য এম এ, শ্রীযুক্ত হীরেন্দ্রনাথ দত্ত এম এ বি এল (সম্পাদক), শ্রীযুক্ত চণ্ডীচরণ বন্দ্যোপাধ্যায় (সহকারী সম্পাদক)।

উক্ত অধিবেশনে আলোচনার জন্য নিম্নোক্ত বিষয় সমূহ নির্দিষ্ট ছিল।

### আলোচ্য বিষয়।

- ১। গত অধিবেশনের কার্য-বিবরণ পাঠ।
- ২। সভ্য নির্বাচন।
- ৩। প্রমোক্তারী পরীক্ষা বিষয়ে শ্রীযুক্ত শরচ্চন্দ্র চৌধুরী মহাশয়ের প্রস্তাব।
- ৪। শ্রীযুক্ত ব্যোমকেশ মুস্তফি মহাশয় কর্তৃক “রাজকবি জয়নারায়ণ” বিষয়ে প্রবন্ধ পাঠ।
- ৫। বিবিধ বিষয়।

সভাপতি মহাশয়ের অনুপস্থিতিতে শ্রীযুক্ত ব্যোমকেশ মুস্তফি মহাশয়ের প্রস্তাবে শ্রীযুক্ত চণ্ডীচরণ বন্দ্যোপাধ্যায় মহাশয়ের সমর্থনে শ্রীযুক্ত মনোমোহন বসু মহাশয় সভাপতির আসন গ্রহণ করিলেন।

(১) পূর্ববর্তী অধিবেশনের কার্য-বিবরণ পাঠিত ও অনুমোদিত হইল।

(২) যথারীতি প্রস্তাব ও সমর্থনের পর নিম্নোক্ত মহোদয়গণ পরিষদের নূতন সভ্য নির্বাচিত হইলেন। নিম্নে প্রস্তাবক ও সমর্থকের নাম ও ধাম যথাক্রমে লিখিত হইল।

প্রস্তাবকের নাম।	সমর্থকের নাম।	নূতন সভ্যের নাম।
শ্রীযুক্ত সতীশচন্দ্র বিদ্যাভূষণ এম এ,	শ্রীযুক্ত শরচ্চন্দ্র শাস্ত্রী,	শ্রীযুক্ত রাখাল দাস সান্ম্যাল।
„ শরচ্চন্দ্র চৌধুরী,	„ মহেন্দ্রনাথ বিদ্যানিধি,	„ বিহারীমোহন চৌধুরী এমএ,বিএল
„ ব্যোমকেশ মুস্তফি,	„ হীরেন্দ্রনাথ দত্ত এমএবিএল,	„ গিরীন্দ্রনাথ মুখোপাধ্যায়।
„ নগেন্দ্রনাথ বসু,	„ হীরেন্দ্রনাথ দত্ত এমএবিএল,	„ ডাক্তার ব্লচ।
„ নগেন্দ্রনাথ বসু,	„ চণ্ডীচরণ বন্দ্যোপাধ্যায়,	„ রমেশচন্দ্র বসু।
„ মৃগালকান্তি ঘোষ,	„ নগেন্দ্রনাথ বসু,	„ ললিতমোহন ঘোষাল।
„ মৃগালকান্তি ঘোষ,	„ নগেন্দ্রনাথ বসু,	„ রসিকমোহন চক্রবর্তী।
„ চণ্ডীচরণ বন্দ্যোপাধ্যায়,	„ হীরেন্দ্রনাথ দত্ত এমএবিএল,	„ দ্বিজেন্দ্রনাথ বসু।
„ ব্যোমকেশ মুস্তফি,	„ মহেন্দ্রনাথ বিদ্যানিধি,	„ শরচ্চন্দ্র চক্রবর্তী বিএ।
„ সুরেন্দ্রনাথ সমাজপতি,	„ চণ্ডীচরণ বন্দ্যোপাধ্যায়,	„ কুমারনরেন্দ্রনাথ মিত্র।
„ সুরেন্দ্রনাথ সমাজপতি,	„ চণ্ডীচরণ বন্দ্যোপাধ্যায়,	„ মহিমাচন্দ্র ভট্টাচার্য্য এমএ।
„ সুরেন্দ্রনাথ সমাজপতি,	„ চণ্ডীচরণ বন্দ্যোপাধ্যায়,	„ অমৃতলাল চক্রবর্তী।



৩। মোক্তারী পরীক্ষা বিষয়ে শ্রীযুক্ত শরচ্চন্দ্র চৌধুরী মহাশয়ের প্রস্তাব সম্পাদক সভায় গোচর করিলেন।

সভাপতি মহাশয় প্রস্তাবের মর্ম বুঝাইয়া দিয়া বলিলেন যে, পূর্বে বাঙ্গালা শিখিয়া লোক “Campbell” স্কুলে Surveying প্রভৃতিতে জীবিকার্জনের উপায় করিতে পারিত। তাহা ক্রমশঃ রুদ্ধ হইয়া শেষ মোক্তারী পরীক্ষা অবশিষ্ট ছিল, তাহাও রুদ্ধ হইতেছে।

শ্রীযুক্ত রামেন্দ্রসুন্দর ত্রিবেদী মহাশয় প্রস্তাব করিলেন, যে এ বিষয়ে পরিষদের হস্তক্ষেপ করা উচিত নহে।

শ্রীযুক্ত হেমেন্দ্রপ্রসাদ ঘোষ মহাশয় রামেন্দ্র বাবুর মতের পোষকতা করিলেন।

শ্রীযুক্ত ব্যোমকেশ মুস্তফি মহাশয় বলিলেন যে, যখন পরিষদ শিক্ষা সংস্কারের উদ্যোগ করিয়াছিলেন, তখন এ বিষয়ে হস্তক্ষেপ করিলে ক্ষতি নাই।

সভাপতি মহাশয় বলিলেন যে, গভর্নমেন্টের উদ্দেশ্য এই বোধ হয় যে, যাহাতে মোক্তারী পদের উন্নতি হয়। তাঁহার মতে এ বিষয়ে পরিষদের হস্তক্ষেপ করা উচিত নহে।

অধিকাংশ সভ্যের মতে রামেন্দ্র বাবুর প্রস্তাব গৃহীত হইল।

(৪) অতঃপর শ্রীযুক্ত ব্যোমকেশ মুস্তফি মহাশয় “রাজকবি জয়নারায়ণ” বিষয়ে প্রবন্ধ পাঠ করিলেন। পাঠান্ত্রে শ্রীযুক্ত বিহারীলাল সরকার মহাশয় বলিলেন যে, প্রবন্ধটি উত্তম হইয়াছে। ধরণ পুরাণ হইলেও ব্যোমকেশ বাবুর গবেষণা ও রচনা কৌশলে বেশ মনোহর হইয়াছে। কর্তৃত্বভঙ্গী সম্প্রদায় এখন ঘৃণাভাজন হইয়াছে। কিন্তু ঐ সম্প্রদায়ের মধ্যেও অনেক উৎকৃষ্ট ভাব আছে। কবি কর্তৃত্বভঙ্গী ছিলেন। কাব্যের সেখানে সেখানে ঐ বিষয়ের পরিচয় আছে। তাহা উদ্ধৃত করিলে ভাল হইত। কবি তাঁহার কাব্যে রাধাকৃষ্ণের লীলা বর্ণনে অনেক নিজ সাময়িক ঘটনার সমাবেশ করিয়াছেন। এ প্রণালীই তাঁহার মতে সমীচীন নহে। কাব্যখানি পরিষদ হইতে প্রকাশিত হওয়া উচিত।

শ্রীযুক্ত শরচ্চন্দ্র শাস্ত্রী মহাশয় বলিলেন যে, বৈদিক ও পৌরাণিক কালের নায়ক নায়িকার বর্ণনায় কবির সাময়িক ঘটনার সমাবেশ অবশ্যস্বাভাবী।

শ্রীযুক্ত চণ্ডীচরণ বন্দ্যোপাধ্যায় মহাশয় প্রবন্ধলেখক মহাশয়কে ধন্যবাদ দিলেন। কাব্যাংশের আলোচনা অল্প হইলেও প্রবন্ধকার মূল গ্রন্থপাঠ করিয়া সে অভাব দূর করিয়াছেন। সমগ্র গ্রন্থ পুনর্মুদ্রিত না করিয়া উৎকৃষ্ট অংশগুলি সংগৃহীত করা উচিত।

শ্রীযুক্ত মগেন্দ্রনাথ বসু মহাশয় বলিলেন যে, কবির গ্রন্থ কাশীখণ্ডের পুঁথিখানি তাঁহার নিকট আছে। আবশ্যক হইলে তিনি প্রবন্ধকার মহাশয়কে দিতে প্রস্তুত আছেন।

শ্রীযুক্ত মহেন্দ্রনাথ বিদ্যানিধি মহাশয় প্রবন্ধের প্রশংসা করিলেন। কবি সাময়িক ঘটনা নিজ কাব্যে সন্নিবেশিত করিবেন, কিনা এ বিষয়ে মতভেদ আছে এবং থাকিবে। কাব্যখানি যদি প্রকাশিত করা হয়, তবে সমগ্রই হওয়া উচিত।

শ্রীযুক্ত শিবাশ্রম ভট্টাচার্য মহাশয় বলিলেন যে, রাজনারায়ণ ভক্ত কবি। বক্তা অনু-



স্বাক্ষরের দ্বারা অবগত হইয়াছেন যে, রাজকবি কোন ধর্মের প্রতি বিদ্বেষযুক্ত ছিলেন না। তিনি খৃষ্টান কলেজ স্থাপনা করিয়াছিলেন। মুসলমানের পীরের জন্য ত্রাণ করিয়াছিলেন। অথচ বিভিন্ন শাখায় বিভক্ত হিন্দুধর্মের ভিন্ন ভিন্ন দেব মূর্তির প্রতি আস্থাবান ছিলেন। কবি এক-ধারে বিষয়ী ও ধার্মিক ছিলেন। বক্তা প্রবন্ধকার মহাশয়কে ধন্যবাদ দিলেন।

সভাপতি মহাশয় বলিলেন যে, সভায় প্রশ্ন উঠিয়াছে যে, কবি কাব্য সাময়িক বিষয়ের সমাবেশ করিবেন কিনা। এ বিষয়ে মতভেদ থাকিবেই। কাব্যের উদ্দেশ্য মনোরঞ্জন। সাময়িক ঘটনার সমাবেশে গ্রন্থ উপাদেয় হয়। সেইজন্য কবির ঐরূপ করিয়া থাকেন। গ্রন্থ খানি প্রকাশিত হইবে কিনা, এ বিষয়ের বিচার গ্রন্থপ্রকাশ সমিতি কর্তৃক হওয়া উচিত। প্রবন্ধকার মহাশয় যেরূপ পরিশ্রম করিয়াছেন। তজ্জন্ম তাঁহাকে ধন্যবাদ দেওয়া কর্তব্য। প্রবন্ধ যখন পত্রিকায় প্রকাশিত হইবে, তখন প্রবন্ধকার মহাশয় যেন শ্রীযুক্ত শিবাশ্রম ভট্টাচার্য মহাশয়ের সহিত এ বিষয়ে পরামর্শ করেন। ডাক্তার শ্রীযুক্ত নিশিকান্ত চট্টোপাধ্যায় মহাশয় সভায় উপস্থিত হইয়াছেন, দেখিয়া সভাপতি মহাশয় আনন্দ প্রকাশ করিলেন।

গ্রন্থ রক্ষক মহাশয়ের প্রস্তাবে যে সকল সভ্য পরিষদের গ্রন্থালয়ে গ্রন্থোপহার দিয়াছেন, তাঁহাদিগকে ধন্যবাদ দিলেন।

গ্রন্থোপহারদাতার নাম ও প্রাপ্ত গ্রন্থের তালিকা পরিশিষ্টে মুদ্রিত হইল।

অতঃপর সভাপতি মহাশয়কে ধন্যবাদ দিয়া সভার কার্য শেষ হইল।

শ্রীহীরেন্দ্রনাথ দত্ত,

সম্পাদক

শ্রীদ্বিজেন্দ্রনাথ ঠাকুর,

সভাপতি।

১৩০৫ সাল ২৯শে ফাল্গুন।

## দশম মাসিক অধিবেশন।

বিগত ২৯শে ফাল্গুন ( ১৮২৯।১২ই মার্চ ) রবিবার অপরাহ্ন ৫ পাঁচ ঘটিকার সময় শ্রীযুক্ত রাজা বিনয়কৃষ্ণ দেব বাহাদুরের ভবনে বঙ্গীয় সাহিত্য পরিষদের উক্ত অধিবেশন হইয়াছিল। অধিবেশনে নিম্নোক্ত সভ্য মহোদয়গণ উপস্থিত ছিলেন।

শ্রীযুক্ত দ্বিজেন্দ্রনাথ ঠাকুর ( সভাপতি ), শ্রীযুক্ত মনোমোহন বসু, শ্রীযুক্ত নন্দকৃষ্ণ বসু এম এ, সি এস, শ্রীযুক্ত সতীশচন্দ্র বিদ্যাভূষণ এম এ, শ্রীযুক্ত শরচ্চন্দ্র শাস্ত্রী, শ্রীযুক্ত নগেন্দ্রনাথ বসু, শ্রীযুক্ত ব্যোমকেশ মুস্তফি, শ্রীযুক্ত হরিদেব শাস্ত্রী, শ্রীযুক্ত রমেশচন্দ্র বসু, বীরেশ্বর চট্টোপাধ্যায়, শ্রীযুক্ত জগবন্ধু মোদক, শ্রীযুক্ত অমরেন্দ্রনাথ পাশ চৌধুরী, শ্রীযুক্ত কুমার শরৎকুমার রায়, শ্রীযুক্ত রাখালদাস সান্যাল, শ্রীযুক্ত শিবাশ্রম ভট্টাচার্য

বি এল, শ্রীযুক্ত হীরেন্দ্রনাথ দত্ত এম এ, বি এল (সম্পাদক), শ্রীযুক্ত প্রতুলচন্দ্র বসু (সহকারী সম্পাদক)।

উক্ত অধিবেশনের জন্য নিম্নোক্ত বিষয় সমূহ নির্দিষ্ট ছিল।

### আলোচ্য বিষয়।

১। গত অধিবেশনের কার্য-বিবরণ পাঠ।

২। সভা নির্বাচন।

৩। শ্রীযুক্ত নগেন্দ্রনাথ বসু কর্তৃক “ন্যায় দর্শনের সংক্ষিপ্ত ইতিবৃত্ত” বিষয়ক প্রবন্ধ পাঠ।

৪। বিবিধ বিষয়।

(১) পূর্ববর্তী অধিবেশনের কার্য-বিবরণ পঠিত ও অনুমোদিত হইল।

(২) পরিষদের অন্যতম সদস্য ৩রামচন্দ্র দত্ত মহাশয়ের মৃত্যুতে সভা শোক প্রকাশ করিলেন।

(৩) উক্ত অধিবেশনে শ্রীযুক্ত নগেন্দ্রনাথ বসু মহাশয় কর্তৃক “ভারতীয় ন্যায়দর্শনের সংক্ষিপ্ত ইতিহাস” বিষয়ক প্রবন্ধ পাঠের ব্যবস্থা হইয়াছিল। কিন্তু উপযুক্ত সংখ্যক শ্রোতৃ-বর্গ সভাস্থলে উপস্থিত না থাকাতে সভাপতি মহাশয়ের প্রস্তাবে ও উপস্থিত সভ্য মহোদয়গণের অনুমোদনে ঐ দিন প্রবন্ধ পাঠ স্থগিত রাখিয়া পরবর্তী রবিবারে প্রবন্ধ পাঠের দিন নির্দ্ধারিত হয়।

তৎপরে সভাপতি মহাশয়কে ধন্যবাদ দিয়া সভার কার্য শেষ হইল।

### দশম মাসিক স্থগিত অধিবেশন।

বিগত ৬ই চৈত্র (১৮২৯। ১৯শে মার্চ) রবিবার অপরাহ্ন ৬ ছয় ঘটিকার সময় শ্রীযুক্ত রাজা বিনয়কৃষ্ণ দেব বাহাদুরের ভবনে বঙ্গীয় সাহিত্য-পরিষদের স্থগিত দশম মাসিক অধিবেশন হইয়াছিল। উক্ত অধিবেশনে নিম্নোক্ত সভ্য মহোদয়গণ উপস্থিত ছিলেন।

শ্রীযুক্ত দ্বিজেন্দ্রনাথ ঠাকুর (সভাপতি), মহামহোপাধ্যায় শ্রীযুক্ত হরপ্রসাদ শাস্ত্রী এম এ, শ্রীযুক্ত নন্দকৃষ্ণ বসু এম এ, বি এল, শ্রীযুক্ত রায় চুনীলাল বসু বাহাদুর, শ্রীযুক্ত ক্ষেত্রপাল চক্র-বর্তী, শ্রীযুক্ত রায় যতীন্দ্রনাথ চৌধুরী এম এ, বি এল, শ্রীযুক্ত ক্ষীরোদপ্রসাদ বিদ্যাভিনোদ এম এ, শ্রীযুক্ত নগেন্দ্রনাথ বসু, শ্রীযুক্ত ব্যোমকেশ মুস্তফি, শ্রীযুক্ত অতুলচন্দ্র গোস্বামী, শ্রীযুক্ত অমৃত-কৃষ্ণ মল্লিক বি এল, শ্রীযুক্ত শরচ্চন্দ্র সরকার, শ্রীযুক্ত রাখালদাস সান্যাল, শ্রীযুক্ত সতীশচন্দ্র বিদ্যাভূষণ এম এ, শ্রীযুক্ত বীরেশ্বর চট্টোপাধ্যায়, শ্রীযুক্ত শশীভূষণ মুখোপাধ্যায়, শ্রীযুক্ত জগবন্ধু মোদক, কবিরাজ শ্রীযুক্ত হর্গানারায়ণ সেন, শ্রীযুক্ত যুগলকান্তি ঘোষ, শ্রীযুক্ত প্রমথনাথ মিত্র, শ্রীযুক্ত সুরেশচন্দ্র সেন এম এ, শ্রীযুক্ত মনোমোহন বসু, শ্রীযুক্ত হরিন্দেব শাস্ত্রী, শ্রীযুক্ত শিবাশ্রম ভট্টাচার্য্য বি এল, শ্রীযুক্ত বিহারীলাল সরকার, শ্রীযুক্ত গদাধর কাব্যতীর্থ, শ্রীযুক্ত

দ্বানীনাথ নন্দী, শ্রীযুক্ত পঞ্চানন বন্দ্যোপাধ্যায়, শ্রীযুক্ত পঞ্চানন মুখোপাধ্যায়, শ্রীযুক্ত রামেশ্বর-  
মণ্ডল বি এল, শ্রীযুক্ত চন্দ্রশিখর মুখোপাধ্যায়, শ্রীযুক্ত চণ্ডীচরণ বন্দ্যোপাধ্যায় ( সহকারী সম্পা-  
দক ), শ্রীযুক্ত প্রতুলচন্দ্র বসু ( সহকারী সম্পাদক ) ।

তদ্ব্যতীত নিম্নোক্ত নৈয়ায়িক পণ্ডিত মহাশয়গণ ন্যায়বিষয়ক প্রবন্ধ পাঠ উপলক্ষে নিমন্ত্রিত  
হইয়া সভাস্থলে উপস্থিত ছিলেন—

শ্রীযুক্ত জয়চন্দ্র সিদ্ধান্তভূষণ, শ্রীযুক্ত প্রসন্নকুমার তর্কনিধি, শ্রীযুক্ত প্রমথনাথ তর্কভূষণ,  
শ্রীযুক্ত কালীকুমার তর্কতীর্থ, শ্রীযুক্ত মুনীন্দ্রনাথ সাংখ্যতীর্থ, শ্রীযুক্ত তারাকান্ত কাব্যতীর্থ, শ্রীযুক্ত  
নন্দলাল বিদ্যাভিনোদ, শ্রীযুক্ত দধিভূষণ ভট্টাচার্য্য ।

যথারীতি প্রস্তাব ও সমর্থনের পর নিম্নোক্ত ব্যক্তিগণ পরিষদের নূতন সভ্য নির্বাচিত হন ।  
নিম্নে প্রস্তাবক, সমর্থক এবং প্রস্তাবিত নূতন সভ্যের নাম যথাক্রমে লিখিত হইল ।

প্রস্তাবকের নাম ।	সমর্থকের নাম ।	নূতন সভ্যের নাম ।
শ্রীযুক্ত ক্ষীরোদপ্রসাদ বিদ্যাভিনোদ এমএ,	শ্রীযুক্ত নগেন্দ্রনাথ বসু,	শ্রীযুক্ত মনমথমোহন বসু বিএ ।
“ ক্ষীরোদপ্রসাদ বিদ্যাভিনোদ এমএ,	“ নগেন্দ্রনাথ বসু,	“ পণ্ডিত নন্দলাল বিদ্যাভিনোদ ।
“ জুর্গানারায়ণ সেন গুপ্ত,	“ সতীশচন্দ্র বিদ্যাভূষণ এমএ,	“ খগেন্দ্রনাথ বন্দ্যোপাধ্যায় ।

অতঃপর শ্রীযুক্ত নগেন্দ্রনাথ বসু মহাশয় “ভারতীয় গ্রায়দর্শনের ইতিহাস” বিষয়ে স্বরচিত  
প্রবন্ধ পাঠ করিলেন ।

পাঠান্তে শ্রীযুক্ত সতীশচন্দ্র বিদ্যাভূষণ মহাশয় বলিলেন, নগেন্দ্র বাবু তাঁহার প্রবন্ধের  
একস্থানে তাঁহাকে অগ্রায়রূপে আক্রমণ করিয়াছেন বলিয়া তাঁহাকে প্রতিবাদ স্বরূপ দু-এক  
কথা বলিতে হইতেছে । নগেন্দ্র বাবু তাঁহার লিখিত ন্যায়শাস্ত্রসম্বন্ধীয় প্রবন্ধের মতামত  
খণ্ডন করিতে গিয়া তাঁহাকে “অন্ধ” বলিয়াছেন । তিনি যে সকল প্রমাণাদি দিয়াছেন,  
তাঁহাতে বিশ্বাস করেন বলিয়াই দিয়াছিলেন । নগেন্দ্র বাবু যেমন তাঁহার নিজ বিশ্বাসকর প্রমাণাদি  
উদ্ধৃত করিয়াছেন, তিনিও তদ্রূপ করিয়াছেন, তাহাতে আর অন্ধতা কি ? ন্যায়ের দুইটি মত  
আছে, তাহার স্বরচিত ভবভূতি প্রবন্ধে তাহার আলোচনা করিয়াছেন । যে “ন্যায়” ও “ন্যায়বিৎ”  
শব্দাদি দ্বারা নগেন্দ্র বাবু ন্যায়ের প্রাচীনত্ব প্রমাণ করিতে চেষ্টা করিয়াছেন তাহা ঠিক নহে ।  
মীংমাসা অর্থে প্রাচীন শাস্ত্র মধ্যে উক্ত ন্যায় ও ন্যায়বিদাদি শব্দ লিখিত হইয়াছে বলিয়াই  
তাঁহার বিশ্বাস । মনু ও পাণিনিতে “ন্যায়” শব্দের উল্লেখ আছে । ন্যায়শাস্ত্র প্রাচীন দর্শন  
নুহে, তাহার কারণ ষোড়শ পদার্থ অতীব জটিল । তদ্বিজ্ঞানার্হগণের প্রথম অবস্থায় অত জটিল  
বিষয়ের উদ্ভব হওয়া অসম্ভব, সুতরাং ন্যায়শাস্ত্রের প্রাচীনত্ব বিষয়ে নগেন্দ্র বাবুর উক্ত মত ঠিক  
নহে । তাঁহার মতে সবুল সাংখ্যজ্ঞানই দর্শনশাস্ত্রের প্রথম । মহাভারতাদি প্রাচীন গ্রন্থে যে  
সাংখ্যজ্ঞানের কথা পাওয়া যায়, তদনুসারে কোন প্রাচীন সাংখ্যগ্রন্থের বর্তমানতা এখনও জানা  
যায় নাই । বর্তমান সাংখ্যগ্রন্থ বাচস্পতিমিশ্রের গ্রন্থ রচিত হইবার পর তাহা হইতেই সংগৃহীত  
হইয়াছে বলিয়া তাঁহার বিশ্বাস ।

বিভিন্ন দর্শনের পৌরীপর্ষ্য, তত্ত্বশাস্ত্রের জটিলতা ও সরলতা বিচার করিয়াই গণনা করা উচিত। নগেন্দ্র বাবু হেমচন্দ্রের যে বচনের সাহায্যে চাণক্য ও বাৎশায়নকে এক বলিয়া প্রমাণ করিয়াছেন, বিদ্বৎসমাজে ঐ বচনের আদর নাই। নন্দবংশ-ধ্বংসকারী চাণক্য নীতি-শাস্ত্রবিৎ ছিলেন, তাঁহার নৈয়ায়িকতার প্রমাণ বা প্রবাদ কিছুই নাই। বাৎশায়ন গোত্রনাম, ব্যক্তি নাম বলিয়া মনে হয় না।

দিণ্ডাগের সময় খৃঃ ৬ষ্ঠ শতাব্দীই ঠিক কারণ ধর্মরুচি ও দিণ্ডাগ সমকালবর্তী। ধর্মরুচির অনুরোধে দিণ্ডাগ “প্রজ্ঞামূলশাস্ত্রসূত্র” রচনা করেন এবং ঐ গ্রন্থ ধর্মরুচি চীনদেশে খৃষ্টীয় ৬ষ্ঠ শতাব্দীতে পাঠাইয়া দিয়া তদেশীয় ভাষায় অনুবাদ করান। এতদ্ভিন্ন লা থথোরি নামে খৃষ্টীয় ৬ষ্ঠ শতাব্দীতে তিব্বতে এক রাজা ছিলেন। শাস্ত্রে আছে, ইহারই সময়ে দিণ্ডাগ দাক্ষিণাত্যে কাঞ্চীনগরে সিংহবল্লু গ্রামে জন্ম গ্রহণ করেন এবং উত্তরকালে নাগদত্তের সম্প্রদায়ভুক্ত হন। এই নাগদত্তও খৃঃ ৬ষ্ঠ শতাব্দীর লোক।

নগেন্দ্র বাবু যে তারানাথের উল্লেখ করিয়াছেন। উহা সম্ভবতঃ তারানাথ নহে,—তারনাথ। তারনাথের গ্রন্থেই দিণ্ডাগের পূর্বোক্ত জন্ম কথা আছে।

পাশ্চাত্য পণ্ডিতাদির অনেকেই এখন কালিদাসকে ৬ষ্ঠ শতাব্দীর লোক বলেন। যদিও এমতে বক্তার ততটা আস্থা নাই, তথাপি এমত যখন এমনও উৎখাত হয় নাই, তখন তন্মতবাদি-গণের অনুরোধে চলিতে পারি। কালিদাস ও দিণ্ডাগ সমকালবর্তী, তাঁহার মেঘদূতে দিণ্ডাগের উল্লেখ করিয়া গিয়াছেন এবং মল্লিনাথ টীকায় দিণ্ডাগ তৎসমকালিক পণ্ডিত বলিয়া প্রচার করিয়া গিয়াছেন। এতদ্ভিন্ন দিণ্ডাগ উড়িষ্যায় গিয়া তর্কপুঙ্গব উপাধি প্রাপ্ত হন। তাঁহার উড়িষ্যাগমনের যে বিবরণ আছে, তদ্বারাও তাঁহাকে খৃঃ ৬ষ্ঠ শতাব্দীর লোক বলিয়াই স্থির করিতে হয়। উদ্যোতকরাচার্য্য ৭ম শতাব্দীর লোক ইহা একবারে স্থির হইয়াছে। আর বাসবদত্তাকার সুবন্ধু খৃষ্টীয় ৫ম শতাব্দীর লোক। উদ্যোতকরাচার্য্য দিণ্ডাগের মত ধ্বংস করিয়াই ত্রায়বার্ত্তিক লেখেন, এজন্য দিণ্ডাগ সুবন্ধু ও উদ্যোতকরাচার্য্যের মধ্যবর্তী অর্থাৎ ৬ষ্ঠ শতাব্দীবর্তী।

ধর্মকীর্ত্তির সময় নির্দেশ বিষয়েও নগেন্দ্র বাবুর সহিত তাঁহার মতভেদ। তিব্বতরাজ শ্রনশন গলে ৬২৩ খৃষ্টাব্দে বর্ত্তমান ছিলেন। ইহার সময়ে ধর্মকীর্ত্তি তিব্বতে ছিলেন, সুতরাং তিনি খৃঃ ৭ম শতাব্দীর লোক।

শঙ্করাচার্য্য সম্বন্ধে নূতন আর তর্ক কেন? উহাত ঠিকই হইয়া গিয়াছে যে, তিনি ৮৮৭ খৃষ্টাব্দে বর্ত্তমান ছিলেন।

ভবভূতি কুমারিল্ল ভট্টের শিষ্য বলিয়া খ্যাত। ভবভূতি ৮ম শতাব্দীর লোক। অকলঙ্ক-দেব, প্রভাচন্দ্র সূরি ও সমস্তভদ্রও ঐরূপে ৭ম-৮ম শতাব্দীর লোকই বটেন।

শ্রীযুক্ত হরিদেব শাস্ত্রী বলিলেন, সতীশবাবু নগেন্দ্র বাবুর কথায় দুঃখ প্রকাশ করিয়াছেন। তাঁহার বিবেচনায়, ইহাতে দুঃখের কিছুই নাই, কারণ নগেন্দ্র বাবু উহা সমালোচনার স্বরূপই



বলিয়াছেন। প্রবন্ধ বিষয়ে বক্তব্য এই যে, নগেন্দ্র বাবুর প্রবন্ধে অনেক নূতন নৈয়ায়িক ও গ্রন্থ গ্রন্থের নাম এবং তাহাদের হেতু জানা গেল। ইংরাজ অধ্যাপকেরা এতটা সংবাদ রাখেন কিনা সন্দেহ। এদেশীয় অধ্যাপকেরা নব্য গ্রন্থেরই আলোচনা বেশী করেন, প্রাচীন ন্যায়ের এই গ্রন্থ রাশির পরিচয় দূরে থাক, নামও বোধ হয় জানেন না। নব্য ন্যায় ইংরাজ অধ্যাপকদিগের প্রিয় নহে। ইংরাজ পণ্ডিতগণের মধ্যে কেহই প্রাচ্যদর্শনের আলোচনায় এ পর্য্যন্ত নব্য ন্যায় সম্বন্ধে কিছু লেখেন নাই। নগেন্দ্র বাবু নব্য ন্যায় সম্বন্ধে আজকার মত অনুসন্ধান ও গবেষণা করিয়া যে প্রবন্ধ লিখিবেন তাহাতেই বোধ হয় আমাদের কৌতূহল মিটিবে। ন্যায় শব্দে শাস্ত্রে যখন ন্যায় ও মীমাংসা উভয় অর্থই পাওয়া যায় এবং সতীশ বাবু যখন সে সম্বন্ধে কিছু বলিয়াছেন, তখন আগামী বারে নব্য ন্যায় প্রবন্ধে ন্যায় শব্দের প্রাচীন ও বর্তমান অর্থের উৎপত্তির এবং তৎশাস্ত্রের পারিভাষিক শব্দের প্রাচীন ও বর্তমান অর্থের বিষয় আলোচনা করিলে ভাল হয়।

শ্রীযুক্ত বিহারীলাল সরকার বলিলেন, স্বয়ং রঘুনাথ শিরোমণি যে শাস্ত্রের পাত্র পান নাই, সে শাস্ত্রের আলোচনায় তিনি বাদানুবাদ করিতে চাহেন না। বক্তা প্রবন্ধপাঠককে অজস্র আন্তরিক ধন্যবাদ দিয়া বলিলেন, যে বিজ্ঞাপনে বুঝিয়াছিলাম ন্যায়শাস্ত্রের (প্রাচীন ও নব্য ন্যায়ের) দার্শনিক তত্ত্বের ক্রম-বিকাশ লইয়াই আলোচনা হইবে, কিন্তু প্রবন্ধলেখক কোন গ্রন্থ এবং গ্রন্থকার কবে কাহার পূর্বে জন্মিয়াছিলেন, এই তর্ক লইয়াই সমস্ত প্রবন্ধটা লিখিয়া ছেন, তাহার যুক্তিযুক্ততা সম্বন্ধে তিনি কিছু বলিতে পারেন না, তবে ন্যায়গ্রন্থ ও নৈয়ায়িক গ্রন্থকর্তার সময় নিরূপণই যে ন্যায়শাস্ত্রের ইতিহাস নহে ইহাই তাঁহার বিশ্বাস। কৰ্মবাদ, ভক্তিবাদ ও জ্ঞানবাদের সমন্বয় করিবার জন্যই ন্যায়শাস্ত্রের জন্ম। নগেন্দ্র বাবু এ সম্বন্ধে আলোচনা করেন নাই। নগেন্দ্র বাবু বলিলেন ন্যায়শাস্ত্রের প্রবর্তকের নাম গৌতম। পুরাণে পাওয়া যায় বৃহস্পতির অভিশাপে গৌতম অন্ধ হইয়া দীর্ঘতমা বা দীর্ঘতপা নামে খ্যাত হন, পরে সুরভির বরে তাঁহার দৃষ্টিলাভ হইলে তিনি গৌতম নামে খ্যাত হন। এই গৌতম ও গৌতম এক কিনা?

তাঁহার ইচ্ছা এই যে ন্যায়শাস্ত্রের আবার আলোচনা হয়। নব্য ন্যায়ের জন্য ন্যায়শাস্ত্রের অধ্যাপনার জন্য বাঙ্গালা চিরবিখ্যাত। ন্যায় লইয়া আমরা চিরদিন গৌরব করি। সে গৌরবের বিষয়ের যত আলোচনা হয় ততই ভাল। দ্বারভাঙ্গা রাজগণের পূর্বপুরুষ মহেশ ঠাকুর আকবরের সভায় ন্যায়শাস্ত্রের আলোচনায় জয়ী হওয়াতেই পুরস্কার স্বরূপ যে ভূসম্পত্তি পান, তাহাই উৎসাহীগণের বহু বিস্তৃত রাজ্যের বীজস্বরূপ।

শ্রীযুক্ত সতীশচন্দ্র বিদ্যাভূষণ মহাশয় পুনরায় বলিলেন, গৌতম ও গৌতমে প্রভেদ নাই।

শ্রীযুক্ত হর্গানারায়ণ কবিরাজ মহাশয় বলিলেন, আয়ুর্বেদেও পদার্থতত্ত্বের দার্শনিক ভাবে আলোচনা আছে। নাগার্জুনদ্বারা স্মৃশ্রুত ২৪ বার সংস্কৃত হয়, তাহাতে ত্রিবিধ প্রমাণ ও ৩২টি তত্ত্ব অবলম্বন করিয়াই পদার্থ বিচার করা হইয়াছে। নাগার্জুন ঈশ্বরবাদী নহেন, প্রায় সাংখ্য মতেই সহিত একমত। চরক ষটপদার্থবাদী, অর্থাৎ পদার্থ স্বীকার করেন।



নাই। চরকেও ৩২ তত্ত্বের কথা আছে। অতএব বুঝা যাইতেছে যে এই দুই প্রাচীনতম আয়ুর্বেদীয় গ্রন্থে যখন ন্যায়ের পদার্থ তত্ত্বের অনুসরণ দেখা যায় না, তখন ন্যায়কে আমরা বেশী প্রাচীন বলিতে পারি না, অন্ততঃ আয়ুর্বেদীয় শাস্ত্রের সাহায্যে তাহা বলা যাইতে পারে না।

পণ্ডিত শ্রীজয়চন্দ্র সিদ্ধান্তভূষণ বলিলেন, নগেন্দ্র বাবু প্রাচীন নৈয়ায়িকগণের কালনির্ণয় করিবার জন্য যেরূপ পরিশ্রম করিয়া যে সকল সিদ্ধান্তে উপনীত হইয়াছেন, তাহার জন্য আমরা সহস্র সাধুবাদ দিতেছি এবং চির আশীর্বাদকি আমরা অন্তরের সহিত আশীর্বাদ করিতেছি। তিনি এ প্রসঙ্গে যে সকল কথার অবতারণা করিয়াছেন, তাহা আমরা কখন শুনি নাই, স্বপ্নেও ভাবি নাই। প্রাচীন ন্যায় বিস্তার সম্বন্ধে নগেন্দ্র বাবু যাহা বলিয়াছেন অর্থাৎ অমুক দর্শনের পর অমুক দর্শনের উৎপত্তি, ঐরূপ পৌর্কপর্ষ্য যেন দর্শনশাস্ত্রের ঠিক ভিত্তি নহে। মহর্ষিরা লোকহিতার্থ যাবদীয় দর্শন রচনা করিয়া গিয়াছেন। ন্যায়ের লক্ষ্য পদার্থতত্ত্ব নিরূপণ করিয়া আত্মতত্ত্ব লাভের পর শ্রেয় লাভ। পদার্থ অনন্ত তাহাকে বুদ্ধিগম্য করিবার জন্য সাংখ্যে প্রধানতঃ ২৪টি পদার্থ বিভক্ত করিলেন, ক্রমে তাহাকে কমাইয়া গৌতম ১৬টি করিলেন, কণাদ তাহাও কমাইয়া ৬টি করিলেন, শেষে বেদব্যাস একমাত্র সংপদার্থের স্বীকার করিয়া সমস্ত মীমাংসা করিলেন। পদার্থতত্ত্ব নিরূপিত হইলে আমি কি নির্ণীত হইবে, এই আমি নির্ণয় শাস্ত্রাবতারের লক্ষ্য ছিল। নব্য ন্যায়ের উৎপত্তির মূলে যেমন জিগীষা বা বাদী নিরস্ত করিবার ভাব বর্তমান দেখা যায়, বৌদ্ধ ও জৈন এবং তৎসাময়িক হিন্দু ন্যায়ের যাবদীয় গ্রন্থের উৎপত্তি ও বিস্তার হইয়াছিল বলিয়া বোধ হয় এবং নগেন্দ্র বাবুর উল্লিখিত গ্রন্থগুলির নামমালা শুনিলেই তাহা কতকটা বুঝা যায়। ঐরূপ বাদী নিরসন চেষ্টা বা জিগীষা প্রবল হওয়াতে ন্যায়শাস্ত্রের মূল লক্ষ্য প্রাচীন বৌদ্ধাদিযুগের গ্রন্থ এবং নব্য ন্যায়ের গ্রন্থের অধিকাংশে বহুদূরে চলিয়াছে। বাদী নিরসনের চেষ্টায় পদার্থনির্ণয়ের চেষ্টা অন্তর্হিত হইয়াছে। আজকাল ইংরাজী পদার্থবিদ্যা ও রাসায়নিক তত্ত্ব দ্বারা যে সকল পদার্থ নির্ণয় হইয়া থাকে, পূর্বে তাহা দর্শন শাস্ত্রের আলোচনা দ্বারাই হইত। তবে সে নিয়মে এখন আর উহার পঠন পাঠন হয় না।

ইহার পর বক্তা সংক্ষেপে ন্যায়ের পদার্থতত্ত্বের বিচারের অবতারণা করিতে সভা তাহাকে সে সম্বন্ধে স্বতন্ত্র প্রবন্ধ লিখিতে অনুরোধ করিলেন।

মহামহোপাধ্যায় শ্রীযুক্ত হরপ্রসাদ শাস্ত্রী মহাশয় বলিলেন, নগেন্দ্র বাবু যেরূপ চীন হইতে পেরু পর্য্যন্ত ঘুরিয়া তাহার প্রবন্ধে প্রমাণাদি সংগ্রহ করিয়াছেন, তাহার সমালোচনা ঐরূপ ভাবে শুনিয়াই তৎক্ষণাৎ করা যায় না। দর্শনের পৌর্কপর্ষ্য স্থির করা বড় কঠিন। এখন ষড়্দর্শন বলিলে আমরা যে ছয় দর্শন বুঝি, প্রাচীনকালে ষড়্দর্শন বলিলে তাহা বুঝাইত না। এখন সাংখ্য, ন্যায়, বৈশেষিক, যোগ ও পূর্কোত্তর মীমাংসা বুঝায়, আর সেকালে লৌকায়তিক, বৌদ্ধ, জৈন, শৈব, সাংখ্য ও মীমাংসা এই ছয়টি বুঝাইত, বিবেকবিলাস নামক গ্রন্থে ইহার প্রসঙ্গ আছে। বৌদ্ধ জন্মের পূর্বে ছয়টি দার্শনিক সম্প্রদায় ছিল, তাহাদের একটি দলের নাম আজীবক, কেহ কেহ বলেন শেষে ইহারাই ভাগবত নামে পরিচিত হয়, আর এক দলের

নাম পাণ্ডপত । এই পাণ্ডপত বা শৈব দর্শনের একসেট গ্রন্থ কাশ্মীরে বাহির হইয়াছে । নগেন্দ্র বাবু যেরূপ অনুসন্ধানে আজকার প্রবন্ধ প্রস্তুত করিয়াছেন, এরূপ অনুসন্ধানের গুরু ইংরাজ । ইংরাজ অনুসন্ধান করিয়া যে মত স্থির করে তাহা একবারে অভ্রান্ত বলিয়া লওয়া উচিত নহে, নিজের অনুসন্ধান তাহার সত্যতা পরীক্ষা করিয়া তবে লইতে হয়, ইংরাজেরা যে সকল প্রমাণ বলে কোন বিষয় মীমাংসা করেন তাহার উপর নিজের স্বাধীন অনুসন্ধান বলে কিছু বেশী প্রমাণ না দিলে সেই মত ঠিক বলিয়া সকলে গ্রহণ করিতে পারে না । যেমন চিরকাল জানা ছিল, বিক্রমাদিত্যের নবরত্ন উজ্জয়নীবাসী, কিন্তু এখন পুথুশাস্ত্র নামে এক গ্রন্থ হইতে জানা গিয়াছে, বরাহমিহির কান্যকুব্জবাসী ছিলেন ।

পণ্ডিত শ্রীযুক্ত প্রসন্নকুমার তর্কনিধি বলিলেন, নগেন্দ্র বাবু অশেষ প্রশংসার পাত্র, তাঁহার অনেক বিষয় বেশ বিশদ হইয়াছে । স্বার্থানুমান ও পরার্থানুমান দ্বারা ব্যাপ্তি নির্ণয় করাই ন্যায় শাস্ত্রের উদ্দেশ্য । সকল সন্দেহ নিরসনের জন্যই ন্যায়শাস্ত্রের সৃষ্টি ।

প্রবন্ধপাঠক নগেন্দ্র বাবু বলিলেন—সতীশ বাবুকে “অন্ধ” বলায় বাস্তবিকই তাঁহার বিদেষু বা কুভাব নাই ।\* শাহাহউক যখন সতীশ বাবু তজ্জন্য কষ্ট বোধ করিয়াছেন তখন তিনি তাঁহার নিকট ক্ষমা চাহিতেছেন । সতীশ বাবু ন্যায় ও ন্যায়বিৎ শব্দের উল্লেখ করিয়া এবং গ্রন্থ কর্তৃ-গণের সময়াদি সম্বন্ধে যে সকল প্রতিবাদ করিয়াছেন, তাঁহার পোষকতায় তিনি আর কোন নূতন প্রমাণ দেন নাই, তাঁহার প্রদত্ত ঐ সকল যুক্তির প্রতিবাদ বর্তমান প্রবন্ধে বিশেষ বিস্তৃত ভাবেই করিয়াছি এবং তদ্বারাই প্রতিপন্ন হইয়াছে, কালিদাস, দিগ্বাগ খৃষ্টীয় ৫ম শতাব্দীর বহু পূর্ববর্তী । বিদ্যাভূষণ মহাশয় যে সুবন্ধুকে ৫ম শতাব্দীর লোক বলিতেছেন, সেই সুবন্ধুই ধর্ম্মকীর্ত্তি ও উদ্যোতকর প্রভৃতির নাম উল্লেখ করিয়া গিয়াছেন ।† ন্যায়শাস্ত্র বলিতে যে এক সময়ে ধর্ম্মশাস্ত্র বুঝাইত, তাহার যথেষ্ট প্রাচীন প্রমাণ আছে । অবশেষে তিনি প্রসঙ্গক্রমে সংস্কৃত শাস্ত্রের পরিচয় স্থলে কপিল কৃত ন্যায়ভাষা নামক এক গ্রন্থের উল্লেখ করেন । এই স্থলে শ্রীযুক্ত বিহারী বাবু বলিলেন, হিন্দুশাস্ত্র সম্বন্ধে মুসলমান আলবীরুণির কথা সমীচীন প্রমাণ নহে । শ্রীযুক্ত হরপ্রসাদ শাস্ত্রী মহাশয় তদ্বত্তরে বলিলেন, যে তিনি এখনকার আদর্শের মুসলমান নহেন, তিনি ৮ শতবর্ষ পূর্বে বিদ্যমান ছিলেন এবং মামুদের সঙ্গে এদেশে আসিয়াছিলেন । সর্বশেষে সভাপতি মহাশয় বলিলেন, ন্যায়শাস্ত্রের আলোচনায় অবশ্যস্তাবী ফল যাহা তাহা ঠিক ফলিয়াছে । প্রবন্ধ পাঠিত হইল এক বিষয়ে, আর সভায় তর্কশ্রোত ছুটিল অন্য দিকে । অন্ধ শব্দের ব্যবহারে নগেন্দ্র বাবু বা সতীশ বাবু কাহারও কিছু মনে করিবার নাই, কারণ যে বিষয়ের উল্লেখ অন্ধ-

\* বিদ্যাভূষণ মহাশয় Bombay Branch of the Royal Asiatic Society (Vol. XIX pp. 305-347)-প্রকাশিত মহাদেব রাজারামের মতই ( নিজ মত বলিয়া ) অবিকল গ্রহণ করাতেই জতি ধ্বংসের এরূপ শব্দ প্রয়োগ করিতে বাধ্য হইয়াছি । সাং পং সং ।

† পণ্ডিত ন্যায়শাস্ত্রের প্রবন্ধ বিশ্বকোষের ‘ন্যায়’ শব্দে প্রকাশিত হইয়াছে, সে জন্ত পরিষৎ-পত্রিকায় প্রকাশিত হইল না ।

তার কথাটা উঠিয়াছে সে দিকটা বাস্তবিক অন্ধকারে ভরা। সেখানে সকলেই অন্ধ, বহুক্ষেপে সেখানে আলো ফুটাইতে হয়। আমাদের রাজপুরুষেরা যদি বৌদ্ধ ধর্মালোচনা না করিতেন, তাহা হইলে আমরা আজ তাহার কিছুই জানিতে পারিতাম না। বুদ্ধ বিষ্ণুর অবতার হইয়া গিয়াছেন। অবতারত্বের অন্ধকারে পড়িয়া বুদ্ধত্ব চির অন্ধকারে ডুবিয়া থাকিত। বৌদ্ধ বলিলে বুদ্ধের পরবর্তীকালের কথাই যে বুঝা যায় এমন নহে, বুদ্ধের পূর্বেও বৌদ্ধধর্মের কিছু না কিছু বীজ জন্মিয়াছিল, তাহা বুঝা যায়। অমুসন্ধান সন্দেহ না হইলে হয় না। ভক্তিতে সন্দেহ আসে না, স্মতরাং ভক্তি গেলে সন্দেহ হয়, তাহার পর কোন বিষয়ে আলোচনার প্রবৃত্তি হয়। আমাদের পণ্ডিতমণ্ডলীর ভক্তি সহজে টলে না, স্মতরাং তাহারা একরূপ ভাবে অমুসন্ধান করিতে প্রস্তুত হইতে পারেন না। নগেন্দ্র বাবুর আলোচনা গভীর গবেষণাপূর্ণ এবং বিদ্যাভূষণ মহাশয়ের কথাতেও সত্য থাকিতে পারে। এস্থলে হঠাৎ সত্য নির্ণয় করিয়া দেওয়া যাইতে পারে না, তাহা-নিজের আলোচনা সাপেক্ষ। কোন পক্ষের মীমাংসা সহসা গ্রহণ করা উচিত নহে। একরূপ বিষয়ের আলোচনায় একদিনে একজন দ্বারা সত্য আবিষ্কৃত হওয়ার আশা করিতে পারা যায় না। এই অমুসন্ধানস্পৃহাই শুভ লক্ষণ। আমাদেরও আহ্লাদের বিষয় যে এখন স্বাধীনভাবে আমাদের আলোচনা প্রবৃত্তি বাড়িতেছে। নিজে দেখিয়া শুনিয়া কোন কার্য করিলে সত্য সহজে নিষ্কাশিত হয়। অবশেষে প্রবন্ধলেখকের পরিশ্রম, সূক্ষ্ম বিচারশক্তি এবং ধীরভাবে সূপ্রণালীতে মীমাংসা করিবার ক্ষমতা বিশেষ প্রশংসার্য।

গ্রন্থরক্ষক মহাশয়ের প্রস্তাবে যে সকল সভ্য মহাশয় পরিষদের গ্রন্থালয়ে গ্রন্থ উপহার দিয়াছেন, তাহাদিগকে ধন্যবাদ দেওয়া হইল।

অতঃপর সহকারী সভাপতি মহাশয় সভাপতি মহাশয়কে ধন্যবাদ দিয়া রাত্রি ৮।০ টার সভাভঙ্গ হইল।

শ্রীহীরেন্দ্রনাথ দত্ত,

সম্পাদক।

শ্রীদ্বিজেন্দ্রনাথ ঠাকুর,

সভাপতি।

১৩০৬ সাল ৪ঠা বৈশাখ।

## পরিশিষ্ট ।

নিম্নোক্ত তালিকা পূর্বে মাসিক কার্য বিবরণে মুদ্রিত হইয়াছিল। গ্রন্থ রক্ষক শ্রীপ্রতুলচন্দ্র বসু মহাশয়ের অন্তিমস্থিতি হেতু তালিকা ভ্রমশূন্য হয় নাই। সেইজন্য নিভুল করিয়া পুনরায় মুদ্রিত হইল।

১৩০৪ সাল। চতুর্থ মাসিক অধিবেশনের কার্যবিবরণ।

ভ্রম—শ্রীযুক্ত রামেন্দ্রসুন্দর ত্রিবেদী—প্রাকৃতি বিজ্ঞানের স্কলমর্শ্ব।

শুক—শ্রীযুক্ত ক্ষিতীন্দ্রনাথ ঠাকুর—প্রাকৃতিক বিজ্ঞানের স্কলমর্শ্ব।

পঞ্চম মাসিক অধিবেশনের কার্যবিবরণ।

শ্রীযুক্ত মবীনচন্দ্র সেন বি এ—১২ঃ প্রবাসের পত্র।

একাদশ মাসিক অধিবেশন। ৫ই বৈশাখ ১৩০৫ সাল।

১। শ্রীরজনীকান্ত গুপ্ত, (ক) ভীষ্মচরিত, (খ) ভারতকাহিনী, (গ) প্রতিভা, (ঙ) সিপাই যুদ্ধের ইতিহাস ৪র্থ ভাগ।

২। গিরীন্দ্রনাথ বন্দ্যোপাধ্যায় (ক) বাঙ্গালাভাষা ও বাঙ্গালা সাহিত্যবিষয়ক প্রস্তাব।

৩। শ্রীবিশ্বেশ্বর চক্রবর্তী (ক) উপাসক।

৪। চুনীলাল বসু এম, বি, এফ, সি, এস, (ক) ফলিত রসায়ন, (খ) রসায়নসূত্র, ১ম ও ২য় ভাগ।

৫। শ্রীচৈতন্য নামসমাজ (ক) Life of Srichaitanya.

৬। শ্রীকবি হেমচন্দ্র বন্দ্যোপাধ্যায় (ক) হেমচন্দ্রগ্রন্থাবলী।

৭। শ্রীপ্রতুলচন্দ্র বসু (গ্রন্থ রক্ষক) (ক) ঋণ পরিশোধ।

১৩০৫ সাল। প্রথম মাসিক অধিবেশন। ২৬শে বৈশাখ।

১। শ্রীজগবন্ধু মোদক (ক) বাঙ্গালা ব্যাকরণ, (খ) সরল পাঠ ১ম, ২য়, ৩য় ভাগ। (গ) ব্যাকরণ প্রবেশিকা।

২। শ্রীহীরেন্দ্র নাথ দত্ত, (ক) Essays on Indian affairs. (খ) Report of the 12th Indian National Congress 1896. (গ) অঞ্জলী (ঘ) Illumination of flowery life.

৩। শ্রীমতিলাল ঘোষ (ক) শ্রীঅর্ধৈতপ্রকাশ (খ) অনুরাগবল্লী (গ) পদকল্পতরু ১ম, ২য়, ৩য়।

৪। শ্রীত্রৈলোক্যমোহন রায় চৌধুরী (ক) সঙ্গীতামৃতলহরী।

৫। শ্রীরাজা বিনয়কৃষ্ণ দেব বাহাদুর (ক) Twelfth annual report of the Countess of Dufferin's fund, Bengal Branch.

৬। পরিষৎ কর্তৃক ক্রীত (ক) প্রভাসখণ্ড, (খ) গোবিন্দমঙ্গল, (গ) দাশরথী রায়ের পাঁচালী,

(খ) বিক্রমাদিত্যের বত্রিশ পুস্তিকা সিংহাসন সংগ্রহ, (ঙ) Collection of Bengali Petitions ইং ১৮৬৯।

১৩০৫ সাল। তৃতীয় মাসিক অধিবেশন। ২০শে আষাঢ়।

- ১। শ্রীহীরেন্দ্রনাথ দত্ত (ক) প্রেমাক্ষ।
- ২। শ্রীনকুলেশ্বর বিদ্যাভূষণ (ক) ভাষাবোধ বাঙ্গালা ব্যাকরণ।

১৩০৫ সাল। চতুর্থ অধিবেশন। ৩০শে শ্রাবণ।

১। শ্রীরাজা বিনয়কৃষ্ণ দেব বাহাদুর (ক) Thirteenth annual report of the Countess of Dufferin's fund 1897. (খ) The annual report of the Indian Association 1892-93 & 1896-96 (গ) বাঙ্গালী বৈশ্য।

- ২। শ্রীযতীন্দ্রমোহন সাত্তাল (ক) 'The Tilak trial.
- ৩। শরচ্চন্দ্র শাস্ত্রী (ক) দুর্গামঙ্গল।

১৩০৫ সাল। পঞ্চম মাসিক অধিবেশন। ২৭শে ভাদ্র।

- ১। শ্রীপ্রবোধচন্দ্র সরকার (ক) শালফুল।
- ২। শ্রীকামাখ্যাচরণ বন্দ্যোপাধ্যায় (ঢাকা) (ক) জ্ঞানীশিক্ষা।
- ৩। শ্রীহরিশচন্দ্র নিয়োগী (ক) বিনোদমালা।
- ৪। শ্রীহীরেন্দ্রনাথ দত্ত (ক) সুরসঙ্গীত।
- ৫। শ্রীকিরণচন্দ্র দত্ত (ক) আলিবাবা, (খ) কথোপকথনরহস্য, (গ) প্রেমরহস্য, (ঘ) চিন্তারহস্য।

৬। শ্রীমহেন্দ্রনাথ বিদ্যানিধি—(ক) সচিত্র সমাজরহস্য (খ) সোহাগোচ্ছাস বা আদর্শ দম্পতী, (গ) আফ্রিককৃত্যম্, (ঘ) অমিয়পদাবলী, (ঙ) সংকস্মানুষ্ঠানশিক্ষাপদ্ধতি, (চ) সাকার ও নিরাকারতত্ত্ববিচার, (ছ) The report of the Calcutta orphanage.

৭। শ্রীরাজা বিনয়কৃষ্ণ দেব বাহাদুর (ক) Speeches by hon'ble Surendra Nath Banerjee 1880-84. (খ) 1891-94 Vol. IV.

১৩০৫ সাল। ষষ্ঠ মাসিক অধিবেশন। ২৪শে আশ্বিন।

- ১। শ্রীনকুলেশ্বর বিদ্যাভূষণ (ক) সংস্কৃত প্রবেশ (খ) সন্ন্যাস।
- ২। শ্রীযতীন্দ্রমোহন সিংহ বি এ (ক) সাকার ও নিরাকারতত্ত্ববিচার।
- ৩। পরিষৎ কর্তৃক ক্রীত (ক) ভারতবর্ষীয় উপাসক সম্প্রদায় ১ম ও ২য় ভাগ, (খ) সাহিত্য-চিন্তা, (গ) ঐতিহাসিক রহস্য ২য় ও ৩য় ভাগ, (ঘ) A note on the ancient geography of Asia.

৪। শ্রীরাজা বিনয়কৃষ্ণ দেব (ক) A criticism on Sir Alexander Mackenzie's



Speech, (খ) A note on Sir Alexander Mackenzie's Speech. (গ) An Analysis of plague cases in Calcutta.

৫। শ্রীমহেন্দ্রনাথ বিদ্যানিধি (ক) সাবিদী, (খ) তত্ত্বকুম্ভ, (গ) চিকিৎসা ১ম খণ্ড, (ঘ) নির্বাণপদাবলী, (ঙ) ৬রামচন্দ্রদত্তের বক্তৃতা ( গ্রন্থাকারে প্রকাশিত ) শ্রীশ্রীরামকৃষ্ণ দেব কথিত "বর্ণাশ্রম" "আত্মা বিষয়ে" "সাধনের অধিকারী বিষয়ে" "সাধনের স্থাননির্গণ্যবিষয়ে" "ঈশ্বর-সাধনবিষয়ে" "পূর্ববিক ও বৈরাগ্যবিষয়ে" "জ্ঞান ও ভক্তিবিসয়ে" "ব্রহ্মশক্তিবিষয়ে" "পর-কাল বিষয়ে" "শ্রীশ্রীরামকৃষ্ণতত্ত্ব" আর "সাকার ও নিরাকার সম্বন্ধে" শ্রীশ্রীরামকৃষ্ণের উপদেশ এই ১১ খানি গ্রন্থ, (চ) গীতামৃতমাংগর।

৬। শ্রীনকুলেশ্বর দেব শর্মা (ক) মীমাংসাতত্ত্ব ১ম ভাগ।

### সপ্তম্ মাসিক অধিবেশন।

শ্রীযুক্ত রাজা বিনয়কৃষ্ণ দেব বাহাদুর The united world or a glimpse of Paradise.

২। শ্রীরাজেন্দ্রচন্দ্র শাস্ত্রী ( ক ) শ্রীমদ্ভাগবতম্ ( ১০৮ হইতে ১১৩ সংখ্যা ) ৬ খানি। ( খ ) সংস্কৃত চন্দ্রিকা মাসিক পত্রিকা ৪ দফা।

৩। শ্রীশরচ্চন্দ্র সরকার ( ১ ) ফরিদপুর সুফুদ সভার কার্যাবিবরণ ১ম হইতে ১০ বৎসর। (২) যশোহর খুলনা সম্মিলনী সভার ১১শ বার্ষিক বিবরণী। (৩) বর্তমান নেপাল রাজ্যের ইতিবৃত্ত। (৪) মার্টিন লুথারের জীবনচরিত। (৫) ডেভিড হেয়ারের জীবনী। (৬) হেনরি উইলিয়ামস্ জীবনচরিত। (৭) দৈবরত্নম্। (৮) প্রকৃতিতত্ত্ব। (৯) ব্রহ্মসংগীত। (১০) শ্রীচৈতন্যমঙ্গল গ্রন্থ ( আদি মধ্য অন্ত )। (১১) বেণীসংহার নাটকম্। (১২) বিশ্বচিকিৎসক। (১৩) শ্রীদারুব্রহ্ম। (১৪) প্রবোধচন্দ্রোদয় নাটক। (১৫) সাহিত্যকল্পদ্রুম ২য় বর্ষ ( মাসিক পত্র )। (১৬) আয়ুর্কৌদ দর্পণ। (১৭) অপথ্যালমিক সার্জারি ( অক্ষিতত্ত্ব )। (১৮) যোযায়া নাটকম্। (১৯) তত্ত্ববিদ্য। (২০) পরিমিত্তি ( ক্ষেত্রব্যবহার )। (২১) লুপ্ত আর্ষ্যপুরাণ ( সৃষ্টি বিবরণখণ্ড )। (২২) সহচরী ( মাসিকপত্র )। (২৩) চন্দ্রবংশম্। (২৪) ধর্মব্যাখ্যা ১ম খণ্ড। (২৫) স্তবাবলী। (২৬) বিধান ভারত ( দ্বিতীয়োল্লাস )। (২৭) সটীক শান্তিশতকম্। (২৮) নীতিমালা ১ম ভাগ। (২৯) চিকিৎসক ১ম খণ্ড, ২০ম সংখ্যা ( মাসিকপত্র )। (৩০) শিক্ষা। (৩১) চিকিৎসাকল্পতরু ১ম ভাগ। (৩২) রামচন্দ্র দাসের জীবনচরিত। (৩৩) আর্ষ্য-শাস্ত্রের মুক্তদ্বার। (৩৪) ভৈষজ্যনাড়ীবিজ্ঞানচন্দ্রিকা। (৩৫) প্রমেয় রত্নাবলী। (৩৬) সূর্যামণ্ডল। (৩৭) সুবোধিনী ১ম বর্ষ ( মাসিকপত্র )। (৩৮) ভারতীয় প্রবাসী। (৩৯) আলালের ঘরে ছালা ( উপন্যাস ) প্রকাশাকারে। (৪০) সরল জ্বরচিকিৎসা ( ৩য় ভাগ )। (৪১) দাশরথি। (৪২) রত্নাগর্ভা ( দৃশ্যকাব্য )। (৪৩) রাবণবধ কাব্য ১ম খণ্ড। (৪৪) হিন্দুজাতি। (৪৫) শ্রীমদ্ভাগবত। (৪৬) শ্রীকৃষ্ণমহাশয়প্রকাশিকা। (৪৭) ভক্তিরসামৃতসিন্ধু (দক্ষিণ বিভাগঃ)। (৪৮) ব্যবস্থাসর্বস্ব। (৪৯) Bengali Course, Entrance Examination, 1890. (৫০)

স্বীকারোপাসনা ও ব্রহ্মজ্ঞান । (৫১) ধ্বন্তরী ১ম উপদেশ । (৫২) সামুদ্রিকম্ । (৫৩) ব্রহ্মাণ্ড  
দর্শন । (৫৪) বাধবসাধনম্ ( দৃষ্টকাব্য ) । (৫৫) দৈনিক প্রার্থনা । (৫৬) হস্তামলকম্ ।  
(৫৭) ক্রব ও প্রহ্লাদ । (৫৮) যোগ ও দর্শনশাস্ত্র । (৫৯) সাগর-শোকোচ্ছ্বাস (ঈশ্বরচন্দ্র  
বিজ্ঞানসাগরের সূত্রান্তে) । (৬০) মায়াজাল মোহিনীমন্ত্র । (৬১) সারকৌমুদী ( বৈদ্যশাস্ত্র ) ।  
(৬২) ছন্দোমঞ্জরী । (৬৩) মেঘদূতম্ ( মূল ও অমুবাদ ) । (৬৪) ইন্দ্রজাল ও ভোজরহস্য ।  
(৬৫) জ্যোতিষ । (৬৬) সয়ল চিকিৎসা । (৬৭) ব্যায়াম । (৬৮) সিদ্ধতন্ত্রমন্ত্র । (৬৯) আদর্শ  
কৃষক । (৭০) যোগতত্ত্ব । (৭১) বেদান্তসার । (৭২) আৰ্য্যজীবন ১ম খণ্ড । (৭৩) বিজ্ঞান-  
দর্পণ ( মাসিকপত্র ) ৩য় ভাগ, ১ম সংখ্যা । (৭৪) পঞ্চমৃত । (৭৫) বাল্যজীবন । (৭৬)  
বীণার ভারতী । (৭৭) গীতাঙ্কুর । (৭৮) চিন্তালহরী ১ম ভাগ । (৭৯) Speeches on  
Technical Education. (৮০) সংসারকোষ ( বন্ধনপ্রণালী ) । (৮১) ব্রাহ্মধর্ম ( তাৎপর্য্য  
সহিত ) ১ম ও ২য় খণ্ড । (৮২) শাস্ত্রার্থ সঙ্কলন ( ২৫ খণ্ড ) । (৮৩) মোক্তার সূহদ । (৮৪)  
কামরত্নম্ । (৮৫) মনুসংহিতা ( মনুরহস্য ) । (৮৬) ইন্দ্রজালকল্পতরু । (৮৭) The Essay  
on Meghanada Badha. (৮৮) জমীদারী, মহাজনী, বাজারহিসাব ( সারসংগ্রহ ) । (৮৯)  
রামবিলাপম্ । (৯০) ভোজবিদ্যা ( ইংরাজী ম্যাজিক ) । (৯১) একমেবাদ্বিতীয়ম্ ।  
(৯২) শাণ্ডিল্যসূত্রম্ । (৯৩) শ্রীমদ্ভগবদ্গীতা । (৯৪) শুক্রনীতিঃ । (৯৫) শ্রীশ্রীচৈতন্যভাগবত ।  
(৯৬) A hand-book of Medicine. (৯৭) চিকিৎসাদর্পণ (৯৮) কালীকৈবল্যদায়িনী ৯৯)  
ব্রহ্মবৈবর্তপুরাণ ( ব্রহ্মখণ্ড ) (১০০) ঐতিহাসিক পাঠ (১০১) হর্ষচরিতের বাঙ্গালা ও ইংরাজী  
অমুবাদ । (১০২) নাড়ীপ্রকাশম্ । (১০৩) মহাত্মারত ( বটতলা সংস্করণ ) ।

৪ । Sovabazar Benevolent Society, 14th Annual Report of the Same.

১৩০৫ সাল । অষ্টম মাসিক অধিবেশন । ২৪শে পৌষ ।

- ১ । শ্রীরাজনারায়ণ মুখোপাধ্যায় জমীদার, উত্তরপাড়া (ক) First French Lessons.
- ২ । শ্রীগোবিন্দানন্দ পারিভ্রাজক (ক) সিদ্ধান্তদর্শন ।
- ৩ । শ্রীরমেশনাথ বসু পরিষৎপত্রিকা সম্পাদক (ক) ব্যবহারিক ভূগোল (খ) ভূগোল (গ)  
বাঙ্গালার সংক্ষিপ্ত ইতিহাস (ঘ) History of Bengal. (ঙ) Outlines of the History  
of Bengal ১৮৯৮ খৃষ্টাব্দ পর্য্যন্ত (চ) ভারতবর্ষের ইতিহাস (ছ) Essay on History of  
India. (জ) ভারতনীতি ২য় ভাগ (ঝ) পাণ্ডবচরিত (ঞ) মহাশোক (ট) ভিক্টোরিয়া  
চরিত (ঠ) নামঞ্জরী (ড) সৌভ্রাত (ঢ) সম্ভর্ষহার (ণ) চারুপ্রবন্ধ (ত) রামবনবাস উপন্যাস  
(থ) সংসারপরিচয় ২য় ভাগ পদ্য (দ) কবিতাকলাপ (ধ) চারুপ্রবন্ধ (ন) সাহিত্যকুসুম  
(প) কবিতা ২য় ভাগ (ফ) ভূগোল ।

৪ । পরিষৎ কর্তৃক ক্রীত (১) রাজা রামমোহন রায়ের জীবনচরিত (২) কেশবচরিত  
(৩) মাইকেল মধুসূদন দত্তের জীবন চরিত ৬শ্রীরাম বঙ্কিমচন্দ্র চট্টোপাধ্যায় বাহাদুর প্রণীত

(৪) লোক রহস্য (৫) গল্প পত্র (৬) দেবীচৌধুরাণী (৭) কপালকুণ্ডলা (৮) আর্মিন্দমঠ (৯) ধর্ম-  
তত্ত্ব (১০) কমলাকান্ত (১১) রজনী (১২) ইন্দিরা (১৩) বিষবৃক্ষ (১৪) (ক) বিবিধ প্রবন্ধ (১৫)  
(খ) বিবিধ প্রবন্ধ (১৬) চন্দ্রশেখর (১৭) যুগলাক্ষুরীয় (১৮) রাধারাগী (১৯) সীতারাম (২০) রাজ-  
সিংহ (২১) মৃগালিনী (২২) কৃষ্ণচরিত (২৩) কৃষ্ণকান্তের উইল (২৪) সঞ্জীবনী সূধা ।

৫ । শ্রীললিতচন্দ্র মিত্র এম এ (ক) নলিনী গাথা ।

নবম মাসিক অধিবেশন । ১লা ফাল্গুন ।

- ১ । শ্রীগোবিন্দলাল মল্লিক (ক) India (Monthly Magazine 1895)।
- ২ । Municipal Bill agitation Committee started 1898. (ক) The pro-  
posed Municipal Laws by N. N. Ghose Esqr. Bar-at-law.
- ৩ । রাজা বিনয়কৃষ্ণ দেব বাহাদুর (ক) Origin of Caste.
- ৪ । শ্রীযোগেশচন্দ্র রায় (ক) সিদ্ধান্তদর্পণ ।
- ৫ । পরিষৎ কর্তৃক ক্রীত (ক) সেক্সপিয়র ১ম ভাগ (খ) History of England by  
Lord Macaulay Vol. III. (গ) ভারতসাম্রাজ্য (মানচিত্র) ।
- ৬ । শ্রীমহেন্দ্রনাথ বিদ্যানিধি (ক) আচার ।
- ৭ । শ্রীযতীন্দ্রনাথ দত্ত (ক) কুলবালিকা (খ) ভক্তিময়ী ।
- ৮ । শ্রীদীননাথ সেন (ক) মোহমুদার ৫ খানি ।
- ৯ । পরিষৎ পত্রিকার বিনিময়ে প্রাপ্ত (ক) সমর্থকোষ ২ দফা, প্রদাতা শ্রীঅনুপকৃষ্ণ মিত্র ।

১৩০৫ সাল । দশম মাসিক অধিবেশন । ৬ই চৈত্র ।

- ১ । পরিষৎ কর্তৃক ক্রীত (ক) English and Hindee Dictionary. (খ) Buddhist  
Text series. (১) করুণাপুণ্ডরীকম্ (২) স্তবর্ণ প্রভা (গ) Phonography in Bengali.  
(রেখাশকাভিজ্ঞান) (ঘ) Key to the phonography in Bengali short hand reporting.
- ২ । শ্রীযতীন্দ্রনাথ মজুমদার এম এ বি এল (ক) Religion of Love.
- ৩ । Municipal Bill agitation committee started 1898. (ক) A few  
-observation on the Calcutta Municipal Bill, by Manamatha Nath Dutta.
- ৪ । শ্রীরায় যতীন্দ্রনাথ চৌধুরী (ক) পাতঞ্জলদর্শন ।
- ৫ । শ্রীযশোদানন্দন প্রামাণিক (ক) কমলাকরণা বিলাসো নাম শুভাঙ্কঃ ।
- ৬ । শ্রীকিরণচন্দ্র দত্ত (ক) ৮কবিঠাকুর দাস দত্তের জীবনী (খ) হিন্দুধর্ম (গ) শ্রীমারী  
(ঘ) প্রমোদরজন ।
- ৭ । সাহিত্য পরিষৎ গ্রন্থাবলী—শ্রীবিজয়পণ্ডিত বিরচিত "মহাভারত" ।
- ৮ । শ্রীনকুলেশ্বর বিদ্যাভূষণ (ক) আকবর ।
- ৯ । শ্রীদুর্গানারায়ণ সেন (ক) অযোধ্যাকাণ্ড (কৃষ্ণিবাসের রামায়ণ) ১২৬০ সালে মুদ্রিত ।

১০। শ্রীপ্রমথনাথ মিত্র-(ক) রাজকুমার আলবার্টের জীবনী, জনরড্‌রেনী এফ, আর, এস; কর্তৃক বাঙ্গালীর অনুবাদিত।

১৩০৫। একাদশ মাসিক অধিবেশন। ৪ঠা বৈশাখ।

১। পরিষৎ কর্তৃক ক্রীত—(ক) Encyclopedia Britannica 25 VOLS. (মূল্য ৩০০) (খ) ফ্লোরেন্সনন্দিনী, (গ) জন্মভূমি ২য় ভাগ ১২৯৯ সাল।

২। শ্রীমনোমোহন রায় বি এ (ক) রিজিয়া।

৩। শ্রীপাঁচকড়ি ঘোষ (ক) প্রবাসের অক্ষুট স্মৃতি।

৪। শ্রীঅম্বিকাচরণ গুপ্ত (ক) কলগনী (খ) শাক্তোৎসব।

৫। শ্রীরজনীকান্ত গুপ্ত স্বপ্রণীত (ক) আর্থ্যকীর্তি (কানাড়ী ভাষায় অনুবাদ, মহীশূর শিক্ষণ সমাজের কর্মস্বাক্ষের অনুবাদ।)

৬। শ্রীদ্বিজেন্দ্রনাথ ঠাকুর (ক) রেখাক্ষরবর্ণমালা (Manuscript of Shorthand Phonography in Bengali.)

৭। শ্রীযুক্ত রাজা বিনয়কৃষ্ণ বাহাদুর (ক) National Magazine Vol. XII 1898. (খ) The Dawn, ইংরাজী মাসিক পত্র ইং ১৮৯৭।

৮। ১৩০৩ সালে পরিষৎ কর্তৃক সংগৃহীত (ক) শ্রীরামমোহনের রামায়ণের প্রতিলিপি ১ম ও ২য় অংশ, শ্রীরামেন্দ্রসুন্দর ত্রিবেদী সম্পাদিত (খ) কানীদাসী মহাভারতের প্রতিলিপি শ্রীপ্রফুল্লচন্দ্র বন্দ্যোপাধ্যায়, সম্পাদিত।

৯। শ্রীনগেন্দ্রনাথ বসু—১৫ খানি পুঁথি।

১০। শ্রীবিজয়কেশব মিত্র—মহাভারত সঞ্জয় কবীন্দ্র লিখিত নকলের তাং সাল ১২২৩ ২৮শে ফাল্গুন, ত্রিপুরা।

১১। শ্রীনবীনচন্দ্র সেন—গোবিন্দদাসের পদাবলী (পুঁথি)।







